

तैत्तिरीयसंहिता

प्रथमं काण्डम्

इषे त्वोर्जे त्वा वायवः स्थोपायवः स्थ देवो वः सविता प्रार्पयतु
श्रेष्ठतमाय कर्मण आ प्यायध्वमघ्निया देवभागमूर्जस्वतीः पर्यस्वतीः
प्रजावतीरनमीवा अयद्धमा मा वः स्तेन ईशत माघशंसो रुद्रस्य
हेतिः परि वो वृणक्तु ध्रुवा अस्मिन्गोपतौ स्यात ब्रह्मी र्यजमानस्य
पशून्पाहि ॥१॥

यज्ञस्य घोषदसि प्रत्युष्टं रक्षः प्रत्युष्टा अरातयः प्रेयमगाद्धिषणा
बर्हिरष्टु मनुना कृता स्वधया वितष्टा त आ वहन्ति कवयः
पुरस्ताद्देवेभ्यो जुष्टमिह बर्हिरासदे देवानां परिपूतमसि वर्षवृद्धमसि
देवबर्हिर्मा त्वान्वङ्गा तिर्यक्
पर्व ते राध्यासमाच्छेत्ता ते मा रिषं देवबर्हिः शतवल्शं वि रौह
सहस्रवल्शा ।१। वि वयं रुहेम पृथिव्याः सम्पृचः पाहि सुसम्भृता
त्वा संभराम्य दित्यै रास्त्रासीन्द्रायै सन्नहनं पूषा तै ग्रन्थिं ग्रथ्नातु स
ते मास्थादिन्द्रस्य त्वा बाहुभ्यामुद्यच्छे बृहस्पतैर्मूर्ध्ना
हराम्युर्वन्तरिक्षमन्विहि देवं गुममसि ॥२॥

शुन्धध्वं दैव्याय कर्मणे देवयज्यायै मातरिश्चनो घर्मोऽसि
द्यौरसि पृथिव्यसि विश्वधाया असि परमेण धाम्ना दृहस्व मा
ह्वा वसूनां पवित्रमसि शतधारं वसूनां पवित्रमसि सहस्रधारं हुतः
स्तोको हुतो द्रप्सोऽग्नयै बृहते नाकाय । स्वाहा द्यावापृथिवीभ्यां
सा विश्वायुः सा विश्वव्यचाः सा विश्वकर्मा सं
पृच्यध्वमृतावरीरूर्मिणीर्मधुमत्तमा मुन्द्रा धनस्य सातये सौमेन त्वा
तनुच्मीन्द्राय दधि विष्णो हव्यं रक्षस्व ॥३॥

कर्मणे वां देवेभ्यः शक्यं वेषाय त्वा प्रत्युष्टं रक्षः प्रत्युष्टा अरातयो
धूरसि धूर्व धूर्वन्तं धूर्व तं योऽस्मान्धूर्वति तं धूर्व यं वयं धूर्वाम् स्त्वं
देवानामसि सस्त्रितमं पप्रितमं जुष्टमं वह्नितमं देवहूतममहुतमसि

हवि॒र्धानं॑

दृ॒ह॒स्व॒ मा ह॑र्मा॒ मि॒त्रस्य॑ त्वा चक्षु॒षा प्रेक्षे॑ मा भेर्मा सं वि॒क्था मा त्वा॑
।१।

हि॒सिष॑ मुरु॒ वाता॑य दे॒वस्य॑ त्वा सवि॒तुः प्र॑स॒वैऽश्विनो॑र्बा॒हुभ्यां पू॑ष्णो
हस्ता॑भ्याम॒ग्नये॑ जुष्टं॑ निर्व॑पाम्य ग्री॒षोमा॑भ्या मि॒दं दे॒वाना॑ मि॒दं मु॑ नः
स॒ह

स्फा॒त्यै त्वा॒ नारा॑त्यै सुव॒र॒भि वि र॑व्येषं वैश्वान॒रं ज्योति॑र्दृ॒ह॒न्तां दुर्या॑
द्यावा॑पृथि॒व्यो र॒व॒न्तरि॑क्षमन्वि॒ह्य दि॒त्यास्त्वो॒पस्थे॑ साद॒याम्य॑ ग्रे
ह॒व्यं र॑क्षस्व ॥४॥

दे॒वो वः॑ सवि॒तोत्पु॑ना॒त्वछि॑द्रेण पु॒वित्रे॑ण वसोः॑ सूर्य॑स्य रु॒श्मिभि॑ रा॒पो
दे॒वीर॑ग्रेपुवो अ॒ग्रेगु॑वो ऽग्रं॑ इ॒मं यु॒ज्ञं न॑य॒ताग्रे॑ यु॒ज्ञप॑तिं धत्त
युष्मा॑निन्द्रो॒ऽवृणी॑त वृ॒त्रतू॑र्ये यू॒यमि॑न्द्रमवृणी॒द्वं वृ॒त्रतू॑र्ये
प्रोक्षि॑ताः स्था॒ऽग्नये॑ वो जुष्टं॑ प्रोक्षाम्य॒ग्रीषोमा॑भ्या॒
शु॒न्ध॒ध्वं दै॒व्याय॑ कर्म॒णे दे॒वय॑ज्या॒या
अ॒व॒धूत॑ र॒क्षोऽव॑धू॒ता अ॒रा॒तयो॑ऽदि॒त्यास्त्व॑ग॒सि॒ प्रति॑ त्वा ।१।

पृथि॒वी वै॒त्त्व धि॒षव॑णमसि वानस्प॒त्यं प्रति॑
त्वादि॒त्यास्त्व॑ग्वै॒त्त्व ग्रे॑स्त॒नूर॑सि वा॒चो वि॒सर्ज॑नं दे॒ववी॑तये त्वा
गृ॒ह्णाम्य॑ द्रि॒रसि॑ वानस्प॒त्यः
स इ॒दं दे॒वेभ्यो॑ ह॒व्यं सु॑शमि शमि॒ष्वे ष॒मा व॒दोर्ज॑मा व॒द
द्युम॑द्व॒दत व॒यं स॑ङ्घा॒तं जै॑ष्म व॒र्षवृ॑द्धमसि॒ प्रति॑ त्वा व॒र्षवृ॑द्धं वे॒त्तु
परा॑पू॒तं र॒क्षः परा॑पू॒ता अ॒रा॒तयो॑ र॒क्षसां॑ भा॒गौ ।२। ऽसि
वा॒युर्वो॑ वि वि॒नक्तु॑ दे॒वो वः॑ सवि॒ता हि॒र॒ण्य॑पा॒णिः प्रति॑ गृ॒ह्णातु॑ ॥५॥

अ॒व॒धूत॑ र॒क्षोऽव॑धू॒ता अ॒रा॒तयो॑ ऽदि॒त्यास्त्व॑ग॒सि॒ प्रति॑ त्वा पृथि॒वी वै॒त्तु
दि॒वः स्क्म॑भ॒निर॑सि॒ प्रति॑ त्वादि॒त्यास्त्व॑ग्वै॒त्तु
धि॒षणा॑ऽसि पर्व॒त्या प्रति॑ त्वा दि॒वः स्क्म॑भ॒निर्वै॑त्तु

धिषणांसि पार्वतेयी प्रति त्वा पर्वतिर्वेतु
 देवस्य त्वा सवितुः प्रसवेऽश्विनोर्बाहुभ्यां पूष्णो हस्ताभ्यामधि वपामि
 धान्यमसि धिनुहि देवान् प्राणाय त्वा ।१। ऽपानाय त्वा व्यानाय त्वा
 दीर्घामनु प्रसितिमायुषे धां देवो वः सविता हिरण्यपाणिः प्रति गृह्णातु
 ॥६॥

धृष्टिरसि ब्रह्म युच्छा पाग्नेऽग्निमामादं जहि निष्क्रव्यादं सेधाऽऽ
 देवयजं वह निर्दग्धं रक्षो निर्दग्धा अरातयो ध्रुवमसि पृथिवीं
 दृहऽऽयुर्दृह प्रजां दृह सजातानस्मै यजमानाय पर्यूह
 धर्मस्यन्तरिक्षं दृह प्राणं दृहापानं दृह सजातानस्मै यजमानाय
 पर्यूह धरुणमसि दिवं दृह चक्षुः ।१।
 दृह श्रोत्रं दृह सजातानस्मै यजमानाय पर्यूह धर्मासि दिशो दृह
 योनिं दृह प्रजां दृह सजातानस्मै यजमानाय पर्यूह चितः स्थ
 प्रजामस्मै रयिमस्मै सजातानस्मै यजमानाय पर्यूह
 भृगूणामङ्गिरसां तपसा तप्यध्वं
 यानि घर्मे कृपालान्युपचिन्वन्ति वेधसः । पूष्णस्तान्यपि वृत इन्द्रवायू
 वि मुञ्चताम् ॥७॥

सं वपामि समापो अद्भिरग्मतु समोषधयो रसेन
 सरेवतीर्जगतीभिर्मधुमतीर्मधुमतीभिः सृज्यध्वम् द्यः परि प्रजाताः स्थ
 समद्भिः पृच्यध्वं जनयत्यै त्वा सं यौम्य ग्रयै त्वा ऽग्नीषोमाभ्यां
 मुखस्य शिरौऽसि घर्मोऽसि विश्वायुरु प्रथस्वोरु तै यज्ञपतिः प्रथतां
 त्वचं गृहीष्वान्तरितं रक्षोऽन्तरिता अरातयो देवस्त्वा सविता ।१।
 श्रपयतु वर्षेष्टे अधि नाके ऽग्निस्ते तनुवं माऽति धागग्रै हव्यं रक्षस्व
 सं ब्रह्मणा पृच्यस्वै कृताय स्वाहा द्विताय स्वाहा त्रिताय स्वाहा ॥८॥

आ ददे इन्द्रस्य बाहुरसि दक्षिणः सहस्रभृष्टिः शततैजा
 वायुरसि तिग्मतैजाः पृथिवि देवयजन्योषध्यास्ते मूलं मा

हिंसिषु मपहतोऽरुः पृथिव्यै वृजं गच्छ गोस्थानं वर्षतु ते
 द्यौर्बन्धान देव सवितः परमस्यां परावति शतेन पाशैर्योऽस्मान्द्वेष्टि यं च
 वयं द्विष्मस्तमतो मा मौग
 पहतोऽरुः पृथिव्यै देवयजन्यै वृजं ।१। गच्छ गोस्थानं वर्षतु ते
 द्यौर्बन्धान देव सवितः परमस्यां परावति शतेन पाशैर्योऽस्मान्द्वेष्टि यं च
 वयं द्विष्मस्तमतो मा मौग पहतोऽरुः पृथिव्या अदेवयजनो वृजं
 गच्छ गोस्थानं
 वर्षतु ते द्यौर्बन्धान देव सवितः परमस्यां परावति शतेन
 पाशैर्योऽस्मान्द्वेष्टि यं च वयं द्विष्मस्तमतो मा ।२। मौग रुरुस्ते दिवं मा
 स्कान् वसवस्त्वा परि गृह्णन्तु गायत्रेण छन्दसा रुद्रास्त्वा परि गृह्णन्तु
 त्रैष्टुभेन छन्दसाऽऽदित्यास्त्वा परि गृह्णन्तु जागतेन छन्दसा देवस्य
 सवितुः सुवे कर्म कृणवन्ति वेधसं ऋतमस्य तसदनमस्य तश्रीरसि
 धा असि स्वधा अस्युर्वी चासि वस्वी चासि पुरा क्रूरस्य विसृपौ
 विरप्शि ।३। नृ दादाय पृथिवीं जीरदानुर्यामैर्यञ्चन्द्रमसि स्वधाभिस्तां
 धीरांसो अनुदृश्य यजन्ते ॥६॥

प्रत्युष्टं रक्षः प्रत्युष्टा अरातयोऽग्नेर्वस्तेजिष्ठेन तेजसा निष्टपामि
 गोष्ठं मा निर्मृक्षं वाजिनं त्वा सपत्नसाहं सं माज्मि
 वाचं प्राणं चक्षुः श्रोत्रं प्रजां योनिं मा निर्मृक्षं वाजिनीं त्वा सपत्नसाहीं
 सं माज्मिर्या शासाना सौमनसं प्रजां सौभाग्यं तनूम् । अग्नेरनुव्रता
 भूत्वा सं नह्ये सुकृताय कम् ॥
 सुप्रजसस्त्वा वयं सुपत्नीरुप ।१। सेदिम ।
 अग्रे सपत्नदम्भनमदब्धासो अदाभ्यम् ॥
 इमं वि ष्यामि वरुणस्य पाशं यमबन्धीत सविता सुकेतः ।
 धातुश्च योनौ सुकृतस्य लोके स्योनं मे सह पत्या करोमि ॥
 समार्युषा सं प्रजया समग्ने वर्चसा पुनः ।
 सं पत्नी पत्याऽहं गच्छे समात्मा तनुवा मम ॥
 महीनां पयोऽस्योषधीनां रसस्तस्य तेऽक्षीयमाणस्य नि ।२। र्वपामि

महीनां पयोऽस्योषधीनां॑ रसोऽदब्धेन त्वा चक्षुषाऽवेक्षे सुप्रजास्त्वाय
 तेजोऽसि तेजोऽनु प्रेह्य ग्निस्ते तेजो मा वि नैदं ग्रेर्जिह्वाऽसि सुभूर्देवानां
 धाम्नैधाम्ने देवेभ्यो यजुषेयजुषे भव शुक्रमसि ज्योतिरसि तेजोऽसि
 देवो वः सवितोत्पुनात्वछिद्रेण पवित्रेण वसोः सूर्यस्य रश्मिभिः
 शुक्रं ।१। त्वा शुक्रायां धाम्नैधाम्ने देवेभ्यो यजुषेयजुषे गृह्णामि
 ज्योतिस्त्वा ज्योतिष्यर्चिस्त्वाऽर्चिषि धाम्नैधाम्ने देवेभ्यो यजुषेयजुषे
 गृह्णामि ॥१०॥

कृष्णोऽस्याखरेष्टोऽग्रये त्वा स्वाहा वेदिरसि बर्हिषे त्वा स्वाहा
 बर्हिरसि स्रुग्भ्यस्त्वा स्वाहा दिवे त्वाऽन्तरिक्षाय त्वा पृथिव्यै त्वा
 स्वधा पितृभ्य ऊर्गभव बर्हिषद्भ्य ऊर्जा पृथिवीं गच्छत विष्णोः
 स्तूपोऽस्यूर्णमदसं त्वा स्तृणामि स्वासुस्थं देवेभ्यो गन्धर्वोऽसि
 विश्वावसुर्विश्वस्मादीषतो यजमानस्य परिधिरिड ईडित इन्द्रस्य
 बाहुरसि ।१। दक्षिणो यजमानस्य परिधिरिड ईडितो मित्रावरुणौ
 त्वोत्तरतः परि धत्तां ध्रुवेण धर्मणा यजमानस्य परिधिरिड ईडितः
 सूर्यस्त्वा पुरस्तात्पातु कस्याश्चिदभिर्शस्त्या वीतिहोत्रं त्वा कवे द्युमन्तं॑
 समिधीमह्यग्रे बृहन्तमध्वरे विशो यन्त्रे स्थो वसूनां॑
 रुद्राणांमादित्यानां॑ सदसि सीद जुहू रूपभृद ध्रुवाऽसि घृताची नाम्ना
 प्रियेण नाम्ना प्रिये सदसि सीदै ता असदन्त्सुकृतस्य लोके ता विष्णो
 पाहि
 पाहि यज्ञं पाहि यज्ञपतिं पाहि मां यज्ञनिर्यम् ॥११॥

भुवनमसि वि प्रथस्वऽग्ने यष्टरिदं नमः ।
 जुह्वेह्यग्निस्त्वा ह्वयति देवयज्याया उपभृदेहि देवस्त्वा सविता ह्वयति
 देवयज्याया अग्नाविष्णू मा वामव क्रमिषं वि जिहाथां मा मा सं
 तापं
 लोकं मे लोककृतौ कृणुतं विष्णोः स्थानमसी त इन्द्रो अक्षोद्वीर्याणि
 समारभ्योर्ध्वो अर्ध्वरो दिविस्पृशमहुतो ।१। यज्ञो

य॒ज्ञप॑ते॒रिन्द्रा॑वा॒न्त्स्वाहा॑
 बृ॒हद्वाः॑ पा॒हि मा॑ऽग्ने दुश्चरि॒तादा॑ मा सुचरि॒ते भज॑
 म॒खस्य॑ शिरो॑ऽसि सं ज्योति॑षा ज्योति॒रङ्गाम् ॥१२॥

वा॒जस्य॑ मा प्रस॒वेनो॑द्ग्रा॒भेणोद॑ग्रभीत् ।
 अथा॑ स॒पत्ना॑ꣳ इन्द्रो॑ मे निग्रा॒भेणाध॑राꣳ अकः ॥
 उ॒द्गाभ॑ञ्च निग्रा॒भञ्च ब्र॑ह्म दे॒वा अ॑वीवृधन् ।
 अथा॑ स॒पत्नानि॑न्द्रा॒ग्नी मे॑ विषू॒चीना॒न्व्यस्य॑ताम् ॥
 वसु॑भ्यस्त्वा रु॒द्रेभ्य॑स्त्वा ऽऽदि॒त्येभ्य॑स्त्वा ऽक्तꣳ रिहा॑णा वि॒यन्तु॑ वयः
 ।

प्र॒जां योनिं॑ मा निर्मृ॒क्षुमा॑ प्या॒यन्ता॒माप॑ ओष॒धयो॑ म॒रुतां॑ पृष॒तयः॑ स्थ
 दिवं ।१। गच्छ॑ ततो॑ नो वृष्टि॒मेर॑य ।
 आ॒युष्पा अ॒ग्नेऽस्यायु॑र्मे पाहि चक्षु॒ष्पा अ॒ग्नेऽसि॑ चक्षु॒र्मे पाहि॑
 ध्रु॒वाऽसि॑
 यं प॑रि॒धिं प॒र्यध॑त्था अ॒ग्ने दे॒व पु॒णिभिर्वी॒यमा॑णः ।
 तं त ए॒तमनु॑ जोषं भ॒रामि॑ ने॒देष॑ त्वद॒पचे॑तया॒तै
 य॒ज्ञस्य॑ पाथ॒ उप॑ समि॒तꣳ सꣳस्त्रा॑वभा॒गाः स्थे॒षा बृ॒हन्तः॑ प्र॒स्तरे॑ष्ठा
 ब॒र्हिष॑दश्च ।२। दे॒वा इ॒मां वाच॑म॒भि विश्वे॑ गृणन्त॒ आ॒सद्या॑स्मिन्ब॒र्हिषि॑
 माद॑यध्वम॒ग्नेर्वा॒मप॑न्नगृहस्य॒ सद॑सि साद॒यामि॑
 सु॒म्राय॑ सु॒मिनी॑ सु॒म्ने म॑ धत्तं धुरि॑ धुर्यो॑ पात॒ मग्ने॑ऽदब्धायोऽशी॒ततनो॑
 पा॒हि मा॑ऽद्य दि॒वः पा॒हि प्र॑सि॒त्यै पा॒हि दु॑रि॒ष्ट्यै पा॒हि दु॑र॒घ्न्यै पा॒हि
 दुश्च॑रि॒ताद॑विषं नः पि॒तुं कृ॑णु सु॒षदा॑ योनिꣳ स्वाहा दे॒वा गा॑तुविदो गा॒तुं
 वि॒त्त्वा गा॑तु ।३। मि॒त॒ मन॑सस्पत इ॒मं नो॑ दे॒व दे॒वेषु॑ य॒ज्ञꣳ स्वाहा॑
 वा॒चि स्वाहा॑ वा॒तैधाः॑ ॥१३॥

उ॒भा वा॑मिन्द्रा॒ग्नी आ॑हुव॒ध्या उ॒भा रा॑ध॒सः स॒ह मा॑द॒यध्यै॑ ।
 उ॒भा दा॑तारा॒विषा॑ꣳ र॒यीणा॑मु॒भा वा॑जस्य॒ सा॒तयै॑ हुवे वाम् ॥
 अ॒श्रव॑ꣳ हि भूरि॒दाव॑त्तरा वां वि॒जा॒मातु॑रु॒त वा॑ घा स्या॒लात् ।

अथा सोमस्य प्रयती युवभ्यामिन्द्राग्नी स्तोमं जनयामि नव्यम् ॥
 इन्द्राग्नी नवतिं पुरो दासपत्नीरधूनुतम् । साकमेकेन कर्मणा ॥
 शुचिं नु स्तोमं नवजातमद्येन्द्राग्नी वृत्रहणा जुषेथाम् ।१।
 उभा हि वाꣳ सुहवा जोहवीमि ता वाजꣳ सद्य उशते धेष्ठा ॥
 वयमु त्वा पथस्पते रथं न वाजसातये । धिये पूषन्नयुज्महि ॥
 पथस्पथः परिपतिं वचस्या कामेन कृतो अभ्यानङ्कम् ।
 स नो रासच्छुरुधश्चन्द्राग्रा धियं धियꣳ सीषधाति प्र पूषा ॥
 क्षेत्रस्य पतिना वयꣳ हितेनैव जयामसि ।
 गामश्च पोषयित्वा स नो ।२। मृडातीदृशै ॥
 क्षेत्रस्य पते मधुमन्तमूर्मि धेनुरिव पयो अस्मासु धुक्व ।
 मधुश्चुतं घृतमिव सुपूतमृतस्य नः पतयो मृडयन्तु ॥
 अग्ने नय सुपथा राये अस्मान्विश्वानि देव वयुनानि विद्वान् ।
 युयोध्यस्मज्जुहराणमेनो भूयिष्ठां ते नमउक्तिं विधेम ॥
 आ देवानामपि पन्थामगन्म यच्छक्नवाम तदनु प्रवौढुम् ।
 अग्निर्विद्वान्त्स यजात् ।३। सेदु होता सो अध्वरान्त्स ऋतून्कल्पयाति
 ॥

यद्वाहिष्ठ तदग्रये बृहदर्च विभावसो । महिषीव त्वद्रयिस्त्वद्वाजा
 उदीरते ॥
 अग्ने त्वं पारया नव्यो अस्मान्त्स्वस्तिभिरति दुर्गाणि विश्वा । पूषं पृथ्वी
 बहुला न उर्वी भवा तोकाय तनयाय शं योः ॥
 त्वमग्ने व्रतपा असि देव आ ।४। मर्त्येष्व । त्वं यज्ञेष्वीडयः ॥
 यद्वो वयं प्रमिनाम व्रतानि विदुषां देवा अविदुष्टरासः ।
 अग्निष्टद्विश्वा पृणति विद्वान्येभिर्देवाꣳ ऋतुभिः कल्पयाति ॥१४॥

इति प्रथमकारण्डे प्रथमः प्रपाठकः

आप उन्दन्तु जीवसे दीर्घायुत्वाय वर्चस ओषधे त्रायस्वैनꣳ
 स्वधिते मेनꣳ हिꣳसीर्देवशूरेतानि प्र वपे स्वस्त्युत्तरायशीया
 ऽऽपौ अस्मान्मातरः शुन्धन्तु घृतेन नो घृतपुर्वः पुनन्तु । विश्वमस्मत्प्र

व॑हन्तु रि॒प्रमु॒दा॑भ्यः शुचि॒रा पू॒त ए॒मि
सोम॑स्य त॒नूर॑सि त॒नुवं॑ मे पाहि॒ मही॒नां प॒योऽसि॑ व॒र्चो॒धा अ॑सि॒ व॒र्चो॒
।१।

मयि॑ धेहि॒ वृ॒त्रस्य॑ क॒नीनि॑काऽसि॒ चक्षु॑ष्पा अ॒सि चक्षु॑र्मे पाहि॒
चि॒त्पति॑स्त्वा पु॒नातु॒ वाक्प॑तिस्त्वा पु॒नातु॒ दे॒वस्त्वा॑ स॒विता
पु॒ना॒त्वछि॑द्रेण॒ प॒वित्रे॑ण॒ वसोः॑ सूर्य॑स्य र॒श्मिभि॑ स्तस्य॒ ते प॑वित्रपते
प॒वित्रे॑ण॒ यस्मै॑ कं पु॒ने तच्छ॑केय॒मा वौ दे॒वास ई॒महे॒ सत्य॑धर्माणो अ॒ध्वरे॒
यद्वौ॑ दे॒वास आ॒गुरे॒ यज्ञि॑यासो॒ हवाम॑ह॒ इन्द्रा॑ग्नी द्यावा॒पृथि॒वी आप॑
ओष॑धी ।२। स्त्वं दी॒क्षाणाम॑धि॒पति॑रसी॒ह मा॒ सन्तं॑ पाहि ॥१॥

आकू॑त्यै प्र॒युजे॑ऽग्रये॒ स्वाहा॑ मे॒धायै॑ म॒नसे॑ऽग्रये॒ स्वाहा॑ दी॒क्षा॒यै तप॑से॒ऽग्रये॒
स्वाहा॑ सं॒रस्व॑त्यै पू॒ष्णेऽग्रये॒ स्वाहा॑ ऽऽपौ॑ दे॒वीर्बृ॑हतीर्वि॒श्वश॑म्भुवो
द्यावा॒पृथि॒वी उ॒र्वन्त॑रि॒क्षं बृ॑हस्पति॒र्नो ह॒विषा॑ वृ॒धातु॑ स्वाहा॒ विश्वे॑
दे॒वस्य॑ ने॒तुर्म॑र्तो वृणीत॒ स॒ख्यं वि॒श्वे रा॒य इषु॑ध्यसि॒ द्युम॑न् वृणीत॒ पुष्य॑से
स्वाह॑ क॒र्मा॒मयोः॑ शि॒ल्यै स्थ॑स्ते वा॒मा र॑भे॒ ते मा॑ ।१। पा॒त॒माऽस्य॑
य॒ज्ञस्यो॑द॒च इ॒मां धि॒यँ शि॒क्षमा॑णस्य दे॒व क्र॑तुं दक्षं वरुण॒ सँ
शि॑शाधि ।

यया॑ऽति॒ विश्वा॑ दु॒रिता॑ तरै॒म सु॒तर्मा॑णमधि॒ नाव॑ँ
रुहे॑मो॒र्गस्या॑ङ्गि॒रस्यूर्ण॑म्रदा ऊ॒र्जं मे॑ यच्छ॒ पा॒हि मा॒ मा मा॑
हिँसी॒ वि॒ष्णोः॑ शर्मा॑सि॒ शर्म॑ य॒ज॒मान॑स्य॒ शर्म॑ मे॒ यच्छ॒ नक्ष॑त्राणां
माऽती॒का॒शात्पा॑ही॒न्द्रस्य॑ योनि॒रसि॑ ।२।
मा मा॑ हिँसीः कृ॒ष्यै त्वा॑ सु॒स॒स्यायै॑ सु॒पिप्प॒लाभ्य॑स्त्वौष॒धीभ्यः॑
सूप॑स्था दे॒वो व॒नस्प॑ति॒रू॒ध्वो मा॑ पा॒ह्योद॑चः॒ स्वाहा॑ य॒ज्ञं म॒नसा॑
स्वाहा॑ द्यावा॒पृथि॒वीभ्याँ॑ स्वा॒होरो॑न्त॒रिक्षा॑त्स्वाहा॒ य॒ज्ञं वा॒तादा॑ र॑भे
॥२॥

दै॒वीं धि॒यं म॑नामहे सु॒मृडी॑काम॒भिष्ट॑ये॒ व॒र्चो॒धां य॒ज्ञवा॑हसँ सु॒पारा॑ नौ
अ॒सद्व॑शौ । ये दे॒वा म॒नोजा॑ता म॒नो॒युजः॑ सु॒दक्षा॑ दक्ष॒पिता॑स्ते नः॒ पान्तु॑

ते नोऽवन्तु तेभ्यो नमस्तेभ्यः स्वाहा ऽग्ने त्वं सु जागृहि वयं सु
मन्दिषीमहि गोपाय नः स्वस्तये प्रबुधे नः पुनर्ददः ।
त्वमग्ने व्रतपा असि देव आ मर्त्येष्व । त्वं ।१। यज्ञेष्वीडयः ॥
विश्वे देवा अभि मा माऽर्ववृत्रन्पूषा सून्या सोमो राधसा देवः सविता
वसोर्वसुदावा रास्वेयत्सोमाऽऽभूयो भर मा पृणन्पूर्या वि राधि
माऽहमार्युषा चन्द्रमसि मम भोगाय भव वस्त्रमसि मम भोगाय
भवो स्वाऽसि मम भोगाय भव हयोऽसि मम भोगाय भव ।२।
छागोऽसि मम भोगाय भव मेषोऽसि मम भोगाय भव वायवे त्वा
वरुणाय त्वा निर्ऋत्यै त्वा रुद्राय त्वा
देवीरापो अपां नपाद्य ऊर्मिर्हविष्य इन्द्रियावान्मदिन्तमस्तं वो माऽव
क्रमिषु मच्छिन्नं तन्तुं पृथिव्या अनु गेषं भद्रादभि श्रेयः प्रेहि
बृहस्पतिः पुरेता तै अस्त्वथेमव स्य ।३। वर आ पृथिव्या आरे
शत्रून्कृणुहि सर्ववीर एदमगन्म देवयजनं पृथिव्या विश्वे देवा यदजुषन्त
पूर्व ऋक्सामाभ्यां यजुषा सन्तरन्तो रायस्पोषेण समिषा मदेम ॥३॥

इयं तै शुक्र तनूरिदं वर्चस्तया सं भव भ्राजं गच्छ
जूरसि धृता मनसा जुष्टा विष्णावे तस्यास्ते सत्यसंवसः प्रसवे वाचो
यन्त्रमशीय स्वाहा शुक्रमस्यमृतमसि वैश्वदेवं हविः सूर्यस्य
चक्षुराऽरुहमग्नेरुक्षः कनीनिकां यदेतशेभिरीयसे भ्राजमानो विपश्चिता
चिदैसि मनाऽसि धीरसि दक्षिणा ।१। ऽसि यज्ञियाऽसि
क्षत्रियाऽस्यदितिरस्युभयतः शीर्ष्णी
सा नः सुप्राची सुप्रतीची सं भव मित्रस्त्वा यदि बध्नातु पूषाऽध्वनः
पात्विन्द्रायाध्यक्षायानु त्वा माता मन्यतामनु पिताऽनु भ्राता सगर्भ्योऽनु
सखा सयूथ्यः सा देवि देवमच्छेहीन्द्राय सोमं रुद्रस्त्वाऽऽवर्तयतु
मित्रस्य पथा
स्वस्ति सोमसखा ।२। पुनरेहि सह रय्या ॥४॥

वस्यसि रुद्राऽस्य दितिरस्या दित्याऽसि शुक्राऽसि चन्द्राऽसि

बृहस्पतिस्त्वा सुम्ने रशवतु रुद्रो वसुभिरा चिकेतु पृथिव्यास्त्वा मूर्धन्ना
 जिघर्मि देवयर्जनु इडायाः पदे घृतवति स्वाहा परिलिखितुं रक्षः
 परिलिखिता अरातय इदमहं रक्षसो ग्रीवा अपि कृन्तामि
 योऽस्मान्द्वेष्टि यं च वयं द्विष्म इदमस्य ग्रीवा ।१। अपि कृन्ताम्यस्मे
 रायस्त्वे रायस्तोते रायः सं देवि देव्योर्वश्या पश्यस्व
 त्वष्टीमती ते सपेय सुरेता रेतो दधाना वीरं विदेय तव सदृशि
 माऽहं रायस्पोषैण वि यौषम् ॥५॥

अशुना ते अशुः पृच्यतां परुषा परुर्गन्धस्ते काममवतु मदाय रसो
 अच्युतोऽमात्योऽसि शुक्रस्ते ग्रहोऽभि त्वं देव सवितारमूरयौः
 कविक्रतुमर्चामि सत्यसवसं रत्नधामभि प्रियं मतिमूर्ध्वा यस्यामतिर्भा
 अदिद्युतत्सवीमनि हिरण्यपाणिरमिमीत सुक्रतुः कृपा सुवः ।
 प्रजाभ्यस्त्वा प्राणाय त्वा व्यानाय त्वा प्रजास्त्वमनु ।१। प्राणिहि
 प्रजास्त्वामनु प्राणन्तु ॥६॥

सोमं ते क्रीणाम्यूर्जस्वन्तं पर्यस्वन्तं वीर्यावन्तमभिमातिषाहं शुक्रं ते
 शुक्रेण क्रीणामि चन्द्रं चन्द्रेणामृतममृतैर्न सम्यत्ते गोरस्मे चन्द्राणि
 तपसस्तनूरसि प्रजापतेर्वर्णस्तस्यास्ते सहस्रपोषं पुष्यन्त्याश्चरमेणं पशुना
 क्रीणाम्यस्मे ते बन्धुर्मयि ते रायः श्रयन्तामस्मे ज्योतिः सोमविक्रयिणि
 तमो मित्रो न एहि सुमित्रधा इन्द्रस्योरु ।१। मा विश
 दक्षिणमुशन्नुशन्तं स्योनः स्योनं स्वान् भ्राजाङ्घ्रि बम्भरि हस्त
 सुहस्त कृशानवेते वः सोमक्रयणास्तान्नक्षध्वं मा वो दधन् ॥७॥

उदायुषा स्वायुशोदोषधीनां रसेनोत्पर्जन्यस्य शुष्मेणोदस्थाममृतां अनु
 ।

उर्वन्तरिक्षमन्विह्य दित्याः सदोऽस्य दित्याः सद
 आसीदऽस्तभ्नाद्दद्यामृषभो अन्तरिक्षममिमीत वरिमाणं पृथिव्या
 आऽसीदद्विश्वा भुवनानि सम्राड्विश्वेत्तानि वरुणस्य व्रतानि वनेषु

व्यन्तरिक्षं ततान् वाजमवत्सु पर्यो अघ्नियासु हत्सु ।१। क्रतुं वरुणो
 विद्वर्गिं दिवि सूर्यमदधात्सोममद्रा वुदुत्यं जातवेदसं देवं वहन्ति
 केतवः । दृशे विश्वाय सूर्यम् ॥
 उस्त्रावेतं धूर्षादावनश्रू अवीरहणौ ब्रह्मचोदनौ
 वरुणस्य स्कम्भनमसि वरुणस्य स्कम्भसर्जनमसि
 प्रत्यस्तो वरुणस्य पाशः ॥८॥

प्र च्यवस्व भुवस्पते विश्वान्यभि धामानि मा त्वा परिपरी विदन्मा त्वा
 परिपन्थिनौ विदन्मा त्वा वृका अघायवो मा गन्धर्वो विश्वावसुरा
 दधच्छयेनो भूत्वा परा पत यजमानस्य नो गृहे देवैः सँस्कृतं
 यजमानस्य स्वस्त्ययन्यस्यपि पन्थामगस्महि स्वस्तिगामनेहसं येन
 विश्वाः परि द्विषो विणक्ति विन्दते वसु नमो मित्रस्य ।१। वरुणस्य
 चक्षसे महो देवाय तदृतँ संपर्यत दूरेदृशे देवजाताय केतवे दिवस्पुत्राय
 सूर्याय शँसत ॥ वरुणस्य स्कम्भनमसि
 वरुणस्य स्कम्भसर्जनमस्युन्मुक्तो
 उन्मुक्तो वरुणस्य पाशः ॥९॥

अग्नेरातिथ्यमसि विष्णावे त्वा सोमस्याऽऽतिथ्यमसि विष्णावे
 त्वाऽतिथेरातिथ्यमसि विष्णावे त्वाऽग्नये त्वा रायस्पोषदावने विष्णावे
 त्वा श्येनाय त्वा सोमभृते विष्णावे त्वा या ते धामानि हविषा यजन्ति
 ता ते विश्वा परिभूरस्तु यज्ञं गयस्फानः प्रतरणः सुवीरोऽवीरहा प्र चरा
 सोम दुर्यान् दित्याः सदोऽस्य दित्याः सद आ ।१। सीद
 वरुणोऽसि धृतव्रतो वारुणमसि शंयोर्देवानाँसुख्यान्मा
 देवानामपसिश्छत्स्मह्या पतये त्वा गृह्णामि परिपतये त्वा गृह्णामि
 तनूनर्षे त्वा गृह्णामि शाक्वराय त्वा गृह्णामि शक्मन्नोजिष्ठाय त्वा
 गृह्णाम्यनाधृष्टमस्यनाधृष्यं देवानामोजौऽभिशस्तिपा
 अनभिशस्तेऽन्यमनु मे दीक्षां दीक्षापतिर्मन्यतामनु तपस्तपस्पतिरञ्जसा
 सत्यमुपगेषँसुविते मा धाः ॥१०॥

अ॒ँशुर॑ँशुस्ते देव सोमाऽऽप्याय॑तामिन्द्रा॑यैकध॒न॒विद॒ आ तुभ्य॑मिन्द्रः
 प्याय॑तामा त्वमिन्द्रा॑य प्याय॑स्वाऽऽप्याय॑यु सखी॑न्त्स॒न्या मे॒धया॑ स्व॒स्ति
 तै देव सोम सु॒त्याम॑शीये॒ष्टा रायः॑ प्रेषे॒ भगा॑य॒र्तमृ॑तवा॒दिभ्यो॑ नमो॑ दि॒वे
 नमः॑ पृथि॒व्या अ॒ग्रे व्र॑तप॒ते त्वं व्र॑तानां व्र॒तप॑तिरसि॒ या मम॑ त॒नूरे॑षा सा
 त्वयि॑ ।१। या तव॑ त॒नूरि॑य॒ँ या मयि॑ स॒ह नौ व्र॑तप॒ते व्र॑तिनोर्व्र॒तानि॑
 या तै अ॒ग्ने रु॒द्रिया॑ त॒नूस्त॑या नः पाहि॒ तस्या॑स्ते स्वाहा॒ या तै
 अ॒ग्नेऽया॑श॒या र॑जाश॒या ह॑राश॒या त॒नूर्व॑र्षि॒ष्टा ग॒ह्वरे॑ष्ठोऽग्रं वचो॑ अ॒पाव॑धीं
 त्वेषं॑ वचो॑ अ॒पाव॑धी॒ँ स्वाहा॑ ॥११॥

वि॒त्ताय॑नी मेऽसि॒ ति॒क्ताय॑नी मेऽस्य॒ व॒तान्मा॑ नाथि॒त म॒व॒तान्मा॑ व्यथि॒तं
 वि॒दे॒र॒ग्नि॒र्नभो॑ नामा॒ग्रे अ॒ङ्गि॒रो यौऽस्यां॑ पृथि॒व्याम॑स्यायु॒षा ना॒ग्नेहि॑
 यत्ते॑ऽना॒धृष्टं॑ नाम॒ य॒ज्ञियं॑ तेन॒ त्वाऽऽद॒धे अ॒ग्रे अ॒ङ्गि॒रो यो द्वि॒तीय॑स्यां
 तृती॑यस्यां पृथि॒व्याम॑स्यायु॒षा ना॒ग्नेहि॑ यत्ते॑ऽना॒धृष्टं॑ नाम॒ ।१। य॒ज्ञियं॑ तेन॒
 त्वाऽऽ द॒धे

सि॒ँही॒र॒सि म॒हिषी॑र॒स्यु रु॒ प्र॒थस्वो॒रु तै य॒ज्ञप॑तिः प्रथ॒तां
 ध्रु॒वाऽसि॑ दे॒वेभ्यः॑ शु॒न्धस्व॑ दे॒वेभ्यः॑ शु॒म्भस्वे॑न्द्र॒घोष॑स्त्वा वसु॑भिः
 पु॒रस्ता॑त्पातु॒ मनौ॑जवास्त्वा पि॒तृभि॑र्दक्षि॒णतः॑ पा॒तु प्र॒चैता॑स्त्वा रु॒द्रैः
 प॒श्चात्पा॑तु॒ विश्व॑कर्मा॒ त्वाऽऽदि॒त्यैरु॑त्तर॒तः पा॑तु॒ सि॒ँही॒र॒सि स॒पत्न॑सा॒ही
 स्वाहा॑ सि॒ँही॒र॒सि सु॒प्रजा॑वनिः स्वाहा॑ सि॒ँही ।२। र॒सि
 रा॒यस्पो॑ष॒वनिः॑ स्वाहा॑ सि॒ँही॒र॒स्यादि॒त्यव॑निः स्वाहा॑ सि॒ँही॒र॒स्या व॑ह
 दे॒वान्दे॒वय॑ते यज॑मानाय॒ स्वाहा॑ भू॒तेभ्य॑स्त्वा वि॒श्वायु॑रसि पृथि॒वीं
 दृ॒ँह ध्रु॒व॒क्षि॒द॒स्यन्त॑रि॒क्षं दृ॒ँहा च्यु॑त॒क्षि॒द॒सि दि॒वं दृ॒ँहा ग्रे॑र्भस्मा॒स्यग्रेः॑
 पु॒री॒षम॑सि ॥१२॥

यु॒ञ्जते॑ मन॒ उ॒त यु॒ञ्जते॑ धि॒यो वि॒प्रा वि॒प्रस्य॑ बृ॒हतो॑ वि॒पश्चि॑तः ।
 वि॒ हो॒त्रा द॒धे व॒युना॑वि॒देक॑ इ॒न्मही॑ दे॒वस्य॑ सवि॒तुः परि॑ष्टुतिः ॥
 सु॒वाग्दे॒व दुर्या॑ँ आ व॑द दे॒वश्रु॑तौ दे॒वेष्वा घौ॑षेथा॒ मा नौ वी॒रो जा॑यतां
 क॒र्मण्यौ॑ य॒ँ स॒र्वेऽनु॑जीवा॒म यो ब॑हूनामस॒द्बुशी॑ ।

इदं विष्णुर्वि चक्रमे त्रेधा नि दधे पदम् । समूढमस्य ।१। पाँसुरे
 इरावती धेनुमती हि भूतँ सूयवसिनी मनवे यशस्यै ।
 व्यस्कभ्नाद्रोदसी विष्णुरेते दाधार पृथिवीमभितौ मयूखैः ॥
 प्राची प्रेतमध्वरं कल्पयन्ती ऊर्ध्वं यज्ञं नयतं मा जीह्वरत मत्र रमेथां
 वर्ष्मन्पृथिव्या दिवो वा विष्णवुत वा पृथिव्या महो वा विष्णवुत
 वाऽन्तरिक्षाद्धस्तौ पृणस्व बहुभिर्वसव्यैरा प्र यच्छ ।२। दक्षिणादोत
 स्वयात् ॥

विष्णोर्नुकं वीर्याणि प्र वौचं यः पार्थिवानि विममे रजाँसि यो
 अस्कभायदुत्तरँ सधस्थं विचक्रमाणस्त्रेधोरुगायो विष्णो रराटमसि
 विष्णोः पृष्ठमसि विष्णोः शन्यज्रै स्थो विष्णोः स्यूरसि
 विष्णोर्ध्रुवमसि वैष्णवमसि विष्णावे त्वा ॥१३॥

कृणुष्व पाजुः प्रसितिं न पृथ्वीं याहि राजेवामवाँ इभैन ।
 तृष्वीमनु प्रसितिं दूणानोऽस्ताऽसि विध्यं रक्षसस्तपिष्ठैः ॥
 तव भ्रमास आशुया पतन्त्यनु स्पृश धृषता शोशुचानः ।
 तपूँष्यग्रे जुहा पतङ्गानसन्दितो वि सृज विष्वगुल्काः ॥
 प्रति स्पशो वि सृज तूर्णितमो भवा पायुर्विशो अस्या अदब्धः ।
 यो नो दूरे अघशँसो ।१। यो अन्त्यग्रे मार्किष्टे व्यथिरा दधर्षीत् ॥
 उदग्रे तिष्ठ प्रत्याऽऽतनुष्व न्यमित्राँ ओषतात्तिग्महेते ।
 यो नो अरातिँ समिधान चक्रे नीचा तं धक्ष्यतुसं न शुष्कम् ॥
 ऊर्ध्वो भव प्रति विध्याध्यस्मदाविष्कृणुष्व दैव्यान्यग्रे ।
 अवं स्थिरा तनुहि यातुजूनां जामिमजामिं प्र मृणीहि शत्रून् ॥
 स तै ।२। जानाति सुमतिं यविष्ठ य ईवते ब्रह्मणे गातुमैरत् ।
 विश्वान्यस्मै सुदिनानि रायो द्युमन्युर्यो वि दुरो अभि द्यौत् ॥
 सेदग्रे अस्तु सुभगः सुदानुर्यस्त्वा नित्येन हविषा य उक्थैः ।
 पिप्रीषति स्व आयुषि दुरोणे विश्वेदस्मै सुदिना सासदिष्टिः ॥
 अर्चामि ते सुमतिं घोष्युर्वाक्सं तै वावाता जरता ।३। मियं गीः ।
 स्वश्वास्त्वा सुरथा मर्जयेमास्मे क्षत्राणि धारयेरनु द्यून् ॥

इह त्वा भूर्या चरेदुप त्मन्दोषावस्तर्दीदिवाँसुमनु द्यून् ।
 क्रीडन्तस्त्वा सुमनसः सपेमाभि द्युम्ना तस्थिवाँसो जनानाम् ॥
 यस्त्वा स्वश्वः सुहिरण्यो अग्र उपयाति वसुमता रथेन ।
 तस्य त्राता भवसि तस्य सखा यस्त आतिथ्यमानुषगजुजौषत् ॥
 म॒हो रु॒जामि ।४। ब॒न्धुता वचौ॑भिस्तन्मा पितुर्गौतमादन्वियाय ।
 त्वं नो अस्य वचसश्चिकिद्धि होतर्यविष्ठ सुक्रतो दमूनाः ॥
 अस्वप्रजस्तरणयः सुशेवा अतन्द्रासोऽवृका अश्रमिष्ठाः ।
 ते पायवः सधिर्यञ्चो निषद्याऽग्रे तव नः पान्त्वमूर ॥
 ये पायवो मामतेयं ते अग्रे पश्यन्तो अन्धं दुरितादरक्षन् ।
 रक्ष तान्सुकृतो विश्ववेदा दिप्सन्त इद्रिपवो ना ह ।५। देभुः ॥
 त्वया वयँ सध्न्यस्त्वोतास्तव प्रणीत्यश्याम वाजान् ।
 उ॒भा शँसा॑ सूदय सत्यतातेऽनुष्ठुया कृणुह्यहयाण ॥
 अ॒या तै अग्रे॑ सुमिधा विधेम प्रति स्तोमँ शस्यमानं गृभाय ।
 दहाशसौ रक्षसः पाह्यस्मान्द्रुहो निदो मित्रमहो अवद्यात् ॥
 रक्षो॒हनं वा॒जिन॒माऽऽजि॑घर्मि मित्रं प्रतिष्ठमुप यामि शर्म ।
 शिशानो अग्निः क्रतुभिः समिद्धः स नो दिवा ।६। स रिषः पातु नक्तम् ॥

वि ज्योतिषा बृहता भात्यग्निराविर्विश्वानि कृणुते महित्वा ।
 प्रादेवीर्मायाः संहते दुरेवाः शिशीते शृङ्गे रक्षसे विनिक्षै ॥
 उ॒त स्वा॒नासौ॑ दिवि षेन्त्वग्रेस्तिग्मायुधा रक्षसे हन्तवा उ ।
 मदे चिदस्य प्ररुजन्ति भामा न वरन्ते परिबाधो अदेवीः ॥१४॥

इति प्रथमकारण्डे द्वितीयः प्रपाठकः

देवस्य त्वा सवितुः प्रसवे ऽश्विनौर्बाहुभ्यां पूष्णो हस्ताभ्यामा ऽऽ
 ददे ध्रिरसि नारिरसि परिलिखितँरक्षः परिलिखिता अरातय इदमहँ
 रक्षसो ग्रीवा अपि कृन्तामि यौ ऽस्मान्द्वेष्टि यं च वयं द्विष्म इदमस्य
 ग्रीवा अपि कृन्तामि दिवे त्वा न्तरिक्षाय त्वा पृथिव्यै त्वा शुन्धतां

लोकः पितृषदंनो यवो ऽसि यवयास्मदद्वेषो ।१। यवयारांतीः पितृणां
 सदनमस्युद्विवं स्तभानान्तरिक्षं पृण पृथिवीं दृह द्युतानस्त्वा मारुतो
 मिनोतु मित्रावरुणयोर्ध्रुवेण धर्मणा ब्रह्मवनिं त्वा क्षत्रवनिं सुप्रजावनिं
 रायस्पोषवनिं पर्यूहामि ब्रह्म दृह क्षत्रं दृह प्रजां दृह रायस्पोषं
 दृह घृतेन द्यावापृथिवी आ पृणेत्य मिन्द्रस्य सदो ऽसि विश्वजनस्य
 छाया परि त्वा गिर्वणो गिर इमा ।२। भवन्तु विश्वतो वृद्धायुमनु वृद्धयो
 जुष्टा भवन्तु जुष्टय इन्द्रस्य स्यूरसीन्द्रस्य ध्रुवमस्यैन्द्रमसीन्द्राय त्वा
 ॥१॥

रक्षोहणौ वलगहनौ वैष्णवान् खनामी दमहं तं वलगमुद्वपामि यं नः
 समानो यमसमानो निचखानेदमैनमधरं करोमि यो नः समानो यो
 ऽसमानो ऽरातीयति गायत्रेण छन्दसाऽवबाढो वलगः किमत्र भद्रं तन्न
 सह विराडसि सपत्नहा सम्राडसि भ्रातृव्यहा स्वराडस्यभिमातिहा
 विश्वाराडसि विश्वासां नाष्ट्राणां हन्ता ।१। रक्षोहणौ वलगहनः प्रोक्षामि
 वैष्णवान् रक्षोहणौ वलगहनो ऽव नयामि वैष्णवान् यवो ऽसि
 यवयास्मदद्वेषो यवयारांती रक्षोहणौ वलगहनो ऽव स्तृणामि
 वैष्णवान् रक्षोहणौ वलगहनो ऽभि जुहोमि वैष्णवान् रक्षोहणौ
 वलगहनावुप दधामि वैष्णवी रक्षोहणौ वलगहनौ पर्यूहामि वैष्णवी
 रक्षोहणौ वलगहनौ परि स्तृणामि वैष्णवी रक्षोहणौ वलगहनौ वैष्णवी
 बृहन्नसि बृहद्वावा बृहतीमिन्द्राय ।२। वाचं वद ॥२॥

विभूरसि प्रवाहणो वह्निरसि हव्यवाहनः श्वात्रो ऽसि प्रचैता स्तुथो
 ऽसि विश्ववेदा उशिर्गसि कवि रङ्गारिरसि बम्भारि रवस्युरसि
 दुर्वस्वा न्युन्ध्यूरसि मार्जालीयः सम्राडसि कृशानुः परिषद्यो ऽसि
 पर्वमानः प्रतक्वाऽसि नभस्वान संमृष्टो ऽसि हव्यसूद
 ऋतधामाऽसि सुवर्ज्योति ब्रह्मज्योतिरसि सुवर्धामा ऽजो ऽस्येकपाद
 हिरसि बुध्नियो रौद्रेणानीकेन ।१। पाहि माऽग्रे पिपृहि मा मा मा
 हिंसीः ॥३॥

त्व॑ सौम तनू॑कृ॒द्धो द्वेषो॑भ्यो ऽन्यकृ॑तेभ्य उ॒रु य॒न्तासि॒ वरू॑थ॒ स्वाहा॑
जुषा॑णो अ॒मुरा॒ज्यस्य॑ वेतु॒ स्वाहा॑

ऽयं नो॑ अ॒ग्निर्वरि॑वः कृ॒णोत्व॒यं मृ॑धः पु॒र ए॒तु प्र॒भिन्दन् ।

अ॒यं शत्रू॑ञ्जयतु ज॒र्हषा॑णो ऽयं वाजं॑ जयतु॒ वाज॑सातौ ॥

उ॒रु वि॒ष्णो वि क्र॑मस्वो॒रु क्षया॑य नः कृ॒धि । घृ॒तं घृ॑तयोने पिब॒ प्रप्र॑
य॒ज्ञप॑तिं तिर ॥

सोमो॑ जिगाति गातु॒वि ।१। दे॒वाना॑मेति निष्कृ॒तमृ॑तस्य

योनि॑मा॒सद॑म दि॒त्याः सदो॑ ऽसि दि॒त्याः सद॑ आ सदि॒षै वो दे॒व
सवि॑तः सोम॒स्त र॑क्षध्वं॒ मा वो द॑भदे॒ तत्त्व॑ सौम दे॒वो दे॒वानु॑पागा
इ॒दम॒हं म॑नु॒ष्यो म॑नु॒ष्यान् स॒ह प्र॒जया॑ स॒ह रा॒यस्पोषे॑ण॒ नमो॑ दे॒वेभ्यः॑ स्व॒धा
पि॒तृभ्य॑ इ॒दम॒हं निर्व॑रुणस्य॒ पाशा॑त् सुव॑र॒भि ।२। वि र॒व्येषं॑ वैश्वान॒रं
ज्योति॑ र॒ग्रे व्र॑तपते॒ त्वं व्र॑तानां॒ व्रत॑पतिरसि॒ या म॑म॒ तनू॑स्त्वय्यभू॒दिय॑
सा म॒यि या त॑व॒ तनू॑र्मय्यभू॒देषा॑ सा त्वयि॑ यथाय॒थं नो॑ व्रतपते
व्र॒तिनो॑र्व्रतानि ॥४॥

अत्य॑न्या॒नगां॑ नान्या॒नुपा॑गाम॒र्वाक्त्वा॑ प॒रैर॑विदं प॒रोऽवै॑ स्तं त्वा जुषे
वैष्ण॑वं दे॒वय॑ज्यायै दे॒वस्त्वा॑ सवि॒ता म॒ध्वाऽन॑क्त्वो ष॒धे त्रा॑यस्वैन॒
स्वधि॑ते॒ मेन॑हि॒सी दि॒वम॑ग्रेण॒ मा लै॒खीर॑न्तरि॒क्षं म॒ध्येन॑ मा हि॒सीः
पृथि॑व्या सं भव॒

वन॑स्पते श॒तव॑ल्शो वि रौ॒ह स॒हस्र॑वल्शा॒ वि व॒यं रु॑हेम॒ यं ।१।
त्वाऽय॑ स्वधि॒तिस्तेति॑जानः प्रणि॒नाय॑ मह॒ते सौ॒भगा॑या ऽच्छि॒न्नोरा॑यः
सु॒वीरः॑ ॥५॥

पृथि॑व्यै त्वा ऽन्तरि॒क्षाय॑ त्वा दि॒वे त्वा शु॒न्धतां॑ लो॒कः पि॒तृष॑दनो
यवो॑ ऽसि य॒वया॑स्मद्द्वेषो॑ य॒वया॑रातीः पि॒तृणा॑ स॒दन॑मसि॒ स्वावे॑शो
ऽस्य॑ग्रेगा नै॒तृणां॑ वन॒स्पति॑रधि॒ त्वा स्था॑स्यति॒ तस्य॑ वि॒त्ता दे॒वस्त्वा
सवि॑ता म॒ध्वाऽन॑क्तु सु॒पिप्प॒लाभ्य॑स्त्वौष॒धीभ्य॑ उ॒द्वि॑व

स्तभानान्तरिक्षं पृण पृथिवीमुपैण दृ॑ह
 ते ते धामान्युश्मसी ।१। गम॑ध्ये गावो यत्र भूरिशृङ्गा अयासः ।
 अत्राह तदुरुगायस्य विष्णोः परमं पदमव॑ भाति भूरैः ॥
 विष्णोः कर्माणि पश्यत॑ यतो व्रतानि पस्प॑शे । इन्द्रस्य युज्यः सर्वा ॥
 तद्विष्णोः परमं पदं॑ सदा पश्यन्ति सूरयः । दिवीव॑ चक्षुरात॑तम् ॥
 ब्रह्म॑वनिं त्वा क्षत्र॑वनिं सुप्रजा॑वनिं राय॑स्पोष॒वनिं पर्य॑हामि
 ब्रह्म॑ दृ॑ह क्षत्रं दृ॑ह प्रजां दृ॑ह राय॑स्पोषं ।२। दृ॑ह परिवीर॑सि परि
 त्वा दैवी॑र्विशो व्ययन्तां परी॑मं राय॑स्पोषो यज॑मानं मनुष्या
 अन्तरि॑क्षस्य त्वा साना॑वव गूहामि ॥६॥

इषे त्वो॑ प॒वीर॒स्यु पो॑ देवान्दैवी॑र्विशः प्रागुर्व॒ह्नीरु॑शिजो बृह॑स्पते
 धार॑या वसू॒नि ह॒व्या तै॑ स्वदन्तां देव॑ त्वष्ट॒र्वसु॑ रणव॒ रेव॑ती
 रम॑ध्वम॒ग्नेर्ज॒नित्र॑मसि वृष॑णौ स्थ उ॒र्वश्य॑स्या॒युर॑सि पुरु॒रवा
 घृ॒तेना॒क्ते वृष॑णं दधाथां गाय॒त्रं छन्दोऽनु॑ प्र जा॒यस्व॒ त्रैष्टु॑भं जाग॑तं
 छन्दोऽनु॑ प्र जा॒यस्व॒
 भव॑तं ।१।

नः सम॑नसौ समौ॒कसाव॑रेपसौ ।
 मा यु॒ज्ञं हि॑सिष्टं मा यु॒ज्ञप॑तिं जातवेदसौ शि॒वौ भ॑वतमु॒द्य नः॑ ॥
 अ॒ग्राव॑ग्निश्चरति॒ प्रवि॑ष्ट ऋषी॑णां पु॒त्रो अ॑धिरा॒ज ए॒षः ।
 स्वा॒हाक॑त्य ब्रह्म॑णा ते जुहोमि॒ मा दे॒वानां॑ मिथु॒या क॑र्भाग॒धेय॑म् ॥७॥

आ द॑दे ऋ॒तस्य॑ त्वा देव॑ह॒विः पा॒शेनाऽऽर॑भे धर्षा
 मानु॑षान् ह्यस्त्वौष॑धीभ्यः प्रोक्षा॑म्य पा॒पेरु॑रसि स्वा॒त्तं
 चि॒त्सदैव॑ह॒व्यमा॑पो दे॒वीः स्वद॑तैनु॑ सं तै प्रा॒णो वा॒युना॑ गच्छता॑ सं
 यज॑त्रैरङ्गानि॒ सं यु॒ज्ञप॑तिरा॒शिषा॑ घृ॒तेना॒क्तौ प॒शं त्रा॑येथा॑
 रेव॑तीर्य॒ज्ञप॑तिं प्रिय॒धाऽऽ वि॒शतो॑ रौ अन्तरि॑क्ष स॒जूर्दे॑वेन ।१।
 वा॒तैनाऽस्य॑ ह॒विष॑स्मना॒ यज॑ सम॑स्य त॒नुवा॑ भव॒ वर्षी॑यो वर्षी॒यसि॑ यु॒ज्ञे

यज्ञपतिं धाः पृथिव्याः सम्पृचः पाहि नमस्त आतानाऽनुवा प्रेहि
 घृतस्य कुल्यामनु सह प्रजया सह रायस्पोषेणाऽऽपो देवीः शुद्धायुवः
 शुद्धा यूयं देवाँ ऊँ इद्वँ शुद्धा वयं परिविष्टाः परिवेष्टारौ वो भूयास्म
 ॥८॥

वाक्तु आ प्यायतां प्राणस्तु आ प्यायतां चक्षुस्तु आ प्यायताँ श्रोत्रं तु
 आ प्यायतां या तै प्राणाञ्छुग्जगाम या चक्षुर्या श्रोत्रं यत्तै क्रूरं यदास्थितं
 तत्तु आ प्यायतां तत्त एतेन शुन्धतां नाभिस्तु आ प्यायतां पायुस्तु आ
 प्यायताँ शुद्धाश्चरित्राः शमद्भ्यः ।१। शमोषधीभ्यः शं पृथिव्यै
 शमहोभ्या मोषधे त्रायस्वैनँ स्वधिते मैनँ हिँसी रक्षसां
 भागौऽसीद मृहँ रक्षौऽधमं तमौ नयामि यौऽस्मान्द्वेष्टि यं च वयं
 द्विष्म इदमैनमधमं तमौ नयामी षे त्वा घृतेन द्यावापृथिवी
 प्रोणर्वाथाम छिन्नो रायः सुवीर उर्वन्तरिक्षमन्विहि वायो वीहि ।२।
 स्तोकानाँ स्वाहोर्ध्वनभसं मारुतं गच्छतम् ॥९॥

सं ते मनसा मनः सं प्राणेन प्राणो जुष्टं देवेभ्यो हव्यं घृतवत्स्वाहैन्द्रः
 प्राणो अङ्गेअङ्गे नि दैध्यदैन्द्रोऽपानो अङ्गेअङ्गे वि बौभुवद्देवं त्वष्टर्भूरि ते
 सँसमेतु विषरूपा यत्सलक्षमाणो भवथ देवत्रा यन्तमवसे सखायोऽनु
 त्वा माता पितरौ मदन्तु श्रीरस्यग्निस्त्वा श्रीणात्वापः समरिणन्
 वार्तस्य ।१। त्वा ध्रज्यै पूष्णो रँह्या अपामोषधीनाँ रोहिष्यै घृतं
 घृतपावानः पिबतु वसां वसापावानः पिबतान्तरिक्षस्य हविरसि
 स्वाहा त्वाऽन्तरिक्षाय दिशः प्रदिश आदिशौ विदिश उद्दिशः स्वाहा
 दिग्भ्यो नमो दिग्भ्यः ॥१०॥

समुद्रं गच्छ स्वाहाऽन्तरिक्षं गच्छ स्वाहा देवँ सवितारं गच्छ
 स्वाहाऽहोरात्रे गच्छ स्वाहा मित्रावरुणौ गच्छ स्वाहा सोमं गच्छ
 स्वाहा यज्ञं गच्छ स्वाहा छन्दाँसि गच्छ स्वाहा द्यावापृथिवी गच्छ
 स्वाहा नभो दिव्यं गच्छ स्वाहाऽग्निं वैश्वानरं गच्छ

स्वाहा ऽद्यस्त्वौषधीभ्यो मनो मे हार्दि यच्छ तनू त्वचं पुत्रं
नम्रारमशीय शुगंसि तमभि शौच योऽस्मान्द्वेष्टि यं च वयं द्विष्मो
धाम्नो धाम्नो राजन्नितो वरुण नो मुञ्च यदापो अघ्निया वरुणेति शपोमहे ततो
वरुण नो मुञ्च ॥११॥

हविष्मतीरिमा आपौ हविष्मान्देवो अध्वरो
हविष्माँ आ विवासति हविष्माँ अस्तु सूर्यः ॥
अग्नेर्वोऽपन्नगृहस्य सदसि सादयामि सुम्राय सुमिमीः सुमे मा
धत्ते न्द्राग्नियोर्भागधेयीः स्थ मित्रावरुणयोर्भागधेयीः स्थ विश्वेषां देवानां
भागधेयीः स्थ यज्ञे जागृत ॥१२॥

हृदे त्वा मनसे त्वा दिवे त्वा सूर्याय त्वोर्ध्वमिममध्वरं कृधि दिवि
देवेषु होत्रा यच्छ सोमं राजन्नेह्यव रोह मा भेर्मा सं विक्त्वा मा
त्वा हिँसिषं प्रजास्त्वमुपावरोह प्रजास्त्वामुपावरोहन्तु
शृणोत्वग्निः समिधा हवं मे शृणवन्त्वापौ धिषणाश्च देवीः ।
शृणोत ग्रावाणो विदुषो नु ।१। यज्ञँ शृणोतु देवः सविता हवं मे ।
देवीरापो अपां नपाद्य ऊर्मिर्हविष्य इन्द्रियावान्मदिन्तमस्तं देवेभ्यो देवत्रा
धत्त शुक्रँ शुक्रपेभ्यो येषां भागः स्थ स्वाहा कार्षिरस्यपापां मृध्वँ
समुद्रस्य वोक्षित्या उन्नये ।
यमग्ने पृत्सु मर्त्यमावो वाजेषु यं जुनाः । स यन्ता शश्वतीरिषः ॥१३॥

त्वमग्ने रुद्रो असुरो महो दिवस्त्वँ शर्धो मारुतं पृक्ष ईशिषे ।
त्वं वातैरुणैर्यासि शङ्खयस्त्वं पूषा विधृतः पांसि नु त्मना ॥
आ वो राजानमध्वरस्य रुद्रँ होतारँ सत्ययज्ञँ रोदस्योः ।
अग्निं पुरा तेनयितोरचित्ताद्धिरणयरूपमवसे कृणुध्वम् ॥
अग्निर्होता नि षसादा यजीयानुपस्थे मातुः सुरभावु लोके ।
युवा कविः पुरुनिष्ठ ।१। ऋतावा धर्ता कृष्टीनामुत मध्यं इद्धः ॥
साध्वीर्मर्कदेववीतिं नो अद्य यज्ञस्य जिह्वामविदाम् गुह्याम् ।

स आयुरागात्सुरभिर्वसानो भद्रामकर्देवहूतिं नो अद्य ॥
 अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन् ।
 सद्यो जज्ञानो वि हीमिद्धो अख्यदा रोदसी भानुना भात्यन्तः ॥
 त्वे वसूनि पुर्वणीक ।२। होतर्दोषा वस्तोरेरिरे यज्ञियासः ।
 क्षामैव विश्वा भुवनानि यस्मिन्त्सँसौभगानि दधिरे पावके ॥
 तुभ्यं ता अङ्गिरस्तम विश्वाः सुक्षितयः पृथक् । अग्ने कामाय येमिरे ॥
 अश्याम तं काममग्ने तवोत्यश्याम रयिरयिवः सुवीरम् ।
 अश्याम वाजमभि वाजयन्तोऽश्याम द्युमन्मजराजरं ते ॥
 श्रेष्ठं यविष्ठ भारताग्ने द्युमन्तमा भर ।३। वसौ पुरुस्पृहँरयिम् ॥
 स श्वितानस्तन्यतू रोचनस्था अजरैर्भिनानदद्भिर्यविष्ठः ।
 यः पावकः पुरुतमः पुरुणि पृथून्यग्निरनुयाति भवन् ॥
 आयुष्टे विश्वतौ दधद्यमग्निरैरयः ।
 पुनस्ते प्राण आयति परा यक्ष्मँ सुवामि ते ॥
 आयुर्दा अग्ने हविषो जुषाणो घृतप्रतीको घृतयौनिरेधि ।
 घृतं पीत्वा मधु चारु गव्यं पितेव पुत्रमभि ।४। रक्षतादिमम् ॥
 तस्मै ते प्रतिहर्यते जातवेदो विचर्षणे । अग्ने जनामि सुष्टुतिम् ॥
 दिवस्परि प्रथमं जज्ञे अग्निरस्मदिद्वतीयं परि जातवेदाः ।
 तृतीयमप्सु नृमणा अजस्त्रमिन्धान एनं जरते स्वाधीः ॥
 शुचिः पावक वन्द्योऽग्नै बृहद्वि रोचसे । त्वं घृतेभिराहुतः ॥
 दृशानो रुक्म उर्व्या व्यद्यौर्दुर्मर्षमायुः श्रिये रुचानः ।
 अग्निरमृतौ अभवद्वयोभिः ।५। यदेनं द्यौरजनयत्सुरेताः ॥
 आ यदिषे नृपतिं तेज आनट् छुचि रेतो निषिक्तं द्यौरभीकै ।
 अग्निः शर्धमनवद्यं युवानँ स्वाधियं जनयत्सूदयच्च ॥
 स तेजीयसा मनसा त्वोत उत शिञ्ज स्वपत्यस्य शिञ्जोः ।
 अग्ने रायो नृतमस्य प्रभूतौ भूयाम ते सुष्टुतयश्च वस्वः ॥
 अग्ने सहन्तमा भर द्युमन्स्य प्रासहा रयिम् ।
 विश्वा य ।६। श्वर्षणीरभ्यासा वाजेषु सासहत् ॥
 तमग्ने पृतनासहँरयिँ सहस्व आ भर ।

त्वँ हि स॒त्यो अ॒द्भुतो दा॒ता वा॒जस्य॒ गोम॑तः ॥
 उ॒क्षान्ना॑य व॒शान्ना॑य सोम॑पृ॒ष्ठाय वे॒धसै॑ । स्तोमै॑र्वि॒धेमा॒ग्रयै॑ ॥
 व॒द्या हि सू॒नो अस्य॑द्य॒सद्वा च॒क्रे अ॒ग्निर्ज॒नुषा॒ज्मान॑म् । स त्वं न ऊ॒र्जस॑न्
 ऊ॒र्जं धा॒ राजै॑व जेरवृ॒के क्षै॑ष्यन्तः ॥
 अ॒ग्र आ॒यूँषि॑ ।७। पव॑स॒ आ सु॒वोर्ज॒मिषं॑ च नः । आ॒रे बा॑धस्व
 दु॒च्छुना॑म् ॥
 अ॒ग्ने प॑वस्व॒ स्वपा॑ अ॒स्मे वर्चः॑ सु॒वीर्य॑म् । दध॒त्पोषँ॑र॒यिं म॑यि ॥
 अ॒ग्ने पा॑वक रो॒चिषा॑ म॒न्द्रया॑ देव जि॒ह्वया॑ । आ दे॒वान्व॑क्षि॒ यक्षि॑ च ॥
 स नः॑ पा॒वक दी॑दिवोऽ॒ग्ने दे॒वाँ इ॒हा व॑ह । उप॑ य॒ज्ञँ ह॒विश्च॑ नः ॥
 अ॒ग्निः शु॒चि॒व्रत॑तमः शु॒चि॒र्विप्रः॑ शु॒चिः ।८। क॒विः । शु॒ची॒रोच॑त॒
 आ॑हुतः ॥
 उ॒द॒ग्ने शु॒च॒य॒स्तव॑ शु॒क्रा भ्रा॑जन्त ईरते । तव॒ ज्योतीँ॑ष्य॒र्चयः॑ ॥१४॥
 इति प्रथमकाण्डे तृतीयः प्रपाठकः

आ ददे॑ ग्रावा॑स्यध्व॒रकृ॒द्दे॒वेभ्यो॑ गम्भी॒रमि॒मम॑ध्व॒रं कृ॑ध्युत्तमेन॑
 प॒विनेन्द्रा॑य॒ सोम॑ꣳ सुषु॑त॒म्मधु॑मन्त॒म्पय॑स्वन्तं वृष्टि॒वनि॒मिन्द्रा॑य त्वा
 वृ॒त्रघ्न॑ इन्द्रा॑य त्वा वृ॒त्रतुर॑ इन्द्रा॑य त्वाभिमा॒तिघ्न॑ इन्द्रा॑य त्वादित्य॒वत॑
 इन्द्रा॑य त्वा वि॒श्वदै॒व्याव॑ते
 श्वा॒त्राः स्थ॑ वृ॒त्रतुरो॑ रा॒धौगू॑र्ता अ॒मृत॑स्य॒ पत्नी॑स्ता दै॒वीर्दे॒व॒त्रे॒मं य॒ज्ञं
 ध॒त्तोप॑हृ॒ताः सोम॑स्य पि॒ब॒तोप॑हृतो युष्मा॒कꣳ

सोमः॑ पि॒ब॒तु
 यत्तै॑ सोम दि॒वि ज्योति॑र्यत्पृ॒थिव्यां॑ यदुराव॒न्तरि॑क्षे तेना॒स्मै
 यज॑माना॒योरु॒राया॑ कृ॒ध्यधि॑ दा॒त्रे वो॑चो
 धि॒षणे॑ वी॒डू स॒ती वी॑डयेथा॒मूर्जं॑ दधाथा॒मूर्ज॑म्मे धत्तं॒ मा वाꣳ
 हिꣳसि॒ष॒म्मा मा॑ हिꣳसि॒ष्टम्प्रा॑गपा॒गुद॑ग॒धरा॑क्तास्त्वा दि॒श आ
 धा॑व॒न्त्वम्ब॒ नि ष्व॑र
 यत्तै॑ सो॒मादा॑भ्यं॒ नाम॒ जागृ॑वि॒ तस्मै॑ ते सोम॒ सोमा॑य॒ स्वाहा॑ ॥१॥

वा॒चस्प॑तये पवस्व वा॒जिन्वृ॑षा वृ॒ष्णौ अꣳशु॑भ्यां॒ गर्भ॑स्तिपूतो दे॒वो
 दे॒वाना॑म्प॒वित्र॑मसि॒ येषां॑ भा॒गोऽसि॑ तेभ्य॑स्त्वा
 स्वा॑कृतोऽसि॒ मधु॑मतीर्न॒ इष॑स्कृ॒धि वि॒श्वेभ्य॑स्त्वेन्द्रि॒येभ्यो॑ दि॒व्येभ्यः॑
 पा॒र्थि॒वेभ्यो॑ मन॑स्त्वाष्ट्र॒ वन्तरि॑क्षमन्वि॒हि स्वाहा॑ त्वा सु॒भवः॑ सू॒र्याय॑
 दे॒वेभ्य॑स्त्वा मरी॒चिपे॑भ्य ए॒ष ते॒ योनिः॑ प्रा॒णाय॑ त्वा ॥२॥

उ॒प॒या॒मगृ॑हीतोऽस्य॒न्तर्य॑च्छ म॒घव॑न्पा॒हि सोम॑मु॒रुष्य॑ रा॒यः स॒मिषो॑
 यज॑स्वा॒न्तस्तै॑ दधामि॒ द्यावा॑पृ॒थिवी॑ अ॒न्तरु॑र्वन्तरि॒क्षꣳ स॒जोषा॑
 दे॒वैर॑व॒रैः प॒रैश्चान्तर्या॑मे म॒घव॑न्मादयस्व॒ स्वा॑कृतोऽसि॒ मधु॑मतीर्न॒
 इष॑स्कृ॒धि वि॒श्वेभ्य॑स्त्वेन्द्रि॒येभ्यो॑ दि॒व्येभ्यः॑ पा॒र्थि॒वेभ्यो॑
 मन॑स्त्वाष्ट्र॒ वन्तरि॑क्षमन्वि॒हि स्वाहा॑ त्वा सु॒भवः॑ सू॒र्याय॑ दे॒वेभ्य॑स्त्वा

मरीचिपेभ्य एष ते योनिरपानाय त्वा ॥३॥

आ वायो भूष शुचिपा उप नः सहस्रं ते नियुतौ विश्ववार । उपो ते
अन्धो मद्यमयामि यस्य देव दधिषे पूर्वपेयम् ॥

उपयामगृहीतोऽसि वायवे त्वेन्द्रवायू इमे सुताः । उप प्रयोभिरा
गतमिन्दवो वामुशन्ति हि ।

उपयामगृहीतोऽसीन्द्रवायुभ्यां त्वेष ते योनिः सजोषाभ्यां त्वा ॥४॥

अयं वां मित्रावरुणा सुतः सोमं ऋतावृधा । ममेदिह श्रुतं हवम्
॥

उपयामगृहीतोऽसि मित्रावरुणाभ्यां त्वेष ते योनिर्ऋतायुभ्यां त्वा
॥५॥

या वां कशा मधुमत्यश्विना सूनृतावती । तया यज्ञमिमिक्षतम् ॥
उपयामगृहीतोऽस्यश्विभ्यां त्वेष ते योनिर्माध्वीभ्यां त्वा ॥६॥

प्रातर्युजौ वि मुच्येथामश्विनावेह गच्छतम् । अस्य सोमस्य पीतयै
॥

उपयामगृहीतोऽस्यश्विभ्यां त्वेष ते योनिरश्विभ्यां त्वा ॥७॥

अयं वेनश्चौदयत्पृश्निगर्भा ज्योतिर्जरायू रजसो विमाने । इममपां
संगमे सूर्यस्य शिशुं न विप्रा मतिभी रिहन्ति ॥

उपयामगृहीतोऽसि शण्डाय त्वेष ते योनिर्वीरताम्पाहि ॥८॥

तम्प्रत्नथा पूर्वथा विश्वथेमथा ज्येष्ठतातिम्बर्हिषदं सुवर्विदं
प्रतीचीनं वृजनं दोहसे गिराशुं जयन्तमनु यासु वर्धसे ॥

उ॒प॒याम॑गृहीतोऽसि॒ मर्का॑य त्वैष ते॒ योनिः॑ प्र॒जाः पा॑हि ॥६॥

ये दे॒वा दि॒व्येका॑दश॒ स्थ पृ॑थि॒व्याम॑ध्येका॑दश॒ स्थाप्सु॑षदो
महि॒नैका॑दश॒ स्थ ते दे॒वा य॒ज्ञमि॑मं
जुष॑ध्वमु॒ प॒याम॑गृहीतोऽस्याग्र॒यणो॑ऽसि॒ स्वाग्र॑यणो जिन्वं य॒ज्ञं जिन्वं
य॒ज्ञप॑तिम॒भि सर्व॑ना पाहि॒ विष्णु॑स्त्वाम्पातु॒ विशं॑ त्वम्पा॑हीन्द्रि॒येणै॑ष
ते योनि॒र्विश्वै॑भ्यस्त्वा दे॒वेभ्यः॑ ॥१०॥

त्रि॒ंशत्त्रय॑श्च ग॒णिनो॑ रु॒जन्तो॑ दि॒वँ रु॒द्राः पृ॑थि॒वीं च॑ सचन्ते ।
एका॒दशा॑सौ अप्सु॑षदः सु॒तँ सोमं॑ जुषन्ता॒ँ सर्व॑नाय॒ विश्वे॑ ॥
उ॒प॒याम॑गृहीतोऽस्याग्र॒यणो॑ऽसि॒ स्वाग्र॑यणो जिन्वं य॒ज्ञं जिन्वं
य॒ज्ञप॑तिम॒भि सर्व॑ना पाहि॒ विष्णु॑स्त्वाम्पातु॒ विशं॑ त्वं पा॑हीन्द्रि॒येणै॑ष
ते योनि॒र्विश्वै॑भ्यस्त्वा दे॒वेभ्यः॑ ॥११॥

उ॒प॒याम॑गृहीतोऽसीन्द्रा॒य त्वा बृ॑हद्व॒ते व॒यस्व॑त उक्था॒युवे॑ यत्त॒ इन्द्र
बृ॒हद्व॒यस्त॑स्मै त्वा॒ विष्णा॑वे त्वैष ते॒ योनि॒रिन्द्रा॑य त्वोक्था॒युवे॑ ॥१२॥

मूर्धा॑नं दि॒वो अ॒रति॑म्पृथि॒व्या वैश्वान॑रमृ॒ताय॑ जा॒तम॒ग्निम् । क॒विँ
स॒म्राज॑म॒तिथिं॑ जना॑नामा॒सन्ना पा॑त्रं ज॒नय॑न्त दे॒वाः ॥
उ॒प॒याम॑गृहीतोऽस्य॒ग्रये॑ त्वा वैश्वान॑राय॒ ध्रुवो॑ऽसि॒ ध्रुव॑क्षि॒तिर्ध्रुवा॑णां
ध्रुव॑त॒मोऽच्यु॑तानामच्यु॒तक्षि॑त्त॒म ए॒ष ते॒ योनि॑र॒ग्रये॑ त्वा वैश्वान॑राय
॥१३॥

म॒धुश्च॑ मा॒धव॑श्च शु॒क्रश्च॑ शु॒चिश्च॑ न॒भश्च॑ न॒भस्य॑श्चे॒ षश्चो॑ र्जश्च॒ सह॑श्च
स॒हस्य॑श्च॒ तप॑श्च॒ तप॑स्य॒श्चो प॒याम॑गृहीतोऽसि॒
स॒ँस॒र्पोऽस्य॑ँहस्प॒त्याय॑ त्वा ॥१४॥

इन्द्राग्नी आ गतं सुतं गीर्भिर्नभो वरेण्यम् । अस्य पातं
धियेषिता ॥

उपयामगृहीतोऽसीन्द्राग्निभ्यां त्वेष ते योनिरिन्द्राग्निभ्यां त्वा ॥१५॥

ओमांसश्चर्षणीधृतो विश्वे देवास आ गत । दाश्वांसौ दाशुषः सुतम्
॥

उपयामगृहीतोऽसि विश्वेभ्यस्त्वा देवेभ्य एष ते योनिर्विश्वेभ्यस्त्वा
देवेभ्यः ॥१६॥

मरुत्वंतं वृषभं वावृधानमकवारिं दिव्यं शासमिन्द्रम् ।
विश्वासाहमवसे नूतनायोऽग्रं सहोदामिह तं हुवेम ॥
उपयामगृहीतोऽसीन्द्राय त्वा मरुत्वंत एष ते योनिरिन्द्राय त्वा
मरुत्वंते ॥१७॥

इन्द्रं मरुत्व इह पाहि सोमं यथा शायति अपिबः सुतस्य । तव
प्रणीती तव शूर शर्मन्ना विवासन्ति कवयः सुयज्ञाः ॥
उपयामगृहीतोऽसीन्द्राय त्वा मरुत्वंत एष ते योनिरिन्द्राय त्वा
मरुत्वंते ॥१८॥

मरुत्वां इन्द्र वृषभो रणाय पिबा सोममनुष्वधम्मदाय । आ
सिञ्चस्व जठरे मध्वं ऊर्मि त्वं राजासि प्रदिवः सुतानाम् ॥
उपयामगृहीतोऽसीन्द्राय त्वा मरुत्वंत एष ते योनिरिन्द्राय त्वा
मरुत्वंते ॥१९॥

महां इन्द्रो य ओजसा पर्जन्यो वृष्टिमां इव । स्तोमैर्वत्सस्य

वावृधे ॥

उ॒प॒या॒म॒गृ॒ही॒तो॒ऽसि॒ म॒हे॒न्द्रा॒य॒ त्वै॒ष ते॒ यो॒नि॒र्म॒हे॒न्द्रा॒य॒ त्वा ॥२०॥

म॒हा॒ँ इ॒न्द्रो॒ नृ॒व॒दा च॑र्ष॒णि॒प्रा उ॒त द्वि॒र्वा अ॒ग्निः॒ स स॒हो॒भिः ।

अ॒स्म॒द्रि॒य॒ग्वा॒वृ॒धे वी॒र्या॒यो॒ऽरुः॒ पृथुः॒ सु॒कृतः॒ क॒र्तृ॒भिर्भू॒त् ॥

उ॒प॒या॒म॒गृ॒ही॒तो॒ऽसि॒ म॒हे॒न्द्रा॒य॒ त्वै॒ष ते॒ यो॒नि॒र्म॒हे॒न्द्रा॒य॒ त्वा ॥२१॥

क॒दा च॒न स्त॒रीर॑सि॒ नेन्द्र॑ स॒श्वसि॒ दा॒शुषे॑ । उ॒पो॒पे॒न्नु म॑घ॒व॒भूय॒ इ॒न्नु
ते॒ दानं॑ दे॒वस्य॑ पृ॒च्यते ॥

उ॒प॒या॒म॒गृ॒ही॒तो॒ऽस्या॒दि॒त्ये॒भ्य॒स्त्वा

क॒दा च॒न प्र यु॑च्छ॒स्यु॒भे नि पा॑सि जन्म॒नी । तुरी॑या॒दि॒त्य॒ स॒र्व॒नं त
इन्द्रि॑य॒मा त॑स्था॒व॒मृते॑ दि॒वि ॥

य॒ज्ञो दे॒वाना॑म॒म्र॒त्यैति॑ सु॒म्र॒मा॒दि॒त्यासो॑ भ॒वता॑ मृ॒ड॒यन्तः॑ । आ

वो॒र्वाची॑ सु॒म॒ति॒र्व॒वृ॒त्याद॑ँ॒होश्चि॒द्या व॑रि॒वो वि॒त्तरा॑सत् ॥

वि॒व॒स्व आ॒दि॒त्यैष॑ ते॒ सोम॑पी॒थस्ते॑न॒ म॒न्दस्व॒ तेन॑ तृ॒प्य तृ॒प्यास्म॑ ते
व॒यं त॑र्प॒यि॒तारो॑ या दि॒व्या वृ॒ष्टि॒स्तया॑ त्वा श्री॒णामि ॥२२॥

वा॒म॒म॒द्य स॑वि॒त॒र्वा॒म॒मु श्वो दि॒वेदि॑वे वा॒म॒म॒स्म॒भ्यँ सा॒वीः ।

वा॒म॒स्य॒ हि क्ष॑य॒स्य दे॒व भू॑र॒या धि॒या वा॑म॒भाजः॑ स्याम ॥

उ॒प॒या॒म॒गृ॒ही॒तो॒ऽसि॒ दे॒वाय॑ त्वा स॒वि॒त्रे ॥२३॥

अ॒द॒ब्धे॒भिः स॑वि॒तः पा॒यु॒भि॒ष्ट्वँ शि॒वेभि॑र॒द्य परि॑ पा॒हि नो॒ ग॒य॒म् ।

हि॒र॒ण्य॒जिह्वः॑ सु॒वि॒ताय॒ न॒व्य॑से र॒क्षा मा॑कि॒र्नो अ॒घ॒शँस॑ ई॒शत ॥

उ॒प॒या॒म॒गृ॒ही॒तो॒ऽसि॒ दे॒वाय॑ त्वा स॒वि॒त्रे ॥२४॥

हि॒र॒ण्य॒पाणि॑मू॒तये॑ स॒वि॒ता॒मुप॑ ह्वये । स चे॒त्ता दे॒वता॑ प॒दम् ॥

उ॒प॒याम॑गृहीतोऽसि दे॒वाय॑ त्वा सवि॒त्रे ॥२५॥

सुशर्मा॑सि सुप्रतिष्ठानो बृहदु॒क्षे नम॑ ए॒ष ते॒ योनि॑र्विश्वेभ्यस्त्वा
दे॒वेभ्यः॑ ॥२६॥

बृहस्पति॑सुतस्य त इन्द्रो इन्द्रियाव॑तुः पत्नीव॒न्तं ग्रहं॑ गृह्णाम्य॒ग्रा३इ॑
पत्नीवा३ः स॒जूर्दे॒वेन॒ त्वष्ट्रा॑ सोम॑म्पिब॒ स्वाहा॑ ॥२७॥

हरि॑रसि हारियोज॒नो ह॒र्योः स्था॒ता वज्र॑स्य भ॒र्ता पृ॒श्नैः प्रे॒ता तस्य॑ ते
देव॑ सोमे॒ष्टय॑जुषेः स्तुत॑स्तोमस्य श॒स्तोक्थ॑स्य हरि॑व॒न्तं ग्रहं॑ गृह्णामि
ह॒रीः स्थ॒ ह॒र्योर्धा॑नाः स॒ह सौ॒मा इन्द्रा॑य॒ स्वाहा॑ ॥२८॥

अ॒ग्न आ॒यूँषि॑ पवस॒ आ सु॒वोर्ज॑मिषं च नः । आ॒रे बा॒धस्व
दु॒च्छुना॑म्
उ॒प॒याम॑गृहीतोऽस्य॒ग्रये॑ त्वा॒ तेज॑स्वत ए॒ष ते॒ योनि॑र॒ग्रये॑ त्वा॒ तेज॑स्वते
॥२९॥

उ॒त्तिष्ठ॑न्नोर्जसा स॒ह पी॒त्वा शि॒प्रै अ॒वेप॑यः । सोम॑मिन्द्र च॒मू सु॒तम्
॥
उ॒प॒याम॑गृहीतोऽसीन्द्रा॑य॒ त्वौज॑स्वत ए॒ष ते॒ योनि॑रिन्द्रा॑य॒ त्वौज॑स्वते
॥३०॥

त॒रणि॑र्विश्वदर्शतो ज्योतिष्कृ॑दसि सूर्य॑ । विश्व॑मा भा॑सि रोच॒नम् ॥
उ॒प॒याम॑गृहीतोऽसि॒ सूर्या॑य त्वा॒ भ्राज॑स्वत ए॒ष ते॒ योनिः॑ सूर्या॑य त्वा॒
भ्राज॑स्वते ॥३१॥

आ प्यायस्व मदिन्तम् सोम विश्वाभिरूतिभिः । भवा नः
सुप्रथस्तमः ॥३२॥

ईयुष्टे ये पूर्वतरामपश्यन्व्युच्छन्तीमुषसम्मर्त्यासः । अस्माभिरू नु
प्रेतिचक्ष्याभूदो ते यन्ति ये अपरीषु पश्यान् ॥३३॥

ज्योतिष्मतीं त्वा सादयामि ज्योतिष्कृतं त्वा सादयामि ज्योतिर्विदं
त्वा सादयामि भास्वतीं त्वा सादयामि ज्वलन्तीं त्वा सादयामि
मल्मलाभवन्तीं त्वा सादयामि दीप्यमानां त्वा सादयामि रोचमानां
त्वा सादयाम्यजस्रां त्वा सादयामि बृहज्ज्योतिषं त्वा सादयामि
बोधयन्तीं त्वा सादयामि जाग्रतीं त्वा सादयामि ॥३४॥

प्रयासाय स्वाहायासाय स्वाहा वियासाय स्वाहा संयासाय
स्वाहौ द्यासाय स्वाहावयासाय स्वाहा शुचे स्वाहा शोकाय
स्वाहा तप्यत्वै स्वाहा तपते स्वाहा ब्रह्महत्यायै स्वाहा सर्वस्मै
स्वाहा ॥३५॥

चित्त्वं संतानेन भवं युक्त्वा रुद्रं तन्निम्ना पशुपत्त्वं
स्थूलहृदयेनाग्निं हृदयेन रुद्रं लोहितेन
शर्वम्मर्तस्त्राभ्याम्महादेवमन्तःपार्श्वेनौषिष्टहनं
शिङ्गीनिकोश्याभ्याम् ॥३६॥

आ तिष्ठ वृत्रहन्त्रथं युक्ता ते ब्रह्मणा हरी । अर्वाचीनं सु ते मनो
ग्रावा कृणोतु वृमुना ॥
उपयामगृहीतोऽसीन्द्राय त्वा षोडशिन एष ते योनिरिन्द्राय त्वा
षोडशिनै ॥३७॥

इन्द्रमिद्धरीं वहतोऽप्रतिधृष्टशवसु मृषीणां च स्तुतीरुप यज्ञं च
मानुषाणाम् ॥

उपयामगृहीतोऽसीन्द्राय त्वा षोडशिन एष ते योनिरिन्द्राय त्वा
षोडशिनै ॥३८॥

असावि सोम इन्द्र ते शविष्ठ धृष्णावा गहि । आ त्वा
पृणक्त्विन्द्रियं रजः सूर्यं न रश्मिभिः ॥

उपयामगृहीतोऽसीन्द्राय त्वा षोडशिन एष ते योनिरिन्द्राय त्वा
षोडशिनै ॥३९॥

सर्वस्य प्रतिशीवरी भूमिस्त्वोपस्थ आधित । स्योनास्मै सुषदा भव
यच्छास्मै शर्म सप्रथाः ॥

उपयामगृहीतोऽसीन्द्राय त्वा षोडशिन एष ते योनिरिन्द्राय त्वा
षोडशिनै ॥४०॥

महां इन्द्रो वज्रबाहुः षोडशी शर्म यच्छतु । स्वस्ति नो मघवा
करोतु हन्तु पाप्मानं योऽस्मान्द्वेष्टि ॥

उपयामगृहीतोऽसीन्द्राय त्वा षोडशिन एष ते योनिरिन्द्राय त्वा
षोडशिनै ॥४१॥

सजोषा इन्द्रः सर्गणो मरुद्भिः सोमम्पिब वृत्रहञ्छूर विद्वान् । जहि
शत्रूँरप मृधो नुदस्वाथाभयं कृणुहि विश्वतो नः ॥

उपयामगृहीतोऽसीन्द्राय त्वा षोडशिन एष ते योनिरिन्द्राय त्वा
षोडशिनै ॥४२॥

उदु त्यं जातवेदसं देवं वहन्ति केतवः । दृशे विश्वाय सूर्यम् ॥
 चित्रं देवानामुदगादनीकं चक्षुर्मित्रस्य वरुणस्याग्नेः । आप्रा
 द्यावापृथिवी अन्तरिक्षं सूर्य आत्मा जगतस्तस्थुषश्च ॥
 अग्ने नय सुपथा राये अस्मान्विश्वानि देव वयुनानि विद्वान् ।
 युयोध्यस्मज्जुहुराणमेनो भूयिष्ठां ते नम उक्तिं विधेम ॥
 दिवं गच्छ सुवः पत रूपेण वो रूपमभ्यैमि वयसा वयः ।
 तुथो वो विश्ववेदा वि भजतु वर्षिष्ठे अधि नाके ।
 एतत्तै अग्ने राध ऐति सोमच्युतं तन्मित्रस्य पथा नयर्तस्य पथा प्रेत
 चन्द्रदक्षिणा यज्ञस्य पथा सुविता नयन्ती ब्राह्मणमद्य
 राध्यासमृषिमार्षेयम्पितृमन्तम्पैतृमत्यं सुधातुदक्षिणं वि सुवः पश्य
 व्यन्तरिक्षं यतस्व सदस्यैरस्मद्वात्रा देवत्रा गच्छत मधुमतीः
 प्रदातारमा विशतानवहायास्मान्देवयानेन पथेत सुकृतां लोके
 सीदत
 तन्नः सस्कृतम् ॥४३॥

धाता रातिः सवितेदं जुषन्ताम्प्रजापतिर्निधिपतिर्नो अग्निः । त्वष्टा
 विष्णुः प्रजया सरराणो यजमानाय द्रविणं दधातु ॥
 समिन्द्राणो मनसा नेषि गोभिः स सूरिभिर्मघवन्त्स स्वस्त्या ।
 सम्ब्रह्मणा देवकृतं यदस्ति सं देवानां सुमत्या यज्ञियानाम् ॥
 सं वर्चसा पयसा सं तनूभिरगन्महि मनसा सशिवेन । त्वष्टा नो
 अत्र वरिवः कृणोत्वनुं माष्टु तनुवो यद्विलिष्टम् ॥
 यदद्य त्वा प्रयति यज्ञे अस्मिन्नग्ने होतारमवृणीमहीह ।
 ऋधगयादृधगुताशमिष्ठाः प्रजानन्यज्ञमुप याहि विद्वान् ॥
 स्वगा वो देवाः सदनमकर्म य आजगम सर्वनेदं जुषाणाः ।
 जन्निवांसः पपिवांसश्च विश्वेऽस्मे धत्त वसवो वसूनि ॥
 यानावह उशतो देव देवान्तान्प्रेरयु स्वे अग्ने सुधस्थे । वहमाना

भरमाणा हवींषि वसुं घर्म दिवमा तिष्ठतानु ॥
 यज्ञं यज्ञं गच्छ यज्ञपतिं गच्छ स्वां योनिं गच्छ स्वाहैष ते यज्ञो
 यज्ञपते सहसूक्तवाकः सुवीरः स्वाहा देवा गातुविदो गातुं वित्त्वा
 गातुमिदं
 मनसस्पत इमं नो देव देवेषु यज्ञं स्वाहा वाचि स्वाहा वातै धा :
 ॥४४॥

उरुं हि राजा वरुणश्चकार सूर्याय पन्थामन्वेतुवा उ । अपदे पादा
 प्रतिधातवेऽकरुतापवृक्ता हृदयाविधश्चित् ॥
 शतं ते राजन्भिषजः सहस्रमुर्वी गम्भीरा सुमतिष्ठे अस्तु । बाधस्व
 द्वेषो निऋतिम्पराचैः कृतं चिदेनः प्र मुमुग्ध्यस्मत्
 अभिष्ठितो वरुणस्य पाशोऽग्नेरनीकमुप आ विवेश । अपां
 नपात्प्रतिरक्षन्नसूर्यं दमेदमे समिधं यक्ष्यग्ने । प्रति ते जिह्वा
 घृतमुच्चरयेत्समुद्रे ते हृदयमप्स्वन्तः । सं त्वा विशन्त्वोषधीरुतापो
 यज्ञस्य त्वा यज्ञपते हविर्भिः । सूक्तवाके नमोवाके विधेमा वभृथ
 निचंकुण निचेरुरसि निचंकुणाव देवैर्देवकृतमेनोऽयाडव
 मर्त्यैर्मर्त्यकृतमुरोरा नो देव रिषस्पाहि सुमित्रा न आप ओषधयः

सन्तु दुर्मित्रास्तस्मै भूयासुर्योऽस्मान्द्वेष्टि यं च वयं द्विष्मो
 देवीराप एष वो गर्भस्तं वः सुप्रीतं सुभृतमकर्म देवेषु नः सुकृतौ
 ब्रूतात्
 प्रतियुतो वरुणस्य पाशः प्रत्यस्तो वरुणस्य पाश एधोऽस्येधिषीमहि
 समिदसि तेजोऽसि तेजो मयि धेह्यपो अन्वचारिषं रसेन
 समसृद्धमहि पर्यस्वां अग्र आगमं तम्मा सं सृज वर्चसा ॥४५॥

यस्त्वा हृदा कीरिणा मन्यमानोऽमर्त्यम्मर्त्यो जोहवीमि । जातवेदो

यशौ अस्मासु धेहि प्रजाभिरग्रे अमृतत्वमश्याम् ॥
 यस्मै त्वँ सुकृते जातवेद उ लोकमग्रे कृणवः स्योनम् । अश्विनँ
 स पुत्रिणं वीरवन्तं गोमन्तँ रुयिं नशते स्वस्ति ॥
 त्वे सु पुत्र शवसोऽवृत्रन्कामकातयः । न त्वामिन्द्राति रिच्यते ॥
 उक्थउक्थे सोम इन्द्रम्ममाद नीथेनीथे मघवानँ
 सुतासः । यदीँ सबाधः पितरं न पुत्राः समानदक्षा अवसे हवन्ते
 ॥

अग्रे रसेन तेजसा जातवेदो वि रौचसे । रक्षोहामीवचातनः ॥
 अपो अन्वचारिषँ रसेन समसृक्षमहि । पर्यस्वाँ अग्न आगमं
 तम्मा सँ सृज वर्यसा ॥
 वसुर्वसुपतिर्हिकमस्यग्रे विभावसुः । स्याम ते सुमतावपि ॥
 त्वामग्रे वसुपतिं वसूनामभि प्र मन्दे

अध्वरेषु राजन् । त्वया वाजं वाजयन्तौ जयेमाभि ध्याम
 पृत्सुतीर्मर्त्यानाम् ॥
 त्वामग्रे वाजसातमं विप्रा वर्धन्ति सुष्टुतम् । स नो रास्व सुवीर्यम्
 ॥

अयं नो अग्निर्वरिवः कृणोत्वयम्मृधः पुर एतु प्रभिन्दन् । अयँ
 शत्रूञ्जयतु जर्हषाणोऽयं वाजं जयतु वाजसातौ ॥
 अग्निनाग्निः समिध्यते कविर्गृहपतिर्युवा । हव्यवाड्जुह्वास्यः ॥
 त्वँ ह्यग्रे अग्निना विप्रो विप्रैण सन्त्सता । सखा सख्या
 समिध्यसे ॥

उदग्रे शुचयस्तव वि ज्योतिषा ॥४६॥

इति प्रथमकाण्डे चतुर्थः प्रपाठकः ॥४॥

दे॒वा॒सु॒राः सं॒य॒त्ता आ॒स॒न्ते दे॒वा वि॒ज॒य॒मु॒प॒य॒न्तोऽग्नौ वा॒मं व॒सु सं
 न्य॒दध॒ ते॒द॒मु॒ नो भ॒विष्य॒ति॒ यदि॑ नो जे॒ष्यन्ती॒ति॒
 तद॒ग्नि॒र्न्य॒काम॒यत॒ तेनापा॑क्राम॒त्तद्दे॒वा वि॒जित्या॑व॒रुरु॑त्स॒माना॒
 अ॒न्वा॒य॒न्त॒द॒स्य॒ स॒ह॒सादि॑त्सन्त॒
 सौऽरो॒दी॒घ॒द॒रो॒दी॒त्तद्द्रु॒द्रस्य॑ रु॒द्रत्वं यद॑श्च॒शी॒यत॒ तद्र॑ज॒त॒
 हि॒र॒ण्य॒म॒भ॒व॒त्त॒स्माद्र॑ज॒त॒ हि॒र॒ण्य॒म॒द॒क्षि॒ण्य॒म॒श्रुज॑ हि॒ यो ब॒र्हिषि॑
 द॒दा॒ति पु॒रा॒स्य॑ सं॒वत्स॒रा॒द॒गृ॒हे रु॑दन्ति॒ तस्मा॑द्ब॒र्हिषि॑ न दे॒य॒
 सौऽग्नि॒र्ब्र॒वी॒द्भाग्य॑सा॒न्य॒र्थ॒ व इ॒द॒मि॒ति पु॒न॒रा॒धेयं॑ ते
 के॒व॒ल॒मि॒त्य॒ब्रु॒व॒न्नु॒ध॒व॒त्ख॒लु स इ॒त्य॒ब्र॒वी॒द्यो म॑दे॒व॒त्य॒म॒ग्नि॒मा॒द॒धा॒ता
 इति॑ त॒म्पू॒षा॒ध॒त्त॒ तेन॑

पू॒षा॒घ्नो॒त्त॒स्मात्पौ॒ष्णाः प॒श॒व॒ उ॒च्य॒न्ते तं त्व॑ष्टा॒ध॒त्त॒ तेन॑
 त्व॑ष्टा॒घ्नो॒त्त॒स्मात्त्वा॒ष्टाः प॒श॒व॒ उ॒च्य॒न्ते
 त॒म्म॒न॒रा॒ध॒त्त॒ तेन॑ म॒न॒रा॒घ्नो॒त्त॒स्मा॒न्मा॒न॒व्यः प्र॒जा उ॒च्य॒न्ते
 तं धा॒ता॒ध॒त्त॒ तेन॑ धा॒ता॒घ्नो॒त्सं॒वत्स॒रो वै धा॒ता त॒स्मात्सं॒वत्स॒र॒म॒प्र॒जाः
 प॒श॒वोऽनु॑ प्र जा॒य॒न्ते । य ए॒व॒म॒पु॒न॒रा॒धे॒य॒स्य॒द्धि॑ वे॒द॒ ध्नो॒त्ये॒व
 योऽस्यै॒वं ब॒न्धु॒तां वे॒द॒ ब॒न्धु॒मा॒भ॒व॒ति भा॒ग॒धे॒यं वा अ॒ग्निरा॑हि॒त
 इ॒च्छ॒मा॒नः प्र॒जा॒म॒प॒शू॒न्य॒ज॒मा॒न॒स्यो॒ष॒ दो॒द्रा॒वो॒द्वा॒स्य पु॒न॒रा द॑धी॒त
 भा॒ग॒धे॒ये॒नै॒वैन॑ सम॒र्ध॒य॒त्यथो॑ शा॒न्ति॒रे॒वा॒स्यै॒षा पु॒न॒र्व॒स्वो॒रा द॑धी॒तै॒त॒द्वै
 पु॒न॒रा॒धे॒य॒स्य नक्ष॑त्रं यत्पु॒न॒र्व॒सू स्वा॒या॒मे॒वैनं॑ दे॒वता॑या॒मा॒धाय॑
 ब्र॒ह्म॒व॒र्च॒सी भ॑वति द॒र्भै॒रा द॑धा॒त्य॒या॒त॒या॒म॒वा॒य
 द॒र्भै॒रा द॑धा॒त्य॒द्वा ए॒वैन॑मोष॒धी॒भ्योऽव॑रु॒ध्या॒ध॒त्ते पञ्च॑क॒पालः पु॒रो॒डा॒शौ
 भ॒व॒ति पञ्च॑ वा ऋ॒त॒व॒ ऋ॒तु॒भ्य॑ ए॒वैन॑म॒व॒रु॒ध्या॒ध॒त्ते ॥१॥

प॒रा वा ए॒ष य॒ज्ञ॒म॒प॒शू॒न्व॒प॒ति योऽग्नि॑मु॒द्वा॒स॒य॒ते ।
 पञ्च॑क॒पालः पु॒रो॒डा॒शौ भ॒व॒ति

पाङ्क्तौ यज्ञः पाङ्क्तौ पशवौ यज्ञमेव पशूनव रुन्दे ।
 वीरहा वा एष देवानां योऽग्निमुद्वासयते
 न वा एतस्य ब्राह्मणा ऋतायवः पुरान्नमक्षन् ।
 पङ्क्त्यो याज्यानुवाक्या भवन्ति
 पाङ्क्तौ यज्ञः पाङ्क्तः पुरुषो देवानेव वीरं निरवदायाग्निम्पुनरा
 धत्ते शताक्षरा भवन्ति शतायुः पुरुषः शतेन्द्रिय आयुष्येवेन्द्रिये प्रति
 तिष्ठति यद्वा अग्निराहितो न धर्यते ज्यायौ भागधेयं निकामयमानो
 यदाग्नेयं सर्वम्भवति सैवास्यद्धिः
 सं वा एतस्य गृहे वाक्सृज्यते योऽग्निमुद्वासयते स वाचं संसृष्टां
 यजमान ईश्वरोऽनु पराभवितोर्विभक्तयो भवन्ति वाचो विधृत्यै
 यजमानस्यापराभावाय विभक्तिं करोति ब्रह्मैव तदकरुणांशु
 यजति यथा वामं वसुं विविदानो गूहति तादृगेव तदग्निम्प्रति
 स्विष्टकृतं निराह यथा वामं वसुं विविदानः प्रकाशं जिगमिषति
 तादृगेव तद्विभक्तिमुक्त्वा प्रयाजेन वर्षट्करोत्यायतनादेव नैति
 यजमानो वै पुरोडाशः पशव एते आहुती यदभितः पुरोडाशमेते
 आहुती जुहोति यजमानमेवोभयतः पशुभिः परि गृह्णाति कृतयजुः
 सम्भृतसम्भार इत्याहुर्न सम्भृत्याः सम्भारा न यजुः कर्तव्यमित्यथो
 खलु सम्भृत्या एव सम्भाराः कर्तव्यं यजुर्यज्ञस्य समृद्धयै
 पुनर्निष्कृतो रथो दक्षिणा पुनरुत्स्यूतं वासः
 पुनरुत्सृष्टोऽनुङ्वान्पुनराधेयस्य समृद्धयै सप्त तै अग्ने समिधः सप्त
 जिह्वा इत्यग्निहोत्रं जुहोति
 यत्रयत्रैवास्य न्यक्तं तत एवैनमव रुन्दे वीरहा वा एष
 देवानाम्योऽग्निमुद्वासयते तस्य वरुण
 एवर्णयादाग्निवारुणमेकादशकपालमनु निर्वपेद्यं चैव हन्ति
 यश्चास्यर्णयात्तौ भागधेयेन प्रीणाति नार्तिमाच्छति यजमानः ॥ २ ॥

भूमिर्भूमा द्यौर्वरिणान्तरिक्षमहित्वा । उपस्थे ते
 देव्यदितेऽग्निर्मन्नादमन्नाद्याया दधे ॥
 आयं गौः पृश्निरक्रमीदसनन्मातरम्पुनः । पितरं च प्रयन्त्सुवः ॥
 त्रिंशद्धाम वि राजति वाक्पतङ्गाय शिश्रिये । प्रत्यस्य वह द्युभिः
 ॥

अस्य प्राणादपानत्यन्तश्चरति रोचना । व्यख्यन्महिषः सुवः ॥
 यत्त्वा क्रुद्धः परोवप मन्युना यदवर्त्या । सुकल्पमग्रे तत्तव
 पुनस्त्वोदीपयामसि ॥
 यत्ते मन्युपरोप्तस्य पृथिवीमनु दध्वसे । आदित्या विश्वे तद्देवा
 वसवश्च सुमाभरन् ॥
 मनो ज्योतिर्जुषतामाज्यं विच्छिन्नं यज्ञं समिमं दधातु ।
 बृहस्पतिस्तनुतामिमं नो विश्वे देवा इह मादयन्ताम् ॥
 सप्त ते अग्रे समिधः सप्त जिह्वाः सप्तर्षयः सप्त धाम प्रियाणि । सप्त
 होत्राः सप्तधा त्वा यजन्ति सप्त योनीरा पृणस्वा घृतेन ॥
 पुनरूर्जा नि वर्तस्व पुनरग्र इषायुषा । पुनर्नः पाहि विश्वतः ॥ ॥
 सह रय्या नि वर्तस्वाग्ने पिन्वस्व धारया । विश्वप्त्रिया विश्वतस्परि
 लेकः सलैकः सुलेकस्ते न आदित्या आज्यं जुषाणा वियन्तु केतः
 सकैतः सुकेतस्ते न आदित्या आज्यं जुषाणा वियन्तु विवस्वा
 अदितिर्देवजूतिस्ते न आदित्या आज्यं जुषाणा वियन्तु ॥३॥

भूमिर्भूमा द्यौर्वरिणेत्याहाशिषैवैनमा धत्ते
 सर्पा वै जीर्यन्तोऽमन्यन्तस एतं कसर्णीरः काद्रवेयो मन्त्रमपश्यत्ततो
 वै ते जीर्णास्तनूरपाघ्नत
 सर्पराज्ञिया ऋग्भिर्गार्हपत्यमा दधाति पुनर्नवमेवैनमजरं कृत्वा
 धत्तेऽथो पूतमेव पृथिवीमन्नाद्यं नोपानमत्सैतं
 मन्त्रमपश्यत्ततो वै तामन्नाद्यमुपानमद्यत्सर्पराज्ञिया

ऋग्भिर्गार्हपत्यमादधात्यन्नाद्यस्यावरुद्ध्या
 अथौ अस्यामेवैनम्प्रतिष्ठितमा धत्ते यत्त्वा क्रुद्धः परोवपेत्याहाप हुत
 एवास्मै तत्पुन स्त्वोदीपयामसीत्याहु समिन्द्र एवैनं यत्ते
 मन्युपरोप्तस्येत्याह देवताभिरेवैनं सम्भरति वि वा एतस्य
 यज्ञश्छिद्यते योऽग्निमुद्वासयते बृहस्पतिवत्यर्चोप तिष्ठते ब्रह्म वै
 देवानाम्बृहस्पतिर्ब्रह्मणैव यज्ञं सं दधाति वि च्छिन्नं यज्ञं समिमं
 दधात्वित्याहु सन्तत्यै
 विश्वे देवा इह मादयन्तामित्याह सन्तत्यैव यज्ञं देवेभ्योऽनु दिशति
 सप्त तै अग्ने समिधः सप्त जिह्वा इत्याह सप्तसप्त वै सप्तधाग्नेः
 प्रियास्तनुवस्ता एवाव रुन्धे पुनरूर्जा सह रय्येत्यभितः
 पुरोडाशमाहुती जुहोति यजमानमेवोर्जा च रय्या चौभयतः परि
 गृह्णात्या दित्या वा अस्माल्लोकादमुं लोकमायन्तै ऽमुष्मिल्लोके
 व्यतृष्यन्त इमं लोकम्पुनरभ्यवेत्याग्निमाधायैतान्होमानजुहवुस्त
 आर्ध्वन्ते सुवर्गं ल्लोकमायन्यः पराचीनम्पुनराधेयादग्निमादधीत स
 एतान्होमाञ्जुहयाद्यामेवादित्या ऋद्धिमार्ध्वन्तामेवध्नोति ॥४॥

उपप्रयन्तो अध्वरम्मन्त्रं वोचेमाग्रयै । आरे अस्मे च शृण्वते ॥
 अस्य प्रतामनु द्युतं शुक्रं दुदुहे अहयः । पयः सहस्रसामृषिम् ॥
 अग्निर्मूर्धा दिवः ककुत्पतिः पृथिव्या अयम् । अपां रेतांसि
 जिन्वति ॥

अयमिह प्रथमो धायि धातृभिर्होता यजिष्ठो अध्वरेष्वीडयः ।
 यमप्रवानो भृगवो विरुचुर्वनेषु चित्रं विभुवं विशेविशे ॥
 उभा वामिन्द्राग्नी आहुवध्या उभा राधसः सह मादयध्यै । उभा
 दाताराविषां रयीणामुभा वाजस्य सातयै हुवे वाम् ।
 अयं ते योनिर्ऋत्वियो यतो जातो अरोचथाः । तं जानन्नग्ने आ
 रोहाथा नो वर्धया रयिम् ।

अग्र आयँषि पवस आ सुवोवोर्जमिषं च नः । आरे बाधस्व
दुच्छुनाम् ॥
अग्ने पवस्व स्वपा अस्मे वर्चः सुवीर्यम् ॥ दधत्पोषँ रयिं मयि ॥
अग्ने पावक रोचिषा मन्द्रया देव जिह्वया । आ देवान्वन्ति यक्षि च
॥

स नः पावक दीदिवोऽग्ने देवाँ इहावह । उप यज्ञँ हविश्च नः
॥

अग्निः शुचिब्रततमः शुचिर्विप्रः शुचिः कविः । शुची रोचत
आहुतः ॥
उदग्ने शुचयस्तव शुक्रा भ्राजन्त ईरते । तव ज्योतीँष्यर्चयः ॥
आयुर्दा अग्नेऽस्यार्युर्मे देहि वर्चोदा अग्नेऽसि वर्चो मे देहि तनूपा
अग्नेऽसि तनुवम्मे पाह्यग्ने यन्मे तनुवा ऊनं तन्म आ पूण ।
चित्रावसो स्वस्ति तै पारमशीयेन्धानास्त्वा शतँ हिमा द्युमन्तः
समिधीमहि वयस्वन्तो वयस्कृतं यशस्वन्तो यशस्कृतँ सुवीरासो
अदाभ्यम् । अग्ने सपत्नदम्भनं वर्षिष्ठे अधि नाकै ।
सं त्वमग्ने सूर्यस्य वर्चसागथाः समृषीणाँ स्तुतेन सम्प्रियेण धाम्ना
।

त्वमग्ने सूर्यवर्चा असि सम्मामायुषा वर्चसा प्रजया सृज ॥५॥

सम्पश्यामि प्रजा अहमिडप्रजसो मानवीः । सर्वा भवन्तु नो गृहे
॥

अम्भुः स्थाम्भौ वो भक्षीय महः स्थ महौ वो भक्षीय सहः स्थ सहौ
वो भक्षीयोर्जः स्थोर्ज वो भक्षीय
रेवती रमध्वमस्मिँ ल्लोकेऽस्मिन्गोष्ठेऽस्मिन्द्वयेऽस्मिन्योनाविहैव
स्तेतो मापं गात ब्रह्मीर्मे भूयास्त सँहितासि विश्वरूपीरा मोर्जा
विशा गौपत्येना रायस्पोषेण सहस्रपोषं वः पुष्यासम्मयि वो रायः

श्रयन्ताम्

उप त्वाग्ने दिवेदिवे दोषावस्तर्धिया वयम् । नमो भरन्त एमसि ॥
 राजन्तमध्वराणां गोपामृतस्य दीदिविम् । वर्धमानुं स्वे दमे ॥
 स नः पितेव सूनवेऽग्रे सूपायनो भव । सचस्वा नः स्वस्तये ॥
 अग्ने त्वं नो अन्तमः । उत त्राता शिवो भव वरूथ्यः । तं त्वा
 शोचिष्ठ दीदिवः । सुम्राय नूनमीमहे सखिभ्यः ।
 वसुरग्रिर्वसुश्रवाः । अच्छा नक्षि द्युमत्तमो रयिं दाः ॥
 ऊर्जा वः पश्याम्यूर्जा मा पश्यत रायस्पोषेण वः पश्यामि रायस्पोषे
 ण मा पश्यतेडाः स्थ मधुकृतःस्योना माविशतेरा मदः । सहस्रपोष
 वः पुष्यासुं मयि वो रायः श्रयन्ताम् ॥
 तत्सवितुर्वरेण्यम्भर्गो देवस्य धीमहि । धियो यो नः प्रचोदयात् ॥
 सोमानुं स्वरणं कृणुहि ब्रह्मणस्पते । कक्षीवन्तम्य औशिजम् ॥
 कदा चन स्तरीरसि नेन्द्र सश्वसि दाशुषे । उपोपेन्नु मघवन्भूय इन्नु
 ते दानं देवस्य पृच्यते ॥
 परि त्वाग्ने पुरं वयं विप्रं सहस्य धीमहि । धृषद्वर्णं दिवेदिवे
 भेत्तारम्भङ्गुरावतः ॥
 अग्ने गृहपते सुगृहपतिरहं त्वया गृहपतिना भूयासं सुगृहपतिर्मया
 त्वं गृहपतिना भूयाः शतं हिमास्तामाशिषमा शासे तन्तवे
 ज्योतिष्मतीं तामाशिषमा शासेऽमुष्मै ज्योतिष्मतीम् ॥६॥

अयज्ञो वा एष योऽसामोपप्रयन्तो अध्वरमित्याह स्तोममेवास्मै
 युनक्त्यु पेत्याह प्रजा वै पशव उपेमं लोकम्प्रजामेव पशूनिमं
 लोकमुपैत्यस्य प्रतामनु द्युतमित्याह सुवर्गो वै लोकः प्रतः
 सुवर्गमेव लोकं समारोहत्यग्निर्मूर्धा दिवः ककुदित्याह
 मूर्धानमेवैनं समानानां करोत्यथो देवल्लोकादेव मनुष्यलोके प्रति
 तिष्ठत्ययमिह प्रथमो धायि धातृभिरित्याह मुख्यमेवैनं करोत्युभा

वा॒मिन्द्रा॒ग्नी आ॒हुव॒ध्या इत्या॒हौजो॒ बल॑मे॒वाव॑ रु॒न्धेऽयं॑ ते
 योनि॑र्ऋ॒त्विय॒ इत्या॑ह प॒शवो॑ वै र॒यिः प॒शूने॒वाव॑ रु॒न्धे
 षड्भि॑रुप॑ तिष्ठते षड्वा ऋ॒तव॑ ऋ॒तुष्वे॒व प्र॑ति तिष्ठति
 षड्भि॑रुत्तरा॒भिरुप॑ तिष्ठते द्वाद॑श॒ सम्प॑द्यन्ते द्वाद॑श॒ मासाः॑ संवत्स॒रः
 संवत्स॒र ए॒व प्र॑ति तिष्ठति
 यथा॒ वै पु॒रुषो॑ऽश्वो गौर्जीर्य॑त्ये॒वम॒ग्निरा॑हितो जीर्यति संवत्स॒रस्य॑
 प॒रस्ता॑दा॒ग्निपा॒वमा॒नीभि॑रुप॑ तिष्ठते पुन॑र्न॒वमे॒वैन॑म॒जरं॑ करोत्यथो
 पु॒नात्ये॒वोप॑ तिष्ठते यो॒ग ए॒वास्यै॑ष उ॒प तिष्ठते॑ द॒म ए॒वास्यै॑ष उ॒प
 तिष्ठते॑ या॒ञ्चैवा॒स्यैषो॒प तिष्ठते॑ यथा॒ पापी॑याञ्छरे॒यस॑ आ॒हत्य॑ न॒मस्य॑ति
 ता॒दृगे॒व तदा॑ यु॒दा अ॒ग्नेऽस्या॑यु॒र्मे दे॒हीत्या॑हायु॒दा ह्यैष॑ व॒र्चो॒दा
 अ॒ग्नेऽसि॑ व॒र्चो मे॑ दे॒हीत्या॑ह व॒र्चो॒दा ह्यैष॑ त॒नूपा अ॒ग्नेऽसि॑ त॒नुव॑म्मे
 पा॒हीत्या॑ह त॒नूपा ह्यैषो॑ऽग्ने॒ यन्मे॑ त॒नुवा॑ ऊ॒नं त॒न्म आ॒ पू॒णेत्या॑ह यन्मे॑
 प्र॒जायै॑ प॒शूना॑मू॒नं त॒न्म आ॒ पू॒रये॑ति वावै॒तदा॑ह
 चि॒त्राव॑सो स्व॒स्ति तै॑ पा॒रम॑शी॒येत्या॑ह रा॒त्रिर्वै चि॒त्राव॑सु॒रव्यु॑ष्ट्यै॒ वा
 ए॒तस्यै॑ पु॒रा ब्रा॒ह्मणा॑ अभैषु॒र्व्युष्टि॑मे॒वाव॑ रु॒न्ध इ॒न्धा॒नास्त्वा श॒तं
 हि॒मा इत्या॑ह श॒तायुः॑ पु॒रुषः॑ श॒तेन्द्रि॑य॒ आयु॑ष्ये॒वेन्द्रि॑ये प्र॑ति
 तिष्ठ॑त्ये॒षा वै सू॒र्मो क॑र्णका॒वत्ये॒तया॑ ह स्म॒ वै दे॒वा असु॑राणां
 श॒तत॑र्हां॒स्तृह॑न्ति॒ यदे॒तया॑ स॒मिध॑मा॒दधा॑ति व॒ज्रमे॒वैत॑च्छ॒तघ्नीं॑
 य॒जमा॑नो भ्रातृ॒व्याय॑ प्र ह॑रति॒ स्तृत्या॑ अ॒च्छम्ब॑ट्का॒रं सं त्व॑म॒ग्ने
 सू॒र्यस्य॑ व॒र्चसा॑ गथा॒ इत्या॑है॒तत्त्व॑म॒सीद॑म॒हम्भू॑यास॒मिति॑ वावै॒तदा॑ह
 त्व॑म॒ग्ने सू॒र्यव॑र्चा अ॒सीत्या॑हा॒शिष॑मे॒वैता॑मा शा॒स्ते ॥७॥

सम्प॑श्यामि प्र॒जा अ॒हमि॒त्याह॑ याव॑न्त ए॒व ग्रा॒म्याः प॒शव॑स्ता॒नेवा॒व
 रु॒न्धेऽम्भः॑ स्था॒म्भो वो भ॑क्षी॒येत्या॒हाम्भो॑ ह्यै॒ता महः॑ स्थ॒ महो॑ वो
 भ॑क्षी॒येत्या॒ह महो॑ ह्यै॒ताः सह॑ स्थ॒ सहो॑ वो भ॑क्षी॒येत्या॒ह महो॑ ह्यै॒ता
 ऊ॒र्ज॒स्थोर्जं॑ वो भ॑क्षी॒येत्या॒होर्जो॑ ह्यै॒ता रे॒वती॑ र॒मध्व॑मि॒त्याह॑ प॒शवो॑ वै

रेवतीः पशूनेवात्मन्मयत इहैव स्तेतो मापं गातेत्याह ध्रुवा एवैनान्
 अनपगाः कुरुत इष्टकचिद्वा अन्योऽग्निः पशुचिदन्यः संहितासि
 विश्वरूपीरिति वत्समभि मृशत्युपैवैनं धत्ते पशुचितमेनं कुरुते प्र वा
 एषोऽस्माँल्लोकाच्चयवते य आहवनीयमुप तिष्ठते गार्हपत्यमुप
 तिष्ठतेऽस्मिन्नेव लोके प्रति तिष्ठत्यथो गार्हपत्यायैव नि हुते
 गायत्रीभिरुप तिष्ठते तेजो वै गायत्री तेज एवात्मन्धत्तेऽथो यदेतं
 तृचमन्वाह संतत्यै गार्हपत्यं वा अनु द्विपादो वीराः प्र जायन्ते य
 एवं विद्वान्द्विपदाभिर्गार्हपत्यमुप तिष्ठत आस्य वीरो जायत
 ऊर्जा वः पश्याम्यूर्जा मा पश्यतेत्याहाशिषमेवैतामा शास्ते
 तत्सवितुर्वरेण्यमित्याह प्रसूत्यै सोमान् स्वरणमित्याह
 सोमपीथमेवाव रुन्धे कृणुहि ब्रह्मणस्पत इत्याह ब्रह्मवर्चसमेवाव
 रुन्धे

कदा च न स्तरीरसीत्याह न स्तरी रात्रिं वसति य एवं
 विद्वानग्निमुप तिष्ठते परि त्वाग्ने पुरं वयमित्याह परिधिमेवैतम्परि
 दधात्यस्कन्दाया ग्रै गृहपत इत्याह यथायजुरेवैत च्छत हिमा
 इत्याह

शतं त्वा हेमन्तानिन्धिषीयेति वावैतदाह पुत्रस्य नाम
 गृह्णात्यन्नादमेवैनं करोति
 तामाशिषमा शासे तन्तवे ज्योतिष्मतीमिति ब्रूयाद्यस्य पुत्रोऽजातः
 स्यात्तेजस्व्येवास्य ब्रह्मवर्चसी पुत्रो जायते तामाशिषमा शासेऽमुष्मै
 ज्योतिष्मतीमिति ब्रूयाद्यस्य पुत्रो जातः स्यात्तेज एवास्मिन्ब्रह्मवर्चसं
 दधाति ॥८॥

अग्निहोत्रं जुहोति यदेव किं च यजमानस्य स्वं तस्यैव तद्रेतः
 सिञ्चति प्रजनने प्रजनन् हि वा अग्नि रथौषधीरन्तगता दहति
 तास्ततो भूर्यसीः प्र जायन्ते यत्सायं जुहोति रेत एव तत्सिञ्चति

प्रैव प्रातस्तनेन जनयति तद्रेतः सिक्तं न त्वष्ट्राविकृतम्प्र जायते
यावच्छो वै रेतसः सिक्तस्य त्वष्टा रूपाणि वि करोति तावच्छो वै
तत्प्र जायत एष वै दैव्यस्त्वष्टा यो यजते ब्रह्मीभिरुप तिष्ठते रेतस
एव सिक्तस्य बहुशो रूपाणि वि करोति स प्रैव जायते श्वःश्चो
भूयान्भवति य एवं विद्वानग्निमुप तिष्ठतेऽहर्देवानामासीद्रात्रिसुराणां
तेऽसुरा यद्देवानां वित्तं वेद्यमासीत्तेन सह रात्रिम्प्राविशन्ते देवा
हीना अमन्यन्त

तेऽपश्यन्नाग्नेयी रात्रिराग्नेयाः पशव इममेवाग्निं स्तवाम स नः
स्तुतः पशून्पुनर्दास्यतीति
तेऽग्निमस्तुवन्त्स एभ्यः स्तुतो रात्रिया अर्ध्यहरभि पशून्निरार्जते देवाः
पशून्वित्त्वा कामां अकुर्वत
य एवं विद्वानग्निमुप तिष्ठते पशुमान्भवत्या दित्यो वा
अस्माँल्लोकादमुं लोकमैत्सौऽमुं लोकं गत्वा पुनरिमं
लोकमभ्यध्यायत्स इमं लोकमागत्य मृत्योरबिभेन्मृत्युसंयुत इव ह्ययं
लोकः

सौऽमन्यतेऽममेवाग्निं स्तवानि स मा स्तुतः सुवर्गं लोकं
गमयिष्यतीति सौऽग्निमस्तौत्स एनं स्तुतः सुवर्गं लोकमगमयद्य
एवं विद्वानग्निमुप तिष्ठते सुवर्गमेव लोकमैति सर्वमायुरेत्यभि वा
एषोऽग्नी आ रोहति य एनावुप तिष्ठते यथा खलु वै श्रेयानभ्यारूढः
कामयते तथा करोति नक्तमुप तिष्ठते न प्रातः स हि नक्तं वृतानि
सृज्यन्ते सह श्रेयांश्च पापीयांश्चासाते ज्योतिर्वा अग्निस्तमो
रात्रिर्यन्नक्तमुप तिष्ठते ज्योतिषैव तमस्तरत्युपस्थेयोऽग्नीर्नोपस्थेया
इत्याहुर्मनुष्यायेन्वै योऽहरहराहत्याथैनं याचति स इन्वै
तमुपाच्छत्यथ को देवानहरहर्याचिष्यतीति तस्मान्नोपस्थेयोऽथो
खल्वाहुराशिषे वै कं यजमानो यजत इत्येषा खलु वा
आहिताग्नेराशीर्यदग्निमुप तिष्ठते तस्मादुपस्थेयः प्रजापतिः

प॒शून॑सृजत॒ ते सृ॒ष्टा अ॒होरा॒त्रे
 प्रावि॑शन्ताञ्छन्दो॒भिरन्व॑विन्द॒द्यच्छन्दो॑भिरुप॒ तिष्ठ॑ते स्वमे॒व
 तदन्वि॑ञ्छति
 न तत्र॑ जा॒म्येस्तीत्या॑हुर्योऽह॑रहरुप॒ तिष्ठ॑त॒ इति॑ यो वा
 अ॒ग्निम्प्रत्यङ्ङु॑प॒ तिष्ठ॑ते प्रत्ये॑नमोषति॒ यः प॒राङ्विष्व॑ङ्प्रजया
 प॒शुभिरे॑ति
 कवा॑तिर्यङ्ङि॒ङ्वोप॑ तिष्ठेत॒ नैन॑म्प्रत्योषति॒ न विष्व॑ङ्प्रजया
 प॒शुभिरे॑ति ॥६॥

म॒म॒ नाम॑ प्रथ॒मं जा॑तवेदः पि॒ता मा॒ता च॑ दधतु॒र्यद॑ग्रै । तत्त्व॑म्बिभृहि
 पु॒न॒रा म॑दैतोस्तवा॒हं नाम॑ बिभराण्यग्रे ॥
 म॒म॒ नाम॑ तव॑ च जा॒तवे॑दो वास॑सी इव वि॒वसा॑नौ ये चरा॑वः ।
 आ॒र्युषे॑ त्वं जी॒वसै॑ व॒यं यथा॑य॒थं वि॒ परि॑ दधाव॒है पु॒न॒स्ते ॥
 नमो॑ऽग्रयेऽप्रति॒विद्धाय॑ नमो॑ऽना॒धृष्टाय॑ नमः॑ सु॒म्राजै॑ ।
 अ॒षाढो॑ऽग्निर्बृ॒हद्व॑या वि॒श्वजि॑त्सह॒न्त्यः श्रेष्ठो॑ गन्ध॒र्वः ॥
 त्वत्पि॑तारो अ॒ग्रे दे॒वास्त्वामा॑हुतय॒स्त्वद्वि॑वाचनाः । सं॒मामा॑र्युषा॒ सं
 गौ॑प॒त्येन॑ सु॒हिते॑ मा धाः ॥
 अ॒यम॑ग्निः श्रेष्ठ॑तमोऽय॒म्भग॑वत्तमोऽय॑ सं॒हस्र॑सा॒तमः॑ । अ॒स्मा अ॑स्तु
 सु॒वीर्य॑म् ॥
 मनो॑ ज्योति॒र्जुष॑ता॒माज्यं॑ विच्छिन्नं॒ यज्ञं॑ स॒मिमं॑ द॒धातु॑ । या इ॒ष्टा
 उ॒षसो॑ नि॒मृच॑श्च॒ ताः सं द॑धामि ह॒विषा॑ घृ॒तेन॑ ॥
 प॒र्य॑स्वतीरोष॑धयः प॒र्य॑स्वद्वीरु॒धाम्प॑र्यः । अ॒पाम्प॑र्य॒सो यत्प॑य॒स्तेन॑
 मा॒मिन्द्र॑ स॑ सृज ॥
 अ॒ग्रै व्र॑तपते व्र॒तं च॑रिष्यामि॒ तच्छ॑केयं॒ तन्मे॑ रा॒ध्यता॑म् ।
 अ॒ग्निं हो॑तारमि॒ह तं॑ ह॒वे दे॒वान्य॑ज्ञिया॒निह॑ या॒न्हवा॑महे ॥ आ
 र॑न्तु दे॒वाः सु॑मन॒स्यमा॑ना वि॒यन्तु॑ दे॒वा ह॒विषो॑ मे अ॒स्य

कस्त्वा युनक्ति स त्वा युनक्तु यानि घर्मे कपालान्युपचिन्वन्ति ।३।
 वेधसः । पूष्णस्तान्यपि वृत इन्द्रवायू वि मुञ्चताम् ॥
 अभिन्नो घर्मो जीरदानुर्यत आत्तस्तदगन्पुनः । इध्मो वेदिः परिधयश्च
 सर्वे यज्ञस्यायुरनु सं चरन्ति ॥
 त्रयस्त्रिंशत्तन्तवो ये वितन्त्रिरे य इमं यज्ञं स्वधया ददन्ते तेषां
 छिन्नम्प्रत्येतदधामि स्वाहा घर्मो देवा अप्येतु ॥१०॥
 वैश्वानरो न ऊत्या प्र यातु परा वतः । अग्निरुक्थेन वाहसा ॥
 ऋतावानं वैश्वानरमृतस्य ज्योतिषस्पतिम् । अजस्रं घर्ममीमहे ॥
 वैश्वानरस्य दंसनोभ्यो बृहदरिणादेकः स्वपस्यया कविः । उभा
 पितरा महयन्नजायताग्निर्द्यावापृथिवी भूरिरितसा ॥
 पृष्ठो दिवि पृष्ठो अग्निः पृथिव्याम्पृष्ठो विश्वा ओषधीरा विवेश ।
 वैश्वानरः सहसा पृष्ठो अग्निः स नो दिवा स
 रिषः पातु नक्तम् ।
 जातो यदग्ने भुवना व्यख्यः पशुं न गोपा इर्यः परिज्मा । वैश्वानर
 ब्रह्मणे विन्द गातुं यूयम्पात स्वस्तिभिः सदा नः ॥
 त्वमग्ने शोचिषा शोशुचान् आ रोदसी अपृणा जायमानः । त्वं
 देवा अभिशस्तेरमुञ्चो वैश्वानर जातवेदो महित्वा ॥
 अस्माकमग्ने मघवत्सु धारयानामि क्षत्रमजरं सुवीर्यम् । वयं
 जयेम शतिनं सहसृणं वैश्वानर वाजमग्ने तवोऽतिभिः ॥
 वैश्वानरस्य सुमतौ स्याम राजा हि कम्भुर्वनानामभि श्रीः । इतो
 जातो विश्वमिदं वि चष्टे वैश्वानरो यतते सूर्येण ॥
 अवं ते हेडो वरुण नमोभिरवं यज्ञेभिरीमहे हविर्भिः ।
 क्षयन्नस्मभ्यमसुर प्रचेतो राजन्नेनांसि सिश्रथः कृतानि ॥
 उदुत्तमं वरुण पाशमस्मदवाधमं वि मध्यमं श्रथाय । अथा
 वयमादित्य वृते तवानागसो अदितये स्याम ॥
 दधिक्राव्णौ अकारिषं जिष्णोरश्वस्य वाजिनः । सुरभि नो मुखौ

कर॒त्प्र ण॒ आयँ॑षि तारिषत् ॥

आ द॑धि॒क्राः शर्व॑सा पञ्च कृ॒ष्टीः सूर्य॑ इव॒ ज्योति॑षा॒पस्त॑तान ।

स॒हस्र॑साः श॑त॒सा वा॒ज्यवा॑ पृ॒णक्तु॑ वध्वा॒ समि॑मा वचाँ॑सि ॥

अ॒ग्नि॒र्मूर्धा॑ भुवः । मरु॑तो यद्ध॒ वौ दि॒वः सु॒म्राय॑न्तो हवामहे । आ

तू न॒ उप॑ गन्तन ॥ या वः॒ शर्म॑ शशमा॒नाय॑ सन्ति॒ त्रिधा॑तूनि दा॒शुषे॑

यच्छ॒ताधि॑ । अ॒स्मभ्यं॑ तानि॒ मरु॑तो वि य॑न्त र॒यिं नो॑ धत्त वृषणः

सु॒वीर॑म्

अ॒दि॒तिर्न॑ उरुष्य॒त्वदि॑तिः शर्म॑ यच्छतु । अ॒दि॒तिः पा॒त्वँह॑सः ॥

म॒हीमू॑षु मा॒तरँ॑ सुव॒ताना॑मृतस्य॒ पत्नी॑मव॒से हु॒वेम॑ ।

तुवि॒क्षत्रा॑म॒जर॑न्तीमुरु॒चीँ॑ सु॒शर्मा॑णम॒दि॒तिँ॑ सु॒प्रणी॑तिम् ॥

सु॒त्रामा॑णम्पृ॒थि॒वीँ॑ द्याम॒नेह॑सँ॑ सु॒शर्मा॑णम॒दि॒तिँ॑ सु॒प्रणी॑तिम् ।

दै॒वीँ॑ नावँ॑ स्व॒रित्रा॑मना॒गस॑मस्त्र॒वन्ती॑मा रु॒हेमा॑ स्व॒स्तयै॑ ॥

इ॒माँ॑ सु॒ नाव॑मारु॒हँ॑ श॒तारि॑त्राँ॑ श॒तस्प॑त्याम् ।

अच्छि॑द्राम्पारयिष्णुम् ॥५॥

इति प्रथमकारण्डे पञ्चमः प्रपाठकः ॥५॥

सं त्वा॑ सिञ्चामि॑ यजु॑षा प्र॒जामायु॑र्धनं॑ च । बृह॑स्पतिप्रसूतो॑ यज॑मान
 इ॒ह मा रि॑षत् ॥ आ॒ज्यम॑सि स॒त्यम॑सि स॒त्यस्या॑र्ध्यक्षम॑सि ह॒विर॑सि
 वैश्वान॑रं वैश्वदे॒वमुत्पू॑तशुष्मं॑ स॒त्यौजाः॑ सहोऽसि॑ सह॑मानमसि
 सह॑स्वारातीः सह॑स्वारातीय॒तः सह॑स्व पृ॒तनाः॑ सह॑स्व पृ॒तन्य॑तः ।
 सह॑स्त्रवीर्यमसि॑ तन्मा॑ जि॒न्वाज्य॑स्याज्यम॑सि स॒त्यस्य॑ स॒त्यम॑सि
 स॒त्यायु॑रसि स॒त्यशु॑ष्ममसि स॒त्येन॑ त्वा॒भि घा॑रयामि॒ तस्य॑ ते भ॒क्षीय॑
 पञ्चानां॑ त्वा॒ वाता॑नां य॒न्त्राय॑ ध॒र्त्राय॑ गृह्णामि॑ पञ्चानां॑ त्व॒र्तूनां॑ य॒न्त्राय॑
 ध॒र्त्राय॑ गृह्णामि॑
 पञ्चानां॑ त्वा॒ दिशां॑ य॒न्त्राय॑ ध॒र्त्राय॑ गृह्णामि॑
 पञ्चानां॑ त्वा॒ पञ्चज॑नानां य॒न्त्राय॑ ध॒र्त्राय॑ गृह्णामि॑
 च॒रोस्त्वा॒ पञ्च॑बिलस्य य॒न्त्राय॑ ध॒र्त्राय॑ गृह्णामि॑
 ब्रह्म॑णस्त्वा॒ तेज॑से य॒न्त्राय॑ ध॒र्त्राय॑ गृह्णामि॑ क्ष॒त्रस्य॑ त्वौज॑से य॒न्त्राय॑
 ध॒र्त्राय॑ गृह्णामि॑ वि॒शे त्वा॒ य॒न्त्राय॑ ध॒र्त्राय॑ गृह्णामि॑
 सु॒वीर्या॑य त्वा गृह्णामि॑ सुप्र॒जास्त्वाय॑ त्वा गृह्णामि॑ रा॒यस्पोषा॑य त्वा
 गृह्णामि॑ ब्रह्म॑वर्च॒साय॑ त्वा गृह्णामि॑ भूर॑स्माकं॑ ह॒विर्दे॒वाना॑मा॒शिषो॑
 यज॑मानस्य दे॒वानां॑ त्वा दे॒वता॑भ्यो गृह्णामि॑ कामा॑य त्वा गृह्णामि॑
 ॥१॥

ध्रु॒वोऽसि॑ ध्रु॒वोऽहं॑ संजा॒तेषु॑ भूयासं॑ धीर॒श्चेत्ता॑
 वसु॑विदु॒ ग्रोऽस्यु॑ग्रोऽहं॑ संजा॒तेषु॑ भूयासमु॒ग्रश्चेत्ता॑
 वसु॑वि द॒भिभूर॑स्यभिभूर॒हं॑ संजा॒तेषु॑ भूयासम॒भिभू॑श्चेत्ता॑
 वसु॑वि द्युनज्मि॑ त्वा ब्रह्म॑णा दै॒व्येन॑ ह॒व्याया॒स्मै वोढ॑वे जा॒तवे॑दः
 । इन्धा॑नास्त्वा सुप्र॒जसः॑ सु॒वीरा॒ ज्योर्जी॑वेम बलि॒हतौ व॒यं ते ॥
 यन्मे॑ अ॒ग्ने अस्य॑ य॒ज्ञस्य॑ रिष्या॒द्यद्वा॒ स्कन्दा॑दाज्यस्यो॒त वि॑ष्णो । तेन॑
 हन्मि॑ स॒पत्नं॑ दुर्म॒रायु॑मैनं॑ दधामि॒ निऋ॑त्या उ॒पस्थे ॥ भू॒र्भुवः॑
 सुव॒ रुच्छु॑ष्मो अ॒ग्ने यज॑मानायैधि॒ निशु॑ष्मो अ॒भिदा॑सते ।

अग्ने देवेद्ध मन्विद्ध मन्द्रजिह्वा मर्त्यस्य ते होतर्मुर्धन्ना जिघर्षि
 रायस्पोषाय सुप्रजास्त्वाय सुवीर्याय मनोऽसि प्राजापत्यम्मनसा मा
 भूतेना विश्वा
 वागस्यैन्द्री संपत्क्षयणी वाचा मैन्द्रियेणाविश वसन्तमृतूनाम्प्रीणामि
 स मा प्रीतः प्रीणातु ग्रीष्ममृतूनाम्प्रीणामि स मा प्रीतः प्रीणातु
 वर्षा ऋतूनाम्प्रीणामि ता मा प्रीताः प्रीणन्तु शरदमृतूनाम्प्रीणामि सा
 मा प्रीता प्रीणातु हेमन्तशिशिरावृतूनाम्प्रीणामि तौ मा प्रीतौ
 प्रीणीता मग्रीषोमयोरहं देवयज्यया चक्षुष्मान्भूयास मुग्नेरहं
 देवयज्ययान्नादो भूयास दब्धिरस्यदब्धो भूयासमुमुं
 दभेय मग्रीषोमयोरहं देवयज्यया वृत्रहा भूयास मिन्द्राग्नियोरहं
 देवयज्ययैन्द्रियाव्यन्नादो भूयास मिन्द्रस्याहं देवयज्ययैन्द्रियावी
 भूयासं महेन्द्रस्याहं देवयज्यया जेमानम्महिमानं गमेय मुग्नेः
 स्विष्टकृतोऽहं देवयज्ययायुष्मान्यज्ञेन प्रतिष्ठां गमेयम् ॥२॥

अग्निर्मा दुरिष्टात्पातु सविताघशंसा द्यो मेऽन्ति दूरैऽरातीयति
 तमेतेन जेषुं सूरूपवर्षवर्ण एहीमान्भद्रान्दुयां अभ्येहि मामनुव्रता
 न्यु शीर्षाणि मृद्वमिड एह्यदित एहि सरस्वत्येहि
 रन्तिरसि रमतिरसि सूनर्यसि जुष्टे जुष्टिं तेऽशीयोपहूत उपहूतं
 तेऽशीय सा मै सत्याशीरस्य यज्ञस्य भूयादरेडता मनसा तच्छकेयं
 यज्ञो दिव्यं रोहतु यज्ञो दिवं गच्छतु यो देवयानः पन्थास्तेन यज्ञो
 देवा अप्यैत्वस्मास्विन्द्र इन्द्रियं दधात्वस्मान्नाय उत यज्ञाः
 संचन्तामस्मासु सन्त्वाशिषः सा नः प्रिया सुप्रतूर्तिर्मघोनी जुष्टिरसि
 जुषस्व नो जुष्टा नोऽसि जुष्टिं ते गमेयं मनो ज्योतिर्जुषतामाज्यं
 विच्छिन्नं यज्ञं समिमं दधातु । बृहस्पतिस्तनुतामिमं नो विश्वे
 देवा इह मादयन्ताम् ॥

ब्रध्न पिन्वस्व ददतो मे मा क्षायि कुर्वतो मे मोष

दसत्प्रजापतेर्भागोऽस्यूर्जस्वान्पर्यस्वान्प्राणापानौ मे पाहि
समानव्यानौ मे पाह्युदानव्यानौ मे पाह्यक्षितोऽस्यक्षित्यै त्वा मा मे
क्षेष्टा अमुत्रामुष्मिँ ल्लोके ॥ ३ ॥

बर्हिषोऽहं देवयज्यया प्रजावान्भूयासं नराशंसस्याहं देवयज्यया
पशुमान्भूयास मुग्नेः स्विष्टकृतोऽहं देवयज्ययायुष्मान्यज्ञेन प्रतिष्ठां
गमेय मुग्नेरहमुज्जितिमनूजैषं
सोमस्याहमुज्जितिमनूजैष मुग्नेरहमुज्जितिमनूजैष मुग्नीषोमयोरहमुज्जि
तिमनूजैष मिन्द्राग्नियोरहमुज्जितिमनूजैष मिन्द्रस्याहमुज्जितिमनूजैषं
महेन्द्रस्याहमुज्जितिमनूजैष मुग्नेः स्विष्टकृतोऽहमुज्जितिमनूजैषं
वाजस्य मा प्रसवेनो द्वाग्भेणोदग्रभीत् । अथा सपत्न्यं इन्द्रो मे
निग्वाभेणाधरां अकः ॥

उद्वाभं च निग्वाभं च ब्रह्म देवा अवीवृधन् । अथा सपत्नानिन्द्राग्नी
मे विषूचीनान्व्यस्यताम् ॥

एमा अगमन्नाशिषो दोहकामा इन्द्रवन्तो वनामहे धुक्षीमहि
प्रजामिषम् ॥ रोहितेन त्वाग्निर्देवतां गमयतु हरिभ्यां त्वेन्द्रो देवतां
गमयत्वे तशेन त्वा सूर्यो देवतां गमयतु वि ते मुञ्चामि रशना वि
रश्मीन्वि योक्त्रा यानि परिचर्तनानि धत्तादस्मासु द्रविणं यच्च भद्रम्प्र
णौ ब्रूताद्वाग्धान्देवतासु ॥

विष्णोः शम्योरहं देवयज्यया यज्ञेन प्रतिष्ठां गमेयं सोमस्याहं
देवयज्यया सुरेता रेतो धिषीय त्वष्टुरहं देवयज्यया पशूनां
रूपमुषेयं देवानाम्पत्नीरग्निर्गृहपतिर्यज्ञस्य मिथुनं तयोरहं देवयज्यया
मिथुनेन प्र भूयासं वेदोऽसि वित्तिरसि विदेय कर्मासि करुणमसि
क्रियासं सनिरसि सनितासि सनेयं घृतवन्तं कुलायिनं
रायस्पोषं सहस्त्रिणं वेदो ददातु वाजिनम् ॥ ४ ॥

आ प्यायतां ध्रुवा घृतेन यज्ञं यज्ञम्प्रति देवयद्धः । सूर्याया
 ऊधोऽदित्या उपस्थ उरुधारा पृथिवी यज्ञे अस्मिन् ॥
 प्रजापतेर्विभानाम् लोकस्तस्मिँस्त्वा दधामि सह यजमानेन
 सदसि सन्मै भूयाः सर्वमसि सर्वम्मे भूयाः पूर्णमसि पूर्णम्मे भूया
 अक्षितमसि मा मै क्षेष्टाः प्राच्यां दिशि देवा ऋत्विजो मार्जयन्तां
 दक्षिणायां दिशि मासाः पितरो मार्जयन्ताम्प्रतीच्यां दिशि गृहाः
 पशवो मार्जयन्ता मुदीच्यां दिश्याप ओषधयो वनस्पतयो
 मार्जयन्ता मूर्ध्वायां दिशि यज्ञः संवत्सरो यज्ञपतिर्मार्जयन्तां
 विष्णोः क्रमोऽस्यभिमातिहा गायत्रेण च्छन्दसा पृथिवीमनु वि क्रमे
 निर्भक्तः स यं द्विष्मो विष्णोः क्रमोऽस्यभिशस्तिहा त्रैष्टुभेन
 च्छन्दसान्तरिक्षमनु वि क्रमे निर्भक्तः स यं द्विष्मो विष्णोः
 क्रमोऽस्यरातीयतो हन्ता जागतेन च्छन्दसा दिवमनु वि क्रमे
 निर्भक्तः स यं द्विष्मो विष्णोः क्रमोऽसि शत्रूयतो हन्तानुष्टुभेन
 च्छन्दसा दिशोऽनु वि क्रमे निर्भक्तः स यं द्विष्मः ॥५॥

अगन्म सुवः सुवरगन्म सदृशस्ते मा च्छित्सि यत्ते तपस्तस्मै ते मा
 वृद्धि
 सुभूरसि श्रेष्ठो रश्मीनामायुर्धा अस्यायुर्मे धेहि वर्चोधा असि वर्चो
 मयि धेही दमहममुम्भ्रातृव्यमाभ्यो दिग्भ्योऽस्यै
 दिवोऽस्मादन्तरिक्षादस्यै पृथिव्या अस्मादन्नाद्यान्निर्भजामि निर्भक्तः
 स यं द्विष्मः सं ज्योतिषाभूव मैन्द्रीमावृतमन्वावर्ते समहम्प्रजया
 सम्मया प्रजा
 समहँ रायस्पोषेण सम्मया रायस्पोषः समिद्धो अग्ने मे दीदिहि
 समेद्धा ते अग्ने दीद्यासं वसुमान्यज्ञो वसीयान्भूयास मग्न आयूँषि
 पवसु आ सुवोर्जमिषं च नः । आरे बाधस्व दुच्छुनाम् ॥
 अग्ने पवस्व स्वपा अस्मे वर्चः सुवीर्यं दधत्पोषँ रयिम्मयि ॥

अग्रै गृहपते सुगृहपतिरहं त्वया गृहपतिना भूयासं सुगृहपतिर्मया
 त्वं गृहपतिना भूयाः शतं हिमास्तामाशिषमा शासे तन्तवे
 ज्योतिष्मतीं तामाशिषमा शासेऽमुष्मै ज्योतिष्मतीं कस्त्वा युनक्ति
 स त्वा वि मुञ्चत्व ग्रै व्रतपते व्रतमचारिषं तदशकं तन्मैऽराधि
 यज्ञो बभूव स आ बभूव स प्र जज्ञे स वावृधे । स
 देवानामधिपतिर्बभूव सो अस्मां अधिपतीन्करोतु वयं स्याम
 पतयो रयीणाम्
 गोमां अग्रे ऽविमां अश्वी यज्ञो नृवत्सखा सदमिदप्रमृष्यः ।
 इडावां एषो असुर प्रजावान्दीर्घो रयिः पृथुबुधः सभावान् ॥६॥

यथा वै समृतसोमा एवं वा एते समृतयज्ञा यद्दर्शपूर्णमासौ
 कस्य वाह देवा यज्ञमा गच्छन्ति कस्य वा न
 बहूनां यजमानानां यो वै देवताः पूर्वः परिगृह्णाति स एनाः श्वो भूते
 यजत एतद्वै देवानामायतनं यदाहवनीयोऽन्तराग्नी पशूनां गार्हपत्यो
 मनुष्याणामन्वाहार्यपचनः पितृणां मग्निं गृह्णाति
 स एवायतने देवताः परि गृह्णाति
 ताः श्वो भूते यजते व्रतेन वै मेध्योऽग्निर्व्रतपतिर्ब्राह्मणो
 व्रतभृद्व्रतमुपैष्यन्ब्रूयादग्रै व्रतपते व्रतं चरिष्यामीत्यग्निर्वै देवानां
 व्रतपतिः
 तस्मा एव प्रतिप्रोच्य व्रतमा लभते बर्हिषा पूर्णमासे व्रतमुपैति
 वत्सैरमावास्यायामेतद्ध्यैतयोरायतनमुपस्तीर्यः
 पूर्वश्चाग्निरपरश्चेत्याहुर्मनुष्या इन्वा उपस्तीर्णमिच्छन्ति किमु देवा
 येषां नवावसानमु
 पास्मिञ्छ्वो यक्ष्यमाणे देवता वसन्ति य एवं विद्वानग्निमुपस्तृणाति
 यजमानेन ग्राम्याश्च पशवोऽवरुध्या
 आरण्याश्चेत्याहुर्यद्ग्राम्यानुपवसन्ति तेन ग्राम्यानव रुन्धे

यदा॑र॒ण्यस्या॑श्नाति॒ तेना॑र॒ण्यान्य॑दना॑श्चानुप॒वसे॑त्पितृदे॒वत्यः॑
स्यादा॑र॒ण्यस्या॑श्नातीन्द्रि॒यं वा आ॑र॒ण्यमिन्द्रि॑यमे॒वात्मन्ध॑त्ते
यदना॑श्चानुप॒वसे॑त्क्षो॒धुकः॑ स्याद्यद॑श्नीयाद्बु॒द्रौऽस्य॑ प॒शून्भि
म॑न्येता॒ पौऽश्नाति॑

तन्नेवा॑शितं नेवान॑शितं न क्षो॒धुको॑ भव॑ति
नास्य॑ रु॒द्रः प॒शून्भि म॑न्यते वज्रो॒ वै य॒ज्ञः
क्षु॒त्वलु॒ वै म॑नुष्यस्य॒ भ्रातृ॑व्यो यदना॑श्चानुप॒वस॑ति
वज्रै॑णैव सा॒क्षात्क्षु॑ध॒म्भ्रातृ॑व्यं॑ हन्ति ॥७॥

यो वै श्र॒द्धामना॑रभ्य य॒ज्ञेन॑ यज॑ते नास्ये॒ष्टाय॑ श्रद्द॑धतेऽपः प्र ण॑यति
श्र॒द्धा वा आपः॑ श्र॒द्धामे॒वारभ्य॑ य॒ज्ञेन॑ यजत उ॒भये॑ऽस्य देवमनु॒ष्या
इ॒ष्टाय॑ श्रद्द॑धते तदा॑हुरति॒ वा ए॒ता व॒त्रं ने॑दन्त्यति॒ वाचं॑ मनो॒ वावै॑ता
नाति॑ नेद॒न्तीति॑

मन॑सा प्र ण॑यती॒ यं वै मनो॑ऽनयै॒वैनाः॑ प्र ण॑यत्य॒स्कन्न॑हविर्भवति॒ य
ए॒वं वेद॑ यज्ञायु॒धानि॑ सम्भवति॒ यज्ञो॒ वै य॒ज्ञायु॒धानि॑ य॒ज्ञमे॒व
तत्स॑म्भरति॒ यदे॑कमेकं॑ सम्भरेत्पितृदे॒वत्यानि॑ स्युर्यत्स॒ह सर्वा॑णि
मा॒नुषा॑णि

द्वेद्वे॑ सम्भरति याज्यानुवा॒क्ययो॑रेव रू॒पं क॑रोत्यथो॒ मिथु॑नमे॒व
यो वै द॑श यज्ञायु॒धानि॑ वेद॑ मुख॒तोऽस्य॑ य॒ज्ञः क॑ल्पते
स्फ्य॑श्च क॒पाला॑नि चाग्निहो॒त्रह॑व॒णी च॒ शूर्पं॑ च कृष्णाजि॒नं च॒ शम्या॑
चो॒लूख॑लं च॒ मुस॑लं च दृष॒च्चोप॑ला चै॒तानि॑ वै द॑श यज्ञायु॒धानि॑ य
ए॒वं वेद॑ मुख॒तोऽस्य॑ य॒ज्ञः क॑ल्पते यो वै दे॒वेभ्यः॑ प्र॒तिप्रो॑च्य॒ यज्ञे॑न॒
यज॑ते जुषन्ते॑ऽस्य दे॒वा ह॒व्यं॑

ह॒विर्नि॑रु॒प्यमा॑ण॒मभि॑ मन्त्रयेता॒ग्निं॑ हो॒तार॑मि॒ह तं॑ ह॒व इति॑
दे॒वेभ्य॑ ए॒व प्र॒तिप्रो॑च्य॒ यज्ञे॑न॒ यज॑ते जुषन्ते॑ऽस्य दे॒वा ह॒व्यमे॒ष वै
य॒ज्ञस्य॑ ग्र॒हो गृ॒हीत्वै॑व य॒ज्ञेन॑ यज॑ते
तदु॑दित्वा वाचं॑ यच्छति॒ यज्ञस्य॑ धृ॒त्या अ॒थो मन॑सा॒ वै

प्रजापतिर्यज्ञमननुत मनसैव तद्यज्ञं तनुते रक्षसामनन्ववचाराय
 यो वै यज्ञं योग आगते युनक्ति युक्ते युञ्जानेषु
 कस्त्वा युनक्ति स त्वा युनक्तिवत्याह प्रजापतिर्वै कः प्रजापतिनैवैनं
 युनक्ति युक्ते युञ्जानेषु ॥८॥

प्रजापतिर्यज्ञानसृजताग्निहोत्रं चाग्निष्टोमं च पौर्णमासीं चोक्थ्यं
 चामावास्यां चातिरात्रं च
 तानुदमिमीत यावदग्निहोत्रमासीत्तावानग्निष्टोमो यावती पौर्णमासी
 तावानुक्थ्यौ यावत्यमावास्यां तावानतिरात्रो
 य एवं विद्वानग्निहोत्रं जुहोति यावदग्निष्टोमेनोपाप्नोति तावदुपाप्नोति
 य एवं विद्वान्पौर्णमासीं यजते यावदुक्थ्येनोपाप्नोति तावदुपाप्नोति
 य एवं विद्वानमावास्यां यजते यावदतिरात्रेणोपाप्नोति तावदुपाप्नोति
 परमेष्ठिनो वा एष यज्ञोऽग्र आसीत्तेन स परमां काष्ठामगच्छतेन
 प्रजापतिं निरवासाययत्तेन प्रजापतिः परमां काष्ठामगच्छतेनेन्द्रं
 निरवासाययत्तेनेन्द्रः परमां काष्ठामगच्छतेनाग्नीषोमौ
 निरवासाययत्तेनाग्नीषोमौ परमां काष्ठामगच्छतां य एवं
 विद्वान्दर्शपूर्णमासौ यजते परमामेव काष्ठां गच्छति
 यो वै प्रजातेन यज्ञेन यजते प्र प्रजया पशुभिर्मिथुनैर्जायते
 द्वादश मासाः संवत्सरो द्वादश द्वंद्वानि दर्शपूर्णमासयोस्तानि
 सम्पाद्यानीत्याहुर्वत्सं चौपावसृजत्युखां चाधि श्रयत्यव च हन्ति
 दृषदौ च समाहन्त्यधि च वपते कपालानि चोप दधाति
 पुरोडाशं चाधिश्रयत्याज्यं च
 स्तम्बयजुश्च हरत्यभि च गृह्णाति
 वेदिं च परि गृह्णाति पत्नीं च सं नहति
 प्रोक्षणीश्चासादयत्याज्यं चै तानि वै द्वादश द्वंद्वानि दर्शपूर्णमासयोः
 तानि य एव सम्पाद्य यजते प्रजातेनैव यज्ञेन यजते प्र प्रजया

प॒शुभिर्मि॒थुनैर्जा॑यते ॥६॥

ध्रुवो॑ऽसि ध्रुवो॑ऽह॒ः संजा॑तेषु भूयास॒मित्या॑ह ध्रुवाने॒वैनान्कुरु॑त
 उ॒ग्रो॑ऽस्यु॒ग्रो॑ऽह॒ः संजा॑तेषु भूयास॒मित्या॑हाप्रतिवादिन
 ए॒वैनान्कुरु॑तेऽभिभूर॑स्यभिभूर॒ह॒ः संजा॑तेषु भूयास॒मित्या॑ह य
 ए॒वैन॑मप्रत्युत्पिपी॒ते तमु॑पास्यते
 युन॒ज्मि॑ त्वा ब्रह्म॑णा दै॒व्येने॒त्याहै॑ष वा अ॒ग्रेयो॑ग॒स्तेनै॒वैनं॑ युनक्ति
 य॒ज्ञस्य॑ वै समृद्धेन दे॒वाः सु॒व॒र्गं लो॒कमा॑यन्त्य॒ज्ञस्य॑ व्यृद्धेनासु॒रान्परा॑
 भावय॒न्यन्मै॑ अ॒ग्रे अ॒स्य य॒ज्ञस्य॑ रिष्यादित्या॑ह य॒ज्ञस्यै॒व तत्समृद्धे॑न
 यज॑मानः सु॒व॒र्गं लो॒कमे॑ति य॒ज्ञस्य॑ व्यृद्धेन भ्रातृ॒व्यान्परा॑
 भावय॒त्यग्नि॑होत्रमे॒ताभिर्व्या॑ह॒तीभि॒रुप॑ सादये॒द्यज्ञ॑मुखं वा
 अ॒ग्निहो॒त्रम्ब्रह्मै॑ता व्याह॒तयो॑ यज्ञमुख ए॒व ब्रह्म॑ कुरुते संवत्स॒रे
 प॒र्या॒गत॑ ए॒ताभिरे॒वोप॑ सादयेद्ब्रह्म॑णै॒वोभ॑यतः संवत्स॒रम्परि॑ गृह्णाति
 दर्शपूर्णमा॒सौ चा॑तुर्मास्यान्या॒लभ॑मान ए॒ताभिर्व्या॑ह॒तीभिर्ह॒वी॑ऽष्या
 सादयेद्यज्ञ॑मुखं वै दर्शपूर्णमा॒सौ चा॑तुर्मास्यानि ब्रह्मै॒ता व्याह॑तयो
 यज्ञ॑मुख ए॒व ब्रह्म॑ कुरुते संवत्स॒रे प॒र्या॒गत॑ ए॒ताभिरे॒वा
 सादयेद्ब्रह्म॑णै॒वोभ॑यतः संवत्स॒रम्परि॑ गृह्णाति
 यद्वै य॒ज्ञस्य॑ साम्ना क्रि॒यते॑ रा॒ष्ट्रं य॒ज्ञस्या॑शीर्गच्छति यदृ॒चा वि॑शं
 य॒ज्ञस्या॑शीर्गच्छत्यथ ब्राह्म॑णोऽना॒शीर्के॑ण य॒ज्ञेन॑ यजते
 सामिधे॒नीरे॑नु॒वक्ष्य॑न्ने॒ता व्याह॑तीः पु॒रस्ता॑दध्याद्ब्रह्मै॒व प्र॑तिपदं कुरुते
 तथा॑ ब्राह्म॑णः साशीर्के॑ण य॒ज्ञेन॑ यजते यं का॒मये॑त
 यज॑मान॒भ्रातृ॒व्यम॑स्य य॒ज्ञस्या॑शीर्गच्छेदिति तस्यै॒ता व्याह॑तीः
 पुरोऽनु॒वाक्या॑यां दध्याद्भ्रातृ॒व्यदे॒वत्या॑ वै पुरोऽनु॒वाक्या॑
 भ्रातृ॒व्यमे॒वास्य॑ य॒ज्ञस्या॑शीर्गच्छति या॒न्का॒मये॑त
 यज॑मानान्त्स॒माव॑त्येनान्य॒ज्ञस्या॑शीर्गच्छेदिति तेषा॑मे॒ता व्याह॑तीः
 पुरोऽनु॒वाक्या॑या अर्ध॒र्च ए॒कां दध्या॑द्या॒ज्यायै॑ पु॒रस्ता॑दे॒कां या॒ज्याया॑

अर्धर्च॑ ए॒कां तथै॑नान्त॒स॒माव॑ती य॒ज्ञस्या॑शीर्गच्छ॒ति यथा॑ वै प॒र्जन्यः॑
 सुवृष्टं॑ वर्ष॒त्ये॒वं य॒ज्ञो य॑र्जमानस्य वर्ष॒ति
 स्थल॑योद॒कम्परि॑गृह्णन्त्या॒शिषा॑ य॒ज्ञं य॑र्जमानः परि॑ गृह्णाति
 मनो॑ऽसि प्राजाप॒त्यं मन॑सा मा भू॒तेना॑ वि॒शेत्या॑ह॒ मनो॑ वै
 प्राजाप॒त्यम्प्राजाप॑त्यो य॒ज्ञो मन॑ ए॒व य॒ज्ञमा॑त्मन्धत्ते
 वाग॑स्यै॒न्द्री संप॑त्त॒क्षय॑णी वा॒चा मै॒न्द्रिये॑णा वि॒शेत्या॑है॒न्द्री वै
 वाग्वाच॑मे॒वै॒न्द्रीमा॑त्मन्धत्ते ॥१०॥

यो वै सप्त॑द॒शम्प्र॒जाप॑तिं य॒ज्ञम॒न्वाय॑त्तं वेद॒ प्रति॑ य॒ज्ञेन॑ तिष्ठति न
 य॒ज्ञाद्भ्र॑ँशत॒ आ श्रा॑व॒येति॑ चतुर॒क्षर॑मस्तु श्रौष॒डिति॑ चतुर॒क्षरं॑ यजेति
 द्व्य॑क्षरं॒ ये य॑जामह॒ इति॑ पञ्चा॒क्षरं॑ द्व्य॒क्षरो॑ वषट्कार ए॒ष वै सप्त॑द॒शः
 प्र॒जाप॑तिर्य॒ज्ञम॒न्वाय॑त्तो य ए॒वं वेद॒ प्रति॑ य॒ज्ञेन॑ तिष्ठति न
 य॒ज्ञाद्भ्र॑ँशते
 यो वै य॒ज्ञस्य॑ प्राय॑णम्प्रतिष्ठा॒मुद॑र्यन् वेद॒ प्रति॑ष्ठितेनारि॒ष्टेन॑ य॒ज्ञेन॑
 स॒ँस्थां ग॑च्छ॒त्या श्रा॑व॒यास्तु॑ श्रौष॒डय॑ज॒ ये य॑जामहे वषट्कार ए॒तद्वै
 य॒ज्ञस्य॑ प्राय॑णमेषा प्रति॒ष्ठैतदु॑दर्यन्
 य ए॒वं वेद॒ प्रति॑ष्ठितेनारि॒ष्टेन॑ य॒ज्ञेन॑ स॒ँस्थां ग॑च्छति
 यो वै सूनृ॑तायै दोहं वेद॒ दुह॑ ए॒वैनां॑ य॒ज्ञो वै सूनृ॑ता
 श्रा॑व॒येत्यै॒वैना॑मह॒दस्तु॑ श्रौष॒डित्यु॑पावा॒स्त्राग्य॑जेत्युद॒नैषी॑द्ये यजामह॒
 इत्यु॑पा॒सद॑वषट्कारेण॒ दोग्ध्ये॑ष वै सूनृ॑तायै दोहो
 य ए॒वं वेद॒ दुह॑ ए॒वैनां॑ दे॒वा वै स॒त्रमा॑सत॒ तेषां॑ दि॒शोऽद॑स्यन्त
 ए॒तामा॒र्द्राम्प॒ङ्क्तिम॑पश्यन्ना श्रा॑व॒येति॑ पुरोवा॒तम॑जनयन्नास्तु
 श्रौष॒डित्य॑भ्र॑ँ सम॒प्लाव॑यन्त्यजेति वि॒द्युत॑मजनयन्त्ये यजामह॒ इति॑
 प्राव॑र्षयन्नाभ्य॒स्तन॑यन्वषट्कारेण॒ ततो॑ वै तेभ्यो॒ दिशः॑ प्राप्यायन्त॒ य
 ए॒वं वेद॒ प्रास्मै॑ दिशः॒ प्या॑यन्ते
 प्र॒जाप॑तिं त्वो वेद॒ प्र॒जाप॑तिस्त्वं वेद॒ यम्प्र॒जाप॑तिर्वेद॒ स पु॑रयो

भवत्येष वै छन्दस्यः प्रजापतिरा श्रावयास्तु श्रौषड्यज ये यजामहे
 वषट्कारो य एवं वेद पुण्यो भवति वसन्तमृतूनाम्प्रीणामीत्याहर्तवो
 वै प्रयाजा ऋतूनेव प्रीणाति
 तैऽस्मै प्रीता यथापूर्वं कल्पन्ते
 कल्पन्तेऽस्मा ऋतवो य एवं वेदा ग्रीषोमयोरहं देवयज्यया
 चक्षुष्मान्भूयासमित्याहाग्रीषोमाभ्यां वै यज्ञश्चक्षुष्मान्ताभ्यामेव
 चक्षुरात्मन्धत्ते ऽग्रेहं देवयज्ययान्नादो भूयासमित्याहाग्निरै
 देवानामन्नादः तेनैवान्नाद्यमात्मन्धत्ते
 दब्धिरस्यदब्धो भूयासमुमुं दभेयमित्याहैतया वै दभ्या देवा
 असुरानदभ्नुवन्तयेव भ्रातृव्यं दभ्नोत्यतिग्रीषोमयोरहं देवयज्यया
 वृत्रहा भूयासमित्याहाग्रीषोमाभ्यां वा इन्द्रो वृत्रमहन्ताभ्यामेव
 भ्रातृव्यं स्तृणुत इन्द्राग्नियोरहं देवयज्ययेन्द्रियाव्यन्नादो
 भूयासमित्याहेन्द्रियाव्यैवान्नादो भवतीन्द्रस्याहं देवयज्ययेन्द्रियावी
 भूयासमित्याहेन्द्रियाव्यैव भवति महेन्द्रस्याहं देवयज्यया
 जेमानम्महिमानं गमेयमित्याह जेमानमेव महिमानं गच्छत्यग्नेः
 स्विष्टकृतोऽहं देवयज्ययायुष्मान्यज्ञेन प्रतिष्ठां
 गमेयमित्याहायुरेवात्मन्धत्ते प्रति यज्ञेन तिष्ठति ॥११॥

इन्द्रं वो विश्वतस्परि हवामहे जनैभ्यः । अस्माकमस्तु केवलः ॥
 इन्द्रं नरो नेमधिता हवन्ते यत्पार्या युनजते धियस्ताः । शूरो नृषाता
 शर्वसश्चक्रान आ गोमति व्रजे भजा त्वं नः ॥
 इन्द्रियाणि शतक्रतो या ते जनैषु पञ्चसु । इन्द्र तानि तु आ वृणे ॥
 अनु ते दायि मह इन्द्रियाय सत्रा ते विश्वमनु वृत्रहत्यै । अनु
 ।क्षत्रमनु सहो यज्ञेन्द्र देवेभिरनु ते नृषह्ये ॥
 आ यस्मिन्त्सप्त वासवास्तिष्ठन्ति स्वारुहो यथा । ऋषिर्ह
 दीर्घश्रुत्तम् इन्द्रस्य घर्मो अतिथिः ॥

आमासु पक्वमैरय आ सूयं रोहयो दिवि । घर्म न
 सामन्तपतासुवृक्तिभिर्जुष्टं गिर्वणसे गिरः ॥
 इन्द्रमिद्वाथिनो बृहदिन्द्रमर्केभिरर्किणः । इन्द्रं वार्णारनूषत ॥
 गायन्ति त्वा गायत्रिणोऽर्चन्त्यर्कमर्किणः । ब्रह्माणस्त्वा
 शतक्रतुवुद्धं शर्मिव येमिरे ॥
 अहोमुचे प्र भरेमा मनीषामौषिष्ठदावै सुमतिं गृणानाः । इदमिन्द्र
 प्रति हव्यं गृभाय सत्याः सन्तु यजमानस्य कामाः ॥
 विवेष यन्मा धिषणा जजान स्तवै पुरा पार्यादिन्द्रमहः । अहंसो
 यत्र पीपरद्यथा नो नावेव यान्तमुभयै हवन्ते ॥
 प्र सम्राजम्प्रथममध्वराणामहोमुचं वृषभं यज्ञियानाम् । अपां
 नपातमश्विना हयन्तमस्मिन्नर इन्द्रियं धत्तमोजः ॥
 वि न इन्द्र मृधौ जहि नीचा यच्छ पृतन्यतः । अधस्पदं तमीं कृधि
 यो अस्मां अभिदासति ॥
 इन्द्रं क्षत्रमभि वाममोजोऽजायथा वृषभ चर्षणीनाम् । अपानुदो
 जनममित्रयन्तमुरुं देवेभ्यो अकृनोरु लोकम् ॥
 मृगो न भीमः कुचरो गिरिष्ठाः परावत आ जंगामा परस्याः ।
 सूकं सशायं पविमिन्द्र तिग्मं वि शत्रून्ताडि वि मृधौ नुदस्व ॥
 वि शत्रून्वि मृधौ नुद वि वृत्रस्य हनू रुज । वि मन्युमिन्द्र
 भामितोऽमित्रस्याभिदासतः ॥
 त्रातारमिन्द्रमवितारमिन्द्रं हवैहवे सुहवं शूरमिन्द्रम् । हुवे नु
 शक्रम्पुरुहूतमिन्द्रं स्वस्ति नो मघवा धात्विन्द्रः ॥
 मा तै अस्यां सहसावन्परिष्ठावघाय भूम हरिवः परादै । त्रायस्व
 नोऽवृकेभिर्वरूथैस्तव प्रियासः सूरिषु स्याम ॥
 अनवस्ते रथमश्वाय तद्वन्त्वष्टा वज्रम्पुरुहूत द्युमन्तम् । ब्रह्माण
 इन्द्रम्हयन्तो अकैरवर्धयन्नहये हन्तवा उ ॥
 वृष्णे यत्ते वृषणो अर्कमर्चानिन्द्र ग्रावाणो अदितिः सजोषाः ।

अ॒न॒श्वा॒सो॒ ये प॒व॒योऽ॒था इ॒न्द्रै॒षिता॒ अभ्य॑व॒र्तन्त॒ दस्यू॑न् ॥१२॥

इति प्रथमकाण्डे षष्ठः प्रपाठकः ॥६॥

पाकयज्ञं वा अन्वाहिताग्नेः पशव उप तिष्ठन्त इडा खलु वै पाकयज्ञः
 सैषान्तरा प्रयाजानूयाजान्यजमानस्य लोकेऽवहिता ।
 तामाहियमाणामभि मन्त्रयेत् सुरूपवर्षवर्ण एहीति पशवो वा इडा
 पशून्वोप ह्वयते । यज्ञं वै देवा अदुहन्यज्ञोऽसुराँ अदुहतेऽसुरा
 यज्ञदुग्धाः पराभवन्त्यो वै यज्ञस्य दोहं विद्वान्यजतेऽप्यन्यं यजमानं दुहे ।
 सा मे सत्याशीरस्य यज्ञस्य भूयादित्याहैष वै यज्ञस्य दोहस्तेनैवैनं दुहे ।
 प्रत्ता वै गौर्दुहे प्रत्तेडा यजमानाय दुह एते वा इडाये स्तना इडोपहृतेति
 वायुर्वत्सो यर्हि होतेडामुपह्वयेत तर्हि यजमानो होतारमीक्षमाणो
 वायुम्मनसा ध्यायेन्मात्रे वत्समुपावसृजति । सर्वेण वै यज्ञेन देवाः
 सुवर्गं लोकमायन्पाकयज्ञेन मनुरश्राम्यत्सेडा मनुमुपावर्तत तां देवासुरा
 व्यह्वयन्त प्रतीचीं देवाः पराचीमसुराः सा देवानुपावर्तत पशवो वै
 तद्देवानवृणत पशवोऽसुरानजहु र्यं कामयेतापशुः स्यादिति पराचीं
 तस्येडामुप ह्वयेतापशुरेव भवति यं कामयेत पशुमान्स्यादिति प्रतीचीं
 तस्येडामुप ह्वयेत पशुमानेव भवति । ब्रह्मवादिनो वदन्ति
 स त्वा इडामुप ह्वयेत् य इडामुपह्वयात्मानमिडायामुपह्वयेतेति सा नः
 प्रिया सुप्रतूर्तिर्मधोनीत्याहेडामेवोपह्वयात्मानमिडायामुप ह्वयते ।
 व्यस्तमिव वा एतद्यज्ञस्य यदिडा सामि प्राश्नन्ति सामि मार्जयन्त
 एतत्प्रति वा असुराणां यज्ञो व्यच्छिद्यत
 ब्रह्मणा देवाः समदधु बृहस्पतिस्तनुतामिमं न इत्याहु ब्रह्म वै
 देवानाम्बृहस्पतिर्ब्रह्मणैव यज्ञँ सं दधाति । विच्छिन्नं यज्ञँ समिमं
 दधात्वित्याहु
 संतत्यै । विश्वे देवा इह मादयन्तामित्याहु संतत्यैव यज्ञं देवेभ्योऽनु
 दिशति । यां वै यज्ञे दक्षिणां ददाति तामस्य पशवोऽनु सं क्रामन्ति
 स एष ईजानोऽपशुर्भावुको यजमानेन खलु वै तत्कार्यमित्याहु र्यथा
 देवत्रा दत्तं कुर्वीतात्मन्पशून्मयेतेति ब्रध्न पिन्वस्वेत्याहु
 यज्ञो वै ब्रध्नो यज्ञमेव तन्महयत्यथो देवत्रैव दत्तं कुरुत आत्मन्पशून्मयेते
 । ददतो मे मा क्षायीत्याहाक्षितिमेवोपैति । कुर्वतो मे मोप दसदित्याहु
 भूमानमेवोपैति ॥१॥

स॒ञ्श्र॒वा ह सौव॑र्च॒न॒सस्तु॑मि॒ञ्जुमौ॑पौ॒दिति॑मुवाच
 यत्स॒त्त्रि॒णाञ् होता॑भूः का॒मि॒डा॒मुपा॑ह॒था इति॑
 ता॒मुपा॑ह॒ इति॑ होवाच॒ या प्रा॒णेन॑ दे॒वान्दा॑धार॒ व्या॒नेन॑ म॒नुष्या॑न॒पाने॑न॒
 पि॒तृनि॑तिं च्छि॒न॒त्ति सा न च्छि॑न॒त्ती३ इति॑ च्छि॒न॒त्तीति॑ होवाच॒ शरी॑रं वा
 अ॒स्यै तदु॑पा॒ह॒था इति॑ होवाच॒
 गौ॒र्वा अ॒स्यै शरी॑रं गां वाव॒ तौ तत्पर्य॑वद॒तां
 या य॒ज्ञे दी॒यते॑ सा प्रा॒णेन॑ दे॒वान्दा॑धार॒ यया॑ म॒नुष्या॑ जी॒वन्ति॑ सा व्या॒नेन॑
 म॒नुष्या॑न्या॒मपि॑तृ॒भ्यो घ्नन्ति॑ सा॒पाने॑न॒ पि॒तृन्य॑ एवं वेद॑ प॒शुमा॑भ॒वत्य॑थ॒ वै
 ता॒मुपा॑ह॒ इति॑ होवाच॒ या प्र॒जाः प्र॒भव॑न्तीः प्र॒त्याभ॑व॒तीत्य॑न्नं वा अ॒स्यै
 तदु॑पा॒ह॒था इति॑ होवाचौ ष॒धयो॑ वा अ॒स्या अन्न॑मोष॒धयो॑ वै प्र॒जाः
 प्र॒भव॑न्तीः प्र॒त्या भ॑वन्ति
 य एवं वेद॑ान्नादो भ॒वत्य॑थ॒ वै ता॒मुपा॑ह॒ इति॑ होवाच॒ या प्र॒जाः
 प॒राभ॑व॒न्तीरनु॑गृ॒ह्णाति॑ प्र॒त्याभ॑व॒न्तीर्गृ॒ह्णातीति॑ प्र॒तिष्ठां॑ वा अ॒स्यै तदु॑पा॒ह॒था
 इति॑ होवाचे॒ यं वा अ॒स्यै प्र॒तिष्ठे॑ यं वै प्र॒जाः प॒राभ॑व॒न्तीरनु॑ गृ॒ह्णाति॑
 प्र॒त्याभ॑व॒न्तीर्गृ॒ह्णाति॑
 य एवं वेद॑ प्र॒त्येव॑ तिष्ठ॒त्यथ॑ वै ता॒मुपा॑ह॒ इति॑ होवाच॒ यस्यै॑ नि॒क्रम॑णे
 घृ॒तम्प्र॒जाः संजी॑व॒न्तीः पिब॑न्तीति
 च्छि॒न॒त्ति सा न च्छि॑न॒त्ती३ इति॑ न च्छि॑न॒त्तीति॑ होवाच॒ प्र तु ज॑नय॒तीत्ये॑ष
 वा इ॒डा॒मुपा॑ह॒था इति॑ होवाच॒
 वृ॒ष्टि॒र्वा इ॒डा वृ॒ष्ट्यै॑ वै नि॒क्रम॑णे घृ॒तम्प्र॒जाः संजी॑व॒न्तीः पिब॑न्ति
 य एवं वेद॑ प्रैव जा॒यतेऽन्ना॑दो भ॒वति ॥२॥

प्रोऽ॒क्षं वा अ॒न्ये दे॒वा इ॒ज्यन्ते॑ प्र॒त्यक्ष॑म॒न्ये
 यद्य॑ज॒ते य ए॒व दे॒वाः प्रोऽ॒क्षमि॒ज्यन्ते॑ ता॒ने॒व तद्य॑ज॒ति
 यद॑न्वाहा॒र्यमा॑हर॒त्येते॑ वै दे॒वाः प्र॒त्यक्षं॑ यद्ब्रा॒ह्म॒णास्ता॑ने॒व तेन॑
 प्री॒णात्य॑थो दक्षि॒णैवा॒स्यैषाऽथो॑ य॒ज्ञस्यै॑व च्छि॒द्रम॑पि दधा॒ति
 यद्वै य॒ज्ञस्य॑ क्रूरं यद्वि॒लिष्टं॑ तद॑न्वाहा॒र्येणान्वा॑हर॒ति
 तद॑न्वाहा॒र्यस्यान्वा॑हार्य॒त्वं दै॒वदू॒ता वा ए॒ते यदृ॒त्विजो॑ यद॑न्वाहा॒र्यमा॑हर॒ति

देवदूतानेव प्रीणाति प्रजापतिर्देवेभ्यो यज्ञान्वयादिशत्स रिरिचानोऽमन्यत
 स एतमन्वाहार्यमभक्तमपश्यत्तमात्मन्नधत्
 स वा एष प्राजापत्यो यदन्वाहार्यो यस्यैवं विदुषोऽन्वाहार्य आह्रियते
 साक्षादेव प्रजापतिमृध्नोत्य परिमितो निरुप्योऽपरिमितः प्रजापतिः
 प्रजापतेराप्त्यै देवा वै यद्यज्ञेऽकुर्वत तदसुरा अकुर्वत ते देवा
 एतम्प्राजापत्यमन्वाहार्यमपश्यन्तमन्वाहरन्त
 ततो देवा अभवन्परासुरा यस्यैवं विदुषोऽन्वाहार्य आह्रियते भवत्यात्मना
 परास्य भ्रातृव्यो भवति यज्ञेन वा इष्टी पक्वेन पूर्ती
 यस्यैवं विदुषोऽन्वाहार्य आह्रियते स त्वैवेष्टापूर्ती प्रजापतेर्भागोऽसीत्याह
 प्रजापतिमेव भागधेयेन
 समर्धयत्यूर्जस्वान्यस्वानित्याहोर्जमेवास्मिन्ययौ दधाति
 प्राणापानौ मे पाहि समानव्यानौ मे प्राहीत्याहाशिषमेवैतामा
 शास्तेऽक्षितोऽस्यक्षित्यै त्वा मा मे क्षेष्टा अमुत्रामुष्मिल्लोक इत्याह
 क्षीयते वा अमुष्मिल्लोकेऽन्नमितःप्रदानं ह्यमुष्मिल्लोके प्रजा
 उपजीवन्ति
 यदेवमभिमृशत्यक्षितिमेवैनद्रमयति नास्यामुष्मिल्लोकेऽन्नं क्षीयते ॥३॥

बर्हिषोऽहं दैवयज्यया प्रजावाभूयासमित्याह
 बर्हिषा वै प्रजापतिः प्रजा असृजत
 तेनैव प्रजाः सृजते नराशंसस्याहं दैवयज्यया पशुमान्भूयासमित्याह
 नराशंसै न वै प्रजापतिः पशून्सृजत
 तेनैव पशून्सृजतेऽग्नेः स्विष्टकृतोऽहं दैवयज्ययायुष्मान्यज्ञेन प्रतिष्ठां
 गमेयमित्याहार्युरेवात्मन्धत्ते प्रति यज्ञेन तिष्ठति
 दर्शपूर्णमासयोर्वै देवा
 उज्जितिमनूदजयन्दर्शपूर्णमासाभ्यामसुरानपानुदन्ताग्नेरहमुज्जितिमनूजैष-
 मित्याह दर्शपूर्णमासयोरिव देवतानां यजमान उज्जितिमनूजयति
 दर्शपूर्णमासाभ्याम्भ्रातृव्यानप नुदते
 वाजवतीभ्यां व्यूहत्यन्नं वै वाजोऽन्नमेवावरुन्धे

द्वाभ्याम्प्रतिष्ठित्यै

यो वै यज्ञस्य द्वौ दोहौ विद्वान्यजत उभयत ॥२॥

एव यज्ञं दुहे पुरस्ताच्चोपरिष्ठाच्चैष वा अन्यो यज्ञस्य दोह इडायामन्यो
यर्हि होता यजमानस्य नाम गृहीयात्तर्हि ब्रूयादेमा अग्नन्नाशिषो
दोहकामा इति सँस्तुता एव देवता दुहेऽथो उभयत एव यज्ञं दुहे
पुरस्ताच्चोपरिष्ठाच्च

रोहितेन त्वाग्निर्देवतां गमयत्वित्याहैते वै देवाश्वा यजमानः प्रस्तुरो
यदेतैः प्रस्तरम्प्रहरति देवाश्चैरेव यजमानँ सुवर्गं लोकं गमयति वि ते
मुञ्चामि रशना विरश्मीनित्याहैष वा अग्नेर्विमोकस्तेनैवैनं वि मुञ्चति
विष्णोः शम्योरहं देवयज्यया यज्ञेन प्रतिष्ठां गमेयमित्याह

यज्ञो वै विष्णुर्यज्ञ एवान्ततः प्रति तिष्ठति

सोमस्याहं देवयज्यया सुरेता रेतो धिषीयेत्याह

सोमो वै रेतोधास्तेनैव रेत आत्मन्धत्ते

त्वष्टुरहं देवयज्यया पशूनाँ रूपम्पुषेयमित्याह

त्वष्टा वै पशूनामिमिथुनानाँ रूपकृत्तेनैव पशूनाँ रूपमात्मन्धत्ते

देवानाम्पत्नीरग्निर्गृहपतिर्यज्ञस्य मिथुनं तयोरहं देवयज्यया मिथुनेन प्र
भूयासमित्याहैतस्माद्वै मिथुनात्प्रजापतिर्मिथुनेन प्राजायते तस्मादेव
यजमानो मिथुनेन प्र जायते

वेदोऽसि वित्तिरसि विदेयेत्याह

वेदेन वै देवा असुराणां वित्तं वेद्यमविन्दन्त

तद्वेदस्य वेदत्वं यद्यद्भ्रातृव्यस्याभिध्यायैत्तस्य नाम गृहीयात्तदेवास्य सर्वं
वृद्धे

घृतवन्तं कुलायिनँ रायस्पोषँ सहस्त्रिणं वेदो ददातु वाजिनमित्याह प्र
सहस्रम्पशूनाप्रोत्यास्य प्रजायां वाजी जायते य एवं वेद ॥४॥

ध्रुवां वै रिच्यमानां यज्ञोऽनु रिच्यते यज्ञं यजमानो यजमानम्प्रजा

ध्रुवामाप्यार्यमानां यज्ञोऽन्वा प्यायते यज्ञं यजमानो यजमानम्प्रजा आ
प्यायतां ध्रुवा घृतेनेत्याह

ध्रुवामेवाप्याययति तामाप्यायमानां यज्ञोऽन्वा प्यायते यज्ञं यजमानो
 यजमानम्प्रजाः प्रजापतेर्विभानाम् लोकस्तस्मिँस्त्वा दधामि सह
 यजमानेनेत्याहायं वै प्रजापतेर्विभानाम् लोकस्तस्मिँन्नेवैनं दधाति सह
 यजमानेन रिच्यत इव वा एतद्यद्यजते
 यद्यजमानभागम्प्राशनात्यात्मानमेव प्रीणात्ये तावान्वै यज्ञो
 यावान्यजमानभागो यज्ञो यजमानो यद्यजमानभागम्प्राशनाति यज्ञ एव
 यज्ञम्प्रतिष्ठापयत्येतद्वै सूयवसुँ सोदकं यद्वर्हिश्चापश्चैतद्यजमानस्यायतनं
 यद्वेदि र्यत्पूर्णपात्रमन्तर्वेदि निनयति स्व एवायतने सूयवसुँ सोदकं
 कुरुते
 सदसि सन्मै भूया इत्याहापो वै यज्ञ आपोऽमृतं यज्ञमेवामृतमात्मन्धत्ते
 सर्वाणि वै भूतानि व्रतमुपयन्तमनूप यन्ति
 प्राच्यां दिशि देवा ऋत्विजो मार्जयन्तामित्याहैष वै
 दर्शपूर्णमासयोरवभृथो यान्येवैनम्भूतानि व्रतमुपयन्तमनूपयन्ति तैरेव
 सहावभृथमवैति विष्णुमुखा वै
 देवाश्छन्दोभिरिमाँल्लोकाननपज्य्यमभ्यजयन्त्यद्विष्णुक्रमान्क्रमते विष्णुरेव
 भूत्वा यजमानश्छन्दोभिरिमाँल्लोकाननपज्य्यमभि जयति विष्णोः
 क्रमोऽस्यभिमातिहेत्याह
 गायत्री वै पृथिवी त्रैष्टुभमन्तरिक्षं जागती
 द्यौरानुष्टुभीर्दिशश्छन्दोभिरेवेमाँल्लोकान्यथापूर्वमभि जयति ॥५॥

अगन्म सुवः सुवरगन्मेत्याह सुवर्गमेव लोकमेति
 संदृशस्ते मा छित्सि यत्ते तपस्तस्मै ते मा वृद्धीत्याह
 यथायजुरेवैतत्सुभूरसि श्रेष्ठो रश्मीनामायुर्धा अस्यायुर्मे
 धेहीत्याहाशिषमेवैतामा शास्ते प्र वा एषोऽस्माँल्लोकाच्चयवते यो
 विष्णुक्रमान्क्रमते सुवर्गाय हि लोकाय विष्णुक्रमाः क्रम्यन्ते
 ब्रह्मवादिनो वदन्ति
 स त्वै विष्णुक्रमान्क्रमेत य इमाँल्लोकान्भ्रातृव्यस्य संविद्य
 पुनरिमँल्लोकम्प्रत्यवरोहेदित्ये ष वा अस्य लोकस्य प्रत्यवरोहो

यदाहेदमहममुष्मातृव्यमाभ्यो दिग्भ्योऽस्यै दिव इतीमानेव
 लोकान्श्चातृव्यस्य संविद्य पुनरिमंल्लोकमृत्यवरोहति सं
 ज्योतिषाभूवमित्याहास्मिन्नेव लोके प्रति तिष्ठत्यै न्द्रीमावृतमन्वावर्त
 इत्याहासौ वा आदित्य इन्द्रस्तस्यैवावृतमनु पर्यावर्तते
 दक्षिणा पर्यावर्तते स्वमेव वीर्यमनु पर्यावर्तते तस्मादक्षिणोऽर्ध आत्मनो
 वीर्यावत्तरोऽथो आदित्यस्यैवावृतमनु पर्यावर्तते
 समहम्प्रजया सम्मया प्रजेत्याहाशिषमेवैतामा शास्ते
 समिद्धो अग्ने मे दीदिहि समेद्धा तै अग्ने दीद्यासमित्याह
 यथायजुरेवैत द्वसुमान्यज्ञो वसीयान्भूयासमित्याहाशिषमेवैतामा शास्ते
 ब्रह्म वै गार्हपत्यस्यान्तै मिश्रमिव चर्यत आग्निपावमानीभ्यां गार्हपत्यमुप
 तिष्ठते पुनात्येवाग्निम्पुनीत आत्मानं द्वाभ्यामप्रतिष्ठित्या अग्ने गृहपत इत्याह
 यथायजुरेवैतच्छतं हिमा इत्याह शतं त्वा हेमन्तानिन्धिषीयेति
 वावैतदाह पुत्रस्य नाम गृह्णात्यन्नादमेवैनं करोति
 तामाशिषमा शासे तन्तवे ज्योतिष्मतीमिति ब्रूयाद्यस्य पुत्रोऽजातः
 स्यात्तेजस्व्यैवास्य ब्रह्मवर्चसी पुत्रो जायते
 तामाशिषमा शासेऽमुष्मै ज्योतिष्मतीमिति ब्रूयाद्यस्य पुत्रो जातः स्यात्तेज
 एवास्मिन्ब्रह्मवर्चसं दधाति
 यो वै यज्ञमप्रयुज्य न विमुञ्चत्यप्रतिष्ठानो वै स भवति
 कस्त्वा युनक्ति स त्वा वि मुञ्चत्वित्याह प्रजापतिर्वै कः प्रजापतिनैवैनं
 युनक्ति प्रजापतिना वि मुञ्चति प्रतिष्ठित्या ईश्वरं वै व्रतमविसृष्टमृदहोऽग्नै
 व्रतपते व्रतमचारिषमित्याह व्रतमेव वि सृजते शान्त्या अप्रदाहाय
 पराङ्वाव यज्ञ एति न नि वर्तते पुनर्यो वै यज्ञस्य पुनरालम्भं विद्वान्यजते
 तमुभि नि वर्तते
 यज्ञो ब्रूव स आ ब्रूवेत्याहैष वै यज्ञस्य पुनरालम्भस्तेनैवैनम्पुनरा
 लभते ऽनवरुद्धा वा एतस्य विराड्य आहिताग्निः सन्नसभः पशवः खलु
 वै ब्राह्मणस्य सभे द्वा प्राडुत्क्रम्य ब्रूयाद्गोमां अग्नेऽविमां अश्वी यज्ञ
 इत्यव सभां रुन्धे प्र सहस्रम्पशूनाप्रोत्यास्य प्रजायां वाजी जायते ॥६॥

देवं सवितुः प्र सुव यज्ञम्प्र सुव यज्ञपतिम्भगाय दिव्यो गन्धर्वः । केतुपूः
 केतं नः पुनातु वाचस्पतिर्वाचमद्य स्वदाति नः ॥
 इन्द्रस्य वज्रोऽसि वार्त्रघ्नस्त्वयायं वृत्रं वेध्यात् ॥
 वाजस्य नु प्रसवे मातरम्महीमदिति नाम वचसा करामहे । यस्यामिदं
 विश्वम्भुवनमाविवेश तस्यां नो देवः सविता धर्म साविषत् ॥
 अप्सर्वन्तरमृतमप्सु भैषजमपामुत प्रशस्तिष्वश्वा भवथ वाजिनः ॥
 वायुर्वा त्वा मनुर्वा त्वा गन्धर्वाः सप्तविंशतिः । ते अग्रे अश्वमायुञ्जन्ते
 अस्मिञ्जुवमादधुः ॥
 अपां नपादाशुहेमन्य ऊर्मिः ककुद्धान्प्रतूर्तिर्वाजसातमस्तेनायं वाजं सेतु
 ॥
 विष्णोः क्रमोऽसि विष्णोः क्रान्तमसि विष्णोर्विक्रान्तमस्य ङ्कौ
 न्यङ्कावभितो रथं यौ ध्वान्तं वाताग्रमनु संचरन्तौ
 दूरेहेतिरिन्द्रियावान्पतत्री ते नोऽग्नयः पप्रयः पारयन्तु ॥७॥

देवस्याहं सवितुः प्रसवे बृहस्पतिना वाजजिता वाजं जेषं
 देवस्याहं सवितुः प्रसवे बृहस्पतिना वाजजिता वर्षिष्ठं नाकं
 रुहेय मिन्द्राय वाचं वदतेन्द्रं वाजं जापयतेन्द्रो वाजमजयित् ॥
 अश्वाजनि वाजिनि वाजेषु वाजिनीवत्यश्वान्समत्सु वाजय ॥
 अर्वासि सप्तिरसि वाज्यसि
 वाजिनो वाजं धावत मरुताम्प्रसवे जयतु वि योजना मिमीध्वमध्वन
 स्कभीत काष्ठां गच्छत वाजैवाजेऽवत वाजिनो नो धनेषु विप्रा अमृता
 ऋतज्ञाः ॥ अस्य मध्वः पिबत मादयध्वं तृप्ता यात पृथिभिर्देवयानैः ॥
 ते नो अर्वन्तो हवनश्रुतो हवं विश्वे शृण्वन्तु वाजिनः ॥
 मितद्रवः सहस्रसा मेधसाता सनिष्यवः । महो ये रन्तं समिथेषु
 जधिरे शं नो भवन्तु वाजिनो हवेषु ॥
 देवताता मितद्रवः स्वर्काः । जम्भयन्तोऽहिं वृकं रक्षांसि
 सनैम्यस्मद्युयवन्नमीवाः ॥
 एष स्य वाजी क्षिपणिं तुरगयति ग्रीवायाम्बद्धो अपिकृक्ष आसनि । क्रतुं

दधिक्रा अ॒नु सं॒तवी॑त्वत्प॒थाम॑ङ्काँ॒स्यन्वा॒पनी॑फणत् ॥
 उ॒त स्मा॑स्य॒ द्रव॑तस्तुर॒णय॑तः पु॒र्णं न वे॑र॒नु वा॑ति प्र॒गर्धि॑नः । श्ये॒नस्ये॑व
 ध्रज॑तो अ॒ङ्कुस॑म्परि॒ दधि॑क्राव्णः सु॒होर्जा॑ त॒रित्र॑तः ॥
 आ मा॒ वाज॑स्य प्रस॒वो ज॑गम्या॒दा द्यावा॑पृथि॒वी वि॒श्वश॑म्भू । आ मा॑
 गन्ता॑मि॒तरा॑ मा॒तरा॑ चामा॒ सोमो॑ अमृ॒तत्वा॑य॒ गम्या॑त् ॥
 वाजि॑नो वाजजि॒तो वाज॑ँ स॒रिष्य॑न्तो वाजं जे॒ष्यन्तो॑ बृह॒स्पतै॑र्भा॒गम॑व
 जिघ्र॑त॒ वाजि॑नो वाजजि॒तो वाज॑ँ स॒सृवाँ॑सो वाजं जि॒गिवाँ॑सो
 बृह॒स्पतै॑र्भा॒गे नि मृ॑द्भू॒मियं॑ वः सा स॒त्या स॒न्धाभू॑द्यामि॒न्द्रैण॑
 स॒मध॑द्भू॒ मजी॑जिपत वनस्पतय॒ इन्द्रं॑ वाजं वि मु॒च्यध्व॑म् ॥८॥

क्ष॒त्रस्यो॒ल्बम॑सि क्ष॒त्रस्य॑ योनि॒रसि॑ जाय॒ एहि॑ सु॒वो रो॒हाव॑ रो॒हाव॑ हि
 सु॒व र॒हं ना॑वु॒भयोः॑ सु॒वो रो॒क्ष्यामि॑
 वाज॑श्च प्रस॒वश्चा॑ पि॒जश्च॑ क्र॒तुश्च॑ सु॒वश्च॑ मूर्धा च॒
 व्य॑शि॒नय॑श्चा॒ न्त्या॑य॒नश्चा॒न्त्यश्च॑ भौ॒वन॑श्च भु॒वन॑श्चा॒धिप॑तिश्च ।
 आ॒यु॒र्यज्ञे॑न कल्पता॒म्प्रा॒णो य॒ज्ञेन॑ कल्पता॒ मपा॑नो
 य॒ज्ञेन॑ कल्पतां व्या॒नो य॒ज्ञेन॑ कल्पतां चक्षु॒र्यज्ञे॑न कल्पताँ॒ श्रोत्रं॑ य॒ज्ञेन॑
 कल्पता॒म्मनो॑ य॒ज्ञेन॑ कल्पतां वा॒ग्य॒ज्ञेन॑ कल्पता॒ मात्मा॑ य॒ज्ञेन॑ कल्पतां
 य॒ज्ञो य॒ज्ञेन॑ कल्पताँ॒ सु॒र्वदे॑वाँ॒ अ॒गन्मा॑मृ॒ता अ॒भूम॑ प्र॒जाप॑तेः प्र॒जा अ॒भूम॑
 स॒म॒हम्प्र॑जया॒ सम्म॑या॒ प्रजा॑ स॒म॒हँ रा॒यस्पोषे॑ण॒ सम्म॑या॒ रा॒यस्पोषोऽन्ना॑य
 त्वा॒न्नाद्या॑य त्वा॒ वाजा॑य त्वा॒ वाज॑जि॒त्यायै॑ त्वा॒मृ॒तम॑सि पु॒ष्टिर॑सि
 प्र॒जन॑नमसि ॥९॥

वाज॑स्ये॒मम्प्र॑स॒वः सु॒षुवे॑ अ॒ग्रे सोम॑ँ रा॒जान॑मोष॒धीष्व॑प्सु । ता
 अ॒स्मभ्य॑म्मधु॒मती॑र्भवन्तु व॒यँ रा॒ष्ट्रे जा॑ग्रियाम पु॒रोहि॑ताः ॥
 वाज॑स्ये॒दम्प्र॑स॒व आ ब॑भूवे॒मा च॑ वि॒श्वा भु॑वनानि स॒र्वतः॑ । स
 वि॒राज॑म्प॒र्येति॑ प्र॒जान॑न्प्र॒जम्पु॑ष्टिं व॒र्धय॑मानो अ॒स्मे ॥
 वाज॑स्ये॒माम्प्र॑स॒वः शि॑श्रिये दि॒वमि॑मा च॒ वि॒श्वा भु॑वनानि स॒म्राट् ।
 अ॒दि॒त्सन्तं॑ दापयतु प्र॒जान॑न्न॒यिं

च नः सर्ववीरां नि यच्छतु ॥
 अग्ने अच्छा वदेह नः प्रति नः सुमना भव । प्र णौ यच्छ भुवस्पते धनुदा
 असि नुस्त्वम् ॥
 प्र णौ यच्छत्वयमा प्र भगुः प्र बृहस्पतिः । प्र देवाः प्रोत सूनृता प्र
 वाग्देवी ददातु नः ॥
 अयमणम्बृहस्पतिमिन्द्रं दानाय चोदय । वाचं विष्णुं सरस्वतीं
 सवितारं च वाजिनम् ॥
 सोमं राजानं वरुणमग्निमन्वारभामहे । आदित्यान्विष्णुं सूर्यम्ब्रह्माणं
 च बृहस्पतिम् ।
 देवस्य त्वा सवितुः प्रसवैऽश्विणोर्बाहुभ्याम्पूष्णो हस्ताभ्यां सरस्वत्यै
 वाचो यन्तुर्यन्त्रेणाग्नेस्त्वा साम्राज्येनाभि षिञ्चामीन्द्रस्य बृहस्पतेस्त्वा
 साम्राज्येनाभि षिञ्चामि ॥१०॥

अग्निरेकाक्षरेण वाचमुदजय दश्विनौ द्व्यक्षरेण प्राणापानावुदजयतां
 विष्णुसूर्यक्षरेण त्रीन्लोकानुदजयत्सोमश्चतुरक्षरेण चतुष्पदः
 पशूनुदजयत्पूषा पञ्चाक्षरेण पङ्क्तिमुदजयत्धाता षडक्षरेण
 षडृतनुदजयन्मरुतः सप्ताक्षरेण सप्तपदां
 शक्वरीमुदजयन्बृहस्पतिरष्टाक्षरेण गायत्रीमुदजयन्मित्रो नवाक्षरेण
 त्रिवृतं स्तोममुदजयद्वरुणो दशाक्षरेण विराजमुदजय दिन्द्र
 एकादशाक्षरेण त्रिष्टुभमुदजयद्विश्वे देवा द्वादशाक्षरेण जगतीमुदजय
 न्वसंवस्त्रयोदशाक्षरेण त्रयोदशं स्तोममुदजयत्रुद्राश्चतुर्दशाक्षरेण
 चतुर्दशं स्तोममुदजय न्नादित्याः पञ्चदशाक्षरेण पञ्चदशं
 स्तोममुदजय न्नादितिः षोडशाक्षरेण षोडशं स्तोममुदजयन्प्रजापतिः
 सप्तदशाक्षरेण सप्तदशं स्तोममुदजयत् ॥११॥

उपयामगृहीतोऽसि नृषदं त्वा द्रुषदम्भुवनसदमिन्द्राय जुष्टं गृह्णाम्येष ते
 योनिरिन्द्राय त्वो पयामगृहीतोऽस्यप्सुषदं त्वा घृतसदम्ब्योमसदमिन्द्राय

जुष्टं गृह्णाम्येष ते योनिरिन्द्राय त्वोपयामगृहीतोऽसि पृथिविषदं
 त्वान्तरिक्षसदम्नाकसदमिन्द्राय जुष्टं गृह्णाम्येष ते योनिरिन्द्राय त्वा
 ये ग्रहाः पञ्चजनीना येषां तिस्रः परमजाः । दैव्यः कोशः
 समुब्जितः । तेषां विशिप्रियाणामिषमूर्जं समग्रभीमेष ते
 योनिरिन्द्राय त्वा ॥
 अपां रसमुद्वयसं सूर्यरश्मिं समाभृतम् । अपां रसस्य यो रसस्तं
 वो गृह्णाम्युत्तममेष ते योनिरिन्द्राय त्वा ॥
 अया विष्टा जनयन्कर्वराणि स हि घृणिरुर्वराय गातुः । स
 प्रत्युदैद्धरुणो मध्वो अग्रं स्वायां यत्तनुवां तनूमैरयत ।
 उपयामगृहीतोऽसि प्रजापतये त्वा जुष्टं गृह्णाम्येष ते योनिः प्रजापतये
 त्वा ॥१२॥

अन्वह मासा अन्विद्वनान्यन्वोषधीरनु पर्वतासः । अन्विन्द्रं रोदसी
 वावशाने अन्वापो अजिहत जायमानम् ॥
 अनु ते दायि मह इन्द्रियाय सत्रा ते विश्वमनु वृत्रहत्यै । अनु क्षत्रमनु
 सहो यजत्रेन्द्र देवेभिरनु ते नृषह्यै ।
 इन्द्राणीमासु नारिषु सुपत्नीमहमश्रवम् । न ह्यस्या अपरं च न जरसा
 मरते पतिः ॥
 नाहमिन्द्राणि रारण सख्युर्वृषाकपेर्भृते । यस्येदमप्यं हविः प्रियं देवेषु
 गच्छति ॥
 यो जात एव प्रथमो मनस्वान्देवो देवान्क्रतुना पर्यभूषत् । यस्य
 शुष्माद्रोदसी अभ्यसेतामृणस्य महा स जनासु इन्द्रः ॥
 आ तै मह इन्द्रोत्युग्र समन्यवो यत्समरन्तु सेनाः । पताति दिव्युन्नर्यस्य
 बाहुवोर्मा ते मनौ विष्वद्वियुग्वि चारीत् ॥
 मा नौ मर्धिरा भरा दद्धि तन्नः प्र दाशुषे दातवे भूरि यत्ते । नव्ये देष्णे
 शस्ते अस्मिन्त उक्थे प्र ब्रवाम वयमिन्द्र स्तुवन्तः ॥
 आ तू भर मार्किरेतत्परि षाद्विद्या हि त्वा वसुपतिं वसूनाम् । इन्द्र यत्ते
 माहिनुं दत्रमस्त्यस्मभ्यं तद्धर्यश्च प्र यन्धि ॥

प्र॒दा॒ता॒र॑ꣳ ह॒वाम॑ह॒ इन्द्र॑मा ह॒विषा॑ व॒यम् । उ॒भा हि ह॑स्ता वसु॒ना
 पृ॒णस्वा प्र य॑च्छ दक्षि॒णा॒दोत॑ स॒व्यात् ॥
 प्र॒दा॒ता व॒ज्री वृ॑षभस्तु॒रा॒षाट्छु॑ष्मी राजा वृ॒त्रहा॑ सौम॒पावा॑ । अ॒स्मि॒न्य॒ज्ञे
 ब॒र्हिष्या॑ नि॒षद्या॑था भव॒ यज॑मानाय॒ शं योः ॥
 इन्द्रः॑ सु॒त्रामा॑ स्ववाꣳ अ॒वौभिः॑ सुमृ॒डीको॑ भवतु वि॒श्ववै॑दाः । बा॒धतां॑
 द्वे॒षो अ॒भयं॑ कृ॒णोतु॑ सु॒वीर्य॑स्य॒ पत॑यः स्याम ॥
 तस्य॑ व॒यꣳ सु॑म॒तौ य॒ज्ञिय॑स्यापि भ॒द्रे सौ॑म॒न॒से स्या॑म । स सु॒त्रामा॑
 स्ववाꣳ इन्द्रो॑ अ॒स्मे आ॒रा॒ञ्चिद॑द्वेषः स॒नुत॑र्युयोतु ॥
 रे॒वती॑र्नः सध॒माद् इन्द्रै॑ स॒न्तु तु॒विवा॑जाः । क्षु॒मन्तो॑ याभि॒र्मि॒दम॑ ॥
 प्रो ष्व॑स्मै पु॒रोर॑थमिन्द्रा॒य शू॒षम॑र्चत । अ॒भीर्के॑ चिदु॒ लोक॑कृ॒त्संगे॑ स॒मत्सु॑
 वृ॒त्रहा॑ । अ॒स्माक॑म्बोधि चो॒दिता॑ नभ॒न्ताम॑न्य॒केषा॑म् । ज्या॒का अधि॑
 धन्व॑सु ॥१३॥

इति प्रथमकारण्डे सप्तमः प्रपाठकः ॥७॥

अनुमत्यै पुरोडाशमष्टाकपालं निर्वपति धेनुर्दक्षिणा
 ये प्रत्यञ्चः शम्याया अवशीयन्ते तं नैर्ऋतमेककपालं कृष्णं वासः
 कृष्णतूषं दक्षिणा
 वीहि स्वाहाहुतिं जुषाण एष तै निर्ऋते भागो भूते हविष्मत्यसि मुञ्चेममं
 हंसः

स्वाहा नमो य इदं चकारादित्यं चरुं निर्वपति वरो
 दक्षिणाग्रावैष्णवमेकादशकपालं वामनो वृही
 दक्षिणाग्रीषोमीयमेकादशकपालं हिरण्यं
 दक्षिणैन्द्रमेकादशकपालमृषभो वृही दक्षिणाग्रेयमष्टाकपालमैन्द्रं
 दध्यृषभो वृही दक्षिणैन्द्राग्रं द्वादशकपालं वैश्वदेवं चरुमप्रथमजो वत्सो
 दक्षिणा सौम्यं श्यामाकं चरुं वासो दक्षिणा सरस्वत्यै चरुं सरस्वते
 चरुमिथुनौ गावौ दक्षिणा ॥१॥

आग्रेयमष्टाकपालं निर्वपति सौम्यं चरुं सावित्रं द्वादशकपालं
 सारस्वतं चरुमपौष्णं चरुममारुतं सप्तकपालं वैश्वदेवीमामिक्षां
 द्यावापृथिव्यमेककपालम् ॥२॥

ऐन्द्राग्रमेकादशकपालममारुतीमामिक्षां वारुणीमामिक्षां कायमेककपालं
 प्रघास्यान्हवामहे मरुतौ यज्ञवाहसः करुम्भेण सजोषसः ॥
 मो षू ण इन्द्र पृत्सु देवास्तु स्म ते शुष्मिन्नव्या । मही ह्यस्य मीढुषौ
 यव्या । हविष्मतो मरुतो वन्दते गीः ॥
 यद्ग्रामे यदरण्ये यत्सभायां यदिन्द्रिये । यच्छूद्रे यदर्य एनश्चकृमा वयम्
 । यदेकस्याधि धर्मणि तस्यावयजनमसि स्वाहा ॥
 अक्रन्कर्म कर्मकृतः सह वाचा मयोभुवा । देवेभ्यः कर्म कृत्वास्तम्प्रेत
 सुदानवः ॥३॥

अग्नयेऽनीकवते पुरोडाशमष्टाकपालमनिर्वपति साकं सूर्येणोद्यता मरुद्भ्यः
 सांतपनेभ्यो मध्यन्दिने चरुमरुद्भ्यो गृहमेधिभ्यः सर्वासां दुग्धे सायं चरुं

पूर्णं देवि परां पतु सुपूर्णा पुनरा पत । वस्त्रेव वि क्रीणावहा
इषमूर्जं शतक्रतो ॥

देहि मे ददामि ते नि मे धेहि नि ते दधे । निहारमिन्नि मे हरा निहारं नि
हरामि ते ॥

मरुद्भ्यः क्रीडिभ्यः पुरोडाशं सप्तकपालं निर्वपति साकं
सूर्येणोद्यताग्नेयमष्टाकपालं निर्वपति सौम्यं चरुं सावित्रं द्वादशकपालं
सारस्वतं चरुम्पौष्णं चरुमैन्द्राग्रमेकादशकपालमैन्द्रं चरुं
वैश्वकर्माणमेककपालम् ॥४॥

सोमाय पितृमते पुरोडाशं षट्कपालं निर्वपति पितृभ्यो बर्हिषद्भ्यो धानाः
पितृभ्योऽग्निष्वात्तेभ्योऽभिवान्यायै दुग्धे मन्थमेतत्तै ततु ये च
त्वामन्वेतत्तै पितामह प्रपितामह ये च त्वामन्व त्र पितरो
यथाभागमन्दध्वं

सुसंदृशं त्वा वयममर्घवन्मन्दिषीमहि । प्र नूनम्पूर्णवन्धुरः स्तुतो यासि
वशां अनु । योजा न्विन्द्र ते हरी ॥

अक्षन्नमीमदन्तु ह्यव प्रिया अधूषत । अस्तौषतु स्वभानवो विप्रा
नविष्टया मती योजा न्विन्द्र ते हरी ॥

अक्षन्पितरोऽमीमदन्त पितरोऽतीतृपन्त पितरोऽमीमृजन्त पितरः
परैत पितरः सोम्या गम्भीरैः पृथिभिः पूर्वैः । अथा पितृन्सुविदत्रां
अपीत यमेन ये संध्रमादुम्मदन्ति ॥

मनो न्वा हुवामहे नाराशं सेन स्तोमेन पितृणां च मन्मभिः ।

आ न एतु मनः पुनः क्रत्वे दक्षाय जीवसे । ज्योक्च सूर्यं दृशे ॥

पुनर्नः पितरो मनो ददातु दैव्यो जनः । जीवं व्रातं सचेमहि ॥

यदन्तरिक्षमृथिवीमुत द्यां यन्मातरं पितरं वा जिहिंसिम । अग्निर्मा
तस्मादेनसो गार्हपत्यः प्र मुञ्चतु दुरिता यानि चकृम करोतु मामनेनसम्
॥५॥

प्रतिपूरुषमेककपालान्निर्वपत्येकमतिरिक्तं यावन्तो गृह्याः स्मस्तेभ्यः
 कर्मकरं पशूनां शर्मासि शर्म यजमानस्य शर्म मे यच्छैक एव रुद्रो न
 द्वितीयाय तस्थ आखुस्तै रुद्र पशुस्तं जुषस्वैष तै रुद्र भागः सह
 स्वस्त्राम्बिकया तं जुषस्व
 भेषजं गवेऽश्वाय पुरुषाय भेषजं मथो अस्मभ्यम्भेषजं सुभेषजं यथासति
 सुगम्भेषाय मेष्ट्या अवाम्ब रुद्रमदिमह्यव देवं त्र्यम्बकम् । यथा नः
 श्रेयसः कर्द्यथा नो वस्यसः कर्द्यथा नः पशुमतः कर्द्यथा नो
 व्यवसाययात् ॥
 त्र्यम्बकं यजामहे सुगन्धिर्मुष्टिवर्धनम् । उर्वारुकमिव
 बन्धनान्मृत्योर्मुक्षीय मामृतात् ।
 एष तै रुद्र भागस्तं जुषस्व तेनावसेन पुरो मूर्जवतोऽतीह्यवततधन्वा
 पिनाकहस्तः कृत्तिवासाः ॥६॥

ऐन्द्राग्रं द्वादशकपालं वैश्वदेवं चरुमिन्द्राय शुनासीराय पुरोडाशं
 द्वादशकपालं वायव्यम्पयः सौर्यमेककपालं द्वादशगवः सीरं
 दक्षिणाग्रेयमष्टाकपालं निर्वपति रौद्रं गावीधुकं चरुमैन्द्रं दधि वारुणं
 यवमयं चरुं वहिनी धेनुर्दक्षिणा
 ये देवाः पुरःसदोऽग्निनेत्रा दक्षिणसदो यमनेत्राः पश्चात्सदः सवितृनेत्रा
 उत्तरसदो वरुणनेत्रा उपरिषदो बृहस्पतिनेत्रा रक्षोहणस्ते नः पान्तु ते
 नोऽवन्तु तेभ्यो नमस्तेभ्यः स्वाहा समूढं रक्षः संदग्धं रक्ष इदमहं
 रक्षोऽभि सं दहाम्यग्रये रक्षोघ्ने स्वाहा यमाय सवित्रे वरुणाय बृहस्पतये
 दुर्वस्वते रक्षोघ्ने स्वाहा प्रष्टिवाही रथो दक्षिणा
 देवस्य त्वा सवितुः प्रसवेऽश्विनोर्बाहुभ्याम्पूष्णो हस्ताभ्यां रक्षसो वधं
 जुहोमि हतं रक्षोऽवधिष्म रक्षो यद्वस्ते तदक्षिणा ॥७॥

धात्रे पुरोडाशं द्वादशकपालं निर्वपत्यनुमत्यै चरुं
 राकायै चरुं सिनीवाल्यै चरुं
 कुह्वै चरुं मिथुनौ गावौ दक्षिणाग्रावैष्णवमेकादशकपालं

निर्वपत्यैन्द्रावैष्णवमेकादशकपालं वैष्णवं त्रिकपालं वामनो वृही
दक्षिणाग्रीषोमीयमेकादशकपालं निर्वपतीन्द्रासोमीयमेकादशकपालं
सौम्यं चरुं बभ्रुर्दक्षिणा सोमापौष्णं चरुं निर्वपत्यैन्द्रापौष्णं चरुं पौष्णं
चरुं

श्यामो दक्षिणा वैश्वानरं द्वादशकपालं निर्वपति
हिरण्यं दक्षिणा वारुणं यवमयं चरुमश्चो दक्षिणा ॥८॥

बार्हस्पत्यं चरुं निर्वपति ब्रह्मणो गृहे शितिपृष्ठो
दक्षिणैन्द्रमेकादशकपालं राजन्यस्य गृहे ऋषभो दक्षिणादित्यं
चरुम्महिष्यै गृहे धेनुर्दक्षिणा नैऋतं चरुम्परिवृक्त्यै गृहे कृष्णानां ब्रीहीणां
नखनिर्भिन्नं कृष्णा कूटा दक्षिणाग्नेयमृष्टार्कपालं सेनान्यौ गृहे हिरण्यं
दक्षिणा वारुणं दशकपालं सूतस्य गृहे महानिरष्टो दक्षिणा
मारुतं सप्तकपालं ग्रामण्यौ गृहे पृश्निर्दक्षिणा
सावित्रं द्वादशकपालं ११। क्षत्तुर्गृह उपध्वस्तो दक्षिणाश्विनं द्विकपालं
संग्रहीतुर्गृहे संवात्यौ दक्षिणा
पौष्णं चरुम्भागदुघस्य गृहे श्यामो दक्षिणा
रौद्रं गावीधुकं चरुमक्षावापस्य गृहे शबल उद्गारो दक्षिणे न्द्राय सुत्राम्णो
पुरोडाशमेकादशकपालम्प्रति निर्वपतीन्द्रायां होमुचेऽयं नो राजा वृत्रहा
राजा नि मेतलिअल ष्म१५० अनद
ततुस बुत नोत नि तहे अरअदतिनि भूत्वा वृत्रं
वध्या नैत्राबार्हस्पत्यम्भवति श्वेतायै श्वेतवत्सायै दुग्धे स्वयम्मूर्ते
स्वयम्मथित आज्य आश्वत्थे पात्रे चतुःस्रक्तौ स्वयमवपन्नायै शाखायै
कर्णांश्चाकर्णांश्च तरङ्गुलान्वि चिनुयाद्ये कर्णाः स पर्यसि बार्हस्पत्यो
येऽकर्णाः स आज्ये मैत्रः स्वयंकृता वेदिर्भवति स्वयंदिनम्बर्हिः स्वयंकृत
इध्मः सैव श्वेता श्वेतवत्सा दक्षिणा ॥९॥

अग्नये गृहपतये पुरोडाशमृष्टार्कपालं निर्वपति कृष्णानां ब्रीहीणां
सोमाय वनस्पतये श्यामाकं चरुं सवित्रे सत्यप्रसवाय पुरोडाशं

द्वादशकपालमाशूनां व्रीहीणां रुद्राय पशुपतये गावीधुकं
 चरुम्बृहस्पतये वाचस्पतये नैवारं चरुमिन्द्राय ज्येष्ठाय
 पुरोडाशमेकादशकपालम्हाव्रीहीणाम्मित्राय सत्यायाम्बानां चरुं
 वरुणाय धर्मपतये यवमयं चरुं
 सविता त्वां प्रसवानां सुवतामग्निर्गृहपतीनां सोमो वनस्पतीनां रुद्रः
 पशूनां बृहस्पतिर्वाचामिन्द्रो ज्येष्ठानाम्मित्रः सत्यानां वरुणो धर्मपतीनां ये
 देवा देवसुवः स्थ त इममामुष्यायणमनमित्राय सुवध्वम्महते क्षत्राय
 महत आधिपत्याय महते जानराज्यायै ष वो भरता राजा
 सोमोऽस्माकम्ब्राह्मणाणां राजा
 प्रति त्यन्नाम राज्यमधायि स्वां तनुवं वरुणो अशिश्नेच्छुचैर्मित्रस्य वत्या
 अभूमामन्महि महत ऋतस्य नाम
 सर्वे वाता वरुणस्याभूवन्वि मित्र एवैररातिमतारीदसूषुदन्त यज्ञिया ऋतेन
 व्यु त्रितो जरिमाणं न आनुड्विष्णोः क्रमोऽसि विष्णोः क्रान्तमसि
 विष्णोर्विक्रान्तमसि ॥१०॥

अर्थेतःस्था पाम्पतिरसि वृषास्यूर्मि वृषसेनोऽसि व्रजक्षितःस्थ
 मरुतामोर्जःस्थ सूर्यवर्चसःस्थ सूर्यत्वचसःस्थ मान्दाःस्थ वाशाःस्थ
 शक्वरीःस्थ विश्वभृतःस्थ जनभृतःस्था ग्रेस्तैजस्याःस्था पामोषधीनां
 रसः स्थापो देवीर्मधुमतीरगृह्णन्नूर्जस्वती राजसूयाय चितानाः ।
 याभिर्मित्रावरुणावभ्यषिञ्चन्त्याभिरिन्द्रमनयन्नत्यरातीः ॥
 राष्ट्रदाःस्थ राष्ट्रं दत्त स्वाहा राष्ट्रदाःस्थ राष्ट्रमुष्मै दत्त ॥११॥

देवीरापः सम्मधुमतीर्मधुमतीभिः सृज्यध्वम्महि वर्चः क्षत्रियाय वन्वाना
 अनाधृष्टाः सीदतोर्जस्वतीर्महि वर्चः क्षत्रियाय दधती रनिभृष्टमसि वाचो
 बन्धुस्तपोजाः सोमस्य दात्रमसि
 शुक्रा वः शुक्रेणोत्पुनामि चन्द्राश्चन्द्रेणामृता अमृतैः स्वाहा राजसूयाय
 चितानाः ॥
 सधमादौ द्युमिनीरूर्ज एता अनिभृष्टा अपस्युवो वसानः । पुस्त्यासु चक्रे

वरुणः सुधस्थमपाँ शिशुर्मातृतमास्वन्तः ॥
 क्षत्रस्योल्बमसि क्षत्रस्य योनिरस्या विन्नो अग्निर्गृहपति राविन्न इन्द्रो
 वृद्धश्चेवा आविन्नः पूषा विश्ववेदा आविन्नौ मित्रावरुणवृतावृधा वाविन्ने
 द्यावापृथिवी धृतव्रते आविन्ना
 देव्यदितिर्विश्वरूप्या विन्नोऽयमुसावामुष्यायुणोऽस्यां विश्वस्मिन्नाष्ट्रे
 महते क्षत्राय महत आधिपत्याय महते जानराज्या यैष वो भरता राजा
 सोमोऽस्माकम्ब्राह्मणानाँ राजेन्द्रस्य

वज्रोऽसि वार्त्रघ्नस्त्वयायं वृत्रं वध्या छत्रुबार्धनाःस्थ पात मा
 प्रत्यञ्चम्पात मा तिर्यञ्चमन्वञ्चम्मा पात दिग्भ्यो मा पात विश्वाभ्यो मा
 नाष्ट्राभ्यः पात
 हिरण्यवर्णावुषसां विरोकेऽयस्थूणावुदितौ सूर्यस्यारौहतं वरुण मित्र गर्तं
 ततश्चक्षाथामदितिं दितिं च ॥१२॥

समिधमा तिष्ठ गायत्री त्वा छन्दसामवतु त्रिवृत्स्तोमो रथन्तरँ
 सामाग्निर्देवता ब्रह्म द्रविण मुग्रामा तिष्ठ त्रिष्टुप्त्वा छन्दसामवतु
 पञ्चदशस्तोमो बृहत्सामेन्द्रो देवता क्षत्रं द्रविणं विराजमा तिष्ठ जगती त्वा
 छन्दसामवतु सप्तदशस्तोमो वैरूपँ सामं मरुतो देवता
 विड्द्रविण मुदीचीमा तिष्ठानुष्टुप्त्वा छन्दसामवत्वेकविँशस्तोमो
 वैराजँ सामं मित्रावरुणौ देवता बलं द्रविण मूर्ध्वामा तिष्ठ पङ्क्तिस्त्वा
 छन्दसामवतु त्रिणवत्रयस्त्रिँशौ स्तोमो शाक्वरैवते सामनी
 बृहस्पतिर्देवता वर्चो द्रविण मी दृङ्चा न्यादृङ्चै तादृङ्च प्रतिदृङ्च
 मितश्च सम्मितश्च सभराः
 शुक्रज्योतिश्च चित्रज्योतिश्च सत्यज्योतिश्च ज्योतिष्माँश्च
 सत्यश्च तृपाश्चात्यँहाः ।

अग्रये स्वाहा सोमाय स्वाहा सवित्रे स्वाहा सरस्वत्यै स्वाहा पूष्णे
 स्वाहा बृहस्पतये स्वाहेन्द्राय स्वाहा घोषाय स्वाहा श्लोकाय
 स्वाहाँशाय स्वाहा भगाय स्वाहा क्षेत्रस्य पतये स्वाहा

पृथिव्यै स्वाहान्तरिक्षाय स्वाहा दिवे स्वाहा सूर्याय स्वाहा चन्द्रमसे
स्वाहा नक्षत्रेभ्यः स्वाहाद्भ्यः स्वाहौ षधीभ्यः स्वाहा वनस्पतिभ्यः स्वाहा
चराचरेभ्यः स्वाहा परिप्लवेभ्यः स्वाहा सरीसृपेभ्यः स्वाहा ॥१३॥

सोमस्य त्विषिरसि तवैव मे त्विषिर्भूया दमृतमसि मृत्योर्मा पाहि
दिद्योन्मा पाह्य वैष्टा दन्दशूका निरस्तं नमुचेः शिरः ॥
सोमो राजा वरुणो देवा धर्मसुर्वश्च ये । ते ते वाचं सुवन्तां ते ते
प्राणं सुवन्तां ते ते चक्षुः सुवन्तां ते ते श्रोत्रं सुवन्तां
सोमस्य त्वा द्युम्नेनाभि षिञ्चाम्यग्नेः
तेजसा सूर्यस्य वर्चसेन्द्रस्येन्द्रियेण मित्रावरुणयोर्वीर्येण मरुतामोजसा
क्षत्राणां क्षत्रपति रस्यति दिवस्पाहि
सुमारववृत्रन्नधरागुदीचीरहिम्बुध्नियमनु संचरन्ती स्ताः पर्वतस्य वृषभस्य
पृष्ठे नावश्चरन्ति स्वसिच इयानाः ॥
रुद्र यत्ते क्रयी परं नाम तस्मै हुतमसि यमेष्टमसि ।
प्रजापते न त्वदेतान्यन्यो विश्वो जातानि परि ता बभूव । यत्कामास्ते
जुहुमस्तन्नो अस्तु वयं स्याम परयो रयीणाम् ॥१४॥

इन्द्रस्य वज्रोऽसि वार्त्रघ्नस्त्वयायं वृत्रं वध्या मित्रावरुणयोस्त्वा
प्रशास्त्रोः प्रशिषा युनज्मि यज्ञस्य योगेन विष्णोः क्रमोऽसि विष्णोः
क्रान्तमसि विष्णोर्विक्रान्तमसि
मरुताम्प्रसवे जैषमा तम्मनः समहमिन्द्रियेण वीर्येण
पशूनाम्मन्युरसि तवैव मे मन्युर्भूया नमो मात्रे पृथिव्यै
माहम्मातरम्पृथिवीं हिंसिषुम्मा मां माता पृथिवी
हिंसी दियदस्यायुरस्यायुर्मे धेह्य गस्यूजम्मे धेहि युङ्ङसि वर्चोऽसि
वर्चो मयि धेह्य ग्रये गृहपतये स्वाहा सोमाय वनस्पतये स्वाहेन्द्रस्य
बलाय स्वाहा मरुतामोजसे स्वाहा
हंसः शुचिषद्वसुरन्तरिक्षसद्धोता वेदिषदतिथिर्दुरोणसत् ।
नृषद्वरसदृतसद्वयौमसदब्जा गोजा ऋतजा अद्रिजा ऋतम्बृहत् ॥१५॥

मित्रौऽसि वरुणोऽसि समहं विश्वैर्देवैः क्षत्रस्य नाभिरसि क्षत्रस्य योनिरसि
 स्योनामा सीद सुषदामा सीद मा त्वा हिंसीन्मा मा हिंसीन्निषसाद
 धृतव्रतो वरुणः पुस्त्यास्वा साम्राज्याय सुक्रतु ब्रह्माऽन्त्वं राजन्ब्रह्मासि
 सवितासि सत्यसवो ब्रह्माऽन्त्वं राजन्ब्रह्मासीन्द्रोऽसि सत्यौजा
 ब्रह्माऽन्त्वं राजन्ब्रह्मासि मित्रौऽसि सुशेवो ब्रह्माऽन्त्वं राजन्ब्रह्मासि
 वरुणोऽसि सत्यधर्मेन्द्रस्य वज्रोऽसि वार्त्रघ्नस्तेन मे रध्य
 दिशोऽभ्ययं राजाभूत्सुश्लोकाँस्सुमङ्गलाँस्सत्यराजाऽन् ॥
 अपां नष्ट्रे स्वाहो जी नष्ट्रे स्वाहाऽग्नये गृहपतये स्वाहा ॥१६॥

आग्नेयमृष्टार्कपालं निर्वपति हिरण्यं दक्षिणा सारस्वतं चरुं वत्सतुरी
 दक्षिणा सावित्रं द्वादशकपालमुपध्वस्तो दक्षिणा पौष्णं चरुं श्यामो
 दक्षिणा बार्हस्पत्यं चरुं शितिपृष्ठो दक्षिणैन्द्रमेकादशकपालमृषभो
 दक्षिणा वारुणं दशकपालम्हानिरष्टो दक्षिणा सौम्यं चरुम्बभ्रुर्दक्षिणा
 त्वाष्ट्रमृष्टार्कपालं शुरठो दक्षिणा वैष्णवं त्रिकपालं वामनो दक्षिणा
 ॥१७॥

सद्यो दीक्षयन्ति सद्यः सोमं क्रीणन्ति पुण्डरिस्रजाम्प्र यच्छति
 दशभिर्वत्सतुरैः सोमं क्रीणाति दशपेयो भवति शतम्ब्राह्मणाः पिबन्ति
 सप्तदशं स्तोत्रम्भवति प्राकाशार्ध्वर्यवै ददाति
 स्रजमुद्गात्रे तिहर्तृभ्यां द्वादश पष्ठौहीर्ब्रह्मणे
 वशाम्मैत्रावरुणाय षभम्ब्राह्मणाच्छंसिने वाससी नेष्टापोतृभ्यां स्थूरि
 यवाचितमच्छावाकाया नड्वाहमग्रीधे
 भार्गवो होता भवति श्रायन्तीयम्ब्रह्मसामम्भवति
 वारवन्तीयमग्निष्टोमसामं सारस्वतीरपो गृह्णाति ॥१८॥

आग्नेयमृष्टार्कपालं निर्वपति हिरण्यं दक्षिणैन्द्रमेकादशकपालमृषभो
 दक्षिणा वैश्वदेवं चरुम्पिशङ्गी पष्ठौही दक्षिणा

मैत्रावरुणीमामिक्षां वशा दक्षिणा बार्हस्पत्यं चरुं शितिपृष्ठो
 दक्षिणादित्याम्मल्हं गर्भिणीमा लभते मारुतीम्पृश्निम्पृष्ठौही म
 श्विभ्याम्पृष्णे पुरोडाशं द्वादशकपालं निर्वपति सरस्वते सत्यवाचै चरुं
 सावित्रे सत्यप्रसवाय पुरोडाशं द्वादशकपालं तिसृधन्वं
 शुष्कदृतिर्दक्षिणा ॥१६॥

आग्नेयमृष्टाकपालं निर्वपति सौम्यं चरुं सावित्रं द्वादशकपालं
 बार्हस्पत्यं चरुं त्वाष्ट्रमृष्टाकपालं वैश्वानरं द्वादशकपालं दक्षिणो
 रथवाहनवाहो दक्षिणा
 सारस्वतं चरुं निर्वपति पौष्णं चरुं
 मैत्रं चरुं वारुणं चरुं दैत्रपत्यं चरुमादित्यं चरुमुत्तरो रथवाहनवाहो
 दक्षिणा ॥२०॥

स्वाद्धीं त्वा स्वादुना तीव्रां तीव्रेणामृतामृतेन सृजामि सं सोमैनु
 सोमोऽस्यश्विभ्याम्पच्यस्व सरस्वत्यै पच्यस्वेन्द्राय सुत्राम्णै पच्यस्व
 पुनातु ते परिस्रुतं सोमं सूर्यस्य दुहिता । वारैण शश्वता तना ॥
 वायुः पूतः पवित्रेण प्रत्यङ्गसोमो अतिद्रुतः । इन्द्रस्य युज्यः सखा ॥
 कुविदङ्ग यवमन्तो यवं चिद्यथा दान्त्यनुपूर्वं वियूय । इहेहैषां कृणुत
 भोजनानि ये बर्हिषो नमोवृक्तिं न जग्मुः ॥

आश्विनं धूम्रमा लभते सारस्वतमेषमैन्द्रमृषभ मैन्द्रमेकादशकपालं
 निर्वपति सावित्रं द्वादशकपालं वारुणं दशकपालं
 सोमप्रतीकाः पितरस्तृष्णुत वडंबा दक्षिणा ॥२१॥

अग्नाविष्णू महि तद्वाम्महित्वं वीतं घृतस्य गुह्यानि नाम । दमैदमे सप्त
 रत्ना दधाना प्रति वां जिह्वा घृतमा चरययेत् ॥

अग्नाविष्णू महि धाम प्रियं वां वीथो घृतस्य गुह्या जुषाणा । दमैदमे
 सुष्टुतीर्वावृधाना प्रति वां जिह्वा घृतमुच्चरययेत् ॥

प्र णौ देवी सरस्वती वाजैभिर्वाजिनीवती । धीनामवित्र्यवतु ॥

आ नो दिवो बृहतः पर्वतादा सरस्वती यजता गन्तु यज्ञम् । हवं देवी

जुजुषाणा घृताचीं शग्मां नो वाचमुशती शृणोतु ॥
 बृहस्पते जुषस्व नो हव्यानि विश्वदेव्य । रास्व रत्नानि दाशुषे ॥
 एवा पित्रे विश्वदेवाय वृष्णे यज्ञैर्विधेम नमसा हविर्भिः । बृहस्पते
 सुप्रजा वीरवन्तो वयं स्याम पतयो रयीणाम् ॥
 बृहस्पते अति यदर्यो अर्हाद्युमद्विभाति क्रतुमञ्जनेषु ।
 यद्दीदयच्छर्वसर्तप्रजात तदस्मासु द्रविणं धेहि चित्रम् ॥
 आ नो मित्रावरुणा घृतैर्गव्यूतिमुक्षतम् । मध्वा रजांसि सुक्रतू ॥
 प्र बाहवांसि ससृतं जीवसे न आ नो गव्यूतिमुक्षतं घृतेन । आ नो जनै
 श्रवयतं युवाना श्रुतम्मे मित्रावरुणा हवेमा ॥
 अग्निं वः पूर्वं गिरा देवमीडे वसूनाम् । सपर्यन्तः पुरुप्रियम्भिर्न
 क्षैत्रसाधसम् ॥
 मक्षू देववतो रथः शूरो वा पृत्सु कासु चित् । देवानां य इन्मनो
 यजमान इयक्षत्यभीदयज्वनो भुवत् ॥
 न यजमान रिष्यसि न सुन्वान् न देवयो । असदत्र सुवीर्यमुत
 त्यदाश्वश्चियम् । नक्लिष्टं कर्मणा नश्न प्र योषन्न योषति ॥
 उप क्षरन्ति सिन्धवो मयोभुव ईजानं च यक्ष्यमाणं च धेनवः । पृणन्तं च
 पपुर्णि च श्रवस्यवो घृतस्य धारा उप यन्ति विश्वतः ॥
 सोमारुद्रा वि वृहतं विषूचीममीवा या नो गर्यमाविवेश । आरे बाधेथां
 निर्ऋतिम्पराचैः कृतं चिदेनः प्र मुमुक्तमस्मत् ॥
 सोमारुद्रा युवमेतान्यस्मे विश्वा तनूषु भेषजानि धत्तम् । अवं स्यतम्मुञ्चतं
 यन्नो अस्ति तनूषु बद्धं कृतमेनो अस्मत् ॥
 सोमापूषणा जनना रयीणां जनना दिवो जनना पृथिव्याः । जातौ
 विश्वस्य भुवनस्य गोपौ देवा अकृणवन्नमृतस्य नाभिम् ॥
 इमौ देवौ जायमानौ जुषन्तेमौ तमांसि गूहतामजुष्टा । आभ्यामिन्द्रः
 पक्वमास्वन्तः सौमापुषभ्यां जनदुस्त्रियासु ॥२२॥
 इति प्रथमकारण्डे अष्टमः प्रपाठकः ॥८॥

अथ द्वितीयं काण्डम्

अथ द्वितीयकाण्डे प्रथमः प्रपाठकः

वायुर्व्य॑ श्वेतमा ल॑भेत् भू॒तिकामो वा॒युर्वै क्षेपि॑ष्ठा दे॒वता वा॒युमे॒व स्वेन॑
 भा॒ग॒धेये॒नोप॑ धावति॒ स ए॒वैन॒म्भूतिं॑ गमयति॒ भव॑त्ये॒वा ति॑क्षि॒प्रा
 दे॒वते॒त्याहुः सैन॑मी॒श्वरा प्र॑दह॒ इत्ये॒तमे॒व सन्तं॑ वा॒यवे॑ नि॒युत्वंत॑ आ ल॑भेत्
 नि॒युद्वा अ॒स्य धृ॑ति॒र्धृत॑ ए॒व भू॒तिमु॒पैत्य॑प्र॒दाहाय॑ भव॑त्ये॒व वा॒यवे॑ नि॒युत्वंत॑
 आ ल॑भेत् ग्राम॑कामो वा॒युर्वा इ॒माः प्र॒जा न॑स्यो॒ता नैनी॑यते वा॒युमे॒व
 नि॒युत्वंन्त॑ स्वेन॑ भा॒ग॒धेये॒नोप॑ धावति॒ स ए॒वास्मै॑ प्र॒जा न॑स्यो॒ता नि
 य॑च्छति॒ ग्राम्ये॑व भवति॒ नि॒युत्वंते॑ भवति॒ ध्रु॒वा ए॒वास्मा॑ अन॑पगाः करोति
 वा॒यवे॑ नि॒युत्वंत॑ आ ल॑भेत् प्र॒जाका॑मः प्रा॒णो वै वा॒युर॑पा॒नो
 नि॒युत्प्रा॑णापा॒नौ खलु॑ वा ए॒तस्य॑ प्र॒जाया॑ अप॑ क्रामतो॒ योऽल॑म्प्र॒जायै॑
 सन्प्र॒जां न वि॑न्दते

वा॒युमे॒व नि॒युत्वंन्त॑ स्वेन॑ भा॒ग॒धेये॒नोप॑ धावति॒
 स ए॒वास्मै॑ प्रा॒णापा॒नाभ्या॑म्प्र॒जाम्प्र॑ ज॒नय॑ति वि॒न्दते॑ प्र॒जां वा॒यवे॑ नि॒युत्वंत॑
 आ ल॑भेत् ज्यो॒गाम॑यावी प्रा॒णो वै वा॒युर॑पा॒नो नि॒युत्प्रा॑णापा॒नौ खलु॑ वा
 ए॒तस्मा॑दप॑क्रामतो॒ यस्य॑ ज्यो॒गाम॑रयति वा॒युमे॒व नि॒युत्वंन्त॑ स्वेन॑
 भा॒ग॒धेये॒नोप॑ धावति॒

स ए॒वास्मि॑न्प्रा॒णापा॒नौ द॑धात्यु॒त यदी॑तासु॒र्भव॑ति जी॒वत्ये॑व प्र॒जाप॑ति॒र्वा
 इ॒दमे॑क आसी॒त्सोऽका॑मयत प्र॒जाः प॒शून्सृ॑जे॒येति॑ स आ॒त्मनो॑
 वृ॒षामु॑द॒क्खि॒दत्ता॑म॒ग्नौ प्रा॑गृ॒ह्णात्ततो॑ऽजस्तू॒परः॑ सम॑भवत्त॑ स्वा॒यै दे॒वता॑या
 आल॑भत् ततो॒ वै स प्र॒जाः प॒शून्सृ॑जत् यः प्र॒जाका॑मः प॒शुका॑मः स्यात्स
 ए॒तम्प्र॒जाप॑त्यम॒जं तू॒पर॑मा ल॑भेत्

प्र॒जाप॑तिमे॒व स्वेन॑ भा॒ग॒धेये॒नोप॑ धावति॒ स ए॒वास्मै॑ प्र॒जाम्प॒शून्प्र॑ ज॒नय॑ति
 यच्छ॑मश्रुणस्तत्पुरु॑षाणा॑ रूपं॒ यत्तू॒पर॑स्तद॒श्वा॒नां यद॑न्यतो॒दन्त॑द्र॒वां यद॑व्या
 इ॒व श॒फास्त॑द॒वी॒नां यद॑जस्तद॒जाना॑मे॒ताव॑न्तो॒ वै ग्रा॒म्याः

प॒शव॑स्तानू॒पेणै॒वाव॑ रु॒न्धे सो॒मापौ॑ष्णं त्रै॒तमा ल॑भेत् प॒शुका॑मो द्वौ वा
 अ॒जायै॑ स्तनौ॒ नानै॑व द्वाव॒भि जा॑र्येते ऊ॒र्जम्पु॑ष्टिं तृ॒तीयः॑ सो॒मापू॑षणा॒वेव॑
 स्वेन॑ भा॒ग॒धेये॒नोप॑ धावति॒ तावे॒वास्मै॑ प॒शून्प्र॑ ज॒नय॑तः

सोमो वै रेतोधाः पूषा पशूनाम्प्रजनयिता सोम एवास्मै रेतो दधाति पूषा
पशून्प्र जनयत्यौदुम्बरो यूपो भवत्यूगर्वा उदुम्बर ऊर्क्पर्शव ऊर्जैवास्मा
ऊर्जम्पशूनव रुन्धे ॥१॥

प्रजापतिः प्रजा असृजत ता अस्मात्सृष्टाः पराचीरायन्ता वरुणमगच्छन्ता
अन्वैत्ताः पुनरयाचत ता अस्मै न पुनरददात्सौऽब्रवीद्वरं वृणीष्वार्थ मे
पुनर्देहीति

तासां वरमालभत स कृष्ण एकशितिपादभव द्यो वरुणगृहीतः स्यात्स
एतं वारुणं कृष्णमेकशितिपादमा लभेत वरुणमेव स्वेन भागधेयेनोप
धावति

स एवैनं वरुणपाशान्मुञ्चति कृष्ण एकशतिपादवति वारुणो देवतया
समृद्धयै सुवर्भानुरासुरः सूर्य तमसाविध्यत्तस्मै देवाः

प्रायश्चित्तिमैच्छन्तस्य यत्प्रथमं तमोऽपाघ्नन्त्सा कृष्णाविरभवद्यद्विद्वतीयं
सा फल्गुनी यत्तृतीयं सा बली यदध्यस्थादपाकृन्तन्त्साविर्वशा

समभवत्ते देवा अब्रुवन्देवपशुर्वा अयं समभूत्कस्मा इममा लप्स्यामह
इत्यथ वै तर्ह्यल्पा पृथिव्यासीदजाता ओषधयस्तामविं वशामादित्येभ्यः

कामायालभन्त ततो वा अप्रथत पृथिव्यजायन्तौषधयो यः कामयैत
प्रथेय पशुभिः प्र प्रजया जायेयेति स एतामविं वशामादित्येभ्यः

कामाया लभेतादित्यानेव कामं स्वेन भागधेयेनोप धावति त
एवैनम्प्रथयन्ति पशुभिः प्र प्रजया जनयन्त्य सावादित्यो न व्यरोचत

तस्मै देवाः प्रायश्चित्तिमैच्छन्तस्मा एता मल्हा आलभन्ताग्नेयीं
कृष्णग्रीवीं संहितामैन्द्रीं श्वेताम्बार्हस्पत्यां

ताभिरेवास्मिन्नुचमदधुर्यो ब्रह्मवर्चसकामः स्यात्तस्मा एता मल्हा आ
लभेताग्नेयीं कृष्णग्रीवीं संहितामैन्द्रीं श्वेताम्बार्हस्पत्यामेता एव

देवताः स्वेन भागधेयेनोप धावति ता एवास्मिन्ब्रह्मवर्चसं दधति
ब्रह्मवर्चस्यैव भवति वसन्ता प्रातराग्नेयीं कृष्णग्रीवीमा लभेत ग्रीष्मे

मध्यन्दिने संहितामैन्द्रीं शरदपराल्हे श्वेताम्बार्हस्पत्यां त्रीणि वा
आदित्यस्य तेजांसि वसन्ता प्रातर्ग्रीष्मे मध्यन्दिने शरदपराल्हे

यावन्त्येव तेजाँसि तान्येवाव ५ रुन्धे संवत्सरम्पर्यालभ्यन्ते संवत्सरो
 वै ब्रह्मवर्चसस्य प्रदाता संवत्सर एवास्मै ब्रह्मवर्चसम्प्र यच्छति
 ब्रह्मवर्चस्येव भवति गर्भिणीयो भवन्तीन्द्रियं वै गर्भ इन्द्रियमेवास्मिन्दधति
 सारस्वतीम्पेषीमा लभेत य ईश्वरो वाचो वदितोः सन्वाचं न वदेद्वाग्वै
 सरस्वती सरस्वतीमेव स्वेन भागधेयेनोप धावति सैवास्मिन्वाचं दधाति
 प्रवदिता वाचो भवत्यपन्नदती भवति तस्मान्मनुष्याः सर्वा
 वाचम्वदन्त्याग्नेयं कृष्णग्रीवमा लभेत सौम्यम्बभुं ज्योगामयाव्युग्निं वा
 एतस्य शरीरं गच्छति सोमँ रसो यस्य ज्योगामयत्यग्नेरेवास्य शरीरं
 निष्क्रीणाति सोमाद्रसमुत यदीतासुर्भवति जीवत्येव सौम्यम्बभुमा
 लभेताग्नेयं कृष्णग्रीवम्प्रजाकामः सोमो वै रेतोधा अग्निः
 प्रजानाम्प्रजनयिता सोम एवास्मै रेतो दधात्यग्निः प्रजाम्प्र जनयति विन्दते
 प्रजा माग्नेयं कृष्णग्रीवमा लभेत सौम्यम्बभुं यो ब्राह्मणो विद्यामनूच्य न
 विरोचेत यदाग्नेयो भवति तेज एवास्मिन्तेन दधाति यत्सौम्यो ब्रह्मवर्चसं
 तेन
 कृष्णग्रीव आग्नेयो भवति तम एवास्मादप हन्ति श्वेतो भवति
 रुचमेवास्मिन्दधाति बभुः सौम्यो भवति ब्रह्मवर्चसमेवास्मिन्त्विषिं
 दधात्याग्नेयं कृष्णग्रीवमा लभेत सौम्यम्बभुमाग्नेयं कृष्णग्रीवम्पुरोधायाँ
 स्पर्धमान
 आग्नेयो वै ब्राह्मणः सौम्यो राजन्योऽभितः सौम्यमाग्नेयौ भवतस्तेजसैव
 ब्रह्मणोभयतो राष्ट्रम्परि गृह्णात्येकधा समावृङ्गे पुर एनं दधते ॥२॥

देवासुरा एषु लोकेष्वस्पर्धन्त स एतं विष्णुर्वामिनमपश्यत् स्वायै
 देवताया आलभत ततो वै स इमाँल्लोकानभ्यजय द्वैष्णवं वामिनमा
 लभेत स्पर्धमानो विष्णुरेव भूत्वेमाँल्लोकानभि जयति विषम आ लभेत
 विषमा इव हीमे लोकाः समृद्ध्या इन्द्राय मन्युमते मनस्वते
 ललामम्प्राशृङ्गमा लभेत संग्रामे संयत्त
 इन्द्रियेण वै मन्युना मनसा संग्रामं जयतीन्द्रमेव मन्युमन्तुम्नस्वन्तँ
 स्वेन भागधेयेनोप धावति स एवास्मिन्निन्द्रियम्न्युम्ननौ दधाति जयति

तं संग्राममिन्द्राय मरुत्वते पृश्निस्वथमा लभेत् ग्रामकाम इन्द्रमेव
मरुत्वन्तं स्वेन भागधेयेनोप धावति स एवास्मै सजातान्प्र यच्छति
ग्राम्यैव भवति यदृषभस्तेनैन्द्रो यत्पृश्निस्तेन मारुतः समृद्धयै
पश्चात्पृश्निस्वथो भवति पश्चादन्ववसायिनीमेवास्मै विशं करोति
सौम्यम्बुध्रुमा लभेतान्नकामः सौम्यं वा अन्नं सोममेव स्वेन भागधेयेनोप
धावति स एवास्मा अन्नम्प्र यच्छत्यन्नाद एव भवति बभ्रुर्भवत्येतद्वा
अन्नस्य रूपं समृद्धयै सौम्यम्बुध्रुमा लभेत् यमलं राज्याय सन्तं
राज्यं नोपनमैत्सौम्यं वै राज्यं सोममेव स्वेन भागधेयेनोप धावति स
एवास्मै राज्यम्प्र यच्छत्युपैतं राज्यं नमति बभ्रुर्भवत्येतद्वै सोमस्य रूपं
समृद्ध्या इन्द्राय वृत्रतुरै ललामम्प्राशृङ्गमा लभेत् गतश्रीः प्रतिष्ठाकामः
प्राप्मानमेव वृत्रं तीर्त्वा प्रतिष्ठां गच्छतीन्द्रायाभिमातिघ्ने
ललामम्प्राशृङ्गमा लभेत् यः प्राप्माना गृहीतः स्यात्प्राप्मा वा
अभिमातिरिन्द्रमेवाभिमातिहन् स्वेन भागधेयेनोप धावति स
एवास्मात्प्राप्मानमभिमातिम्प्र शुदत् इन्द्राय वज्रिणै ललामम्प्राशृङ्गमा
लभेत् यमलं राज्याय सन्तं राज्यं नोपनमेदिन्द्रमेव वज्रिणं स्वेन
भागधेयेनोप धावति स एवास्मै वज्रम्प्र यच्छति स एनं वज्रो भूत्या इन्द्र
उपैतं राज्यं नमति ललामः प्राशृङ्गो भवत्येतद्वै वज्रस्य रूपं समृद्धयै
॥३॥

असावादित्यो न व्यरोचत तस्मै देवाः प्रायश्चित्तिमैच्छन्तस्मा एतां
दर्शर्षभामालभन्त तयैवास्मिन्नुचमदधुर्यो ब्रह्मवर्चसकामः स्यात्तस्मा
एतां दर्शर्षभामा लभेतामुमेवादित्यं स्वेन भागधेयेनोप धावति स
एवास्मिन्ब्रह्मवर्चसं दधाति ब्रह्मवर्चस्यैव भवति वसन्ता
प्रातस्त्रील्ललामाना लभेत् ग्रीष्मे मध्यन्दिने त्रीञ्छितिपृष्ठां छुरद्यपराह्णे
त्रीञ्छितिवारान्त्रीणि वा आदित्यस्य तेजांसि वसन्ता प्रातर्ग्रीष्मे
मध्यन्दिने शरद्यपराह्णे यावन्त्येव तेजांसि तान्येवाव रुन्धे त्रयस्त्रय आ
लभ्यन्तेऽभिपूर्वमेवास्मिन्तेजौ दधाति संवत्सुरम्पूर्यालभ्यन्ते संवत्सुरो वै
ब्रह्मवर्चसस्य प्रदाता संवत्सुर एवास्मै ब्रह्मवर्चसम्प्र यच्छति

ब्रह्मवर्चस्यैव भवति संवत्सरस्य पुरस्तात्प्राजापत्यं कद्रुमा लभेत
 प्रजापतिः सर्वा देवता देवतास्वेव प्रति तिष्ठति
 यदि बिभीयादुश्चर्मा भविष्यामीति सोमापौष्णं श्याममा लभेत
 सौम्यो वै देवतया पुरुषः पौष्णाः पशवः स्वयैवास्मै देवतया
 पशुभिस्त्वचं करोति न दुश्चर्मा भवति देवाश्च वै यमश्चास्मि
 ल्लोकेऽस्पर्धन्त स यमो देवानामिन्द्रियं वीर्यमयुवत तद्यमस्य यमत्वं ते
 देवा अमन्यन्त यमो वा इदमभूद्यद्वयं स्म इति ते प्रजापतिमुपाधावन्स
 एतौ प्रजापतिरात्मन उक्षवशौ निरमिमीत ते देवा वैष्णावरुणीं
 वशामालभन्तैन्द्रमुक्षाणं तं वरुणेनैव ग्राहयित्वा विष्णुना यज्ञेन
 प्राणदन्तैन्द्रेणैवास्यैन्द्रियमवृञ्जत यो भ्रातृव्यवान्स्यात्स स्पर्धमानो
 वैष्णावरुणीं वशामा लभेतैन्द्रमुक्षाणं वरुणेनैव भ्रातृव्यं ग्राहयित्वा
 विष्णुना यज्ञेन प्र णुदत ऐन्द्रेणैवास्यैन्द्रियं वृङ्क्ते भवत्यात्मना परास्य
 भ्रातृव्यो भवतीन्द्रो वृत्रमहन्तं वृत्रो हतः षोडशभिर्भोगैरसिनात्तस्य
 वृत्रस्य शीर्षतो गाव उदायन्ता वैदेह्योऽभवन्तासामृषभो
 जघनेऽनूदैत्तमिन्द्रोऽचायत्सौऽमन्यत यो वा इममालभेत
 मुच्येतस्मात्पाप्मन इति स आग्नेयं कृष्णग्रीवमा लभेतैन्द्रमृषभं
 तस्याग्निरेव स्वेन भागधेयेनोपसृतः षोडशधा वृत्रस्य
 भोगानप्यदहदैन्द्रेणैन्द्रियमात्मन्नधत्त यः पाप्मना गृहीतः स्यात्स आग्नेयं
 कृष्णग्रीवमा लभेतैन्द्रमृषभमग्निरेवास्य स्वेन भागधेयेनोपसृतः
 पाप्मानमपि दहत्यैन्द्रेणैन्द्रियमात्मन्धत्ते मुच्यते पाप्मनो भवत्येव
 द्यावापृथिव्यां धेनुमा लभेत ज्योगपरुद्धोऽनयोर्हि वा एषोऽप्रतिष्ठितोऽथैष
 ज्योगपरुद्धो द्यावापृथिवी एव स्वेन भागधेयेनोप धावति ते एवैनम्प्रतिष्ठा
 गमयतः प्रत्येव तिष्ठति पर्यारिणी भवति पर्यारीव ह्येतस्य राष्ट्रं यो
 ज्योगपरुद्धः समृद्धयै वायव्यं । ७। वत्समा लभेत वायुर्वा अनयोर्वत्स
 इमे वा एतस्मै लोका अपशुष्का विडपशुष्काथैष ज्योगपरुद्धो वायुमेव
 स्वेन भागधेयेनोप धावति स एवास्मा इमाल्लोकान्विशम्प्र दापयति
 प्रास्मा इमे लोकाः स्तुवन्ति भुञ्जत्यैनं विडुप तिष्ठते ॥ ४॥

इन्द्रो वलस्य बिलमपौर्णोत्स य उत्तमः पशुरासीत्तम्पृष्ठम्प्रति
 संगृह्योदक्खिदत्तं सहस्रम्पशवोऽनूदायन्स उत्ततोऽभवद्यः पशुकामः
 स्यात्स एतमैन्द्रमुन्नतमा लभेतेन्द्रमेव स्वेन भागधेयेनोप धावति स
 एवास्मै पशून्प्र यच्छति पशुमानेव भवत्युन्नतो भवति साहस्री वा एषा
 लक्ष्मी यदुन्नतो लक्ष्मियैव पशून्व रुन्धे यदा सहस्रम्पशून्प्राप्नुयातथ
 वैष्णवं वामनमा लभेतैतस्मिन्वै तत्सहस्रमध्यतिष्ठत्तस्मादेष वामनः
 समीषितः पशुभ्य एव प्रजातेभ्यः प्रतिष्ठां दधाति कौऽर्हति
 सहस्रम्पशून्प्राप्तुमित्याहुरहोरात्राण्येव सहस्रं सम्पाद्या लभेत पशवो
 ।२। वा अहोरात्राणि पशून्नेव प्रजातान्प्रतिष्ठां गमयत्योषधीभ्यो वेहतमा
 लभेत प्रजाकाम ओषधयो वा एतम्प्रजायै परि बाधन्ते योऽलम्प्रजायै
 सन्प्रजां न विन्दत ओषधयः खलु वा एतस्यै सूतुमपि घ्नन्ति या
 वेहद्भवत्योषधीरेव स्वेन भागधेयेनोप धावति ता एवास्मै स्वाद्योनैः
 प्रजाम्प्र जनयन्ति विन्दतै प्रजामापो वा ओषधयोऽसत्पुरुष आप एवास्मा
 असतः सद्दति तस्मादाहुर्यश्चैवं वेद यश्च नापस्त्वावासतः
 सद्दतीत्यैन्द्रीं सूतवशांमा लभेत भूतिकामोऽजातो वा एष
 योऽलम्भूत्यै सन्भूतिं न प्राप्नोतीन्द्रं खलु वा एषा सूत्वा
 वशाभवदिन्द्रमेव स्वेन भागधेयेनोप धावति स एवैनम्भूतिं गमयति
 भवत्येव यं सूत्वा वशा स्यात्तमैन्द्रमेवा लभेतैतद्भाव तदिन्द्रियं
 साक्षादेवेन्द्रियमव रुन्ध ऐन्द्राग्रम्पुनरुत्सृष्टमा लभेत य आ
 तृतीयात्पुरुषात्सोमं न पिबेद्विच्छिन्नो वा एतस्य सोमपीथो यो ब्राह्मणः
 सन्ना ।५। तृतीयात्पुरुषात्सोमं न पिबतीन्द्राग्री एव स्वेन भागधेयेनोप
 धावति तावेवास्मै सोमपीथम्प्र यच्छत उपैनं सोमपीथो नमति यदैन्द्रो
 भवतीन्द्रियं वै सोमपीथ इन्द्रियमेव सोमपीथमव रुन्धे यदाग्नेयो
 भवत्याग्नेयो वै ब्राह्मणः स्वामेव देवतामनु सं तनोति पुनरुत्सृष्टो भवति
 पुनरुत्सृष्ट इव ह्येतस्य सोमपीथः समृद्धयै ब्राह्मणस्पत्यं तूपरमा
 लभेताभिचरन्ब्रह्मणस्पतिमेव स्वेन भागधेयेनोप धावति तस्मा एवैनमा
 वृश्चति ताजगार्तिमाच्छति तूपरो भवति क्षुरपविर्वा एषा लक्ष्मी यत्तूपरः
 समृद्धयै स्फ्यो यूपौ भवति वज्रो वै स्फ्यो वज्रमेवास्मै प्र हरति

श॒र॒म॒य॒म्ब॒र्हिः शृ॒णा॒त्ये॒वैनं॒ वैभी॑द॒क इ॒ध्मो भि॒न॒त्ये॒वैन॑म् ॥५॥

बा॒र्ह॒स्प॒त्य॑ꣳ शि॒ति॒पृ॒ष्ठ॒मा ल॑भे॒त॒ ग्रा॒म॒का॒मो यःका॒म॒यै॒त पृ॒ष्ठ॑ꣳ स॒मा॒ना॒नाꣳ
स्या॒मि॒ति बृ॒ह॒स्प॒ति॒मे॒व स्वे॒न भा॒ग॒धे॒ये॒नोप॑ धा॒व॒ति स ए॒वैन॑म्पृ॒ष्ठ॑ꣳ
स॒मा॒ना॒नां॑ करो॒ति

ग्रा॒म्यै॒व भ॑व॒ति शि॒ति॒पृ॒ष्ठो भ॑व॒ति बा॒र्ह॒स्प॒त्यो ह्यै॒ष दे॒व॒त॒या॒ समृ॑द्धयै
पौ॒ष्ण॑ꣳ श्या॒म॒मा ल॑भे॒तान्न॑का॒मोऽन्नं॑ वै पू॒षा पू॒षण॑मे॒व स्वे॒न भा॒ग॒धे॒ये॒नोप॑
धा॒व॒ति स ए॒वास्मा॑ अ॒न्न॒म्प्र य॑च्छ॒त्यन्ना॑द ए॒व भ॑व॒ति श्या॒मो भ॑व॒त्ये॒तद्वा
अ॒न्न॒स्य रू॒प॑ꣳ समृ॑द्धयै मा॒रु॒त॒मृ॒श्नि॒मा ल॑भे॒तान्न॑का॒मोऽन्नं॑ वै म॒रु॒तौ म॒रु॒तं
ए॒व स्वे॒न भा॒ग॒धे॒ये॒नोप॑ धा॒व॒ति त ए॒वास्मा॑ अ॒न्न॒म्प्र य॑च्छ॒न्त्यन्ना॑द ए॒व
भ॑व॒ति पृ॒श्निर्भ॑व॒त्ये॒तद्वा अ॒न्न॒स्य रू॒प॑ꣳ समृ॑द्धयै ऐ॒न्द्र॒म॒रु॒ण॒मा
ल॑भे॒तेन्द्रि॒य॒का॒म इ॒न्द्र॒मे॒व स्वे॒न भा॒ग॒धे॒ये॒नोप॑ धा॒व॒ति स ए॒वास्मि॑न्निन्द्रि॒यं
द॑धा॒तीन्द्रि॒या॒व्यै॒व भ॑व॒त्य॒रु॒णो भू॒मान्भ॑व॒त्ये॒तद्वा इ॒न्द्र॒स्य रू॒प॑ꣳ समृ॑द्धयै
सा॒वि॒त्रमु॑प॒ध्व॒स्त॒मा ल॑भे॒त स॒नि॒का॒मः स॒वि॒ता वै प्र॑स॒वाना॑मी॒शे
स॒वि॒तार॑मे॒व स्वे॒न भा॒ग॒धे॒ये॒नोप॑ धा॒व॒ति स ए॒वास्मै॑ स॒नि॒म्प्र सु॑व॒ति
दा॒न॒का॒मा अ॒स्मै प्र॒जा भ॑व॒न्त्यु॒प॒ध्व॒स्तो भ॑व॒ति सा॒वि॒त्रो ह्यै॒षः

।३।दे॒व॒त॒या॒

समृ॑द्धयै वै॒श्व॒दे॒व॒म्ब॒हुरू॒प॒मा ल॑भे॒तान्न॑का॒मो वै॒श्व॒दे॒वं वा अ॒न्नं वि॒श्वाने॑व
दे॒वान्त्स्वे॒न भा॒ग॒धे॒ये॒नोप॑ धा॒व॒ति त ए॒वास्मा॑ अ॒न्न॒म्प्र य॑च्छ॒त्यन्ना॑द ए॒व
भ॑व॒ति ब॒हुरू॒पो भ॑व॒ति ब॒हुरू॒प॑ꣳ ह्य॒न्न॑ꣳ समृ॑द्धयै वै॒श्व॒दे॒व॒म्ब॒हुरू॒प॒मा
ल॑भे॒त॒ ग्रा॒म॒का॒मो वै॒श्व॒दे॒वा वै स॑जा॒ता वि॒श्वाने॑व दे॒वान्त्स्वे॒न भा॒ग॒धे॒ये॒नोप॑
धा॒व॒ति त ए॒वास्मै॑ स॒जा॒तान्प्र य॑च्छ॒न्ति ग्र॒ाम्यै॒व भ॑व॒ति ब॒हुरू॒पो
भ॑व॒ति ब॒हु॒दे॒व॒त्योꣳह्यै॒ष समृ॑द्धयै

प्र॒जाप॑त्यं तू॒प॒र॒मा ल॑भे॒त॒ यस्या॑ना॒ज्ञा॒तमि॒व ज्यो॒गा॒म॒यै॒त्प्रा॒जाप॑त्यो वै पु॒रु॒षः
प्र॒जाप॑तिः ख॒लु वै त॑स्य वे॒द॒ यस्या॑ना॒ज्ञा॒तमि॒व ज्यो॒गा॒म॒य॑ति प्र॒जाप॑ति॒मे॒व
स्वे॒न भा॒ग॒धे॒ये॒नोप॑ धा॒व॒ति स ए॒वैनं॑ तस्मा॒त्स्त्रा॑मा॒न्मु॒ञ्च॒ति तू॒प॒रो भ॑व॒ति
प्रा॒जाप॑त्यो ह्यै॒ष दे॒व॒त॒या॒ समृ॑द्धयै ॥६॥

व॒ष॒ट्का॒रो वै गा॑य॒त्रि॒यै शि॒रौऽच्छि॑न॒त्तस्यै॑ र॒सः

पराप॑त॒त्तम्बृ॒हस्प॑तिरु॒पागृ॑हात्सा शि॒तिपृ॑ष्ठा व॒शाभ॑व॒द्यो द्वि॒तीयः
 प॒राप॑त॒त्तमि॒त्रावरु॑णावु॒पागृ॑हीता॒ सा द्वि॒रूपा॑ व॒शाभ॑वद्यस्तृतीयः
 प॒राप॑त॒त्तं वि॒श्वे दे॒वा उ॒पागृ॑हन्त्सा ब॒हुरू॒पा व॒शा भ॑वद्यश्चतुर्थः प॒राप॑त॒त्स
 पृ॒थि॒वीम्प्रा॑वि॒श॒त्तम्बृ॒हस्प॑तिर॒भ्य गृ॑हादस्त्वे॒वाय॑म्भोगा॒येति॑ स उ॒क्तव॑शः
 स॒म॒भ॒व॒द्यल्लो॑हितम्प॒राप॑त॒त्तद्रु॒द्र उ॒पागृ॑हात्सा रौ॒द्री रोहि॑णी
 व॒शाभ॑व॒ द्वा॒र्हस्प॑त्या॒ शि॒तिपृ॑ष्ठामा ल॒भेत॑ ब्रह्मवर्च॒सका॑मो
 बृ॒हस्प॑तिमे॒व स्वे॒न भा॒ग॒धेये॒नोप॑ धावति स ए॒वास्मि॑न्ब्रह्मवर्च॒सं द॑धाति
 ब्रह्मवर्च॒स्यैव॑ भ॒वति॑ च्छ॒न्द॒सां वा ए॒ष र॒सो य॒द्वशा॑ र॒स इ॒व ख॒लु वै
 ब्रह्मवर्च॒सं छ॒न्द॒सामे॒व र॒सेन॑ र॒सम्ब्रह्मवर्च॑सम॒व रु॒न्धे मै॒त्रावरु॑णीं
 द्वि॒रूपा॒मा ल॒भेत॑ वृष्टि॒कामो॑ मै॒त्रं वा अ॒र्ह॒वार्॒रु॒णी रा॒त्रिर॒हो॒रा॒त्राभ्यां॑ ख॒लु वै
 पु॒र्जन्यो॑ वर्षति मि॒त्रावरु॑णावे॒व स्वे॒न भा॒ग॒धेये॒नोप॑ धावति तावे॒वास्मा
 अ॒हो॒रा॒त्राभ्या॑म्पु॒र्जन्यं॑ वर्ष॒यत॑श्छ॒न्द॒सां वा ए॒ष र॒सो य॒द्वशा॑ र॒स इ॒व ख॒लु
 वै वृष्टि॑श्छ॒न्द॒सामे॒व र॒सेन॑ र॒सं वृष्टि॑म॒व रु॒न्धे मै॒त्रावरु॑णीं द्वि॒रूपा॒मा ल॒भेत॑
 प्र॒जाका॑मो मै॒त्रं वा अ॒र्ह॒वार्॒रु॒णी रा॒त्रिर॒हो॒रा॒त्राभ्यां॑ ख॒लु वै प्र॒जाः प्र॒जाय॑न्ते
 मि॒त्रावरु॑णावे॒व स्वे॒न भा॒ग॒धेये॒नोप॑ धावति तावे॒वास्मा
 अ॒हो॒रा॒त्राभ्या॑म्प्र॒जाम्प्र॒जन॑यतश्छ॒न्द॒सां वा ए॒ष र॒सो य॒द्वशा॑ र॒स इ॒व ख॒लु
 वै प्र॒जा छ॒न्द॒सामे॒व र॒सेन॑ र॒सम्प्र॒जाम॑व॒ रुन्धे॑ वै॒श्वदे॒वीम्बृ॒हुरू॒पा॒मा
 ल॒भेता॑न्न॒कामो॑ वै॒श्वदे॒वं वा अ॒न्नं वि॒श्वाने॒व दे॒वान्त्स्वे॒न भा॒ग॒धेये॒नोप॑
 धावति त ए॒वास्मा॑ अ॒न्नम्प्र॒ यच्छ॑न्त्य॒न्नाद॑ ए॒व भ॑वति च्छ॒न्द॒सां वा ए॒ष
 र॒सो य॒द्वशा॑ र॒स इ॒व ख॒लु वा अ॒न्नं छ॒न्द॒सामे॒व र॒सेन॑ र॒सम॒न्नम॑व॒ रुन्धे॑
 वै॒श्वदे॒वीम्बृ॒हुरू॒पा॒मा ल॒भेत॑ ग्रा॒म॒का॒मो वै॒श्वदे॒वा वै स॒जा॒ता वि॒श्वाने॒व
 दे॒वान्त्स्वे॒न भा॒ग॒धेये॒नोप॑ धावति त ए॒वास्मै॑ स॒जा॒तान्प्र॒ यच्छ॑न्ति ग्रा॒म्यैव॑
 भ॑वति च्छ॒न्द॒सां वा ए॒ष र॒सो य॒द्वशा॑ र॒स इ॒व ख॒लु वै
 स॒जा॒ताश्छ॒न्द॒सामे॒व र॒सेन॑ र॒सं स॒जा॒तान॑व॒ रुन्धे॑ बा॒र्हस्प॑त्यमु॒क्तव॑शमा
 ल॒भेत॑ ब्रह्मवर्च॒सका॑मो बृ॒हस्प॑तिमे॒व स्वे॒न भा॒ग॒धेये॒नोप॑ धावति स
 ए॒वास्मि॑न्ब्रह्मवर्च॒सं द॑धाति ब्रह्मवर्च॒स्यैव॑ भ॒वति
 व॒शं वा ए॒ष च॑रति यदु॒क्ता व॑श इ॒व ख॒लु वै ब्रह्मवर्च॑सं व॒शेनै॒व
 व॒शम्ब्रह्मवर्च॑सम॒व रु॒न्धे रौ॒द्री रोहि॑णी॒मा ल॒भेता॑भि॒चर॑न्नु॒द्रमे॒व स्वे॒न

भागधेयेनोप धावति तस्मा एवैनमा वृश्चति ताजगार्तिमाच्छति रोहिणी
भवति रौद्री ह्येषा देवतया समृद्धयै स्फ्यो यूपो भवति वज्रो वै स्फ्यो
वज्रमेवास्मै प्र हरति
शरमयम्बर्हिः शृणात्येवैनं वैभीदक इध्मो भिनत्येवैनम् ॥७॥

असावादित्यो न व्यरोचत तस्मै देवाः प्रायश्चित्तिमैच्छन्तस्मा एतां
सौरीं श्वेतां वशामालभन्त तयैवास्मिन्नुचमदधुर्यो ब्रह्मवर्चसकामः
स्यात्तस्मा एतां सौरीं श्वेतां वशामा लभेतामुमेवादित्यं स्वेन
भागधेयेनोप धावति
स एवास्मिन्ब्रह्मवर्चसं दधाति ब्रह्मवर्चस्यैव भवति बैल्वो यूपो
भवन्त्यसौ वा आदित्यो यतोऽजायत ततो बिल्वं उदतिष्ठत्सयोन्येव
ब्रह्मवर्चसमव रुन्धे
ब्राह्मणस्पत्याम्बभ्रुकर्णीमा लभेताभिफोरेचरन्वारुणं
दर्शकपालम्पुरस्तान्निर्वपेद्वरुणेनैव भ्रातृव्यं ग्राहयित्वा ब्रह्मणा स्तृणुते
बभ्रुकर्णी भवत्येतद्वै ब्रह्मणो रूपं समृद्धयै स्फ्यो यूपो भवति वज्रो वै
स्फ्यो वज्रमेवास्मै प्र हरति शरमयम्बर्हिः शृणात्येवैनं वैभीदक इध्मो
भिनत्येवैनं वैष्णवं वामुनमा लभेत यं यज्ञो नोपनमेद्विष्णुर्वै यज्ञो
विष्णुमेव स्वेन भागधेयेनोप धावति स एवास्मै यज्ञम्प्र यच्छत्युपैनं यज्ञो
नमति वामुनो भवति वैष्णवो ह्येष देवतया समृद्धयै त्वाष्ट्रं वडुबमा
लभेत पशुकामस्त्वष्टा वै पशूनामिथुनानां प्रजनयिता त्वष्टारमेव स्वेन
भागधेयेनोप धावति स एवास्मै पशून्मिथुनान्प्र जनयति प्रजा हि वा
एतस्मिन्पशवः प्रविष्टा अथैष पुमान्त्सन्वडुबः साक्षादेव प्रजाम्पशूनव
रुन्धे मैत्रं श्वेतमा लभेत संग्रामे संयत्ते समयकामो मित्रमेव स्वेन
भागधेयेनोप धावति स एवैनम्मित्रेण सं नयति विशालो भवति
व्यवसाययत्येवैनं प्राजापत्यं कृष्णमा लभेत वृष्टिकामः प्रजापतिर्वै
वृष्ट्या ईशे प्रजापतिमेव स्वेन भागधेयेनोप धावति स एवास्मै प्रजन्यं
वर्षयति कृष्णो भवत्येतद्वै वृष्ट्यै रूपं रूपेणैव वृष्टिमव रुन्धे शबलो
भवति विद्युतमेवास्मै जनयित्वा वर्षयत्यवाशृङ्गो भवति वृष्टिमेवास्मै

नि यच्छति ॥८॥

वरुणं सुषुवाणमुन्नाद्यं नोपानमुत्स एतां वारुणीं कृष्णां वशामपश्यन्तां
 स्वायै देवताया आलभत ततो वै तमुन्नाद्यमुपानम् द्यमलमुन्नाद्याय
 सन्तमुन्नाद्यं नोपनमेत्स एतां वारुणीं कृष्णां वशामा लभेत वरुणमेव स्वेन
 भागधेयेनोप धावति स एवास्मा अन्नम्प्र यच्छत्यन्नादः एव भवति कृष्णा
 भवति वारुणी ह्येषा देवताया समृद्धयै मैत्रं श्वेतमा लभेत वारुणं
 कृष्णमुपां चौषधीनां च सुधावन्नकामो मैत्रीर्वा ओषधयो वारुणीरापोऽपां
 च खलु वा ओषधीनां च रसमुप जीवामो मित्रावरुणावेव स्वेन
 भागधेयेनोप धावति तावेवास्मा अन्नम्प्र यच्छतोऽन्नाद एव
 भवत्युपां चौषधीनां च सुधावा लभत उभयस्यावरुद्धयै विशाखो यूपो
 भवति द्वे ह्येते देवते समृद्धयै मैत्रं श्वेतमा लभेत वारुणं कृष्णं
 ज्योगामयावी यन्मैत्रो भवति मित्रेणैवास्मै वरुणं शमयति यद्वारुणः
 साक्षादेवैनं वरुणपाशान्मुञ्चत्युत यदीतासुर्भवति जीवत्येव देवा वै पुष्टिं
 नाविन्दन्तामिन्धुनोऽपश्यन्तस्यान्न समराधयन्तावश्विनावब्रूतामावयोर्वा
 एषा मैतस्यां वदध्वमिति साश्विनोरेवाभवत् द्यः पुष्टिकामः स्यात्स
 एतामाश्विनीं यमीं वशामा लभेताश्विनावेव स्वेन भागधेयेनोप धावति
 तावेवास्मिन्पुष्टिं धत्तः
 पुष्यति प्रजयां पशुभिः ॥९॥

आश्विनं धूम्रललाममा लभेत यो दुर्ब्राह्मणः सोमम्पिपासेदश्विनौ वै
 देवानामसौमपावास्तां तौ पश्चा सौमपीथम्प्राप्नुतामश्विनावेतस्य देवता यो
 दुर्ब्राह्मणः सोमम्पिपासत्यश्विनावेव स्वेन भागधेयेनोप धावति तावेवास्मै
 सोमपीथम्प्र यच्छत उपैनं सोमपीथो नमति यद्धूम्रो भवति
 धूम्रिमाणमेवास्मादप हन्ति ललामौ भवति मुखत एवास्मिन्तेजो दधाति
 वायुव्यं गोमृगमा लभेत यमजघ्निवांसमभिशंसैयुरपूता वा एतं
 वागृच्छति यमजघ्निवंसमभिशंसन्ति नैष ग्राम्यः पशुनारणयो यद्वोमृगो
 नेवैष ग्रामे नारणये यमजघ्निवांसमभिशंसन्ति वायुर्वै देवानाम्पवित्रं

वा॒युमे॒व स्वे॒न भा॒ग॒धे॒ये॒नोप॑ धावति॒ स ए॒वै न॑म्पवयति॒ परा॑ची॒ वा ए॒तस्मै॑
व्युच्छन्ती॒ व्युच्छ॑ति॒ तमः॑ पा॒प्मान॑म्प्र वि॒शति॒ यस्या॑श्चि॒ने श॑स्यमाने॒ सूर्यो॑
नावि॒र्भव॑ति॒ सौर्य॑म्ब॒हुरू॒पमा॑ ल॒भेता॑मु॒मेवा॑दित्य॑ꣳ स्वे॒न भा॒ग॒धे॒ये॒नोप॑
धावति॒
स ए॒वास्मा॑त्तमः॒ पा॒प्मान॑मप॑ हन्ति॒ प्रती॑च्यस्मै व्युच्छन्ती॒ व्युच्छ॑त्यप॒ तमः॑
पा॒प्मान॑ꣳ हते ॥१०॥

इन्द्रं॑ वो वि॒श्वत॑स्परी॒ न्द्रं न॑रो मरु॒तो यद्ध॑ वो दि॒वो या वः॑ शर्म ॥
भरे॑ष्विन्द्रंꣳ सु॒हव॑ꣳ हवामहेऽꣳहोमुच॑ꣳ सु॒कृतं॑ दै॒व्यं ज॑नम् ।
अ॒ग्नि॒मि॒त्रं वरु॑णꣳ सा॒तये॑ भगं॒ द्यावा॑पृथि॒वी म॑रुतः॒ स्वस्त॑ये ॥ म॒मत्तु॑ नः
परि॑ज्मा वस॒र्हा म॒मत्तु॑ वा॒तौ अ॒पां वृ॑ष॒णवान् । शि॒शी॒तमि॑न्द्रा॒पर्व॑ता यु॒वं
न॒स्तन्नो॑ वि॒श्वे वरि॑वस्यन्तु दे॒वाः ॥ प्रि॒या वो॒ नाम॑ हुवे॒ तुरा॑णाम् । आ
यत्तु॑प॒न्मरु॑तो वाव॒शानाः ॥
श्रि॒यसे॑ क॒म्भानु॑भिः॒ सम्मि॑मि॒क्षिरे॒ ते र॒श्मि॒भिस्त॑ ऋ॒क्वभिः॑ सु॒खाद॑यः । ते
वाशी॑मन्त इ॒ष्मिणो॑ अ॒भीर॑वो वि॒द्रे प्रि॒यस्य॑ मा॒रुत॑स्य॒ धाम्नः॑ ॥
अ॒ग्निः प्र॑थ॒मो वसु॑भिर्नो॒ अव्या॑त्सोमो॒ रुद्रे॑भि॒रभि र॑क्षतु॒ त्मना॑ । इन्द्रो॑
म॒रुद्भिर्ऋ॑तु॒धा कृ॑णो॒त्वादित्यै॑र्नो॒ वरु॑णः सꣳ शि॒शातु॑ ॥
सं नो॑ दे॒वो वसु॑भि॒रग्निः॑ सꣳ सोम॑स्त॒नूभी॑ रु॒द्रिया॑भिः । स॒मिन्द्रो॑
म॒रुद्भि॑र्य॒ज्ञियैः॑ स॒मादि॑त्यैर्नो॒ वरु॑णो अ॒जिज्ञि॑पत् ॥
यथा॑दि॒त्या वसु॑भिः स॒म्बभू॑वुर्म॒रुद्भी॑ रु॒द्राः स॒मजा॑नता॒भि । ए॒वा
त्रि॒णाम॒न्नह॑णीयमा॒ना वि॒श्वे दे॒वाः स॒मन॑सो भवन्तु ॥
कु॒त्रा चि॒द्यस्य॑ स॒मृतौ॑ र॒णवा॑ नरो॒ नृष॑दने । अ॒र्हन्त॑श्चि॒द्यमि॑न्ध॒ते संज॑नयन्ति
ज॒न्तवः॑ ॥ सं य॒दिषो॑ वना॒महे॑ सꣳ ह॒व्या मा॑नु॒षाणाम् । उ॒त द्यु॒मस्य॑
श॒र्वसः॑ ऋ॒तस्य॑ र॒श्मिमा॑ ददे ॥
य॒ज्ञो दे॒वाना॑म्प्रत्यैति सु॒म्रमा॑दि॒त्यासो॑ भव॒ता मृ॒डय॑न्तः । आ वोऽ॒र्वाची॑
सु॒म॒तिर्व॑वृ॒त्यादꣳहो॑श्चि॒द्या वरि॑वो॒वित्तरा॑सत् ॥
शुचि॑रपः॒ सूय॑व॒सा अ॒दब्ध॑ उप॑ क्षेति॒ वृद्ध॑व॒याः सु॒वीरः॑ । न॒क्रिष्टं॑
घ्नन्त्य॑न्ति॒तो न दू॒राद्य॑ आ॒दि॒त्याना॑म्भव॒ति प्र॑णी॒तौ ॥ धा॒रय॑न्त

आदित्यासो जगत्स्था देवा विश्वस्य भुवनस्य गोपाः । दीर्घाधियो
 रक्षमाणा असुर्यमृतावानुश्चर्यमाना ऋणानि ॥
 तिस्रो भूमिर्धारयन्त्रीरुत द्यून्त्रीणि व्रता विदथे अन्तरैषाम् ।
 ऋतेनादित्या महि वो महित्वं तदर्यमन्वरुण मित्र चारु ॥
 त्यान्नु क्षत्रियाँ अव आदित्यान्याचिषामहे । सुमृडीकाँ अभिष्टये ॥
 न दक्षिणा वि चिकिते न सुव्या न प्राचीनमादित्या नोत पश्चा । पाक्या
 चिद्वसवो धीर्या चिद्युष्मानीतो अभयं ज्योतिरश्याम् ॥
 आदित्यानामवसा नूतनेन सक्षीमहि शर्मणा शन्तमेन । अनागास्त्वे
 अदितित्वे तुरास इमं यज्ञं दधतु श्रोषमाणाः ॥
 इमम्मे वरुण श्रुधी हवमद्या च मृडय । त्वामवस्युरा चके ॥
 तत्त्वा यामि ब्रह्मणा वन्दमानस्तदा शास्ते यजमानो हविर्भिः ।
 अहैडमानो वरुणेह बोध्युरुशँसु मा न आयुः प्र मौषीः ॥११॥
 इति द्वितीयकाण्डे प्रथमः प्रपाठकः ॥१॥

अथ द्वितीयकाण्डे द्वितीयः प्रपाठकः

प्रजापतिः प्रजा असृजत् ताः सृष्टा इन्द्राग्नी अपागूहताः
 सौऽचायत्प्रजापतिरिन्द्राग्नी वै मै प्रजा अपाघुक्षतामिति स
 एतमैन्द्राग्रमेकादशकपालमपश्यत्तं निर्वपत्तावस्मै प्रजाः
 प्रासाधयता मिन्द्राग्नी वा एतस्य प्रजामप गूहतो योऽलम्प्रजायै
 सन्प्रजां न विन्दत ऐन्द्राग्रमेकादशकपालं निर्वपेत्प्रजाकाम इन्द्राग्नी
 एव स्वेन भागधेयेनोप धावति तावेवास्मै प्रजाम्प्र साधयतो विन्दतै
 प्रजा मैन्द्राग्रमेकादशकपालं निर्वपेत्स्पर्धमानः क्षेत्रे वा सजातेषु
 वोन्द्राग्नी एव स्वेन भागधेयेनोप धावति ताभ्यामेवेन्द्रियं
 वीर्यम्भ्रातृव्यस्य वृद्धे वि पाप्मना भ्रातृव्येण जयतेऽप वा
 एतस्मादिन्द्रियं वीर्यं क्रामति यः
 संग्राममुपप्रयात्यैन्द्राग्रमेकादशकपालं
 निर्वपेत्संग्राममुपप्रयास्यन्निन्द्राग्नी एव स्वेन भागधेयेनोप धावति
 तावेवास्मिन्निन्द्रियं वीर्यं धत्तः सहेन्द्रियेण वीर्येणोप प्र याति जयति
 तं संग्रामं वि वा एष इन्द्रियेण वीर्येणर्ध्यते यः संग्रामं
 जयत्यैन्द्राग्रमेकादशकपालं निर्वपेत्संग्रामं जित्वेन्द्राग्नी एव स्वेन
 भागधेयेनोप धावति तावेवास्मिन्निन्द्रियं वीर्यं धत्तो नेन्द्रियेण वीर्येण
 व्यृध्यतेऽप वा एतस्मादिन्द्रियं वीर्यं क्रामति य एति
 जनतामैन्द्राग्रमेकादशकपालं निर्वपेज्जनतामेष्यन्निन्द्राग्नी एव स्वेन
 भागधेयेनोप धावति तावेवास्मिन्निन्द्रियं वीर्यं धत्तः सहेन्द्रियेण
 वीर्येण जनतामेतिम पौष्णं चरुमनु निर्वपेत्पूषा वा इन्द्रियस्य
 वीर्यस्यानुप्रदाता पूषणमेव स्वेन भागधेयेनोप धावति स एवास्मा
 इन्द्रियं वीर्यमनु प्र यच्छति क्षेत्रपत्यं चरुं निर्वपेज्जनतामागत्येयं वै
 क्षेत्रस्य पतिरस्यामेव प्रति
 तिष्ठत्यैन्द्राग्रमेकादशकपालमुपरिष्ठात्निर्वपेदस्यामेव प्रतिष्ठार्यैन्द्रियं
 वीर्यमुपरिष्ठादात्मन्धत्ते ॥१॥

अग्रये पथिकृते पुरोडाशमष्टाकपालं निर्वपेद्यो दर्शपूर्णमासयाजी
 सन्नमावास्यां वा पौर्णमासीं वातिपादयेत्पथो वा एषोऽध्यपथेनैति
 यो दर्शपूर्णमासयाजी सन्नमावायां वा पौर्णमासीं
 वातिपादयेत्पथिमेव पथिकृतं स्वेन भागधेयेनोप धावति
 स एवैनमपथात्पन्थामपि नयत्यनुड्वान्दक्षिणा वृही ह्येष समृद्ध्या
 अग्रये व्रतपतये पुरोडाशमष्टाकपालं निर्वपेद्य आहिताग्निः
 सन्नव्रत्यमिव चरेदग्निमेव व्रतपतिं स्वेन भागधेयेनोप धावति स
 एवैनं व्रतमा लम्भयति व्रत्यो भवत्युग्रये रक्षोघ्ने
 पुरोडाशमष्टाकपालं निर्वपेद्यं रक्षांसि सचैरन्नग्निमेव रक्षोहणं
 स्वेन भागधेयेनोप धावति स एवास्माद्रक्षांस्यप हन्ति निशितायां
 निर्वपेन्निशितायां हि रक्षांसि प्रेरते
 सम्प्रेणान्येवैनानि हन्ति परिश्रिते याजयेद्रक्षसामनन्ववचाराय
 रक्षोघ्नी याज्यानुवाक्ये भवतो रक्षसां स्तृत्या अग्रये रुद्रवते
 पुरोडाशमष्टाकपालं निर्वपेदभिचरन्नेषा वा अस्य घोरा
 तनूर्यद्रुद्रस्तस्मा एवैनमा वृश्चति ताजगार्तिमाच्छत्यग्रये सुरभिमते
 पुरोडाशमष्टाकपालं निर्वपेद्यस्य गावो वा पुरुषा वा प्रमीयेरन्यो वा
 बिभीयादेषा वा अस्य भेषज्या तनूर्यत्सुरभिमती तयैवास्मै भेषजं
 करोति सुरभिमते भवति पूतीगन्धस्यापहत्या अग्रये क्षामवते
 पुरोडाशमष्टाकपालं निर्वपेत्संग्रामे संयत्ते भागधेयेनैवैनं
 शमयित्वा परानुभि निर्दिशति यमवरेषां विध्यन्ति जीवति स
 यम्परेषाम्प्र स मीयते
 जयति तं संग्राममभि वा एष एतानुच्यति येषाम्पूर्वापरा अन्वञ्चः
 प्रमीयन्ते पुरुषाहुतिर्ह्यस्य प्रियतमाग्रये क्षामवते पुरोडाशमष्टाकपालं
 निर्वपेद्भागधेयेनैवैनं शमयति नैषाम्पुरायुषोपरः प्र मीयतेऽभि वा
 एष एतस्य गृहानुच्यति यस्य गृहान्दहत्यग्रये क्षामवते

पुरोडाशमष्टाकपालं निर्वपेद्भागधेयेनैवैनं शमयति नास्यापरं
गृहान्दहति ॥२॥

अग्नये कामाय पुरोडाशमष्टाकपालं निर्वपेद्यं कामो नोपनमेदग्निमेव
कामं स्वेन भागधेयेनोप धावति स एवैनं कामेन समर्धयत्युपैनं
कामो नमत्यग्ने यविष्ठाय पुरोडाशमष्टाकपालं निर्वपेत्सर्धमानः
क्षेत्रे वा सजातेषु वाग्निमेव यविष्ठं स्वेन भागधेयेनोप धावति
तेनैवेन्द्रियं वीर्यम्भ्रातृव्यस्य युवते वि प्राप्मना भ्रातृव्येण जयतेऽग्नये
यविष्ठाय पुरोडाशमष्टाकपालं निर्वपेदभिचर्यमाणोऽग्निमेव यविष्ठं
स्वेन भागधेयेनोप धावति स एवास्माद्रक्षांसि यवयति
नैनमभिचरन्तस्तृणुतेऽग्नय आयुष्मते पुरोडाशमष्टाकपालं निर्वपेद्यः
कामयेत

सर्वमायुरियामित्यग्निमेवायुष्मन्तं स्वेन भागधेयेनोप धावति
स एवास्मिन्नायुर्दधाति सर्वमायुरेत्यग्ने जातवेदसे
पुरोडाशमष्टाकपालं निर्वपेद्भूतिकामोऽग्निमेव जातवेदसं स्वेन
भागधेयेनोप धावति स एवैनम्भूतिं गमयति भवत्येवाग्ने रुक्मते
पुरोडाशमष्टाकपालं निर्वपेद्रुक्कामोऽग्निमेव रुक्मन्तं स्वेन
भागधेयेनोप धावति स एवास्मिन्नुचं दधाति रोचत एवाग्ने
तेजस्वते पुरोडाशमष्टाकपालं निर्वपेत्तेजस्कामोऽग्निमेव
तेजस्वन्तं स्वेन भागधेयेनोप धावति स एवास्मिन्तेजो दधाति
तेजस्व्येव भवत्यग्ने साहन्त्याय पुरोडाशमष्टाकपालं
निर्वपेत्सीक्षमाणोऽग्निमेव साहन्त्यं स्वेन भागधेयेनोप धावति
तेनैव संहते यं सीक्षते ॥३॥

अग्नयेऽन्नवते पुरोडाशमष्टाकपालं निर्वपेद्यः
कामयेतान्नवान्त्स्यामित्यग्निमेवान्नवन्तं स्वेन भागधेयेनोप धावति

स एवैनमन्नवन्तं करोत्यन्नवानेव भवत्यु ग्रयेऽन्नादाय
 पुरोडाशमष्टार्कपालं निर्वपेद्यः कामयेतान्नादः स्यामित्यग्निमेवान्नादः
 स्वेन भागधेयेनोप धावति स एवैनमन्नादं करोत्यन्नाद एव
 भवत्यु ग्रयेऽन्नपतये पुरोडाशमष्टार्कपालं निर्वपेद्यः कामयेतान्नपतिः
 स्यामित्यग्निमेवान्नपतिः स्वेन भागधेयेनोप धावति स एवैनमन्नपतिं
 करोत्यन्नपतिरेव भवत्यु ग्रये पर्वमानाय पुरोडाशमष्टार्कपालं
 निर्वपेदुग्रये पावकायाग्रये शुचये ज्योगामयावी
 यदुग्रये पर्वमानाय निर्वपति प्राणमेवास्मिन्तेन दधाति यदुग्रये
 पावकायु वाचमेवास्मिन्तेन दधाति यदुग्रये शुचयु आयुरेवास्मिन्तेन
 दधात्युत यदीतासुर्भवति जीवत्येवै तामेव निर्वपेच्चक्षुष्कामो
 यदुग्रये पर्वमानाय निर्वपति प्राणमेवास्मिन्तेन दधाति यदुग्रये
 पावकायु वाचमेवास्मिन्तेन दधाति यदुग्रये शुचये चक्षुरेवास्मिन्तेन
 दधात्युत यद्यन्धो भवति प्रैव पश्यत्यु ग्रये पुत्रवते
 पुरोडाशमष्टार्कपालं निर्वपेदिन्द्राय पुत्रिणै
 पुरोडाशमेकादशकपालम्प्रजाकामोऽग्निरेवास्मै प्रजाम्प्रजनयति
 वृद्धामिन्द्रः प्र यच्छत्यु ग्रये रसवतेऽजक्षीरे चरुं निर्वपेद्यः कामयेत
 रसवान्त्स्यामित्यग्निमेव रसवन्तः स्वेन भागधेयेनोप धावति स
 एवैनः रसवन्तं करोति रसवानेव भवत्यजक्षीरे भवत्याग्नेयी वा
 एषा यदुजा साक्षादेव रसमव रुद्धेऽग्रये वसुमते
 पुरोडाशमष्टार्कपालं निर्वपेद्यः कामयेत वसुमान्त्स्यामित्यग्निमेव
 वसुमन्तः स्वेन भागधेयेनोप धावति
 स एवैनं वसुमन्तं करोति वसुमानेव भवत्यु ग्रये वाजसूते
 पुरोडाशमष्टार्कपालं निर्वपेत्संग्रामे संयत्ते वाजं वा एष सिंसीर्षति
 यः संग्रामं जिगीषत्यग्निः खलु वै देवानां वाजसूदग्निमेव
 वाजसूतः स्वेन भागधेयेनोप धावति धावति वाजः हन्ति वृत्रं
 जयति तः संग्राममथौ अग्निरिव न प्रतिधृषे भवत्यु ग्रयेऽग्निवते

पुरोडाशमष्टाकपालं निर्वपेद्यस्याग्रावग्निमभ्युद्धरेयुर्निर्दिष्टभागो वा
 एतयोरन्योऽनिर्दिष्टभागोऽन्यस्तौ सम्भवन्तौ यजमान मभि सम्भवतः
 स ईश्वर आर्तिमार्तोऽयं यदग्रयेऽग्निरवतै निर्वपति भागधेयेनैवैनौ शमयति
 नार्तिमार्च्छति यजमानोऽग्रये ज्योतिष्मते पुरोडाशमष्टाकपालं
 निर्वपेद्यस्याग्निरुद्धृतोऽहुतेऽग्निरहोत्र उद्वाये दपर आदीप्यानूद्धृत्य
 इत्याहु स्तत्तथा न कार्यं यद्भागधेयमभि पूर्वं उद्दिधृत्यते
 किमपरोऽभ्युद्दिधृत्येतेति तान्येवावक्षाणानि संनिधाय मन्थे दितः
 प्रथमं जज्ञे अग्निः स्वाद्योनेरधि जातवेदाः । स गायत्रिया त्रिष्टुभा
 जंगत्या देवेभ्यो हव्यं वहतु प्रजानन्निति च्छन्दोभिरेवैनं स्वाद्योनेः
 प्र जनयत्येष वाव सौऽग्निरित्याहु ज्योतिस्त्वा अस्य
 परापतितमिति यदग्रये ज्योतिष्मते निर्वपति यदेवास्य ज्योतिः
 परापतितं तदेवाव रुन्दे ॥४॥

वैश्वानरं द्वादशकपालं निर्वपेद्धारुणं चरुं दधिक्राव्णे
 चरुमभिशस्यमानो यद्वैश्वानरो द्वादशकपालो भवति संवत्सरो वा
 अग्निर्वैश्वानरः संवत्सरेणैवैनं स्वदयत्यप पापं वर्णं हते
 वारुणेनैवैनं वरुणपाशान्मुञ्चति दधिक्राव्णा पुनाति हिरण्यं दक्षिणा
 पवित्रं वै हिरण्यम्पुनात्येवैनमाद्यमस्यान्नम्भवत्येतामेव
 निर्वपेत्प्रजाकामः
 संवत्सरो वा एतस्याशान्तो योनिम्प्रजायै पशूनां निर्दहति
 योऽलम्प्रजायै सन्प्रजां न विन्दते यद्वैश्वानरो द्वादशकपालो भवति
 संवत्सरो वा अग्निर्वैश्वानरः संवत्सरमेव भागधेयेन शमयति सौऽस्मै
 शान्तः स्वाद्योनेः प्रजाम्प्र जनयति वारुणेनैवैनं वरुणपाशान्मुञ्चति
 दधिक्राव्णा पुनाति हिरण्यं दक्षिणा पवित्रं वै हिरण्यम्पुनात्येवैनं
 विन्दते प्रजां वैश्वानरं द्वादशकपालं निर्वपेत्पुत्रे जाते
 यदष्टाकपालो भवति गायत्रियैवैनम्ब्रह्मवर्चसेन पुनाति

यन्नवकपालस्त्रिवृतैवास्मिन्तेजो दधाति यद्दशकपालो
 विराजैवास्मिन्त्राद्यं दधाति यदेकादशकपालस्त्रिष्टुभैवास्मिन्निन्द्रियं
 दधाति यद्द्वादशकपालो जगत्त्रैवास्मिन्पशून् दधाति
 यस्मिञ्जात एतामिष्टिभिर्वपति पूत एव तैजस्व्यन्नाद इन्द्रियावी
 पशुमान्भवत्य व वा एष सुवर्गाल्लोकाच्छिद्यते यो
 दर्शपूर्णमासयाजी सन्नमावास्यां वा पौर्णमासीं वातिपादयति
 सुवर्गाय हि लोकाय दर्शपूर्णमासाविज्येतै वैश्वानुरं द्वादशकपालं
 निर्वपेदमावास्यां वा पौर्णमासीं वातिपाद्यं संवत्सरो वा
 अग्निर्वैश्वानुरः संवत्सरमेव प्रीणात्यथो संवत्सरमेवास्मा उप दधाति
 सुवर्गस्य लोकस्य समष्ट्या अथो देवता एवान्वारभ्य सुवर्गं
 लोकमेति वीरहा वा एष देवानां योऽग्निमुद्वासयते न वा एतस्य
 ब्राह्मणा ऋतायवः पुरान्नमक्षन्ना ग्रेयमष्टाकपालं निर्वपेद्वैश्वानुरं
 द्वादशकपालमग्निमुद्वासयिष्यन्त्यष्टाकपालो भवत्यष्टाक्षरा गायत्री
 गायत्रौऽग्निर्यावानेवाग्निस्तस्मा आतिथ्यं करोत्यथो यथा जनं
 यतैऽवसं करोति तादृगेव तद्द्वादशकपालो वैश्वानुरो भवति
 द्वादश मासाः संवत्सरः संवत्सरः खलु वा अग्रेयोनिः स्वामेवैनं
 योनिं गमयत्याद्यमस्यान्नंभवति वैश्वानुरं द्वादशकपालं
 निर्वपेन्मारुतं सप्तकपालं ग्रामकाम आहवनीये वैश्वानुरमधि
 श्रयति गार्हपत्ये मारुतम्पापवस्यस्य विधृत्यै द्वादशकपालो
 वैश्वानुरो भवति द्वादश मासाः संवत्सरः संवत्सरेणैवास्मै
 सजाताश्चयावयति मारुतो भवति मरुतो वै देवानां विशौ
 देवविशेनैवास्मै मनुष्यविशमव रुद्धे सप्तकपालो भवति सप्तगणा
 वै मरुतौ गणश एवास्मै सजातानव रुद्धेऽनूच्यमान आ सादयति
 विशमेवास्मा अनुवर्त्मानं करोति ॥५॥

आदित्यं चरुं निर्वपेत्संग्राममुपप्रयास्यन्नियं वा अदितिरस्यामेव पूर्वे

प्रति तिष्ठन्ति वैश्वानरं द्वादशकपालं निर्वपेदायतनं गत्वा संवत्सरो
वा अग्निर्वैश्वानरः

संवत्सुरः खलु वै देवानामायतनमेतस्माद्वा आयतनाद्देवा
असुरानजयन्त्यद्वैश्वानरं द्वादशकपालं निर्वपति देवानामेवायतने
यतते जयति तं संग्राममेतस्मिन्वा एतौ मृजाते ।१। यो
विद्विषाणयोरन्नमत्ति वैश्वानरं द्वादशकपालं निर्वपेद्विद्विषाणयोरन्नं
जग्ध्वा संवत्सरो वा अग्निर्वैश्वानरः संवत्सुरस्वदितमेवात्ति
नास्मिन्मृजाते संवत्सुराय वा एतौ सममाते यौ सममाते तयोर्यः
पूर्वोऽभिद्रुह्यति तं वरुणो गृह्णाति वैश्वानरं द्वादशकपालं
निर्वपेत्सममानयोः पूर्वोऽभिद्रुह्य
संवत्सुरो वा अग्निर्वैश्वानरः संवत्सुरमेवाप्त्वा निर्वरुणं परस्तादभि
द्रुह्यति नैनं वरुणो गृह्णात्याव्यं वा एष प्रति गृह्णाति
योऽविम्प्रतिगृह्णाति वैश्वानरं द्वादशकपालं निर्वपेदविम्प्रतिगृह्य
संवत्सुरो वा अग्निर्वैश्वानरः संवत्सुरस्वदितामेव प्रतिगृह्णाति
नाव्यम्प्रति गृह्णात्यात्मनो वा एष मात्रामाप्नोति य
उभयादत्प्रतिगृह्णात्यश्वं वा पुरुषं वा वैश्वानरं द्वादशकपालं
निर्वपेदुभयादत्प्रतिगृह्य संवत्सुरो वा अग्निर्वैश्वानरः
संवत्सुरस्वदितमेव प्रति गृह्णाति नात्मनो मात्रामाप्नोति वैश्वानरं
द्वादशकपालं निर्वपेत्सनिमेष्यन्त्संवत्सुरो वा अग्निर्वैश्वानरो यदा
खलु वै संवत्सरं जनतायां चरत्यथ स धनार्घो भवति यद्वैश्वानरं
द्वादशकपालं निर्वपति संवत्सुरसातामेव सनिमभि प्र च्यवते
दानकामा अस्मै प्रजा भवन्ति यो वै संवत्सरं प्रयुज्य न
विमुञ्चत्यप्रतिष्ठानो वै स भवत्येतमेव वैश्वानरम्पुनरागत्य
निर्वपेद्यमेव प्रयुङ्क्ते तम्भागधेयेन वि मुञ्चति प्रतिष्ठित्यै यया
रज्ज्वोत्तमां गामाजेताम्भ्रातृव्याय प्र हिणुयान्निर्ऋतिमेवास्मै प्र
हिणोति ॥६॥

ऐन्द्रं चरुं निर्वपेत्पशुकाम ऐन्द्रा वै पशव इन्द्रमेव स्वेन भागधेयेनोप
धावति

स एवास्मै पशून्प्र यच्छति पशुमानेव भवति चरुर्भवति स्वादेवास्मै
योनेः पशून्प्र जनयतीन्द्रायेन्द्रियावते पुरोडाशमेकादशकपालं

निर्वपेत्पशुकाम इन्द्रियं वै पशव इन्द्रमेवेन्द्रियावन्तु॑ स्वेन

भागधेयेनोप धावति स एवास्मा इन्द्रियम्पशून्प्र यच्छति पशुमानेव
भवतीन्द्राय घर्मवते पुरोडाशमेकादशकपालं

निर्वपेद्ब्रह्मवर्चसकामो ब्रह्मवर्चसं वै घर्म इन्द्रमेव घर्मवन्तु॑ स्वेन
भागधेयेनोप धावति स एवास्मिन्ब्रह्मवर्चसं दधाति ब्रह्मवर्चस्यैव

भवतीन्द्रायार्कवते पुरोडाशमेकादशकपालं निर्वपेदन्नकामोऽर्को वै
देवानामन्नमिन्द्रमेवार्कवन्तु॑ स्वेन भागधेयेनोप धावति स

एवास्मा अन्नम्प्र यच्छत्यन्नाद एव भवतीन्द्राय घर्मवते

पुरोडाशमेकादशकपालं निर्वपेदिन्द्रायेन्द्रियावत इन्द्रायार्कवते

भूतिकामो यदिन्द्राय घर्मवते निर्वपति शिर एवास्य तेन करोति

यदिन्द्रायेन्द्रियावत आत्मानमेवास्य तेन करोति यदिन्द्रायार्कवते

भूत एवान्नाद्ये प्रति तिष्ठति भवत्येवेन्द्राया॑ होमुचै

पुरोडाशमेकादशकपालं निर्वपेद्यः पाप्मना गृहीतः स्यात्पाप्मा वा

अ॑ह इन्द्रमेवा॑ होमुच॑ स्वेन भागधेयेनोप धावति स

एवैनम्पाप्मनोऽहसो मुञ्चतीन्द्राय वैमृधाय पुरोडाशमेकादशकपालं

निर्वपेद्यम्मृधोऽभि प्रवेपैरन्नाष्ट्राणि वाभि समियुरिन्द्रमेव वैमृध॑

स्वेन भागधेयेनोप धावति स एवास्मान्मृधोऽप हन्तीन्द्राय त्रात्रे

पुरोडाशमेकादशकपालं निर्वपेद्वद्धो वा परियत्तो वेन्द्रमेव त्रातार॑

स्वेन भागधेयेनोप धावति स एवैनं त्रायत इन्द्रायार्काश्वमेधवते

पुरोडाशमेकादशकपालं निर्वपेद्यम्महायज्ञो नोपनमेदेते वै

महायज्ञस्यान्त्यै तनू यदर्काश्वमेधाविन्द्रमेवार्काश्वमेधवन्तु॑ स्वेन

भाग॒धेये॒नोप॑ धाव॒ति स॒ ए॒वास्मा॑ अ॒न्त॒तो म॑हाय॒ज्ञं च्या॑वयत्यु॒पैनं॑
महाय॒ज्ञो न॑मति ॥७॥

इन्द्रा॒यान्वृ॑जवे पु॒रोडा॑श॒मेका॑दशकपालं निर्व॒पेद्ग्रा॑म॒काम॑
इन्द्र॑मे॒वान्वृ॑जुं॒ स्वेन॑ भाग॒धेये॒नोप॑ धाव॒ति स॒ ए॒वास्मै॑
सजा॒ताननु॑कान्करोति ग्रा॒म्यैव॑ भव॒ती न्द्रा॒ण्यै च॒रुं निर्व॑पेद्यस्य
सेना॑सं॒ शिते॒व स्या॑दिन्द्रा॒णी वै सेना॑यै दे॒वते॑न्द्रा॒णीमे॒व स्वेन॑
भाग॒धेये॒नोप॑ धाव॒ति सै॒वास्य॑ सेना॒ सं श्य॑ति ब॒ल्वंजा॑नपी॒ध्मे
सं न॑ह्येद्वैर्यत्राधिष्क॒न्ना न्यमे॑ह॒त्ततो॑ ब॒ल्वंजा॑ उ॒दति॑ष्ठ॒न्गवा॑मे॒वैनं॑
न्या॒यम॑पिनीय॒ गा वे॑दय॒तीन्द्रा॑य म॒न्युम॑ते म॒नस्व॑ते
पु॒रोडा॑श॒मेका॑दशकपालं निर्व॒पेत्संग्रा॑मे संय॒त्त इन्द्रि॑येण॒ वै म॒न्युना॑
म॒नसा॑ संग्रा॒मं ज॑य॒तीन्द्र॑मे॒व म॒न्युम॑न्त॒म्मन॑स्वन्तुं॒ स्वेन॑ भाग॒धेये॒नोप॑
धाव॒ति स॒ ए॒वास्मि॑न्निन्द्रि॒यम्न्यु॑म्मनो॒ दधा॑ति जय॒ति तं
संग्रा॑ममे॒ तामे॒व निर्व॑पेद्यो ह॒तम॑नाः स्व॒यम्पा॑प इ॒व स्या॑दे॒तानि॒ हि
वा ए॒तस्मा॑द॒पक्रा॑न्ता॒न्यथै॑ष ह॒तम॑नाः स्व॒यम्पा॑प इन्द्र॑मे॒व
म॒न्युम॑न्त॒म्मन॑स्वन्तुं॒ स्वेन॑ भाग॒धेये॒नोप॑ धाव॒ति स॒
ए॒वास्मि॑न्निन्द्रि॒यम्न्यु॑म्मनो॒ दधा॑ति न ह॒तम॑नाः स्व॒यम्पा॑पो
भव॒ती न्द्रा॑य द॒ात्रे पु॒रोडा॑श॒मेका॑दशकपालं निर्व॒पेद्यः॑ क॒ामये॑त
दान॑कामा मे प्र॒जाः स्यु॒रितीन्द्र॑मे॒व द॒ातारुं॒ स्वेन॑ भाग॒धेये॒नोप॑
धाव॒ति स॒ ए॒वास्मै॑ दान॑कामाः प्र॒जाः करो॑ति दान॑कामा अ॒स्मै प्र॒जा
भव॑न्ती न्द्रा॑य प्र॒दात्रे पु॒रोडा॑श॒मेका॑दशकपालं निर्व॒पेद्यस्मै॑ प्र॒त्तमि॒व
सन्न॑ प्र॒दीये॑तेन्द्र॑मे॒व प्र॒दातारुं॒ स्वेन॑ भाग॒धेये॒नोप॑ धाव॒ति स॒ ए॒वास्मै॑
प्र दा॑पय॒तीन्द्रा॑य सु॒त्राम्णै॑ पु॒रोडा॑श॒मेका॑दशकपालं निर्व॒पेद॒परु॑द्धो
वाप॑रु॒ध्यमा॑नो वेन्द्र॑मे॒व सु॒त्रामा॑णुं॒ स्वेन॑ भाग॒धेये॒नोप॑ धाव॒ति स॒
ए॒वैनं॑ त्राय॑तेऽन॒परु॑ध्यो भव॒तीन्द्रो॑ वै स॒दृइ॑दे॒वता॑भिरासी॒त्स न
व्या॑वृ॒तम॑गच्छ॒त्स प्र॒जाप॑तिमु॒पाधा॑व॒त्तस्मा॑ ए॒तमै॑न्द्र॒मेका॑दशकपालं

निरवपुत्तेनैवास्मिन्निन्द्रियमदधाच्छक्वरी याज्यानुवाक्यै अकरोद्वज्रो
 वै शक्वरी स एनं वज्रो भूत्या ऐन्द्र सौऽभवत्सौऽबिभेदूतः प्र मा
 धक्ष्यतीति स प्रजापतिम्पुनरुपाधावत्स प्रजापतिः शक्वर्या अधि
 रेवतीं निरमिमीत शान्त्या अप्रदाहाय योऽलं५ श्रियै
 सन्त्सदृङ्क्षसमानैः स्यात्तस्मा एतमैन्द्रमेकादशकपालं निर्वपेदिन्द्रमेव
 स्वेन भागधेयेनोप धावति स एवास्मिन्निन्द्रियं दधाति रेवती
 पुरोऽनुवाक्या भवति शान्त्या अप्रदाहाय शक्वरी याज्या वज्रो वै
 शक्वरी स एनं वज्रो भूत्या इन्द्रे भवत्येव ॥८॥

आग्रावैष्णवमेकादशकपालं निर्वपेदभिचरन्त्सरस्वत्याज्यभागा
 स्याद्बार्हस्पत्यश्चर्यदाग्रावैष्णव एकादशकपालो भवत्यग्निः सर्वा
 देवता विष्णुर्यज्ञो देवताभिश्चैवैनं यज्ञेन चाभि चरति
 सरस्वत्याज्यभागा भवति वाग्वै सरस्वती वाचैवैनमभि चरति
 बार्हस्पत्यश्चरुर्भवति ब्रह्म वै देवानाम्बृहस्पतिर्ब्रह्मणैवैनमभि चरति
 प्रति वै परस्तादभिचरन्तमभि चरन्ति द्वेद्वे पुरोऽनुवाक्यै कुर्यादति
 प्रयुक्त्या एतयैव यजेताभिचर्यमाणो देवताभिरेव देवताः प्रतिचरति
 यज्ञेन यज्ञं वाचा वाचम्ब्रह्मणा ब्रह्म स देवताश्चैव यज्ञं च मध्यतो
 व्यवसर्पति तस्य न कुतश्चनोपाव्याधो भवति
 नैनमभिचरन्तस्तृणत आग्रावैष्णवमेकादशकपालं निर्वपेद्यं यज्ञो
 नो पुनमैदग्निः सर्वा देवता विष्णुर्यज्ञोऽग्निं चैव विष्णुं च स्वेन
 भागधेयेनोप धावति तावेवास्मै यज्ञम्प्र यच्छत उपैनं यज्ञो
 नमत्या ग्रावैष्णवं घृते चरुं निर्वपेच्चक्षुष्कामोऽग्नेर्वै चक्षुषा मनुष्या
 वि पश्यन्ति यज्ञस्य देवा अग्निं चैव विष्णुं च स्वेन भागधेयेनोप
 धावति तावेवा स्मिञ्चक्षुर्धत्तश्चक्षुष्मानेव भवति धेन्वै वा एतद्रेतो
 यदाज्यमनुडुहस्तण्डुला मिथुनादेवास्मै चक्षुः प्र जनयति घृते
 भवति तेजो वै घृतं तेजश्चक्षुस्तेजसैवास्मै तेजश्चक्षुरव रुद्ध इन्द्रियं वै

वीर्यं वृद्धे भ्रातृव्यो यजमानोऽयजमानस्याध्वरकल्पाम्प्रति
 निर्वपेद्भ्रातृव्ये यजमाने नास्यैन्द्रियं वीर्यं वृद्धे पुरा वाचः
 प्रवदितोर्निर्वपेद्यावत्येव वाक्तामप्रौदिताम्भ्रातृव्यस्य वृद्धे तामस्य
 वाचम्प्रवदन्तीमुन्या वाचोऽनु प्र वदन्ति ता इन्द्रियं वीर्यं यजमाने
 दधत्या ग्रावैष्णवमुष्टाकपालं निर्वपेत्प्रातःसवनस्याकाले
 सरस्वत्याज्यभागा स्याद्बार्हस्पत्यश्चरुयदुष्टाकपालो भवत्यष्टाक्षरा
 गायत्री गायत्रम्प्रातःसवनम्प्रातःसवनमेव
 तेनाप्रोत्या ग्रावैष्णवमेकादशकपालं निर्वपेन्माध्यन्दिनस्य
 सवनस्याकाले सरस्वत्याज्यभागा
 स्याद्बार्हस्पत्यश्चरुयदेकादशकपालो भवत्येकादशाक्षरा
 त्रिष्टुप्त्रैष्टुभम्माध्यन्दिनं सवनम्माध्यन्दिनमेव सवनं
 तेनाप्रोत्याग्रावैष्णवं द्वादशकपालं निर्वपेत्तृतीयसवनस्याकाले
 सरस्वत्याज्यभागा स्याद्बार्हस्पत्यश्चरुयद्द्वादशकपालो भवति
 द्वादशाक्षरा जगती जागतं तृतीयसवनं तृतीयसवनमेव तेनाप्रोति
 देवताभिरेव देवताः प्रतिचरति यज्ञेन यज्ञं वाचा वाचम्ब्रह्मणा ब्रह्म
 कपालैरेव च्छन्दाँस्याप्रोति पुरोडाशैः सर्वनानि
 मैत्रावरुणमेककपालं निर्वपेद्दशायै काले यैवासौ भ्रातृव्यस्य
 वृशानूबन्ध्या सो एवैषैतस्यैककपालो भवति न हि कपालैः
 पशुमर्हत्याप्तुम् ॥६॥

असावादित्यो न व्यरोचत तस्मै देवाः प्रायश्चित्तिमैच्छन्तस्मा एतं
 सौमारौद्रं चरुं निर्वपन्तेनैवास्मिन्नुचमदधुर्यो ब्रह्मवर्चसकामः
 स्यात्तस्मा एतं सौमारौद्रं चरुं निर्वपेत्सोमं चैव रुद्रं च स्वेन
 भागधेयेनोप धावति तावेवास्मिन्ब्रह्मवर्चसं धत्तो ब्रह्मवर्चस्यैव
 भवति तिष्यापूर्णमासे निर्वपेद्द्रो वै तिष्यः सोमः पूर्णमासः
 साक्षादेव ब्रह्मवर्चसमव रुद्धे परिश्रिते याजयति ब्रह्मवर्चसस्य

परिगृहीत्यै श्वेतायै श्वेतवत्सायै दुग्धमथितमाज्यं
 भवत्याज्यम्प्रोक्षणाज्येन मार्जयन्ते यावदेव ब्रह्मवर्चसं तत्सर्वं
 करोत्यति ब्रह्मवर्चसं क्रियत इत्याहुरीश्वरो दुश्चर्मा भवितोरिति
 मानवी ऋचौ धार्य्यै कुर्याद्यद्वै किं च मनुरवदत्तद्भैषजं भैषजमेवास्मै
 करोति यदि बिभीयादुश्चर्मा भविष्यामीति सोमापौष्णं चरुं
 निर्वपेत्सौम्यो वै देवतया पुरुषः पौष्णाः पशवः स्वयैवास्मै देवतया
 पशुभिस्त्वचं करोति न दुश्चर्मा भवति सोमारौरुद्रं चरुं
 निर्वपेत्प्रजाकामः सोमो वै रेतोधा अग्निः प्रजानाम्प्रजनयिता सोमं
 एवास्मै रेतो दधात्यग्निः प्रजाम्प्र जनयति विन्दते प्रजां सौमारौरुद्रं
 चरुं निर्वपेदभिचरन्त्सौम्यो वै देवतया पुरुष एष रुद्रो यदग्निः स्वाया
 एवैनं देवतायै निष्क्रीय रुद्रायापि दधाति ताजगार्तिमाच्छति
 सोमारौरुद्रं चरुं निर्वपेज्ज्योगामयावी सोमं वा एतस्य रसो
 गच्छत्यग्निं शरीरं यस्य ज्योगामयति सोमादेवास्य रसं
 निष्क्रीणात्यग्नेः शरीरमुत यदी तासुर्भवति जीवत्येव सौमारुद्रयोर्वा
 एतं ग्रसितं होता निष्विदति स ईश्वर आर्तिमार्तोरनुड्वान्होत्रा देयो
 वह्निर्वा अनुड्वान्वह्निर्होता वह्निर्नैव वह्निमात्मानं स्पृणोति
 सोमारौरुद्रं चरुं निर्वपेद्यः कामयेत स्वैऽस्मा आयतने भ्रातृव्यं
 जनयेयमिति वेदिम्परिगृह्यार्धमुद्धन्यादुर्ध्वं नार्धम्बर्हिषः स्तृणीयादुर्ध्वं
 नार्धमिध्मस्याभ्यादुध्यादुर्ध्वं न स्व एवास्मा आयतने भ्रातृव्यं
 जनयति ॥१०॥

ऐन्द्रमेकादशकपालं निर्वपेन्मारुतं सप्तकपालं ग्रामकाम इन्द्रं चैव
 मरुतं च स्वेन भागधेयेनोप धावति त एवास्मै सजातान्प्र यच्छन्ति
 ग्राम्यैव भवत्याहवनीय ऐन्द्रमधि श्रयति गार्हपत्ये मारुतं
 पापवस्यसस्य विधृत्यै सप्तकपालो मारुतो भवति सप्तगणा वै
 मरुतौ गणश एवास्मै सजातानव रुद्धेऽनूच्यमान आ सादयति

विशमेवा स्मा अनुवर्त्मानं करोत्ये तामेव निर्वपेद्यः कामयेत
 क्षत्राय च विशे च समदं दध्यामित्यैन्द्रस्यावद्यन्ब्रूयादिन्द्रायानु
 ब्रूहीत्याश्राव्यं ब्रूयान्मरुतो यजेति मारुतस्यावद्यन्ब्रूयान्मरुद्भ्योऽनु
 ब्रूहीत्याश्राव्यं ब्रूयादिन्द्रं यजेति
 स्व एवैभ्यो भागुधेये समदं दधाति वितृँहाणास्तिष्ठन्त्ये तामेव
 निर्वपेद्यः कामयेत कल्पैरन्निति यथादेवतमवदाय यथादेवतं
 यजेद्भागुधेयेनैवैनान्यथायुथं कल्पयति कल्पन्त
 एवैन्द्रमेकादशकपालं निर्वपेद्वैश्वदेवं द्वादशकपालं ग्रामकाम इन्द्रं
 चैव विश्वाँश्च देवान्स्वेन भागुधेयेनोप धावति त एवास्मै
 सजातान्प्र यच्छन्ति ग्राम्यैव भवत्यैन्द्रस्यावदाय वैश्वदेवस्याव
 द्येदथैन्द्रस्यो परिष्ठादिन्द्रियेणैवास्मा उभयतः सजातान्परि
 गृह्णात्युपाधाय्यपूर्वयं वासो दक्षिणा सजातानामुपहित्यै पृश्निन्यै
 दुग्धे प्रियंगवं चरुं निर्वपेन्मरुद्भ्यो ग्रामकामः
 पृश्निन्यै वै पर्यसो मरुतो जाताः पृश्निन्यै प्रियंगवो मारुताः खलु वै
 देवतया सजाता मरुत एव स्वेन भागुधेयेनोप धावति त एवास्मै
 सजातान्प्र यच्छन्ति ग्राम्यैव भवति प्रियवती याज्यानुवाक्यै भवतः
 प्रियमेवैनँ समानानां करोति
 द्विपदा पुरोऽनुवाक्या भवति द्विपद एवाव रुद्धे चतुष्पदा याज्या
 चतुष्पद एव पशूनव रुद्धे देवासुराः संयत्ता आसन्ते देवा मिथो
 विप्रिया आसन्तैऽन्योऽन्यस्मै ज्यैष्ठ्यायातिष्ठमानाश्चतुर्धा
 व्यक्रामन्नग्निर्वसुभिः सोमो रुद्रैरिन्द्रो मरुद्भिर्वरुण आदित्यैः स इन्द्रः
 प्रजापतिमुपाधावत्त मेतया संज्ञान्यायाजयेदग्रये वसुमते
 पुरोडाशमष्टाकपालं निर्वपत्सोमाय रुद्रवते चरुमिन्द्राय मरुत्वते
 पुरोडाशमेकादशकपालं वरुणायादित्यवते चरुं ततो वा इन्द्रं देवा
 ज्यैष्ठ्यायाभि समजानत यः समनैर्मिथो विप्रियः स्यात्तमेतया
 संज्ञान्या याजयेदग्रये वसुमते पुरोडाशमष्टाकपालं निर्वपेत्सोमाय

रुद्रवते चरुमिन्द्राय मरुत्वते पुरोडाशमेकादशकपालं
वरुणाया दित्यवते चरुमिन्द्रमेवैनम्भूतं ज्यैष्ठ्याय समाना अभि सं
जानते वसिष्ठः समानानाम्भवति ॥११॥

हिरण्यगर्भं । आपौ ह यत् ।

प्रजापते ॥

स वेद पुत्रः पितरं स मातरं स सूनुर्भुवत्स भुवत्पुनर्मघः । स
द्यामौर्णोदन्तरिक्षं स सुवः स विश्वा भुवो अभवत्स आभवत् ॥

उदु त्यं चित्रम् ॥

स प्रब्रवन्नवीयसाग्रे द्युम्नेन संयता । बृहत्ततन्थ भानुना ॥

नि काव्या वेधसः शश्वतस्कृहस्ते दधानो नर्या पुरुणि ।

अग्निर्भुवद्रयिपती रयीणां सत्रा चक्राणो अमृतानि विश्वा ॥

हिरण्यपाणिमूतये सवितारमुप ह्वये । स चेत्ता देवता पदम् ॥

वाममद्य सवितर्वाममु श्वो दिवेदिवे वाममस्मभ्यं सावीः ।

वामस्य हि क्षयस्य देव भूररया धिया वामभार्जः स्याम ॥

बडित्था पर्वतानां खिद्रम्बिभर्षि पृथिवि । प्र या भूमि प्रवत्वति

मृह्ना जिनोषि महिनि ॥ स्तोमांसस्त्वा विचारिणि प्रति

ष्टोभन्त्यक्तुभिः । प्र या वाजं न हेषन्तम्पेरुमस्यस्यर्जुनि ॥

ऋदूदरेण सख्या सचेय यो मा न रिष्येद्धर्यश्च पीतः । अयं यः

सोमो न्यधाय्यस्मे तस्मा इन्द्रम्प्रतिरमेम्यच्छ ॥

आपान्तमन्युस्तृपलप्रभर्मा धुनिः शिमीवाञ्छरुमां ऋजीषी । सोमो

विश्वान्यतसा वनानि नार्वागिन्द्रम्प्रतिमानानि देभुः ॥

प्र सुवानः सोमं ऋतयुश्चिकेतेन्द्राय ब्रह्म जमदग्निरर्चन् । वृषा

यन्तासि शर्वसस्तुरस्यान्तर्यच्छ गृणते धूर्त्रं दृह ॥

सुबाधस्ते मदं च शुष्मयं च ब्रह्म नरो ब्रह्मकृतः सपर्यन् । अर्को वा

यत्तुरते सोमचक्षास्तत्रेदिन्द्रो दधते पृत्सु तुर्याम् ॥

वर्षट्ते विष्णवा॒स आ कृ॑णोमि॒ तन्मे॑ जुषस्व शिपिविष्ट ह॒व्यम् ।
वर्ध॑न्तु त्वा सुष्टुतयो गिरौ मे यूयम्पात स्व॒स्तिभिः॑ सदा नः ॥
प्र तत्तै॑ अ॒द्य शि॑पिविष्ट नामा॒र्यः शं॑सामि व॒युनानि॑ वि॒द्वान् । तं
त्वा गृ॑णामि त॒व स॒मर्त॑वीयान्क्षयन्तम॒स्य रज॑सः प॒राके ॥
किमि॑तै विष्णो प॒रिचक्ष्य॑म्भू॒त्र यद्व॑व॒क्षे शि॑पिविष्टो अ॒स्मि । मा
वर्पो॑ अ॒स्मदप॑ गूह ए॒तद्यद॑न्यरूपः स॒मिथे ब॒भूथ ॥
अग्ने॑ दा दा॒शुषे॑ र॒यिं वी॒रव॑न्त॒म्परी॑णसम् । शि॒शीहि॑ नः स॒नुम॑तः ॥
दा नो॑ अग्ने श॒तिनो॑ दाः स॒हस्रि॑णो दुरो न वाज॑श्च॒ श्रुत्या॑ अपो वृ॒धि
। प्राची॑ द्यावा॒पृथि॒वी ब्र॑ह्म॒णा कृ॒धि सुव॑र्ण शु॒क्रमु॒षसो॑ वि दि॒द्युतुः
॥

अ॒ग्निर्दा॑ द्रवि॒णं वी॒रपै॑शा अ॒ग्निर्ऋ॑षिं यः स॒हस्रा॑ स॒नोति॑ ।
अ॒ग्निर्दिवि॑ ह॒व्यमा॑ त॒ताना॒ग्नेर्धा॑मानि विभृ॒ता पु॒त्रा ॥
मा नो॑ म॒र्धीरा॑ तू भ॒र ॥
घृ॒तं न पू॑तं त॒नूरै॒पाः शुचि॑ हि॒रण्य॑म् । तत्तै॑ रु॒क्मो न रौ॑चत
स्वधा॑वः
उ॒भे सु॒श्वन्द्र॑ स॒र्पिषो॑ द॒र्वी श्री॑णीष आ॒सनि॑ । उ॒तो न॒ उत्पु॑र्या
उ॒क्थेषु॑ शवसस्प॒त इष॑श्च॒ स्तोतृ॑भ्य आ भ॒र ॥
वा॒यो श॒तश्च॑ ह॒रीणां॑ युवस्व॒ पोष्या॑नाम् । उ॒त वा॑ ते स॒हस्रि॑णो रथ॒
आ या॑तु पा॒जसा॑ ॥
प्र या॒भिर्या॑सि दा॒श्वाश्च॑ स॒मच्छा॑ नि॒युद्धि॑र्वायविष्टये दुरो॒णे । नि नो॑
र॒यिश्च॑ सु॒भोज॑सं युवे॒ह नि वी॒रव॑द्भ॒व्यम॑श्चि॒यं च॒ राधः॑ ॥
रे॒वती॑र्नः सध॒माद् इ॒न्द्रे स॑न्तु तु॒विवा॑जाः । क्षु॒मन्तो॑ या॒भिर्म॑द॒म ॥
रे॒वाश्च॑ इ॒द्रेव॑तः स्तो॒ता स्या॑त्त्वाव॒तो म॒घोनः॑ । प्रेदु॑ हरि॒वः श्रु॑तस्य
॥१२॥

इति द्वितीयकाण्डे द्वितीयः प्रपाठकः ॥२॥

अथ द्वितीयकारण्डे तृतीयः प्रपाठकः

आदित्येभ्यो भुवद्वद्भ्यश्चरुं निर्वपेदूर्तिकाम आदित्या वा एतम्भूत्यै
 प्रति नुदन्ते यो ऽलम्भूत्यै सन्भूतिं न प्राप्नोत्यादित्यानेव भुवद्वतः
 स्वेन भागुधेयेनोप धावति
 त एवैनम्भूतिं गमयन्ति भवत्येवा दित्येभ्यो धारयद्वद्भ्यश्चरुं
 निर्वपेदपरुद्धो वापरुध्यमानो वादित्या वा अपरोद्धार आदित्या
 अवगमयितार आदित्यानेव धारयद्वतःस्वेन भागुधेयेनोप धावति त
 एवैनं विशि दाधत्यनपरुध्यो भवत्य दितेऽनु
 मन्यस्वेत्यपरुध्यमानोऽस्य पदमा देदीतेयं वा अदितिरियमेवास्मै
 राज्यमनु मन्यते सत्याशीरित्याह सत्यामेवाशिषं कुरुत इह मनु
 इत्याह प्रजा एवास्मै समनसः करोत्यु प प्रेत मरुतः सुदानव एना
 विशपतिनाभ्यमुं राजानमित्याह मारुती वै विड्येष्टो
 विशपतिर्विशैवैनं राष्ट्रेण समर्धयति यः पुरस्ताद्ग्राम्यवादी
 स्यात्तस्य गृहाद्व्रीहीना हरिच्छुक्लांश्च कृष्णांश्च वि चिनुयाद्ये
 शुक्लाः स्युस्तमादित्यं चरुं निर्वपेदादित्या वै देवतया
 विड्विशमेवाव गच्छत्यवगतास्य विडनवगतं राष्ट्रमित्याहुर्ये
 कृष्णाः स्युस्तम्वारुणं चरुं निर्वपेद्वारुणं वै राष्ट्रमुभे एव विश च राष्ट्रं
 चाव गच्छति यदि नावगच्छेदिममहमादित्येभ्यो भागं
 निर्वपाम्यामुष्मादमुष्यै विशोऽवगन्तोरिति निर्वपेदादित्या
 एवैनम्भागुधेयम्प्रेप्सन्तो विशमव गमयन्ति यदि
 नावगच्छेदाश्चथान्मयूखान्त्सप्त मध्यमेषायामुप
 हन्यादिदमहमादित्यान्बध्नाम्यामुष्मादमुष्यै
 विशोऽवगन्तोरित्यादित्या एवैनम्बद्धवीरा विशमव गमयन्ति यदि
 नावगच्छेदेतमेवादित्यं चरुं निर्वपेदिध्मेऽपि मयूखान्त्सं
 नह्येदनपरुध्यमेवाव गच्छत्याश्चथ भवन्ति मरुतां वा एत दोजो
 यदश्चथ ओजसैव विशमव गच्छति सप्त भवन्ति सप्तगणा वै मरुतो

गणश एव विशमव गच्छति ॥१॥

देवा वै मृत्योरबिभयुस्ते प्रजापतिमुपाधावन्तेभ्य एताम्प्राजापत्यां
 शतकृष्णलां निर्वपत्तयैवैष्वमृतमदधा द्यो मृत्योर्बिभीयात्तस्मा
 एताम्प्राजापत्यां शतकृष्णलां निर्वपेत्प्रजापतिमेव स्वेन
 भागधेयेनोप धावति स एवास्मिन्नायुर्दधाति
 सर्वमायुरेति शतकृष्णला भवति शतायुः पुरुषः शतेन्द्रिय
 आयुष्येवेन्द्रिये प्रति तिष्ठति घृते भवत्यायुर्वै घृतममृतं
 हिरण्यमायुश्चैवास्मा अमृतं च समीचीं दधाति चत्वारिचत्वारि
 कृष्णलान्यव द्यति चतुरवृत्तस्याप्तया एकधा ब्रह्मण उप हरत्येकधैव
 यजमान आयुर्दधात्य सावादित्यो न व्यरोचत
 तस्मै देवाः प्रार्थश्चित्तिमैच्छन्तस्मा एतं सौर्यं चरुं
 निर्वपन्तेनैवास्मिन्नुचमदधुर्यो ब्रह्मवर्चसकामः स्यात्तस्मा एतं
 सौर्यं चरुं निर्वपेदमुमेवादित्यं स्वेन भागधेयेनोप धावति स
 एवास्मिन्ब्रह्मवर्चसं दधाति ब्रह्मवर्चस्यैव भवत्यु भयतौ रुक्मौ
 भवत उभयत एवास्मिन्नुचं दधाति प्रयाजेप्रयाजे कृष्णलं जुहोति
 दिग्भ्य एवास्मै ब्रह्मवर्चसमव रुद्ध आग्नेयमष्टार्कपालं
 निर्वपेत्सावित्रं द्वादशकपालभूम्यै ।३। चरुं यः कामयेत हिरण्यं
 विन्देय हिरण्यम्मोप नमेदिति
 यदाग्नेयो भवत्याग्नेयं वै हिरण्यं यस्यैव हिरण्यं तेनैवैनद्विन्दते
 सावित्रो भवति सवितृप्रसूत एवैनद्विन्दते भूम्यै
 चरुर्भवत्यस्यामेवैनद्विन्दत उपैतं हिरण्यं नमति
 वि वा एष इन्द्रियेण वीर्येण ध्यते यो हिरण्यं विन्दत एतामेव
 निर्वपेद्धिरण्यं वित्त्वा नेन्द्रियेण वीर्येण व्यध्यत एतामेव निर्वपेद्यस्य
 हिरण्यं नश्येद्यदाग्नेयो भवत्याग्नेयं वै हिरण्यं यस्यैव हिरण्यं
 तेनैवैनद्विन्दति सावित्रो भवति सवितृप्रसूत एवैनद्विन्दति भूम्यै

च॒रुर्भ॑वत्य॒स्यां वा ए॒तन्न॑श्यति॒ यन्न॑श्यत्य॒स्यामे॒वैन॑द्विन्द॒ती न्द्रः॑ त्वष्टुः
 सोम॑मभीष॒हापि॑त्स विष्व॒ङ्वा॒र्च्छत्स॑ इन्द्रि॒येण॑ सोम॒पीथे॑न
 व्या॑र्ध्यत॒ स यदू॑र्ध्वमुद॒र्वमी॑त्ते श्या॒माका॑ अभव॒न्त्स
 प्र॒जाप॑तिमुपा॒धाव॑त्तस्मा॒ एत॑ꣳ सौमेन्द्र॑ꣳ श्या॒माकं॑
 च॒रुमि॑रव॒पत्ते॑नै॒वास्मि॑न्निन्द्रि॒यꣳ सौम॑पी॒थम॑दधा॒ द्वि वा ए॒ष
 इन्द्रि॒येण॑ सोम॒पीथे॑न॒र्ध्यते॑ यः सोमं॑ वमि॒ति यः सौम॑वा॒मी स्या॑त्तस्मा॒
 ।६। एत॑ꣳ सौमेन्द्र॑ꣳ श्या॒माकं॑ च॒रुं निर्व॑पेत्सोमं॑ चै॒वेन्द्रं॑ च॒ स्वेन॑
 भाग॑धेये॒नोप॑ धावति॒ तावे॑वास्मि॑न्निन्द्रि॒यꣳ सौम॑पी॒थं ध॑त्तो
 नेन्द्रि॒येण॑ सोम॒पीथे॑न॒ व्य॑ध्यते॒ यत्सौ॑म्यो भव॑ति सोम॒पीथ॑मे॒वाव॑ रु॒द्धे
 यदै॒न्द्रो भव॑तीन्द्रि॒यं वै सौम॑पी॒थ इन्द्रि॒यमे॒व सौम॑पी॒थम॑व॒ रुद्धे॑
 श्या॒माको॑ भवत्येष॒ वाव॑ स सोमः॑ सा॒क्षादे॒व सौम॑पी॒थम॑व॒
 रुद्धे॑ऽग्नये॒ दा॒त्रे पु॒रोडा॑शम॒ष्टाक॑पालं॒ निर्व॑पेदिन्द्रा॒य प्र॑दा॒त्रे
 पु॒रोडा॑शमेका॒दश॑कपालम्प॒शुकामो॑ऽग्निरे॒वास्मै॑ प॒शून्प्र॑ज॒नय॑ति
 वृ॒द्धानि॒न्द्रः प्र॑ यच्छति॒ दधि॑ मधु॒ घृत॑मापो॒ धाना॑ भव॒न्त्येत॑द्वै प॒शूनाꣳ
 रूपꣳ

रूपे॒णैव॑ प॒शून॑व॒ रुद्धे॑ पञ्चगृहीतम्भवति॒ पाङ्गा॒ हि प॒शवौ॑
 ब॒हुरू॒पम्भव॑ति

ब॒हुरू॒पा हि प॒शवः॑ समृ॒ध्यै प्रा॒जाप॑त्यम्भवति प्रा॒जाप॑त्या॒ वै प॒शवः॑
 प्र॒जाप॑तिरे॒वास्मै॑ प॒शून्प्र॑ ज॒नय॑त्या॒ त्मा वै पु॒रुष॑स्य॒ मधु॑
 यन्म॑ध्व॒ग्नौ जु॑होत्या॒त्मान॑मे॒व तद्य॑ज॒मानो॑ऽग्नौ प्र॒ द॑धाति॒ पङ्क॑चौ
 या॒ज्यानु॑वा॒क्यै भव॑तः॒ पाङ्गः॑ पु॒रुषः॑ पाङ्गाः॒ प॒शव॑ आ॒त्मान॑मे॒व
 मृ॒त्योर्नि॑ष्क्रीय॒ प॒शून॑व॒ रुद्धे॑ ॥ २॥

दे॒वा वै स॒त्रमा॑स॒तर्द्धि॑परिमितं॒ यश॑स्कामा॒स्तेषाꣳ सोम॑ꣳ राजा॑नं
 यश॑ आ॒र्च्छत्स॑ गि॒रिमु॑दै॒त्तम॒ग्निर॑नूदै॒त्ताव॒ग्रीषो॑मौ॒ सम॑भवतां॒ तावि॑न्द्रौ
 य॒ज्ञवि॑भ्र॒ष्टोऽनु॑ प॒रैत्ता॑व॒ब्रवी॑द्या॒जय॑त॒म्मेति॑ तस्मा॒ एता॑मिष्टिं

निर्वपतामाग्नेयमुष्टार्कपालमैन्द्रमेकादशकपालं सौम्यं चरुं
 तयैवास्मिन्तेज इन्द्रियम्ब्रह्मवर्चसमधत्तां यो यज्ञविभ्रष्टः स्यात्तस्मा
 एतामिष्टिं निर्वपेदामग्नेयमुष्टार्कपालमैन्द्रमेकादशकपालं सौम्यं चरुं
 यदाग्नेयो भवति तेज एवास्मिन्तेन दधाति यदैन्द्रो
 भवतीन्द्रियमेवास्मिन्तेन दधाति यत्सौम्यो ब्रह्मवर्चसं तेनाग्नेयस्य
 च सौम्यस्य चैन्द्रे समाश्लेषयेत्तेजश्चैवास्मिन्ब्रह्मवर्चसं च समीची
 दधात्यग्नीषोमीयमेकादशकपालं निर्वपेद्यं कामो नोपनमेदाग्नेयो वै
 ब्राह्मणः

स सोमम्पिबति स्वामेव देवतां स्वेन भागधेयेनोप धावति सैवैनं
 कामेन समर्धयत्युपैनं कामौ नमत्यग्नीषोमीयमुष्टार्कपालं
 निर्वपेद्ब्रह्मवर्चसकामोऽग्नीषोमावेव स्वेन भागधेयेनोप धावति
 तावेवास्मिन्ब्रह्मवर्चसं धत्तो ब्रह्मवर्चस्यैव भवति
 यदुष्टार्कपालस्तेनाग्नेयो यच्छ्यामाकस्तेन सौम्यः समृद्धयै सोमाय
 वाजिनै श्यामाकं चरुं निर्वपेद्यः क्लैव्याद्विभीयाद्रेतो हि वा
 एतस्माद्वाजिनमपक्रामत्यथैष क्लैव्याद्विभाय सोममेव वाजिनं
 स्वेन भागधेयेनोप धावति स एवास्मिन्नेतो वाजिनं दधाति न
 क्लीबो भवति ब्राह्मणस्पत्यमेकादशकपालं निर्वपेद्ग्रामकामो ।
 ब्रह्मणस्पतिमेव स्वेन भागधेयेनोप धावति
 स एवास्मै सजातान्प्र यच्छति ग्राम्यैव भवति गुणवती
 याज्यानुवाक्यै भवतः सजातैरेवैनं गुणवन्तं करोत्येतामेव निर्वपेद्यः
 कामयैत
 ब्रह्मन्विशं वि नाशयेयमिति मारुती याज्यानुवाक्यै कुर्याद्ब्रह्मन्नेव
 विशं वि नाशयति ॥३॥

अर्यम्णे चरुं निर्वपेत्सुवर्गकामोऽसौ वा आदित्योऽर्यमार्यमणमेव
 स्वेन भागधेयेनोप धावति स एवैनं सुवर्गं लोकं गमयत्यर्यम्णे

च॒रुं निर्व॑पे॒द्यः क॒ामये॑त
 दान॑कामा मे प्र॒जाः स्युरि॒त्यसौ॑ वा आ॒दित्यो॑ऽर्य॒मा यः खलु॑ वै
 ददा॑ति सौऽर्य॒मार्य॑मण॒मेव॑ स्वेन॑ भाग॒धेये॒नोप॑ धावति॒ स ए॒वास्मै॑
 दान॑कामाः प्र॒जाः क॑रोति॒ दान॑कामा अ॒स्मै प्र॒जा भ॑वन्त्य॒र्य॒णे च॒रुं
 निर्व॑पे॒द्यः क॒ामये॑त स्व॒स्ति ज॒नता॑मि॒यामि॒त्यसौ॑ वा
 आ॒दित्यो॑ऽर्य॒मार्य॑मण॒मेव॑ स्वेन॑ भाग॒धेये॒नोप॑ धावति॒ स ए॒वैनं॑
 तद्ग॑मयति॒ यत्र॑ जिग॑मिष॒तीन्द्रो॑ वै दे॒वाना॑मानुजा॒वुर आ॑सीत्स
 प्र॒जाप॑तिमु॒पाधा॒वत्तस्मा॑ ए॒तमै॒न्द्रमा॑नुषू॒कमे॒काद॑शकपालं
 नि॒रव॑प॒त्तेनै॒वैन॑मग्रं दे॒वता॑ना॒म्पर्य॑णयद्बुध॒र्वती॑ अग्र॒वती॑ याज्यानुवा॒क्यै
 अ॒करो॑द्बु॒ध्रादे॒वैन॑मग्र॒म्पर्य॑णय॒द्यो रा॑ज॒न्य आ॑नुजा॒वुरः स्या॑त्तस्मा॑
 ए॒तमै॒न्द्रमा॑नुषू॒कमे॒काद॑शकपालं निर्व॑पे॒दिन्द्र॑मे॒व स्वेन॑ भाग॒धेये॒नोप॑
 धावति॒ स ए॒वैन॑मग्रं॑ स॒माना॑ना॒म्परि॑ णयति बुध॒र्वती॑ अग्र॒वती॑
 याज्यानुवा॒क्यै भ॑वतो बु॒ध्रादे॒वैन॑मग्रं॑ परि॑ णयत्यानुषू॒को भ॑वत्ये॒षा
 ह्यै॒तस्य॑ दे॒वता॑ य आ॒नुजा॒वुरः
 समृ॑द्धयै॒ यो ब्रा॑ह्म॒ण आ॑नुजा॒वुरः स्या॑त्तस्मा॑ ए॒तम्बा॑र्हस्प॒त्यमा॑नुषू॒कं
 च॒रुं निर्व॑पेद्बृहस्प॒तिमे॒व स्वेन॑ भाग॒धेये॒नोप॑ धावति॒ स ए॒वैन॑मग्रं॑
 स॒माना॑ना॒म्परि॑ णयति
 बुध॒र्वती॑ अग्र॒वती॑ याज्यानुवा॒क्यै भ॑वतो बु॒ध्रादे॒वैन॑मग्र॒म्परि॑
 णयत्यानुषू॒को भ॑वत्ये॒षा ह्यै॒तस्य॑ दे॒वता॑ य आ॒नुजा॒वुरः समृ॑द्धयै
 ॥४॥

प्र॒जाप॑ते॒स्त्रय॑स्त्रि॑ँशद्बृ॒हिर॑ आ॒स॒न्ताः सोमा॑य॒ राज्ञे॑ऽद॒दात्ता॑साँ
 रोहि॑णीमु॒पैत्ता ई॒र्ष्यन्तीः॑ पुन॑रगच्छ॒न्ता अ॒न्वैत्ताः॑ पुन॑रयाचत॒ ता अ॒स्मै
 न पुन॑रद॒दात्सो॑ऽब्रवी॒दृत॑ममीष्व॒ यथा॑ स॒माव॑च्छ उ॒पैष्या॑म्यथ॒ ते
 पुन॑र्दास्यामीति॒ स ऋ॑तमा॒मीत्ता॑ अ॒स्मै पुन॑रद॒दात्ता॑साँ
 रोहि॑णीमे॒वोपै॑त्तं य॒क्ष्म आ॑र्च्छ॒द्राजा॑नं॒ यक्ष्म॑ आ॒र॒दिति॑ त॒द्राज॑य॒क्ष्मस्य॑

जन्म यत्पापीयानभवत्तत्पापयुद्धमस्य यज्जायाभ्योऽविन्दुत्तज्जायेन्यस्य
 य एवमेतेषां यद्धमाणां जन्म वेद नैनमेते यद्धमा विन्दन्ति स एता
 एव नमस्यन्नुपाधावत्ता अब्रुवन्वरं वृणामहै समावच्छ एव न उपाय
 इति तस्मा एतमादित्यं चरुं निर्वपन्तेनैवैनम्पापात्स्त्रामादमुञ्चन्त्यः
 पापयुद्धमगृहीतः स्यात्तस्मा एतमादित्यं चरुं निर्वपे दादित्यानेव
 स्वेन भागधेयेनोप धावति त एवैनं
 पापात्स्त्रामान्मुञ्चन्त्य मावास्यायां निर्वपेदमुमेवैनमाप्यायमानमन्वा
 प्याययति
 नवौनवो भवति जायमान इति पुरोऽनुवाक्या भवत्यायुरेवास्मिन्तया
 दधाति
 यमादित्या अ० शुमाप्याययन्तीति याज्यैवैनमेतया प्याययति ॥५॥

प्रजापतिर्देवेभ्योऽन्नाद्यं
 व्यादिशत्सोऽब्रवीद्यदिमान्लोकानभ्यतिरिच्यातै तन्ममासदिति
 तदिमान्लोकानभ्यत्यरिच्यतेन्द्र० राजानमिन्द्रमभिराजमिन्द्र०
 स्वराजानं ततो वै स इमान्लोका० स्त्रेधादुहत्तत्त्रिधातौस्त्रिधातुत्वं
 यं कामयैतान्नादः स्यादिति तस्मा एतं त्रिधातुं निर्वपेदिन्द्राय राज्ञे
 पुरोडाशमेकादशकपालमिन्द्रायाधिराजायेन्द्राय स्वराज्ञेऽयं वा इन्द्रो
 राजायमिन्द्रोऽधिराजोऽसाविन्द्रः स्वराडिमानेव लोकान्स्वेन
 भागधेयेनोप धावति त एवास्मा अन्नम्प्र यच्छन्त्यन्नाद एव भवति
 यथा वत्सेन प्रत्तां गां दुह एवमेवेमान्लोकान्प्रत्तान्काममन्नाद्यं दुह
 उत्तानेषु कपालेष्वधि श्रयत्ययातयामत्वाय त्रयः पुरोडाशा भवन्ति
 त्रय इमे लोका एषां लोकानामाप्तया उत्तरउत्तरो
 ज्यायान्भवत्येवमिव हीमे लोकाः समृद्धयै सर्वेषामभिगमयन्नव
 द्यत्यच्छम्बट्कारं व्यत्यासमन्वाहानिर्दाहाय ॥६॥

दे॒वा॒सु॒राः सं॒य॑त्ता आ॒स॒न्ता॒न्दे॒वान॒सु॒रा अ॒ज॒य॒न्ते दे॒वाः प॑राजिग्या॒ना
 अ॒सु॒राणां॑ वै॒श्य॒मु॒पा॒य॒न्तेभ्य॑ इन्द्रि॒यं
 वी॒र्य॑मपा॒क्राम॒त्तदिन्द्रो॑ऽचा॒य॒त्तद॒न्वपा॒क्राम॒त्तद॒व॒रुधं॑
 नाश॑क्नो॒त्तद॒स्माद॒भ्य॒र्धोऽच॑रत्स प्र॒जाप॑तिमु॒पा॒धाव॑त्तमे॒तया॑
 सर्व॑पृष्ठयायाज॒य॒त्तयै॒वास्मि॑न्निन्द्रि॒यं वी॒र्य॑मदधा॒द्य इन्द्रि॒यका॑मो
 वी॒र्य॑का॒मः स्या॑त्तमे॒तया॑ सर्व॑पृष्ठया याजयेदे॒ता ए॒व दे॒वताः॑ स्वेन॑
 भा॒ग॒धे॒येनो॑प॒ धाव॑ति॒ ता ए॒वास्मि॑न्निन्द्रि॒यं वी॒र्यं॑ दधति॒ यदिन्द्रा॑य
 राथं॑तराय॒ निर्व॑पति॒ यदे॒वाग्ने॒स्तेज॒स्तदे॒वाव॑ रु॒द्धे यदिन्द्रा॑य॒ बा॒र्हता॑य
 यदे॒वेन्द्र॑स्य॒ तेज॒स्तदे॒वाव॑ रु॒द्धे यदिन्द्रा॑य॒ वैरू॒पाय॑ यदे॒व
 स॒वि॒तु॒स्तेज॒स्तदे॒वाव॑ रु॒द्धे यदिन्द्रा॑य॒ वैरा॒जाय॑ यदे॒व
 धा॒तु॒स्तेज॒स्तदे॒वाव॑ रु॒द्धे यदिन्द्रा॑य॒ शाक्व॑राय॒ यदे॒व म॒रुतां॑
 तेज॒स्तदे॒वाव॑ रु॒द्धे यदिन्द्रा॑य॒ रैव॑ताय॒ यदे॒व बृ॒हस्प॑ते॒स्तेज॒स्तदे॒वाव॑
 रु॒द्ध

ए॒ताव॑न्ति॒ वै तेजा॑ँसि॒ तान्ये॒वाव॑ रु॒न्ध
 उ॒त्ता॒नेषु॑ क॒पाले॒ष्वधि॑ श्रय॒त्यया॑तयाम॒त्वाय॑ द्वा॒द॒शक॑पालः पुरो॒डाशो॑
 भव॑ति वै॒श्वदे॒व॒त्वाय॑ स॒म॒न्तम्प॒र्यव॑द्यति॒ स॒म॒न्तमे॒वेन्द्रि॒यं वी॒र्यं॑
 यज॑माने दधाति॒ व्य॒त्यास॒मन्वा॒हानि॑र्द॒हाया॑श्च॒ ऋष॑भो वृ॒ष्णिर्ब॒स्तः
 सा दक्षि॑णा वृष॒स्त्वायै॑ तयै॒व यजे॑ताभि॒शस्य॑मान॒ एता॑श्चे॒द्वा अ॒स्य
 दे॒वता॑ अ॒न्नम॑द॒न्त्य॒दन्त्यु॑वे॒वास्य॑ म॒नुष्याः॑ ॥७॥

रज॑नो॒ वै कौ॑णे॒यः क्र॑तुजि॒तं जा॒न॒किं च॒क्षुर्व॑न्यमया॒त्तस्मा॑ ए॒तामिष्टिं॑
 नि॒र॒व॒प॒द॒ग्नये॑ भ्राज॑स्वते पुरो॒डाश॑म॒ष्टाक॑पालँ सौ॒र्यं च॒रुम॑ग्नये
 भ्राज॑स्वते पुरो॒डाश॑म॒ष्टाक॑पालं
 तयै॒वास्मि॑ञ्चक्षु॒रद॑धा॒द्यश्चक्षु॑ष्कामः॒ स्या॑त्तस्मा॑ ए॒तामिष्टिं॑ नि॒र॒व॒प॒द॒ग्नये॑
 भ्राज॑स्वते पुरो॒डाश॑म॒ष्टाक॑पालँ सौ॒र्यं च॒रुम॑ग्नये॒ भ्राज॑स्वते
 पुरो॒डाश॑म॒ष्टाक॑पालम॒ग्नेर्वै चक्षु॑षा म॒नुष्या॑ वि पश्य॑न्ति॒ सूर्य॑स्य दे॒वा

अग्रिं चैव सूर्यं च स्वेन भागधेयेनोप धावति
 तावेवास्मिञ्चक्षुर्धत्तश्चक्षुष्मानेव भवति यदाग्नेयौ भवतश्चक्षुषी
 एवास्मिन्तत्प्रति दधाति यत्सौर्यो नासिकां तेनाभितः सौर्यमाग्नेयौ
 भवतस्तस्मादभितो नासिकां चक्षुषी तस्मान्नासिकया चक्षुषी विधृते
 समानी याज्यानुवाक्यै भवतः समानं हि चक्षुः समृद्ध्या उदु त्यं
 जातवैदसं सप्त त्वा हरितो रथे चित्रं देवानामुदगादनीकमिति
 पिण्डान्प्र यच्छति चक्षुरेवास्मै प्र यच्छति यदेव तस्य तत् ॥८॥

ध्रुवोऽसि ध्रुवोऽहं संजातेषु भूयासं धीरश्चेत्ता वसुविद्ध्रुवोऽसि
 ध्रुवोऽहं संजातेषु भूयासमुग्रश्चेत्ता वसुविद्ध्रुवोऽसि ध्रुवोऽहं
 संजातेषु भूयासमभिभूश्चेत्ता वसुवि दामनमस्यामनस्य देवा ये
 संजाताः कुमारः समनसस्तानहं कामये हृदा ते मां कामयन्तां
 हृदा तान्म आमनसः कृधि स्वाहामनमस्यामनस्य देवा याः स्त्रियः
 समनसस्ता अहं कामये हृदा ता मां कामयन्तां हृदा ता म
 आमनसः कृधि स्वाहा वैश्वदेवीं सांग्रहणीं निर्वपेद्दामकामो
 वैश्वदेवा वै संजाता विश्वानेव देवान्स्वेन भागधेयेनोप धावति त
 एवास्मै संजातान्प्र यच्छन्ति ग्राम्यैव भवति सांग्रहणी भवति
 मनोग्रहणं वै संग्रहणं
 मन एव संजातानां गृह्णाति ध्रुवोऽसि ध्रुवोऽहं संजातेषु
 भूयासमिति परिधीन्परि दधात्याशिषमेवैतामा शास्तेऽथो एतदेव
 सर्वं संजातेष्वधि भवति यस्यैवं विदुष एते परिधयः परिधीयन्त
 आमनमस्यामनस्य देवा इति तिस्र आहुतीर्जुहोत्येतावन्तो वै
 संजाता ये महान्तो ये क्षुल्लका याः स्त्रियः तानेवाव रुद्धे त
 एनमवरुद्धा उप तिष्ठन्ते ॥९॥

यन्नवमैत्तन्नवनीतमभवद्यदसर्पत्तत्सर्पिरेभवद्यदधियत्

तद्धृत मभव दृश्विनौः प्राणोऽसि तस्य ते दत्तां ययौः प्राणोऽसि
 स्वाहे न्द्रस्य प्राणोऽसि तस्य ते ददातु यस्य प्राणोऽसि स्वाहा
 मित्रावरुणयोः प्राणोऽसि तस्य ते दत्तां ययौः प्राणोऽसि स्वाहा
 विश्वेषां देवानाम्प्राणोऽसि तस्य ते ददातु येषाम्प्राणोऽसि स्वाहा
 घृतस्य धाराममृतस्य पन्थामिन्द्रेण दत्ताम्प्रयताम्मरुद्भिः । तत्त्वा
 विष्णुः पर्यपश्यत्तत्त्वेडा गव्यैरयत् ॥

पावमानेन त्वा स्तोमेन गायत्रस्य वर्तन्योपांशो वीर्येण देवस्त्वा
 सवितोत्सृजतु जीवातवे जीवनस्यायै बृहद्रथन्तरयौस्त्वा स्तोमेन
 त्रिष्टुभौ वर्तन्या शुक्रस्य वीर्येण देवस्त्वा सवितोत्सृजतु जीवातवे
 जीवनस्याया अग्नेस्त्वा मात्रया जगत्यै वर्तन्याग्रयणस्य वीर्येण
 देवस्त्वा सवितोत्सृजतु जीवातवे जीवनस्याया इममग्र आयुषे
 वर्चसे कृधि प्रिं रेतौ वरुण सोम राजन् । मातेवास्मा अदिते शर्म
 यच्छ विश्वे देवा जरदष्टिर्यथासत् ॥

अग्निरायुष्मान्त्स वनस्पतिभिरायुष्मान्तेन त्वायुषायुष्मन्तं करोमि
 सोम आयुष्मान्त्स ओषधीभिर्यज्ञ आयुष्मान्त्स
 दक्षिणाभिर्ब्रह्मायुष्मन्तद्ब्राह्मणैरायुष्मद्देवा आयुष्मन्तस्तेऽमृतैः पितर
 आयुष्मन्तस्ते स्वधयायुष्मन्तस्तेन त्वायुषायुष्मन्तं करोमि ॥१०॥

अग्निं वा एतस्य शरीरं गच्छति सोमं रसो वरुण एनं वरुणपाशेन
 गृह्णाति सरस्वतीं वाग्नाविष्णू आत्मा यस्य ज्योगामयति । यो
 ज्योगामयावी स्याद्यो वा कामयेत सर्वमायुरियामिति तस्मा
 एतामिष्टिं निर्वपेदाग्नेयमष्टाकपालं सौम्यं चरुं वारुणं दशकपालं
 सारस्वतं चरुमाग्रावैष्णवमेकादशकपालमग्नेरेवास्य शरीरं
 निष्क्रीणाति सोमाद्रसं वारुणेनैवैनं वरुणपाशान्मुञ्चति सारस्वतेन
 वाचं दधात्यग्निः सर्वा देवता विष्णुर्यज्ञो देवताभिश्चैवैनं यज्ञेन च
 भिषज्यत्युत यदीतासुर्भवति जीवत्येव

यन्नवमैत्तन्नवनीतमभवदित्याज्यमवैक्षते रूपमेवास्यैतन्महिमानं
व्याचष्टेऽश्विनौः प्राणौऽसीत्याहाश्विनौ वै देवानां भिषजौ
ताभ्यामेवास्मै भेषजं करोतीन्द्रस्य प्राणौऽसीत्याहेन्द्रियमेवास्मिन्नेतेन
दधाति

मित्रावरुणयोः प्राणौऽसीत्याह प्राणापानावेवास्मिन्नेतेन दधाति
विश्वेषां देवानाम्प्राणौऽसीत्याह वीर्यमेवास्मिन्नेतेन दधाति घृतस्य
धाराममृतस्य पन्थामित्याह यथायजुरेवैतत्पावमानेन त्वा
स्तोमेनेत्याह

प्राणमेवास्मिन्नेतेन दधाति बृहद्रथन्तरयोस्त्वा स्तोमेनेत्याहौज
एवास्मिन्नेतेन दधात्यग्नेस्त्वा मात्रयेत्याहात्मानमेवास्मिन्नेतेन
दधात्यृत्विजः पर्याहुर्यावन्त एवर्त्विजस्त एनम्भिषज्यन्ति ब्रह्मणो
हस्तमन्वारभ्य पर्याहुरेकधैव यजमान आयुर्दधति

यदेव तस्य तद्धिरणयाद्घृतं निष्पिबत्यायुर्वै घृतममृतं
हिरण्यममृतादेवायुर्निष्पिबति शतमानम्भवति शतायुः पुरुषः
शतेन्द्रिय आयुष्येवेन्द्रिये प्रति तिष्ठत्यथो खलु यावतीः समा
एष्यन्मन्येत तार्वन्मानं स्यात्समृद्ध्या इममग्न आयुषे वर्चसे
कृधीत्याहायुरेवास्मिन्वर्चो दधाति । विश्वे देवा

जरदष्टिर्यथासदित्याह

जरदष्टिमेवैनं करोत्यग्निरायुष्मानिति हस्तं गृह्णात्येते वै देवा
आयुष्मन्तस्त एवास्मिन्नायुर्दधति सर्वमायुरेति ॥११॥

प्रजापतिर्वरुणायाश्चमनयत्स स्वां देवतामार्च्छत्स पर्यदीर्यत् स एतं
वारुणं चतुष्कपालमपश्यत्तं निरवपत्ततो वै स वरुणपाशादमुच्यत्
वरुणो वा एतं गृह्णाति योऽश्वम्प्रतिगृह्णाति
यावतोऽश्वान्प्रतिगृह्णीयात्तावतो वारुणाञ्चतुष्कपालान्निर्वपेद्वरुणमेव
स्वेन भागधेयेनोप धावति स एवैनं वरुणपाशान्मुञ्चति चतुष्कपाला

भवन्ति चतुष्पाद्व्यश्वः समृद्ध्या एकमतिरिक्तं निर्वपेद्यमेव
 प्रतिग्राही भवति यं वा नाध्येति तस्मादेव वरुणपाशान्मुच्यते
 यद्यपरम्प्रतिग्राही स्यात्सौर्यमेककपालमनु निर्वपेदमुमेवादित्यमुच्चारं
 कुरुतेऽपौऽवभृथमवैत्यप्सु वै वरुणः साक्षादेव वरुणमव
 यजतेऽपोनृषीयं चरुम्पुनरेत्य निर्वपेदप्सुयौनिर्वा अश्वः स्वामेवैनं
 योनिं गमयति स एनं शान्त उप तिष्ठते ॥१२॥

या वामिन्द्रावरुणा यतुव्या तनूस्तयेममहंसो मुञ्चतं या
 वामिन्द्रावरुणा सहस्र्या रक्षस्या तेजस्या तनूस्तयेममहंसो मुञ्चतं
 यो वामिन्द्रावरुणावृगौ साम्स्तं वामेतेनाव यज् यो वामिन्द्रावरुणा
 द्विपात्सु पशुषु चतुष्पात्सु गोष्ठे गृहेष्वप्सु वनस्पतिषु
 साम्स्तं वामेतेनाव यज् इन्द्रो वा एतस्यैन्द्रियेणप क्रामति वरुण एनं
 वरुणपाशेन गृह्णाति यः प्राप्मना गृहीतो भवति यः प्राप्मना गृहीतः
 स्यात्तस्मा एतामैन्द्रावरुणीमप्यस्यां निर्वपेदिन्द्र एवास्मिन्निन्द्रियं
 दधाति वरुण एनं वरुणपाशान्मुञ्चति पयस्या भवति पयो हि वा
 एतस्मादपक्रामत्यथैष प्राप्मना गृहीतो यत्पयस्या भवति पय
 एवास्मिन्तया दधाति पयस्यायां पुरोडाशमव दधात्यात्मन्वन्तमेवैनं
 करोत्यथौ आयतनवन्तमेव चतुर्धा व्यूहति दिद्वैव प्रति तिष्ठति
 पुनः समूहति दिग्भ्य एवास्मै भेषजं करोति समूह्याव द्यति
 यथाविद्धं निष्कृन्तति तादृगेव त द्यो वामिन्द्रावरुणावृगौ साम्स्तं
 वामेतेनाव यज् इत्याहु दुरिष्ठ्या एवैनम्पाति
 यो वामिन्द्रावरुणा द्विपात्सु पशुषु साम्स्तं वामेतेनाव यज्
 इत्याहैतावतीर्वा आप ओषधयो वनस्पतयः प्रजाः पशव
 उपजीवनीयास्ता एवास्मै वरुणपाशान्मुञ्चति ॥१३॥

स प्रब्रवन्नि काव्येन्द्रं वो विश्वतस्परीन्द्रं नरः ।

त्वं नः सोम विश्वतो रक्षा राजन्नघायतः । न रिष्येत्त्वावतः सखा ॥
 या ते धामानि दिवि या पृथिव्यां या पर्वतेष्वोषधीष्वप्सु । तेभिर्नो
 विश्वैः सुमना अहेङ्नाजन्त्सोम प्रति हव्या गृभाय ॥
 अग्रीषोमा सवेदसा सहूती वनतुं गिरः । सं देवत्रा बभूवथुः ॥
 युवमेतानि दिवि रौचनान्यग्निश्च सोम सक्रतू अधत्तम् । युवँ
 सिन्धँ रभिशस्तेरवद्यादग्रीषोमावमुञ्चतं गृभीतान् ॥
 अग्रीषोमाविमँ सु मे शृणुतं वृषणा हवम् । प्रति सूक्तानि
 हर्यतम्भवतं दाशुषे मयः ॥
 आन्यं दिवो मातरिश्वा जभारामथ्नादन्यम्परि श्येनो अद्रैः ।
 अग्रीषोमा ब्रह्मणा वावृधानोरुं यज्ञाय चक्रथुरु लोकम् ॥
 अग्रीषोमा हविषः प्रस्थितस्य वीतँ हर्यतं वृषणा जुषेथाम् ।
 सुशर्माणा स्ववसा हि भूतमथा धत्तं यजमानाय शं योः ॥
 आ प्यायस्व सं तै ॥
 गुणानां त्वा गुणपतिँ हवामहे कविं कवीनामुपमश्रवस्तमम् ।
 ज्येष्ठराजम्ब्रह्मणाम्ब्रह्मणस्पत आ नः शृण्वन्नूतिभिः सीद सादनम् ॥
 स इज्जनैन स विशा स जन्मना स पुत्रैर्वाजम्भरते धना नृभिः ।
 देवानां यः पितरमाविवासति श्रद्धामना हविषा ब्रह्मणस्पतिम् ॥
 स सुष्टुभा स ऋक्वता गुणेन वलँ रुरोज फलिगँ रवेण ।
 बृहस्पतिरुसृया हव्यसूदः कनिक्रदद्वावशतीरुदाजत् ॥
 मरुतो यद्ध वो दिवो
 या वः शर्म ॥
 अर्यमा याति वृषभस्तुविष्मान्दाता वसूनाम्पुरुहूतो अर्हन् ।
 सहस्राक्षो गोत्रभिद्वज्रबाहुरस्मासु देवो द्रविणं दधातु ॥
 ये तैर्यमन्ब्रह्मवो देवयानाः पन्थानो राजन्दिवाचरन्ति । तेभिर्नो
 देव महि शर्म यच्छ शं न एधि द्विपदे शं चतुष्पदे ॥
 बुधादग्रमङ्गिरोभिर्गृणानो वि पर्वतस्य दँ हितान्यैरत् ।

रुजद्रोधाँसि कृत्रिमाणयेषाँ सोमस्य ता मद इन्द्रश्चकार ॥
 बुधादग्रेण वि मिमाय मानैर्वज्रेण खान्यतृणन्नदीनाम् ।
 वृथासृजत्पृथिभिर्दीर्घयाथैः सोमस्य ता मद इन्द्रश्चकार प्र यो जज्ञे
 विद्वाँ अस्य बन्धुं विश्वानि देवो जनिमा विवक्ति । ब्रह्म ब्रह्मण
 उज्जभार मध्यान्नीचादुच्चा स्वधयाभि प्र तस्थौ ॥
 महान्मही अस्तभायद्वि जातो द्याँ सद्य पार्थिवं च रजः । स
 बुधादाष्ट जनुषाभ्यग्रम्बृहस्पतिर्देवता यस्य सम्राट् ॥
 बुधाद्यो अग्रमभ्यर्त्यो जसा बृहस्पतिमा विवासन्ति देवाः । भिनद्भूलं
 वि पुरौ दर्दरीति कनिक्रदत्सुवरपो जगाय ॥१४॥

इति द्वितीयकाण्डे तृतीयः प्रपाठकः ॥३॥

अथ द्वितीयकारण्डे चतुर्थः प्रपाठकः

दे॒वा म॑नु॒ष्याः पि॒तर॒स्तेऽन्य॑त आस॒न्नसु॑रा रक्षाँ॑सि
 पिशा॒चास्तेऽन्य॑त॒स्तेषां॑ दे॒वाना॑मु॒त यद॑त्पुं लोहि॑त॒मकु॑र्वन्त॒द्रक्षाँ॑सि
 रात्री॑भिरसु॒भ्नन्ता॑न्सु॒ब्धान्मृ॑तान॒भि व्यौ॑च्छ॒ते दे॒वा अ॒विदु॑र्यो वै
 नोऽय॑मि॒म्रय॑ते रक्षाँ॑सि वा इ॒मं घ्न॑न्तीति॒ ते रक्षाँ॑स्यु॒पा॒मन्त्र॑यन्त
 तान्य॑ब्रुव॒न्वरं॑ वृ॒णाम॑है यदसु॑राञ्जया॒म तन्नः॑ स॒हास॑दिति॒ ततो॑ वै दे॒वा
 असु॑रानजय॒न्तेऽसु॑राञ्जित्वा रक्षाँ॑स्यु॒पा॒नुद॑न्त॒ तानि॑
 रक्षाँ॑स्यनृ॒तम॑क॒र्तेति॑ सम॒न्तं दे॒वान्प॑र्यवि॒शन्ते॑ दे॒वा अ॒ग्राव॑नाथन्त
 तेऽग्न॑ये प्रव॑ते पु॒रोडा॑शम॒ष्टाक॑पालं॒ निर्व॑पन्न॒ग्नये॑ वि॒बाध॑व॒तेऽग्न॑ये
 प्रती॑कव॒ते यद॑ग्न॒ये प्रव॑ते नि॒र्वप॑न्या॒न्येव॑ पु॒रस्ता॑द्रक्षाँ॑स्यास॒न्तानि॑
 तेन॑ प्राणु॑दन्त॒ यद॑ग्न॒ये वि॒बाध॑व॒ते या॒न्येवा॑भितो रक्षाँ॑स्यास॒न्तानि॑
 तेन॑ व्य॑बाधन्त॒ यद॑ग्न॒ये प्रती॑कव॒ते या॒न्येव॑ प॒श्चाद्रक्षाँ॑स्यास॒न्तानि॑
 तेना॑पा॒नुद॑न्त
 ततो॑ दे॒वा अ॒भ॒व॒न्परा॑सु॒रा यो भ्रातृ॑व्यवा॒न्त्स्यात्स॑ स्पर्ध॒मान॑ ए॒तये॑ष्ट्या
 यजे॑ता॒ग्नये॑ प्रव॑ते पु॒रोडा॑शम॒ष्टाक॑पालं॒ निर्व॑पेद॒ग्नये॑ वि॒बाध॑व॒तेऽग्न॑ये
 प्रती॑कव॒ते
 यद॑ग्न॒ये प्रव॑ते नि॒र्वप॑ति॒ य ए॒वास्मा॑च्छ्रेया॒न्भ्रातृ॑व्य॒स्तं तेन॑ प्र णु॑दते
 यद॑ग्न॒ये वि॒बाध॑व॒ते य ए॒वैनैन॑ स॒दृङ्ग॑तं तेन॑ वि बा॑धते॒ यद॑ग्न॒ये
 प्रती॑कव॒ते य ए॒वास्मा॑त्पापी॒यान्तं॑ तेनाप॑ नुद॒ते प्र श्रेयाँ॑स॒म्भ्रातृ॑व्यं
 नुद॑तेऽति॒ स॒दृशं॑ क्रा॒मति॑ नै॒न॒म्पापी॑यानाप्रोति॒ य ए॒वं वि॒द्वाने॒तये॑ष्ट्या
 यजे॑ते ॥१॥

दे॒वा॒सुराः॑ संय॑त्ता आस॒न्ते दे॒वा अ॒ब्रुव॑न्त्यो नो वी॒र्या॑वत्तम॒स्तमनु॑
 सु॒मा॒र॒भाम॑हा इति॒ त इन्द्र॑मब्रुव॒न्त्वं वै नो॑ वी॒र्या॑वत्तमोऽसि॒ त्वामनु॑
 सु॒मा॒र॒भाम॑हा इति॒
 सौऽब्र॑वीत्ति॒स्त्रो म॑ इ॒मास्त॑नुवौ वी॒र्या॑वती॒स्ताः प्री॑णी॒ताथा॑सु॒रान॑भि

भविष्यथेति

ता वै ब्रूहीत्यब्रुवन्नियमँहोमुगियं विमृधेयमिन्द्रियावतीत्यब्रवीत्त
इन्द्रायाँहोमुचै पुरोडाशमेकादशकपालं निरवपन्निन्द्राय
वैमृधायेन्द्रायेन्द्रियावते

यदिन्द्रायाँहोमुचै निरवपन्नँहंस एव तेनामुच्यन्त यदिन्द्राय
वैमृधाय मृध एव तेनापाघ्नत यदिन्द्रायेन्द्रियावत इन्द्रियमेव
तेनात्मन्नदधत त्रयस्त्रिँशत्कपालम्पुरोडाशं निरवपन्नयस्त्रिँशद्वै
देवतास्ता इन्द्र आत्मन्ननु समारम्भयत भूत्यै तां वाव देवा
विजितिमुत्तमामसुरैर्व्यजयन्त यो भ्रातृव्यवान्त्स्यात्स स्पर्धमान
एतयेष्ट्या यजेतेन्द्रायाँहोमुचै पुरोडाशमेकादशकपालं
निर्वपेदिन्द्राय वैमृधायेन्द्रायेन्द्रियावतेऽँहंसा वा एष गृहीतो
यस्माच्छ्रेयान्भ्रातृव्यो यदिन्द्रायाँहोमुचै निर्वपत्यँहंस एव तेन
मुच्यते

मृधा वा एषोऽभिषरणो यस्मात्समानेष्वन्यः श्रेयानुताभ्रातृव्यो
यदिन्द्राय वैमृधाय मृध एव तेनाप हते
यदिन्द्रायेन्द्रियावत इन्द्रियमेव तेनात्मन्धत्ते
त्रयस्त्रिँशत्कपालम्पुरोडाशं निर्वपति
त्रयस्त्रिँशद्वै देवतास्ता एव यजमान आत्मन्ननु समारम्भयते भूत्यै
सा वा एषा विजितिर्नामेष्टिर्य एवं विद्वानेतयेष्ट्या यजत उत्तमामेव
विजितिम्भ्रातृव्येण वि जयते ॥२॥

देवासुराः संयत्ता आसन्तेषां गायत्र्योजो बलमिन्द्रियं
वीर्यम्प्रजाम्पशून्त्संगृह्यादायापक्रम्यातिष्ठत्तैऽमन्यन्त यतरान्वा
इयमुपावत्स्यति त इदम्भविष्यन्तीति
तां व्यह्वयन्त विश्वकर्मन्निति देवा दाभीत्यसुराः सा
नान्यतराँश्चनोपावर्तत

ते दे॒वा ए॒तद्य॒जुरप॑श्य॒न्नोजो॑ऽसि॒ सहो॑ऽसि॒ बल॑मसि॒ भ्राजो॑ऽसि
 दे॒वानां॑ धाम॒ नामा॑सि॒ विश्व॑मसि॒ विश्वा॑युः॒ सर्व॑मसि॒
 स॒र्वायु॑रभिभू॒ रिति॑ वाव दे॒वा असु॑राणा॒मोजो॑ बल॑मिन्द्रियं
 वी॒र्य॑म्प्र॒जाम्प॒शून्वृ॑ञ्जत॒ यद्गा॑य॒त्र्यप॑क्रम्यातिष्ठ॒त्तस्मा॑दे॒तां
 गा॒य॒त्रीती॑ष्टिमाहुः॒ सम्वत्स॑रो वै गा॒य॒त्री सं॑वत्स॒रो वै
 तद॑प॒क्रम्या॑तिष्ठ॒द्यदे॒तया॑ दे॒वा असु॑राणा॒मोजो॑ बल॑मिन्द्रियं वी॒र्यं
 प्र॒जाम्प॒शून्वृ॑ञ्जत॒ तस्मा॑दे॒तां सं॑व॒र्ग इती॑ष्टिमाहु॒ र्यो
 भ्रातृ॑व्यवा॒न्त्स्यात्स॑ स्पर्ध॒मान॑ ए॒तये॑ष्ट्या॒ यजे॑ता॒ग्रये॑ संव॒र्गाय॑
 पुरो॑डाश॒मष्टा॑क॒पालं॑ निर्व॒पेत्तं॑ श्रु॒तमा॑सन्नमे॒तेन॑ यजु॒षाभि॑ मृ॒शेदो॑जं
 ए॒व बल॑मिन्द्रियं वी॒र्य॑म्प्र॒जाम्प॒शून्भ्रातृ॑व्यस्य वृ॒द्धे
 भव॑त्या॒त्मना॒ परा॑स्य॒ भ्रातृ॑व्यो भवति ॥३॥

प्र॒जाप॑तिः प्र॒जा असृ॑जत॒ ता अ॑स्मात्सृ॒ष्टाः परा॑चीराय॒न्ता
 यत्रा॑व॒सन्त॑तौ ग॒र्मुदु॑दतिष्ठ॒त्ता बृ॒हस्प॑तिश्चान्व॒वैता॑ं
 सौऽब्र॑वीद्बृ॒हस्प॑तिर॒नया॑ त्वा प्र तिष्ठान्यथ॒ त्वा प्र॒जा उ॒पाव॑त्स्य॒न्तीति॑
 तम्प्रा॑तिष्ठ॒त्ततो॑ वै प्र॒जाप॑तिम्प्र॒जा उ॒पाव॑र्तन्त॒ यः प्र॒जाका॑मः स्यात्तस्मा॑
 ए॒तम्प्रा॑जाप॒त्यं गा॑र्मुतं च॒रुं निर्व॑पेत्प्र॒जाप॑तिमे॒व स्वेन॑ भाग॒धेये॑नोप॑
 धाव॑ति स ए॒वास्मै॑ प्र॒जाम्प्र॑ जनयति प्र॒जाप॑तिः प॒शून्सृ॑जत॒ तै
 ऽस्मात्सृ॑ष्टाः परा॑ञ्च आ॒यन्ते॑ यत्रा॑व॒सन्त॑तौ ग॒र्मुदु॑दतिष्ठ॒त्तान्पू॒षा
 चान्व॒वैता॑ं सौऽब्र॑वीत्पू॒षानया॑ मा प्र सोमो॒ वै रैतो॑धाः पू॒षा
 प॑शूनाम्प्र॒जनय॑ता सोम॑ ए॒वास्मै॑ रेतो॒ दधा॑ति पू॒षा प॒शून्प्र॑ जनयति
 ॥४॥

अग्ने॒ गोभि॑र्न॒ आ ग॒हीन्दो॑ पु॒ष्ट्या जु॑षस्व नः । इन्द्रो॑ ध॒र्ता गृ॑हेषु नः
 ॥

स॒वि॒ता यः स॒ह॒स्त्रियः॑ स नो॑ गृ॒हेषु॑ रा॒रणत् । आ पु॒षा ए॒त्वा वसु॑

॥

धा॒ता द॑दातु नो र॒यिमी॑शा॒नो ज॑र्गतस्पतिः । स नः पू॒र्णेन॑ वावनत्

॥

त्वष्टा॑ यो वृष॒भो वृषा॑ स नो गृहेषु रारणत् । सहस्रै॑णायुतेन च ॥
येन॑ दे॒वा अ॒मृतं॑ दी॒र्घं श्रवो॑ दि॒व्यैर॑यन्त । राय॑स्पोष॒ त्वम॒स्मभ्यं॑
गवां॑ कु॒ल्मिं जी॒वसु॑ आ यु॒वस्व ॥

अ॒ग्निर्गृ॒हप॑तिः सोमो॑ वि॒श्वव॑निः स॒विता सु॑मे॒धाः स्वाहा॑ ।
अ॒ग्रे गृ॒हप॑ते यस्ते॒ घृत्यो॑ भा॒गस्तेन॑ सह॒ ओज॑ आ॒क्रम॑मा॒णाय॑ धेहि
श्रैष्ठ्या॑त्प॒थो मा योषं॑ मूर्धा भूयास॒ स्वाहा॑ ॥५॥

चि॒त्रया॑ यजेत प॒शुकाम॑ इ॒यं वै चि॒त्रा यद्वा अ॒स्यां वि॒श्वम्भू॑तमधि
प्र॒जाय॑ते तेने॒यं चि॒त्रा य ए॒वं वि॒द्वाँश्चि॒त्रया॑ प॒शुकामो॑ यज॑ते प्र
प्र॒जया॑ प॒शुभि॑र्मिथुनैर्जायते प्रैवाग्ने॒येन॑ वापयति॒ रेतः॑ सौ॒म्येन॑ दधाति
रेत॑ ए॒व हि॒तं त्वष्टा॑ रू॒पाणि॑ वि करोति
सा॒रस्व॑तौ भवत ए॒तद्वै दै॒व्यमि॑थुनं दै॒व्यमे॒वास्मै॑ मिथुनम॒ध्यतो॑
द॑धाति पुष्ट्यै प्र॒जन॑नाय सिनीवा॒ल्यै च॒रुर्भव॑ति वा॒ग्वै सि॑नीवा॒ली
पुष्टिः॑ खलु॒ वै वाक्पु॑ष्टिमे॒व वाच॑मु॒पैत्यै॒न्द्र उ॑त्त॒मो भ॑वति तेनै॒व
तन्मि॑थुनं स॒प्तैतानि॑ हवीँषि॒ भवन्ति॑ स॒प्त ग्रा॒म्याः प॒शवः॑
स॒प्तार॑ण्याः स॒प्त च्छन्दाँ॑स्युभय॒स्याव॑रुद्ध्या अथै॒ता आ॑हु॒तीर्जु॑होत्येते
वै दे॒वाः पु॑ष्टिपतय॒स्त ए॒वास्मि॑न्पुष्टिं दधति
पुष्य॑ति प्र॒जया॑ प॒शुभि॑रथो यदे॒ता आ॑हु॒तीर्जु॑होति प्र॒तिष्ठि॑त्यै ॥६॥

मा॒रुत॑म॒सि म॒रुता॑मो॒जोऽपां॑ धारा॒म्भिन्द्रि॑
र॒मय॑त मरुतः श्ये॒नमा॑यि॒न्मनो॑जवसं वृष॒णं सु॑वृ॒क्तिम् । येन॑
श॒र्ध उ॒ग्रम॑व॒सृष्ट॑मेति॒ तद॑श्चि॒ना परि॑ धत्तं स्व॒स्ति ॥
पुरो॑वा॒तो वर्ष॑ञ्जि॒न्वरा॑वृ॒त्स्वाहा॑ वा॒ताव॑र्ष॒न्नुग्रा॑वृ॒त्स्वाहा॑

स्तनयन्वर्षन्भीमरावृत्स्वाहानशन्यवस्फूर्जन्दिद्युद्वर्षन्त्वेषरावृत्स्वाहा-
तिरात्रं वर्षन्पूर्तिरावृत्स्वाहा ब्रह्म हायमवृषादिति
श्रुतरावृत्स्वाहातपति
वर्षन्विराडावृत्स्वाहावस्फूर्जन्दिद्युद्वर्षन्भूतरावृत्स्वाहा मान्दा वाशाः
शुन्ध्यूरजिराः । ज्योतिष्मतीस्तमस्वरीरुन्दतीः सुफैनाः । मित्रभृतः
क्षत्रभृतः सुराष्ट्रा इह मावत
वृष्णो अश्वस्य सदानमसि वृष्ट्यै त्वोप नह्यामि ॥७॥

देवा वसव्या अग्रे सोम सूर्य । देवाः शर्मण्या मित्रावरुणार्यमन् ।
देवाः सपीतयो ऽपां नपादाशुहेमन् । उदनो दत्तोऽदधिभिन्त दिवः
पर्जन्यादन्तरिक्षात्पृथिव्यास्ततो नो वृष्ट्यावत
दिवा चित्तमः कृणवन्ति पर्जन्येनोदवाहेन । पृथिवीं यद्वचुन्दन्ति ॥

आ यं नरः सुदानवो ददाशुषे दिवः कोशमचुच्यवुः । वि पर्जन्याः
सृजन्ति रोदसी अनु धन्वना यन्ति वृष्टयः ॥
उदीरयथा मरुतः समुद्रतो यूयं वृष्टिं वर्षयथा पुरीषिणः । न वो
दस्त्रा उप दस्यन्ति धेनवः शुभं यातामनु रथा अवृत्सत ॥
सृजा वृष्टिं दिव आद्भिः समुद्रम्पृण । अब्जा असि प्रथमजा
बलमसि समुद्रियम् ॥ उन्नम्भय पृथिवीम्भिन्द्रीदं दिव्यं नभः ।
उदनो दिव्यस्य नो देहीशानो वि सृजा दृतिम् ॥
ये देवा दिविभागा येऽन्तरिक्षभागा ये पृथिविभागाः । त इमं
यज्ञमवन्तु त इदं क्षेत्रमा विशन्तु त इदं क्षेत्रमनु वि विशन्तु ॥८॥

मारुतमसि मरुतामोज इति कृष्णं वासः कृष्णतूष्मपरि धत्त एतद्वै
वृष्ट्यै रूपं सरूप एव भूत्वा पर्जन्यं वर्षयति रमयत मरुतः
श्येनमायिनमिति पश्चाद्वातम्प्रति मीवति पुरोवातमेव जनयति

वृषस्यावरुद्ध्यै वातनामानि जुहोति वायुर्वै वृष्ट्या ईशे वायुमेव
स्वेन भागधेयेनोप धावति स एवास्मै पर्जन्यं वर्षयत्यष्टौ ॥१॥
जुहोति चतस्रो वै दिशश्चतस्रोऽवान्तरदिशा दिग्भ्य एव वृष्टिं
सम्प्र च्यावयति

कृष्णाजिने सं यौति हविरेवाक रन्तर्वेदि सं यौत्यवरुद्ध्यै
यतीनामद्यमानानां शीर्षाणि परापतन्ते खर्जूरा अभवन्तेषां रसं
ऊर्ध्वोऽपतन्तानि कुरीराण्यभवन्त्सौम्यानि वै कुरीराणि
सौम्या खलु वा आहुतिर्दिवो वृष्टिं च्यावयति
यत्कुरीराणि भवन्ति सौम्यैवाहुत्या दिवो वृष्टिमव रुद्धे मधुषा सं
यैत्यपां वा एष ओषधीनां रसो यन्मध्वद्भ्य एवौषधीभ्यो वर्षत्यथो
अद्भ्य एवौषधीभ्यो वृष्टिं नि नयति मान्दा वाशा इति सं यौति
नामधेयैरेवैना अच्यैत्यथो यथा ब्रूयादसावेहीत्येवमेवैना नामधेयैरा
च्यावयति वृष्णो अश्वस्य सुदानमसि वृष्ट्यै त्वोप नह्यामीत्याह वृषा
वा अश्वो वृषा पर्जन्यः कृष्ण इव खलु वै भूत्वा वर्षति रूपेणैवैनां
समर्धयति वृषस्यावरुद्ध्यै ॥६॥

देवा वसव्या देवाः शर्मण्या देवाः सपीतय इत्या बध्नाति
देवताभिरेवान्वहं वृष्टिमिच्छति यदि वर्षेत्तावत्येव होतव्यं यदि न
वर्षेच्छवो भूते हविर्निर्वपे दहोरात्रे वै मित्रावरुणावहोरात्राभ्यां खलु
वै पर्जन्यो वर्षति
नक्तं वा हि दिवा वा वर्षति मित्रावरुणावेव स्वेन भागधेयेनोप
धावति तावेवास्मा अहोरात्राभ्याम्पर्जन्यं वर्षयतोऽग्नये धामच्छदै
पुरोडाशमष्टाकपालं निर्वपेन्मारुतं सप्तकपालं
सौर्यमेककपालमग्निर्वा इतो वृष्टिमुदीरयति मरुतः सृष्टां नयन्ति
यदा खलु वा असावादित्यो न्यङ्गश्मिभिः पर्यावर्ततेऽथ वर्षति
धामच्छदिव खलु वै भूत्वा वर्षत्येता वै देवता वृष्ट्या ईशते ता एव

स्वेन भागधेयेनोप धावति
 ता एवास्मै पर्जन्यं वर्षयन्त्युतावर्षिष्यन्वर्षत्येव सृजा वृष्टिं दिव
 आद्भिः समुद्रम्पृणेत्याहेमाश्चैवामूश्चापः समर्धयत्यथौ
 आभिरेवामूरच्छैत्य ब्जा असि प्रथमजा बलमसि समुद्रियमित्याह
 यथायजुरेवैत दुन्नम्भय पृथिवीमिति वर्षाह्वां जुहोत्येषा वा
 ओषधीनां वृष्टिवनिस्त्यैव वृष्टिमा च्यावयति ये देवा दिविभागा
 इति कृष्णाजिनमव धूनीतीम एवास्मै लोकाः प्रीता अभीष्टा भवन्ति
 ॥१०॥

सर्वाणि च्छन्दाँस्येतस्यामिष्ट्यामनूच्यानीत्याहुस्त्रिष्टुभो वा एतद्वीर्यं
 यत्कुदुष्णिहा जगत्यै यदुष्णिहकुकुभावन्वाह तेनैव सर्वाणि
 च्छन्दाँस्यव रुद्धे गायत्री वा एषा यदुष्णिहा यानि
 चत्वार्यध्यक्षराणि चतुष्पाद एव ते पशवो यथा पुरोडाशे
 पुरोडाशोऽध्येवमेव तद्यद्व्यध्यक्षराणि यज्जगत्या परिदध्यादन्तं यज्ञं
 गमयेत्त्रिष्टुभा परि दधातीन्द्रियं वै वीर्यं त्रिष्टुगिन्द्रिय एव वीर्यं
 यज्ञमिति स्थापयति नान्तं गमयत्यग्ने त्री ते वार्जिना त्री षधस्थेति
 त्रिवत्या परि दधाति सरूपत्वाय सर्वो वा एष यज्ञो यत्रैधातवीयं
 कामायकामाय प्र युज्यते सर्वेभ्यो हि कामेभ्यो यज्ञः प्रयुज्यते
 त्रैधातवीयेन यजेताभिचरन्सर्वो वा एष यज्ञो यत्रैधातवीयं
 सर्वेणैवैनं यज्ञेनाभि चरति स्तृणुत एवैनं मेतयैव यजेताभिचर्यमाणः
 सर्वो वा एष यज्ञो यत्रैधातवीयं सर्वेणैव यज्ञेन यजते
 नैनमभिचरन्स्तृणुत एतयैव यजेत सहस्रेण
 यक्ष्यमाणः प्रजातमेवैनं ददात्ये तयैव यजेत सहस्रेणैजानोऽन्तं वा
 एष पशूनां गच्छति यः सहस्रेण यजते प्रजापतिः खलु वै
 पशूनसृजत ताँस्त्रैधातवीयेनैवासृजत य एवं विद्वाँस्त्रैधातवीयेन
 पशुकामो यजते यस्मादेव योनैः प्रजापतिः पशूनसृजत

तस्मादेवैनान्सृजत उपैनुमुत्तरं सहस्रं नमति देवताभ्यो वा एष
 आ वृश्चयते यो युक्ष्य इत्युक्त्वा न यजते त्रैधातवीर्येन यजेत सर्वो
 वा एष यज्ञो यत्रैधातवीर्यं सर्वेणैव यज्ञेन यजते न देवताभ्य आ
 वृश्चयते द्वादशकपालः पुरोडाशो भवति ते
 त्रयश्चतुष्कपालात्रिष्वमृद्धत्वाय त्रयः पुरोडाशा भवन्ति त्रय इमे
 लोका एषां लोकानामाप्त्या उत्तरउत्तरो ज्यायान्भवत्येवमिव हीमे
 लोका यवमयो मध्य एतद्वा अन्तरिक्षस्य रूपं समृद्धयै
 सर्वेषामभिगमयन्नव द्यत्यच्छम्बट्कारं हिरण्यं ददाति तेज एवाव
 रुन्दे तार्प्यं ददाति पशूनेवाव रुन्दे धेनुं ददात्याशिष एवाव रुन्दे
 साम्नो वा एष वर्णो यद्धिरण्यं यजुषां तार्प्यमुक्थामदानां धेनुरेतानेव
 सर्वान्वर्णानव रुन्दे ॥११॥

त्वष्टा हतपुत्रो वीन्द्रं सोममाहरत्तस्मिन्निन्द्र उपहवमैच्छत तं
 नोपाह्वयत

पुत्रम्मैवधीरिति स यज्ञवेशसं कृत्वा प्रासहा सोममपिबत्तस्य
 यदत्यशिष्यत तत्त्वष्टाहवनीयमुप प्रावर्तयत्स्वाहेन्द्रशत्रुर्वधस्वेति स
 यावदूर्ध्वः पराविध्यति तारति स्वयमेव व्यरमत यदि वा
 तारत्प्रवणमासीत्यदि वा तावदध्यग्रेमासीत्स सम्भवन्नग्रीषोमावभि
 समभवत्स इषुमात्रमिषुमात्रं विष्वङ्ङवर्धत स
 इमाँल्लोकानवृणोद्यदिमाँल्लोकानवृणोत्तद्वृत्रस्य वृत्रत्वं
 तस्मादिन्द्रोऽबिभेदपि त्वष्टा तस्मै त्वष्टा वज्रमसिञ्चत्तपो वै स वज्र
 आसीत्तमुद्यन्तुं नाशक्नोदथ वै तर्हि विष्णुरन्या
 देवतासीत्सोऽब्रवीद्विष्णवेहीदमा हरिष्यावो येनायमिदमिति स
 विष्णुस्त्रेधात्मानं वि न्यधत्त पृथिव्यां तृतीयमन्तरिक्षे तृतीयं दिवि
 तृतीयमभिपर्यावर्ताद्ध्यबिभेद्यत्पृथिव्यां तृतीयमासीत्तेनेन्द्रो
 वज्रमुदयच्छद्विष्णवनुस्थितः सोऽब्रवीतन्मा मे प्र हारस्ति वा इदं

मयि वीर्यं तत्ते प्र दास्यामीति
 तदस्मै प्रायच्छत्तत्प्रत्यगृह्णादधा मेति तद्विष्णवेति प्रायच्छत्तद्विष्णुः
 प्रत्यगृह्णादस्मास्विन्द्र इन्द्रियं दधात्विति यदन्तरिक्षे
 तृतीयमासीत्तेनेन्द्रो वज्रमुदयच्छद्विष्णवनुस्थितः सौऽब्रवीन्मा मे प्र
 हारस्ति वा इदं मयि वीर्यं तत्ते प्र दास्यामीति
 तदस्मै प्रायच्छत्तात्प्रत्यगृह्णादिद्वर्माधा इति तद्विष्णवेति
 प्रायच्छत्तद्विष्णुः प्रत्यगृह्णादस्मास्विन्द्र इन्द्रियं दधात्विति यद्विवि
 तृतीयमासीत्तेनेन्द्रो वज्रमुदयच्छद्विष्णवनुस्थितः सौऽब्रवीन्मा मे प्र
 हार्येनाहमिदमस्मि तत्ते प्र दास्यामीति त्वी३ इत्यब्रवीत्संधां तु सं
 दधावहे त्वामेव प्र विशानीति यन्माम्प्रविशेः किम्मा भुञ्ज्या
 इत्यब्रवीत्त्वामेवेन्धीय तव भोगाय त्वाम्प्र विशेषमित्यब्रवीत्तम्बृत्रः
 प्राविशदुदरं वै वृत्रः क्षुत्खलु वै मनुष्यस्य भ्रातृव्यो य एवं वेद
 हन्ति क्षुधम्भ्रातृव्यं
 तदस्मै प्रायच्छत्तत्प्रत्यगृह्णात्त्रिर्माधा इति तद्विष्णवेति
 प्रायच्छत्तद्विष्णुः प्रत्यगृह्णादस्मास्विन्द्र इन्द्रियं दधात्विति यत्त्रिः
 प्रायच्छत्त्रिः प्रत्यगृह्णात्तत्त्रिधातौस्त्रिधातुत्वं यद्विष्णुरन्वतिष्ठत
 विष्णवेति प्रायच्छत्तस्मादैन्द्रावैष्णवँ हविर्भवति
 यद्वा इदं किंच तदस्मै तत्प्रायच्छदृचः सामानि यजँषि सहस्रं वा
 अस्मै तत्प्रायच्छत्तस्मात्सहस्रदक्षिणम् ॥१२॥

देवा वै राज्ञ्याञ्जायमानादबिभयुस्तमन्तरेव सन्तं दाम्नापौम्भन्त्स वा
 एषोऽपौब्धो जायते यद्राज्ञ्यौ यद्वा एषोऽनपौब्धो जायेत
 वृत्रान्मँश्चरे द्यं कामयेत राज्ञ्यमनपौब्धो जायेत वृत्रान्मँश्चरेदिति
 तस्मा एतमैन्द्राबार्हस्पत्यं चरुं निर्वपेदैन्द्रो वै राज्ञ्यो ब्रह्म
 बृहस्पतिर्ब्रह्मणैवैनं दाम्नोऽपोम्भनान्मुञ्चति हिरण्मयं दाम् दक्षिणा
 साक्षादेवैनं दाम्नोऽपोम्भनान्मुञ्चति ॥१३॥

नवोनवो भवति जायमानोऽह्नां केतुरुषसामेत्यग्रै । भागं देवेभ्यो वि
 दधात्यायन् चन्द्रमास्तिरति दीर्घमायुः ॥
 यमादित्या अशुमाप्याययन्ति यमक्षितमक्षितयः पिबन्ति । तेन
 नो राजा वरुणो बृहस्पतिरा प्याययन्तु भुवनस्य गोपाः ॥
 प्राच्यां दिशि त्वमिन्द्रासि राजतोर्दीच्यां वृत्रहन्वृत्रहासि । यत्र
 यन्ति स्रोत्यास्तज्जितं तै दक्षिणतो वृषभ ऐधि हव्यः ।
 इन्द्रो जयाति न परा जयाता अधिराजो राजसु राजयाति । विश्वा
 हि भूयाः पृतना अभिष्टीरुपसद्यो नमस्यो यथासत् ॥
 अस्येदेव प्र रिरिचे महित्वं दिवः पृथिव्याः पर्यन्तरिक्षात् ।
 स्वराडिन्द्रो दम आ विश्वगूर्तः स्वरिरमत्रो ववक्षे रणाय ।
 अभि त्वा शूर नोनुमो ऽदुग्धा इव धेनवः । ईशानमस्य जगतः
 सुवर्द्धशमीशानमिन्द्र तस्थुषः ॥
 त्वामिद्धि हवामहे साता वाजस्य कारवः । त्वां वृत्रेष्विन्द्र सत्पतिं
 नरस्त्वां काष्ठास्वर्वतः ॥
 यदद्याव इन्द्र ते शतं शतम्भूमिरुत स्युः । न त्वा वज्रिन्त्सहस्रं
 सूर्या अनु न जातमष्ट रोदसी ॥
 पिबा सोममिन्द्र मन्दतु त्वा यं तै सुषाव हर्यश्वाद्रिः
 सोतुर्बाहुभ्यां सुयतो नार्वा ॥
 रेवतीर्नः सधमाद इन्द्रै सन्तु तुविवाजाः । क्षुमन्तो याभिर्मदेम ॥
 उदग्ने शुचयस्तव
 वि ज्योतिषो दु त्यं जातवेदसं
 सप्त त्वा हरितो रथे वहन्ति देव सूर्य । शोचिष्केशं विचक्षण ॥
 चित्रं देवानामुदगादनीकं चक्षुर्मित्रस्य वरुणस्याग्नेः । आप्रा
 द्यावापृथिवी अन्तरिक्षं सूर्य आत्मा जगतस्तस्थुषश्च ॥
 विश्वे देवा ऋतावृध ऋतुभिर्हवनश्रुतः । जुषन्तां युज्यम्पयः ॥

विश्वे देवाः शृणुतेमँ हवम्मे ये अन्तरिक्षे य उप द्यविष्ठ । ये
अग्निजिह्वा उत वा यजत्रा आसद्यास्मिन्बर्हिषि मादयध्वम् ॥१४॥
इति द्वितीयकाण्डे चतुर्थः प्रपाठकः ॥४॥

अथ द्वितीयकाण्डे पञ्चमः प्रपाठकः ॥५॥

विश्वरूपो वै त्वाष्ट्रः पुरोहितो देवानामासीत्स्त्रीयोऽसुराणां तस्य
 त्रीणि शीर्षाण्यासन्त्सोमपानं सुरापानमन्नादनुं स प्रत्यक्षं देवेभ्यो
 भागमवदत्परोऽक्षमसुरेभ्यः सर्वस्मै वै प्रत्यक्षम्भागं वदन्ति यस्मा
 एव परोऽक्षं वदन्ति तस्य भाग उदितस्तस्मादिन्द्रोऽबिभेदीदृङ् वै राष्ट्रं
 वि पर्यावर्तयतीति तस्य वज्रमादाय
 शीर्षार्यच्छिन्नद्यत्सोमपानमासीत्स कपिञ्जलोऽभवद्यत्सुरापानं स
 कलविङ्को यदन्नादनुं स तित्तिरिस्तस्याञ्जलिना
 ब्रमहत्यामुपागृह्णात्तां संवत्सुरमबिभ्रस्तम्भूतान्यभ्यक्रोशन्ब्रह्महन्निति
 । स पृथिवीमुपासीददस्यै ब्रह्महत्यायै तृतीयम्प्रति गृहाणेति
 साब्रवीद्वरं वृणै खातात्पराभविष्यन्ती मन्ये ततो मा परा भूवमिति
 पुरा तै संवत्सुरादपि रोहादित्यब्रवीत्तस्मात्पुरा संवत्सुरात्पृथिव्यै
 खातमपि रोहति वारैवृतं ह्यस्यै तृतीयम्ब्रह्महत्यायै
 प्रत्यगृह्णात्तत्स्वकृतमिरिणमभवत्तस्मादाहिताग्निः श्रद्धादैवः स्वकृत
 इरिणे नाव स्येद्ब्रह्महत्यायै ह्येष वर्णः स वनस्पतीनुपासीददस्यै
 ब्रह्महत्यायै तृतीयम्प्रति गृह्णीतेति तैऽब्रुवन्वरं वृणामहै
 वृक्षात्पराभविष्यन्तौ मन्यामहे ततो मा परा भूमेत्यावश्चनाद्वो
 भूयांस उत्तिष्ठानित्यब्रवीत्तस्मादावश्चनाद्वृक्षाणाम्भूयांस उत्तिष्ठन्ति
 वारैवृतं ह्येषां तृतीयम्ब्रह्महत्यायै प्रत्यगृह्णन्त्स
 निर्यासोऽभवत्तस्मान्निर्यासस्य नाशयम्ब्रह्महत्यायै ह्येष वर्णोऽथो खलु
 य एव लोहितो यो वावश्चनान्निर्येषति तस्य नाशयं काममन्यस्य ।
 स स्त्रीषंसादमुपासीददस्यै ब्रह्महत्यायै तृतीयम्प्रति गृह्णीतेति ता
 अब्रुवन्वरं वृणामहा ऋत्वियात्प्रजां विन्दामहै काममा विजनितोः
 सम्भवामेति तस्मादृत्वियात्स्त्रियः प्रजां विन्दन्ते काममा विजनितोः
 सम्भवन्ति वारैवृतं ह्यासां तृतीयम्ब्रह्महत्यायै प्रत्यगृह्णन्त्सा
 मलवद्वासा अभवत्तस्मान्मलवद्वाससा न सं वदेत् न सहासीत्

नास्या अन्नमद्याद्ब्रह्महत्यायै ह्येषा वणं म्प्रतिमुच्यास्तेऽथो
 खल्वाहुरभ्यञ्जनं वाव स्त्रिया अन्नमभ्यञ्जनमेव न प्रतिगृह्यं
 काममन्यदिति याम्मलवद्वाससः सम्भवन्ति यस्ततो जायते
 सौऽभिश्स्तो यामरणये तस्यै स्तेनो याम्पराचीं तस्यै
 हीतमुख्यपगल्भो या स्नाति तस्या अप्सु मारुको याभ्यङ्गे तस्यै
 दुश्चर्मा या प्रलिखते तस्यै खलतिरपमारी याङ्गे तस्यै काणो या द्रतो
 धावते तस्यै श्यावदन्या नखानि निकृन्तते तस्यै कुनखी या कृणत्ति
 तस्यै क्लीबो या रज्जुः सृजति तस्या उद्धन्धुको या पर्णेन पिबति
 तस्या उन्मादुको या खर्वेण पिबति तस्यै खर्वस्तिस्त्रो रात्रीर्वृतं
 चरेदञ्जलिना वा पिबेदखर्वेण वा पात्रेण प्रजायै गोपीथाय ॥१॥

त्वष्टा हतपुत्रो वीन्द्रः सोममाहरत्तस्मिन्निन्द्र उपहवमैच्छत तं
 नोपाह्वयत
 पुत्रम्मैऽवधीरिति स यज्ञवेशसं कृत्वा प्रासहा सोममपिबत्तस्य
 यदत्यशिष्यत तत्त्वष्टाहवनीयमुप प्रावर्तयत्स्वाहेन्द्रशत्रुर्वर्धस्वेति
 यदवर्तयत्तद्वृत्रस्य वृत्रत्वं यदब्रवीत्स्वाहेन्द्रशत्रुर्वर्धस्वेति
 तस्मादस्येन्द्रः शत्रुरभवत्स सम्भवन्नग्रीषोमावभि समभवत्स
 इषुमात्रमिषुमात्रं विष्वङ्ङवर्धत स
 इमाल्लोकानवृणोद्यदिमाल्लोकानवृणोत्तद्वृत्रस्य वृत्रत्वं
 तस्मादिन्द्रोऽबिभेत्स प्रजापतिमुपाधावच्छत्रुर्मेऽजनीति तस्मै वज्रं
 सिक्त्वा प्रायच्छदेतेन जहीति तेनाभ्यायत तावब्रूतामग्रीषोमौ मा प्र
 हारावमन्तः स्व इति मम वै युवः स्थ इत्यब्रवीन्मामभ्येतमिति
 तौ भागधेयमैच्छेतां ताभ्यामेतमग्रीषोमीयमेकादशकपालम्पूर्णमासे
 प्रायच्छत्तावब्रूतामभि संदष्टौ वै स्वो न शक्नुव ऐतुमिति स इन्द्र
 आत्मनः शीतरूरावजनयत्तच्छीतरूरयोर्जन्म य एव
 शीतरूरयोर्जन्म वेद नैनः शीतरूरौ

हतस्ताभ्यामेनमभ्यनयत्तस्माज्जुभ्यमानादग्नीषोमौ निरक्रामतां
 प्राणापानौ वा ऐनं तदजहितां प्राणो वै दक्षोऽपानः
 क्रतुस्तस्माज्जुभ्यमानो ब्रूयान्मयि दक्षक्रतू इति
 प्राणापानावेवात्मन्धत्ते सर्वमायुरेति स देवता वृत्रान्निर्हूय वार्त्रघ्नं
 हविः पूर्णमासे निरवपद्घन्ति वा ऐनम्पूर्णमास ४
 अमावास्यायाम्प्याययन्ति तस्माद्वार्त्रघ्नी पूर्णमासेऽनूच्येते वृधन्वती
 अमावास्यायां तत्संस्थाप्य वार्त्रघ्नं हविर्वज्रमादाय पुनरभ्यायत
 ते अब्रूतां द्यावापृथिवी मा प्र हारावयोर्वै श्रित इति ते अब्रूतां वरं
 वृणावहै नक्षत्रविहिताहमसानीत्युसावब्रवीच्चित्रविहिताहमितीयं
 तस्मान्नक्षत्रविहितासौ चित्रविहितेऽयं य एवं द्यावापृथिव्योर्वरं
 वेदै नं वरो गच्छति स आभ्यामेव प्रसूत इन्द्रो वृत्रमहन्ते देवा वृत्रं
 हत्वाग्नीषोमावब्रुवन्हुव्यं नौ वहतमिति तावब्रूतामपतेजसौ वै त्यौ
 वृत्रे वै त्ययोस्तेज इति तेऽब्रुवन्क इदमच्छैतीति गौरित्यब्रुवन्गौर्वाव
 सर्वस्य मित्रमिति साब्रवीत्वरं वृणै मय्येव सतोऽभयेन भुनजाध्वा
 इति तद्वौराहरत्तस्माद्गवि सतोऽभयेन भुञ्जत एतद्वा अग्नेस्तेजो
 यद्धृतमेतत्सोमस्य यत्पयो य एवमग्नीषोमयोस्तेजो वेद तेजस्व्यैव
 भवति
 ब्रह्मवादिनो वदन्ति किंदेवत्यम्पौर्णमासमिति प्राजापत्यमिति
 ब्रूयात्तेनेन्द्रं ज्येष्ठम्पुत्रं निरवासाययदिति तस्माज्ज्येष्ठम्पुत्रं धनेन
 निरवसाययन्ति ॥२॥

इन्द्रं वृत्रं जघ्निवाँसुमृधोऽभि प्रावेपन्त स एतं
 वैमृधम्पूर्णमासेऽनुनिर्वाप्यमपश्यत्तं निरवपत्तेन वै स मृधोऽपाहत
 यद्वैमृधः पूर्णमासेऽनुनिर्वाप्यो भवति मृध एव तेन यजमानोऽप हत
 इन्द्रो वृत्रं हत्वा देवताभिश्चेन्द्रियेण च व्यार्ध्यत स
 एतमाग्नेयमष्टाकपालममावास्यायामपश्यदैन्द्रं दधि तं निरवपत्तेन वै

स दे॒वता॑श्चेन्द्रि॒यं चावा॑रु॒द्ध
 यदा॑ग्ने॒यौऽष्टा॑क॒पालोऽमा॒वास्या॑या॒म्भव॑त्यै॒न्द्रं दधि॑ दे॒वता॑श्चै॒व
 तेनै॑न्द्रि॒यं च॒ यज॑मानोऽव॒ रुद्ध॑ इन्द्र॒स्य वृ॒त्रं ज॒घ्नुष॑ इन्द्रि॒यं
 वी॒र्य॑म्पृ॒थिवी॑मनु॒ व्यार्च॑त्तदोष॒धयो वी॒रुधो॑ऽभव॒न्स
 प्र॒जाप॑तिमुपा॒धाव॑द्दू॒त्रम्मे॑ ज॒घ्नुष॑ इन्द्रि॒यं वी॒र्यं॑ पृ॒थिवी॑मनु॒
 व्या॒रुत्त॑दोष॒धयो वी॒रुधो॑ऽभू॒वन्निति॑ स प्र॒जाप॑तिः प॒शुर्न॑ब्रवीदे॒तदस्मै॑
 सं न॑य॒तेति॑ तत्प॒शव॑
 ओष॑धी॒भ्योऽध्या॑त्मन्सम॒नय॑न्तत्प्रत्य॒दुह॑न्यत्स॒मन॑य॒न्तत्सा॑नाय्यस्य
 सा॑नाय्य॒त्वं यत्प्र॑त्यदु॒हन्त॑त्प्रति॒धुषः॑ प्रति॒धुक्त्व॑ँसम॒नैषुः॑ प्रत्य॒धुक्ष॑न्न
 तु म॒रिचि॑ श्रय॒तु इत्य॑ब्रवीदे॒तदस्मै॑ ।३। शृ॒तं कुरु॑तेत्य॒ब्रवी॑त्तद॒स्मै
 शृ॒तम॑कुर्वन्निन्द्रि॒यं वा॒वास्मि॑न्वी॒र्यं तद॑श्रय॒न्तच्छृ॑तस्य॒ शृ॒तत्व॑ँ
 सम॒नैषुः॑ प्रत्य॒धुक्ष॑त्तम॒क्रन्न॑ तु मा॒ धिनो॑तीत्य॒ब्रवी॑दे॒तदस्मै॑ दधि॑
 कुरु॑तेत्य॒ब्रवी॑त्तद॒स्मै दध्य॑कुर्वन्तदे॒नम॑धि॒नोत्तद्दु॒धो दधि॑त्वं
 ब्र॒ह्मवा॑दिनो॒ वद॑न्ति द॒ध्नः पूर्॑वस्याव॒देयं॑ दधि॑ हि पूर्॒वं क्रि॑य॒तु
 इत्य॑ ना॒दृत्य॑ तच्छृ॒तस्यै॒व पूर्॑वस्याव॒ द्येदिन्द्रि॒यमे॒वास्मि॑न्वी॒र्यं
 श्रि॒त्वा द॒ध्नोपरि॑ष्ठाद्धिनोति यथापूर्॒वमु॑पैति यत्पू॒तीकै॑र्वा
 पर्ण॑व॒ल्कैर्वा॑तञ्च॒यात्सौ॒म्यं तद्य॑त्व॒लै राक्ष॑सं तद्यत्त॑र॒डुलै॑र्वै॒श्वदे॑वं
 तद्य॑दा॒तञ्च॑नेन मा॒नुषं॑ तद्यद्दु॒ध्ना तत्से॑न्द्रं द॒ध्ना ते॑नक्ति
 से॒न्द्रत्वा॒याग्नि॑होत्रोच्छे॒षण॑म॒भ्याते॑नक्ति य॒ज्ञस्य॑ सं॒तत्या॑ इन्द्रो॒ वृ॒त्रं
 ह॒त्वा परा॑म्परा॒वर्त॑मगच्छ॒दपा॑राध॒मिति॑ मन्य॒मान॑स्तं दे॒वता॑ः
 प्रै॒षमै॑च्छ॒न्तसो॑ऽब्रवीत्प्र॒जाप॑तिर्यः प्र॒थमो॑ऽनु॒विन्द॑ति तस्य॒
 प्रथ॑म॒भाग॑धेय॒मिति॑ तम्पि॒तरोऽन्व॑विन्द॒न्तस्मा॑त्पि॒तृभ्यः॑ पूर्वे॒द्युः
 क्रि॑य॒ते सौऽमा॒वास्या॑म्प्रत्यागच्छ॒त्तं दे॒वा अ॒भि सम॑गच्छ॒न्तामा॑ वै
 नोऽद्य॑ वसु॒ वस॑तीतीन्द्रो हि दे॒वानां॑ वसु॒ तद॑मा॒वास्या॑या
 अ॒मावा॑स्य॒त्वं ब्र॒ह्मवा॑दिनो॒ वद॑न्ति किंदे॒वत्य॑ँ सा॑नाय्यमिति
 वै॒श्वदे॑वमिति ब्रू॒याद्वि॑श्चे हि तद्दे॒वा भा॑ग॒धेय॑म॒भि सम॑गच्छ॒न्तेत्यथो॑

खल्वैन्द्रमित्येव ब्रूयादिन्द्रं वाव ते तद्भिषज्यन्तोऽभि समगच्छन्तेति
॥३॥

ब्रह्मवादिनो वदन्ति स त्वै दर्शपूर्णमासौ यजेत य एनौ सेन्द्रौ
यजेतेति

वैमृधः पूर्णमासेऽनुनिर्वाप्यो भवति तेन पूर्णमासः सेन्द्र एन्द्रं
दध्यमावास्यायां तेनामावास्या सेन्द्रा य एवं विद्वान्दर्शपूर्णमासौ
यजते सेन्द्रावेवैनौ यजते श्वःश्वोऽस्मा ईजानाय वसीयो भवति देवा
वै यद्यज्ञेऽकुर्वत तदसुरा अकुर्वत ते देवा

एतामिष्टिमपश्यन्नाग्रावैष्णवमेकादशकपालं सरस्वत्यै चरुं
सरस्वते चरुं ताम्पौर्णमासं स स्थाप्यानु निरवपन्ततो देवा
अभवन्परासुरा यो भ्रातृव्यवान्त्स्यात्स पौर्णमासं

स स्थाप्यैतामिष्टिमनु निर्वपेत्पौर्णमासेनैव वज्रम्भ्रातृव्याय
प्रहत्याग्रावैष्णवेन देवताश्च यज्ञं च भ्रातृव्यस्य वृद्धे

मिथुनान्पशून्त्सारस्वताभ्यां यावदेवास्यास्ति तत्सर्वं वृद्धे
पौर्णमासीमेव यजेत भ्रातृव्यवान्नामावास्यां हत्वा भ्रातृव्यं
नाप्याययति साकम्प्रस्थायीयेन यजेत पशुकामो यस्मै वा

अल्पेनाहरन्ति नात्मना तृप्यति नान्यस्मै ददाति यस्मै महता
तृप्यत्यात्मना ददात्यन्यस्मै महता पूर्णं होतव्यं तृप्त एवैनमिन्द्रः
प्रजया पशुभिस्तर्पयति दारुपात्रेण जुहोति न हि मृन्मयमाहुतिमानश

औदुम्बरं भवत्यूर्गवा उदुम्बर ऊर्क्पशव ऊर्जैवास्मा ऊर्जम्पशूनव
रुद्धे नागतश्रीर्महेन्द्रं यजेत त्रयो वै गतश्रियः शुश्रुवान्ग्रामणी

राजन्यस्तेषाम्महेन्द्रो देवता यो वै स्वां देवतामतियजते प्र स्वायै
देवतायै च्यवते न पराम्प्राप्नोति पापीयान्भवति संवत्सरमिन्द्रं यजेत

संवत्सरं हि वृतं नाति स्वैवैनं देवतेज्यमाना भूत्या इन्द्रे
वसीयान्भवति संवत्सरस्य परस्तादग्र्यै वृतपतये

पुरोडाशमष्टाकपालं निर्वपेत्संवत्सरमेवैनं वृत्रं जघ्निवाꣳ
समग्निर्व्रतपतिर्व्रतमा लम्भयति ततोऽधि कामं यजेत ॥४॥

नासौमयाजी सं नयेदनागतं वा एतस्य पयो योऽसौमयाजी
यदसौमयाजी सं नयेत्परिमोष एव सोऽनृतं करोत्यथो परैव सिच्यते
सोमयाज्यैव सं नयेत्पयो वै सोमः पयः सांनान्यम्पयसैव पय
आत्मन्धत्ते वि वा एतम्प्रजया पशुभिरर्धयति वर्धयत्यस्य भ्रातृव्यं
यस्य हविर्निरुप्तम्पुरस्ताच्चन्द्रमा अभ्युदेति त्रेधा तण्डुलान्वि भजेद्ये
मध्यमाः स्युस्तानुग्रये दात्रे पुरोडाशमष्टाकपालं कुर्याद्ये
स्थविष्ठास्तानिन्द्राय प्रदात्रे दधꣳश्चरुं येऽणिष्ठास्तान्विष्णावे
शिपिविष्टाय शृते चरुमग्निरेवास्मै प्रजाम्प्रजनयति वृद्धामिन्द्रः प्र
यच्छति यज्ञो वै विष्णुः पशवः शिपिर्यज्ञ एव पशुषु प्रति तिष्ठति न
द्वे यजेत यत्पूर्वया सम्प्रति यजेतोत्तरया छम्बट्कुर्याद्यदुत्तरया
सम्प्रति यजेत पूर्वया छम्बट्कुर्यान्नेष्टिर्भवति न यज्ञस्तदनु हीत
मुख्यपगुल्भो जायत एकामेव यजेत प्रगुल्भोऽस्य जायतेऽनादृत्य
तद्वे एव यजेत यज्ञमुखमेव पूर्वया लभते यजत उत्तरया देवता एव
पूर्वयावरुद्ध इन्द्रियमुत्तरया देवलोकमेव पूर्वयाभिजयति मनुष्य-
लोकमुत्तरया

भूयसो यज्ञक्रतूनुपैत्येषा वै सुमना नामेष्टिर्यमद्येजानम्पश्चाच्चन्द्रमा
अभ्युदेत्यस्मिन्नेवास्मै लोकेऽर्धुकम्भवति दाक्षायणयज्ञेन सुवर्गकामो
यजेत पूर्णमासे सं नयेन्मैत्रावरुणायामिक्षायामावास्यायां यजेत
पूर्णमासे वै देवानाꣳ सुतस्तेषामेतमर्धमासम्प्रसुत स्तेषाम्मैत्रावरुणी
वशामावास्यायामनूबन्ध्या यत्पूर्वेद्युर्यजते वेदिमेव तत्करोति
यद्वत्सानपाकरोति सदोहविधाने एव सम्मिनोति
यद्यजते देवैरेव सुत्याꣳ सम्पादयति स एतमर्धमासꣳ संध्रमादं
देवैः सोमम्पिबति यन्मैत्रावरुणायामिक्षायामावास्यायां यजते यैवासौ

देवानां वशानूबन्ध्या सो एवैषैतस्य साक्षाद्वा एष देवानभ्यारोहति
 य एषां यज्ञमभ्यारोहति यथा खलु वै श्रेयानभ्यारूढः कामयते तथा
 करोति यद्यवविध्यति पापीयान्भवति यदि नावविध्यति
 सदृङ्गव्यावृत्काम एतेन यज्ञेन यजेत क्षुरपविर्ह्येष यज्ञस्ताजक्पुण्यो
 वा भवति प्र वा मीयते तस्यैतद्व्रतं नानृतं वदेन्न माँसमशनीयान्न
 स्त्रियमुपेयान्नास्य पल्पूलनेन वासः पल्पूलयेयुरेतद्धि देवाः सर्वं न
 कुर्वन्ति ॥५॥

एष वै देवस्थो यद्दर्शपूर्णमासौ यो दर्शपूर्णमासाविष्टा सोमेन यजते
 रथस्पष्ट एवावसाने वरं देवानामव स्यत्ये तानि वा अङ्गापरूँषि
 संवत्सरस्य यद्दर्शपूर्णमासौ य एवं विद्वान्दर्शपूर्णमासौ
 यजतेऽङ्गापरूँष्येव संवत्सरस्य प्रति दधात्ये ते वै संवत्सरस्य
 चक्षुषी यद्दर्शपूर्णमासौ य एवं विद्वान्दर्शपूर्णमासौ यजते ताभ्यामेव
 सुवर्गं लोकमनु पश्यत्येषा वै देवानां विक्रान्तिर्यद्दर्शपूर्णमासौ य
 एवं विद्वान्दर्शपूर्णमासौ यजते देवानामेव विक्रान्तिमनु वि क्रमत
 एष वै देवयानः पन्था यद्दर्शपूर्णमासौ य एवं विद्वान्दर्शपूर्णमासौ
 यजते य एव देवयानः पन्थास्तँ समारोहत्ये तौ वै देवानाँ हरी
 यद्दर्शपूर्णमासौ य एवं विद्वान्दर्शपूर्णमासौ यजते यावेव देवानाँ
 हरी ताभ्यामेवैभ्यो हव्यं वहत्ये तद्वै देवानामास्यं यद्दर्शपूर्णमासौ य
 एवं विद्वान्दर्शपूर्णमासौ यजते साक्षादेव देवानामास्यं जुहोत्ये ष वै
 हविर्धानी यो दर्शपूर्णमासयाजी सायम्प्रातरग्निहोत्रं जुहोति यजते
 दर्शपूर्णमासावहरहर्हविर्धानिनाँ सुतो य एवं विद्वान्दर्शपूर्णमासौ
 यजते हविर्धान्यस्मीति सर्वमेवास्य बर्हिष्यं दत्तम्भवति देवा वा
 अहर्यज्ञियं नाविन्दन्ते दर्शपूर्णमासावपुनन्तौ वा एतौ पूतौ मेध्यौ
 यद्दर्शपूर्णमासौ य एवं विद्वान्दर्शपूर्णमासौ यजते पूतावेवैनौ मेध्यौ
 यजते नामावास्यायां च पौर्णमास्यां च

स्त्रियमुपेयाद्यदुपेयान्निरिन्द्रियः स्यात्सोमस्य वै राज्ञोऽर्धमासस्य
 रात्रयः पत्न्य आसन्तासाममावास्यां च पौर्णमासीं च नोपैत्ते एनमभि
 समनह्येतां तं यक्ष्म आर्च्छद्राजानं यक्ष्म आरुदिति तद्राजयक्ष्मस्य
 जन्म यत्पापीयानर्भवत्तत्पापयक्ष्मस्य यज्जायाभ्यामविन्दत्तज्जायेन्यस्य
 य एवमेतेषां यक्ष्माणां जन्म वेद नैनमेते यक्ष्मा विन्दन्ति स एते
 एव नमस्यनुपाधावृत्ते अब्रूतां
 वरं वृणावहा आवं देवानाम्भागुधे असावावदधि देवा इज्यान्ता
 इति

तस्मात्सदृशीनां रात्रीणाममावास्यायां च पौर्णमास्यां च देवा
 इज्यन्ते एते हि देवानाम्भागुधे भागुधा अस्मै मनुष्या भवन्ति य एव
 वेद भूतानि क्षुधमघ्नन्त्सद्यो मनुष्या अर्धमासे देवा मासि पितरः
 संवत्सरे वनस्पतयस्तस्मादहरहर्मनुष्या अशनमिच्छन्तेऽर्धमासे देवा
 इज्यन्ते मासि पितृभ्यः क्रियते संवत्सरे वनस्पतयः फलं गृह्णन्ति य
 एवं वेद हन्ति क्षुधम्भ्रातृव्यम् ॥६॥

देवा वै नर्चि न यजुष्यश्रयन्त ते सामन्नेवाश्रयन्त हिं करोति
 सामैवाकृहिं करोति यत्रैव देवा अश्रयन्त तत् एवैनान्प्र युङ्क्ते
 हिं करोति वाच एवैष योगो हिं करोति प्रजा एव तद्यजमानः सृजते
 त्रिः प्रथमामन्वाह त्रिरुत्तमां यज्ञस्यैव तद्वर्षं नह्यत्यप्रस्त्रं साय
 संततमन्वाह प्राणानामन्नाद्यस्य संतत्या अथो रक्षसामपहत्यै
 राथंतरीम्प्रथमामन्वाह राथंतरो वा अयं लोक इममेव लोकमभि
 जयति त्रिर्वि गृह्णाति

त्रय इमे लोका इमानेव लोकानभि जयति बार्हतीमुत्तमामन्वाह
 बार्हतो वा असौ लोकोऽमुमेव लोकमभि जयति प्र वो वाजा
 इत्यनिरुक्ताम्प्राजापत्यामन्वाह यज्ञो वै प्रजापतिर्यज्ञमेव प्रजापतिमा
 रभते प्र वो वाजा इत्यन्वाहान्नं वै वाजोऽन्नमेवाव रुद्धे प्र वो वाजा

इत्यान्वाह तस्मात्प्राचीनं रेतो धीयतेऽग्र आ याहि वीतय इत्याह
 तस्मात्प्राचीः प्रजा जायन्ते प्र वो वाजा इत्यन्वाह मासा वै वाजा
 अर्धमासा अभिद्यवो देवा हविष्मन्तो गौर्धृताची यज्ञो देवाञ्जिगाति
 यजमानः सुम्रयु रिदमसीदमसीत्येव यज्ञस्य प्रियं धामाव रुद्धे यं
 कामयैतु सर्वमार्युरियादिति प्र वो वाजा इति तस्यानूच्याग्र आ
 याहि वीतय इति सं ततमुत्तरमर्धर्चमा लभेत ॥४॥

प्राणेनैवास्यापानं दाधार सर्वमार्युरेति
 यो वा अरुति सामिधेनीनां वेदारत्नावेव भ्रातृव्यं कुरुतेऽर्धर्चो सं
 दधात्येष वा अरुतिः सामिधेनीनां य एवं वेदारत्नावेव भ्रातृव्यं कुरुत
 ऋषेर्ऋषेर्वा एता निर्मिता यत्सामिधेन्यस्ता यदसंयुक्ताः स्युः प्रजया
 पशुभिर्यजमानस्य वि तिष्ठेरन्नर्धर्चो संदधाति सं युनक्त्येवैनास्ता
 अस्मै संयुक्ता अवरुद्धाः सर्वामाशिषं दुहे ॥७॥

अयज्ञो वा एष योऽसामाऽग्र आ याहि वीतय इत्याह राथंतरस्यैष
 वर्णस्तं त्वा समिद्धिरङ्गिर इत्याह वामदेव्यस्यैष वर्णो बृहदग्ने
 सुवीर्यमित्याह बृहत एष वर्णो यदेतं तृचमन्वाह यज्ञमेव
 तत्सामन्वन्तं करोत्यग्निमुष्मिल्लोक आसीदादित्योऽस्मिन्ताविमौ
 लोकावशान्तावास्तां ते देवा अब्रुवन्नेतेमौ वि पर्यूहामेत्यग्र आ याहि
 वीतय इत्यस्मिल्लोकेऽग्निमदधुर्बृहदग्ने सुवीर्यमित्यमुष्मिल्लोक
 आदित्यं ततो वा इमौ लोकावशाम्यतां यदेवमन्वाहानयोर्लोकयोः
 शान्त्यै

शाम्यतोऽस्मा इमौ लोकौ य एवं वेद पञ्चदश सामिधेनीरन्वाह
 पञ्चदश वा अर्धमासस्य रात्रयोऽर्धमासशः संवत्सर आप्यते तासां
 त्रीणि च शतानि षष्टिश्चाक्षराणि तावतीः संवत्सरस्य रात्रयोऽक्षरश
 एव संवत्सरमाप्नोति नृमेधश्च परुच्छेपश्च

ब्रह्मवाद्यमवदेतामस्मिन्दारावार्देऽग्निं जनयाव यतरो नौ
 ब्रह्मीयानिति नृमेधोऽभ्यवदत्स
 धूममजनयत्परुच्छेपोऽभ्यवदत्सोऽग्निमजनयदृष
 इत्यब्रवीद्यत्सुमावद्विद्व कथा त्वमग्निमजीजनो नाहमिति
 सामिधेनीनामेवाहं वर्णं वेदेत्यब्रवीद्यद्धृतवत्पदमनूच्यते स आसां
 वर्णस्तं त्वां समिद्धिरङ्गिर इत्याह सामिधेनीष्वेव तज्जयोतिर्जनयति
 स्त्रियस्तेन यदृच स्त्रियस्तेन यद्वायुत्रियः स्त्रियस्तेन यत्सामिधेन्यौ
 वृषणवतीमन्वाह तेन पुंस्वतीस्तेन सेन्द्रास्तेन मिथुना अग्निर्देवानां
 दूत आसीदुशना काव्योऽसुराणां तौ प्रजापतिम्प्रश्नमैतां
 स प्रजापतिरग्निं दूतं वृणीमह इत्यभि पर्यावर्तत ततौ देवा
 अभवन्परासुरा यस्यैवं विदुषोऽग्निं दूतं वृणीमह इत्यन्वाह
 भवत्यात्मना परास्य भ्रातृव्यो भवत्यध्वरवतीमन्वाह
 भ्रातृव्यमेवैतया ध्वरति शोचिष्कैशस्तमीमह इत्याह
 पवित्रमेवैतद्यजमानमेवैतया पवयति समिद्धो अग्न आहुतेत्याह
 परिधिमेवैतम्परि दधात्यस्कन्दाय यदत ऊर्ध्वमभ्यादध्याद्यथा
 बहिःपरिधि स्कन्दति तादृगेव तत्रयो वा अग्नयौ हव्यवाहनो
 देवानां कव्यवाहनः पितृणां सहरक्षा असुराणां त एतर्ह्या शंसन्ते
 मां वरिष्यते मामिति वृणीध्वं हव्यवाहनमित्याह य एव देवानां
 तं वृणीत आर्षेयं वृणीते बन्धोरेव नैत्यथो संतत्यै पुरस्तादवाचौ
 वृणीते तस्मात्पुरस्तादवाञ्चौ मनुष्यान्पितरोऽनु प्र पिपते ॥८॥

अग्रे महां असीत्याह महान्द्वेष यदग्निर्ब्राह्मणेत्याह ब्राह्मणो द्वेष
 भारतेत्याह द्वेष हि देवेभ्यो हव्यम्भरति देवेद्ध इत्याह देवा ह्येतमैन्धत
 मन्विद्ध इत्याह मनुर्ह्येतमुत्तरो देवेभ्य ऐन्द्रर्षिष्टु इत्याहर्षयो
 ह्येतमस्तुवन्विप्रानुमदित इत्याह विप्रा ह्येते यच्छुश्रुवांसः
 कविशस्त इत्याह कवयो ह्येते यच्छुश्रुवांसो ब्रह्मसंशित इत्याह

ब्रह्मसंशितो ह्येष घृताहवन इत्याह घृताहुतिर्ह्यस्य प्रियतमा
 प्रणीर्यज्ञानामित्याह प्रणीर्येष यज्ञानां रथीरध्वराणामित्याहैष हि
 देवरथोऽतूर्तो होतेत्याह न ह्येतं कश्चन तरति तूर्णिर्हव्यवाडित्याह
 सर्वं ह्येष तरत्या स्पात्रं जुहूर्देवानामित्याह जुहूर्ह्येष देवानां
 चमसो देवपान इत्याह चमसो ह्येष देवपानोऽरां इवाग्ने
 नेमिर्देवांस्त्वम्परिधूरसीत्याह देवान्ह्येष परिभूर्यद्ब्रूयादा वह
 देवान्देवयुते यजमानायेति भ्रातृव्यमस्मै जनयेदा वह
 देवान्यजमानायेत्याह यजमानमेवैतेन वर्धयत्यग्निमग्ने आ वह
 सोममा वहेत्याह देवता एव तद्यथापूर्वमुप ह्वयत आ चाग्ने देवान्वह
 सुयजा च यज जातवेद इत्याहाग्निमेव तत्सं श्यति सोऽस्य
 संशितो देवेभ्यो हव्यं वहत्यग्निर्होतेत्याहाग्निर्वै देवानां होता य
 एव देवानां होता तं वृणीते स्मो वयमित्याहात्मानमेव सूत्वं
 गमयति साधु तै यजमान देवतेत्याहाशिषमेवैतामा शास्ते
 यद्ब्रूयाद्योऽग्निं होता रमवृथा इत्यग्निनोऽभ्यतो यजमानम्परि
 गृहीयात्प्रमार्युकः स्याद्यजमानदेवत्या वै
 जुहूर्भ्रातृव्यदेवत्योऽपभृद्यद्वे इव ब्रूयाद्भ्रातृव्यमस्मै
 जनयेद्घृतवतीमध्वर्यो स्तुचमास्यस्वेत्याह यजमानमेवैतेन वर्धयति
 देवायुवमित्याह देवान्ह्येषावति विश्ववारामित्याह विश्वं
 ह्येषावती डामहै देवां ईडेन्यान्नमस्याम नमस्यान्यजाम
 यज्ञियानित्याह मनुष्या वा ईडेन्याः पितरौ नमस्या देवा यज्ञिया
 देवता एव तद्यथाभागं यजति ॥६॥
 त्रींस्तृचाननु ब्रूयाद्राजन्यस्य त्रयो वा अन्ये राजन्यात्पुरुषा ब्राह्मणो
 वैश्यः शूद्रस्तानेवास्मा अनुकान्करोति पञ्चदशानु ब्रूयाद्राजन्यस्य
 पञ्चदशो वै राजन्यः
 स्व एवैनं स्तोमे प्रतिं ष्ठापयति तृष्टुभा परिं दध्यादिन्द्रियं वै
 त्रिष्टुगिन्द्रियकामः खलु वै राजन्यो यजते त्रिष्टुभैवास्मा इन्द्रियम्परि

गृह्णाति यदि कामयैत ब्रह्मवर्चसमस्त्विति गायत्रिया परि
 दध्याद्ब्रह्मवर्चसं वै गायत्री ब्रह्मवर्चसमेव भवति सप्तदशानु
 ब्रूयाद्वैश्यस्य सप्तदशो वै वैश्यः स्व एवैनं स्तोमे प्रतिष्ठापयति
 जगत्या परि दध्याज्जगता वै पशवः पशुकामः खलु वै वैश्यो
 यजते जगत्यैवास्मै पशूनपरि गृह्णात्ये कविंशतिमनु
 ब्रूयात्प्रतिष्ठाकामस्यैकविंशः स्तोमानाम्प्रतिष्ठा प्रतिष्ठित्यै
 चतुर्विंशतिमनु ब्रूयाद्ब्रह्मवर्चसकामस्य
 चतुर्विंशत्यक्षरा गायत्री गायत्री ब्रह्मवर्चसं गायत्रियैवास्मै
 ब्रह्मवर्चसमव रुद्धे
 त्रिंशतमनु ब्रूयादन्नकामस्य त्रिंशदक्षरा विराडन्नं
 विराड्विराजैवास्मा अन्नाद्यमव रुद्धे द्वात्रिंशतमनु
 ब्रूयात्प्रतिष्ठाकामस्य द्वात्रिंशदक्षरानुष्टुगनुष्टुप्छन्दसाम्प्रतिष्ठा
 प्रतिष्ठित्यै षट्त्रिंशतमनु ब्रूयात्पशुकामस्य षट्त्रिंशदक्षरा बृहती
 बार्हताः पशवो बृहत्यैवास्मै पशूनव रुद्धे चतुश्चत्वारिंशतमनु
 ब्रूयादिन्द्रियकामस्य चतुश्चत्वारिंशदक्षरा त्रिष्टुगिन्द्रियं
 त्रिष्टुज्त्रिष्टुभैवास्मा इन्द्रियमव रुद्धेऽष्टाचत्वारिंशतमनु
 ब्रूयात्पशुकामस्याष्टाचत्वारिंशदक्षरा जगती जागताः पशवो
 जगत्यैवास्मै पशूनव रुद्धे सर्वाणि छन्दांस्यनु ब्रूयाद्बहुयाजिनः
 सर्वाणि वा एतस्य छन्दांस्यवरुद्धानि यो बहुयाज्य परिमितमनु
 ब्रूयादपरिमितस्यावरुद्धयै ॥१०॥

निर्वीतम्मनुष्याणां प्राचीनावीतम्पितृणामुपवीतं देवानां मुप व्ययते
 देवलक्ष्ममेव तत्कुरुते तिष्ठन्नन्वाह तिष्ठन्ध्याश्रुततरं वदति
 तिष्ठन्नन्वाह सुवर्गस्य लोकस्याभिजित्या आसीनो यजत्यस्मिन्नेव
 लोके प्रति तिष्ठति यत्क्रौञ्चमन्वाहासुरं तद्यन्मन्द्रम्मानुषं तद्यदन्तरा
 तत्सदेवमन्तरानूच्यं सदेवत्वाय विद्वांसो वै पुरा
 होतारोऽभूवन्तस्माद्विधृता अध्वानोऽभूवन्न पन्थानः

समरुक्षन्नन्तर्वेद्यन्यः पादो भवति बहिर्वेद्यन्योऽथान्वाहाध्वनां
 विधृत्यै पथामसंरोहायाथौ भूतं चैव भविष्यच्चाव रुद्धेऽथो
 परिमितं चैवापरिमितं चाव रुद्धेऽथौ ग्राम्याश्चैव
 पशूनां रणयाश्चाव रुद्धेऽथौ देवलोकं चैव मनुष्यलोकं चाभि
 जयति देवा वै सामिधेनीरनूच्य यज्ञं नान्वपश्यन्त्स
 प्रजापतिस्तूष्णीमाधारमाऽधारयत्ततो वै देवा
 यज्ञमन्वपश्यन्तूष्णीमाधारमाधारयति यज्ञस्यानुख्यात्या अथो
 सामिधेनीरेवाभ्यनूक्त्य लूक्षो भवति य एवं वेदाथो
 तर्पयत्येवैना स्तृप्यति प्रजया पशुभिर्य एवं वेद
 यदेकयाधारदयेदेकाम्प्रीणीयाद्यद्वाभ्यां द्वे प्रीणीयाद्यत्तिसृभिरति
 तद्वैचयेन्मनसाधारयति मनसा ह्यनाप्तमाप्यते तिर्यञ्चमा
 धारयत्यच्छम्बट्कारं वाक्च मनश्चार्तीयेतामहं देवेभ्यो हव्यं
 वहामीति वाग्ब्रवीदहं देवेभ्य इति मनस्तौ प्रजापतिम्प्रश्नमैतां
 सौऽब्रवीत्प्रजापतिर्दूतीरेव त्वम्मनसोऽसि यद्धि मनसा ध्यायति
 तद्वाचा वदतीति तत्स्वलु तुभ्यं न वाचा
 जुहवन्नित्यब्रवीत्तस्मान्मनसा प्रजापतये जुहति मन इव हि
 प्रजापतिः प्रजापतेराप्त्यै परिधीन्त्सम्माष्टि पुनात्येवैनान्निर्मध्यमं त्रयो
 वै प्राणाः प्राणनेवाभि जयति त्रिर्दक्षिणाध्यं त्रय इमे लोका इमानेव
 लोकानभि जयति त्रिरुत्तराध्यं त्रयो वै देवयानाः पन्थानस्तानेवाभि
 जयति त्रिरुप वाजयति त्रयो वै देवलोका देवलोकानेवाभि जयति
 द्वादश सम्पद्यन्ते द्वादश मासाः संवत्सरः संवत्सरमेव प्रीणत्यथो
 संवत्सरमेवास्मा उप दधाति सुवर्गस्य लोकस्य समष्ट्या आधारमा
 धारयति तिर इव वै सुवर्गो लोकः सुवर्गमेवास्मै लोकम्प्र
 रौचयत्यृजुमा धारयत्यृजुरिव हि प्राणः संततमा धारयति
 प्राणानामन्नाद्यस्य संतत्या अथो रक्षसामपहत्यै यं कामयैत
 प्रमायुकः स्यादिति जिह्वं तस्याधारयेत्प्राणमेवास्माज्जिह्वं नयति

ताजक्प्र मीयते

शिरो वा एतद्यज्ञस्य यदाधार आत्मा ध्रुवाधारमाधार्य ध्रुवाँ
समनक्त्यात्मन्नेव यज्ञस्य शिरः प्रति दधात्यग्निर्देवानां दूत
आसीद्देव्योऽसुराणां तौ प्रजापतिम्प्रश्नमैताँ स
प्रजापतिर्ब्राह्मणमब्रवीदेतद्वि ब्रूहीत्या श्रावयेतीदं देवाः शृणुतेति
वाव तदब्रवीदग्निर्देवो होतेति य एव देवानां तमवृणीत ततो देवा
अभवन्परासुरा यस्यैवं विदुषः प्रवरम्प्रवृणते भवत्यात्मना परास्य
भ्रातृव्यो भवति यद्ब्राह्मणश्चाब्राह्मणश्च प्रश्नमेयाताम्ब्राह्मणायाधि
ब्रूयाद्यद्ब्राह्मणायाध्याहात्मनेऽध्याह यद्ब्राह्मणम्पराहात्मानम्पराह
तस्माद्ब्राह्मणो न पुरोच्यः ॥११॥

आयुष्ट आयुर्दा अग्र आ प्यायस्व सं तेऽव ते हेड उदुत्तमं प्र णौ
देव्या नो दिवोऽग्नाविष्णू अग्नाविष्णू इमं मै वरुण तत्त्वा याम्यु दु
त्यं चित्रम् ॥

अपां नपादा ह्यस्थादुपस्थं जिह्वानामूर्ध्वो विद्युतं वसानः । तस्य
ज्येष्ठम्महिमानं वहन्तीर्हिरण्यवर्णाः परि यन्ति युहीः ॥
समन्या यन्त्युप यन्त्यन्याः समानमूर्वं नद्यः पृणन्ति । तमू शुचिँ
शुचयो दीदिवाँसमपां नपात्म्परि तस्थुरापः ॥
तमस्मैरा युवतयो युवानम्मर्मृज्यमानाः परि यन्त्यापः । स शुक्रेण
शिक्वना रेवदग्निर्दीदायानिध्मो घृतनिर्णिगप्सु ॥
इन्द्रावरुणयोरहँ सम्राजोरव आ वृणे । ता नौ मृडात ईदृशौ ॥
इन्द्रावरुणा युवमध्वराय नो विशे जनाय महि शर्म यच्छतम् ।
दीर्घप्रयज्युमति यो वनुष्यति वयं जयेम पृतनासु दूढयः ॥
आ नौ मित्रावरुणा प्र बाहवा त्वं नौ अग्ने वरुणस्य विद्वान्देवस्य
हेदोऽव यासिसीष्ठाः । यजिष्ठो वह्नितमः शोशुचानो विश्वा
द्वेषाँसि प्र मुमुग्ध्यस्मत् ॥

स त्वं नो अग्नेऽवमो भवोती नेदिष्ठो अस्या उषसो व्युष्टौ । अव
यक्ष्व नो वरुणं ॥ ३॥ रराणो वीहि मृडीकं सुहवो न एधि ॥
प्रप्रायमग्निर्भरतस्य शृणवे वि यत्सूर्यो न रोचते बृहद्भाः । अभि यः
पूरुम्पृतनासु तस्थौ दीदाय दैव्यो अतिथिः शिवो नः ॥
प्र ते यक्षि प्र ते इयर्मि मन्म भवो यथा वन्द्यो नो हवेषु । धन्वन्निव
प्रपा असि त्वमग्न इयक्ष्वै पूरवै प्रत्न राजन् ॥

वि पाजसा वि ज्योतिषा ॥ स त्वमग्ने प्रतीकेन प्रत्योष यातुधान्यः
। उरुक्षयेषु दीद्यत् ॥
तं सुप्रतीकं सुदृशं स्वञ्चमविद्वांसो विदुष्टरं सपेम । स
यक्षद्विश्वा वयुनानि विद्वान्प्र हव्यमग्निर्मृतेषु वोचत् ॥
अहोमुचै विवेष यन्मा वि न इन्द्रेन्द्रं क्षत्र मिन्द्रियाणि
शतक्रतोऽनु ते दायि ॥ १२॥

इति द्वितीयकाण्डे पञ्चमः प्रपाठकः ॥ ५॥

अथ द्वितीयकाण्डे षष्ठः प्रपाठकः ॥ ६॥

सुमिधौ यजति वसन्तमेवर्तूनामव रुद्धे तनूनपातं यजति
ग्रीष्ममेवाव रुद्धे इडो यजति वर्षा एवाव रुद्धे बर्हिर्यजति
शरदमेवाव रुद्धे स्वाहाकारं यजति हेमन्तमेवाव रुद्धे
तस्मात्स्वाहाकृता हेमन्पशवोऽव सीदन्ति सुमिधौ यजत्युषस एव
देवतानामव रुद्धे तनूनपातं यजति यज्ञमेवाव रुद्धे इडो यजति
पशूनेवाव रुद्धे बर्हिर्यजति प्रजामेवाव रुद्धे सुमानयत
उपभृतस्तेजो वा आज्यम्प्रजा बर्हिः प्रजास्वेव तेजो दधाति
स्वाहाकारं यजति वाचमेवाव रुद्धे दश सम्पद्यन्ते
दशाक्षरा विराडन्नं विराडिवराजैवान्नाद्यमव रुद्धे सुमिधौ
यजत्यस्मिन्नेव लोके प्रति तिष्ठति तनूनपातं यजति यज्ञ एवान्तरिक्षे

प्रति तिष्ठतीडो यजति पशुष्वेव प्रति तिष्ठति बहिर्यजति य एव
 दैवयानाः पन्थानस्तेष्वेव प्रति तिष्ठति
 स्वाहाकारं यजति सुवर्ग एव लोके प्रति तिष्ठत्येतावन्तो वै
 दैवल्लोकास्तेष्वेव यथापूर्वम्प्रति तिष्ठति
 देवासुरा एषु लोकेष्वस्पर्धन्त ते देवाः प्रयाजैरेभ्यो
 लोकेभ्योऽसुरान्प्राणदन्त
 तत्प्रयाजानां प्रयाजत्वं यस्यैवं विदुषः प्रयाजा इज्यन्ते प्रैभ्यो
 लोकेभ्यो भ्रातृव्यानुदतेऽभिक्रामं जुहोत्यभिजित्यै यो वै
 प्रयाजानाम्मिथुनं वेद प्र प्रजया पशुभिर्मिथुनैर्जायते समिधौ
 बह्वीरिव यजति तनूनपातमेकमिव मिथुनं तदिडो बह्वीरिव यजति
 बहिरेकमिव मिथुनं तदेतद्वै प्रयाजानाम्मिथुनं य एवं वेद प्र प्रजया
 पशुभिर्मिथुनैर्जायते देवानां वा अनिष्टा देवता आसन्नथासुरा
 यज्ञमजिघांसन्ते देवा गायत्रीं व्यौहन्पञ्चाक्षराणि प्राचीनानि त्रीणि
 प्रतीचीनानि ततो वर्म यज्ञायाभवद्वर्म यजमानाय यत्प्रयाजानूयाजा
 इज्यन्ते वर्मैव तद्यज्ञाय क्रियते वर्म यजमानाय भ्रातृव्याभिभूत्यै
 तस्माद्वरूथम्पुरस्ताद्वर्षीयः पश्चादध्वद्भसीयो देवा वै पुरा रक्षोभ्य इति
 स्वाहाकारेण प्रयाजेषु यज्ञं स स्थाप्यमपश्यन्त स्वाहाकारेण
 प्रयाजेषु समस्थापयन्ति वा एतद्यज्ञं छिन्दन्ति यत्स्वाहाकारेण
 प्रयाजेषु स स्थापयन्ति
 प्रयाजानिष्ठा हवींष्यभिघारयति यज्ञस्य संतत्या अथौ
 हविरेवाक्रथौ यथापूर्वमुपैति पिता वै प्रयाजाः प्रजानूयाजा
 यत्प्रयाजानिष्ठा हवींष्यभिघारयति पितैव तत्पुत्रेण साधारणं कुरुते
 तस्मादाहुर्यश्चैवं वेद यश्च न कथा पुत्रस्य केवलं कथा
 साधारणम्पितुरित्य स्कन्नमेव तद्यत्प्रयाजेष्विष्टेषु स्कन्दति गायत्र्यैव
 तेन गर्भं धत्ते सा प्रजाम्पशून्यजमानाय प्र जनयति ॥१॥

चक्षुषी वा एते यज्ञस्य यदाज्यभागौ यदाज्यभागौ यजति चक्षुषी
 एव तद्यज्ञस्य प्रति दधाति पूर्वार्धे जुहोति तस्मात्पूर्वार्धे चक्षुषी
 प्रबाहुं जुहोति तस्मात्प्रबाहुक्चक्षुषी देवलोकं वा अग्निना
 यजमानोऽनु पश्यति पितृलोकं सोमैनोत्तरार्धेऽग्नये जुहोति
 दक्षिणार्धे सोमायैवमिव हीमौ लोकावनयोर्लोकयोरनुख्यात्यै
 राजानौ वा एतौ देवतानां यद्ग्रीषोमावन्तरा देवता इज्येते देवतानां
 विधृत्यै तस्माद्राज्ञा मनुष्या विधृता ब्रह्मवादिनो वदन्ति किं तद्यज्ञे
 यजमानः कुरुते येनान्यतोदतश्च

पशून्दाधारोऽभ्यतोदतश्चेत्यृचमनूच्याज्यभागस्य जुषाणेन यजति
 तेनान्यतोदतो दाधारर्चमनूच्यं हविष ऋचा यजति तेनोभ्यतोदतो
 दाधार

मूर्धन्वती पुरोऽनुवाक्या भवति मूर्धानमेवैनं समानानां करोति
 नियुत्वत्या यजति भ्रातृव्यस्यैव पशून्नि युवते केशिनं ह दाभ्यं
 केशी सात्यकामिरुवाच सप्तपदां ते शक्वरीं श्वो यज्ञे प्रयोक्तासे
 यस्यै वीर्येण प्र जातान्भ्रातृव्यानुदते प्रति जनिष्यमाणान्यस्यै
 वीर्येणोभयोर्लोकयोज्योर्तिर्धत्ते यस्यै वीर्येण पूर्वार्धेनान्द्वान्भुनक्ति
 जघनार्धेन धेनुरिति पुरस्ताल्लक्ष्मा पुरोऽनुवाक्या भवति जातानेव
 भ्रातृव्यान्प्र शुदत उपरिष्ठाल्लक्ष्मा याज्या जनिष्यमाणानेव प्रति
 नुदते पुरस्ताल्लक्ष्मा पुरोऽनुवाक्या भवत्यस्मिन्नेव लोके
 ज्योर्तिर्धत्त उपरिष्ठाल्लक्ष्मा याज्यामुष्मिन्नेव लोके ज्योर्तिर्धत्ते
 ज्योर्तिष्मन्तावस्मा इमौ लोकौ भवतो य एवं वेद पुरस्ताल्लक्ष्मा
 पुरोऽनुवाक्या भवति तस्मात्पूर्वार्धेनान्द्वान्भुनक्त्युपरिष्ठाल्लक्ष्मा
 याज्या तस्माज्जघनार्धेन धेनुर्य एवं वेद भुङ्क्ते एनमेतौ वज्र आज्यं
 वज्र आज्यभागौ

वज्रो वषट्कारस्त्रिवृतमेव वज्रं सम्भृत्य भ्रातृव्याय प्र
 हरत्यच्छम्बट्कार मपगूर्यं वषट्करोति स्तृत्यै गायत्री पुरोऽनुवाक्या

भवति त्रिष्टुग्याज्या ब्रह्मन्नेव क्षत्रमन्वारम्भयति तस्माद्ब्राह्मणो
 मुख्यो मुख्यो भवति य एवं वेद प्रैवैनम्पुरोऽनुवाक्ययाह प्र रणयति
 याज्यया गुमयति वषट्कारेणै वैनम्पुरोऽनुवाक्यया दत्ते प्र यच्छति
 याज्यया प्रति वषट्कारेणै स्थापयति त्रिपदा पुरोऽनुवाक्या भवति
 त्रय इमे लोका एष्वैव लोकेषु प्रति तिष्ठति चतुष्पदा याज्या
 चतुष्पद एव पशूनव रुद्धे द्व्यक्षरो वषट्कारो द्विपाद्यजमानः
 पशुष्वेवोपरिष्ठात्प्रति तिष्ठति गायत्री पुरोऽनुवाक्या भवति
 त्रिष्टुग्याज्यैषा वै सप्तपदा शक्वरी
 यद्वा एतया देवा अशिक्षन्तदशक्नुवन्त्य एवं वेद शक्नोत्येव
 यच्छिच्छति ॥२॥

प्रजापतिर्देवेभ्यो यज्ञान्वयादिशत्स आत्मन्नाज्यमधत्त तं देवा
 अब्रुवन्नेष वाव यज्ञो यदाज्यमप्येव नोत्रास्त्विति सौऽब्रवीद्यजान्व
 आज्यभागावुप स्तृणानभि घारयानिति तस्माद्यजन्त्याज्यभागावुप
 स्तृणन्त्यभि घारयन्ति ब्रह्मवादिनो वदन्ति
 कस्मात्सत्याद्यातयामान्यन्यानि हवींष्ययातयामाज्यमिति
 प्राजापत्यमिति ब्रूयादयातयामा हि देवानाम्प्रजापतिरिति
 छन्दांसि देवेभ्योऽपाक्रामन्न वोऽभागानि हव्यं वह्नयाम इति तेभ्य
 एतच्चतुरवत्तमधारयन्पुरोऽनुवाक्यायै याज्यायै देवतायै वषट्काराय
 यच्चतुरवत्तं जुहोति छन्दांस्येव तत्प्रीणाति तान्यस्य प्रीतानि
 देवेभ्यो हव्यं वहन्त्य ङ्गिरसो वा इत उत्तमाः सुवर्ग
 लोकमायन्तदृषयो यज्ञवास्त्वभ्यवायन्तेऽपश्यन्पुरोडाशं कूर्मभूतं
 सर्पन्तं तमब्रुवन्निद्राय ध्रियस्व बृहस्पतये ध्रियस्व विश्वेभ्यो देवेभ्यो
 ध्रियस्वेति स नाध्रियत् तमब्रुवन्नग्रये ध्रियस्वेति सौऽग्रयेऽध्रियत्
 यदाग्नेयोऽष्टाकपालोऽमावास्यायां च पौर्णमास्यां चाच्युतो भवति
 सुवर्गस्य लोकस्याभिजित्यै तमब्रुवन्कथाहास्था

इत्यनुपाक्तोऽभूवमित्यब्रवीद्यथाक्षोऽनुपाक्तोऽवाच्छत्येवमवारमित्युपा
 रष्टादभ्यज्याधस्तादुपानक्ति सुवर्गस्य लोकस्य समष्ट्यै सर्वाणि
 कपालान्यभि प्रथयति तावतः पुरोडाशानमुष्मिल्लोकेऽभि जयति
 यो विदग्धः स नैर्ऋतो योऽश्रुतः स रौद्रो यः श्रुतः स
 सदेवस्तस्मादविदहता श्रुतकृत्यः सदेवत्वाय भस्मनाभि वासयति
 तस्मान्मासेनास्थिच्छन्नं वेदेनाभि वासयति तस्मात्केशैः शिरश्छन्नं
 प्रच्युतं वा एतदस्मात्ल्लोकादगतं देवलोकं यच्छृतं
 हविरनभिघारितमभिघार्योद्वासयति देवत्रैवैनद्रमयति यद्येकं कपालं
 नश्येदेको मासः संवत्सरस्यानवेतुः स्यादथ यजमानः प्र मीयेत
 यद्वे नश्येतां द्वौ मासौ संवत्सरस्यानवेतौ स्यातामथ यजमानः प्र
 मीयेत संख्यायोद्वासयति यजमानस्य गोपीथाय यदि नश्येदाश्विनं
 द्विकपालं निर्वपेद्यावापृथिव्यमेककपालमश्विनौ वै देवानाम्भिषजौ
 ताभ्यामेवास्मै भेषजं करोति द्यावापृथिव्यं एककपालो
 भवत्यनयोर्वा एतन्नश्यति यन्नश्यत्यनयोरेवैनद्विन्दति प्रतिष्ठित्यै
 ॥३॥

देवस्य त्वा सवितुः प्रसव इति स्फ्यमा दत्ते प्रसूत्या
 अश्विनौर्बाहुभ्यामित्याहाश्विनौ हि देवानामध्वर्यू आस्तां पूष्णो
 हस्ताभ्यामित्याह यत्यै शतभृष्टिरसि वानस्पत्यो द्विषतो वध इत्याह
 वज्रमेव तत्सं श्यति भ्रातृव्याय प्रहरिष्यन्तस्तम्बयजुर्हरत्येतावती
 वै पृथिवी यावती वेदिस्तस्या एतावत एव भ्रातृव्यं निर्भजति
 तस्मान्नाभागं निर्भजन्ति त्रिहरति त्रयं इमे लोका एभ्य एवैनं
 लोकेभ्यो निर्भजति तूष्णीं चतुर्थं हरत्यपरिमितादेवैनं
 निर्भजत्युद्धन्ति यदेवास्या अमेध्यं तदपि हन्त्युद्धन्ति
 तस्मादोषधयः परा भवन्ति
 मूलं छिनत्ति भ्रातृव्यस्यैव मूलं छिनत्ति पितृदेवत्यातिखातेयतीं

खनति प्रजापतिना यज्ञमुखेन सम्मिता मा प्रतिष्ठायै खनति
 यजमानमेव प्रतिष्ठां गमयति दक्षिणतो वर्षीयसीं करोति
 देवयजनस्यैव रूपमक्रः पुरीषवतीं करोति प्रजा वै पशवः
 पुरीषम्प्रजयैवैनम्पशुभिः पुरीषवन्तं करोत्युत्तरम्परिग्राहम्परि
 गृह्णात्येतावती वै पृथिवी यावती वेदिस्तस्या एतावत एव भ्रातृव्यं
 निर्भज्यात्मन उत्तरम्परिग्राहम्परि गृह्णाति क्रूरमिव वा एतत्करोति
 यद्वेदिं करोति धा असि स्वधा असीति योयुष्यते शान्त्यै प्रोक्षणीरा
 सादयत्यापो वै रक्षोघ्नी रक्षसामपहत्यै
 स्फ्यस्य वर्त्मन्सादयति यज्ञस्य संतत्यै यं द्विष्यात्तं
 ध्यायेच्छुचैवैनमर्पयति ॥४॥

ब्रह्मवादिनो वदन्त्यद्भिर्हवींषि प्रौक्षीः केनाप इति ब्रह्मणेति
 ब्रूयादद्भिर्हवींषि प्रोक्षति ब्रह्मणा इध्माबर्हिः प्रोक्षति
 मेध्यमेवैनत्करोति वेदिम्प्रोक्षत्यृक्षा वा एषालोमकामेध्या
 यद्वेदिर्मेध्यामेवैनां करोति दिवे त्वान्तरिक्षाय त्वा पृथिव्यै त्वेति
 बर्हिरासाद्य प्रोक्षत्येभ्य एवैनल्लोकेभ्यः प्रोक्षति क्रूरमिव वा
 एतत्करोति यत्खनत्यपो नि नयति शान्त्यै पुरस्तात्प्रस्तरं गृह्णाति
 मुख्यमेवैनं करोती यन्तं गृह्णाति प्रजापतिना यज्ञमुखेन सम्मितं
 बर्हिः स्तृणाति प्रजा वै बर्हिः पृथिवी वेदिः प्रजा एव पृथिव्याम्प्रति
 ष्ठापयत्यनतिदृशनं स्तृणाति प्रजयैवैनम्पशुभिरनतिदृशनं
 करोत्युत्तरम्बर्हिषः प्रस्तरं सादयति प्रजा वै बर्हिर्यजमानः प्रस्तरो
 यजमानमेवायजमानादुत्तरं करोति
 तस्माद्यजमानोऽयजमानादुत्तरोऽन्तर्दधाति
 व्यावृत्त्या अनक्ति हविष्कृतमेवैनं सुवर्गं लोकं गमयति त्रेधानक्ति
 त्रयं इमे लोका एभ्य एवैनं लोकेभ्योऽनक्ति न प्रति शृणाति
 यत्प्रतिशृणीयादनूर्ध्वम्भावुकं यजमानस्य स्यादुपरीव प्र

ह॑रत्यु॒तिपरी॑व॒ हि सु॒व॒र्गो लो॒को नि य॑च्छति॒ वृष्टि॑मे॒वास्मै॒ नि
 य॑च्छति॒ नात्य॑ग्र॒म्प्र ह॑रे॒द्यदत्य॑ग्र॒म्प्रह॑रे॒दत्यासा॒रिण्य॑ध्व॒र्योर्नाशु॑का
 स्या॒न्न
 पु॒रस्ता॒त्प्रत्य॑स्ये॒द्यत्पु॒रस्ता॒त्प्रत्य॑स्यै॒त्सुव॑र्गा॒ल्लोका॑द्यज॒मान॒म्प्रति॑
 नुदे॒त्प्राञ्च॑म्प्र ह॑रति॒ यज॑मानमे॒व सु॒व॒र्गं लो॒कं ग॑मयति॒
 न वि॒ष्वञ्च॑ वि॒ यु॒याद्य॑द्वि॒ष्वञ्च॑ वि॒यु॒यात्सू॒र्यस्य॑
 जायेतो॒र्ध्वमु॒द्यौत्यू॒र्ध्वमि॑व॒ हि पु॒ंसः पु॒माने॒वास्य॑ जायते॒ यत्स्फ्ये॑न
 वोप॑वे॒षेण॑ वा यो॒युप्ये॑त॒ स्तृति॑रे॒वास्य॑ सा
 हस्ते॑न यो॒युप्ये॑त॒ यज॑मानस्य गोपी॒थार्य॑ ब्रह्मवा॒दिनो॑ वदन्ति॒
 किं यु॒ज्ञस्य॑ यज॑मान॒ इति॑ प्र॒स्तर॑ इति॒ तस्य॑ क्व सु॒व॒र्गो लो॒क
 इत्या॑हव॒नीय॑ इति॒ ब्रू॒याद्य॑त्प्र॒स्तर॑मा॒हव॒नीये॑ प्र॒हर॑ति॒ यज॑मानमे॒व
 सु॒व॒र्गं लो॒कं ग॑मयति॒
 वि वा ए॒तद्यज॑मानो लिशते॒ यत्प्र॑स्तरं यो॒युप्यन्ते॑ ब॒र्हिर॑नु प्र ह॑रति॒
 शान्त्या॑ अ॒नार॑म्भ॒ण इ॒व वा ए॒तर्ह्य॑ध्व॒र्युः स ई॒श्वरो॑ वै॒प॒नो
 भवि॑तोर्ध्रुवासीती॒माम॒भि मृ॑शतीयं वै ध्रु॒वास्यामे॒व प्रति॑ तिष्ठति॒ न
 वै॒प॒नो भ॑वत्य॒ गा॒र्शन॑ग्री॒दित्या॑ह॒ यद्ब्रू॒याद॑ग॒न्नग्निरि॑त्य॒ग्राव॑ग्निं
 ग॑मये॒न्निर्य॑ज॒मानं॑ सु॒व॒र्गा॒ल्लोका॑द्भ॒र्जेद॑ग॒न्नित्ये॒व ब्रू॒याद्यज॑मानमे॒व
 सु॒व॒र्गं लो॒कं ग॑मयति ॥५॥

अ॒ग्नेस्त्रयो॒ ज्याया॑ंसो॒ भ्रातर॑ आस॒न्ते दे॒वेभ्यो॑ ह॒व्यं वह॑न्तः प्रा॒मीय॑न्त॒
 सौ॒ऽग्निर॑बिभेदित्थं वाव स्य आ॒र्तिमा॑रिष्यतीति॒ स निला॑यत॒ सौ॒ऽपः
 प्रावि॑शत्तं दे॒वताः॒ प्रैष॑मैच्छन्त॒म्मत्स्यः॑ प्राब्र॒वीत्तम॑शपद्धि॒याधिया॑ त्वा
 व॒ध्यासु॑र्यो मा प्रावौच॒ इति॑ तस्मा॒न्मत्स्यं॑ धि॒याधिया॑ घ्नन्ति श॒प्तो हि
 तम॑न्वविन्दन्तम॒ब्रुव॑न्नुप॒ न आ॑ वर्तस्व ह॒व्यं नो॑ व॒हेति॑ सौ॒ऽब्रवी॑द्वरं
 वृ॒णौ यदे॒व गृ॑हीतस्याहु॒तस्य॑ बहिःप॒रिधि॑ स्कन्दा॒त्तन्मे॑
 भ्रात॑र॒णाम्भा॒गधे॒यम॑स॒दिति॑ तस्मा॒द्यद्गृ॑हीतस्याहु॒तस्य॑ बहिःप॒रिधि॑

स्कन्दति तेषां तद्भागधेयं तानेव तेन प्रीणाति परिधीन्परि दधाति
रक्षसामपहत्यै

सं स्पर्शयति रक्षसामनन्ववचाराय न पुरस्तात्परि दधात्यादित्यो
ह्येवोद्यन्पुरस्ताद्रक्षांस्यपहन्त्यूर्ध्वं समिधावा दधात्युपरिष्ठादेव
रक्षांस्यप हन्ति

यजुषान्यां तूष्णीमन्यामिथुनत्वाय द्वे आ दधाति द्विपाद्यजमानः
प्रतिष्ठित्यै

ब्रह्मवादिनो वदन्ति स त्वै यजेत यो यज्ञस्यात्या वसीयान्त्स्यादिति
भूपतये स्वाहा भुवनपतये स्वाहा भूतानां पतये स्वाहेति स्कन्नमनु
मन्त्रयेत यज्ञस्यैव तदात्या यजमानो वसीयान्भवति भूयसीर्हि
देवताः प्रीणाति

जामि वा एतद्यज्ञस्य क्रियते यदन्वञ्चौ पुरोडाशावुपांशुयजमन्तरा
यजत्यजामित्वायाथौ मिथुनत्वायाग्निमुष्मिल्लोक

आसीद्यमौऽस्मिन्ते देवा अब्रुवन्नेतेमौ वि पर्यहामेत्यन्नाद्येन देवा
अग्निमुपामन्त्रयन्त राज्येन पितरौ यमं तस्मादग्निर्देवानामन्नादो यमः
पितृणां राजा य एवं वेद प्र राज्यमन्नाद्यमाप्नोति तस्मा
एतद्भागधेयम्प्रायच्छन्द्यदग्नये स्विष्टकृतैऽवृद्ध्यन्ति यदग्नये
स्विष्टकृतैऽवृद्ध्यति भागधेयेनैव तद्रुद्रं समर्धयति सकृत्सकृदव
द्यति सकृदिव हि रुद्र उत्तरार्धादव द्यत्येषा वै रुद्रस्य दिक्स्वायामेव
दिशि रुद्रं निरवदयते द्विरभि धारयति चतुरवत्तस्याप्त्यै पशवो वै
पूर्वा आहुतय एष रुद्रो यदग्निर्यत्पूर्वा आहुतीरभि जुहुयाद्बुद्राय
पशूनपि दध्यादपशुर्यजमानः स्यादतिहाय पूर्वा आहुतीर्जुहोति
पशूनां गोपीथाय ॥६॥

मनुः पृथिव्या यज्ञियमैच्छत्स घृतं
निषिक्तमविन्दत्सोऽब्रवीत्कोऽस्येश्वरो यज्ञेऽपि कर्तोरिति

तावंब्रूतामित्रावरुणौ गोरेवावमीश्वरौ कर्तोः स्व इति तौ ततो गां
 समैरयतां सा यत्रयत्र न्यक्रामत्ततो घृतमपीडयत् तस्माद्धृतपद्युच्यते
 तदस्यै जन्मोऽपहृतं रथंतरं सह पृथिव्येत्याहेयं वै
 रथंतरमिमामेव सहान्नाद्येनोप हयत् उपहृतं वामदेव्यं
 सहान्तरिक्षेणेत्याह पशवो वै वामदेव्यं पशूनेव सहान्तरिक्षेणोप
 हयत् उपहृतम्बृहत्सह दिवेत्याहैरं वै बृहदिरामेव सह दिवोप हयत्
 उपहृताः सप्त होत्रा इत्याह होत्रा एवोप हयत् उपहृता धेनुः
 सहर्षभेत्याह मिथुनमेवोप हयत् उपहृतो भक्षः सखेत्याह
 सोमपीथमेवोप हयत् उपहृतां हो इत्याहात्मानमेवोप हयत् आत्मा
 ह्युपहृतानां वसिष्ठ इडामुप हयते पशवो वा इडा पशूनेवोप हयते
 चतुरुप हयते चतुष्पादो हि पशवो मानवीत्याह
 मनुर्ह्येतामग्रेऽपश्यद्घृतपदीत्याह यदेवास्यै पदाद्धृतमपीडयत्
 तस्मादेवमाह मैत्रावरुणीत्याह मित्रावरुणौ ह्येनां समैरयतां ब्रह्म
 देवकृतमुपहृतमित्याह ब्रह्मैवोप हयते दैव्या अध्वर्यव उपहृता
 उपहृता मनुष्या इत्याह देवमनुष्यानेवोप हयते य इमं यज्ञमवान्ये
 यज्ञपतिं वर्धनित्याह यज्ञाय चैव यजमानाय चाशिषमा शास्त
 उपहृते द्यावापृथिवी इत्याह द्यावापृथिवी एवोप हयते पूर्वजे
 ऋतावरी इत्याह पूर्वजे ह्येते ऋतावरी देवी देवपुत्रे इत्याह देवी ह्येते
 देवपुत्रे उपहृतोऽयं यजमान इत्याह यजमानमेवोप हयत् उत्तरस्यां
 देवयज्यायामुपहृतो भूर्यसि हविष्करण उपहृतो दिव्ये धामनुपहृत
 इत्याह प्रजा वा उत्तरा देवयज्या पशवो भूर्यो हविष्करणं सुवर्गो
 लोको दिव्यं धामे दमसीदमसीत्येव यज्ञस्य प्रियं धामोप हयते
 विश्वमस्य प्रियमुपहृतमित्याहाच्छम्बट्कारमेवोप हयते ॥७॥

पशवो वा इडा स्वयमा दत्ते काममेवात्मनां पशूनामा दत्ते न ह्यन्यः
 कामम्पशूनाम्प्रयच्छति वाचस्पतये त्वा हुतम्प्राश्नामीत्याह वाचमेव

भा॒ग॒धे॒येन॑ प्री॒णाति॑ सद॑स॒स्पत॑ये त्वा हु॒तम्प्रा॑श्ना॒मीत्या॑ह स्व॒गाकृ॑त्यै
चतुर॑व॒त्तम्भ॑वति ह॒विर्वै च॑तुर॒वत्तम्प॑शर्व॒श्चतुर॑व॒त्तं यद्धो॑ता
प्रा॒श्नीया॑द्धो॒तार्ति॑मा॒र्च्छेद्य॑द्र॒गौ जु॑हु॒याद्रु॑द्राय॒ प॒शून॑पि
दध्या॑द॒प॒शुर्य॑ज॒मानः॑ स्याद्वाच॒स्पत॑ये त्वा हु॒तम्प्रा॑श्ना॒मीत्या॑ह
प॒रोऽक्ष॑मे॒वैन॑जुहोति॒ सद॑स॒स्पत॑ये त्वा हु॒तम्प्रा॑श्ना॒मीत्या॑ह स्व॒गाकृ॑त्यै
प्रा॒श्नन्ति॑ ती॒र्थ ए॒व प्रा॒श्नन्ति॑ दक्षि॒णां द॑दाति ती॒र्थ ए॒व दक्षि॑णां
द॑दाति

वि वा ए॒तद्य॑ज्ञं छिन्दन्ति॒ यन्म॑ध्य॒तः प्रा॒श्नन्त्य॒द्भिर्मा॑र्जयन्त॒ आपो॑ वै
सर्वा॑ दे॒वता॑ दे॒वता॑भिरे॒व य॒ज्ञं सं त॑न्वन्ति दे॒वा वै
य॒ज्ञाद्रु॑द्रम॒न्तरा॑य॒न्त्स य॒ज्ञम॑वि॒ध्य॒त्तं दे॒वा अ॒भि स॑म॒गच्छ॑न्त॒ कल्प॑तां न
इ॒दमि॑ति॒ तैऽब्रु॑व॒न्तिस्व॑ष्टं॒ वै न॑ इ॒दम्भ॑विष्यति॒ यदि॑म॒ रं॑धयिष्याम॒
इति॑ तत्स्वि॒ष्टकृ॑तः॒ स्विष्ट॑कृ॒त्त्वं त॑स्यावि॒द्धं नि॑र॒कृन्त्य॑वैन॒ स॒मि॒तं
तस्मा॑द्य॒वमा॑त्रम॒व द्ये॒ द्यज॑जायौऽव॒द्येद्रो॑पये॒त्तद्य॑ज्ञस्य॒ यदु॑प॒ च
स्तृ॒णीया॑द॒भि च॑ घा॒रये॑दु॒भय॑तः॒ स॒श्वा॒यि कुर्या॑द॒वदा॑या॒भि घा॑रयति॒
द्विः स॒म्पद्य॑ते॒ द्वि॒पाद्य॑ज॒मानः॑ प्र॒तिष्ठि॑त्यै॒ यत्ति॑र॒श्चीन॑म॒तिह॑रे॒दन॑भिविद्धं
य॒ज्ञस्या॑भि वि॒ध्येद॑ग्रे॒ण परि॑ हरति ती॒र्थेनै॒व परि॑ हरति तत्पू॒ष्णे
पर्य॑हर॒न्तपू॒षा प्रा॑श्य॒ द॒तौऽरु॑ण॒त्तस्मा॑त्पू॒षा प्र॑पि॒ष्टभा॑गोऽद॒न्तको॑ हि तं
दे॒वा अब्रु॑व॒न्ति वा॑ अ॒यमा॑र्ध्यप्रा॒शि॒त्रियो॑ वा अ॒यम॑भू॒दिति॑
तद्ब॒हस्प॑त॒ये पर्य॑हर॒न्त्सौऽबि॑भेद्ब॒हस्प॑तिरि॒त्थं वा॑व स्य
आ॒र्ति॒मा॒रिष्य॑तीति॒ स ए॒तम्म॑न्त्रम॒पश्य॑त्सूर्यस्य॒ त्वा चक्षु॑षा॒ प्रति॑
प॒श्यामी॑त्य॒ब्रवी॑न्न हि सूर्यस्य॒ चक्षुः॑ किं च॒न हि॑नस्ति॒
सौऽबि॑भेत्प्रतिगृह्णन्त॒म्मा हि॑सिष्य॒तीति॑ दे॒वस्य॑ त्वा स॒वितुः॑
प्र॒स॒वैऽश्वि॑नौर्बा॒हुभ्या॑म्पू॒ष्णो ह॑स्ता॒भ्याम्प्र॑ति
गृह्णामी॑त्य॒ब्रवी॑त्स॒वितृ॑प्र॒सूत॑ ए॒वैन॑द्ब्रह्म॒णा दे॒वता॑भिः
प्र॒त्य॒गृह्णा॑त्सौऽबि॑भेत्प्रा॒श्नन्त॑म्मा हि॑सिष्य॒तीत्य॑ग्रे॒स्त्वा॒स्यैन॑
प्रा॒श्नामी॑त्य॒ब्रवी॑न्न ह्य॒ग्रेरा॑स्यं किं च॒न हि॑नस्ति॒ सौऽबि॑भेत्प्रा॒शित॑म्मा

हिंसि ष्यतीति ब्राह्मणस्योदरेणेत्यब्रवीन्न हि ब्राह्मणस्योदरं किं च न
 हिनस्ति बृहस्पतेर्ब्रह्मणेति स हि ब्रह्मिष्ठोऽप वा एतस्मात्प्राणाः
 क्रामन्ति यः प्राशिन्नम्प्राशनात्यद्भिर्मार्जयित्वा प्राणान्तसम्मृशतेऽमृतं
 वै प्राणा अमृतमापः प्राणानेव यथास्थानमुप ह्वयते ॥८॥

अग्नीध्र आ दधात्यग्निमुखानेवतूर्न्प्रीणाति समिधमा
 दधात्युत्तरासामाहुतीनाम्प्रतिष्ठित्या अथौ समिद्वत्येव जुहोति
 परिधीन्तसम्मार्ष्टि पुनात्येवैना न्तसकृत्सकृत्सम्मार्ष्टि पराडिव ह्येतर्हि
 यज्ञश्चतुः सम्पद्यते चतुष्पादः पशवः पशूनेवाव रुद्धे ब्रह्मन्प्र
 स्थास्याम इत्याहात्र वा एतर्हि यज्ञः श्रितो यत्र ब्रह्मा यत्रैव यज्ञः
 श्रितस्तत एवैनमा रभते यद्धस्तेन प्रमीर्वेद्वेपनः स्याद्यच्छीर्ष्णा
 शीर्षक्तिमान्तस्याद्यत्तूष्णीमासीतासम्प्रतो यज्ञः स्यात्प्र तिष्ठेत्येव
 ब्रूयाद्वाचि वै यज्ञः श्रितो यत्रैव यज्ञः श्रितस्तत एवैनं सम्प्र यच्छति
 देवं सवितरेतत्ते प्राहेत्याहु प्रसूत्यै
 बृहस्पतिर्ब्रह्मेत्याहु स हि ब्रह्मिष्ठः स यज्ञम्पाहि स यज्ञपतिम्पाहि स
 माम्पाहीत्याहु यज्ञाय यजमानायात्मने तेभ्य एवाशिषमा
 शास्तेऽनात्या आश्राव्याह
 देवान्यजेति ब्रह्मवादिनो वदन्तीष्टा देवता अथ कतम एते देवा इति
 च्छन्दासीति ब्रूयाद्वायत्रीं त्रिष्टुभं जगतीमित्यथो खल्वाहुर्ब्राह्मणा वै
 च्छन्दासीति
 तानेव तद्यजति देवानां वा इष्टा देवता आसन्नथाग्निर्नोदज्वलत्तं
 देवा आहुतीभिरनूयाजेष्वन्वविन्दन्यदनूयाजान्यजत्यग्निमेव
 तत्समिन्द्र एतदुर्वै नामासुर आसीत्स एतर्हि यज्ञस्याशिषमवृद्ध
 यद्ब्रूयादेतदु द्यावापृथिवी भद्रमभूदित्येतदुमेवासुरं यज्ञस्याशिषं
 गमयेदिदं द्यावापृथिवी भद्रमभूदित्येव ब्रूयाद्यजमानमेव
 यज्ञस्याशिषं गमयत्याधर्मं सूक्तवाकमुत

नमोवाकमित्याहेदमरात्स्मेति वावैतदाहो पश्रितो दिवः
 पृथिव्योरित्याह द्यावापृथिव्योर्हि यज्ञ उपश्रित ओमन्वती
 तेऽस्मिन्यज्ञे यजमान द्यावापृथिवी स्तामित्याहाशिषमेवैतामा शास्ते
 यद्ब्रूयात्सूपावसाना च स्वध्यवसाना चेति प्रमार्युको यजमानः
 स्याद्यदा हि प्रमीयतेऽथेमामुपावस्यति सूपचरणा च स्वधिचरणा
 चेत्येव ब्रूयाद्वरीयसीमेवास्मै गव्यूतिमा शास्ते न प्रमार्युको भवति
 तयोराविद्यग्निरिदं हविरजुषतेत्याह या अयाद्धम देवतास्ता
 अरीरधामेति वावैतदाह यन्न निर्दिशेत्प्रतिवेशं यज्ञस्याशीर्गच्छेदा
 शास्तेऽयं यजमानोऽसावित्याह निर्दिश्यैवैनं सुवर्गं लोकं
 गमयत्यायुरा शास्ते सुप्रजास्त्वमा शास्तु इत्याहाशिषमेवैतामा
 शास्ते सजातवनस्यामा शास्तु इत्याह प्राणा वै सजाताः प्राणानेव
 नान्तरैति तदग्निर्देवो देवेभ्यो वनते वयमग्नेर्मानुषा इत्याहाग्निर्देवेभ्यो
 वनुते वयमनुष्येभ्य इति वावैतदाहे ह गतिर्वामस्येदं च नमो
 देवेभ्य इत्याह याश्चैव देवता यजति याश्च न ताभ्य एवोभ्ययीभ्यो
 नमस्करोत्यात्मनोऽनात्यै ॥६॥

देवा वै यज्ञस्य स्वगाकर्तारं नाविन्दन्ते शम्युम्बार्हस्पत्यमब्रुवन्निमं
 नो यज्ञं स्वगा कुर्विति सौऽब्रवीद्वरं वृणै
 यदेवाब्राह्मणोक्तोऽश्रद्धधानो यजति सा मे यज्ञस्याशीरसदिति
 तस्माद्यदब्राह्मणोक्तोऽश्रद्धधानो यजते शम्युमेव तस्य बार्हस्पत्यं
 यज्ञस्याशीर्गच्छत्येतन्ममेत्यब्रवीत्किम्मे प्रजायाः इति योऽपगुरातै
 शतेन यातयाद्यो निहनत्सहस्रेण यातयाद्यो लोहितं कुरवद्यावतः
 प्रस्कद्य पांसून्त्संगृह्णात्तावतः संवत्सरान्पितृलोकं न प्र जानादिति
 तस्माद्ब्राह्मणाय नाप गुरेत न नि हन्यान्न लोहितं कुर्यादितावता
 हैनसा भवति तच्छम्योरा वृणीमह इत्याह यज्ञमेव तत्स्वगा करोति
 तच्छम्योरा वृणीमह इत्याह शम्युमेव बार्हस्पत्यम्भागधेयेन

समर्धयति

गातुं यज्ञाय गातुं यज्ञपतय इत्याहाशिषमेवैतामा शास्ते सोमं यजति
रेत एव तद्धाति त्वष्टारं यजति रेत एव हितं त्वष्टा रूपाणि वि
करोति देवानाम्पत्नीर्यजति मिथुनत्वायाग्निं गृहपतिं यजति
प्रतिष्ठित्यै जामि वा एतद्यज्ञस्य क्रियते यदाज्येन प्रयाजा इज्यन्त
आज्येन पत्नीसंयाजा ऋचमनूच्य पत्नीसंयाजानामृचा
यजत्यजामित्वायाथौ मिथुनत्वाय पङ्क्तिप्रायणो वै यज्ञः पङ्क्त्युदयनः
पञ्च प्रयाजा इज्यन्ते चत्वारः पत्नीसंयाजाः समिष्टयजुः पञ्चमं
पङ्क्तिमेवानु प्रयन्ति पङ्क्तिमनूद्यन्ति ॥१०॥

युद्धवा हि देवहूतमाँ अश्वाँ अग्ने रथीरिव । नि होता पूर्व्यः सदः
॥

उत नौ देव देवाँ अच्छा वोचो विदुष्टरः । श्रद्धिश्चा वार्या कृधि
॥

त्वँ ह यद्यविष्टय सहसः सूनवाहुत । ऋतावा यज्ञियो भुवः ॥
अयमग्निः सहस्रिणो वाजस्य शतिनस्पतिः । मूर्धा कवी रयीणाम्
॥

तं नेमिमृभवौ यथानमस्व सहतिभिः । नेदीयो यज्ञमङ्गिरः ॥
तस्मै नूनमभिद्यवे वाचा विरूप नित्यया । वृष्णो चोदस्व सुष्टुतिम्
॥

कमु ष्विदस्य सेनयाग्नेरपाकचक्षसः । पुंणिं गोषु स्तरामहे ॥
मा नौ देवानां विशः प्रस्नातीरिवोस्त्राः । कृशं न हासुरघ्नियाः ॥
मा नः समस्य दूढयः परिद्वेषसो अँ हतिः ऊर्मिर्न नावमा वधीत्
॥

नमस्ते अग्र ओजसे गृणन्ति देव कृष्टयः अमैरमित्रमर्दय ॥
कुवित्सु नो गविष्टयेऽग्नै संवेषिषो रयिम् । उरुकृदुरु रस्कृधि ॥

मा नो अस्मिन्महाधने परा वर्गार्भृद्यथा । संवर्गं स रयिं जय ॥

अन्यमस्मद्भिया इयमग्ने सिषक्तु दुच्छुना । वर्धा नो अमवच्छवः ॥
यस्याजुषन्नमस्विनः शमीमदुर्मखस्य वा । तं घेदग्निर्वृधावति ॥
परस्या अधि संवतोऽवरा अभ्या तर । यत्राहमस्मि तां अव ॥
विद्या हि ते पुरा वयमग्ने पितुर्यथावसः । अधा ते सुम्रमीमहे ।
य उग्र इव शर्यहा त्रिगमशृङ्गो न वसंगः । अग्ने पुरौ रुरोजिथ ॥
सखायः सं वः सम्यञ्चमिषु स्तोमं चाग्रये । वर्षिष्ठाय
क्षितीनामूर्जो नष्ट्रे सहस्वते ॥

संसृमिद्युवसे वृषन्नग्ने विश्वान्युर्य आ । इडस्पदे समिध्यसे स नो
वसून्या भर ॥

प्रजापते स वेद

सोमापूषणेमौ देवौ ॥११॥

उशन्तस्त्वा हवामह उशन्तः समिधीमहि । उशन्नुशत आ वह
पितृन्हविषे अत्तवे ॥

त्वसौम प्रचिकितो मनीषा त्वरजिष्ठमनु नेषि पन्थाम् । तव
प्रणीती पितरो न इन्दो देवेषु रत्नमभजन्त धीराः ॥

त्वया हि नः पितरः सोम पूर्वे कर्माणि चक्रुः पवमान धीराः ।

वन्वन्नवातः परिधीरपोर्णु वीरेभिरश्वैर्मघवा भव नः ॥

त्वसौम पितृभिः संविदानोऽनु द्यावापृथिवी आ ततन्थ । तस्मै
त इन्दो हविषा विधेम वयस्याम पतयो रयीणाम् ॥

अग्निष्वात्ताः पितर एह गच्छत सदःसदः सदत सुप्रणीतयः । अत्ता
हवीषि प्रयतानि बर्हिष्यथा रयिं सर्ववीरं दधातन ॥

बर्हिषदः पितर ऊत्यर्वागिमा वौ हव्या चक्रमा जुषध्वम् । त आ
गतावसा शन्तमेनाथास्मभ्यं शं योररपो दधात ॥

आहम्पितृन्सुविदत्राँ अवित्सि नपातं च विक्रमणं च विष्णोः ।
 बर्हिषदो ये स्वधया सुतस्य भजन्त पित्वस्त इहागमिष्ठाः ॥
 उपहूताः पितरः सोम्यासौ बर्हिष्येषु निधिषु प्रियेषु । त आ गमन्तु
 त इह श्रुवन्त्वधि ब्रुवन्तु ते अवन्त्वस्मान् ॥
 उदीरतामवर उत्परास उन्मध्यमाः पितरः सोम्यासः । असुं य
 ईयुरवृका ऋतज्ञास्ते नोऽवन्तु पितरो हवेषु ॥
 इदम्पितृभ्यो नमो अस्त्वद्य ये पूर्वासो य उपरास ईयुः । ये पार्थिवे
 रजस्या निषत्ता ये वा नूनं सुवृजनासु वित्तु ॥
 अधा यथा नः पितरः परासः प्रत्तासौ अग्र ऋतमाशुषाणाः ।
 शुचीदयन्दीधितिमुक्थशासः क्षामा भिन्दन्तो अरुणीरपं व्रन् ॥
 यदग्रे कव्यवाहन पितृन्यक्ष्यतावृधः । प्र च हव्यानि वक्ष्यसि
 देवेभ्यश्च पितृभ्य आ ॥
 त्वमग्र ईडितो जातवेदो ऽवाङ्मुव्यानि सुरभीणि कृत्वा । प्रादाः
 पितृभ्यः स्वधया ते अक्षन्नद्धि त्वं दैव प्रयता हवीँषि ॥
 मातली कव्यैर्यमो अङ्गिरोभिर्बृहस्पतिर्ऋक्वभिर्वावृधानः । याँश्च
 देवा वावृधुर्ये च देवान्त्स्वाहान्ये स्वधयान्ये मदन्ति इमं यम
 प्रस्तरमा हि सीदाङ्गिरोभिः पितृभिः संविदानः । आ त्वा मन्त्राः
 कविशस्ता वहन्त्वेना राजन्हविषा मादयस्व ॥
 अङ्गिरोभिरा गहि यज्ञियेभिर्यम वैरूपैरिह मादयस्व । विवस्वन्तं
 हुवे यः पिता तेऽस्मिन्यज्ञे बर्हिष्या निषद्य ॥
 अङ्गिरसो नः पितरो नवगवा अथर्वाणो भृगवः सोम्यासः । तेषां
 वयं सुमृतौ यज्ञियानामपि भद्रे सौमनसे स्याम ॥१२॥

इति द्वितीयकाण्डे षष्ठः प्रपाठकः ॥६॥

इति द्वितीयकाण्डः

अथ तृतीयं कारण्डम्

अथ तृतीयकारण्डे प्रथमः प्रपाठकः ॥१॥

प्रजापतिरकामयत प्रजाः सृजेयेति स तपोऽतप्यत स सर्पानसृजत
 सौऽकामयत प्रजाः सृजेयेति स द्वितीयमतप्यत स वयाँस्यसृजत
 सौऽकामयत प्रजाः सृजेयेति स तृतीयमतप्यत स एतं
 दीक्षितवा दमपश्यत्तमवदत्ततो वै स प्रजा असृजत यत्तपस्तप्त्वा
 दीक्षितवादं वदति प्रजा एव तद्यजमानः
 सृजते यद्वै दीक्षितौ ऽमेध्यं पश्यत्यपास्माद्दीक्षा क्रामति नीलमस्य
 हरो व्यैत्यबद्धं
 मनो दुरिद्रं चक्षुः सूर्यो ऽसे ज्योतिषाँ श्रेष्ठो दीक्षे मा मा
 हासीरित्याह
 नास्माद्दीक्षाऽप क्रामति नास्य नीलं न हरो व्यैति
 यद्वै दीक्षितमभिवर्षति दिव्या आपोऽशान्ता ओजो बलं दीक्षां
 तपोऽस्य निर्घन्त्युन्दतीर्बलं धत्तौजौ धत्त बलं धत्त मा मै दीक्षां मा
 तपो निर्वधिष्टेत्याहैतदेव सर्वमात्मन्धत्ते नास्यौजो बलं न दीक्षां न
 तपो निर्घन्त्यि ग्निर्वै दीक्षितस्य देवता सौऽस्मादेतर्हि तिर इव यर्हि
 याति तमीश्वरँ रक्षाँसि हन्तौर्भद्रादभि श्रेयः प्रेहि बृहस्पतिः
 पुरएता तै अस्त्वित्याह ब्रह्म वै देवानां बृहस्पतिस्तमेवान्वारभते स
 एनँ सं पारयत्ये दमगन्म देवयजनं पृथिव्या इत्याह
 देवयजनँ ह्येष पृथिव्या आगच्छति यो यजते
 विश्वे देवा यदजुषन्त पूर्व इत्याह विश्वे ह्येतदेवा जोषयन्ते
 यद्ब्राह्मणा
 ऋक्सामाभ्यां यजुषा सन्तरन्त इत्याह कर्सामाभ्याँ ह्येष यजुषा
 सन्तरन्ति यो यजते रायस्पोषेण समिषा मदेमेत्याहाशिषमेवैतामा
 शास्ते ॥१॥

एष तै गायत्रो भाग इति मे सोमाय ब्रूतादेष ते त्रैष्टुभो जागतो भाग
इति मे सोमाय ब्रूताच्छन्दोमानाँ साम्राज्यं गच्छेति मे सोमाय
ब्रूता द्यो वै सोमँ राजानँ साम्राज्यं लोकं गमयित्वा क्रीणाति
गच्छति स्वानाँ साम्राज्यं छन्दाँसि खलु वै सोमस्य राज्ञः
साम्राज्यो लोकः

पुरस्तात्सोमस्य क्रयादेवमभि मन्त्रयेत्
साम्राज्यमेवैनं लोकं गमयित्वा क्रीणाति गच्छति स्वानाँ साम्राज्यं
यो वै तानूनप्त्रस्य प्रतिष्ठां वेद प्रत्येव तिष्ठति
ब्रह्मवादिनो वदन्ति न प्राश्नन्ति न जुह्वत्यथ क्व तानूनप्त्रं प्रति
तिष्ठतीति प्रजापतौ मनसीति ब्रूयात्प्रिखं जिघ्रेत्प्रजापतौ त्वा मनसि
जुहोमीत्येषा वै तानूनप्त्रस्य प्रतिष्ठा य एवं वेद प्रत्येव तिष्ठति यो
वा अध्वर्योः प्रतिष्ठां वेद प्रत्येव तिष्ठति यतो मन्येतानभिक्रम्य
होष्यामीति तत्तिष्ठन्ना श्रावयेदेषा वा अध्वर्योः प्रतिष्ठा य एवं वेद
प्रत्येव तिष्ठति
यदभिक्रम्य जुहुयात्प्रतिष्ठाया इयात्तस्मात्समानत्र तिष्ठता होतव्यं
प्रतिष्ठित्यै
यो वा अध्वर्योः स्वं वेद स्ववानेव भवति स्रुग्वा अस्य स्वं
वायव्यमस्य
स्वं चमसोऽस्य स्वं यद्वायव्यं वा चमसं
वानन्वारभ्याश्रावयेत्स्वादियात्तस्मादन्वारभ्याश्राव्यँ स्वादेव नैति
यो वै सोममप्रतिष्ठाप्य स्तोत्रमुपाकरोत्यप्रतिष्ठितः सोमो
भवत्यप्रतिष्ठितः स्तोमोऽप्रतिष्ठितान्युक्थान्यप्रतिष्ठितो
यजमानोऽप्रतिष्ठितोऽध्वर्युर्वायव्यं वै सोमस्य प्रतिष्ठा चमसोऽस्य
प्रतिष्ठा सोमः स्तोमस्य स्तोम उक्थानां ग्रहं वा गृहीत्वा चमसं
वोन्नीय स्तोत्रमुपाकुर्यात्प्रत्येव सोमँ स्थापयति प्रति स्तोमं
प्रत्युक्थानि प्रति यजमानस्तिष्ठति प्रत्यध्वर्युः ॥२॥

य॒ज्ञं वा ए॒तत्सं भ॑रन्ति॒ यत्सोम॑क्रय॒ण्यै प॒दं य॑ज्ञ॒मुखं॑ ह॒वि॒धानि॑ य॒र्हि
ह॒वि॒धानि॑ प्रा॒चीं प्र॒व॒र्तयै॑युस्त॒र्हि तेना॑क्ष॒मुपा॑ञ्ज॒याद्य॑ज्ञ॒मुख ए॒व य॑ज्ञम॒नु
सं त॑नोति॒

प्राञ्च॑म॒ग्निं प्र ह॑रन्त्युत्प॒त्नीमा न॑यन्त्यन्व॒नांसि॑ प्र॒व॒र्तय॑न्त्यथ॒ वा
अ॒स्यैष धि॒ष्णि॒यो ही॑यते सोऽनु॑ ध्या॒यति॒ स ई॒श्वरो रु॒द्रो भू॒त्वा
प्र॒जां प॒शून्य॑ज॒मानस्य॑ श॒मयि॑तो॒र्यर्हि॑ प॒शुमा॑प्री॒तमु॑द॒ञ्चं न॑ये॒न्ति त॒र्हि
तस्य॑ प॒शुश्र॑प॒णं ह॑रे॒त्तेनै॒वैनं॑ भा॒गिनं॑ करोति॒ यज॑मानो॒ वा
आ॒हव॒नीयो॒ यज॑मानं॒ वा ए॒तद्वि क॑र्षन्ते
यदा॑हव॒नीया॑त्प॒शुश्र॑प॒णं ह॑रन्ति॒ स वै॒व स्या॑न्नि॒र्मन्थ्यं॑ वा
कुर्या॑द्यज॒मानस्य॑ सा॒त्मत्वा॑य॒ यदि॑ प॒शोर॑व॒दानं॑ न॒श्येदा॑ज्य॒स्य
प्र॒त्याख्या॑य॒मव॑ द्ये॒त्सैव॑ ततः॒ प्राय॑श्चित्ति॒र्ये प॒शुं
वि॒मथ्नी॒रन्य॑स्ता॒न्काम॑ये॒ता ति॒माच्छै॑युरि॒ति कु॒विद॑ङ्गेति॒
नमो॑वृ॒क्तिव॒त्यर्चा॑ग्री॒ध्रे जु॒हया॑न्नमो॑वृ॒क्तिमे॒वैषां वृ॒द्धे
ता॒जगा॑र्ति॒माच्छ॑न्ति ॥३॥

प्र॒जाप॑ते॒र्जाय॑मानाः प्र॒जा जा॒ताश्च॑ या इ॒माः ।
तस्मै॑ प्र॒ति प्र॒ वैद॑य चि॒कित्वा॑ अ॒नु म॑न्यताम् ॥
इ॒मं प॒शुं प॑शुपते ते अ॒द्य ब॒ध्नाम्य॑ग्रे सु॒कृत॑स्य म॒ध्ये ।
अ॒नु म॑न्यस्व सु॒यजा॑ य॒जाम॒ जुष्टं॑ दे॒वाना॑मि॒दम॑स्तु ह॒व्यम् ॥
प्र॒जान॑न्तः प्र॒ति गृ॑ह्णन्ति॒ पूर्वे प्रा॑णम॒ङ्गेभ्यः॑ प॒र्याच॑रन्तम् ।
सु॒व॒र्गं या॑हि प॒थिभि॑र्दे॒वानै॒रोष॑धीषु प्र॒ति ति॑ष्ठा शरी॒रैः ॥
येषा॑मी॒शे प॑शुपतिः प॒शूनां॑ चतु॒ष्पदा॑मु॒त च॑ द्वि॒पदा॑म् ।
निष्क्री॑तोऽयं य॒ज्ञियं॑ भा॒गमे॑तु रा॒यस्पोषा॑ यज॒मानस्य॑ सन्तु ॥
ये ब॒ध्यमा॑न॒मनु॑ ब॒ध्यमा॑ना अ॒भ्यैक्ष॑न्त॒ मन॑सा चक्षु॒षा च॑ ।
अ॒ग्निस्ता॑ अ॒ग्रे प्र॑ मु॒मोक्तु॑ दे॒वः प्र॒जाप॑तिः प्र॒जया॑ संवि॒दानः ॥
य आ॑र॒ण्याः प॒शवो॑ वि॒श्वरू॑पा वि॒रूपाः॑ सन्तो॒ बहु॑धै॒करू॑पाः ।

वा॒युस्ताँ॑ अ॒ग्ने प्र मु॑मोक्तु दे॒वः प्र॒जाप॑तिः प्र॒जया॑ संवि॒दानः ॥
 प्र॒मुञ्च॑माना ॥२॥ भुव॑नस्य रे॒तो गा॑तुं ध॑त्त यज॑मानाय दे॒वाः ।
 उ॒पाकृ॑तँ श॒शमा॑नं यद॒स्थाज्जी॑वं दे॒वाना॑मप्यै॒तु पा॑थः ॥
 ना॒ना प्रा॑णो यज॑मानस्य प॒शुना॑ य॒ज्ञो दे॒वेभिः॑ स॒ह दै॒व्यानाः॑ ।
 जी॒वं दे॒वाना॑मप्यै॒तु पा॑थः स॒त्याः सं॑न्तु यज॑मानस्य का॒माः ॥
 यत्प॒शुर्मा॒युम॑कृ॒तोरो॑ वा प॒द्भिर्वा॑हते । अ॒ग्निर्मा॑ तस्मा॒देन॑सो
 वि॒श्वान्मुञ्च॑त्वँह॒सः ॥
 श॒र्मि॒तार उ॒पेत॑न य॒ज्ञं दे॒वेभि॑रि॒न्वित॑म् । पाशा॑त्प॒शुं प्र मु॑ञ्चत
 ब॒न्धाद्य॑ज्ञप॑तिं परि ॥
 अ॒दि॒तिः पा॑शं प्र मु॑मोक्त्वे॒तं नमः॑ प॒शुभ्यः॑ प॒शुप॑तये करोमि ।
 अ॒रा॒ती॒यन्त॑म॒धरं॑ कृ॒णोमि॑ यं द्वि॒ष्मस्तस्मि॑न्प्र॒ति मुञ्चामि॑ पा॒शम् ॥
 त्वामु॑ ते द॑धिरे ह॒व्यवा॑हँ॑ श्रु॒तं कृ॒तार॑मु॒त य॒ज्ञियं॑ च ।
 अ॒ग्ने स॑द॒क्षः स॑त॒नुर्हि भू॒त्वार्थ॑ ह॒व्या जा॑तवे॒दो जुष॑स्व ॥
 जा॑तवे॒दो व॒पया॑ गच्छ दे॒वान्त्वँ॑ हि हो॒ता प्रथ॑मो ब॒भूथ॑ ।
 घृ॒तेन॑ त्वं त॒नुवो॑ वर्ध॒यस्व॒ स्वाहा॑कृतँ॑ ह॒विर॑दन्तु दे॒वाः ॥
 स्वाहा॑ दे॒वेभ्यो॑ दे॒वेभ्यः॑ स्वाहा॑ ॥४॥

प्रा॒जाप॑त्या वै प॒शव॑स्तेषाँ॑ रु॒द्रोऽधि॑पतिर्यदे॒ताभ्या॑मुपाक॒रोति॑
 ताभ्या॑मे॒वैनं॑ प्र॒तिप्रो॑च्या ल॒भत॑ आ॒त्मनो॑ऽना॒वस्का॑य
 द्वाभ्या॑मुपाक॒रोति॑ द्वि॒पाद्य॑ज॒मानः॑ प्र॒तिष्ठि॑त्या उ॒पाकृ॑त्य पञ्च जुहोति
 पा॒ङ्काः प॒शवः॑ प॒शूने॒वाव॑ रु॒न्धे मृ॒त्यवे॒ वा ए॒ष नी॑यते यत्प॒शुस्तं॑
 यद॑न्वा॒रभै॑त प्र॒मायु॑को यज॑मानः स्या॒न्नाना॑ प्रा॒णो यज॑मानस्य
 प॒शुने॒त्याह॑ व्यावृ॒त्त्यै यत्प॒शुर्मा॒युम॑कृ॒तेति॑ जुहोति शान्त्यै श॒र्मि॒तार
 उ॒पेत॑नेत्या॒ह यथा॑य॒जुरे॒वैत॑ द्वा॒पायां॑ वा आ॒ह्रिय॑मा॒णायाम॑ग्नेर्मे॒धोऽप॑
 क्राम॑ति त्वामु॑ ते द॑धिरे ह॒व्यवा॑हमि॒ति व॒पाम॑भि जुहोत्य॒ग्नेरे॒व
 मे॒धम॑व रु॒न्धेऽथो॑ श्रु॒तत्वा॑य पु॒रस्ता॑त्स्वाहाकृतयो॒ वा अ॒न्ये दे॒वा

उपरिष्ठात्स्वाहाकृतयोऽन्ये स्वाहा देवेभ्यो देवेभ्यः स्वाहेत्यभितो
वपां जुहोति तानेवोभयान्प्रीणाति ॥५॥

यो वा अयथादेवतं यज्ञमुपचरत्या देवताभ्यो वृश्चयते पापीयान्भवति
यो यथादेवतं न देवताभ्य आ वृश्चयते
वसीयान्भवत्याग्नेय्यर्चाग्नीध्रमभि मृशेद्वैष्णव्या हविर्धानमाग्नेय्या
स्रुचौ वायव्यया वायव्यान्यैन्द्रिया सदो यथादेवतमेव यज्ञमुप
चरति न देवताभ्य आ वृश्चयते वसीयान्भवति युनज्मि ते पृथिवीं
ज्योतिषा सह युनज्मि वायुमन्तरिक्षेण ते सह युनज्मि वाचं सह
सूर्येण ते युनज्मि तिस्रो विपृचः सूर्यस्य ते अग्निर्देवता गायत्री
छन्द उपांशोः पात्रमसि सोमो देवता त्रिष्टुप्छन्दोऽन्तर्यामस्य
पात्रमसीन्द्रो देवता जगती छन्द इन्द्रवायवोः पात्रमसि
बृहस्पतिर्देवतानुष्टुप्छन्दो मित्रावरुणयोः पात्रमस्यश्विनौ देवता
पङ्क्तिश्छन्दोऽश्विनोः पात्रमसि सूर्यो देवता बृहती छन्दः शुक्रस्य
पात्रमसि चन्द्रमा देवता सतोबृहती छन्दो मन्थिनः पात्रमसि विश्वे
देवा देवतोष्णिहा छन्द आग्रयणस्य पात्रमसीन्द्रो देवता
ककुच्छन्द उक्थानाम्पात्रमसि पृथिवी देवता विराट्छन्दो ध्रुवस्य
पात्रमसि ॥६॥

इष्टर्गो वा अध्वर्युर्यजमानस्येष्टर्गः खलु वै पूर्वोऽष्टः क्षीयत
आसन्त्यान्मा मन्त्रात्पाहि कस्याश्चिदभिशस्त्या इति पुरा
प्रातरनुवाकाज्जुहुयादात्मन एव तदध्वर्युः पुरस्ताच्छर्म नह्यतेऽनात्यै
संवेशाय त्वोपवेशाय त्वा गायत्रिया स्त्रिष्टुभो जगत्या अभिभूत्यै
स्वाहा प्राणापानौ मृत्योर्मा पातम्प्राणापानौ मा मा हासिष्टं देवतासु
वा एते प्राणापानयोर्व्यायच्छन्ते येषां सोमः समृच्छते संवेशाय
त्वोपवेशाय त्वेत्याह छन्दांसि वै संवेश उपवेशश्छन्दोभिरेवास्य

च॒न्दाँ॑सि वृ॒द्धे प्रेति॑व॒न्त्याज्या॑नि भवन्त्य॒भिजित्यै॑ म॒रुत्व॑तीः
 प्र॒तिप॑दो विजित्या उ॒भे बृ॒हद्रथ॑न्तरे भवत इ॒यं वाव र॑थं॒तरम॑सौ
 बृ॒हदा॑भ्यामे॒वैन॑मन्तरेत्य॒द्य वाव र॑थं॒तरँ॑ श्वो बृ॒हद॑द्या॒श्वादे॒वैन॑मन्तरेति
 भू॒तं
 वाव र॑थं॒तरम्भ॑वि॒ष्यद्बृ॒हद्बृ॒हता॑श्चै॒वैन॑म्भवि॒ष्यतश्चान्तरै॑ति
 परि॑मितुं वाव
 र॑थं॒तरम॑परि॒मितम्बृ॒हत्परि॑मिताच्चै॒वैन॑मपरि॒मिताच्चा॒न्तरै॑ति
 विश्वा॑मित्रजमद॒ग्री वसि॑ष्ठेनास्प॒र्धेताँ॑ स
 ए॒तज्ज॒मद॑ग्निर्वि॒हव्य॑मपश्य॒त्तेन॒ वै स वसि॑ष्ठस्येन्द्रि॒यं वी॒र्य॑मवृ॒द्धं
 यद्वि॒हव्यँ॑ श॒स्यत॑ इन्द्रि॒यमे॒व तद्वी॒र्यं यज॑मानो भ्रातृ॒व्यस्य॑ वृ॒द्धे
 यस्य॑ भूयाँ॑सो यज्ञ॒क्रतव॑ इत्या॒हुः स दे॒वता॑ वृ॒द्ध इति॑ यद्य॒ग्निष्टोमः॑
 सोमः॑ प॒रस्ता॑त्स्यादुक्थ्यं कुर्वीत॒ यद्युक्थ्यः॑ स्याद॒तिरा॒त्रं कुर्वीत॑
 यज्ञ॒क्रतु॑भिरे॒वास्य॑ दे॒वता॑ वृ॒द्धे वसी॑यान्भवति ॥७॥

नि॒ग्राभ्याः॑ स्थ दे॒वश्रु॑त॒ आयु॑र्मे तर्पयत प्रा॒णम्मे॑ तर्पयता॒पान॑म्मे तर्पयत
 व्या॒नम्मे॑ तर्पयत॒ चक्षु॑र्मे तर्पयत॒ श्रोत्र॑म्मे तर्पयत॒ मनो॑ मे तर्पयत॒
 वाच॑म्मे तर्पयता॒त्मान॑म्मे तर्पयता॒ङ्गानि॑ मे तर्पयत प्र॒जाम्मे॑ तर्पयत
 प॒शून्मे॑ तर्पयत गृ॒हान्मे॑ तर्पयत ग॒णान्मे॑ तर्पयत स॒र्वग॑णम्मा तर्पयत
 तर्पय॑त मा

ग॒णा मे॒ मा वि तृ॑ष॒न्नोष॑धयो॒ वै सोम॑स्य॒ विशो॑ विशः॒ खलु॑ वै
 रा॒ज्ञः प्र॑दा॒तोरी॑श्च॒रा ऐ॒न्द्रः सोमोऽवी॑वृ॒धं वो॒ मन॑सा सुजा॒ता
 ऋ॒तप्र॑जा॒ता भग॑ इ॒द्वः स्याम॑ । इन्द्रे॑ण दे॒वीर्वी॑रु॒धः संवि॑दा॒ना अ॒नु
 मन्य॑न्ताँ॑ स॒र्वना॑य॒ सोम॑ मि॒त्याहौष॑धीभ्य ए॒वैन॑ँ॒ स्वायै॑ वि॒शः
 स्वायै॑ दे॒वता॑यै नि॒र्याच्या॑भि षु॒णोति॑ यो वै सोम॑स्याभिषू॒यमा॑णस्य
 ।२। प्रथ॑मोँ॑शुः स्कन्द॑ति स ई॒श्वर॑ इन्द्रि॒यं
 वी॒र्य॑म्प्र॒जाम्प॒शून्य॑ज॒मानस्य॑ नि॒र्हन्तो॑स्तम॒भि म॑न्त्रये॒ता मा॑स्कान्त्स॒ह

प्रजया सह रायस्पोषेणेन्द्रियम्मे वीर्यम्मा निर्वधीरित्याशिषमेवैतामा
 शास्त इन्द्रियस्य वीर्यस्य प्रजायै पशूनामनिर्घाताय
 द्रप्सश्चस्कन्द पृथिवीमनु द्यामिमं च योनिमनु यश्च पूर्वः । तृतीयं
 योनिमनु संचरन्तं द्रप्सं जुहोम्यनु सप्त होत्राः ॥८॥

यो वै देवान्देवयशसेनार्पयति मनुष्यान्मनुष्ययशसेन देवयशस्यैव
 देवेषु भवति मनुष्ययशसी मनुष्येषु
 यान्प्राचीनमाग्रयणाद्ग्रहान्गृहीयात्तानुपांशु
 गृहीयाद्यानूध्वांस्तानुपब्दिमतौ देवानेव तद्देवयशसेनार्पयति
 मनुष्यान्मनुष्ययशसेन देवयशस्यैव देवेषु भवति मनुष्ययशसी
 मनुष्येष्वग्निः प्रातःसवने पात्वस्मान्वैश्वानरो महिना विश्वशम्भूः ।
 स नः पावको द्रविणं दधात्वायुष्मन्तः सहभक्षाः स्याम ॥ विश्वे
 देवा मरुत इन्द्रो अस्मानस्मिन्द्भितीये सवने न जह्युः । आयुष्मन्तः
 प्रियमेषां वदन्तो वयं देवानां सुमतौ स्याम ॥
 इदं तृतीयं सर्वनं कवीनामृतेन ये चमसमैरयन्त । ते सौधन्वनाः
 सुव्रानशानाः स्विष्टिं नो अभि वसीयो नयन्तु ॥
 आयतनवतीर्वा अन्या आहुतयो हूयन्तेऽनायतना अन्या या
 आधारवतीस्ता आयतनवतीर्याः सौम्यास्ता अनायतना
 ऐन्द्रवायवमादायाधारमाधारयेदध्वरो यज्ञोऽयमस्तु देवा ओषधीभ्यः
 पशवै नो जनाय विश्वस्मै भूतायाध्वरोऽसि स पिन्वस्व घृतवद्देव
 सोमेति सौम्या एव तदाहुतीरायतनवतीः करोत्यायतनवान्भवति य
 एवं वेदाथो द्यावापृथिवी एव घृतेन व्युनक्ति ते व्युक्ते उपजीवनीये
 भवत उपजीवनीयो भवति
 य एवं वेदैष ते रुद्र भागो यं निरयाचथास्तं जुषस्व विदेगौपत्यं
 रायस्पोषं सुवीर्यं संवत्सरीणां स्वस्तिम् ॥
 मनुः पुत्रेभ्यो दायं व्यभजत्स नाभानेदिष्ठम्ब्रह्मचर्यं वसन्तं निरभजत्स

आगच्छत्सोऽब्रवीत्कथा मा निरभागिति न त्वा
 निरभाक्षमित्यब्रवी दङ्गिरस इमे सत्तमासते ते ।४। सुवर्गं लोकं न
 प्र जानन्ति तेभ्य इदम्ब्राह्मणम्ब्रूहि ते सुवर्गं लोकम्यन्तो य
 एषाम्पशवस्ताँस्तै दास्यन्तीति तदैभ्योऽब्रवीत्ते सुवर्गं लोकं यन्तो
 य एषाम्पशव आसन्तानस्मा अददु स्तम्पशुभिश्चरन्तं यज्ञवास्तौ रुद्र
 आगच्छत्सोऽब्रवीन्मम वा इमे पशव इत्यदुर्वै मह्यमिमानित्यरवीन्न
 वै तस्य त ईशतु इत्यब्रवीद्यद्यज्ञवास्तौ हीयते मम वै तदिति
 तस्माद्यज्ञवास्तु नाभ्यवेत्यँ सौऽब्रवीद्यज्ञे मा भुजार्थं ते पशून्नाभि
 मँस्य इति तस्मा एतम्मन्थिनः सँस्त्रावमजुहोततो वै तस्य रुद्रः
 पशून्नाभ्यमन्यतु यत्रैतमेवं विद्वान्मन्थिनः सँस्त्रावं जुहोति न तत्र
 रुद्रः पशून्नाभि मन्यते ॥६॥

जुष्टौ वाचो भूयासं जुष्टौ वाचस्पतये देवि वाक् । यद्वाचो
 मधुमत्तस्मिन्मा धाः स्वाहा सरस्वत्यै ॥
 ऋचा स्तोमँ समर्धय गायत्रेण रथंरम् । बृहद्गायत्रवर्तनि ॥
 यस्तै द्रप्स स्कन्दति यस्तै अँशुर्बाहुच्युतो धिषण्योरुपस्थात् ।
 अध्वर्योर्वा परि यस्तै पवित्रात्स्वाहाकृतमिन्द्राय तं जुहोमि ॥
 यो द्रप्सो अँशुः पतितः पृथिव्याम्परिवापात्पुरोडाशात्करम्भात् ।
 धानासोमान्मन्थिन इन्द्र शुक्रात्स्वाहाकृतमिन्द्राय तं जुहोमि ॥
 यस्तै द्रप्सो मधुमाँ इन्द्रियावान्त्स्वाहाकृतः पुनरप्येति देवान् ।
 दिवः पृथिव्याः पर्यन्तरिक्षात्स्वाहाकृतमिन्द्राय तं जुहोमि ॥
 अध्वर्युर्वा ऋत्विजाम्प्रथमो युज्यते तेन स्तोमौ योक्तव्य
 इत्याहुर्वाग्रेगा अग्र एत्वृजुगा देवेभ्यो यशो मयि दधती
 प्राणान्पशुषु प्रजाम्मयि
 च यजमाने चेत्याहु वाचमेव तद्यज्ञमुखे युनक्ति
 वास्तु वा एतद्यज्ञस्य क्रियते यद्ग्रहान्गृहीत्वा बहिष्पवमानँ

सर्पन्ति

पराञ्चो हि यन्ति पराचीभिः स्तुवत वैष्णव्यर्चा पुनरेत्योप तिष्ठते
यज्ञो वै विष्णुर्यज्ञमेवाक विष्णो त्वं नो अन्तमः शर्म यच्छ सहन्त्य
। प्र ते धारा मधुश्चुत उत्सं दुहते अक्षित मित्याहु यदेवास्य
शयानस्योपशुष्येति तदेवास्यैतेनाप्याययति ॥१०॥

अग्निना रयिमश्नवत्पोषमेव दिवेदिवे । यशसं वीरवत्तमम् ॥
गोमाँ अग्नेऽविमाँ अश्वी यज्ञो नृवत्सखा सदमिदप्रमृष्यः ।
इडावाँ एषो असुर प्रजावान्दीर्घो रयिः पृथुबुध्नः सभावान् ॥
आ प्यायस्व
सं ते ॥

इह त्वष्टारमग्रियं विश्वरूपमुप ह्वये । अस्माकमस्तु केवलः ॥
तन्नस्तुरीपमधं पोषयिषु देव त्वष्टर्वि रराणः स्यस्व । यतो वीरः

कर्मण्यः सुदक्षौ युक्तग्रावा जायते देवकामः ॥
शिवस्त्वष्टरिहा गृहि विभुः पोष उत त्मना । यज्ञेयज्ञे न उदेव ॥
पिशंगरूपः सुभरौ वयोधाः श्रुष्टी वीरो जायते देवकामः । प्रजां
त्वष्टा वि ष्यतु नाभिमस्मे अथा देवानामप्येतु पार्थः ॥
प्र णौ देव्या नो दिवः ॥
पीपिवाँसुँ सरस्वतः स्तनं यो विश्वदर्शतः । धुक्षीमहि प्रजामिषं
ये ते सरस्व ऊर्मयो मधुमन्तो घृतश्चुतः । तेषां ते सुम्रमीमहे ॥
यस्य व्रतम्पशवो यन्ति सर्वे यस्य व्रतमुपतिष्ठन्त आपः । यस्य व्रते
पुष्टिपतिर्निविष्टस्तुँ सरस्वन्तमवसे हुवेम ॥
दिव्यँ सुपर्णं वयसम्बृहन्तमपां गर्भं वृषभमोषधीनाम् । अभीपतो
वृष्ट्या तर्पयन्तं तँ सरस्वन्तमवसे हुवेम ॥
सिनीवालि पृथुष्टुके या देवानामसि स्वसा । जुषस्व

हव्यमाहुतम्प्रजां देवि दिदिङ्घि नः ॥
 या सुपाणिः स्वङ्गुरिः सुषूमा बहुसूवरी । तस्यै विश्वपत्न्यै हविः
 सिनीवाल्म्यै जुहोतन ॥
 इन्द्रं वो विश्वतस्परीन्द्रं नरः ॥
 असितवर्णा हरयः सुपर्णा मिहो वसाना दिवमुत्पतन्ति । त
 आववृत्रन्तसदनानि कृत्वादित्पृथिवी घृतैर्व्युद्यते ॥
 हिरण्यकेशो रजसो विसारेऽहिर्धुनिर्वार्ति इव धर्जीमान् ।
 शुचिभ्राजा उषसो नवेदा यशस्वतीरपस्युवो न सत्याः ॥
 आ ते सुपर्णा अमिनन्त एवैः कृष्णो नौनाव वृषभो यदीदम् ।
 शिवाभिर्न स्मर्यमानाभिरागात्पतन्ति मिहः स्तनयन्त्यभ्रा ॥
 वाश्रेव विद्युन्मिमाति वत्सं न माता सिषक्ति । यदेषां वृष्टिरसर्जि
 ॥
 पर्वतश्चिन्महि वृद्धो बिभाय दिवश्चित्सानु रेजत स्वने वः ।
 यत्क्रीडथ मरुतः
 ऋष्टिमन्त आप इव सध्रियञ्चो धवध्वे ॥
 अभि क्रन्द स्तनय गर्भमा धा उदन्वता परि दीया रथेन । दृतिं सु
 कर्ष विषितं न्यञ्चं समा भवन्तूद्धता निपादाः ॥
 त्वं त्या चिदच्युताग्ने पशुर्न यवसे । धामा ह यत्तै अजर वना
 वृश्चन्ति शिक्वसः ॥
 अग्ने भूरीणि तव जातवेदो देव स्वधावोऽमृतस्य धाम । याश्च
 माया मायिनां विश्वमिन्व त्वे पूर्वीः संदधुः पृष्ठबन्धो ॥
 दिवो नो वृष्टिम्मरुतो ररीध्वम्प्र पिन्वत वृष्णो अश्वस्य धाराः ।
 अर्वाङ्गितेन स्तनयिबुतेह्यपो निषिञ्चन्नसुरः पिता नः ॥
 पिन्वन्त्यपो मरुतः सुदानवः पयो घृतवद्विदथैष्वाभुवः । अत्यं न
 मिहे वि नयन्ति वाजिनमुत्सं दुहन्ति स्तनयन्तमक्षितम् ॥
 उदप्रुतो मरुतस्तां इयर्त वृष्टिं ये विश्वे मरुतो जुनन्ति । क्रोशाति

गर्दा क॒न्यैव तु॒न्ना पे॒रं तु॒ञ्जाना प॒त्यैव जा॒या ॥
 घृ॒तेन॒ द्यावा॑पृ॒थिवी॑ म॒धुना॒ समु॑क्षत॒ पर्य॑स्वतीः कृ॒णुता॑प॒ ओष॑धीः ।
 ऊ॒र्जं च॒ तत्र॑ सु॒मतिं॑ च॒ पि॒न्वथ॒ यत्रा॑ नरो मरुतः सि॒ञ्चथा॑ मधु ॥
 उ॒दु त्यं चि॒त्रम् ॥
 औ॒र्वभृ॑गुवच्छुचि॒मप्र॑वान॒वदा हु॑वे । अ॒ग्निं॑ सं॒मुद्र॑वा॒ससम् ॥
 आ सु॒वं॑ स॒वितु॑र्यथा॒ भग॑स्येव भु॒जिं॑ हु॒वे । अ॒ग्निं॑
 सं॒मुद्र॑वा॒ससम् ॥
 हु॒वे वा॒तस्वनं॑ क॒विम्प॒र्जन्य॑क्र॒न्द्यं॑ सहैः । अ॒ग्निं॑ सं॒मुद्र॑वा॒ससम्
 ॥११॥

इति तृतीयकाण्डे प्रथमः प्रपाठकः ॥१॥

अथ तृतीयकाण्डे द्वितीयः प्रपाठकः ॥२॥

यो वै प॒र्वमा॑नानामन्वारो॒हान्वि॒द्वान्य॑ज॒तेऽनु॑ प॒र्वमा॑ना॒ना रौ॑हति॒ न
 प॒र्वमा॑ने॒भ्योऽव॑ च्छिद्यते
 श्ये॒नोऽसि॑ गाय॒त्रच्छ॑न्दा॒ अनु॑ त्वा॒र॑भे स्व॒स्ति मा॒ सं पा॑रय
 सु॒पर्णो॑ऽसि॒ त्रिष्टु॑ष्ठ॒न्दा॒ अनु॑ त्वा॒र॑भे स्व॒स्ति मा॒ सं पा॑रय
 स॒घासि॑ ज॒गती॑च्छ॒न्दा॒ अनु॑ त्वा॒र॑भे स्व॒स्ति मा॒ सं पा॑रयेत्या॒है ते
 वै प॒र्वमा॑नानामन्वारो॒हास्ता॑न्य॒ एवं वि॒द्वान्य॑ज॒तेऽनु॑ प॒र्वमा॑ना॒ना
 रौ॑हति॒ न प॒र्वमा॑ने॒भ्योऽव॑ च्छिद्यते
 यो वै प॒र्वमा॑नस्य॒ सन्त॑तिं वेद॒ सर्व॑मायुरेति॒ न पु॒रायु॑षः प्र मी॒यते
 प॒शुमा॑न्भवति वि॒न्दते॑ प्र॒जां प॒र्वमा॑नस्य॒ ग्रहा॑ गृह्यन्तेऽथ॒ वा
 अ॒स्यैते॑ऽगृहीता द्रोणकल॒श आ॑धव॒नीयः॑
 पू॒तभृ॑त्तान्यदगृहीत्वोपाकुर्यात्प॒र्वमा॑नं वि च्छि॒न्द्यात्तं
 वि॒च्छिद्य॑मानमध्व॒र्योः प्रा॒णोऽनु॑ वि च्छिद्येतो॒ पया॑मगृहीतोऽसि
 प्र॒जाप॑तये॒ त्वेति॑ द्रोणकल॒शम॒भि मृ॑शेदिन्द्राय॒ त्वेत्या॑धव॒नीयं
 वि॒श्वैभ्य॑स्त्वा दे॒वेभ्य॑ इति॒ पू॒तभृ॑तं प॒र्वमा॑नमे॒व तत्सं त॑नोति

सर्वमायुरेति न पुरायुषः प्र मीयते पशुमान्भवति विन्दते प्रजाम्
॥१॥

त्रीणि वाव सर्वानन्यथ तृतीयं सर्वमव लुम्पन्त्यनं शु कुर्वन्त
उपां शुं हुत्वोपां शुपात्रेऽं शुमवास्य तं तृतीयसवनैऽपिसृज्याभि
षुणुयाद्यदाप्याययति तेनां शुमद्यदभिषुणोति तेनर्जीषि सर्वाण्येव
तत्सर्वनान्यं शुमन्ति शुक्रवन्ति समावेद्वीर्याणि करोति
द्वौ समुद्रौ विर्ततावजूर्यौ पर्यावर्तेते जठरैव पादाः ।
तयोः पश्यन्तो अति यन्त्यन्यमपश्यन्तः सेतुनाति यन्त्यन्यम् ॥
द्वे द्रधसी सतती वस्त एकः केशी विश्वा भुवनानि विद्वान् ।
तिरोधायैत्यसितं वसानः शुक्रमा दत्ते अनुहाय जायै ॥
देवा वै यद्यज्ञेऽकुर्वत तदसुरा अकुर्वत ते देवा एतं
महायज्ञमपश्यन्तमन्वताग्निहोत्रं व्रतमकुर्वत तस्मादिद्वव्रतः
स्यादिद्वह्यग्निहोत्रं जुहति पौर्णमासं यज्ञमग्नीषोमीयं
पशुमकुर्वत दाश्यं यज्ञमाग्नेयं पशुमकुर्वत वैश्वदेवं
प्रातःसवनमकुर्वत वरुणप्रघासान्माध्यन्दिनं सर्वनं
साकमेधान्पितृयज्ञं त्र्यम्बकां स्तृतीयसवनमकुर्वत तमेषामसुरा
यज्ञमन्ववाजिगांसन्तं नान्ववायन्तैऽब्रुवन्नध्वर्तव्या वा इमे देवा
अभूवन्निति तदध्वरस्याध्वरत्वं ततौ देवा अभवन्परासुरा य एवं
विद्वान्तसोमैः यजते भवत्यात्मना परास्य भ्रातृव्यो भवति ॥२॥

परिभूरग्निं परिभूरिन्द्रं परिभूर्विश्वान्देवान्परिभूर्मां सह ब्रह्मवर्चसेन
स नः पवस्व शं गवे शं जनाय शमवते शं
राजन्नोषधीभ्योऽच्छिन्नस्य ते रयिपते सुवीर्यस्य रायस्पोषस्य
ददितारः स्याम ।
तस्य मे रास्व तस्य ते भक्षीय तस्य त इदमुन्मृजे ॥

प्राणाय मे वर्चोदा वर्चसे पवस्वा प्राणाय व्यानाय वाचे
 दक्षक्रतुभ्यां चक्षुभ्यां मे वर्चोदौ वर्चसे पवेथाँ
 श्रोत्राया त्मनेऽङ्गैभ्य आयुषे वीर्याय विष्णो रिन्द्रस्य विश्वेषां देवानां
 जठरमसि वर्चोदा मे वर्चसे पवस्व कौऽसि को नाम कस्मै त्वा
 काय त्वा यं त्वा सोमेनातीतृपं यं त्वा सोमेनामीमदँ सुप्रजाः
 प्रजया भूयासँ सुवीरौ वीरैः सुवर्चा वर्चसा सुपोषः पोषै विश्वेभ्यो
 मे रूपेभ्यो वर्चोदा वर्चसे पवस्व तस्य मे रास्व तस्य ते भक्षीय
 तस्य त इदमुन्मृजे ॥

बुभूषन्नवेक्षेतैष वै पात्रियः प्रजापतिर्यज्ञः प्रजापतिस्तमेव तर्पयति स
 एनं तृप्तो भूत्याभि पवते ब्रह्मवर्चसकामोऽवेक्षेतैष वै पात्रियः
 प्रजापतिर्यज्ञः प्रजापतिस्तमेव तर्पयति स एनं तृप्तो ब्रह्मवर्चसेनाभि
 पवत आमयाव्यवेक्षेतैष वै पात्रियः प्रजापतिर्यज्ञः प्रजापतिस्तमेव
 तर्पयति स एनं तृप्त आयुषाभि पवतेऽभिचरन्नवेक्षेतैष वै पात्रियः
 प्रजापतिर्यज्ञः प्रजापतिस्तमेव तर्पयति स एनं तृप्तः प्राणापानाभ्यां
 वाचो दक्षक्रतुभ्यां चक्षुभ्याँँ श्रोत्राभ्यामात्मनोऽङ्गैभ्य
 आयुषोऽन्तरैति ताजक्प्र धन्वति ॥३॥

स्फ्यः स्वस्तिर्विघ्नः स्वस्तिः पर्शुर्वेदिः पर्शुर्नः स्वस्तिः ।
 यज्ञिया यज्ञकृतः स्थ ते मास्मिन्यज्ञ उप ह्वयध्व मुप मा
 द्यावापृथिवी ह्वयेता मुपास्तावः कलशः सोमो अग्निरुप देवा उप
 यज्ञ उप मा होत्रा उपह्वे ह्वयन्तां
 नमोऽग्नये मखध्वे मखस्य मा यशोऽर्यादित्याहवनीयमुप तिष्ठते यज्ञो
 वै मुखो
 यज्ञं वाव स तदहन्तस्मा एव नमस्कृत्य सदः प्र सर्पत्यात्मनोऽनात्नै
 नमो रुद्राय मखध्वे नमस्कृत्या मा पाहीत्याग्नीध्रं तस्मा एव
 नमस्कृत्य सदः

सर्पत्यात्मनोऽनात्यै
 नम इन्द्राय मखघ्न इन्द्रियं मे वीर्यं मा निर्वधीरिति
 होत्रीर्यमाशिषमेवैतामा शांस्त इन्द्रियस्य वीर्यस्यानिर्घाताय या वै
 देवताः सदस्यार्तिमार्पयन्ति यस्ता विद्वान्प्रसर्पति न
 सदस्यार्तिमाच्छति नमोऽग्नये मखघ्न इत्याहैता वै देवताः
 सदस्यार्तिमार्पयन्ति ता य एवं विद्वान्प्रसर्पति न सदस्यार्तिमान्छति
 दृढे स्थः शिथिरे समीची माँहसस्पातुँ सूर्यो मा देवो
 दिव्यादँहसस्पातु वायुरन्तरिक्षादग्निः पृथिव्या यमः पितृभ्यः
 सरस्वती मनुष्येभ्यो देवीं द्वारौ मा मा सं तांस्तं नमः सदसे नमः
 सदसस्पतये नमः सखीनां पुरोगाणां चक्षुषे नमो दिवे नमः पृथिव्या
 अहं दैधिष्व्योदतस्तिष्ठान्यस्य सदने सीद योऽस्मत्पाकतर उन्निवत
 उदुद्धतश्च गेषं पातं मा द्यावापृथिवी अद्याहुः सदो वै प्रसर्पन्तं
 पितरोऽनु प्र सर्पन्ति त एनमीश्वरा हिँसितोः सदः प्रसृप्य दक्षिणार्धं
 परेक्षेतागन्त पितरः पितृमानुहं युष्माभिर्भूयासँ सुप्रजसो मया यूयं
 भूयास्तेति तेभ्य एव नमस्कृत्य सदः प्र सर्पत्यात्मनोऽनात्यै ॥४॥

भक्षेहि मा विश दीर्घायुत्वाय शन्तनुत्वाय रायस्पोषाय वर्चसे
 सुप्रजास्त्वायेहि वसो पुरोवसो प्रियो मे हृदोऽस्य श्विनोस्त्वा
 बाहुभ्याँ सध्यासं
 नृचक्षंसं त्वा देव सोम सुचक्षा अव ख्येषं मन्द्राभिभूतिः केतुर्यज्ञानां
 वाग्जुषाणा सोमस्य तृप्यतु मन्द्रा स्वर्वाच्यदितिरनाहतशीर्ष्णी
 वाग्जुषाणा सोमस्य तृप्यत्वेहि वश्वचर्षणे
 शम्भूर्मयोभूः स्वस्ति मा हरिवर्णं प्र चर क्रत्वे दक्षाय रायस्पोषाय
 सुवीरतायै
 मा मा राजन्वि बीभिषो मा मे हार्दि त्विषा वधीः । वृषणे
 शुष्मायारुषे वर्चसे ॥

वसुमद्गणस्य सोम देव ते मतिविदः प्रातःसवनस्य गायत्रच्छन्दसु
 इन्द्रपीतस्य नराशंसपीतस्य पितृपीतस्य मधुमत उपहृतस्योपहृतो
 भक्षयामि रुद्रवद्गणस्य सोम देव ते मतिविदो माध्यन्दिनस्य
 सवनस्य त्रिष्टुप्छन्दसु इन्द्रपीतस्य नराशंसपीतस्य
 पितृपीतस्य मधुमत उपहृतस्योपहृतो भक्षयाम्या दित्यवद्गणस्य सोम
 देव ते मतिविदस्तृतीयस्य सवनस्य जगतीच्छन्दसु इन्द्रपीतस्य
 नराशंसपीतस्य पितृपीतस्य मधुमत उपहृतस्योपहृतो भक्षयामि ॥
 आप्यायस्व समेतु ते विश्वतः सोम वृष्णियम् । भवा वाजस्य
 सङ्गथे ॥

हिन्वं मे गात्रा हरिवो गुणान्मे मा वि तीतृषः । शिवो मे सप्तर्षीनुप
 तिष्ठस्व मा मेवाङ्नाभिमति गाः ॥

अपाम सोमममृता अभूमादश्म ज्योतिरविदाम देवान् ।

किमुस्मान्कृणवदरातिः किमु धूर्तिरमृत मर्त्यस्य ॥

यन्म आत्मनो मिन्दाभूदग्निस्तत्पुनराहार्जातवेदा विचर्षणिः ।

पुनरग्निश्चक्षुरदात्पुनरिन्द्रो बृहस्पतिः ।

पुनर्मे अश्विना युवं चक्षुरा धत्तमद्योः ॥

इष्टयजुषस्ते देव सोम स्तुतस्तौमस्य शस्तोक्थस्य हरिवत्

इन्द्रपीतस्य मधुमत उपहृतस्योपहृतो भक्षयामि ॥

आपूर्याः स्था मा पूरयत प्रजया च धनेन च ॥

एतत्तै तत् ये च त्वामन्वे तत्तै पितामह प्रपितामह ये च त्वामन्व त्र
 पितरो यथाभागं मन्दध्वं

नमो वः पितरो रसाय नमो वः पितरः शुष्माय नमो वः पितरो

जीवाय नमो वः पितरः

स्वधायै नमो वः पितरो मन्यवे नमो वः पितरो घोराय पितरो नमो

वो

य एतस्मिँल्लोके स्थ युष्माँस्तेऽनु येऽस्मिँल्लोके मां तेऽनु य

ए॒तस्मिँल्लो॒के स्थ॒ यूयं॑ तेषां॒ वसि॑ष्ठा भू॒यास्त॒ येऽस्मिँल्लो॒केऽहं॑ तेषां॒
वसि॑ष्ठो भू॒यासुं
प्रजा॑पते॒ न त्वदे॒तान्यन्यो॑ वि॒श्वा जा॒तानि॒ परि॒ ता ब॑भूव

यत्का॑मास्ते जुहु॒मस्तन्नौ॑ अस्तु व॒यं स्या॑म॒ पत॑यो रयी॒णाम् ॥
दे॒वकृ॑त॒स्यैन॑सोऽव॒यज॑नमसि॒ मनु॑ष्यकृ॒त॒स्यैन॑सोऽव॒यज॑नमसि॒
पि॒तृकृ॑त॒स्यैन॑सोऽव॒यज॑नमस्य॒ प्सु धौ॑तस्य॒ सोम॑ दे॒व ते नृ॑भिः
सु॒तस्ये॒ष्टय॑जुषः॒ स्तुत॑स्तौमस्य॒ श॒स्तोक्थ॑स्य॒ यो भ॒क्षो अ॑श्व॒सनि॒र्यो
गो॒सनि॒स्तस्य॑ ते पि॒तृभिर्भ॑क्षकृ॒त॒स्योप॑हूत॒स्योप॑हूतो भक्ष॑यामि ॥५॥

म॒हीनां॑ पयो॑ऽसि॒ वि॒श्वेषां॑ दे॒वानां॑ त॒नूऋ॑ध्यास॑म॒द्य पृ॑षतीनां॒ ग्रहं॑
पृ॑षतीनां॒ ग्रहो॑ऽसि॒ वि॒ष्णोर्हृद॑यम॒स्येक॑मिष॒ वि॒ष्णु॑स्त्वानु॒ वि च॑क्रमे
भू॒तिर्द॒ध्ना घृ॑तेन॒ वर्ध॑तां॒ तस्य॑ मे॒ष्टस्य॑ वी॒तस्य॑ द्रवि॒णमा
गे॒म्याञ्ज॒योति॑रसि॒ वैश्वान॑रं पृ॒श्नि॒यै दु॒ग्धं
याव॑ती॒ द्यावा॑पृथि॒वी म॑हित्वा याव॑च्च स॒प्त सि॒न्ध॒वो वि॒त॒स्थुः ।
ताव॑न्तमिन्द्र॒ ते ग्र॑हं स॒होर्जा गृ॑ह्णाम्यस्तृ॒तम् ॥
यत्कृ॑ष्णशकुनः पृषदा॒ज्यम॑वमृ॒शेच्छू॒द्रा अस्य॑ प्र॒मायु॑काः
स्यु॒र्यच्छ॑वावमृ॒शेच्च॑तु॒ष्पादो॑ऽस्य प॒शवः॑ प्र॒मायु॑काः
स्यु॒र्यत्स्क॑न्देद्यज॑मानः प्र॒मायु॑कः स्यात्प॒शवो॑ वै पृषदा॒ज्यं प॒शवो॑ वा
ए॒तस्य॑ स्कन्दन्ति॒ यस्य॑ पृषदा॒ज्यं स्क॑न्दति॒ यत्पृ॑षदा॒ज्यं पुन॑र्गृ॒ह्णाति॑
प॒शूने॒वास्मै॑ पुन॑र्गृ॒ह्णाति॑ प्रा॒णो वै पृ॑षदा॒ज्यं प्रा॒णो वा
ए॒तस्य॑ स्कन्दति॒ यस्य॑ पृषदा॒ज्यं स्क॑न्दति॒ यत्पृ॑षदा॒ज्यं पुन॑र्गृ॒ह्णाति॑
प्रा॒णमे॒वास्मै॑ पुन॑र्गृ॒ह्णाति॑
हि॒र॒ण्यम॑व॒धाय॑ गृ॒ह्णात्य॑मृतं॒ वै हि॒र॒ण्यं प्रा॒णः पृ॑षदा॒ज्यम॑मृतमे॒वास्य॑
प्रा॒णे द॑धाति श॒तमा॑नं भवति श॒तायुः॑ पुरु॒षः श॑तेन्द्रि॒य
आयु॑ष्येवेन्द्रि॒ये प्र॑ति तिष्ठत्य॒श्वम॑व॒ घ्रा॑पयति प्राजाप॒त्यो वा अ॑श्वः

प्राजापत्यः प्राणः स्वादेवास्मै योनैः प्राणं निर्मिमीते वि वा एतस्य
यज्ञश्छिद्यते यस्य पृषदाज्यं स्कन्दति वैष्णव्यर्चा पुनर्गृह्णाति यज्ञो
वै विष्णुर्यज्ञेनैव यज्ञं सं तनोति ॥६॥

देवं सवितरेतत्ते प्राहु तत्प्र च सुव प्र च यज बृहस्पतिर्ब्रह्मायुष्मत्या
ऋचो मा गात तनूपात्साम्नः सत्या व आशिषः सन्तु सत्या आकूतय
ऋतं च सत्यं च वदत स्तुत देवस्य सवितुः प्रसवे स्तुतस्य
स्तुतमस्यूजं मह्यं स्तुतं दुहामा मा स्तुतस्य स्तुतं गम्याच्छस्त्रस्य
शस्त्रमस्यूजं मह्यं शस्त्रं दुहामा मा शस्त्रस्य शस्त्रं गम्यादि
न्द्रियावन्तो वनामहे धुक्षीमहि प्रजामिषम् ॥

सा मै सत्याशीर्देवेषु भूयाद्ब्रह्मवर्चसं मार्गम्यात् ॥

यज्ञो बभूव स आ बभूव स प्र जज्ञे स वावृधे ।

स देवानामधिपतिर्बभूव सो अस्मां अधिपतीन्करोतु वयं स्याम
पतयो रयीणाम् ॥

यज्ञो वा वै यज्ञपतिं दुहे यज्ञपतिर्वा यज्ञं दुहे स यः

स्तुतशस्त्रयोर्दोहमविद्वान्यजते तं यज्ञो दुहे स इष्ट्वा पापीयान्भवति य
एनयोर्दोहं विद्वान्यजते स यज्ञं दुहे

स इष्ट्वा वसीयान्भवति स्तुतस्य स्तुतमस्यूजं मह्यं स्तुतं दुहामा मा
स्तुतस्य स्तुतं गम्याच्छस्त्रस्य शस्त्रमस्यूजं मह्यं शस्त्रं दुहामा मा
शस्त्रस्य शस्त्रं गम्यादित्याहैष वै स्तुतशस्त्रयोर्दोहस्तं य एवं
विद्वान्यजते दुह एव यज्ञमिष्ट्वा वसीयान्भवति ॥७॥

श्येनाय पत्वंने स्वाहा वट्स्वयमभिगूर्ताय नमो विष्टम्भाय धर्मणे
स्वाहा वट्स्वयमभिगूर्ताय नमः परिधये जनप्रथनाय स्वाहा
वट्स्वयमभिगूर्ताय नम ऊर्जे होत्राणां स्वाहा वट्स्वयमभिगूर्ताय
नमः पर्यसे होत्राणां स्वाहा वट्स्वयमभिगूर्ताय नमः प्रजापतये

मनवे स्वाहा वदस्वयमभिगूर्ताय नम ऋतमृतपाः सुवर्वाद्स्वाहा
वदस्वयमभिगूर्ताय नम
स्तृम्पन्ताँ होत्रा मधौर्धृतस्य
यज्ञपतिमृषय एनसाहुः
प्रजा निर्भक्ता अनुत्प्यमाना मध्व्यौ स्तोकावप तौ रराध
सं नस्ताभ्याँ सृजतु विश्वकर्मा
घोरा ऋषयो नमो अस्त्वेभ्यः ।
चक्षुष एषां मनसश्च सन्धौ बृहस्पतये महि षदयुमन्नमः ।
नमो विश्वकर्मणे स उ पात्वस्मा
ननन्यान्तसौमुपान्मन्यमानः ।
प्राणस्य विद्वान्तसमुरे न धीर एनश्चकृवान्महि बद्ध एषाम् ॥
तं विश्वकर्मन्प्र मुञ्चा स्वस्तये
ये भक्षयन्तो न वसून्यानुहुः ।
यानुग्रयोऽन्वतप्यन्त धिष्णिषा इयं तेषामवया दुरिष्ट्यै स्विष्टिं नस्तां
कृणोतु विश्वकर्मा ॥
नमः पितृभ्यो अभि ये नो अख्यन्यज्ञकृतौ यज्ञकामाः सुदेवा
अकामा वो दक्षिणां न नीनिम मा नस्तस्मादेनसः पापयिष्ट ।
यावन्तो वै सदस्यास्ते सर्वे दक्षिण्यास्तेभ्यो यो दक्षिणां न
नयेदैभ्यो वृश्चेत यद्वैश्वकर्मणानि जुहोति सदस्यानेव तत्प्रीणात्य
स्मे दैवासो वपुषे चिकित्सत यमाशिरा दम्पती वाममश्नुतः ।
पुमान्पुत्रो जायते विन्दते वस्वथ विश्वे अरपा एधते गृहः ॥
आशीर्दाया दम्पती वाममश्नुतामरिष्टो रायः सचताँ समौकसा ।
य आसिचत्संदुग्धं कुम्भ्या सहेष्टेन यामन्नमतिं जहातु सः ॥
सर्पिर्ग्रीवी पीवर्यस्य जाया पीवानः पुत्रा अकृशासो अस्य ।
सहजानिर्यः सुमखस्यमान इन्द्रायाशिरँ सह कुम्भ्यादात् ॥
आशीर्म ऊर्जमुत सुप्रजास्त्वमिषं दधातु द्रविणँ सर्वर्चसम् ।

स॒ञ्जय॒न्क्षेत्रा॑णि स॒हस्रा॑हमिन्द्र कृ॒णव॑ानो अ॒न्याँ॑ अ॒ध॒रान्त॑स॒पत्नान् ॥
 भू॒तम॑सि भू॒ते मा॑ धा॒ मुख॑मसि मुखं भू॒यासुं॑
 द्यावा॑पृथि॒वीभ्यां॑ त्वा परि गृह्णामि विश्वे त्वा दे॒वा वै॑श्वान॒राः ।५।
 प्र च्या॑वयन्तु दि॒वि दे॒वान्दँ॑हान्तरि॒क्षे वयाँ॑सि पृथि॒व्यां
 पार्थि॑वान्ध्रु॒वं ध्रु॒वेण॑ ह॒विषा॑व॒ सोमं॑ नयामसि । यथा॑ नः
 सर्व॑मि॒ज्जग॑दय॒क्ष्मँ॑ सु॒मना॑ असत् ॥
 यथा॑ न इन्द्र इ॒द्विशः॑ के॒वलीः॑ सर्वाः स॒मन॑सः करत् ।
 यथा॑ नः सर्वा॑ इ॒द्विशो॑ऽस्माकं के॒वली॑रसन् ॥८॥

यद्वै होता॑ध्व॒र्युम॑भ्याह्वयते वज्रमे॒नम॑भि प्र वर्तय॒त्युक्थ॑शा इत्याह
 प्रातःस॒वनं प्र॑तिगीर्य त्री॒ण्येतान्य॑क्षराणि त्रि॒पदा॑ गाय॒त्री गा॑य॒त्रं
 प्रातःस॒वनं गा॑यत्रि॒यैव प्रातःस॒वने वज्र॑म॒न्तर्धत्त॑ उ॒क्थं वा॒चीत्या॑ह
 मा॒ध्यन्दि॒नँ॑ स॒वनं प्र॑तिगीर्य च॒त्वार्येतान्य॑क्षराणि चतु॒ष्पदा॑
 त्रि॒ष्टुप्त्रै॒ष्टुभं॑ मा॒ध्यन्दि॒नँ॑ स॒वनं त्रि॒ष्टुभै॒व मा॒ध्यन्दि॒ने स॒वने
 वज्र॑म॒न्तर्धत्त॑ उ॒क्थं वा॒चीन्द्रा॑येत्याह तृतीयस॒वनं प्र॑तिगीर्य
 स॒प्तैतान्य॑क्षराणि स॒प्तप॑दा शक्व॒री शाक्व॑रो वज्रो वज्रै॒णैव
 तृतीयस॒वने वज्र॑म॒न्तर्धत्ते॑ ब्रह्मवा॒दिनो॑ वदन्ति
 स त्वा अ॒ध्वर्युः स्या॑द्यो यथास॒वनं प्र॑तिग॒रे छन्दाँ॑सि स॒म्पाद॑ये॒त्तेजः॑
 प्रातःस॒वन आ॒त्मन्ध॑र्धतेन्द्रि॒यं मा॒ध्यन्दि॒ने स॒वने पु॒शूँ॑स्तृतीयस॒वन
 इत्यु॒क्थ॑शा इत्याह प्रातःस॒वनं प्र॑तिगीर्य त्री॒ण्येतान्य॑क्षराणि
 त्रि॒पदा॑ गाय॒त्री गा॑य॒त्रं प्रातःस॒वनं प्रातःस॒वन ए॒व प्र॑तिग॒रे छन्दाँ॑सि
 सं पा॑दय॒त्यथो॒ तेजो॒ वै गा॑य॒त्री तेजः॑ प्रातःस॒वनं तेज॑ ए॒व प्रातःस॒वन
 आ॒त्मन्ध॑त्त उ॒क्थं वा॒चीत्या॑ह मा॒ध्यन्दि॒नँ॑ स॒वनं प्र॑तिगीर्य
 च॒त्वार्येतान्य॑क्षराणि चतु॒ष्पदा॑ त्रि॒ष्टुप्त्रै॒ष्टुभं॑ मा॒ध्यन्दि॒नँ॑ स॒वनं
 मा॒ध्यन्दि॒न ए॒व स॒वने प्र॑तिग॒रे छन्दाँ॑सि सं पा॑दय॒त्यथो॒ इन्द्रि॒यं वै
 त्रि॒ष्टुगिन्द्रि॒यं मा॒ध्यन्दि॒नँ॑ स॒वनमिन्द्रि॒यमे॒व मा॒ध्यन्दि॒ने स॒वन

आत्मन्धत्त उक्थं वाचीन्द्रायेत्याह तृतीयसवनं प्रतिगीर्यं
 सप्तैतान्यक्षराणि सप्तपदा शक्वरी शाक्वराः पशवो जागृतं
 तृतीयसवनं तृतीयसवन एव प्रतिगरे छन्दांसि सं पादयत्यथौ
 पशवो वै जगती पशवस्तृतीयसवनं पशूनेव तृतीयसवन आत्मन्धत्ते
 यद्वै होताध्वर्युर्मभ्याह्वयत आव्यमस्मिन्दधाति तद्यन्नापहनीत पुरास्य
 संवत्सराद्गृह आ वैवीरुञ्छोऽसा मोद इवेति प्रत्याह्वयते तेनैव
 तदप हते यथा वा आर्यतां प्रतीक्षत एवमध्वर्युः प्रतिगरं प्रतीक्षते
 यदभिप्रतिगृणीयाद्यथायतया समृच्छते तादृगेव त द्यर्धर्चाल्लुप्येत
 यथा धावद्भ्यो हीयते तादृगेव तत्प्रबाहुगवा ऋत्विजामुद्गीथा उद्गीथ
 एवोद्गातृणामृचः प्रणव उक्थशंसिनो प्रतिगुरौऽध्वर्यूणां य एवं
 विद्वान्प्रतिगृणात्यन्नाद एव भवत्यास्य प्रजायां वाजी जायत इयं वै
 होतासार्वध्वर्युर्यदासीनः शंसत्यस्या एव तद्धोता नैत्यास्त इव
 हीयमथौ इमामेव तेन यजमानो दुहे यत्तिष्ठन्प्रतिगृणात्यमुष्या एव
 तदध्वर्युर्नैति तिष्ठतीव ह्यसावथौ अमूमेव तेन यजमानो दुहे
 यदासीनः शंसति तस्मादितः प्रदानं देवा उप जीवन्ति
 यत्तिष्ठन्प्रतिगृणाति तस्मादमुतः प्रदानं मनुष्या उप जीवन्ति
 यत्प्राडासीनः शंसति प्रत्यङ्गतिष्ठन्प्रतिगृणाति तस्मात्प्राचीनं रेतौ
 धीयते प्रतीचीः प्रजा जायन्ते यद्वै होताध्वर्युर्मभ्याह्वयते वज्रमेनमभि
 प्र वर्तयति पराडा वर्तते वज्रमेव तन्नि करोति ॥६॥

उपयामगृहीतोऽसि वाक्षसदसि वाक्पाभ्यां त्वा क्रतुपाभ्यामस्य
 यज्ञस्य ध्रुवस्याध्यक्षाभ्यां गृह्णाम्युपयामगृहीतोऽस्यृतसदसि
 चक्षुष्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां
 गृह्णाम्युपयामगृहीतोऽसि श्रुतसदसि श्रोत्रपाभ्यां त्वा
 क्रतुपाभ्यामस्य यज्ञस्य ध्रुवस्याध्यक्षाभ्यां गृह्णामि देवेभ्यस्त्वा
 विश्वदेवेभ्यस्त्वा विश्वेभ्यस्त्वा देवेभ्यो विष्णवुरुक्रमैष ते सोमस्तं

रक्षस्व तं ते दुश्चक्षा माव रूयन्मयि वसुः पुरोवसुर्वाक्पा वाचं मे
 पाहि मयि वसुर्विदद्वसुश्चक्षुष्पाश्चक्षुर्मे पाहि मयि वसुः संयद्वसुः
 श्रोत्रपाः श्रोत्रम्मे पाहि
 भूरसि श्रेष्ठौ रश्मीनाम्प्राणपाः प्राणम्मे पाहि
 धूरसि श्रेष्ठौ रश्मीनामपानपा अपानम्मे पाहि
 यो न इन्द्रवायू मित्रावरुणा वश्विनावभिदासति भ्रातृव्य उत्पिपीते
 शुभस्पती इदमहं तमधरम्पादयामि यथैन्द्राहमुत्तमश्चेतयानि ॥१०॥

प्र सो अग्ने तवोतिभिः सुवीराभिस्तरति वाजकर्मभिः ।
 यस्य त्वं सुख्यमाविथ ॥
 प्र होत्रे पूर्व्य वचोऽग्र्यै भरता बृहत् ।
 विपां ज्योतींषि बिभ्रते न वेधसे ॥
 अग्ने त्री ते वाजिना त्री षधस्था तिस्रस्तै जिह्वा ऋतजात पूर्वीः ।
 तिस्र उ ते तनुवौ देववातास्ताभिर्नः पाहि गिरो अप्रयुच्छन् ॥
 सं वां कर्मणा समिषा हिनोमीन्द्राविष्णू अपसस्पारे अस्य ।
 जुषेथां यज्ञं द्रविणं च धत्तमरिष्टैर्नः पृथिभिः पारयन्ता ॥
 उभा जिग्यथुर्न परा जयेथे न परा जिग्ये कतरश्चनैनौः ।
 इन्द्रश्च विष्णो यदपस्पृधेथां त्रेधा सहस्रं वि तदैरयेथाम् ॥
 त्रीणयायंषि तव जातवेदस्तिस्त्र आजानीरुषसस्ते अग्ने ।
 ताभिर्देवानामवो यक्षि विद्वानथा भव यजमानाय शं योः ॥
 अग्निस्त्रीणि त्रिधातून्या क्षैति विदथा कविः ।
 स त्रीरैकादशा इह । यक्षच्च पिप्रयच्च नो विप्रो दूतः परिष्कृतः ।
 नभन्तामन्युके संमे ॥
 इन्द्राविष्णू दृंहिताः शम्बरस्य नव पुरौ नवतिं च शनथिष्टम् ।
 शतं वर्चिनः सहस्रं च साकं हथो अप्रत्यसुरस्य वीरान् ॥
 उत माता महिषमन्ववेनदमी त्वा जहति पुत्र देवाः ।

अथाब्रवीद्वृत्रमिन्द्रो हनिष्यन्त्सखै विष्णो वितुरं वि क्रमस्व ॥११॥
इति तृतीयकाण्डे द्वितीयः प्रपाठकः ॥२॥

अथ तृतीयकाण्डे तृतीयः प्रपाठकः ॥३॥

अग्रै तेजस्विन्तेजस्वी त्वं देवेषु भूयास्तेजस्वन्तुम्मामायुष्मन्तं
वर्चस्वन्तम्मनुष्येषु कुरु दीक्षायै च त्वा तपसश्च तेजसे जुहोमि
तेजोविदसि तेजो मा मा हासीन्माहं तेजो हासिषुम्मा मां तेजो
हासी दिन्द्रौजस्विन्नोजस्वी त्वं देवेषु भूया ओजस्वन्तुम्मामायुष्मन्तं
वर्चस्वन्तम्मनुष्येषु कुरु ब्रह्मणश्च त्वा क्षत्रस्य चोजसे
जुहोम्यो जोविदस्योजो मा मा हासीन्माहमोजो हासिषुम्मा मामोजो
हासीत्सूर्य भ्राजस्विन्भ्राजस्वी त्वं देवेषु भूया
भ्राजस्वन्तुम्मामायुष्मन्तं वर्चस्वन्तम्मनुष्येषु कुरु वायोश्च त्वापां च
भ्राजसे जुहोमि
सुवर्विदसि सुवर्मा मा हासीन्माहं सुवर्हासिषुम्मा मां
सुवर्हासी न्मयि मेधाम्मयि प्रजाम्मय्यग्निस्तेजो दधातु मयि
मेधाम्मयि प्रजाम्मयीन्द्र इन्द्रियं दधातु मयि मेधाम्मयि प्रजाम्मयि
सूर्यो भ्राजो दधातु ॥१॥

वायुर्हिर्कृताग्निः प्रस्तोता प्रजापतिः साम बृहस्पतिरुद्गाता विश्वे देवा
उपगातारौ मरुतः प्रतिहृता इन्द्रो निधनं ते देवाः प्राणभृतः
प्राणम्मयि दधत्वे तद्वै सर्वमध्वर्युरुपाकुर्वन्नुद्गातृभ्य उपाकरोति ते
देवाः प्राणभृतः प्राणम्मयि दधत्वित्याहितदेव सर्वमात्मन्धत्त इडा
देवहर्मनुर्यज्ञनीर्बृहस्पतिरुक्थामदानि शंसिषद्विश्वे देवाः ।
सूक्तवाचः पृथिवि मातर्मा मा हिंसीर्मधु मनिष्ये मधु जनिष्ये मधु
वक्ष्यामि मधु वदिष्यामि मधुमतीं देवेभ्यो वाचमुद्यासं
शुश्रूषेणामनुष्येभ्यस्तम्मा देवा अवन्तु शोभायै पितरोऽनु मदन्तु
॥२॥

वसवस्त्वा प्र बृहन्तु गायत्रेण च्छन्दसाग्नेः प्रियम्पाथ उपैहि

रुद्रास्त्वा प्र बृहन्तु त्रैष्टुभेन च्छन्दसेन्द्रस्य प्रियम्पाथ
 उपैह्या दित्यास्त्वा प्र बृहन्तु जागतेन च्छन्दसा विश्वेषां
 देवानाम्प्रियम्पाथ उपैहि मान्दासु ते शुक्र शुक्रमा धूनोमि भन्दनासु
 कोतनासु नूतनासु रेशीषु मेषीषु वाशीषु विश्वभृत्सु
 माध्वीषु ककुहासु शक्वरीषु शुक्रासु ते शुक्र शुक्रमा धूनोमि
 शुक्रं ते शुक्रेण गृह्णाम्यहो रूपेण सूर्यस्य रश्मिभिः ।

आस्मिन्नुग्रा अचुच्यवुर्दिवो धारा असञ्चत ॥

ककुहं रूपं वृषभस्य रोचते बृहत्सोमः सोमस्य पुरोगाः शुक्रः
 शुक्रस्य पुरोगाः ।

यत्ते सोमादाभ्यं नाम जागृवि तस्मै ते सोम सोमाय स्वाहो शिक्त्वं
 देव सोम गायत्रेण च्छन्दसाग्नेः प्रियम्पाथो अपीहि वशी त्वं देव
 सोम त्रैष्टुभेन च्छन्दसेन्द्रस्य प्रियम्पाथो अपीह्य स्मत्सखा त्वं देव
 सोम जागतेन च्छन्दसा विश्वेषां देवानाम्प्रियम्पाथो अपीह्या नः
 प्राण एतु परावत आन्तरिक्षाद्विवस्परि । आयुः पृथिव्या
 अध्यमृतमसि प्राणाय त्वा ।

इन्द्राग्नी मे वर्चः कृणुतां वर्चः सोमो बृहस्पतिः । वर्चो मे विश्वे
 देवा वर्चो मे धत्तमश्विना ॥

दधन्वे वा यदीमनु वोचद्ब्रह्माणि वेरु तत् । परि विश्वानि काव्या
 नेमिश्चक्रमिवाभवत् ॥३॥

एतद्वा अपां नामधेयं गुह्यं यदाधावा मान्दासु ते शुक्र शुक्रमा
 धूनोमीत्याहापामेव नामधेयेन गुह्येन दिवो वृष्टिमव रुन्दे शुक्रं ते
 शुक्रेण गृह्णामीत्याहैतद्वा अहो रूपं यद्रात्रिः
 सूर्यस्य रश्मयो वृष्ट्या ईशतेऽह एव रूपेण सूर्यस्य रश्मिभिर्दिवो
 वृष्टिं च्यावयत्या स्मिन्नुग्रा अचुच्यवुरित्याह यथायजुरेवैतत्ककुहं
 रूपं वृषभस्य रोचते बृहदित्याहैतद्वा अस्य ककुहं रूपं यद्वृष्टी
 रूपेणैव वृष्टिमव रुन्दे यत्ते सोमादाभ्यं नाम जागृवीत्याहैष ह वै

ह॒विषा॑ ह॒विर्य॑जति॒ योऽदा॑भ्यं गृही॒त्वा सोमा॑य जुहोति॒ परा॑ वा
 ए॒तस्या॑युः प्रा॒ण ए॒ति योऽँ॑शुं गृह्णा॒त्या नः॑ प्रा॒ण ए॒तु परा॑वतु
 इत्या॒हायु॑रेव प्रा॒णमा॑त्मन्ध॒त्ते ऽमृत॑मसि प्रा॒णाय॑ त्वेति॒ हिर॑ण्यम॒भि
 व्य॑नित्य॒मृतं॑ वै हिर॑ण्यमायुः प्रा॒णोऽमृतै॑नैवायु॒रात्मन्ध॑त्ते
 श॒तमा॑नम्भवति श॒तायुः॑ पुरु॑षः श॒तेन्द्रि॑य॒ आयु॑ष्येवेन्द्रि॒ये प्रति॑
 तिष्ठ॒त्य॒प उप॑ स्पृशति॒ भेष॒जं वा आपो॑ भेष॒जमे॒व कुरु॑ते ॥४॥

वा॒युर॑सि प्रा॒णो नाम॑ सवि॒तुराधि॑पत्येऽपान॒म्मै दा॒श्चक्षु॑रसि॒ श्रोत्रं॑
 नाम॑ धा॒तुराधि॑पत्य॒ आयु॑र्मै दा॒ रूप॑मसि॒ वर्णो॑ नाम॒ बृह॑स्पते॒राधि॑पत्ये
 प्र॒जाम्मै दा॑ ऋ॒तम॑सि स॒त्यं नामेन्द्र॑स्याधि॒पत्ये क्ष॒त्रम्मै दा॑ भू॒तम॑सि
 भव्यं॑ नाम॑ पि॒तृणा॑माधि॒पत्येऽपामो॑षधी॒नां गर्भं॑ धा॒ ऋ॒तस्य॑ त्वा
 व्यो॑मन ऋ॒तस्य॑ त्वा वि॒भूम॑न ऋ॒तस्य॑ त्वा वि॒धर्म॑ण॒ ऋ॒तस्य॑ त्वा
 स॒त्याय॑र्तस्य॑ त्वा ज्योति॑षे
 प्र॒जाप॑तिर्वि॒राज॑मपश्य॒त्तया॑ भू॒तं च॒ भव्यं॑ चासृजत
 तामृ॑षि॒भ्यस्ति॒रौऽद॑धा॒त्तां ज॒मद॑ग्निस्तप॒साप॑श्य॒त्तया॑ वै स
 पृ॒श्नीन्का॑मानसृजत॒ तत्पृ॑श्नीनाम्पृ॒श्नि॒त्वं यत्पृ॑श्न॒यो गृ॒ह्यन्ते॑
 पृ॒श्नीने॒व तैः॑ का॒मान्य॑ज॒मानोऽव॑ रु॒द्धे
 वा॒युर॑सि प्रा॒णो नामेत्या॑ह प्रा॒णापा॑नावे॒वाव॑ रु॒द्धे
 चक्षु॑रसि॒ श्रोत्रं॑ नामेत्या॒हायु॑रेवाव॑ रु॒द्धे रू॒पम॑सि॒ वर्णो॑ नामेत्या॑ह
 प्र॒जामे॒वाव॑ रु॒द्ध ऋ॒तम॑सि स॒त्यं नामेत्या॑ह क्ष॒त्रमे॒वाव॑ रु॒द्धे
 भू॒तम॑सि॒ भव्यं॑ नामेत्या॑ह प॒शवो॑ वा अ॒पामो॑षधी॒नां गर्भः॑ प॒शूने॒वाव॑
 रु॒द्ध ए॒ताव॑द्वै पुरु॑षम्प॒रित॑स्तदे॒वाव॑ रु॒द्ध ऋ॒तस्य॑ त्वा व्यो॑मन
 इत्या॑हेयं वा ऋ॒तस्य॑ व्यो॑मे॒मामे॒वाभि॑ जयत्यृ॒तस्य॑ त्वा वि॒भूम॑न
 इत्या॑हान्तरि॒क्ष्मवा॑ ऋ॒तस्य॑ वि॒भूमा॑न्तरि॒क्षमे॒वाभि॑ जयत्यृ॒तस्य॑ त्वा
 वि॒धर्म॑ण॒ इत्या॑ह द्यौ॒र्वा ऋ॒तस्य॑ वि॒धर्म॑ दि॒वमे॒वाभि॑ जयत्यृ॒तस्य॑
 त्वा स॒त्यायेत्या॑ह दि॒शो वा ऋ॒तस्य॑ स॒त्यं दि॒श ए॒वाभि॑ जयत्यृ॒तस्य॑

त्वा ज्योतिष इत्याह सुवर्गो वै लोक ऋतस्य ज्योतिः सुवर्गमेव
लोकमभि जयत्येतावन्तो वै देवल्लोकास्तानेवाभि जयति दश
सम्पद्यन्ते दशाक्षरा विराडन्नं विराड्विराज्येवान्नाद्ये प्रति तिष्ठति
॥५॥

देवा वै यद्यज्ञेन नावारुन्धत तत्परैरवारुन्धत तत्पराणाम्परत्वं यत्परै
गृह्यन्ते यदेव यज्ञेन नारुन्धे तस्यावरुद्धयै यम्प्रथमं गृह्णातीममेव
तेन लोकमभि जयति
यं द्वितीयमन्तरिक्षं तेन यं तृतीयमुमुमेव तेन लोकमभि जयति यदेते
गृह्यन्ते एषां लोकानामभिजित्या उत्तरेष्वहःस्वमुतोऽर्वाञ्चो
गृह्यन्तेऽभिजित्यैवेमाँल्लोकान्पुनरिमं लोकम्प्रत्यवरोहन्ति
यत्पूर्वेष्वहःस्वितः पराञ्चो गृह्यन्ते तस्मादितः पराञ्च इमे लोका
यदुत्तरेष्वहःस्वमुतोऽर्वाञ्चो गृह्यन्ते तस्मादमुतोऽर्वाञ्च इमे
लोकास्तस्मादयातयाम्नो लोकान्मनुष्या उप जीवन्ति ब्रह्मवादिनो
वदन्ति कस्मात्सत्यादद्ध्य ओषधयः सम्भवन्त्योषधयो
मनुष्याणामन्नम्प्रजापतिम्प्रजा अनु प्र जायन्ते इति परानन्विति
ब्रूयाद्यद्गृह्णात्यद्ध्यस्त्वौषधीभ्यो गृह्णामीति तस्मादद्ध्य ओषधयः
सम्भवन्ति
यद्गृह्णात्योषधीभ्यस्त्वा प्रजाभ्यो गृह्णामीति तस्मादोषधयो
मनुष्याणामन्नं
यद्गृह्णाति प्रजाभ्यस्त्वा प्रजापतये गृह्णामीति तस्मात्प्रजापतिम्प्रजा
अनु प्र जायन्ते ॥६॥

प्रजापतिर्देवासुरानसृजत तदनु यज्ञोऽसृज्यत यज्ञं छन्दाँसि ते
विष्वञ्चो व्यक्रामन्त्सोऽसुराननु यज्ञोऽपाक्रामद्यज्ञं छन्दाँसि
ते देवा अमन्यन्तामी वा इदमभूवन्यद्वयँ स्म इति ते

प्रजापतिमुपाधावन्त्सोऽब्रवीत्प्रजापतिश्छन्दसां वीर्यमादाय तद्वः प्र
 दास्यामीति स च्छन्दसां वीर्यमादाय तदैभ्यः प्रायच्छत्तदनु
 च्छन्दाँस्यपाक्रामञ्छन्दाँसि यज्ञस्ततो देवा अभवन्परासुरा य एवं
 छन्दसां वीर्यं वेदा श्रावयास्तु श्रौषड्यज्ञ ये यजामहे वषट्कारो
 भवत्यात्मना परास्य भ्रातृव्यो भवति ब्रह्मवादिनो वदन्ति कस्मै
 कर्मध्वर्युरा श्रावयतीति च्छन्दसां वीर्यायेति ब्रूयादेतद्वै छन्दसां
 वीर्यमा श्रावयास्तु श्रौषड्यज्ञ ये यजामहे वषट्कारो य एवं वेद
 सर्वायैरेव च्छन्दोभिरर्चति यत्किं चार्चति यदिन्द्रो वृत्रमहन्नमेध्यं
 तद्यद्यतीनपावपदमेध्यं तदथ कस्मादैन्द्रो यज्ञ आ
 सँस्थातोऽरित्याहुरिन्द्रस्य वा एषा यज्ञिया तनूर्यद्यज्ञस्तामेव
 तद्यजन्ति य एवं वेदोपैनं यज्ञो नमति ॥७॥

आयुर्दा अग्ने हविषो जुषाणो घृतप्रतीको घृतयोनिरेधि । घृतम्पीत्वा
 मधु चारु गव्यम्पितेव पुत्रमभि रक्षतादिमम् ॥

आ वृश्चयते वा एतद्यजमानोऽग्निभ्यां यदेनयोः

शृतंकृत्याथान्यत्रावभृथमवैत्यायुर्दा अग्ने हविषो जुषाण
 इत्यवभृथमवैष्यञ्जुह्यादाहुत्यैवैनौ शमयति नार्तिमाच्छति यजमानो
 यत्कुसौदमप्रतीतम्मयि येन यमस्य बलिना चरामि । इहैव
 सन्निरवदये तदेतत्तदग्ने अनृणो भवामि ।

विश्वलोप विश्वदावस्य त्वासञ्जुहोम्यग्धादेकोऽहुतादेकः

समसनादेकः । ते नः कृणवन्तु भेषजँ सदः सहो वरैरयम् ॥

अयं नो नभसा पुरः सँस्फानो अभि रक्षतु । गृहाणामसमत्यै
 ब्रह्मो नो गृहा असन् ॥

स त्वं नो । २। नभसस्पत ऊर्जं नो धेहि भद्रया । पुनर्नो नष्टमा
 कृधि पुनर्नो रयिमा कृधि ॥

देवं सँस्फान सहस्रपोषस्यैशिषे स नो रास्वाज्यानिँ रायस्पोषँ

सुवीर्यं संवत्सरीणां स्वस्तिम् ॥
 अग्निर्वाव यम इयं यमी कुसीदं वा एतद्यमस्य यजमान आ दत्ते
 यदोषधीभिर्वेदिं स्तृणाति यदनुपौष्य
 प्रयायाद्ग्रीवबद्धमैनमुष्मिल्लोके
 नैनीयेरन्यत्कुसीदमप्रतीत्तम्मयीत्युपौषतीहैव सन्यमं कुसीदं
 निरवदायानृणः सुवर्गं लोकमेति
 यदि मिश्रमिव चरेदञ्जलिना सक्तून्प्रदाव्यै जुहुयादेष वा
 अग्निर्वैश्वानुरो यत्प्रदाव्यः स एवैनं स्वदयत्य ह्नां
 विधान्यामेकाष्टकायामपूपं चतुःशरावम्पक्त्वा प्रातरेतेन
 कक्षमुपौषेद्यदि ॥४॥ दहति पुण्यसमम्भवति यदि न दहति
 पापसमं मेतेन ह स्म वा ऋषयः पुरा विज्ञानेन दीर्घसूत्रमुप यन्ति
 यो वा उपद्रष्टारमुपश्रोतारमनुख्यातारं विद्वान्यजते सममुष्मिल्लोक
 ईष्टापूर्तेन
 गच्छतेऽग्निर्वा उपद्रष्टा वायुरुपश्रोतादित्योऽनुख्याता तान्य एवं
 विद्वान्यजते सममुष्मिल्लोक ईष्टापूर्तेन गच्छतेऽयं नो नभसा पुर
 ॥५॥ इत्याहाग्निर्वै नभसा पुरोऽग्निमेव तदाहैतन्मै गोपायेति स त्वं नो
 नभसस्पत इत्याह वायुर्वै नभसस्पतिर्वायुमेव तदाहैतन्मै गोपायेति
 देव सस्फानेत्याहासौ वा आदित्यो देवः सस्फान आदित्यमेव
 तदाहैतन्मै गोपायेति ॥८॥

एतं युवानम्परि वो ददामि तेन क्रीडन्तीश्चरत प्रियेण । मा नः शाप
 जनुषा सुभागा रायस्पोषेण समिषा मदेम ॥
 नमो महिम्न उत चक्षुषे ते मरुताम्पितस्तदहं गृणामि । अनु मन्यस्व
 सुयजा यजाम जुष्टं देवानामिदमस्तु हव्यम् ॥
 देवानामेष उपनाह आसीदपां गर्भं ओषधीषु न्यक्तः । सोमस्य
 द्रप्समवृणीत पूषा बृहन्नद्रिरभवत्तदैषाम् ॥

पिता वत्सानाम्पतिरघ्नियानामथो पिता महतां गर्गराणाम् । वत्सो
 जरायु प्रतिधुक्पीयूषं आमिक्षा मस्तु घृतमस्य रेतः ॥
 त्वां गावोऽवृणत राज्याय त्वाँ हवन्त मरुतः स्वर्काः ।
 वर्षन्क्षत्रस्य ककुभि शिश्रियाणस्ततो न उग्रो वि भञ्जा वसूनि ॥
 व्यृद्धेन वा एष पशुना यजते यस्यैतानि न क्रियन्ते एष ह त्वै
 समृद्धेन यजते यस्यैतानि क्रियन्ते ॥६॥

सूर्यो देवो दिविषद्भ्यो धाता क्षत्राय वायुः प्रजाभ्यः । बृहस्पतिस्त्वा
 प्रजापतये ज्योतिष्मतीं जुहोतु ॥
 यस्यास्ते हरितो गर्भोऽथो योनिर्हिरण्ययी । अङ्गान्यहुता यस्यै तां
 देवैः समजीगमम् ॥
 आ वर्तन वर्तय नि निवर्तन वर्तयेन्द्र नर्दबुद । भूम्याश्चतस्रः
 प्रदिशस्ताभिरा वर्तया पुनः ॥
 वि ते भिनद्धि तक्ररीं वि योनिं वि गवीन्यौ । वि मातरं च पुत्रं च
 वि गर्भं च जरायु च ।
 बृहिस्ते अस्तु बालिति ।
 उरुद्रप्सो विश्वरूप इन्दुः पर्वमानो धीरं आनञ्जु गर्भम् ॥
 एकपदी द्विपदी त्रिपदी चतुष्पदी पञ्चपदी षट्पदी सप्तपद्यष्टापदी
 भुवनानु प्रथताँ स्वाहा मही द्यौः पृथिवी च न इमं
 यज्ञमिमिक्षताम् । पिपृतां नो भरीमभिः ॥१०॥

इदं वामास्यै हविः प्रियमिन्द्राबृहस्पती । उक्थम्मदश्च शस्यते ॥
 अयं वाम्परि षिच्यते सोम इन्द्राबृहस्पती । चारुर्मदाय पीतये ॥
 अस्मे इन्द्राबृहस्पती रयिं धत्तँ शतृग्विनम् । अश्वावन्तँ
 सहस्त्रिणम् ॥

बृहस्पतिर्नः परि पातु पश्चादुतोत्तरस्मादधरादघायोः । इन्द्रः

पुरस्तादुत मध्यतो नः सखा सखिभ्यो वरिवः कृणोतु ॥
 वि ते विष्वग्वातजूतासो अग्ने भामासः शुचे शुचयश्चरन्ति ।
 तुविमृक्षासौ दिव्या नवग्वा वना वनन्ति धृषता रुजन्तः ॥
 त्वामग्ने मानुषीरीडते विशौ होत्राविदं विविचिं रत्नधातमम् ।
 गुहा सन्तं सुभग विश्वदर्शतं तुविष्मणसं सुयजं घृतश्रियम् ॥
 धाता ददातु नो रयिमीशानो जगतस्पतिः । स नः पूर्णेन वावनत् ॥

धाता प्रजाया उत राय ईशे धातेदं विश्वम्भुवनं जजान । धाता पुत्रं
 यजमानाय दाता तस्मा उ हव्यं घृतवद्विधेम ॥
 धाता ददातु नो रयिम्प्राचीं जीवातुमक्षिताम् । वयं देवस्य धीमहि
 सुमतिं सत्यराधसः ॥

धाता ददातु दाशुषे वसूनि प्रजाकामाय मीढुषे दुरोणे । तस्मै देवा
 अमृताः सं व्ययन्तां विश्वे देवासो अदितिः सजोषाः ॥
 अनु नोऽद्यानुमतिर्यज्ञं देवेषु मन्यताम् । अग्निश्च हव्यवाहनो भवतां
 दाशुषे मयः ॥

अन्विदनुमते त्वं मन्यासै शं च नः कृधि । क्रत्वे दक्षाय नो हिनु प्र
 ण आयूँषि तारिषः ॥

अनु मन्यतामनुमन्यमाना प्रजावन्तं रयिमक्षीयमाणम् । तस्यै
 वयं हेडसि मापि भूम सा नो देवी सुहवा शर्म यच्छतु ॥
 यस्यामिदम्प्रदिशि यद्विरोचतेऽनुमतिम्प्रति भूषन्त्यायवः । यस्या
 उपस्थ उर्वन्तरिक्षं सा नो देवी सुहवा शर्म यच्छतु राकामहं
 सुहवां सुष्टुती हुवे शृणोतु नः सुभगा बोधतु त्वना । सीव्यत्वपः
 सूच्याच्छिद्यमानया ददातु वीरं शतदायमुक्थ्यम् ॥

यास्तै राके सुमतयः सुपेशसो याभिर्ददासि दाशुषे वसूनि ।
 ताभिर्नो अद्य सुमना उपागहि सहस्रपोषं सुभगे रराणा ॥
 सिनीवालि

या सु॒पा॒णिः ॥

कु॒हू॒म॒ह॑ सु॒भगां॑ वि॒द्य॒नाप॑स॒म॒स्मि॒न्य॒ज्ञे सु॒हवां॑ जो॒हवी॑मि । सा नो॑
द॒दातु॑ श्रव॑ण॒म्पि॒तृणां॑ तस्या॑स्ते दे॒वि ह॒विषा॑ वि॒धेम ॥

कु॒हू॒दे॒वाना॑म॒मृ॒तस्य॑ प॒त्नी ह॒व्या नो॑ अ॒स्य ह॒विष॑श्चि॒केतु॑ । सं दा॒शुषे॑
कि॒रतु॑ भूरि॑ वाम॑ रा॒यस्पोषं॑ चि॒क्रि॒तुषे॑ द॒धातु॑ ॥११॥

उति तृतीयकाण्डे तृतीयः प्रपाठकः ॥३॥

अथ तृतीयकाण्डे चतुर्थः प्रपाठकः ॥४॥

वि वा ए॒तस्य॑ य॒ज्ञ ऋ॑ध्यते यस्य॑ ह॒विर॑ति॒रिच्य॑ते
सूर्यो॑ दे॒वो दि॑वि॒षद्भ्य॑ इत्या॒ह बृ॒हस्प॑ति॒ना चै॒वास्य॑ प्र॒जाप॑ति॒ना च
य॒ज्ञस्य॑ व्यृ॒द्धम॑पि॒ वप॑ति॒ रक्षा॑सि॒ वा ए॒तत्प॒श॑ संच॒न्ते
यदे॑कदे॒वत्य॑ आ॒लब्धो॑ भू॒यान्भ॑वति॒
यस्या॑स्ते ह॒रितो॑ गर्भ॒ इत्या॑ह
दे॒वत्रै॑वैनां॑ गम॒यति॑ रक्षा॒साम॑प॒हत्या॑ आ॒ वर्त॑न॒ वर्त॑येत्या॒ह
ब्र॒ह्मणै॑वै॒नमा॑ वर्त॒यति॑ वि॒ तै भि॑न॒द्यि त॑क॒रीमि॑त्या॒ह
यथा॑य॒जुरे॑वै॒त दुरु॑द्र॒प्सो वि॒श्वरू॑प॒ इन्दु॑रि॒त्याह॑ प्र॒जा वै प॒शव॑ इ॒न्दुः
प्र॒जयै॑वै॒नम्प॒शुभिः॑ स॒मर्ध॑यति॒
दि॒वं वै य॒ज्ञस्य॑ व्यृ॒द्धं ग॑च्छति॒ पृथि॒वीम॑ति॒रिक्तं॑ तद्य॒न्न
श॒मये॑दा॒र्तिमा॑र्छे॒द्यज॑मानो॒ म॒ही द्यौः॑ पृथि॒वी च न॑ इत्या॒ह
द्या॒वापृथि॒वीभ्या॑मे॒व य॒ज्ञस्य॑ व्यृ॒द्धं चा॑ति॒रिक्तं॑ च श॒मय॑ति॒
ना॒र्तिमा॑र्छति॒ यज॑मानो॒ भस्म॑ना॒भि स॒मूह॑ति॒ स्व॒गाकृ॑त्या॒ अथो॑
अ॒नयो॑र्वा ए॒ष गर्भो॑ऽनयो॒रिवै॑नं॑ द॒धाति॑ यदे॒वद्ये॑दति॒
तद्रे॑च॒येद्य॒न्नाव॑द्ये॒त्पशो॑रा॒लब्धस्य॑ ना॒व द्ये॒त्पुर॑स्ता॒न्नाभ्या॑
अ॒न्यदे॒वद्ये॑दु॒परि॑ष्टाद॒न्यत्पु॑रस्ता॒द्वै नाभ्यै॑ ।३। प्रा॒ण उ॒परि॑ष्टाद॒पानो॑
या॒वाने॒व प॒शुस्त॑स्या॒व द्यति॑ वि॒ष्णवे॑ शि॒पिवि॑ष्टाय॒ जुहो॑ति॒ यद्वै

य॒ज्ञस्या॒तिरिच्य॑ते यः प॒शोर्भू॑मा या पु॒ष्टिस्तद्वि॑ष्णुः
 शिपि॒विष्टोऽति॑रिक्त ए॒वाति॑रिक्तं दधा॒त्यति॑रिक्तस्य॒ शान्त्या॑ अ॒ष्टाप्रू॑ढि
 रण्यं दक्षि॒णाष्टा॑पदी ह्यैषा॒त्मा न॑वमः प॒शोरा॑प्तया अ॒न्तर॑कोश
 उ॒ष्णीषे॑णावि॒ष्टित॑म्भवत्ये॒वमि॑व हि प॒शुरु॑ल्बमि॒व च॑र्म॒व
 माँस॑मि॒वास्थी॑व यावा॑ने॒व प॒शुस्त॑मा॒प्त्वाव॑ रु॒द्धे यस्यै॑षा य॒ज्ञे
 प्राय॑श्चित्तिः क्रि॒यते॑ इ॒ष्ट्वा व॑सी॒यान्भव॑ति ॥१॥

आ वा॑यो भूष शुचि॒पा उप॑ नः स॒हस्रं॑ ते नि॒युतो॑ विश्ववार । उपो॑ ते
 अ॒न्धो म॑द्यमयामि॒ यस्य॑ देव दधि॒षे पूर्॑वपेयम् ॥
 आकू॑त्यै त्वा॒ कामा॑य त्वा स॒मृधै॑ त्वा कि॒क्कि॒टा ते॒ मनः॑ प्र॒जाप॑तये
 स्वाहा॑ कि॒क्कि॒टा ते॒ प्राणं॑ वा॒यवे॒ स्वाहा॑ कि॒क्कि॒टा ते॒ चक्षुः॑ सू॒र्याय॑
 स्वाहा॑ कि॒क्कि॒टा ते॒ श्रोत्रं॑ द्यावा॒पृथि॒वीभ्याँ॑ स्वाहा॑ कि॒क्कि॒टा ते॒
 वाच॑ँ सर॒स्वत्यै॑ स्वाहा॑ त्वं तुरी॒या व॒शिनी॑ व॒शासि॑ स॒कृद्य॑त्वा
 मन॑सा गर्भ॒ आश॑यत् । व॒शा त्वं व॒शिनी॑ गच्छ दे॒वान्त॑स॒त्याः स॑न्तु
 यज॑मानस्य॒ कामाः॑ ॥
 अ॒जासि॑ रयि॒ष्टा पृ॑थि॒व्याँ सी॑दो॒र्ध्वान्तरि॑क्षमु॒प तिष्ठ॑स्व दि॒वि ते॑
 बृ॒हद्भाः॑ ।
 तन्तुं॑ त॒न्वन्न॑जसो भानुमन्वि॒हि ज्योति॑ष्मतः प॒थो र॑क्ष धि॒या कृ॑तान् ।
 अ॒नुल्ब॒णं व॑यत जो॒गुवा॑मपो मनु॒र्भव॑ ज॒नया॑ दै॒व्यं ज॑नम् ॥
 मन॑सो ह॒विर॑सि प्र॒जाप॑ते॒र्वर्णो॑ गात्रा॒णां ते॒ गात्र॑भाजो भूया॑स्म ॥२॥

इ॒मे वै स॒हास्तां॑ ते वा॒युर्व्य॑वा॒त्ते गर्भ॑मदधातां तँ सोमः
 प्रा॒ज॒नय॑द॒ग्निर॑ग्रसत्
 स ए॒तम्प्रा॑प॒तिराग्ने॑यम॒ष्टाक॑पालमपश्य॒त्तं निर॑व॒प्तेनै॒वैना॑म॒ग्नेरधि॑
 निर॑क्रीणा॒त्तस्मा॑द॒प्यन्य॑दे॒वत्या॑मा॒लभ॑मान
 आग्ने॑यम॒ष्टाक॑पालम्पु॒रस्ता॑न्निर्व॒पेद॒ग्नेरै॒वैना॑मधि॒ निष्क्री॑या॒लभ॑ते

यद्वायुर्व्यवात्तस्माद्वायव्यां यदिमे गर्भमदधातां तस्माद्द्यावापृथिव्यां
 यत्सोमः प्राजनयदग्निरग्रसत् तस्मादग्नीषोमीया
 यदनयौर्वियत्योर्वागवदुत्तस्मात्सारस्वती यत्प्रजापतिरग्रेरधि
 निरक्रीणात्तस्मात्प्राजापत्या सा वा एषा सर्वदेवत्या यदजा वशा
 वायव्यामा लभेत भूतिकामो वायुर्वै क्षेपिष्ठा देवता वायुमेव स्वेन
 भागधेयेनोप धावति स एवैनम्भूतिं गमयति द्यावापृथिव्यामा लभेत
 कृषमाणः प्रतिष्ठाकामो दिव एवास्मै पुर्जन्यो वर्षति व्यस्यामोषधयो
 रोहन्ति समर्धुकमस्य सस्यम्भवत्यग्नीषोमीयामा लभेत यः
 कामयेतान्नवानन्नादः स्यामित्यग्निनैवान्नमव रुद्धे
 सोमैन्नान्नाद्यमन्नवानेवान्नादो भवति सारस्वतीमा लभेत य ईश्वरो
 वाचो वदितोः सन्वाचं न वदेद्वाग्वै सरस्वती
 सरस्वतीमेव स्वेन भागधेयेनोप धावति
 सैवास्मिन्वाचं दधाति प्राजापत्यामा लभेत यः
 कामयेतानभिजितमभि जयेयमिति प्रजापतिः सर्वा देवता
 देवताभिरेवानभिजितमभि जयति वायुर्व्ययोपाकरोति
 वायोरेवैनमवुरुध्या लभेत आकूत्यै त्वा कामाय त्वेत्याह
 यथायजुरेवैतत्किक्किटाकारं जुहोति
 किक्किटाकारेण वै ग्राम्याः पशवो रमन्ते प्रारण्याः पतन्ति
 यत्किक्किटाकारं जुहोति ग्राम्याणां पशूनां धृत्यै पर्यग्नौ क्रियमाणे
 जुहोति
 जीवन्तीमेवैनां सुवर्गं लोकं गमयति त्वं तुरीया वशिनी
 वशासीत्याह
 देवत्रैवैनां गमयति सत्याः सन्तु यजमानस्य कामा इत्याहैष वै
 कामो ॥५॥
 यजमानस्य यदनार्त उदृचं गच्छति तस्मादेवमाहा जासि
 रयिष्ठेत्याहैष्वेवैनां लोकेषु प्रति ष्ठापयति दिवि तै बृहद्वा इत्याह

सुवर्ग एवास्मै लोके ज्योतिर्दधाति
 तन्तुं तन्वन्नजसो भानुमन्विहीत्याहेमानेवास्मै लोकाञ्ज्योतिष्मतः
 करोत्यनुल्बणं वयत जोगुवामप इत्याह यदेव यज्ञ उल्बणं क्रियते
 तस्यैवैषा शान्तिं मनुर्भव जनया दैव्यं जनमित्याह मानव्यो वै
 प्रजास्ता एवाद्याः कुरुते
 मनसो हविरसीत्याह स्वगाकृत्यै गात्राणां ते गात्रभाजौ
 भूयास्मेत्याहाशिषमेवैतामा शास्ते तस्यै वा एतस्या
 एकमेवादैवयजनं यदालब्धायामभ्रो भवति यदालब्धायामभ्रः
 स्यादप्सु वा प्रवेशयेत्सर्वा वा प्राशनीया द्यदप्सु प्रवेशयेद्यज्ञवेशसं
 कुर्यात्सर्वामेव प्राशनीयादिन्द्रियमेवात्मन्धत्ते सा वा एषा
 त्रयाणामेवावरुद्धा संवत्सरसदः सहस्रयाजिनो गृहमेधिनस्त
 एवैतया यजेरन्तेषामेवैषाप्ता ॥३॥
 चित्तं च चित्तिश्चा कूतं चा कूतिश्च विज्ञातं च विज्ञानं च मनश्च
 शक्वरीश्च दर्शश्च पूर्णमासश्च बृहच्च रथं तरं च प्रजापतिर्जयानिन्द्राय
 वृष्णे प्रायच्छदुग्रः पृतनाज्येषु तस्मै विशः समनमन्तु सर्वाः स उग्रः
 स हि हव्यो बभूव
 देवासुराः संयत्ता आसन्त्स इन्द्रः प्रजापतिमुपाधावत्तस्मा
 एताञ्जयान्प्रायच्छत्तानजुहोत्ततो वै देवा
 असुरानजयन्त्यदजयन्तञ्जयानां जयत्वँ स्पर्धमानेनैते होतव्या
 जयत्येव ताम्पृतनाम् ॥४॥

अग्निर्भूतानामधिपतिः स मावत्विन्द्रो ज्येष्ठानां यमः पृथिव्या
 वायुरन्तरिक्षस्य सूर्यो दिवश्चन्द्रमा नक्षत्राणाम्बृहस्पतिर्ब्रह्मणो मित्रः
 सत्यानां वरुणोऽपाँ समुद्रः स्त्रोत्याना मन्नँ साम्राज्यानामधिपति
 तन्मावतु सोम ओषधीनाँ सविता प्रसवानाँ रुद्रः पशूनां त्वष्टा
 रूपाणां विष्णुः पर्वतानाम्मरुतो गुणानामधिपतयस्ते मावन्तु पितरः

पितामहाः परेऽवरे ततास्ततामहा इह मावत ।
 अस्मिन्ब्रह्मन्नास्मिन्क्षत्रेऽस्यामाशिष्यस्याम्पुरोधायांस्मिन्कर्मन्त्रस्यां
 देवहूत्याम् ॥५॥

देवा वै यद्यज्ञे ऽकुर्वत तदसुरा अकुर्वत ते देवा
 एतान्भ्यातानानपश्यन्तान्भ्यातन्वत यद्देवानां कर्मासीदार्ध्यत
 तद्यदसुराणां न तदार्ध्यत येन कर्मणेत्सेत्तत्र होतव्या ऋधोत्येव तेन
 कर्मणा यद्विश्वे देवाः समभरन्तस्मादभ्याताना वैश्वदेवा
 यत्प्रजापतिर्जयान्प्रायच्छत्तस्माज्जयाः प्राजापत्याः यद्राष्ट्रभृद्धी
 राष्ट्रमाददत् तद्राष्ट्रभृतां राष्ट्रभृत्त्वं ते देवा
 अभ्यातानैरसुरान्भ्यातन्वत जयैरजयन्नाष्ट्रभृद्धी राष्ट्रमाददत्
 यद्देवा अभ्यातानैरसुरान्भ्यातन्वत तदभ्यातानानामभ्यातानुत्वं
 यज्जयैरजयन्तज्जयानां जयुत्वं यद्राष्ट्रभृद्धी राष्ट्रमाददत् तद्राष्ट्रभृतां
 राष्ट्रभृत्त्वं ततो देवा अभवन्परासुरा
 यो भ्रातृव्यवान्त्स्यात्स एताञ्जुहुयदभ्यातानैरेव भ्रातृव्यान्भ्यातनुते
 जयैर्जयति राष्ट्रभृद्धी राष्ट्रमा दत्ते
 भवत्यात्मना परास्य भ्रातृव्यो भवति ॥६॥

ऋताषाडृतधामाग्निर्गन्धर्वस्तस्यौषधयोऽप्सरस ऊर्जो नाम स
 इदम्ब्रह्म क्षत्रम्पातु ता इदम्ब्रह्म क्षत्रम्पान्तु तस्मै स्वाहा ताभ्यः स्वाहा
 संहितो विश्वसामा सूर्यो गन्धर्वस्तस्य मरीचयोऽप्सरस आयुर्वः
 सुषुम्नः सूर्यरश्मिश्चन्द्रमा गन्धर्वस्तस्य नक्षत्रायप्सरसो ब्रेकुरयो
 भुज्युः सुपर्णो यज्ञो गन्धर्वस्तस्य दक्षिणा अप्सरसः स्तवाः
 प्रजापतिर्विश्वकर्मा मनो गन्धर्वस्तस्यैक्सामान्यप्सरसो वह्नय इषिरो
 विश्वव्यचा वातो गन्धर्वस्तस्यापौऽप्सरसो मुदा भुवनस्य पते यस्य
 त उपरि गृहा इह च । स नो रास्वाज्यानि रायस्पोष सुवीर्यं

संवत्सरीणां स्वस्तिम् ॥

परमेष्ठ्यधिपतिर्मृत्युर्गन्धर्वस्तस्य विश्वमप्सरसो भुवः सुक्षितिः
 सुभूतिर्भद्रकृत्सुर्वैर्वान्पर्जन्यो गन्धर्वस्तस्य विद्युतोऽप्सरसो रुचो
 दूरेहतिरमृडयो मृत्युर्गन्धर्वस्तस्य प्रजा अप्सरसो भीरुवश्चारुः
 कृपणकाशी कामो गन्धर्वस्तस्याधर्योऽप्सरसः शोचयन्तीर्नाम स
 इदम्ब्रह्म क्षत्रम्पातु ता इदम्ब्रह्म क्षत्रम्पान्तु तस्मै स्वाहा ताभ्यः स्वाहा
 स नो भुवनस्य पते यस्य त उपरि गृहा इह च । उरु ब्रह्मणोऽस्मै
 क्षत्राय महि शर्म यच्छ ॥७॥

राष्ट्रकामाय होतव्या राष्ट्रं वै राष्ट्रभृतो राष्ट्रेणैवास्मै राष्ट्रमव रुन्दे
 राष्ट्रमेव भवत्यात्मनै होतव्या राष्ट्रं वै राष्ट्रभृतो राष्ट्रम्प्रजा
 राष्ट्रम्प्रशवो राष्ट्रं यच्छ्रेष्ठो भवति राष्ट्रेणैव राष्ट्रमव रुन्दे वसिष्ठः
 समानानाम्भवति ग्रामकामाय होतव्या राष्ट्रं वै राष्ट्रभृतो राष्ट्रं
 सजाता राष्ट्रेणैवास्मै राष्ट्रं सजातानव रुन्दे ग्राम्यैव
 भवत्यधिदेवने जुहोत्यधिदेवन एवास्मै सजातानव रुन्दे त
 एनमवरुद्धा उप तिष्ठन्ते
 रथमुख ओजस्कामस्य होतव्या ओजो वै राष्ट्रभृत ओजो रथ
 ओजसैवास्मा ओजोऽव रुद्ध ओजस्व्यैव भवति यो राष्ट्रादपभूतः
 स्यात्तस्मै होतव्या यावन्तोऽस्य रथाः स्युस्तान्ब्रूयाद्युङ्गध्वमिति
 राष्ट्रमेवास्मै युनक्त्याहुतयो वा एतस्याक्लृप्ता यस्य राष्ट्रं न कल्पते
 स्वरथस्य दक्षिणं चक्रम्प्रवृह्य नाडीमभि जुहुयादाहुतीरेवास्य
 कल्पयति ता अस्य कल्पमाना राष्ट्रमनु कल्पते संग्रामे संयत्ते
 होतव्या राष्ट्रं वै राष्ट्रभृतो राष्ट्रे खलु वा एते व्यायच्छन्ते ये संग्रामं
 संयन्ति यस्य पूर्वस्य जुहति स एव भवति जयति तं संग्रामं
 मान्धुक इध्मो भवत्यङ्गारा एव प्रतिवेष्टमाना अमित्राणामस्य
 सेनाम्प्रति वेष्टयन्ति

य उन्माद्येत्तस्मै होतव्या गन्धर्वाप्सरसो वा एतमुन्मादयन्ति य
 उन्माद्येत्येते खलु वै गन्धर्वाप्सरसो यद्राष्ट्रभृतस्तस्मै स्वाहा ताभ्यः
 स्वाहेति जुहोति तेनैवैनाञ्छमयति
 नैयग्रोध औदुम्बर आश्वत्थः प्लाक्ष इतीध्मो भवत्येते वै
 गन्धर्वाप्सरसां गृहाः स्व एवैनानायतने शमयत्य भिचरता
 प्रतिलोमं होतव्याः प्राणानेवास्य प्रतीचः प्रति यौति तं ततो येन
 केन च स्तृणुते स्वकृत इरिणे जुहोति प्रदरे वैतद्वा अस्यै
 निर्ऋतिगृहीतं निर्ऋतिगृहीत एवैनं निर्ऋत्या ग्राहयति यद्वाचः क्रूरं
 तेन वर्षट्करोति वाच एवैनं क्रूरेण प्र वृश्चति ताजगार्तिमार्च्छति
 यस्य कामयेतान्नाद्यमा देदीयेति तस्य सुभायामुत्तानो निपद्य
 भुवनस्य पत इति तृणानि सं गृह्णीयात्प्रजापतिर्वै भुवनस्य पतिः
 प्रजापतिनैवास्यान्नाद्यमा दत्त इदमहममुष्यामुष्यायुणस्यान्नाद्यं
 हरामीत्याहान्नाद्यमेवास्य हरति षड्भिर्हरति षड्वा ऋतवः
 प्रजापतिनैवास्यान्नाद्यमादायर्तवोऽस्मा अनु प्र यच्छन्ति यो
 ज्येष्ठबन्धुरपभूतः स्यात् स्थलैऽवसाय्य ब्रह्मौदनं
 चतुःशरावम्पक्त्वा तस्मै होतव्या वर्षम् वै राष्ट्रभृतो वर्षम् स्थलं
 वर्षमणैवैनं वर्षम् समानानां गमयति चतुःशरावो भवति दिक्ष्वैव
 प्रति तिष्ठति क्षीरे भवति रुचमेवास्मिन्दधात्युद्धरति शृतत्वाय
 सर्पिष्वान्भवति मेध्यत्वाय चत्वारं आर्षेयाः प्राश्नन्ति दिशामेव
 ज्योतिषि जुहोति ॥८॥

देविका निर्वपेत्प्रजाकामश्छन्दांसि वै देविकाश्छन्दांसीव खलु
 वै प्रजाश्छन्दोभिरेवास्मै प्रजाः प्र जनयति प्रथमं धातारं करोति
 मिथुनी एव तेन करोत्यन्वेवास्मा अनुमतिर्मन्यते राते राका प्र
 सिनीवाली जनयति प्रजास्वेव प्रजातासु कुह्वा वाचं दधत्ये ता
 एव निर्वपेत्प्रशुकामश्छन्दांसि वै देविकाश्छन्दांसीव खलु वै

प॒शव॒श्छन्दा॑भिरे॒वास्मै॑ प॒शून्प्र ज॑नयति प्रथ॒मं धा॒तारं॑ करोति॒ प्रैव तेन॑
 वापय॒त्यन्वे॒वास्मा॑ अनु॒मति॑र्मन्यते रा॒ते रा॒का प्र सि॑नीवा॒ली ज॑नयति
 प॒शूने॒व प्रजा॑तान्कु॒ह्वा प्रति॑ ष्ठापयत्ये॒ता ए॒व
 निर्व॑पेद्ग्रा॒मका॑म॒श्छन्दा॑ँसि॒ वै दे॒र्विका॑श्छन्दा॑ँसीव॒ खलु॒ वै
 ग्रा॒म॒श्छन्दा॑भिरे॒वास्मै॑ ग्रा॒मम॑व॒ रुद्धे॑ मध्य॒तो धा॒तारं॑ करोति मध्य॒त
 ए॒वैनं॑ ग्रा॒मस्य॑ दधात्ये॒ता ए॒व निर्व॑पेज्ज॒योगा॑मयावी॒ छन्दा॑ँसि॒ वै
 दे॒र्विका॑श्छन्दा॑ँसि॒ खलु॒ वा ए॒तम॑भि॒ मन्य॑न्ते॒ यस्य॒ ज्यो॒गाम॑रयति॒
 छन्दा॑भिरे॒वैन॑म॒गुदं॑ करोति मध्य॒तो धा॒तारं॑ करोति मध्य॒तो वा
 ए॒तस्या॑क्लृप्तं॒ यस्य॒ ज्यो॒गाम॑रयति मध्य॒त ए॒वास्य॒ तेन॑ कल्पयत्ये॒ता
 ए॒व निर्व॑पेद्यं॒ यज्ञो॑ नोप॒नमे॒च्छन्दा॑ँसि॒ वै दे॒र्विका॑श्छन्दा॑ँसि॒ खलु॒
 वा ए॒तं नो॑प॒ नम॑न्ति॒ यं य॒ज्ञो नो॑प॒नम॑ति प्रथ॒मं धा॒तारं॑ करोति मुख॒त
 ए॒वास्मै॑ छन्दा॑ँसि॒ दधा॑त्यु॒पैनं॑ य॒ज्ञो न॑मत्ये॒त्येता॑ ए॒व
 निर्व॑पेदी॒जान॑श्छन्दा॑ँसि॒ वै दे॒र्विका॑ या॒तया॑मानीव॒ खलु॒ वा ए॒तस्य॒
 छन्दा॑ँसि॒ य ई॒जान॑ उ॒त्तमं॑ धा॒तारं॑ करोत्यु॒परि॑ष्टादे॒वास्मै॑
 छन्दा॑ँस्यया॒तया॑मा॒न्यव॑ रुद्ध उ॒पैन॑मु॒त्तरो॑ य॒ज्ञो न॑मत्ये॒ता ए॒व
 निर्व॑पेद्य॒म्मेधा॑ नोप॒नमे॒च्छन्दा॑ँसि॒ वै दे॒र्विका॑श्छन्दा॑ँसि॒ खलु॒ वा
 ए॒तं नो॑प॒ नम॑न्ति॒ य॒म्मेधा॑ नोप॒नम॑ति प्रथ॒मं धा॒तारं॑ करोति मुख॒त
 ए॒वास्मै॑ छन्दा॑ँसि॒ दधा॑त्यु॒पैन॑म॒मेधा॑ न॑मत्ये॒ता ए॒व
 निर्व॑पेदु॒क्काम॑श्छन्दा॑ँसि॒ वै दे॒र्विका॑श्छन्दा॑ँसीव॒ खलु॒ वै
 रु॒क्छन्दा॑भिरे॒वास्मि॒नुचं॑ दधाति क्षी॒रे भ॑वन्ति॒ रुच॑मे॒वास्मि॑न्दधति
 मध्य॒तो धा॒तारं॑ करोति मध्य॒त ए॒वैनं॑ रु॒चो द॑धाति गाय॒त्री वा
 अनु॑मतिस्त्रि॒ष्टुग्रा॑का जगती॒ सिनीवा॒ल्यनु॑ष्टु॒प्कुहू॑र्धा॒ता व॑षट्कारः
 पूर्॒वप॒क्षो रा॒काप॑रप॒क्षः कु॒हूर॑मावा॒स्या सि॑नीवा॒ली
 पौ॒र्णमा॒स्यनु॑मतिश्चन्द्र॒मा धा॒ताष्टौ॑ वस॒वोऽष्टा॑क्षरा गाय॒त्र्येका॑दश रु॒द्रा
 ए॒काद॑शाक्षरा त्रि॒ष्टुद्वाद॑शादित्या द्वा॒दशा॑क्षरा जगती
 प्र॒जाप॑तिरनु॒ष्टुब्धा॑ता व॑षट्कार ए॒तद्वै दे॒र्विकाः॑ सर्वा॑णि च॒

च्छन्दाँसि सर्वाश्च देवता वषट्कारस्ता यत्सह सर्वा
निर्वपेदीश्वरा एनम्प्रदहो द्वे प्रथमे निरुप्य धातुस्तृतीयं निर्वपेत्तथो
एवोत्तरे निर्वपेत्तथैनं न प्र दहन्त्यथो यस्मै कामाय निरुप्यन्ते
तमेवाभिरुपाप्नोति ॥६॥

वास्तोष्पते प्रति जानीह्यस्मान्त्स्वावेशो अनमीवो भवा नः ।
यत्त्वेमहे प्रति तन्नौ जुषस्व शं न एधि द्विपदे शं चतुष्पदे ॥
वास्तोष्पते शग्मया सँसदा ते सक्षीमहि रणवया गातुमत्या ।
आवः क्षेम उत योगे वरं नो यूयम्पात स्वस्तिभिः सदा नः ॥
यत्सायम्प्रातरग्निहोत्रं जुहोत्याहुतीष्टका एव ता उप धत्ते
यजमानोऽहोरात्राणि वा एतस्येष्टका य
आहिताग्निर्यत्सायम्प्रातर्जुहोत्यहोरात्राण्येवाप्त्वेष्टकाः कृत्वोप धत्ते
दश समानत्र जुहोति दशाक्षरा विराड्विराजमेवाप्त्वेष्टकां कृत्वोप
धत्तेऽथौ विराज्येव यज्ञमाप्नोति चित्यश्चित्योऽस्य भवति तस्माद्यत्र
दशौषित्वा प्रयाति तद्यज्ञवास्त्ववास्त्वेव तद्यत्ततोऽर्वाचीनँ रुद्रः
खलु वै वास्तोष्पतिर्यदहुत्वा वास्तोष्पतीयम्प्रयायाद्बुध
एनम्भूत्वाग्निरनूत्थाय हन्याद्वास्तोष्पतीयं जुहोति भागधेयेनैवैनँ
शमयति नार्तिमाच्छति यजमानो यद्युक्ते जुहुयाद्यथा प्रयाति
वास्तावाहुतिं जुहोति तादृगेव तद्यदयुक्ते जुहुयाद्यथा क्षेम आहुतिं
जुहोति तादृगेव तदहुतमस्य वास्तोष्पतीयँ स्यादक्षिणो युक्तो
भवति सव्योऽयुक्तोऽथ वास्तोष्पतीयं
जुहोत्युभयमेवाकरपरिवर्गमेवैनँ शमयति
यदेकया जुहुयाद्विहोमं कुर्यात्पुरोऽनुवाक्यामनूच्य याज्यया जुहोति
सदेवत्वाय
यद्धुत आदध्याद्बुधं गृहानन्वारौहयेद्यदवक्षाणान्यसम्प्रक्षाप्य
प्रयायाद्यथा यज्ञवेशसं वादहनं वा तादृगेव तदयं ते योनिर्ऋत्विय

इत्य॒र॒ण्योः स॒मारौ॑हयत्येष वा अ॒ग्नेर्यो॑निः स्व ए॒वैनं॑ योनौ
 स॒मारौ॑हयत्यथो खल्वा॒हुर्यद॑र॒ण्योः स॒मारू॑ढो नश्येदुद॒स्याग्निः
 सी॒देत्पुन॑रा॒धेयः स्या॑दिति या ते अ॒ग्ने य॒ज्ञिया॑ त॒नूस्त॑येह्या
 रोहेत्यात्मन्त्स॒मारौ॑हयते
 यज॑मानो वा अ॒ग्नेर्यो॑निः स्वा॒यामे॒वैनं॑ यो॒न्याँ॑ स॒मारौ॑हयते ॥१०॥

त्वम॑ग्ने बृ॒हद्व्यो॑ दधासि देव दा॒शुषे॑ । क॒विर्गृ॑हपतिर्युवा ॥
 ह॒व्यवा॑ङ्गिर॒जरः पि॒ता नो॑ वि॒भुर्वि॒भावा॑ सुदृ॒शीको॑ अ॒स्मे ।
 सु॒गा॒र्ह॒प॒त्याः स॒मिषो॑ दिदीह्यस्म॒द्रिय॑क्स॒र्मिमी॑हि श्रवाँ॑सि ॥
 त्वं च॑ सोम नो वशो जी॒वातुं॑ न म॑रामहे । प्रि॒यस्तो॑त्रो व॒नस्प॑तिः ॥
 ब्र॒ह्मा दे॒वाना॑म्पद॒वीः क॒वीना॑मृषिर्वि॒प्राणा॑म्महिषो मृ॒गाणा॑म् ।
 श्ये॒नो गृ॑ध्राणाँ॑ स्व॒धिति॑र्व॒नानाँ॑ सोमः प॒वित्र॑मत्यैति रेभ॑न् ॥
 आ वि॒श्वदै॒वँ स॑त्पतिँ॑ सू॒क्तैर॒द्या वृ॑णीमहे । स॒त्यस॑वँ
 स॒वितार॑म् ॥

आ स॒त्येन॑ रज॑सा॒ वर्त॑मानो नि॒वेश॑यन्नमृ॒त॒म॒म॒र्त्यं च॑ । हि॒र॒ण्य॑यैन
 स॒वि॒ता रथे॑ना दे॒वो या॑ति भुव॑ना वि॒पश्य॑न् ॥
 यथा॑ नो अ॒दि॒तिः क॑र॒त्प॒श्चे नृ॑भ्यो यथा॑ ग॒वे । यथा॑ तो॒काय॑ रु॒द्रिय॑म्
 ॥

मा न॑स्तो॒के तन॑ये॒ मा न॒ आ॒युषि॑ मा नो गोषु॒ मा नो॑ अ॒श्वेषु॑ री॒रिषः॑ ।
 वी॒रा॒न्मा नो॑ रु॒द्र भा॑मि॒तो व॑धीर्ह॒विष्म॑न्तो नम॑सा वि॒धेम॑ ते ॥
 उ॒द॒प्रुतो॑ न वयो॒ रक्ष॑माणा॒ वाव॑दतो अ॒भ्रिय॑स्येव॒ घोषाः॑ । गि॒रि॒भ्रजो॑
 नो॒र्मयो॑ म॒दन्तो॑ बृ॒हस्प॑तिम॒भ्यर्का॑ अ॒नावन्॑ ॥
 हुँ॑सैरिव स॒खिभि॑र्वाव॒दद्भिर॑श्म॒न्मया॑नि नह॑ना व्यस्य॑न् ।
 बृ॒हस्प॑तिर॒भिक॑नि॒क्रद॑द्वा उ॒त प्रा॑स्तौदु॒च्च वि॒द्वाँ॑ अ॒गाय॑त् ॥ ए॒न्द्र
 सा॒न॒सिँ॑ र॒यिँ॑ स॒जित्वा॑नँ॑ सदा॒सह॑म् । वर्षि॑ष्ठमू॒तयै॑ भर ॥
 प्र स॑साहिषे पुरु॒हूत॑ शत्रू॒ञ्जये॑ष्ठस्ते शुष्म॑ इ॒ह रा॒तिर॑स्तु । इन्द्रा॑ भ॒र

दक्षिणेना वसूनि पतिः सिन्धूनामसि रेवतीनाम् ॥
 त्वँ सुतस्य पीतये सद्यो वृद्धो अजायथाः । इन्द्र ज्यैष्ठ्याय
 सुक्रतो ॥
 भुवस्त्वमिन्द्र ब्रह्मणा महान्भुवो विश्वेषु सर्वनेषु यज्ञियः । भुवो
 नृँश्चयौतो विश्वस्मिन्भरे ज्येष्ठश्च मन्त्रो विश्वचर्षणे ॥ मित्रस्य
 चर्षणीधृतः श्रवो देवस्य सानसिम् । सत्यं चित्रश्रवस्तमम् ॥
 मित्रो जनान्यातयति प्रजानन्मित्रो दाधार पृथिवीमुत द्याम् । मित्रः
 कृष्टीरनिमिषाभि चष्टे सत्याय हव्यं घृतवद्विधेम ॥
 प्र स मित्र मर्तो अस्तु प्रयस्वान्यस्त आदित्य शिञ्जति वृतेन । न
 हन्यते न जीयते त्वोतो नैनमँहो अशनौत्यन्तितो न दूरात् ॥
 यच्चिद्धि त विशो यथा प्र देव वरुण व्रतम् । मिमीमसि द्यविद्यवि
 ॥

यत्किं चेदं वरुण दैव्ये जनेऽभिद्रोहम्ननुष्याश्चरामसि । अचिन्ती
 यत्तव धर्मा युयोपिम मा नस्तस्मादेनसो देव रीरिषः ॥
 कित्वासो यद्रिपुर्न दीवि यद्वा घा सत्यमुत यन्न विद्य । सर्वा ता
 वि ष्य शिथिरेव देवाथा ते स्याम वरुण प्रियासः ॥११॥

इति तृतीयकाण्डे चतुर्थः प्रपाठकः ॥४॥

अथ तृतीयकारण्डे पञ्चमः प्रपाठकः ॥५॥

पूर्णा पश्चादुत पूर्णा पुरस्तादुन्मध्यतः पौर्णमासी जिगाय ।
तस्यां देवा अधि संवसन्त उत्तमे नाक इह मादयन्ताम् ॥
यत्ते देवा अर्धधुर्भागधेयममावास्ये संवसन्तो महित्वा ।
सा नो यज्ञं पिपृहि विश्ववारे रयिं नो धेहि सुभगे सुवीरम् ॥
निवेशनी सङ्गमनी वसूनां विश्वा रूपाणि वसून्यावेशयन्ती ।
सहस्रपोषं सुभगा रराणा सा न आ गन्वर्चसा संविदाना ॥

अग्नीषोमौ प्रथमौ वीर्येण वसून्नुद्रानादित्यानिह जिन्वतम् ।
माध्यं हि पौर्णमासं जुषेथां ब्रह्मणा वृद्धौ सुकृतेन
सातावथास्मभ्यं सहवीरां रयिं नि यच्छतम् ॥
आदित्याश्चाङ्गिरसश्चाग्नीनादधत ते दर्शपूर्णमासौ प्रैप्सन्तेषामङ्गिरसां
निरुप्तं हविरासीदथादित्या एतौ होमावपश्यन्तावजुहवुस्ततो वै ते
दर्शपूर्णमासौ ।२।

पूर्व आलभन्त दर्शपूर्णमासावालभमान एतौ होमौ
पुरस्ताज्जुहयात्साक्षादेव दर्शपूर्णमासावा लभते ब्रह्मवादिनौ वदन्ति
स त्वै दर्शपूर्णमासावा लभेत य एनयोरनुलोमं च प्रतिलोमं च
विद्यादित्यिमावास्याया ऊर्ध्वं तदनुलोमं पौर्णमास्यै प्रतीचीनं
तत्प्रतिलोमं यत्पौर्णमासीं पूर्वामालभेत प्रतिलोममेनावा
लभेतामुमपक्षीयमाणमन्वप क्षीयेत सारस्वतौ होमौ
पुरस्ताज्जुहयादमावास्या वै सरस्वत्यनुलोममेवैनावा
लभतेऽमुमाप्यायमानमन्वा प्यायत आग्रावैष्णवमेकादशकपालं
पुरस्तान्निर्वपेत्सरस्वत्यै चरुं सरस्वते द्वादशकपालं यदाग्नेयो
भवत्यग्निर्वै यज्ञमुखमेवर्द्धि पुरस्ताद्धते यद्वैष्णवो भवति यज्ञो वै
विष्णुर्यज्ञमेवारभ्य प्र तनुते
सरस्वत्यै चरुर्भवति सरस्वते द्वादशकपालोऽमावास्या वै सरस्वती

पूर्णमासः सरस्वान्तावेव साक्षादा रभत ऋध्नोत्याभ्यां द्वादशकपालः
सरस्वते भवति मिथुनत्वाय प्रजात्यै मिथुनौ गावौ दक्षिणा समृद्धयै
॥१॥

ऋषयो वा इन्द्रं प्रत्यक्षं नापश्यन्तं वसिष्ठः
प्रत्यक्षम्पश्यत्सोऽब्रवीद्ब्राह्मणं ते वक्ष्यामि यथा त्वत्पुरोहिताः
प्रजाः प्रजनिष्यन्तेऽथ मेतरेभ्य ऋषिभ्यो मा प्र वोच इति तस्मा
एतान्त्स्तोमभागानब्रवीत्ततो वसिष्ठपुरोहिताः प्रजाः प्राजायन्त
तस्माद्वासिष्ठो ब्रह्मा कार्यः प्रैव जायते रुश्मिरसि क्षयाय त्वा क्षयं
जिन्वेत्याह देवा वै क्षयो देवेभ्य एव यज्ञं प्राह प्रेतिरसि धर्माय त्वा
धर्मं जिन्वेत्याह मनुष्या वै धर्मो मनुष्येभ्य एव यज्ञं
प्राहान्वितिरसि दिवे त्वा दिवं जिन्वेत्याहैभ्य एव लोकेभ्यो यज्ञं
प्राह विष्टम्भोऽसि वृष्ट्यै त्वा वृष्टिं जिन्वेत्याह वृष्टिमेवाव रुद्धे
प्रवास्यनुवासीत्याह मिथुनत्वायो शिगसि वसुभ्यस्त्वा
वसूञ्जिन्वेत्याहाष्टौ वसव एकादश रुद्रा द्वादशादित्या एतावन्तो वै
देवास्तेभ्य एव यज्ञं प्राहौजोऽसि पितृभ्यस्त्वा पितृञ्जिन्वेत्याह
देवानेव पितृननु सं तनोति तन्तुरसि प्रजाभ्यस्त्वा प्रजा जिन्वे ।३।
त्याह पितृनेव प्रजा अनु सं तनोति पृतनाषाडसि पशुभ्यस्त्वा
पशूञ्जिन्वेत्याह प्रजा एव पशूननु सं तनोति
रेवदस्योषधीभ्यस्त्वौषधीर्जिन्वेत्याहौषधीष्वेव पशून्प्रति
ष्ठापयत्यभिजिदसि युक्तग्रावेन्द्राय त्वेन्द्रं जिन्वेत्याहाभिजित्या
अधिपतिरसि प्राणाय त्वा प्राणं जिन्वेत्याह प्रजास्वेव प्राणान्दधाति
त्रिवृदसि प्रवृदसीत्याह मिथुनत्वाय सरोहोऽसि नीरोहोऽसीत्याह
प्रजात्यै वसुकौऽसि वेषश्चिरसि वस्यष्टिरसीत्याह प्रतिष्ठित्यै ॥२॥

अग्निना देवेन पृतना जयामि गायत्रेण च्छन्दसा त्रिवृता स्तोमैर्न

रथन्तरेण साम्ना वषट्कारेण वज्रैण
 पूर्वजान्भ्रातृव्यान्धरान्पादयाम्यवैनान्बाधे
 प्रत्यैनान्नुदेऽस्मिन्क्षयेऽस्मिन्भूमिलोके योऽस्मान्द्वेष्टि यं च वयं द्विष्मो
 विष्णोः क्रमेणात्यैनान्क्रामामीन्द्रैण देवेन पृतना जयामि त्रैष्टुभेन
 च्छन्दसा पञ्चदशेन स्तोमैर्न बृहता साम्ना वषट्कारेण वज्रैण
 सहजान्विश्वैर्भिर्येभिः पृतना जयामि जागतेन च्छन्दसा सप्तदशेन
 स्तोमैर्न वामदेव्येन साम्ना वषट्कारेण वज्रैणापरजा निन्द्रैण सयुजो
 वयं सासह्याम पृतन्यतः । घन्तो वृत्रायप्रति । यत्तै अग्ने
 तेजस्तेनाहं तेजस्वी भूयासं यत्तै अग्ने वर्चस्तेनाहं वर्चस्वी भूयासं
 यत्तै अग्ने हरस्तेनाहं हरस्वी भूयासम् ॥३॥

ये देवा यज्ञह्नो यज्ञमुषः पृथिव्यामध्यासते । अग्निर्मा तेभ्यो रक्षतु
 गच्छेम सुकृतौ वयम् ॥
 आगन्म मित्रावरुणा वरेण्या रात्रीणाम्भागो युवयोर्यो अस्ति । नाकं
 गृह्णानाः सुकृतस्य लोके तृतीयं पृष्ठे अधि रोचने दिवः ॥
 ये देवा यज्ञह्नो यज्ञमुषोऽन्तरिक्षेऽध्यासते । वायुर्मा तेभ्यो रक्षतु
 गच्छेम सुकृतौ वयम् ॥
 यास्ते रात्रीः सवितर्देवयानीरन्तरा द्यावापृथिवी वियन्ति । गृहैश्च
 सर्वैः प्रजयान्वग्रे सुवो रुहाणास्तरता रजांसि ॥
 ये देवा यज्ञह्नो यज्ञमुषो दिव्यध्यासते । सूर्यो मा तेभ्यो रक्षतु
 गच्छेम सुकृतौ वयम् ॥
 येनेन्द्राय समर्भरः पयांस्युत्तमेन हविषा जातवेदः । तेनाग्ने त्वमुत
 वर्धयेम संजातानां श्रेष्ठ्य आ धेह्येनम् ॥
 यज्ञह्नो वै देवा यज्ञमुषः सन्ति त एषु लोकेष्वसत आददाना
 विमथ्नाना यो ददाति यो यजते तस्य । ये देवा यज्ञह्नः
 पृथिव्यामध्यासते ये अन्तरिक्षे ये दिवीत्याहिमानेव लोकांस्तीर्त्वा

सर्गृहः सपशुः सुवर्गं लोकमेत्यपु वै सोमैनेजानाद्देवताश्च यज्ञश्च
 क्रामन्त्याग्नेयम्पञ्चकपालमुदवसानीयं निर्वपेदग्निः सर्वा देवताः
 पाङ्क्तौ यज्ञो देवताश्चैव यज्ञं चार्च रुद्धे गायत्रो वा
 अग्निर्गायत्रच्छन्दास्तं छन्दसा व्यर्धयति यत्पञ्चकपालं
 करोत्यष्टाकपालः कार्योऽष्टाक्षरा गायत्री गायत्रौऽग्निर्गायत्रच्छन्दाः
 स्वेनैवैनं छन्दसा समर्धयति पङ्क्त्यौ याज्यानुवाक्ये भवतुः पाङ्क्तौ
 यज्ञस्तेनैव यज्ञान्नैति ॥४॥

सूर्यो मा देवो देवेभ्यः पातु वायुरन्तरिक्षाद्यजमानोऽग्निर्मा पातु
 चक्षुषः । सक्ष शूष सवितुर्विश्वचर्षण एतेभिः सोम नामभिर्विधेम ते
 तेभिः सोम नामभिर्विधेम ते ।

अहम्परस्तादहमवस्तादहं ज्योतिषा वि तमो ववार । यदन्तरिक्षं
 तदु मे पिताभूदहं सूर्यमुभयतौ ददर्शाहम्भूयासमुत्तमः समानानामा
 समुद्रादान्तरिक्षात्प्रजापतिरुदधिं च्यावयातीन्द्रः प्र स्त्रौतु मरुतौ
 वर्षयन्तू न्भय पृथिवीम्भिन्द्रीदं दिव्यं नभः । उदनो दिव्यस्य नो
 देहीशानो वि सृजा दृतिम् ॥

पशवो वा एते यदादित्य एष रुद्रो यदग्निरोषधीः प्रास्याग्नावादित्यं
 जुहोति रुद्रादेव पशून्तर्दधात्यथो ओषधीष्वेव पशून्प्रति ष्ठापयति
 कविर्यज्ञस्य वि तनोति पन्थां नाकस्य पृष्ठे अधि रोचने दिवः ।

येन हव्यं वहसि यासि दूत इतः प्रचेता अमुतः सनीयान् ॥

यास्ते विश्वाः समिधः सन्त्यग्ने याः पृथिव्याम्बर्हिषि सूर्ये याः ।

तास्ते गच्छन्त्वाहुतिं घृतस्य देवायुते यजमानाय शर्म ॥

आशासानः सुवीर्यं रायस्पोषं स्वश्चियम् । बृहस्पतिना राया
 स्वगाकृतो मह्यं यजमानाय तिष्ठ ॥५॥

सं त्वा नह्यामि पर्यसा घृतेन सं त्वा नह्याम्यप ओषधीभिः । सं

त्वां न ह्यामि प्रजयाहमद्य सा दीक्षिता संनवो वाजमस्मे ॥
 प्रैतु ब्रह्मणस्पती वेदिं वर्णेन सीदतु ।
 अथाहमनुकामिनी स्वे लोके विशा इह ।
 सुप्रजसस्त्वा वयं सुपतीरुप सेदिम । अग्रे सपत्नदम्भनमदब्धासो
 अदाभ्यम् ॥
 इमं वि ष्यामि वरुणस्य पाशं यमबध्नीत सविता सुकेतः । धातुश्च
 योनौ सुकृतस्य लोके स्योनम्मे सह पत्या करोमि ॥
 प्रेह्युदेह्युतस्य वामीरन्वग्निस्तेऽग्रं नयत्वदितिर्मध्यं ददतां
 रुद्रावसृष्टासि युवा नाम मा मा हिंसीर्वसुभ्यो रुद्रेभ्य
 आदित्येभ्यो विश्वेभ्यो वो देवेभ्यः पुत्रेजनीर्गृह्णामि यज्ञाय वः
 पुत्रेजनीः सादयामि
 विश्वस्य ते विश्वावतो वृष्णिषावतः तवाग्रे वामीरनु संदृशि विश्वा
 रेतान्सि धिषीया गन्देवान्यज्ञो नि देवीर्देवेभ्यो
 यज्ञमशिषन्नस्मिन्सुन्वति यजमान आशिषः स्वाहाकृताः समुद्रेष्टा
 गन्धर्वमा तिष्ठतानु । वातस्य पत्नन्निड ईडिताः ॥६॥

वषट्कारो वै गायत्रियै शिरोऽच्छिन्नत्तस्यै रसः परापतत्स
 पृथिवीम्प्राविशत्स खदिरौऽभवद्यस्य खादिरः स्रुवो भवति
 च्छन्दसामेव रसेनाव द्यति सरसा अस्याहुतयो भवन्ति
 तृतीयस्यामितो दिवि सोम आसीत्तं गायत्र्याहुत्तस्य पर्णमच्छिद्यत
 तत्पर्णोऽभवत्तत्पर्णस्य पर्णत्वं यस्य पर्णमयी जुहूर्भवति सौम्या
 अस्याहुतयो भवन्ति जुषन्तैऽस्य देवा आहुती देवा वै ब्रह्मन्नवदन्त
 तत्पर्ण उपाशृणोत्सुश्रवा वै नाम यस्य पर्णमयी जुहूर्भवति न पापं
 श्लोकं शृणोति
 ब्रह्म वै पर्णो विरमरुतोऽन्नं विरमारुतौऽश्वत्थो यस्य पर्णमयी
 जुहूर्भवत्याश्वत्थ्युपभृद्ब्रह्मणैवान्नमव रुद्धेऽथो ब्रह्मैव विश्यध्यहति

राष्ट्रं वै पु॒र्णो वि॒डश्च॒त्थो यत्प॒र्णम॒यी जु॒हूर्भव॒त्याश्च॒त्थ्युप॒भृद्वाष्ट्रमे॒व
वि॒श्यध्व॑हति
प्र॒जाप॑ति॒र्वा अ॒जुहो॑त्सा यत्राहु॑तिः प्र॒त्यति॑ष्ठत्ततो विक॑ङ्कत
उद॑तिष्ठत्ततः प्र॒जा असृ॑जत॒ यस्य॒ वैक॑ङ्कती ध्रु॒वा भव॑ति
प्र॒त्येवा॑स्याहु॑तयस्तिष्ठ॒न्त्यथो॒ प्रैव जा॑यत ए॒तद्वै स्रु॒वाँ रू॒पं यस्यै॒वँ
रू॒पाः स्रु॒चो भव॑न्ति॒ सर्वा॑ण्ये॒वैनँ रू॒पाणि॑ पशू॒नामुप॑ तिष्ठन्ते
नास्या॑परूपमा॒त्मज्जा॑यते ॥७॥

उ॒प॒याम॑गृहीतोऽसि प्र॒जाप॑तये त्वा॒ ज्योति॑ष्मते॒ ज्योति॑ष्मन्तं गृह्णामि
दक्षाय॑ दक्षवृ॒धे रा॒तं दे॒वेभ्यो॑ऽग्निजि॒ह्वेभ्य॑स्त्वर्ता॒युभ्य॒ इन्द्र॑ज्येष्ठेभ्यो
वरु॑णराजभ्यो वा॒तापि॑भ्यः पु॒र्जन्या॑त्मभ्यो दि॒वे त्वान्तरि॑क्षाय त्वा
पृथि॒व्यै त्वापै॑न्द्र द्विष॒तो मनो॑ऽप॒ जिज्या॑सतो जुह्य॒प॒ यो नो॑ऽराती॒यति॒
तं ज॑हि प्रा॒णाय॑ त्वापा॒नाय॑ त्वा व्या॒नाय॑ त्वा स॒ते त्वास॑ते
त्वा॒द्भ्यस्त्वौष॑धीभ्यो वि॒श्वेभ्य॑स्त्वा भु॒तेभ्यो॒ यतः॑ प्र॒जा अ॒क्खि॑वद्वा
अजा॑यन्त॒ तस्मै॑ त्वा प्र॒जाप॑तये वि॒भूदान्ने॒ ज्योति॑ष्मते॒ ज्योति॑ष्मन्तं
जुहो॑मि ॥८॥

यां वा अ॒ध्व॒र्युश्च॒ यज॑मानश्च दे॒वता॑मन्तरि॒तस्तस्या॒ आ वृ॑श्चयेते
प्राजा॑प॒त्यं द॑धिग्र॒हं गृ॑हीयात्प्र॒जाप॑तिः सर्वा॑ दे॒वता॑ दे॒वता॑भ्य ए॒व नि
ह्वा॑ते
ज्येष्ठो॑ वा ए॒ष ग्र॑हा॒णां यस्यै॑ष गृह्यते ज्यैष्ठ्यमे॒व ग॑च्छति सर्वा॑सां वा
ए॒तद्दे॒वता॑नाँ रू॒पं यदेष॑ ग्र॒हो यस्यै॑ष गृह्यते सर्वा॑ण्ये॒वैनँ रू॒पाणि॑
पशू॒नामुप॑ तिष्ठन्त
उ॒प॒याम॑गृहीतो सि प्र॒जाप॑तये त्वा॒ ज्योति॑ष्मते॒ ज्योति॑ष्मन्तं
गृह्णामी॒त्याहु॑
ज्योति॑रे॒वैनँ॑ स॒माना॑नां करोत्य॒ग्निजि॒ह्वेभ्य॑स्त्वर्ता॒युभ्य॒

इत्याहैतावतीर्वै देवतास्ताभ्य एवैनं सर्वाभ्यो गृह्णात्य पैन्द्र द्विषतो
मनु इत्याहु
भ्रातृव्यापनुत्यै प्राणाय त्वापानाय त्वेत्याह प्राणानेव यजमाने
दधाति तस्मै त्वा प्रजापतये विभूदा दाव्ने ज्योतिष्मते ज्योतिष्मन्तं
जुहोमीत्याह प्रजापतिः सर्वा देवताः सर्वाभ्य एवैनं देवताभ्यो
जुहोत्या ज्यग्रहं गृहीयात्तेजस्कामस्य तेजो वा आज्यं तेजस्व्यैव
भवति सोमग्रहं गृहीयाद्ब्रह्मवर्चसकामस्य
ब्रह्मवर्चसं वै सोमो ब्रह्मवर्चस्यैव भवति दधिग्रहं
गृहीयात्पशुकामस्योग्रै दध्यूर्कपर्शव ऊर्जैवास्मा ऊर्जम्पशूनव रुद्धे
॥६॥

त्वे क्रतुमपि वृञ्जन्ति विश्वे द्विर्यदेते त्रिर्भवन्त्यूमाः । स्वादोः
स्वादीयः स्वादुना सृजा समत ऊ षु मधु मधुनाभि यौधि ॥
उपयामगृहीतोऽसि प्रजापतये त्वा जुष्टं गृह्णाम्येष ते योनिः प्रजापतये
त्वा ।

प्राणग्रहान्गृह्णात्येतावद्वा अस्ति यावदेते ग्रहाः स्तोमाश्छन्दांसि
पृष्ठानि दिशो यावदेवास्ति तदव रुद्धे ज्येष्ठा वा एतान्ब्राह्मणाः पुरा
विद्वामक्रन्तस्मात्तेषां सर्वा दिशोऽभिर्जिता अभूवन्त्यस्यैते गृह्यन्ते
ज्येष्ठ्यमेव गच्छत्यभि दिशौ जयति पञ्च गृह्यन्ते पञ्च दिशः
सर्वास्वेव दिक्ष्वृध्नुवन्ति नवनव गृह्यन्ते नव वै पुरुषे प्राणाः
प्राणानेव यजमानेषु दधति प्रायणीयै चोदयनीयै च गृह्यन्ते प्राणा वै
प्राणग्रहाः प्राणैरेव प्र यन्ति प्राणैरुद्यन्ति दशमेऽहन्गृह्यन्ते प्राणा वै
प्राणग्रहाः प्राणेभ्यः खलु वा एतत्प्रजा यन्ति यद्वामदेव्यं योनेश्चयवते
दशमेऽहन्वामदेव्यं योनेश्चयवते यद्दशमेऽहन्गृह्यन्ते प्राणेभ्य एव
तत्प्रजा न यन्ति ॥१०॥

प्र देवं देव्या धिया भरता जातवेदसम् । हव्या नो वक्षदानुषक् ॥
अयमुष्य प्र देवयुर्होता यज्ञाय नीयते । रथो न योरभीवृतो
घृणीवाञ्चेतति त्मना ॥

अयमग्निरुष्यत्यमृतादिव जन्मनः । सहसश्चित्सहीयान्देवो
जीवार्तवे कृतः ॥

इडायास्त्वा पुदे वयं नाभा पृथिव्या अधि । जातवेदो नि धीमह्यग्रे
हव्याय वोढवे ।१। अग्रे विश्वेभिः स्वनीक देवैरूर्णावन्तम्प्रथमः
सीद योनिम् । कुलायिनं घृतवन्तं सवित्रे यज्ञं नय यजमानाय
साधु ॥

सीद होतुः स्व उं लोके चिकित्वान्त्सादया यज्ञं सुकृतस्य योनौ
। देवावीर्देवान्हविषा यज्ञास्यग्रे बृहद्यजमाने वयो धाः ॥

नि होता होतृषदने विदानस्त्वेषो दीदिवां असदत्सुदक्षः ।

अदब्धव्रतप्रमतिर्वसिष्ठः सहस्रम्भुरः शुचिजिह्वो अग्निः ॥

त्वं दूतस्त्वमु नः परस्पास्त्वं वस्य आ वृषभ प्रणेता । अग्रे लोकस्य
नस्तने तनूनामप्रयुच्छन्दीर्घद्वोधि गोपाः ॥

अभि त्वा देव सवितरीशानुं वार्याणाम् । सदावन्भागमीमहे ॥

मही द्यौः पृथिवी च न इमं यज्ञमिमिक्षताम् । पिपृतां नो
भरीमभिः ॥

त्वामग्रे पुष्करादध्यथर्वा निरमन्थत । मुध्नो विश्वस्य वाघतः ॥

तमु त्वा दध्यङ्ङृषिः पुत्र ईधे अथर्वणः । वृत्रहणम्पुरंदरम् ॥

तमु त्वा पाथ्यो वृषा समीधे दस्युहन्तमम् । धनंजयं रणैरणे ॥

उत ब्रुवन्तु जन्तव उदग्निर्वृत्रहार्जनि । धनंजयो रणैरणे ॥

आ यं हस्ते न खादिनं शिशुं जातं न बिभ्रति । विशामग्निं
स्वध्वरम् ॥

प्र देवं देववीतये भरता वसुवित्तमम् । आ स्वे योनौ नि षीदतु ॥

आ जातं जातवेदसि प्रियं शिशीतातिथिम् । स्योन आ गृहपतिम्

॥

अग्निनाग्निः समिध्यते कविर्गृहपतिर्युवा । हव्यवाड्जुह्वास्यः ॥
 त्वं ह्यग्ने अग्निना विप्रो विप्रैण सन्तसता । सखा सख्या
 समिध्यसे ॥

तम्मर्जयन्त सुक्रतुम्पुरोयावानमाजिषु । स्वेषु क्षयेषु वाजिनम् ॥
 यज्ञेन यज्ञमयजन्त देवास्तानि धर्माणि प्रथमान्यासन् । ते ह
 नाकम्महिमानः सचन्ते यत्र पूर्वे साध्याः सन्ति देवाः ॥११॥
 इति तृतीयकाण्डे पञ्चमः प्रपाठकः ॥५॥

इति तृतीयं काण्डं सम्पूर्णम् ॥३॥

चतुर्थं कारण्डम्

अथ चतुर्थकारण्डे प्रथमः प्रपाठकः

युञ्जानः प्रथमम्मनस्तत्वाय सविता धियः । अग्निं ज्योतिर्निचाय्यं
पृथिव्या अध्याभरत् ॥

युक्त्वाय मनसा देवान्सुर्वर्यतो धिया दिवम् । बृहज्ज्योतिः
करिष्यतः सविता प्र सुवाति तान् ॥ युक्तेन मनसा वयं देवस्य
सवितुः सुवे । सुवर्गेयाय शक्त्यै ॥

युञ्जते मन उत युञ्जते धियो विप्रा विप्रस्य बृहतो विपश्चितः । वि
होत्रा दधे वयुनाविदेक इन्मही देवस्य सवितुः परिष्टुतिः ॥

युजे वाम्ब्रह्म पूर्व्यं नमोभिर्वि श्लोका यन्ति पृथ्यैव सूरः ।
शृणवन्ति विश्वे अमृतस्य पुत्रा आ ये धामानि दिव्यानि तस्थुः ॥

यस्य प्रयाणमवन्य इद्ययुर्देवा देवस्य महिमानमर्चतः । यः
पार्थिवानि विममे स एतशो रजांसि देवः सविता महित्वना ॥

देव सवितुः प्र सुव यज्ञम् सुव यज्ञपतिम्भगाय दिव्यो गन्धर्वः ।
केतपूः केतं नः पुनातु वाचस्पतिर्वाचमद्य स्वदाति नः ॥

इमं नो देव सवितर्यज्ञम् सुव देवायुर्वं सखिविदं सत्राजितं
धनुजितं सुवर्जितम् ॥

अृचा स्तोमं समर्धय गायत्रेण रथंतरम् । बृहद्गायत्रवर्तनि ॥

देवस्य त्वा सवितुः प्रसवेऽश्विनोर्बाहुभ्याम्पूष्णो हस्ताभ्यां गायत्रेण
छन्दसा ददेऽङ्गिरस्व दध्निरसि नारिरसि पृथिव्याः

सधस्थादग्निम्पूरीष्यमङ्गिरस्वदा भर त्रैष्टुभेन त्वा छन्दसा

ददेऽङ्गिरस्व दध्निरसि नारिरसि त्वया वयं सधस्थ आग्निं

शकेम् खनितुम्पूरीष्यं जागतेन त्वा छन्दसा ददेऽङ्गिरस्व द्धस्त

आधाय सविता बिभ्रदग्निं हिरण्ययीम् । तया ज्योतिरजस्रमिदग्निं

खात्वी न आ भ्रानुष्टुभेन त्वा छन्दसा ददेऽङ्गिरस्वत् ॥१॥

इमामगृभ्णन्नशनामृतस्य पूर्व आयुषि विदथेषु कव्या । तया देवाः
 सुतमा बभूवुर्ऋतस्य सामन्त्सरमारपन्ती ॥
 प्रतूर्तं वाजिन्ना द्रव वरिष्ठामनु संवतम् । दिवि ते जन्म
 परममन्तरिक्षे नाभिः पृथिव्यामधि योनिः ॥
 युञ्जाथाँ रासभं युवमस्मिन्यामै वृषणवसू । अग्निम्भरन्तमस्मयुम्
 ॥

योगैयोगे तवस्तरं वाजैवाजे हवामहे । सखाय इन्द्रमृतये ॥
 प्रतूर्वन्ने ह्यवक्रामन्नशस्ती रुद्रस्य गाणपत्यान्मयोभूरेहि ।
 उर्वन्तरिक्षमन्विहि स्वस्तिगव्यूतिरभयानि कृणवन् ॥
 पूष्णा सयुजा सह । पृथिव्याः
 सधस्थादग्निम्पुरीष्यमङ्गिरस्वदच्छेह्यग्निम्पुरीष्यमङ्गिरस्वदच्छेमो ऽ
 ग्निम्पुरीष्यमङ्गिरस्वद्वरिष्यामो ऽग्निम्पुरीष्यमङ्गिरस्वद्वरामः ॥
 अन्वग्निरुषसामग्रमख्यदन्वहानि प्रथमो जातवैदाः । अनु सूर्यस्य
 पुरुत्रा च रश्मीननु द्यावापृथिवी आ ततान ॥
 आगत्य वाज्यध्वनः सर्वा मृधो वि धूनुते । अग्निँ सधस्थै महति
 चक्षुषा नि चिकीषते ॥
 आक्रम्य वाजिन्पृथिवीमग्निमिच्छ रुचा त्वम् । भूम्या वृत्वाय नो
 ब्रूहि यतः खनाम् तं वयम् ॥
 द्यौस्तै पृष्ठम्पृथिवी सधस्थमात्मान्तरिक्षँ समुद्रस्ते योनिः ।
 विख्याय चक्षुषा त्वमभि तिष्ठ पृतन्यतः ॥
 उत्क्राम महते सौभगायास्मादास्थानाद्द्विणोदा वाजिन् । वयँ
 स्याम सुमतौ पृथिव्या अग्निं खनिष्यन्त उपस्थै अस्याः ॥
 उदक्रमीद्द्विणोदा वाज्यर्वाक् स लोकँ सुकृतम्पृथिव्याः । ततः
 खनेम सुप्रतीकमग्निँ सुवो रुहाणा अधि नार्क उत्तमे ॥
 अपो देवीरुप सृज मधुमतीरयद्धमाय प्रजाभ्यः । तासाँ
 स्थानादुज्जिहतामोषधयः सुपिप्पलाः ॥

जिघर्म्यग्निम्मनसा घृतेन प्रतिक्ष्यन्तम्भुवनानि विश्वा । पृथुं तिरश्चा
 वयसा बृहन्तं व्यचिष्टमन्नं रभसं विदानम् ॥
 आ त्वा जिघर्मि वचसा घृतेनारक्षसा मनसा तज्जुषस्व । मर्यश्रीः
 स्पृहयद्वर्णो अग्निर्नाभिमृशे तनुवा जहृषाणः ॥
 परि वाजपतिः कविरग्निर्हव्यान्यक्रमीत् । दधुद्रक्तानि दाशुषे ॥
 परि त्वाग्ने पुरं वयं विपं सहस्य धीमहि । धृषद्वर्णं दिवेदिवे
 भेतारम्भङ्गुरावतः ॥
 त्वमग्ने द्युभिस्त्वमाशुशुक्षणिस्त्वमुद्भस्त्वमश्मनुस्परि । त्वं
 वनेभ्यस्त्वमोषधीभ्यस्त्वं नृणां नृपते जायसे शुचिः ॥२॥
 देवस्य त्वा सवितुः प्रसुर्वेऽश्विनोर्बाहुभ्याम्पूष्णो हस्ताभ्याम्पृथिव्याः
 सुधस्थेऽग्निम्पुरीष्यमङ्गिरस्वत्स्वनामि ॥
 ज्योतिष्मन्तं त्वाग्ने सुप्रतीकमजस्त्रेण भानुना दीद्यानम् ।
 शिवम्प्रजाभ्योऽहिंसन्तम्पृथिव्याः
 सुधस्थेऽग्निम्पुरीष्यमङ्गिरस्वत्स्वनामि ॥
 अपाम्पृष्ठमसि सुप्रथा उर्वग्निम्भरिष्यदपरावपिष्ठम् । वर्धमानम्मुह
 आ च पुष्करं दिवो मात्रया वरिणा प्रथस्व ॥
 शर्म च स्थो वर्म च स्थो अच्छिद्रे बहुले उभे । व्यचस्वती सं
 वसाथाम्भर्तमग्निम्पुरीष्यम् ॥
 सं वसाथां सुवर्विदा समीची उरसा त्मना । अग्निमन्तर्भरिष्यन्ती
 ज्योतिष्मन्तमजस्त्रमिह ॥
 पुरीष्योऽसि विश्वभराः । अथर्वा त्वा प्रथमो निरमन्थदग्ने ॥
 त्वमग्ने पुष्करादध्यथर्वा निरमन्थत । मुध्नो विश्वस्य वाघतः ॥
 तमु त्वा दध्यङ्ङृषिः पुत्र ईधे अथर्वणः । वृत्रहणम्पुरं दुरम् ॥
 तमु त्वा पाथ्यो वृषा समीधे दस्युहन्तमम् । धनंजयं रणैरणे ॥
 सीद होतः स्व उ लोके चिकित्वान्त्सादया यज्ञं सुकृतस्य योनौ
 । देवावीर्देवान्हविषा यजास्यग्ने बृहद्यजमाने वयो धाः ॥

नि होता होतृषदने विदानस्त्वेषो दीदिवाँ असदत्सुदक्षः ।
 अदब्धव्रतप्रमतिर्वसिष्ठः सहस्रम्भुरः शुचिजिह्वो अग्निः ॥
 सँ सीदस्व महाँ असि शोचस्व देववीतमः । वि धूममग्ने
 अरुषम्येध्य सृज प्रशस्त दर्शतम् ॥
 जनिष्वा हि जेन्यो अग्ने अह्नाँ हितो हितेष्वरुषो वनेषु । दमैदमे
 सप्त रत्ना दधानोऽग्निर्होता नि षसादा यजीयान् ॥३॥

सं ते वायुर्मातरिश्वा दधातूत्तानायै हृदयं यद्विलिष्टम् । देवानां
 यश्चरति प्राणथैन तस्मै च देवि वर्षडस्तु तुभ्यम् ॥
 सुजातो ज्योतिषा सह शर्म वरूथुमासदः सुवः । वासो अग्ने
 विश्वरूपँ सं व्ययस्व विभावसो ॥
 उदु तिष्ठ स्वध्वरावा नो देव्या कृपा । दृशे च भासा बृहता
 सुशुक्वनिराग्रे याहि सुशस्तिभिः ॥ ऊर्ध्व ऊ षु ण ऊतये तिष्ठा
 देवो न सविता । ऊर्ध्वो वाजस्य सनिता
 यदञ्जिभिर्वाघद्विर्विह्वयामहे ॥
 स जातो गर्भो असि रोदस्योरग्ने चारुर्विभृत ओषधीषु । चित्रः
 शिशुः परि तमाँस्यक्तः प्र मातृभ्यो अधि कनिक्रदद्गाः ॥
 स्थिरो भव वीड्वङ्ग आशुर्भव वाज्यर्वन् । पृथुर्भव सुषदस्त्वमग्नेः
 पुरीषवाहनः ॥
 शिवो भव प्रजाभ्यो मानुषीभ्यस्त्वमङ्गिरः । मा द्यावापृथिवी अभि
 शूशुचो मान्तरिक्षम्मा वनस्पतीन् ॥
 प्रेतु वाजी कनिक्रदन्नानदद्रासभः पत्वा । भरन्नग्निम्पुरीष्यम्मा
 पाद्यायुषः पुरा ॥
 रासभो वां कनिक्रदत्सुयुक्तो वृषणा रथे । स
 वामग्निम्पुरीष्यमाशुर्दूतो वहादितः ॥
 वृषाग्निं वृषणम्भरन्नपां गर्भँ समुद्रियम् । अग्न आ याहि वीतय

ऋतं सत्यम् ॥

ओषधयः प्रति गृहीताग्निमेतं शिवमायन्तमभ्यत्र युष्मान् ।

व्यस्यन्विश्वा अमतीरतीर्निषीदन्नो अपि दुर्मतिं हनत् ॥

ओषधयः प्रति मोदध्वमेनम्पुष्पावतीः सुपिप्पलाः । अयं वो गर्भ

ऋत्वियः प्रत्तं सधस्थमासदत् ॥४॥

वि पाजसा पृथुना शोशुचानो बाधस्व द्विषो रुक्षसो अमीवाः ।

सुशर्मणो बृहतः शर्मणि स्यामग्रेहं सुहवस्य प्रणीतौ ॥

आपो हि ष्ठा मयोभुवस्ता न ऊर्जे दधातन । महे रणाय चक्षसे ॥

यो वः शिवतमो रसस्तस्य भाजयतेऽह नः । उशतीरिव मातरः ॥

तस्मा अरं गमाम वो यस्य क्षयाय जिन्वथ । आपो जनयथा च नः

॥

मित्रः संसृज्य पृथिवीम्भूमिं च ज्योतिषा सह । सुजातं

जातवैदसमग्निं वैश्वानरं विभुम् ॥

अयक्ष्माय त्वा संसृजामि प्रजाभ्यः । विश्वे त्वा देवा वैश्वानराः

संसृजन्त्वानुष्टुभेन च्छन्दसाङ्गिरस्वत् ॥

रुद्राः सम्भृत्य पृथिवीम्बृहज्ज्योतिः समीधिरे । तेषाम्भानुरजस्त्र

इच्छुक्रो देवेषु रोचते ॥

संसृष्टां वसुभी रुद्रैर्धरैः कर्मण्याम्मृदम् । हस्ताभ्याम्मृद्वीं कृत्वा

सिनीवाली करोतु ताम् ॥

सिनीवाली सुकपर्दा सुक्रीरा स्वौपशा । सा तुभ्यमदिते मह ओखां

दधातु हस्तयोः ॥

उखां करोतु शक्त्या बाहुभ्यामदितिर्धिया । माता पुत्रं यथोपस्थे

साग्निम्बिभर्तु गर्भ आ ॥

मुखस्य शिरौऽसि यज्ञस्य पदे स्थः ।

वसवस्त्वा कृणवन्तु गायत्रेण च्छन्दसाङ्गिरस्वत्पृथिव्यसि रुद्रास्त्वा

कृ॒णव॑न्तु त्रै॒ष्टुभे॑न॒ च्छन्द॑साङ्गि॒रस्व॑द॒न्तरि॑क्षमस्या दि॒त्यास्त्वा॑ कृ॒णव॑न्तु
जा॒गते॑न॒ च्छन्द॑साङ्गि॒रस्व॑द्यौर॒सि वि॒श्वे त्वा दे॒वा वै॑श्वान॒राः
कृ॒णव॑न्त्वानु॒ष्टुभे॑न॒ च्छन्द॑साङ्गि॒रस्व॑दि॒शोऽसि॑ ध्रु॒वासि॑ धा॒रया॑ मयि
प्र॒जाꣳ रा॒यस्पोषं॑ गौ॒पत्यꣳ सु॒रीर्यꣳ स॒जा॒तान्य॑ज॒माना॑या दि॒त्यै
रा॒स्त्रास्य॑ दि॒तिस्ते॒ बिलं॑ गृ॒ह्णातु॑ पा॒ङ्केन॑ च्छन्द॑साङ्गि॒रस्व॑त् ।
कृ॒त्वाय॑ सा म॒हीमु॒खाम्मृ॑न्मयीं योनि॑मु॒ग्रये॑ । ता॒म्पुत्रे॑भ्यः
स॒म्प्राय॑च्छ॒ददि॑तिः श्र॒पया॑निति ॥५॥

वस॑वस्त्वा धू॒पय॑न्तु गा॒य॒त्रेण॑ च्छन्द॑साङ्गि॒रस्व॑ दु॒द्रास्त्वा॑ धू॒पय॑न्तु
त्रै॒ष्टुभे॑न॒ च्छन्द॑साङ्गि॒रस्व॑ दा॒दि॒त्यास्त्वा॑ धू॒पय॑न्तु जा॒गते॑न॒
छन्द॑साङ्गि॒रस्व॑ द्वि॒श्वे त्वा दे॒वा वै॑श्वान॒रा धू॒पय॑न्त्वानु॒ष्टुभे॑न॒
छन्द॑साङ्गि॒रस्व॑ दि॒न्द्रस्त्वा॑ धू॒पय॑त्वङ्गि॒रस्व॑द्वि॒ष्णुस्त्वा॑
धू॒पय॑त्वङ्गि॒रस्व॑द्व॒रुण॑स्त्वा धू॒पय॑त्वङ्गि॒रस्व॑ ददि॒तिस्त्वा॑ दे॒वी
वि॒श्वदै॑व्यावती पृ॒थि॒व्याः स॒धस्थे॑ऽङ्गि॒रस्व॑त्खन॒त्वव॑ट दे॒वानां॑ त्वा
प॒त्नीदै॑वीर्वि॒श्वदै॑व्यावतीः पृ॒थि॒व्याः स॒धस्थे॑ऽङ्गि॒रस्व॑द्दध॒तूखे॑
धि॒षणा॑स्त्वा दे॒वीर्वि॒श्वदै॑व्यावतीः पृ॒थि॒व्याः
स॒धस्थे॑ऽङ्गि॒रस्व॑दभी॒न्धता॑मुखे ग्रा॒स्त्वा दे॒वीर्वि॒श्वदै॑व्यावतीः
पृ॒थि॒व्याः स॒धस्थे॑ऽङ्गि॒रस्व॑च्छ्र॒पय॑न्तू॒खे वरू॑त्रयो ज॒नय॑स्त्वा
दे॒वीर्वि॒श्वदै॑व्यावतीः पृ॒थि॒व्याः स॒धस्थे॑ऽङ्गि॒रस्व॑त्प॒चन्तू॑खे ।
मि॒त्रेता॑मु॒खाम्प॑चै॒षा मा भे॑दि ।
ए॒तां ते॒ परि॑ ददा॒म्यभि॑त्त्यै अ॒भीमां॑ म॒हिना॑ दि॒वमि॒त्रो ब॑भूव स॒प्रथाः॑
। उ॒त श्र॑व॒सा पृ॑थि॒वीम् ॥
मि॒त्रस्य॑ च॒र्षणी॑धृ॒तः श्र॑वौ दे॒वस्य॑ सा॒न॒सिम् । द्यु॒म्नं चि॒त्रश्र॑वस्तमम्
॥

दे॒वस्त्वा॑ स॒वितो॑द्व॒पतु॑ सु॒पा॒णिः स्व॑ङ्गु॒रिः । सु॒बा॒हुरु॑त श॒क्त्या ॥
अ॒प॒द्यमा॑ना पृ॒थि॒व्याशा॑ दि॒श आ॑ पृ॒ण । उ॒त्तिष्ठ॑ बृ॒हती॑ भ॒वोर्ध्वा॑

तिष्ठ ध्रुवा त्वम् ॥

वसवस्त्वाच्छन्दन्तु गायत्रेण च्छन्दसाङ्गिरस्वद्रुद्रास्त्वाच्छन्दन्तु
त्रैष्टुभेन च्छन्दसाङ्गिरस्व दादित्यास्त्वा च्छन्दन्तु जागतेन
च्छन्दसाङ्गिरस्वद्विश्वे त्वा देवा वैश्वानरा आ च्छन्दन्त्वानुष्टुभेन
च्छन्दसाङ्गिरस्वत् ॥६॥

समास्त्वाम् ऋतवो वर्धयन्तु संवत्सरा ऋषयो यानि सत्या । सं
दिव्येन दीदिहि रोचनेन विश्वा आ भाहि प्रदिशः पृथिव्याः ॥
सं चेध्यस्वाग्ने प्र च बोधयैनमुच्च तिष्ठ महते सौभगाय । मा च
रिषदुपसृता तै अग्ने ब्रह्माणस्ते यशसः सन्तु मान्ये ॥
त्वामग्ने वृणते ब्राह्मणा इमे शिवो अग्ने सं वरणे भवा नः । सप्तब्रह्म
नो अभिमातिजिच्च स्वे गये जागृह्यप्रयुच्छन् ॥
इहैवाग्ने अधि धारया रयिम्मा त्वा नि क्रन्पूर्वचितौ निकारिणः ।
क्षत्रमग्ने सुयममस्तु तुभ्यमुपसृता वर्धतां ते अनिष्टतः ॥
क्षत्रेणाग्ने स्वायुः सँ रभस्व मित्रेणाग्ने मित्रधेये यतस्व ।
सजातानाम्मध्यमस्थाएधि राज्ञामग्ने विहव्यो दीदिहीह ॥
अति निहो अति स्त्रिधोऽत्यर्चित्तिमत्यरातिमग्ने । विश्वा ह्यग्ने दुरिता
सहस्वाथास्मभ्यँ सहवीराँ रयिं दाः ॥
अनाधृष्यो जातवेदा अनिष्टतो विराडग्ने क्षत्रभृदीदिहीह । विश्वा
आशाः प्रमुञ्चन्मानुषीर्भियः शिवाभिर्द्य परि पाहि नो वृधे ॥
बृहस्पते सवितर्बोधयैनँ सँ शितं चित्संतराँ सँ शिशाधि ।
वर्धयैनम्महते सौभगाय विश्व एनमनु मदन्तु देवाः ॥
अमुत्रभूयादध यद्यमस्य बृहस्पते अभिशस्तेरमुञ्चः ।
प्रत्यौहतामश्विना मृत्युमस्माद्देवानामग्ने भिषजा शचीभिः ॥
उद्वयं तमसस्परि पश्यन्तो ज्योतिरुत्तरम् । देवं देवत्रा सूर्यमगन्म
ज्योतिरुत्तमम् ॥७॥

ऊर्ध्वा अस्य समिधौ भवन्त्यूर्ध्वा शुक्रा शोचीँष्यग्नेः । द्युमत्तमा
सुप्रतीकस्य सूनोः ॥

तनूनपादसुरो विश्ववेदा देवो देवेषु देवः । पथ आनक्ति मध्वा
घृतेन ॥

मध्वा यज्ञं नक्षसे प्रीणानो नराशँसौ अग्ने । सुकृद्देवः सविता
विश्ववारः ॥

अच्छायमैति शर्वसा घृतेनैडानो वह्निर्ममसा । अग्निँ सुचौ
अध्वरेषु प्रयत्सु ॥

स यक्षदस्य महिमानमग्नेः स ई मन्द्रासु प्रयसः । वसुश्चेतिष्ठो
वसुधातमश्च ॥

द्वारौ देवीरन्वस्य विश्वे वृता ददन्ते अग्नेः । उरुव्यचंसो धाम्ना
पत्यमानाः ॥

ते अस्य योषणे दिव्ये न योनावुषासानक्ता । इमं यज्ञमवतामध्वरं
नः ॥

दैव्या होतारावूर्ध्वमध्वरं नोऽग्नेर्जिह्वामभि गृणीतम् । कृणुतं नः
स्विष्टिम् ॥

तिस्रो देवीर्बर्हिरेदँ सदन्त्विडा सरस्वती भारती मही गृणाना ॥
तन्नस्तुरीपमद्भुतम्पुरुक्षु त्वष्टा सुवीरम् । रायस्पोषं वि ष्यतु
नाभिमस्मे ॥

वनस्पतेऽव सृजा रराणस्मना देवेषु । अग्निर्हव्यँ शमिता
सूदयाति ॥

अग्ने स्वाहा कृणुहि जातवेद इन्द्राय हव्यम् । विश्वे देवा हविरिदं
जुषन्ताम् ॥

हिरण्यगर्भः समवर्तताग्रे भूतस्य जातः पतिरेक आसीत् । स दाधार
पृथिवीं द्यामुतेमां कस्मै देवाय हविषा विधेम ॥

यः प्राणतो निमिषतो महित्वैक इद्राजा जगतो बभूव । य ईशै

अस्य द्विपदश्चतुष्पदः कस्मै देवाय हविषा विधेम ॥
 य आत्मदा बलदा यस्य विश्व उपासते प्रशिषं यस्य देवाः । यस्य
 छाया मृतं यस्य मृत्युः कस्मै देवाय हविषा विधेम ॥
 यस्येमे हिमवन्तो महित्वा यस्य समुद्रं रसया सहाहुः । यस्येमाः
 प्रदिशो यस्य बाहू कस्मै देवाय हविषा विधेम ॥
 यं क्रन्दसी अवसा तस्तभाने अभ्यैक्षेताम्मनसा रेजमाने । यत्राधि
 सूर उदितौ व्येति कस्मै देवाय हविषा विधेम ॥
 येन द्यौरुग्रा पृथिवी च दृढे येन सुवः स्तभितं येन नाकः । यो
 अन्तरिक्षे रजसो विमानः कस्मै देवाय हविषा विधेम ॥
 आपो ह यन्महतीर्विश्वमायन्दक्षं दधाना जनयन्तीरग्निम् । ततो
 देवानां निर्वर्ततासुरेकः कस्मै देवाय हविषा विधेम ॥
 यश्चिदापो महिना पर्यपश्यदक्षं दधाना जनयन्तीरग्निम् । यो
 देवेष्वधि देव एक आसीत्कस्मै देवाय हविषा विधेम ॥८॥

आकूतिमग्निमयुजं स्वाहा मनो मेधामग्निमयुजं स्वाहा चित्तं
 विज्ञातमग्निमयुजं स्वाहा वाचो विधृतिमग्निमयुजं स्वाहा
 प्रजापतये मनवे स्वाहाग्नये वैश्वानराय स्वाहा विश्वे देवस्य नेतुर्मतो
 वृणीत सख्यं विश्वे राय इषुध्यसि द्युम्नं वृणीत पुष्यसे स्वाहा
 मा सु भित्था मा सु रिषो दृहस्व वीडयस्व सु । अम्बं धृष्णु
 वीरयस्वाग्निश्चेदं करिष्यथः ॥
 दृहस्व देवि पृथिवि स्वस्तये आसुरी माया स्वधया कृतासि ।
 जुष्टं देवानामिदमस्तु हव्यमरिष्टा त्वमुदिहि यज्ञे अस्मिन् ॥
 मित्रेतामुखां तपैषा मा भैदि ।
 एतां ते परि ददाम्यभित्यै ।
 द्रवन्नः सर्पिरासुतिः प्रतो होता वरेण्यः । सहसस्पुत्रो अबुद्धतः ॥
 परस्या अधि संवतोऽवरा अभ्या तर । यत्राहमस्मि तां अव ॥

पु॒र॒म॒स्याः॑ पु॒र॒व॒तौ॑ रो॒हि॒द॒श्च॑ इ॒हा ग॑हि । पु॒री॒ष्यः॑ पु॒रु॒प्रि॒योऽग्ने॑ त्वं
ते॒रा मृ॑धः ॥

सी॒द त्व॑म्मा॒तुर॒स्या उ॒प॒स्थे॑ वि॒श्वान्य॑ग्ने व॒युना॑नि वि॒द्वान् ।
मैना॑म॒र्चि॒षा मा तप॑सा॒भि शू॒शु॒चोऽन्तर॑स्याँ शु॒क्रज्यो॑तिर्वि भा॒हि ॥
अ॒न्तर॑ग्ने रु॒चा त्व॑मु॒खायै॑ स॒दने॑ स्वे । तस्या॒स्त्वँ ह॑र॒सा
तप॑ज्जात॒वेदः॑ शि॒वो भ॑व ॥

शि॒वो भू॒त्वा म॒ह्यम॑ग्नेऽथौ सी॒द शि॒वस्त्व॑म् । शि॒वाः कृ॒त्वा दि॒शः
सर्वाः॑ स्वां योनि॑मिहास॒दः ॥६॥

यद॑ग्ने या॒नि का॒नि चा॒ते दा॑रू॒णि द॒ध्मसि॑ । तद॑स्तु तु॒भ्यमि॒द्धृतं॑
तज्जु॑षस्व यवि॒ष्ठय॑ ॥

यद॑त्यु॒पजि॒ह्विका॑ यद्व॒प्नो अ॒तिस॑र्पति । स॒र्वं तद॑स्तु ते घृ॒तं तज्जु॑षस्व
यवि॒ष्ठय॑ ॥

रा॒त्रिँरा॒त्रिम॑प्र॒याव॑म्भर॒न्तोऽश्वा॑येव॒ तिष्ठ॑ते घा॒सम॑स्मै । रा॒यस्पोषै॑ण
समि॒षा म॒द॒न्तोऽग्ने॑ मा ते॒ प्र॒ति॒वेशा॑ रिषाम ॥

नाभा॑ पृथि॒व्याः स॑मि॒धान॑म॒ग्निँ रा॒यस्पोषा॑य बृ॒हते॑ ह॒वाम॑हे ।

इ॒र॒म्मु॒द॒म्बृ॒हदु॑क्थं॒ यज॑त्रं॒ जेता॑र॒म॒ग्नि॒म्पृ॒तना॑सु सा॒स॒हिम् ॥

याः से॒ना अ॒भी॒त्वंरी॑रा॒व्याधि॑नीरु॒गणा॑ उ॒त । ये स्ते॒ना ये च॑
तस्करा॒स्ताँस्ते॑ अ॒ग्नेऽपि॑ द॒धाम्या॒स्ये ॥

दंष्ट्रा॑भ्याम्मु॒लि॒म्लू॒ञ्ज॒भ्यै॒स्तस्करा॑ँ उ॒त । ह॒नू॒भ्याँ

स्ते॒नाभ्म॑ग॒व॒स्ताँस्त्वं॑ खा॒द सु॒खादि॑तान् ॥

ये ज॒नैषु॑ मु॒लि॒म्लवः॑ स्ते॒नास॑स्तस्करा॒ वने॑ । ये

कक्षै॑ष्वघा॒यव॒स्ताँस्ते॑ द॒धामि॑ ज॒म्भयोः॑ ॥

यो अ॒स्मभ्य॑मरा॒तीया॑द्यश्च॒ नो द्वे॑षते॒ जनः॑ । नि॒न्दा॒द्यो अ॒स्मान्दि॒प्साद्य॑
स॒र्वं त॑म्म॒स्मसा॑ कुरु ॥

सँशि॑त॒म्मे ब्र॑ह्म सँशि॑तं वी॒र्य॑म्बल॒म् । सँशि॑त॒मन्त्रं॑ जि॒ष्णु

यस्य॒हमस्मि॑ पु॒रोहि॑तः ॥
 उदै॑षाम्ब्रा॒हू अ॒तिर॑मु॒द्वर्च॑ उ॒दू ब॒लम् । द्धि॒णोमि॑
 ब्र॒ह्म॑णामि॒त्रानु॑न्नयामि॒ स्वाँ अ॒हम् ।
 दृ॒शा॒नो रु॒क्म उ॒र्व्या व्य॑द्यौ॒र्दुर्म॑र्ष॒मायुः॑ श्रि॒ये रु॑चा॒नः । अ॒ग्नि॒र॒मृतौ॑
 अ॒भ॒व॒द्वयो॑भि॒र्यदै॑नं द्यौ॒रज॑नयत्सु॒रेताः॑ ॥
 वि॒श्वा रू॒पाणि॑ प्र॒ति मु॑ञ्चते क॒विः प्रा॑सा॒वीद्भ॒द्रं द्वि॒पदे॑ चतु॒ष्पदे॑ । वि
 ना॒कम॑र॒व्यत्स॒विता॑ व॒रेण॑योऽनु॒ प्र॒याण॑मु॒षसो॑ वि रा॒जति॑ ॥
 न॒क्तो॒षासा॑ स॒मन॑सा॒ विरू॑पे धा॒पयै॑ते शि॒शुमे॑कँ स॒मीची॑ । द्या॒वा
 क्षा॒मा रु॒क्मो अ॒न्तर्वि॑ भा॒ति दे॒वा अ॒ग्निं ध॑रि॒यन्द्र॑वि॒णोदाः॑ ॥
 सु॒प॒र्णोऽसि॑ ग॒रु॒त्मान्नि॒वृत्ते॑ शि॒रो गाय॑त्रं चक्षु॒ स्तोम॑ आ॒त्मा सा॒म ते
 त॒नू॒र्वाम॑दे॒व्यम्ब॑ह॒द्रथ॑न्त॒रे प॒क्षौ य॑ज्ञाय॒ज्ञिय॑म्पु॒च्छं छ॒न्दाँ॑स्य॒ङ्गानि॑
 धि॒ष्णि॒याः श॒फा यजू॑ँषि॒ नाम॑ ।
 सु॒प॒र्णोऽसि॑ ग॒रु॒त्मा॒न्दि॒वं गच्छ॑ सु॒वः प॒त ॥१०॥

अ॒ग्ने यं य॒ज्ञम॑ध्व॒रं वि॒श्वतः॑ प॒रिभू॑रसि । स इ॒द्वे॒वेषु॑ गच्छति ॥
 सोम॑ यास्तै॒ मयो॑भुव॒ ऊ॒तयः॑ सन्ति॒ दा॒शुषे॑ । ताभि॒र्नोऽवि॒ता भ॑व ॥
 अ॒ग्नि॒र्मूर्द्धा॑ भुवः ॥ त्वं नः॑ सोम॑ या ते॒ धामा॑नि ॥
 तत्स॑वि॒तुर्व॑रेण॒यम्भ॑र्गो दे॒वस्य॑ धीमहि । धियो॒ यो नः॑ प्र॒चोद॑यात् ॥
 अ॒चि॒न्ती॒ यच्च॑कृ॒मा दै॒व्ये ज॑ने॒ दी॒नैर्द॑क्षैः प्र॒भूती॑ पू॒रुष॑त्वता
 ।

दे॒वेषु॑ च स॒वि॒त॒र्मानु॑षेषु च॒ त्वं नो॑ अ॒त्र सु॒वता॑दना॒गसः॑ ॥
 चो॒द॒यि॒त्री सू॒नृता॑नां॒ चे॒त॒न्ती॑ सु॒मती॑नाम् । य॒ज्ञं द॑धे॒ सर॑स्वती ॥
 पा॒वी॒रवी॑ क॒न्या चि॒त्रायुः॑ सर॑स्वती वी॒रप॑त्नी॒ धियं॑ धात् ।
 ग्रा॒भि॒रच्छि॑द्रँ श॒रणँ॑ स॒जोषा॑ दुरा॒धर्षं॑ गृ॒णते॑ शर्म॒ यँ स॑त् ॥
 पू॒षा गा॑ अ॒न्वैतु॑ नः पू॒षा र॑क्ष॒त्वर्व॑तः । पू॒षा वाज॑ँ स॒नोतु॑ नः ॥
 शु॒क्रं ते॑ अ॒न्यद्य॑ज॒तं ते॑ अ॒न्यद्वि॑षु॒रूपे॑ अ॒हनी॑ द्यौ॒रि॒वासि॑ । वि॒श्वा हि

मा॒या अ॒वसि॑ स्वधा॒वो भ॒द्रा तै पू॒षन्नि॒ह रा॒तिर॑स्तु ॥
 तेऽव॑र्धन्त॒ स्वत॑वसो म॒हित्व॑नाना॒कं त॒स्थुरु॑रु च॒क्रिरे॑ स॒दः ।
 विष्णु॑र्य॒द्धाव॑द्वृष॒णम्म॑द॒च्युतं॑ व॒यो न सी॑द॒न्नधि॑ ब॒र्हिषि॑ प्रि॒ये ।
 प्र चि॒त्रम॑र्कं गृ॒णते॑ तु॒राय॑ मा॒रुता॑य॒ स्वत॑वसे भर॒ध्वम् । ये स॒हाँसि॑
 स॒हसा॑ स॒हन्ते॑ । रे॒जते॑ अ॒ग्रे पृ॒थि॒वी म॒खेभ्यः॑ ॥
 वि॒श्वे दे॒वा वि॒श्वे दे॒वाः ॥ द्यावा॑ नः पृ॒थि॒वी इ॒मँ सि॒ध्रम॑द्य
 दि॒विस्पृ॑शम् । य॒ज्ञं दे॒वेषु॑ यच्छ॒ताम् ॥
 प्र पू॒र्वजे॑ पि॒तरा॑ न॒व्यसी॑भिर्गी॒र्भिः कृ॑णु॒ध्वँ स॒दने॑ ऋ॒तस्य॑ । आ नो॑
 द्यावा॑पृथि॒वी दै॒व्येन॑ ज॒नेन॑ यात॒म्महि॑ वां वरू॒थम् ॥
 अ॒ग्निँ स्तो॑मै॒न बो॒धय॑ समि॒धानो॑ अ॒मर्त्य॑म् । ह॒व्या दे॒वेषु॑ नो दधत्
 ॥
 स ह॒व्यवा॑डम॒र्त्य उ॒शिग्दू॑तश्चनो॒हितः॑ । अ॒ग्निर्धिया॑ समृ॒णवति॑ ॥
 शं नो॑ भवन्तु॒ वाजे॑वाजे ॥११॥

इति चतुर्थकाण्डे प्रथमः प्रपाठकः ॥१॥

अथ चतुर्थकाण्डे द्वितीयः प्रपाठकः ॥२॥

विष्णोः॑ क्रमोऽस्य॒भिमा॑ति॒हा गा॑य॒त्रं छन्द॑ आ रौ॒ह पृ॒थि॒वीम॑नु वि
 क्र॑मस्व॒ निर्भ॑क्तः स यं द्वि॒ष्मो विष्णोः॑ क्रमोऽस्य॒भिशा॑स्ति॒हा त्रैष्टु॑भं
 छन्द॑ आ रौ॒हान्त॑रि॒क्षम॑नु वि क्र॑मस्व॒ निर्भ॑क्तः स यं द्वि॒ष्मो विष्णोः॑
 क्रमोऽस्य॒राती॑य॒तो ह॒न्ता जा॑ग॒तं छन्द॑ आ रौ॒ह दि॒वम॑नु वि क्र॑मस्व॒
 निर्भ॑क्तः स यं द्वि॒ष्मो विष्णोः॑ क्रमोऽसि॒ शत्रू॑य॒तो ह॒न्तानु॑ष्टु॒भं छन्द॑ आ
 रौ॒ह दि॒शोऽनु॑ वि क्र॑मस्व॒ निर्भ॑क्तः स यं द्वि॒ष्मः ।
 अ॒क्रन्द॑द॒ग्नि स्त॑नय॒न्निव॑ द्यौः क्षा॒मा रे॒रिह॑द्वीरु॒धः स॒मञ्ज॑न् । स॒द्यो
 ज॒ज्ञानो॑ वि ही॒मिद्धो॑ अ॒ख्य॑दा रो॒दसी॑ भानु॒ना भा॑त्य॒न्तः ॥
 अ॒ग्रेऽभ्या॑वर्ति॒न्नभि॑ न॒ आ वर्त॑स्वायु॒षा वर्च॑सा स॒न्या मे॒धया॑ प्र॒जया॑
 धने॑न ॥

अग्रै अङ्गिरः शतं तै सन्त्वावृतः सहस्रं त उपावृतः । तासाम्पोषस्य
पोषेण पुनर्नो नष्टमा कृधि पुनर्नो रयिमा कृधि ॥ पुनरूर्जा नि
वर्तस्व पुनरग्र इषायुषा । पुनर्नः पाहि विश्वतः ॥
सह रय्या नि वर्तस्वाग्ने पिन्वस्व धारया । विश्वप्सिनया
विश्वतस्परि ॥

उदुत्तमं वरुण पाशमस्मदवाधुमं वि मध्यमं श्रथाय । अथा
वयमादित्य वृते तवानागसो अदितये स्याम ॥
आ त्वाहार्षमन्तरभूर्ध्रुवस्तिष्ठाविचाचलिः । विशस्त्वा सर्वा
वाञ्छन्त्वस्मिन्नाष्ट्रमधि श्रय ॥
अग्रै बृहन्नुषसामूर्ध्वो अस्थान्निर्जग्मिवान्तर्मसो ज्योतिषागात् ।
अग्निर्भानुना रुशता स्वङ्ग आ जातो विश्वा सद्यान्यप्राः ॥
सीद त्वम्मातुरस्या उपस्थे विश्वान्यग्ने वयुनानि विद्वान् ।
मैनामर्चिषा मा तपसाभि शूशुचोऽन्तरस्यां शुक्रज्यौतिर्वि भाहि ॥
अन्तरग्ने रुचा त्वमुखायै सदेने स्वे । तस्यास्त्वं हरसा
तपञ्जातवेदः शिवो भव ॥
शिवो भूत्वा मह्यमग्नेऽथौ सीद शिवस्त्वम् । शिवाः कृत्वा दिशः
सर्वाः स्वां योनिमिहासदः ॥
हंसः शुचिषद्वसुरन्तरिक्षसद्धोता वेदिषदतिथिर्दुरोणसत् ।
नृषद्वरसदृतसद्वयो मसदब्जा गोजा ऋतजा अद्रिजा ऋतम्बृहत्
॥१॥

दिवस्परि प्रथमं जज्ञे अग्निरस्मदिद्वितीयम्परि जातवेदाः ।
तृतीयमप्सु नृमणा अजस्रमिन्धान एनं जरते स्वाधीः ॥
विद्या तै अग्ने त्रेधा त्रयाणि विद्या ते सद्य विभृतम्पुरुत्रा । विद्या ते
नाम परमं गुहा यद्विद्या तमुत्सं यत आजगन्थ ॥
समुद्रे त्वा नृमणा अप्सवन्तर्नृचक्षा ईधे दिवो अग्र ऊधन् । तृतीयै

त्वा ।१।

रजसि तस्थिवाँसमृतस्य योनौ महिषा अहिन्वन् ॥
 अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन् । सुद्यो
 जज्ञानो वि हीमिद्धो अख्यदा रोदसी भानुना भात्यन्तः ॥
 उशिक्षावको अरतिः सुमेधा मर्तेष्वग्निरमृतो नि धायि । इयर्ति
 धूममरुषम्भरिभ्रदुच्छुक्रेण शोचिषा द्यामिनक्षत् ॥
 विश्वस्य केतुर्भुवनस्य गर्भ आ ।२।

रोदसी अपृणाज्जायमानः । वीडुं चिदद्रिमभिनत्परायञ्जना
 यदग्निमयजन्त पञ्च ॥
 श्रीणामुदारो धरुणो रयीणाम्मनी षाणाम्प्रार्पणः सोमगोपाः । वसौः
 सूनुः सहसो अप्सु राजा वि भात्यग्र उषसामिधानः ॥
 यस्तै अद्य कृणवद्भद्रशोचे ऽपूपं देव घृतवन्तमग्रे । प्र तं नय प्रतरां
 वस्यो अच्छाभि द्युम्नं देवभक्तं यविष्ठ ॥
 आ तम्भज सौश्रवसेष्वग्र उक्थउक्थ आ भज शस्यमाने । प्रियः
 सूर्ये प्रियो अग्रा भवात्युज्जातेन भिनददुज्जनित्वैः ॥
 त्वामग्रे यजमाना अनु द्यून्विश्वा वसूनि दधिरे वार्याणि । त्वया
 सह द्रविणमिच्छमाना व्रजं गोमन्तमुशिजो वि वव्रुः ॥
 दृशानो रुक्म उर्व्या व्यद्यौहुर्मर्षमार्युः श्रिये रुचानः । अग्निरमृतो
 अभवद्वयोभिर्यदेनं द्यौरजनयत्सुरेताः ॥२॥

अन्नपतेऽन्नस्य नो देह्यनमीवस्य शुष्मिणः । प्र प्रदातारं तारिष ऊर्जं
 नो धेहि द्विपदे चतुष्पदे ॥
 उदु त्वा विश्वे देवा अग्रे भरन्तु चित्तिभिः । स नो भव शिवतमः
 सुप्रतीको विभावसुः ॥
 प्रेदग्रे ज्योतिष्मान्याहि शिवेभिरर्चिभिस्त्वम् ।

बृहद्भिर्भानुभिर्भासन्मा हिंसीस्तनुवा प्रजाः ॥
समिधाग्निं दुवस्यत घृतैर्बोधयतातिथिम् । आऽस्मिन्हव्या जुहोतन
॥

प्रप्रायमग्निर्भरतस्य शृणवे वि यत्सूर्यो न रोचते बृहद्भाः । अभि यः
पूरुम्पृतनासु तस्थौ दीदाय दैव्यो अतिथिः शिवो नः ॥
आपो देवीः प्रति गृह्णीत भस्मैतत्स्योने कृणुध्वं सुरभानु लोके ।
तस्मै नमन्तां जनयः सुपत्नीमतिव पुत्रम्बिभृता स्वेनम् ॥
अप्स्वग्ने सधिष्टव । २। सौषधीरनु रुध्यसे । गर्भे सञ्जायसे पुनः ॥
गर्भो अस्योषधीनां गर्भो वनस्पतीनां । गर्भो विश्वस्य भूतस्याग्ने गर्भो
अपामसि ॥

प्रसद्य भस्मना योनिमपश्च पृथिवीमग्ने । ससृज्य मातृभिस्त्वं
ज्योतिष्मान्पुनरासदः ॥ पुनरासद्य सदनमपश्च पृथिवीमग्ने । शेषै
मातुर्यथोपस्थेऽन्तरस्यां शिवतमः ॥
पुनरूर्जा नि वर्तस्व पुनरग्र इषायुषा । पुनर्नः पाहि विश्वतः ॥
सह रय्या नि वर्तस्वाग्ने पिन्वस्व धारया । विश्वप्सिनया
विश्वतस्परि ॥

पुनस्त्वादित्या रुद्रा वसवः समिन्धताम्पुनर्ब्रह्माणौ वसुनीथ यज्ञैः ।
घृतेन त्वं तनुवो वर्धयस्व सत्याः सन्तु यजमानस्य कामाः ॥
बोधा नो अस्य वचसो यविष्ट मंहिष्ठस्य प्रभृतस्य स्वधावः ।
पीर्यति त्वो अनु त्वो गृणाति वन्दारुस्ते तनुवं वन्दे अग्ने ॥
स बोधि सूरिर्मघवा वसुदावा वसुपतिः । युयोध्यस्मद्वेषांसि
॥ ३॥

अपैत वीत वि च सर्पतातो येऽत्र स्थ पुराणा ये च नूतनाः ।
अदादिदं यमोऽवसानम्पृथिव्या अक्रन्निमम्पितरौ लोकमस्मै ॥
अग्नेर्भस्मास्यग्नेः पुरीषमसि संज्ञानमसि कामधरणम्मयि ते

कामधरणम्भूयात्
 सं या वः प्रियास्तनुवः सम्प्रिया हृदयानि वः । आत्मा वो अस्तु
 सम्प्रियः सम्प्रियास्तनुवो मम ॥
 अयं सो अग्निर्यस्मिन्त्सोममिन्द्रः सुतं दधे जठरै वावशानः ।
 सहस्त्रियं वाजमत्यं न सप्तिं ससवान्त्सन्तस्तूयसे जातवेदः ॥
 अग्रे दिवो अर्णमच्छा जिगास्यच्छा देवा ऊचिषे धिष्णिष्या ये ।
 याः परस्ताद्रोचने सूर्यस्य याश्चावस्तादुपतिष्ठन्त आपः ॥
 अग्रे यतै दिवि वर्चः पृथिव्यां यदोषधीष्वप्सु वा यजत्र ।
 येनान्तरिक्षमुवाततन्थ त्वेषः स भानुरर्णवो नृचक्षाः ॥
 पुरीष्यासो अग्रयः प्रावृणेभिः सजोषसः । जुषन्तां
 हव्यमाहुतमनमीवा इषो महीः ॥
 इडामग्रे पुरुदंसं सनिं गोः शश्वत्तमं हवमानाय साध । स्यान्नः
 सुनुस्तनयो विजावाग्रे सा तै सुमतिर्भूत्वस्मे ॥
 अयं ते योनिर्ऋत्वियो यतो जातो अरोचथाः । तं जानन्नग्न आ
 रोहाथा नो वर्धया रयिम् ॥
 चिदसि तया देवतयाङ्गिरस्वद्ध्रुवा सीद परिचिदसि तया
 देवतयाङ्गिरस्वद्ध्रुवा सीद ॥ लोकम्पृण छिद्रम्पृणथौ सीद शिवा
 त्वम् । इन्द्राग्नी त्वा बृहस्पतिरस्मिन्योनावसीषदन् ॥
 ता अस्य सूददोहसः सोमं श्रीणन्ति पृश्नयः । जन्मन्देवानां
 विशस्त्रिष्वा रोचने दिवः ॥४॥

समितं सं कल्पेथां सम्प्रियौ रोचिषू सुमनस्यमानौ ।
 इषमूर्जमभि संवसानौ सं वाम्मनांसि सं व्रता समु चित्तान्याकरम्
 ॥
 अग्रे पुरीष्याधिपा भवा त्वं नः । इषमूर्जं यजमानाय धेहि ॥
 पुरीष्यस्त्वमग्रे रयिमान्पुष्टिमां असि । शिवाः कृत्वा दिशः

सर्वाः स्वां योनिमिहासदः ॥

भवतं नः समनसौ समौकसावरेपसौ । मा यज्ञं हिंसिष्टुम्मा
यज्ञपतिं जातवेदसौ शिवौ भवतमद्य नः ॥

मातेव पुत्रमृथिवी पुरीष्यमग्निं स्वे योनावभारुखा । तां
विश्वैर्देवैर्ऋतुभिः संविदानः प्रजापतिर्विश्वकर्मा वि मुञ्चतु ॥
यदस्य पारे रजसः शुक्रं ज्योतिरजायत । तन्नः पर्षदति द्विषोऽग्रे
वैश्वानर स्वाहा ॥

नमः सु ते निऋति विश्वरूपेऽयस्मयं वि चृता बन्धमेतम् । यमेन त्वं
यम्यां संविदानोत्तमं नाकमधि रोहयेमम् ॥

यत्तै देवी निऋतिराबन्ध दाम ग्रीवास्वविचर्त्यम् । इदं ते तद्वि
ष्याम्यायुषो न मध्यादथा जीवः पितुर्मद्वि प्रमुक्तः ॥

यस्यास्ते अस्याः क्रूर आसञ्जुहोम्येषाम्बन्धानामवसर्जनाय ।
भूमिरिति त्वा जना विदुर्निऋतिरिति त्वाहम्परि वेद विश्वतः ॥

असुन्वन्तमयजमानमिच्छ स्तेनस्येत्यां तस्करस्यान्वेषि ।

अन्यमस्मदिच्छ सा त इत्या नमो देवि निऋति तुभ्यमस्तु ॥

देवीमहं निऋतिं वन्दमानः पितेव पुत्रं दसये वचोभिः । विश्वस्य
या जायमानस्य वेद शिरःशिरः प्रति सूरि वि चष्टे ॥

निवेशनः संगमनो वसूनां विश्वा रूपाभि चष्टे शचीभिः । देव इव
सविता सत्यधर्मेन्द्रो न तस्थौ समरे पथीनाम् ॥

सं वरत्रा दधातन निराहावान्कृणोतन । सिञ्चामहा अवटमुद्रिणं वयं
विश्वाहादस्तमक्षितम् ॥

निष्कृताहावमवटं सुवरत्रं सुषेचनम् । उद्रिणं सिञ्चे अक्षितम्
॥

सीरा युञ्जन्ति कवयौ युगा वि तन्वते पृथक् । धीरा देवेषु सुम्रया
युनक्त सीरा वि युगा तेनोत कृते योनौ वपतेह बीजम् । गिरा च
श्रुष्टिः सभरा अर्सन्नो नेदीय इत्सृण्या पक्वमायत् ॥

लाङ्गलम्पवीरव॑ सु॒शेव॑ सु॒म॒तित्स॑रु । उ॒दि॒त्कृ॒षति॑
 गाम॑वि॒म्प्र॒फ॒व्यं च॑ पी॒वरी॑म् । प्र॒स्थाव॑द्रथ॒वाहन॑म् ॥
 शु॒नं नः॑ फा॒ला वि॑ तु॒दन्तु॑ भूमि॑ सु॒नं की॒नाशा॑ अ॒भि य॑न्तु वा॒हान्
 । शु॒नम्प॒र्जन्यो॑ म॒धुना॑ प॒योभिः॑ शु॒नासी॑रा शु॒नम॑स्मासु॒ धत्त॑म् ॥
 कामं॑ काम॒दुघे॑ धु॒क्ष्व मि॒त्राय॑ वरु॒णाय॑ च । इन्द्रा॑या॒ग्रये॑ पू॒ष्ण
 ओष॑धी॒भ्यः प्र॒जाभ्यः॑ ॥
 घृ॒तेन॑ सी॒ता म॒धुना॑ स॒मक्ता॑ वि॒श्वैर्दे॒वैरनु॑मता म॒रुद्भिः॑ । ऊ॒र्ज॒स्वती॑
 प॒र्यसा॑ पि॒न्वमा॑ना॒स्मान्तसी॑ते प॒र्यसा॑भ्याव॑वृ॒त्स्व ॥५॥

या जा॒ता ओष॑धयो दे॒वेभ्य॑स्त्रि॒युग॑म्पु॒रा । म॒न्दा॒मि ब॒भूणा॑म॒हं श॑तं
 धा॒मानि॑ स॒प्त च॑ ॥
 श॒तं वो॑ अ॒म्ब धा॒मानि॑ स॒हस्र॑मु॒त वो॒ रुहः॑ । अ॒था श॑तक्र॒त्वो
 यू॒यमि॑म॒म्मे अ॒ग॒दं कृ॑त ॥
 पु॒ष्पाव॑तीः प्र॒सूव॑तीः फ॒लिनी॑रफ॒ला उ॒त । अ॒श्वा इ॒व
 स॒जित्॒वरी॑र्वी॒रुधः॑ पा॒रयि॑ष्णवः ॥
 ओष॑धी॒रिति॑ मा॒तर॑स्तद्वो दे॒वीरु॑प॒ ब्रुवे॑ । र॒पांसि॑ विघ्न॒तीरि॑त
 र॒पश्चा॑तय॒मानाः॑ ॥
 अ॒श्व॒त्ये वो॑ नि॒षद॑नम्प॒र्णे वो॑ व॒स॒तिः कृ॒ता । गो॒भाज॑ इ॒त्कि॒ला॒सथ॑
 यत्स॒नव॑थ॒ पू॒रुष॑म् ॥
 यद॒हं वा॑ज॒र्यन्नि॑मा ओष॑धी॒र्हस्त॑ आ॒द॒धे । आ॒त्मा य॑क्ष्म॒स्य न॑श्यति
 पु॒रा जी॑व॒गृभो॑ यथा ॥
 यदोष॑धयः स॒ंगच्छ॑न्ते रा॒जानः॑ स॒मि॒तावि॑व । वि॒प्रः स उ॑च्यते
 भि॒षग्र॑क्षो॒हामी॑व॒चात॑नः ॥
 निष्कृ॑ति॒र्नाम॑ वो मा॒ताथा॑ यू॒यं स्थ॑ संकृ॒तीः । स॒राः प॑त॒त्रिणीः॑
 ।२।
 स्थ॒न॒ यदा॑म॒रय॑ति निष्कृ॒त ॥

अन्या वो अन्यामवत्वन्यान्यस्या उपावत । ताः सर्वा ओषधयः
 संविदाना इदम्मे प्रावता वचः ॥
 उच्छुष्मा ओषधीनां गावो गोष्ठादिवेरते । धनं
 सनिष्यन्तीनामात्मानं तव पूरुष ॥
 अति विश्वाः परिष्ठा स्तेन इव व्रजमक्रमुः । ओषधयः
 प्राचुच्यवुर्यत्किं च तनुवां रपः ॥
 याः त आतस्थुरात्मानं या आविविशुः परुःपरुः । तास्ते यद्धमं वि
 बाधन्तामुग्रो मध्यमशीरिव ॥
 साकं यद्धमं प्र पत श्येनेन किकिदीविना । साकं वातस्य धाज्या
 साकं नश्य निहाकया ॥
 अश्वावतीं सौमवतीमूर्जयन्तीमुदौजसम् । आ वित्सि सर्वा
 ओषधीरस्मा अरिष्टतातये ॥
 याः फलिनीर्या अफला अपुष्पा याश्च पुष्पिणीः ।
 बृहस्पतिप्रसूतास्ता नो मुञ्चन्त्वहंसः ॥
 या ओषधयः सोमराज्ञीः प्रविष्टाः पृथिवीमनु । तासां त्वमस्युत्तमा
 प्र णो जीवातवे सुव ॥
 अवपतन्तीरवदन्तिव ओषधयः परि । यं जीवमश्नवामहै न स
 रिष्याति पूरुषः ॥
 याश्चेदमुपशृण्वन्ति याश्च दूरम्परागताः । इह संगत्य ताः सर्वा अस्मै
 सं दत्त भेषजम् ॥
 मा वो रिषत्वनिता यस्मै चाहं खनामि वः । द्विपच्चतुष्पदस्माकं
 सर्वमस्त्वनातुरम् ॥
 ओषधयः सं वदन्ते सोमै न सह राजा । यस्मै करोति ब्राह्मणस्तं
 राजन्यारयामसि ॥ ६॥

मा नो हिंसीजनिता यः पृथिव्या यो वा दिवं सत्यधर्मा ज्ञानं

। यश्चापश्चन्द्रा बृहतीर्जजान् कस्मै देवाय हविषा विधेम ॥
 अभ्यावर्तस्व पृथिवि यज्ञेन पर्यसा सह । वपां ते अग्निरिषितोऽव
 सर्पतु ॥
 अग्ने यत्तै शुक्रं यच्चन्द्रं यत्पूतं यद्यज्ञियम् । तद्देवेभ्यो भरामसि ॥
 इषमूर्जमहमित आ दद ऋतस्य धाम्नो अमृतस्य योनैः । आ नो गोषु
 विशत्वौषधीषु जहामि सेदिमनिराममीवाम् ॥
 अग्ने तव श्रवो वयो महि भ्राजन्त्यर्चयो विभावसो । बृहद्भानो
 शर्वसा वाजमुक्थ्यं दधासि दाशुषे कवे ॥
 इरज्यन्नग्ने प्रथयस्व जन्तुभिरस्मे रायो अमर्त्य । स दर्शतस्य वपुषो
 वि राजसि पृणक्षि सानसि० रयिम् ॥
 ऊजो नपाज्जातवेदः सुशस्तिभिर्मन्दस्व धीतिभिर्हितः । त्वे इषः सं
 दधुर्भूरिरितसश्चित्रोतयो वामजाताः ॥
 पावकवर्चाः शुक्रवर्चा अनूनवर्चा उदियर्षि भानुना । पुत्रः पितरा
 विचरन्नुपावस्युभे पृणक्षि रोदसी ॥
 ऋतावानम्महिषं विश्वचर्षणिमग्नि० सुम्नाय दधिरे पुरो जनाः ।
 श्रुत्कर्ण० सप्रथस्तमं त्वा गिरा दैव्यम्मानुषा युगा ॥
 निष्कृर्तारमध्वरस्य प्रचेतसं क्षयन्त० राधसे महे ।
 रातिम्भृगूणामुशिजं कविक्रतुम्पृणक्षि सानसि० रयिम् ॥
 चितः स्थ परिचित ऊर्ध्वचितः श्रयध्वं तया देवतयाङ्गिरस्वद्ध्रुवाः
 सीदत ॥
 आप्यायस्व समेतु ते विश्वतः सोम वृष्णियम् । भवा वाजस्य
 संगुथे ॥
 सं ते पयांसि समु यन्तु वाजाः सं वृष्णियान्यभिमातिषाहः ।
 आप्यार्यमानो अमृताय सोम दिवि श्रवा० न्युत्तमानि धिष्व ॥७॥

अभ्यस्थाद्विश्वाः पृतना अरातीस्तदग्निराहु तदु सोम आह ।

बृहस्पतिः सविता तन्म आह पुषा माधात्सुकृतस्य लोके ॥
 यदक्रन्दः प्रथमं जायमान उद्यन्त्समुद्रादुत वा पुरीषात् । श्येनस्य
 पक्षा हरिणस्य बाहू उपस्तुतं जनिम् तत्तै अर्वन् ॥
 अपामृष्टमसि योनिर्ग्रेः समुद्रमभितः पिन्वमानम् । वर्धमानम्ह
 आ च पुष्करं दिवो मात्रया वरिणा प्रथस्व ॥
 ब्रह्म जज्ञानमप्रथमम्पुरस्ताद्वि सीमतः सुरुचौ वेन आवः । स
 बुधिया उपमा अस्य विष्टाः सतश्च योनिमसतश्च विवः ॥
 हिरण्यगर्भः समवर्तताग्रे भूतस्य जातः पतिरेक आसीत् । स दाधार
 पृथिवीं द्यामुतेमां कस्मै देवाय हविषा विधेम ॥
 द्रप्सश्चस्कन्द पृथिवीमनु द्यामिमं च योनिमनु यश्च पूर्वः । तृतीयं
 योनिमनु संचरन्तं द्रप्सं जुहोम्यनु सप्त होत्राः ॥
 नमो अस्तु सर्पेभ्यो ये के च पृथिवीमनु । ये अन्तरिक्षे ये दिवि
 तेभ्यः सर्पेभ्यो नमः ॥
 यैऽदो रौचने दिवो ये वा सूर्यस्य रश्मिषु । येषामप्सु सदः कृतं
 तेभ्यः सर्पेभ्यो नमः ॥
 या इषवो यातुधानानां ये वा वनस्पतींरनु । ये वावटेषु शेरते
 तेभ्यः सर्पेभ्यो नमः ॥८॥

ध्रुवासि धरुणास्तृता विश्वकर्मणा सुक्रिता । मा त्वा समुद्र
 उद्वधीन्मा सुपर्णो ऽव्यथमाना पृथिवीं दृह ॥
 प्रजापतिस्त्वा सादयतु पृथिव्याः पृष्ठे व्यचस्वतीम्प्रथस्वतीम्प्रथोऽसि
 पृथिव्यसि भूरसि भूमिरस्यदितिरसि विश्वधाया विश्वस्य भुवनस्य
 धर्त्री पृथिवीं यच्छ पृथिवीं दृह पृथिवीम्मा हिंसीर्विश्वस्मै
 प्राणायानाय व्यानायोदानाय प्रतिष्ठायै
 चरित्रायाग्निस्त्वाभि पातु मद्या स्वस्त्या च्छर्दिषा शंतमेन तया
 देवतयाङ्गिरस्वद्ध्रुवा सीद ॥

का॒णडा॑त्का॒णडा॑त्प्रोह॑न्ती॒ परु॑षःपरु॑षः परि॑ । ए॒वा नो॑ दूर्वे॒ प्र त॑नु
स॒हस्रै॑ण श॒तेन॑ च ॥

या श॒तेन॑ प्र॒तनो॑षि स॒हस्रै॑ण वि॒रोह॑सि तस्या॑स्ते दे॒वीष्ट॑के वि॒धेम॑
ह॒विषा॑ व॒यम् ॥

अ॒षाढा॑सि स॒हमा॑ना स॒हस्वा॑रातीः स॒हस्वा॑राती॒यतः॑
स॒हस्व॑ पृ॒तनाः॑ स॒हस्व॑ पृ॒तन्य॑तः स॒हस्र॑वीर्या॒सि सा मा॑ जि॒न्व ॥
मधु॑ वा॒ता ऋ॒ताय॑ते मधु॑ क्षर॒न्ति सि॒न्धवः॑ । मा॒ध्वीर्नः॑ स॒न्त्वोष॑धीः
॥

मधु॑ न॒क्तमु॑तोष॒सि मधु॑म॒त्पार्थि॑व॒ꣳ रजः॑ । मधु॑ द्यौर॑स्तु नः पि॒ता ॥
मधु॑मान्नो वन॒स्पति॑र्मधु॒माꣳ अस्तु॑ सूर्यः । मा॒ध्वीर्गा॒वो भव॑न्तु नः
॥

म॒ही द्यौः पृ॑थि॒वी च॑ न इ॒मं य॒ज्ञमि॑मि॒क्षता॑म् । पि॒पृतां॑ नो
भरी॑मभिः ॥

तद्वि॒ष्णोः पर॑मं प॒दꣳ सदा॑ पश्य॒न्ति सू॒रयः॑ । दि॒वीव॑ चक्षु॒रात॑तम्
॥

ध्रु॒वासि॑ पृथि॒वि स॒हस्व॑ पृ॒तन्य॑तः । स्यू॒ता दे॒वेभि॑र॒मृते॑नागाः ॥
यास्तै॑ अ॒ग्ने सू॒र्ये रुच॑ उद्य॒तो दि॒वमा॑त॒न्वन्ति॑ र॒श्मिभिः॑ । ताभिः॑
सर्वा॑भी रु॒चे जना॑य नस्कृ॒धि ॥

या वो॑ दे॒वाः सू॒र्ये रुचो॑ गोष्व॒श्वेषु॑ या रुचः॑ । इन्द्रा॑ग्नी ताभिः॑
सर्वा॑भी रुचं॑ नो धत्त बृह॒स्पते ॥

वि॒राट्ज्योति॑रधारयत्स॒म्राट्ज्योति॑रधारयत्स्व॒राट्ज्योति॑रधारयत् ॥
अ॒ग्ने यु॒द्ध्वा हि॑ ये तवाश्वा॑सो दे॒व सा॒धवः॑ । अ॒रं वह॑न्त्या॒शवः॑ ॥
यु॒द्ध्वा हि॑ दै॒वहू॑तमा॒ꣳ अश्वाꣳ अ॒ग्ने रथी॑रिव । नि होता॑ पू॒र्व्यः संदः॑
॥

द्र॒प्सश्च॑स्कन्द पृथि॒वीमनु॑ द्यामि॒मं च॒ योनि॑मनु॒ यश्च॑ पू॒र्वः । तृती॑यं
योनि॑मनु॒ संच॑रन्तं द्र॒प्सं जु॒होम्य॑नु॒ सप्त ॥५॥

होत्राः ॥

अभूदिदं विश्वस्य भुवनस्य वाजिनमग्नेर्वैश्वानरस्य च ।
 अग्निज्योतिषा ज्योतिष्मानुक्मो वर्चसा वर्चस्वान् ॥
 ऋचे त्वा रुचे त्वा समित्स्रवन्ति सरितो न धेनाः । अन्तर्हृदा
 मनसा पूयमानाः ॥ घृतस्य धारा अभि चाकशीमि । हिरण्ययो
 वेतसो मध्य आसाम् ॥
 तस्मिन्सुपर्णे मधुकृत्कुलायी भजन्नास्ते मधु देवताभ्यः ।
 तस्यासते हरयः सप्त तीरै स्वधां दुहाना अमृतस्य धाराम् ॥६॥

आदित्यं गर्भम्पयसा समञ्जन्त्सहस्रस्य प्रतिमां विश्वरूपम् । परि
 वृङ्गधि हरसा माभि मृक्षः शतार्युषं कृणुहि चीयमानः ॥
 इमम्मा हिंसीद्विपादम्पशूनां सहस्राक्ष मेध आ चीयमानः ।
 मयुमारण्यमनु ते दिशामि तेन चिन्वानस्तनुवो नि षीद ॥
 वातस्य ध्राजिं वरुणस्य नाभिमश्वं जज्ञानं सरिरस्य मध्ये । शिशुं
 नदीनां हरिमद्रिबुद्धमग्ने मा हिंसीः परमे व्यौमन् ॥
 इमम्मा हिंसीरेकशफम्पशूनां केनिक्रदं वाजिनं वाजिनेषु ।
 गौरमारण्यमनु ते दिशामि तेन चिन्वानस्तनुवो नि षीद ॥
 अजस्रमिन्दुमरुषम्भुरण्युमग्निमीडे पूर्वचित्तौ नमोभिः । स
 पर्वभिर्ऋतुशः कल्पमानो गाम्मा हिंसीरदिति विराजम् ॥
 इमं समुद्रं शतधारमुत्सं व्यच्यमानम्भुवनस्य मध्ये । घृतं
 दुहानामदिति जनायाग्ने मा हिंसीः परमे व्यौमन् ।
 गुवयमारण्यमनु ते दिशामि तेन चिन्वानस्तनुवो नि षीद ॥
 वरुत्रिं त्वष्टुर्वरुणस्य नाभिमविं जज्ञानां रजसः परस्मात् । महीं
 साहस्त्रीमसुरस्य मायामग्ने मा हिंसीः परमे व्यौमन् ॥
 इमामूर्णायुं वरुणस्य मायां त्वचम्पशूनां द्विपदां चतुष्पदाम् । त्वष्टुः
 प्रजानाम्प्रथमं जनित्रमग्ने मा हिंसीः परमे व्यौमन् ।

उष्ट्रमारण्यमनु ते दिशामि तेन चिन्वानस्तनुवो नि षीद ॥
 यो अग्निरग्नेस्तपसोऽधि जातः शोचात्पृथिव्या उत वा दिवस्परि ।
 येन प्रजा विश्वकर्मा व्यानट्मग्ने हेडः परि ते वृणक्तु ॥
 अजा ह्यग्नेरजनिष्ट गर्भात्सा वा अपश्यज्जनितारमग्रै । तया
 रोहमायन्नुप मेध्यासुः तया देवा देवतामग्र आयन् ।
 शरभमारण्यमानु ते दिशामि तेन चिन्वानस्तनुवो नि षीद ॥१०॥

इन्द्राग्नी रोचना दिवः परि वाजेषु भूषथः । तद्वां चेति प्र वीर्यम् ॥
 शनर्थद्वत्रमुत सनोति वाजमिन्द्रा यो अग्नी सहृरी सपर्यात् ।
 इरज्यन्ता वसव्यस्य भूरेः सहस्तमा सहसा वाजयन्ता ॥
 प्र चर्षणिभ्यः पृतना हवेषु प्र पृथिव्या रिरिचाथे दिवश्च । प्र
 सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या ॥
 मरुतो यस्य हि क्षयै पाथा दिवो विमहसः । स सुगोपातमो जनः
 ॥

यज्ञैर्वा यज्ञवाहसो विप्रस्य वा मतीनाम् । मरुतः श्रिणुता हवम् ॥
 श्रियसे कम्भानुभिः सम्मिमिक्षिरे ते रश्मिभिस्त ऋक्वभिः सुखादयः
 । ते वाशीमन्त इष्मिणो अभीरवो विद्रे प्रियस्य मारुतस्य धाम्नः ॥
 अवं ते हेड उदुत्तमम् ।
 कया नश्चित्र आ भुवदूती सदावृधः सखा । कया शचिष्ठया वृता
 ॥

को अद्य युङ्क्ते धुरि गा ऋतस्य शिमीवतो भामिनो दुर्हणायून् ।
 आसन्निषूहृत्स्वसो मयोभून्य एषाम्भृत्यामृणधत्स जीवात् ॥
 अग्ने नया देवानां शं नो भवन्तु वाजैवाजे ।
 अप्सवग्ने सधिष्टव सौषधीरनु रुध्यसे । गर्भे सञ्जायसे पुनः ॥
 वृषा सोम द्युमां असि वृषा देव वृषव्रतः । वृषा धर्माणि दधिषे ॥

इमम्मे वरुण तत्त्वा यामि त्वं नो अग्ने स त्वं नो अग्ने ॥११॥

इति चतुर्थकारण्डे द्वितीयः प्रपाठकः ॥२॥

अथ चतुर्थकारण्डे तृतीयः प्रपाठकः ॥३॥

अपां त्वेमन्त्सादयाम्य पां त्वौघन्त्सादयाम्य पां त्वा
भस्मन्त्सादयाम्य पां त्वा ज्योतिषि सादयाम्य पां त्वायने
सादयाम्य ण्वे सदेने सीद समुद्रे सदेने सीद सलिले सदेने
सीदा पां क्षये सीदा पां सधिषि सीदा पां त्वा सदेने
सादयाम्य पां त्वा सधस्थे सादयाम्य पां त्वा पुरीषे सादयाम्य पां
त्वा योनौ सादयाम्य पां त्वा पार्थसि सादयामि
गायत्री छन्दस्त्रिष्टुप्छन्दो जगती छन्दोऽनुष्टुप्छन्दः पङ्क्तिश्छन्दः ॥१॥
॥

अयम्पुरो भुवस्तस्य प्राणो भौवायनो वसन्तः प्राणायनो गायत्री
वासन्ती गायत्रियै गायत्रं गायत्रादुपां शुरुपां शोस्त्रिवृत्त्रिवृतौ
रथन्तरं रथन्तराद्वसिष्ठ ऋषिः प्रजापतिगृहीतया त्वया प्राणं गृह्णामि
प्रजाभ्योऽयं दक्षिणा विश्वकर्मा तस्य मनो वैश्वकर्मणं ग्रीष्मो
मानसस्त्रिष्टुग्रेष्मी त्रिष्टुभ एडमैडादन्तर्यामोऽन्तर्यामात्पञ्चदशः
पञ्चदशाद्वहद्वहतो भरद्वाज ऋषिः प्रजापतिगृहीतया त्वया मनो
गृह्णामि प्रजाभ्यो यम्पश्चाद्विश्वव्यचास्तस्य चक्षुर्वैश्वव्यचसं वर्षाणि
चाक्षुषाणि जगती वार्षा जगत्या ऋक्षममृक्षमाच्छुक्रः
शुक्रात्सप्तदशः सप्तदशाद्वैरूपं वैरूपाद्विश्वामित्र ऋषिः
प्रजापतिगृहीतया त्वया चक्षुर्गृह्णामि प्रजाभ्य इदमुत्तरात्सुवस्तस्य
श्रोत्रं सौव शरच्छ्रौत्र्यनष्टुप्शारद्वनुष्टुभः स्वारं स्वारान्मन्थी
मन्थिन एकविंश एकविंशाद्वैराजं वैराजाज्जमदग्निर्ऋषिः
प्रजापतिगृहीतया त्वया श्रोत्रं गृह्णामि प्रजाभ्य इयमुपरि मतिस्तस्यै

वाङ्माती हैमन्तो वाच्यायनः पङ्क्तिर्हैमन्ती पङ्क्त्यै निधनवन्निधनवत
 आग्रयण आग्रयणात्रिणवत्रयस्त्रिंशौ त्रिणवत्रयस्त्रिंशाभ्यां
 शाक्वरैवते शाक्वरैवताभ्यां विश्वकर्मर्षिः प्रजापतिगृहीतया त्वया
 वाचं गृह्णामि प्रजाभ्यः ॥२॥

प्राचीं दिशां वसन्त ऋतूनामग्निर्देवता ब्रह्म द्रविणं त्रिवृत्स्तोमः स उ
 पञ्चदशवर्तनिरुयविर्वयः कृतमयानाम्पुरोवातो वातः सानग
 ऋषिर्दक्षिणा दिशां ग्रीष्म ऋतूनामिन्द्रो देवता क्षत्रं
 द्रविणम्पञ्चदशः स्तोमः स उ सप्तदशवर्तनिरित्युवाङ्वयस्त्रेतायानां
 दक्षिणाद्वातो वातः सनातन ऋषिः
 प्रतीचीं दिशां वर्षा ऋतूनां विश्वे देवा देवता विट् ।१।द्रविणं
 सप्तदशः स्तोमः स उ एकविंशवर्तनिरिवृत्सो वयौ
 द्वापुरोऽयानाम्पश्चाद्वातो वातोऽहभून् ऋषिरुदीचीं दिशां
 शरदृतूनामित्रावरुणौ देवता पुष्टं द्रविणमेकविंशः स्तोमः स उ
 त्रिणवर्तनिरुयवाङ्वय आस्कन्दोऽयानामुत्तराद्वा
 तो वातः प्रब्र ऋषिरूध्वा दिशां
 हैमन्तशिशिरावृतूनाम्बृहस्पतिर्देवता वर्चो द्रविणं त्रिणवः स्तोमः स
 उ त्रयस्त्रिंशवर्तनिः पष्ठवाद्योऽभिभूरयानां विष्वग्वातो वातः
 सुपर्ण ऋषिः
 पितरः पितामहाः परेऽवरे ते नः पान्तु ते
 नोऽवन्त्वस्मिन्ब्रह्मन्स्मिन्क्षत्रेऽस्यामाशिष्यस्याम्पुरोधायांस्मिन्कर्मन्
 स्यां देवहूत्याम् ॥३॥

ध्रुवक्षितिर्ध्रुवयोनिर्ध्रुवासि ध्रुवां योनिमा सीद साध्या । उख्यस्य
 केतुम्रथमम्पुरस्तादश्विनाध्वर्यू सादयतामिह त्वा ॥
 स्वे दक्षे दक्षपितेह सीद देवत्रा पृथिवी बृहती रराणा । स्वासस्था

तनुवा सं विशस्व पितेवैधि सूनव आसुशेवाश्विनाध्वर्यू
सादयतामिह त्वा ॥

कुलायिनी वसुमती वयोधा रयिं नो वर्ध बहुलं सुवीरम् ।

अपामंतिं दुर्मतिम्बाधमाना रायस्पोषे यज्ञपतिमाभजन्ती सुवर्धेहि
यजमानाय पोषमश्विनाध्वर्यू सादयतामिह त्वा ॥

अग्नेः पुरीषमसि देव्यानी तां त्वा विश्वे अभि गृणन्तु देवाः ।
स्तोमपृष्ठा घृतवतीह सीद प्रजावदस्मे द्रविणायजस्वाश्विनाध्वर्यू
सादयतामिह त्वा ॥

दिवो मूर्धासि पृथिव्या नाभिर्विष्टम्भनी दिशामधिपती भुवनानाम्
॥ ऊर्मिर्द्रप्सो अपामसि विश्वकर्मा तु ऋषिरश्विनाध्वर्यू सादयतामिह
त्वा ॥

सजूर्ऋतुभिः सजूर्विधाभिः सजूर्वसुभिः सजूर् रुद्रैः सजूर्वादित्यैः
सजूर्विश्वेदेवैः सजूर्देवैः सजूर्देवैर्वयोनाधैरग्रयै त्वा
वैश्वानरायाश्विनाध्वर्यू सादयतामिह त्वा
प्राणम्मे पाह्यपानम्मे पाहि व्यानम्मे पाहि चक्षुर्म उर्व्या वि भाहि
श्रोत्रम्मे श्लोकया पस्पिन्वौषधी जिन्व द्विपात्पाहि चतुष्पादव दिवो
वृष्टिमेरय ॥४॥

त्र्यविर्वयस्त्रिष्टुष्टन्दौ दित्यवाङ्वयौ विराट्छन्दः
पञ्चाविर्वयौ गायत्री छन्दस्त्रिवत्सो वय उष्णिहा
छन्दस्तुर्यवाङ्वयौऽनुष्टुष्टन्दः षष्ठवाङ्वयौ बृहती छन्द उक्ता
वयः सप्तोबृहती छन्द ऋषभो वयः ककुच्छन्दो धेनुर्वयो जगती
छन्दोऽनुङ्वान्वयः पङ्क्तिश्छन्दो बस्तो वयौ विवलं छन्दो वृष्णिर्वयो
विशालं छन्दः पुरुषो वयस्तन्द्रं छन्दो व्याघ्रो वयोऽनाधृष्टं छन्दः
सिंहो वयश्छदिश्छन्दो विष्टम्भो वयोऽधिपतिश्छन्दः क्षत्रं वयो

मय॑न्दं॒ छन्दो॑ वि॒श्वकर्मा॑ वयः परमे॒ष्टी छन्दो॑ मूर्धा॒ वयः
प्र॒जाप॑तिश्छन्दः ॥५॥

इन्द्रा॑ग्नी अव्य॑थमा॒नामिष्ट॑कां दृ॒ह॒तं यु॒वम् । पृ॒ष्ठेन॒ द्यावा॑पृथि॒वी
अ॒न्तरि॑क्षं च॒ वि बा॑धताम् ॥
वि॒श्वकर्मा॑ त्वा सादय॑त्व॒न्तरि॑क्षस्य पृ॒ष्ठे
व्यच॑स्वती॒म्प्रथ॑स्वती॒म्भास्व॑तीँ॒ सूरि॑मती॒मा या द्या॑म्भास्या
पृथि॑वीमोर्व॒न्तरि॑क्षम॒न्तरि॑क्षं यच्छा॒न्तरि॑क्षं दृ॒ह॒न्तरि॑क्ष॒म्मा
हिँसी॑र्वि॒श्वस्मै॑ प्रा॒णाय॑पा॒नाय॑ व्या॒नायो॑दा॒नाय॑ प्रति॒ष्ठायै॑ च॒रित्रा॑य
वा॒युस्त्वा॒भि पा॑तु म॒ह्या स्व॒स्त्या च्छ॒र्दिषा॑ शन्त॑मे॒न॒ तथा॑
दे॒वत॑याङ्गि॒रस्व॒द्भुवा॑ सीद ।
रा॒ज्ञय॑सि प्रा॒ची दि॒ग्वि॒राड॑सि दक्षि॒णा दि॒क्स॒म्राड॑सि प्र॒तीची॑
दि॒क्स्व॒राड॑स्युदी॒ची दि॒गधि॑प॒त्रय॑सि बृ॒हती॑ दि॒गायु॑र्मे पाहि
प्रा॒णम्मे॑ पाह्य॒पान॑म्मे॑ पाहि व्या॒नम्मे॑ पाहि चक्षु॑र्मे पाहि श्रो॒त्रम्मे॑
पाहि॒ मनो॑ मे जि॒न्व वाच॑म्मे॑ पि॒न्वात्मा॑न॒म्मे पाहि॑ ज्योति॑र्मे यच्छ
॥६॥

मा च्छन्दः॑ प्र॒मा च्छन्दः॑ प्र॒तिमा च्छन्दो॑ऽस्त्रीवि॒श्छन्दः॑ पु॒ङ्क्तिश्छन्दः॑
उ॒ष्णिहा॑ च्छन्दो॑ बृ॒हती॑ छन्दो॑ऽनु॒ष्टुप्छन्दो॑ वि॒राट्छन्दो॑ गाय॒त्री
छन्द॑ स्त्रि॒ष्टुप्छन्दो॑ जग॑ती॒ छन्दः॑ पृथि॒वी छन्दो॑ऽन्तरि॑क्षं छन्दो॑
द्यौश्छन्दः॑ स॒माश्छन्दो॑ नक्ष॑त्राणि च्छन्दो॑ म॒नश्छन्दो॑ वाक्छन्दः॑
कृ॒षिश्छन्दो॑ हि॒र॒ण्यं छन्दो॑ गौश्छन्दो॑ऽजा च्छन्दो॑ऽश्वश्छन्दः॑ ॥
अ॒ग्निर्दे॒वता॑ वा॒तो दे॒वता॑ सूर्यो॑ दे॒वता॑ च॒न्द्रमा॑ दे॒वता॑ व॒स॒वो दे॒वता॑
रु॒द्रा दे॒वता॑दि॒त्या दे॒वता॑ वि॒श्वे दे॒वा दे॒वता॑ म॒रुतो॑ दे॒वता॑
बृ॒हस्प॑तिर्दे॒वते॒न्द्रो दे॒वता॑ व॒रु॒णो दे॒वता॑ ।
मूर्धा॑सि रा॒ङ्ध्रुवा॑सि ध॒रु॒णा य॒न्त्यसि॑ यमि॒त्री षे त्वो॑ जे॒ त्वा कृ॒ष्यै

त्वा क्षेमाय त्वा यन्त्री राङ्ध्रुवासि धरणी ध्रुव्यसि धरित्र्या युषे
त्वा वर्चसे त्वौ जसे त्वा बलाय त्वा ॥७॥

आशुस्त्रिवृद्भान्तः पञ्चदशो व्यौम सप्तदशः प्रतूर्तिरष्टादश स्तपौ
नवदशोऽभिवर्तः सविँशो धरुण एकविँशो वर्चो द्वाविँशः
सम्भरणस्त्रयोविँशो योनिश्चतुर्विँशो गर्भाः पञ्चविँश
ओजस्त्रिणवः क्रतुरेकत्रिँशः प्रतिष्ठा त्रयस्त्रिँशो ब्रध्नस्य विष्टपं
चतुस्त्रिँशो नार्कः षट्त्रिँशो विवर्तोऽष्टाचत्वारिँशो ध्रुवश्चतुष्टोमः
॥८॥

अग्नेर्भागोऽसि दीक्षाया आधिपत्यम्ब्रह्म स्पृतं त्रिवृत्स्तोम इन्द्रस्य
भागोऽसि विष्णोराधिपत्यं क्षत्रँ स्पृतम्पञ्चदशः स्तोमौ
नृचक्षसांभागोऽसि धातुराधिपत्यं जनित्रँ स्पृतँ सप्तदशः स्तोमौ
मित्रस्य भागोऽसि वरुणस्याधिपत्यं दिवो वृष्टिर्वाताः स्पृता
एकविँशः स्तोमोऽदित्यै भागोऽसि पूष्ण आधिपत्यमोजः स्पृतं
त्रिणवः स्तोमो वसूनांभागोऽसि रुद्राणामाधिपत्यं चतुष्पात्स्पृतं
चतुर्विँशः स्तोमं आदित्यानांभागोऽसि मरुतामाधिपत्यं गर्भाः
स्पृताः पञ्चविँशः स्तोमौ देवस्य सवितुर्भागोऽसि
बृहस्पतेराधिपत्यं समीचीर्दिशः स्पृताश्चतुष्टोमः स्तोमो
यावानांभागोऽस्य यावानांमाधिपत्यम्प्रजाः स्पृताश्चतुश्चत्वारिँशः
स्तोमं ऋभूणांभागोऽसि विश्वेषां देवानांमाधिपत्यम्भूतं निशान्तँ
स्पृतं त्रयस्त्रिँशः स्तोमः ॥९॥

एकयास्तुवत प्रजा अधीयन्त प्रजापतिरधिपतिरासीत्तिसृभिरस्तुवत
ब्रह्मासृज्यत ब्रह्मणस्पतिरधिपतिरासीत्पञ्चभिरस्तुवत भूतान्यसृज्यन्त
भूतानाम्पतिरधिपतिरासीत्सप्तभिरस्तुवत सप्तर्षयोऽसृज्यन्त

धा॒ताधि॑पतिरासी॒न्न॒वभि॑रस्तुवत
 पि॒तरौऽसृ॒ज्यन्तादि॑तिरधि॑पत्न्यासी॒ देका॑द॒शभि॑रस्तुवत॒र्तवौऽसृ॒ज्यन्ता
 र्त्वोऽधि॑पतिरासी॒त्रयो॑द॒शभि॑रस्तुवत॒ मासा॑ असृ॒ज्यन्त
 संवत्स॑रोऽधि॑पतिरासी॒त्पञ्च॑द॒शभि॑रस्तुवत
 क्ष॒त्रम॑सृ॒ज्यतेन्द्रो॑ऽधि॑पतिरासी॒त्सप्त॑द॒शभि॑रस्तुवत॒ प॒शवौऽसृ॒ज्यन्त
 बृ॒हस्प॑तिरधि॑पतिरासी॒न्न॒वद॒शभि॑रस्तुवत॒ शू॒द्रा॒र्याव॑सृ॒ज्येताम॑हो॒रात्रे
 अ॒धि॒प॒त्नी आ॑स्ता॒ मेक॑वि॒ंश॒त्यास्तु॒वतैक॑श॒फाः प॒शवौऽसृ॒ज्यन्त
 व॒रु॒णोऽधि॑पतिरासी॒त्रयो॑वि॒ंश॒त्यास्तु॒वत क्षु॒द्राः प॒शवौऽसृ॒ज्यन्त
 पू॒षाधि॑पतिरासी॒त्पञ्च॑वि॒ंश॒त्यास्तु॒वता॒र॒ग॒याः प॒शवौऽसृ॒ज्यन्त
 वा॒युरधि॑पतिरासी॒त्सप्त॑वि॒ंश॒त्यास्तु॒वत द्या॒वापृ॑थि॒वी व्यै॒तां व॑स॒वो
 रु॒द्रा आ॑दित्या॒ अनु॒ व्या॑य॒न्तेषा॒माधि॑पत्यमासी॒न्न॒ववि॒ंश॒त्यास्तु॒वत
 व॒न॒स्प॒त॒योऽसृ॒ज्यन्त॒ सोमो॑ऽधि॑पतिरासी॒ देक॑त्रि॒ंश॒तास्तु॒वत प्र॒जा
 अ॒सृ॒ज्यन्त॒ यावा॑नां॒ चाया॑वानां॒ चाधि॑पत्यमासी॒त्रय॑स्त्रि॒ंश॒तास्तु॒वत
 भू॒तान्य॑शाम्यन्प्र॒जाप॑तिः॒ परमे॑ष्ठ्यधि॑पतिरासीत् ॥१०॥

इ॒यमे॒व सा॒ या प्र॑थ॒मा व्यौ॑च्छ॒दन्त॑र॒स्यां च॑रति॒ प्रवि॑ष्टा । व॒धूर्ज॑जान
 नव॒ग॒ज्जनि॑त्री॒ त्रय॑ ए॒नाम्म॑हि॒मानः॑ सचन्ते ॥
 छ॒न्द॑स्वती उ॒षसा॒ पेपि॑शाने स॒मानं॑ योनि॒मनु॑ स॒ंचर॑न्ती । सूर्य॑प॒त्नी वि॒
 च॑रतः प्र॒जान॑ती॒ केतुं॑ कृ॒णवा॑ने अ॒जरे॑ भूरि॒रेत॑सा ॥
 ऋ॒तस्य॑ पन्था॒मनु॑ ति॒स्त्र आ॒गु॒स्त्रयो॑ घ॒र्मासो॑ अनु॒ ज्योति॑षागुः ।
 प्र॒जामे॒का र॑क्ष॒त्यूर्ज॑मे॒का व॒तमे॒का र॑क्षति दे॒वयू॑नाम् ॥
 च॒तुष्टो॑मो अ॒भव॑द्या॒ तुरी॑या॒ यज्ञ॑स्य॒ पक्षा॑वृषयो॒ भव॑न्ती । गा॒य॒त्रीं
 त्रि॒ष्टुभं॑ ज॒गती॑मनु॒ष्टुभ॑म्बृ॒हद॑र्कं यु॒ञ्जानाः॑ सु॒व॒राभ॑रन्निदम् ॥
 प॒ञ्चभि॑र्धा॒ता वि॑ द॒धावि॑दं यत्तासा॒ं स्व॑सृ॒र॒जन॑य॒त्पञ्च॑पञ्च । तासा॑मु
 यन्ति प्र॒यवे॑ण॒ पञ्च॑ नाना॒ रूपा॑णि॒ क्रत॑वो वसा॒नाः ॥
 त्रि॒ंश॒त्स्वसा॑र॒ उप॑ यन्ति निष्कृ॒तं स॑मा॒नं के॒तुम॑प्रतिमु॒ञ्चमा॑नाः ।

ऋत॑स्त्वन्व॒ते क॒वयः॑ प्र॒जान॒तीर्म॑ध्यैच्छन्द॒सः परि॑ यन्ति॒ भास्व॑तीः ॥
 ज्योति॑ष्मती॒ प्रति॑ मुञ्चते॒ नभो॑ रात्री॒ देवी॑ सूर्य॒स्य वृ॒तानि॑ । वि
 पश्य॑न्ति प॒शवो॑ जाय॒माना॑ नाना॒रूपा मा॒तुर॒स्या उ॒पस्थे॑ ॥
 एका॑ष्ट॒का तप॑सा॒ तप्य॑माना ज॒जानु॑ गर्भ॒म्महि॑मान॒मिन्द्र॑म् । तेन॒
 दस्यु॑न्व्यसहन्त दे॒वा ह॒न्तासु॑राणामभव॒च्छची॑भिः ॥
 अना॑नु॒जामनु॑जाम्माम॒कर्त॑ स॒त्यं वद॑न्त्यन्विच्छ ए॒तत् । भूया॑स॒मस्य॑
 सु॒मतौ॑ यथा॒ यूय॑म॒न्या वो॑ अ॒न्याम॑ति मा प्र यु॒क्त ॥
 अभू॑न्म॒म सु॒मतौ॑ वि॒श्ववे॑दा॒ आष्टे॑ प्रति॒ष्ठाम॑विद॒द्धि गा॒धम् ।
 भूया॑स॒मस्य॑ सु॒मतौ॑ यथा॒ यूय॑म॒न्या वो॑ अ॒न्याम॑ति मा प्र यु॒क्त ॥
 पञ्च॑ व्यु॒ष्टीर॑नु पञ्च॑ दो॒हा गा॑म्पञ्च॒नाम्री॑मृत॒वोऽनु॑ पञ्च॑ । पञ्च॑ दि॒शः
 पञ्च॑द॒शेन॑ क्लृ॒प्ताः स॑मा॒नमूर्ध्नी॑र॒भि लो॒कमे॑कम् ॥

ऋत॑स्य॒ गर्भः॑ प्रथ॒मा व्यू॑षुष्य॒पामेका॑ महि॒मान॑म्बिभर्ति । सूर्य॒स्यैका॑
 चर॑ति निष्कृ॒तेषु॑ घ॒र्मस्यै॑का॒ सवि॒तैका॑ नि यच्छति ॥
 या प्रथ॑मा व्यौच्छ॒त्सा धे॒नुर॑भवद्य॒मे । सा नः॑ प॒यस्व॑ती
 धु॒द्वोत्ते॑रामुत्तरा॒ समाम् ॥
 शु॒क्रर्ष॑भा नभ॒सा ज्यो॑तिषागा॒द्विश्व॑रू॒पा श॒बली॑र॒ग्निके॑तुः ।
 स॒मा॒नम॑र्थं स्वप॒स्यमा॑ना बिभ्र॒ती ज॒राम॑जर उष॒ आगाः॑ ॥
 ऋतू॑नाम्प॒त्नी प्रथ॑मेयमागा॒दह्नां॑ ने॒त्री ज॑नि॒त्री प्र॒जाना॑म् । एका॑ स॒ती
 बहु॑धोषो व्युच्छ॒स्यजी॑र्णा॒ त्वं ज॑रयसि॒ सर्व॑म॒न्यत् ॥११॥

अग्नै॑ जा॒तान्प्र॑ शु॒दा नः॑ स॒पत्नान्प्र॑त्यजा॒ताज्ञा॑तवेदो नुदस्व । अ॒स्मे
 दी॑दिहि सु॒मना॑ अहे॒डन्त॑व स्या॒ शर्म॑न्नि॒वरू॑थ उ॒द्भि॒त् ॥
 सह॑सा जा॒तान्प्र॑ शु॒दा नः॑ स॒पत्नान्प्र॑त्यजा॒ताज्ञा॑तवेदो नुदस्व । अधि॑
 नो ब्रू॑हि सु॒मन॑स्यमा॒नो व॒यं स्या॑म॒ प्र शु॒दा नः॑ स॒पत्नान् ॥
 च॒तुश्च॑त्वारि॒ंशः॑ स्तोमो॒ वर्चो॑ द्रवि॒णं षोड॑शः स्तोम॒ ओजो॑ द्रवि॒णं

पृथिव्याः पुरीषमस्यप्सो नाम ।

एवश्छन्दो वरिवश्छन्दः शम्भूश्छन्दः परिभूश्छन्द आच्छच्छन्दो
मनश्छन्दो व्यचश्छन्दः सिन्धुश्छन्दः समुद्रं छन्दः सलिलं छन्दः
संयच्छन्दो वियच्छन्दो बृहच्छन्दो रथंतरं छन्दो निकायश्छन्दो
विवधश्छन्दो गिरश्छन्दो भ्रजश्छन्दः सृष्टुष्यन्दोऽनुष्टुष्यन्दः
ककुच्छन्दः स्त्रिककुच्छन्दः काव्यं छन्दोऽङ्कुपं छन्दः
पदपङ्क्तिश्छन्दोऽक्षरपङ्क्तिश्छन्दो विष्टारपङ्क्तिश्छन्दः क्षुरो भृज्वाञ्छन्दः
प्रच्छच्छन्दः पक्षश्छन्द एवश्छन्दो वरिवश्छन्दो वयश्छन्दो
वयस्कृच्छन्दो विशालं छन्दो विषर्धाश्छन्दः श्छदिश्छन्दो दूरोहणं
छन्दः स्तन्द्रं छन्दोऽङ्गाङ्गं छन्दः ॥१२॥

अग्निर्वृत्राणि जङ्घनद्वविणस्युर्विपन्यया । समिद्धः शुक्र आहुतः ॥
त्वँ सौमासि सत्पतिस्त्वँ राजोत वृत्रहा । त्वम्भद्रो असि क्रतुः
॥

भद्रा ते अग्ने स्वनीक संदृग्घोरस्य सतो विषुणस्य चारुः । न यत्ते
शोचिस्तमसा वरन्त न ध्वस्मानस्तनुवि रेप आ धुः ॥
भद्रं ते अग्ने सहसिन्ननीकमुपाक आ रौचते सूर्यस्य ।

रुशदृशे ददृशे नक्तया चिदरूक्षितं दृश आ रूपे अन्नम् ॥
सैनानीकेन सुविदत्रौ अस्मे यष्टा देवाँ आर्यजिष्ठः स्वस्ति ।
अदब्धो गोपा उत नः परस्पा अग्रे द्युमदुत रेवदिदीहि ॥
स्वस्ति नो दिवो अग्ने पृथिव्या विश्वार्युर्धेहि यजथाय देव ।
यत्सीमहि दिविजात प्रशस्तं तदस्मासु द्रविणं धेहि चित्रम् ॥
यथा होतर्मनुषो देवताता यज्ञेभिः सूनो सहसो यजासि । एवा नो
अद्य समना समानानुशन्नग्र उशतो यन्नि देवान् ॥
अग्निमीडे पुरोहितं यज्ञस्य देवमृत्विजम् । होतारँ रत्नधातमम् ॥

वृषा सोम द्युमाँ असि वृषा देव वृषव्रतः । वृषा धर्माणि दधिषे
॥

सांतपना इदँ हविर्मरुतस्तज्जुष्टन । युष्माकोती रिशादसः ॥
यो नो मर्तो वसवो दुर्हणायुस्तिरः सत्यानि मरुतो जिघाँसात् ।
द्रुहः पाशम्प्रति स मुचीष्ट तपिष्ठेन तपसा हन्तना तम् ॥
संवत्सरीणा मरुतः स्वर्का उरुक्षयाः सगणा मानुषेषु ।
तैऽस्मत्पाशान्प्र मुञ्चन्त्वँहसः सांतपना मदिरा मादयिष्णवः ॥
पिप्रीहि देवाँ उशतो यविष्ठ विद्वाँ ऋतँ ऋतुपते यजेह । ये
दैव्या ऋत्विजस्तेभिरग्ने त्वँ होतृणामुस्यायजिष्ठः ॥
अग्ने यदद्य विशो अध्वरस्य होतुः पार्वक शोचे वेष्ट्वँ हि यज्वा ।
ऋता यजासि महिना वि यद्ब्रह्मव्या वह यविष्ठ या तै अद्य ॥
अग्निना रयिमश्नवत्पोषमेव दिवेदिवे । यशसं वीरवत्तमम् ॥
गयस्फानौ अमीवहा वसुवित्पुष्टिवर्धनः । सुमित्रः सौम नो भव ॥
गृहमेधास आ गत मरुतो माप भूतन । प्रमुञ्चन्तौ नो अँहसः ॥
पूर्वाभिर्हि ददाशिम शरद्धिर्मरुतो वयम् । महौभिश्चचर्षणीनाम् ॥
प्र बुध्निया ईरते वो महाँसि प्र णामानि प्रयज्यवस्तिरध्वम् ।
सहस्त्रियं दम्यम्भागमेतं गृहमेधीयम्मरुतो जुषध्वम् ॥
उप यमेति युवतिः सुदक्षं दोषा वस्तोर्हविष्मती घृताची । उप
स्वैनमरमतिर्वसूयुः ॥
इमो अग्ने वीतर्तमानि हव्याजस्रो वक्षि देवतातिमच्छ । प्रति न ईँ
सुरभीणि वियन्तु
क्रीडं वः शर्धो मारुतमनुवाणँ रथेशुभम् । कण्वा अभि प्र गायत
॥

अत्यासो न ये मरुतः स्वञ्चो यक्षदृशो न शुभयन्त मर्याः । ते
हर्म्येष्ठाः शिशवो न शुभ्रा वत्सासो न प्रक्रीडिनः पयोधाः ॥
प्रेषामज्मेषु विथुरेव रेजते भूमिर्यामेषु यद्ध युञ्जते शुभे । ते क्रीडयो

धुनयो भ्राजदृष्टयः स्वयम्महित्वम्पनयन्तु धूतयः ॥
 उपह्वरेषु यदचिध्वं ययिं वयं इव मरुतः केन चित्पथा । श्रोतन्ति
 कोशा उप वो रथेष्ववा घृतमुक्षता मधुवर्णमर्चते ॥
 अग्निमग्निं हवीमभिः सदा हवन्त विशपतिम् ।
 हव्यवाहम्पुरुप्रियम् ॥
 तं हि शश्वन्त ईडते स्तुचा देवं घृतश्रुता । अग्निं हव्याय वोढवे
 ॥

इन्द्राग्नी रोचना दिवः
 शनर्थद्वत्रमिन्द्रं वो विश्वतस्परीन्द्रं नरो विश्वकर्मन्हविषा वावृधानो
 विश्वकर्मन्हविषा वर्धनेन ॥१३॥

इति चतुर्थकारण्डे तृतीयः प्रपाठकः ॥३॥

अथ चतुर्थकारण्डे चतुर्थः प्रपाठकः ॥४॥

रश्मिरसि क्षयाय त्वा क्षयं जिन्व प्रेतिरसि धर्माय त्वा धर्मं
 जिन्वा न्वितिरसि दिवे त्वा दिवं जिन्व संधिरस्यन्तरिक्षाय
 त्वान्तरिक्षं जिन्व प्रतिधिरसि पृथिव्यै त्वा पृथिवीं जिन्व
 विष्टम्भोऽसि वृष्ट्यै त्वा वृष्टिं जिन्व प्रवास्यहे त्वाहर्जिन्वा नुवासि
 रात्रियै त्वा रात्रिं जिन्वो शिर्गसि वसुभ्यस्त्वा वसूञ्जिन्व
 प्रकेतोऽसि रुद्रेभ्यस्त्वा रुद्राञ्जिन्व
 सुदीतिरस्यादित्येभ्यस्त्वादित्याञ्जिन्वो जोऽसि पितृभ्यस्त्वा
 पितृञ्जिन्वतन्तुरसि प्रजाभ्यस्त्वा प्रजा जिन्व पृतनाषाडसि
 पशुभ्यस्त्वा पशूञ्जिन्व रेवदस्योषधीभ्यस्त्वौषधीर्जिन्वा भिजिदसि
 युक्तग्रावेन्द्राय त्वेन्द्रं जिन्वा धिपतिरसि प्राणाय त्वा प्राणं जिन्व
 यन्तास्यपानाय त्वापानं जिन्व सँसर्पोऽसि चक्षुषे त्वा चक्षुर्जिन्व
 वयोधा असि श्रोत्राय त्वा श्रोत्रं जिन्व त्रिवृदसि प्रवृदसि संवृदसि
 विवृदसि सँरोहोऽसि नीरोहोऽसि प्ररोहोऽस्यनु रोहोऽसि

वसु॒कोऽसि॒ वे॒षश्चिर॑सि॒ वस्य॑ष्टिरसि ॥१॥

रा॒ज्ञय॑सि प्रा॒ची दि॒ग्वस॑वस्ते दे॒वा अधि॑पतयोऽग्नि॒र्हेती॒नाम्प्रति॑ध॒र्ता
त्रि॒वृत्त्वा॒ स्तोमः॑ पृ॒थि॒व्याँ श्र॑य॒त्वाज्य॑मु॒क्थम॑व्यथयत्स्त॒भ्नातु॑
रथ॑न्तरँ॒ साम् प्रति॑ष्ठित्यै
वि॒राड॑सि दक्षि॒णा दि॒गुद्रा॑स्तै दे॒वा अधि॑पतय॒ इन्द्रो॑ हेती॒नाम्प्रति॑ध॒र्ता
प॑ञ्चद॒शस्त्वा॒ स्तोमः॑ पृ॒थि॒व्याँ श्र॑यतु प्र॒उ॒गमु॒क्थम॑व्यथयत्स्त॒भ्नातु॑
बृ॒हत्साम् प्रति॑ष्ठित्यै स॒म्राड॑सि प्र॒तीची॒ दि॒र्गादि॒त्यास्तै दे॒वा
अधि॑पतयः सोमो॑ हेती॒नाम्प्रति॑ध॒र्ता स॑प्तद॒शस्त्वा॒ स्तोमः॑ पृ॒थि॒व्याँ
श्र॑यतु मरु॒त्व॒ती॒र्यमु॒क्थम॑व्यथयत्स्त॒भ्नातु॑ वैरू॒पँ साम् प्रति॑ष्ठित्यै
स्व॒राड॑स्युदी॒ची दि॒ग्विश्वे॑ ते दे॒वा अधि॑पतयो वरु॒णो
हेती॒नाम्प्रति॑ध॒र्तैक॑विँ॒शस्त्वा॒ स्तोमः॑ पृ॒थि॒व्याँ श्र॑यतु
निष्कै॑व॒ल्यमु॒क्थम॑व्यथयत्स्त॒भ्नातु॑ वैरा॒जँ साम् प्रति॑ष्ठित्या
अधि॑पन्नयसि बृ॒हती॒ दि॒ङ्गुरु॑तस्ते दे॒वा अधि॑पतयो
बृ॒हस्पति॑र्हेती॒नाम्प्रति॑ध॒र्ता त्रि॑णव॒त्रयस्त्रिँ॒शौ त्वा॒ स्तोमो॑ पृ॒थि॒व्याँ
श्र॑यतां वैश्वदे॒वाग्नि॑मारु॒ते उ॒क्थे अ॒व्यथ॑यन्ती स्त॒भ्नीताँ॒ शाक्व॑ररैवृ॒ते
साम॑नी॒ प्रति॑ष्ठित्या अ॒न्तरि॑क्षा॒यर्ष॑यस्त्वा प्रथम॒जा दे॒वेषु॑ दि॒वो
मात्र॑या वरि॒णा प्र॑थन्तु वि॒ध॒र्ता चा॒यमधि॑पतिश्च॒ ते त्वा॒ सर्वे
संवि॑दाना नाक॑स्य पृ॒ष्ठे सु॒वर्गे लो॒के यज॑मानं च सादयन्तु ॥२॥

अ॒यम्पु॒रो हरि॑केशः॒ सूर्य॑रश्मि॒स्तस्य॑ रथगृ॒त्सश्च॒ रथौ॒जाश्च॒
से॒नानि॑ग्राम॒ण्यौ पु॒ञ्जिक॑स्थ॒ला च॑ कृतस्थ॒ला चा॑प्सरसौ यातु॒धाना॑
हेती॒ रक्षाँ॑सि॒ प्रहे॑ति॒ रयं॑ दक्षि॒णा वि॒श्वक॑र्मा॒ तस्य॑ रथस्व॒नश्च॒
रथै॑चित्रश्च॒ से॒नानि॑ग्राम॒ण्यौ मे॒न॒का च॑ सहज॒न्या चा॑प्सरसौ द॒ङ्गुण॑वः
प॒शवो॑ हे॒तिः पौ॒रुषे॑यो व॒धः प्रहे॑ति॒रय॑म्पु॒श्चाद्वि॒श्वव्य॑चा॒स्तस्य॑

रथेप्रोतश्चासमरथश्च सेनानिग्रामयौ प्रम्लोचन्ती चानुम्लोचन्ती
 चाप्सरसौ सर्पा हेतिव्याघ्राः प्रहेति रयमुत्तरात्संयद्वसुस्तस्य
 सेनजिच्च सुषेणश्च सेनानिग्रामयौ विश्वाची च घृताची
 चाप्सरसावापौ हेतिर्वातः प्रहेति रयमुपर्यर्वाग्वसुस्तस्य
 तादर्यश्चारिष्टनेमिश्च सेनानिग्रामयावुर्वशी च पूर्वचित्तिश्चाप्सरसौ
 विद्युद्धेतिरवस्फूर्जन्प्रहे
 तिस्तेभ्यो नमस्ते नो मृडयन्तु ते यं द्विष्मो यश्च नो द्वेष्टि तं वो जम्भे
 दधाम्या योस्त्वा सदेने सादयाम्यवतश्छायायां नमः समुद्राय नमः
 समुद्रस्य चक्षसे परमेष्ठी त्वा सादयतु दिवः पृष्ठे
 व्यचस्वतीम्प्रथस्वतीं विभूमतीम्प्रभूमतीम्परिभूमतीं दिवं यच्छ दिवं
 दृ॒ह दिव॒म्मा हि॒सीर्विश्व॑स्मै प्रा॒णाय॑पा॒नाय॑ व्या॒नाय॑दा॒नाय॑
 प्रति॒ष्ठायै॑ च॒रित्रा॑य॒ सूर्य॑स्त्वाभि पा॒तु म॒ह्या स्व॒स्त्या च्छ॒र्दिषा॑ श॒न्तमे॒न
 तया॑ दे॒वत॑याङ्गिर॒स्वद्ध्रु॑वा सी॒द
 प्रोथ॒दश्चो॒ न यव॑से अ॒विष्य॑न्य॒दा म॒हः सं॒वर॑णा॒द्व्यस्था॑त् । आ॒दस्य॑
 वातो॒ अनु॑ वाति शो॒चिरध॑ स्म ते व्र॒जनं॑ कृ॒ष्णम॑स्ति ॥३॥

अ॒ग्नि॒र्मूर्धा॑ दि॒वः क॒कुत्प॑तिः पृथि॒व्या अ॒यम् । अ॒पाँ रेताँ॑सि
 जिन्व॑ति ॥
 त्वाम॑ग्रे पुष्करा॒दध्य॑थ॒र्वा निर॑मन्थत । मूर्ध्नो॑ विश्व॑स्य वा॒घतः॑ ॥
 अ॒यम॑ग्निः स॒हस्रि॑णो वा॒जस्य॑ श॒तिन॑स्पतिः । मूर्धा॑ क॒वी रयी॑णाम्
 ॥
 भुवो॑ य॒ज्ञस्य॑ र॒जस॑श्च ने॒ता यत्रा॑ नि॒युद्धिः॑ सच॑से शि॒वाभिः॑ । दि॒वि
 मूर्धा॑नं दधि॑षे सुव॒र्षा जि॒ह्वाम॑ग्रे च॒कृषे॑ हव्य॒वाह॑म् ॥
 अ॒बौध्य॑ग्निः स॒मिधा॑ जना॒नां प्रति॑ धेनु॒मिवा॑य॒तीमु॑षासम् । य॒ह्वा
 इ॒व प्र॑ व॒यामु॑ज्जिहा॒नाः प्र॑ भान॒वः सि॒स्रते॑ नाक॒मच्छ॑ ॥
 अ॒वौचाम॑ क॒वये॑ मे॒ध्याय॑ वचो॑ व॒न्दारु॑ वृष॒भाय॑ वृ॒ष्णे । ग॒र्विष्टि॑रो

नमसा स्तोममग्नौ दिवीव रुक्ममुर्व्यञ्चमश्रेत् ॥
 जनस्य गोपा अजनिष्ट जागृविरग्निः सुदक्षः सुविताय नव्यसे ।
 घृतप्रतीको बृहता दिविस्पृशा द्युमद्वि भाति भरतेभ्यः शुचिः ॥
 त्वामग्ने अङ्गिरसो गुहा हितमन्वाविन्दज्छ्रियाणं वनैवने । स
 जायसे मथ्यमानः सहो महत्त्वामाहुः सहसस्पुत्रमङ्गिरः ॥
 यज्ञस्य केतुमप्रथमम्पुरोहितमग्निं नरस्त्रिषधस्थे समिन्धते । इन्द्रैण
 देवैः सुरथं स बर्हिषि सीदन्नि होता यजथाय सुक्रतुः ॥
 त्वां चित्रश्रवस्तम् हवन्ते विक्षु जन्तवः । शोचिष्कैशम्पुरुप्रियाग्रे
 हव्याय वोढवे ॥
 सखायः सं वः सम्यञ्चमिषं स्तोमं चाग्रयै । वर्षिष्ठाय
 क्षितीनामूर्जो नष्ट्रे सहस्वते ॥
 संसमिद्युवसे वृषन्नग्ने विश्वान्युर्य आ । इडस्पदे समिध्यसे स नो
 वसून्या भर ॥
 एना वौ अग्निं नमसोर्जो नपातमा हुवे । प्रियं चेतिष्ठमरतिं
 स्वध्वरं विश्वस्य दूतममृतम् ॥
 स योजते अरुषो विश्वभोजसा स दुद्रवत्स्वाहुतः । सुब्रह्मा यज्ञः
 सुशमी वसूनां देव राधो जनानाम् ॥
 उदस्य शोचिरस्थादाजुहानस्य मीढुषः । उद्धूमासौ अरुषासौ
 दिविस्पृशः समग्निमिन्धते नरः ॥
 अग्ने वाजस्य गोमत ईशानः सहसो यहो । अस्मे धैहि जातवेदो
 महि श्रवः ॥
 स ईधानो वसुष्कविरग्निरीडेन्यो गिरा । रेवदस्मभ्यम्पुर्वणीक
 दीदिहि ॥
 क्षपो राजन्नुत त्मनाग्ने वस्तोरुतोषसः । स तिग्मजम्भ रक्षसौ दह
 प्रति ॥
 आ ते अग्न इधीमहि द्युमन्तं देवाजरम् । यद्ध स्या ते पनीयसी

समिद्दीदयति द्यवीषं स्तोतृभ्य आ भर ॥
 आ ते अग्न ऋचा हविः शुक्रस्य ज्योतिषस्पते । सुश्वन्द्र दस्म
 विशपते हव्यवाद्भ्यं हूयत इषं स्तोतृभ्य आ भर ॥
 उभे सुश्वन्द्र सर्पिषो दर्वी श्रीणीष आसनि । उतो न उत्पूया
 उक्थेषु शवसस्पत इषं स्तोतृभ्य आ भर ॥
 अग्ने तमद्याश्वं न स्तोमैः क्रतुं न भद्रं हृदिस्पृशम् । ऋध्यामा त
 ओहैः ॥
 अधा ह्यग्ने क्रतौर्भद्रस्य दक्षस्य साधोः । रथीर्ऋतस्य बृहतो बभूथ
 ॥
 आभिष्टै अद्य गीर्भिर्गृणन्तोऽग्ने दाशेम । प्र ते दिवो न स्तनयन्ति
 शुष्माः ॥
 एभिर्नो अर्कैर्भवा नो अर्वाङ्सुवर्न ज्योतिः । अग्ने विश्वेभिः सुमना
 अनीकैः ॥
 अग्निं होतारम्मन्ये दास्वन्तम्बसोः सूनुं सहसो जातवेदसम् ।
 विप्रं न जातवेदसम् ॥
 य ऊर्ध्वया स्वध्वरो देवो देवाच्या कृपा । घृतस्य विभ्राष्टिमनु
 शुक्रशौचिष आजुह्वानस्य सर्पिषः ॥
 अग्ने त्वमो अन्तमः । उत त्राता शिवो भव वरूथ्यः ॥
 तं त्वा शोचिष्ठ दीदिवः । सुम्राय नूनमीमहे सखिभ्यः ॥
 वसुरग्निर्वसुश्रवाः । अच्छा नक्षि द्युमत्तमो रयिं दाः ॥४॥

इन्द्राग्निभ्यां त्वा सयुजा युजा युनज्या घाराभ्यां तेजसा
 वर्चसो कथेभिः स्तोमैभिः श्छन्दोभी रय्यै पोषाय
 सजातानाम्मध्यमस्थेयाय मया त्वा सयुजा युजा युनज्या म्बा
 दुला नित्वि रभ्रयन्ती मेघयन्ती वर्षयन्ती चुपुणीका नामासि
 प्रजापतिना त्वा विश्वाभिर्धीभिरुप दधामि पृथिव्युदपुरमन्नेन विष्टा

मनुष्यास्ते गोप्तारोऽग्निर्वियत्तोऽस्यां तामहम्प्र पद्ये सा मे शर्म च वर्म
 चा स्त्वधिद्यौरन्तरिक्षम्ब्रह्मणा विष्टा मरुतस्ते गोप्तारो
 वायुर्वियत्तोऽस्यां तामहम्प्र पद्ये सा मे शर्म च वर्म चास्तु
 द्यौरपराजितामृतैर्न विष्टादित्यास्तै गोप्तारः सूर्यो वियत्तोऽस्यां
 तामहम्प्र पद्ये सा मे शर्म च वर्म चास्तु ॥५॥

बृहस्पतिस्त्वा सादयतु पृथिव्याः पृष्ठे ज्योतिष्मतीं विश्वस्मै
 प्राणायानाय विश्वं ज्योतिर्यच्छाग्निस्तेऽधिपति विश्वकर्मा त्वा
 सादयत्वन्तरिक्षस्य पृष्ठे ज्योतिष्मतीं विश्वस्मै प्राणायानाय विश्वं
 ज्योतिर्यच्छ वायुस्तेऽधिपतिः प्रजापतिस्त्वा सादयतु दिवः पृष्ठे
 ज्योतिष्मतीं विश्वस्मै प्राणायानाय विश्वं ज्योतिर्यच्छ परमेष्ठी
 तेऽधिपतिः पुरोवातसन्निरस्य भ्रूसन्निरसि विद्युत्सन्निरसि
 स्तनयिबुसन्निरसि वृष्टिसन्निरस्य ग्रेयान्यसि देवानामग्रेयान्यसि
 वायोर्यान्यसि देवानां वायोर्यान्यस्यन्तरिक्षस्य यान्यसि
 देवानामन्तरिक्षयान्यस्यन्तरिक्षमस्यन्तरिक्षाय त्वा सलिलाय त्वा
 सर्णीकाय त्वा सतीकाय त्वा केताय त्वा प्रचेतसे त्वा विवस्वते
 त्वा दिवस्त्वा ज्योतिष आदित्येभ्यस्त्वा र्चे त्वा रुचे त्वा द्युते त्वा
 भासे त्वा ज्योतिषे त्वा यशोदां त्वा यशसि तेजोदां त्वा तेजसि
 पयोदां त्वा पर्यसि वर्चोदां त्वा वर्चसि द्रविणोदां त्वा द्रविणे
 सादयामि तेनर्षिणा तेन ब्रह्मणा तया देवतयाङ्गिरस्वद्ध्रुवा सीद
 ॥६॥

भूयस्कृदसि वरिवस्कृदसि प्राच्यस्यूर्ध्वास्यन्तरिक्षसदस्यन्तरिक्षे
 सीदाप्सुषदसि श्येनुसदसि गृध्रसदसि सुपर्णसदसि नाकसदसि
 पृथिव्यास्त्वा द्रविणे सादयाम्यन्तरिक्षस्य त्वा द्रविणे सादयामि
 दिवस्त्वा द्रविणे सादयामि दिशां त्वा द्रविणे सादयामि द्रविणोदां

त्वा द्रविणे सादयामि प्राणम्मे पाह्य पानम्मे पाहि व्यानम्मे
 पाह्या युर्मे पाहि विश्वायुर्मे पाहि सर्वायुर्मे पाह्य ग्रे यत्ते परं
 हन्नाम् तावेहि सः रभावहै पाञ्चजन्येष्वप्यैध्यग्रे
 यावा अयावा एवा ऊमाः सब्दः सगरः सुमेकः ॥७॥

अग्निना विश्वाषाट्सूर्येण स्वराट्क्रत्वा शचीपतिं ऋषभेण त्वष्टा
 यज्ञेन मघवान्दक्षिणया सुवर्गो मन्युना वृत्रहा सौहार्देन तनूधा
 अन्नैर्न गर्यः पृथिव्यासनो दृग्भिरन्नादो वषट्कारेणर्द्धः साम्ना तनूपा
 विराजा ज्योतिष्मान्ब्रह्मणा सोमपा गोभिर्यज्ञं दाधार क्षत्रेण
 मनुष्या नक्षत्रेण च रथेन च वज्र्य तुभिः प्रभुः संवत्सरेण
 परिभू स्तपसानाधृष्टः
 सूर्यः सन्तनूभिः ॥८॥

प्रजापतिर्मनसान्धोऽच्छेतो धाता दीक्षायां सविता भृत्यां पूषा
 सौमक्रयण्यां वरुण उपेन्द्रोऽसुरः क्रीयमाणो मित्रः क्रीतः शिपिविष्ट
 आसादितो नरंधिषः प्रोह्यमाणोऽधिपतिरागतः प्रजापतिः
 प्रणीयमानोऽग्निराग्नीध्रे बृहस्पतिराग्नीध्रात्प्रणीयमान इन्द्रो
 हविर्धानेऽदितिरासादितो विष्णुरुपावह्रियमाणोऽथर्वोपेतो
 यमोऽभिषुतोऽपूतपा आधूयमानो वायुः पूयमानो मित्रः
 क्षीरश्रीर्मन्थी संक्षुश्री वैश्वदेव उन्नीतो रुद्र आहुतो वायुरावृत्तो
 नृचक्षाः प्रतिख्यातो भक्ष आगतः पितृणां नाराशंसोऽसुरात्तः
 सिन्धुरवभृथमवप्रयन्त्समुद्रोऽवगतः सलिलः प्रप्लुतः सुवर्दृचं
 गुतः ॥९॥

कृत्तिका नक्षत्रमग्निर्देवताग्रे रुचः स्थ प्रजापतेर्धातुः सोमस्यर्चे त्वा
 रुचे त्वा द्युते त्वा भासे त्वा ज्योतिषे त्वा

रोहिणी नक्षत्रम्पुजापतिर्देवता मृगशीर्षं नक्षत्रं॑ सोमो देवताद्रा
 नक्षत्रं॑ रुद्रो देवता पुनर्वसू नक्षत्रमदितिर्देवता तिष्यो
 नक्षत्रम्बृहस्पतिर्देवताश्रैषा नक्षत्रं॑ सर्पा देवता मघा नक्षत्रम्पितरौ
 देवता फल्गुनी नक्षत्रमर्यमा देवता फल्गुनी नक्षत्रम्भगौ देवता
 हस्तो नक्षत्रं॑ सविता देवता चित्रा नक्षत्रमिन्द्रो देवता स्वाती नक्षत्रं
 वायुर्देवता विशाखे नक्षत्रमिन्द्राग्नी देवतानूराधा नक्षत्रम्पित्रो देवता
 रोहिणी नक्षत्रमिन्द्रो देवता विचृतौ नक्षत्रम्पितरौ देवताषाढा
 नक्षत्रमापौ देवताषाढा नक्षत्रं विश्वे देवा देवता श्रोणा नक्षत्रं
 विष्णुर्देवता श्रविष्ठा नक्षत्रं वसवो देवता शतभिषङ् नक्षत्रमिन्द्रो
 देवता प्रोष्ठपदा नक्षत्रमज एकपादेवता प्रोष्ठपदा नक्षत्रमहिर्बुध्नियो
 देवता रेवती नक्षत्रम्पूषा देवताश्वयुजौ नक्षत्रमश्विनौ
 देवतापुभरणीर्नक्षत्रं यमो देवता
 पूर्णा पुश्चा द्यतौ देवा अर्द्धधुः ॥१०॥

मधुश्च माधवश्च वासन्तिकावृतू शुक्रश्च शुचिश्च ग्रैष्मावृतू नभश्च
 नभस्यश्च वार्षिकावृतू इषश्चोर्जश्च शारदावृतू सहश्च सहस्यश्च
 हैमन्तिकावृतू तपश्च तपस्यश्च शैशिरावृतू अग्नेरन्तःश्लेषोऽसि
 कल्पेतां द्यावापृथिवी कल्पन्तामाप ओषधीः कल्पन्तामग्नयः पृथङ्म
 ज्यैष्ठ्याय सव्रताः यैऽग्नयः समनसोऽन्तरा द्यावापृथिवी शैशिरावृतू
 अभि कल्पमाना इन्द्रमिव देवा अभि सं विशन्तु संयच्च प्रचेताश्चाग्नेः
 सोमस्य सूर्यस्यो ग्रा च भीमा च पितॄणां यमस्येन्द्रस्य ध्रुवा च
 पृथिवी च देवस्य सवितुर्मरुतां वरुणस्य धर्त्री च धरित्री च
 मित्रावरुणयोर्मित्रस्य धातुः प्राची च प्रतीची च वसूनां॑
 रुद्राणामादित्यानां ते तेऽधिपतयस्तेभ्यो नमस्ते नो मृडयन्तु ते यं
 द्विष्मो यश्च नो द्वेष्टि तं वो जम्भे दधामि सहस्रस्य प्रमा असि
 सहस्रस्य प्रतिमा असि सहस्रस्य विमा असि सहस्रस्योन्मा असि

साहस्रौऽसि सहस्राय त्वे मा मे अग्र इष्टका धेनवः सन्त्वेका च
 शतं च सहस्रं चायुतं च नियुतं च प्रयुतं चार्बुदं च न्यर्बुदं च
 समुद्रश्च मध्यं चान्तश्च परार्धश्चेमा मे अग्र इष्टका धेनवः सन्तु षष्ठिः
 सहस्रमयुतमक्षीयमाणा ऋतस्थाः स्थर्तावृधौ घृतश्रुतौ मधुश्रुत
 ऊर्जस्वतीः स्वधाविनीस्ता मे अग्र इष्टका धेनवः सन्तु विराजो
 नाम कामदुघा अमुत्रामुष्मिल्लोके ॥११॥

समिद्दिशामाशया नः सुवर्विन्मधोरतो माधवः पात्वस्मान् ।
 अग्निर्देवो दुष्टरीतुरदाभ्य इदं क्षत्रं रक्षतु पात्वस्मान् ॥
 रथंतरं सामभिः पात्वस्मान्गायत्री छन्दसां विश्वरूपा । त्रिवृन्नो
 विष्टया स्तोमो अह्नां समुद्रो वात इदमोजः पिपर्तु ॥
 उग्रा दिशामभिभूतिर्वयोधाः शुचिः शुक्रे अहन्योजसीना ।
 इन्द्राधिपतिः पिपृतादतौ नो महि क्षत्रं विश्वतो धारयेदम् ॥
 बृहत्साम क्षत्रभृद्वृद्धवृष्णिणं त्रिष्टभौजः शुभितमुग्रवीरम् । इन्द्र
 स्तोमेन पञ्चदशेन मध्यमिदं वातेन सगरिण रक्ष ॥
 प्राची दिशां सहयशा यशस्वती विश्वे देवाः प्रावृषाह्नां सुवर्वती
 । इदं क्षत्रं दुष्टरमस्त्वोजोऽनाधृष्टं सहस्त्रियं सहस्वत् ॥
 वैरूपे सामन्निह तच्छकेम जगत्त्यैनं विद्ध्वा वैशयामः । विश्वे
 देवाः सप्तदशेन वर्च इदं क्षत्रं सलिलवातमुग्रम् ॥
 धर्त्री दिशां क्षत्रमिदं दाधारोपस्थाशानाम्मित्रवदस्त्वोजः ।
 मित्रावरुणा शरदाह्नां चिकित्वा अस्मै राष्ट्राय महि शर्म यच्छतम् ॥
 वैराजे सामन्नधि मे मनीषानुष्टुभा सम्भृतं वीर्यं सहः । इदं
 क्षत्रमित्रवदार्द्रदानु मित्रावरुणा रक्षतमाधिपत्यैः ॥
 सम्राड्दिशां सहसाम्नी सहस्वत्यृतुर्हेमन्तो विष्टया नः पिपर्तु ।
 अवस्युवाताः बृहतीर्नु शक्वरीरिमं यज्ञमवन्तु नो घृताचीः ॥
 सुवर्वती सुदुघा नः पर्यस्वती दिशां देव्यवतु नो घृताची । त्वं

गोपाः पुंरुतोत पश्चाद्बृहस्पते याम्यां युङ्गिध्वं वाचम् ॥
 ऊर्ध्वा दिशाँ रन्तिराशौषधीनाँ संवत्सरेण सविता नो अह्वाम् ।
 रेवत्सामातिच्छन्दा उ च्छन्दोजातशत्रुः स्योना नो अस्तु ॥
 स्तोमत्रयस्त्रिँशे भुवनस्य पत्नि विवस्वद्वाते अभि नो गृणाहि ।
 घृतवती सवितुराधिपत्यैः पर्यस्वती रन्तिराशा नो अस्तु ॥
 ध्रुवा दिशां विष्णुपत्न्यघोरास्येशाना सहसो या मनोता ।
 बृहस्पतिर्मातरिश्वोत वायुः संधुवाना वाता अभि नो गृणन्तु ॥
 विष्टम्भो दिवो धरुणः पृथिव्या अस्येशाना जगतो विष्णुपत्नी ।
 विश्वव्यचा इषयन्ती सुभूतिः शिवा नो अस्त्वदितिरुपस्थै ॥
 वैश्वानरो न ऊत्या पृष्ठो दिव्य नु नोऽद्यानुमति रन्विदनुमते त्वं
 कया नश्चित्र आ भुवत्को अद्य युङ्गे ॥१२॥

इति चतुर्थकारण्डे चतुर्थः प्रपाठकः ॥४॥

अथ चतुर्थकारण्डे पञ्चमः प्रपाठकः ५

नमस्ते रुद्र मन्यव उतो त इषवे नमः । नमस्ते अस्तु धन्वने
 बाहुभ्यामुत ते नमः ॥
 या त इषुः शिवतमा शिवम्बभूव ते धनुः । शिवा शरव्या या तव
 तया नो रुद्र मृडय ॥
 या तै रुद्र शिवा तनूरघोरापापकाशिनी । तया नस्तनुवा शतमया
 गिरिशन्ताभि चाकशीहि ॥
 यामिषुं गिरिशन्त हस्ते बिभर्ष्यस्तवे । शिवां गिरित्र तां कुरु मा
 हिँसीः पुरुषं जगत् ॥
 शिवेन वचसा त्वा गिरिशाच्छा वदामसि । यथा नः
 सर्वमिज्जगदयद्धमँ सुमना असत् ॥
 अर्ध्यवोचदधिवक्ता प्रथमो दैव्यो भिषक् । अहीँश्च
 सर्वाञ्जम्भयन्त्सर्वाश्च यातुधान्यः ॥

असौ यस्ताम्रो अरुण उत बभ्रुः सुमङ्गलः । ये चेमाँ रुद्रा अभितो
 दिक्षु श्रिताः सहस्रशोऽवैषाँ हेड ईमहे ॥
 असौ योऽवसर्पति नीलग्रीवो विलोहितः । उतैनं गोपा
 अदृशन्नदृशन्नुदहार्यः । उतैनं विश्वा भूतानि स दृष्टो मृडयाति नः ॥
 नमो अस्तु नीलग्रीवाय सहस्राक्षाय मीडुषे । अथो ये अस्य
 सत्वानोऽहं तेभ्योऽकरं नमः ॥
 प्र मुञ्च धन्वनस्त्वमुभयोरार्तियोज्याम् । याश्च ते हस्त इषवः परा ता
 भगवो वप ॥
 अवतत्य धनुस्त्वँ सहस्राक्ष शतैषुधे । निशीर्य शल्यानाम्मुखा
 शिवो नः सुमना भव ॥
 विज्यं धनुः कपर्दिनो विशल्यो बाणवाँ उत । अनैशन्नस्येषव
 आभुरस्य निषङ्गर्थिः ॥
 या तै हेतिर्मीढुष्टम् हस्तै बभूव ते धनुः ।
 तयास्मान्विश्वतस्त्वमयक्षमया परि भुज ॥
 नमस्ते अस्त्वायुधायानातताय धृष्णवे । उभाभ्यामुत ते नमो
 बाहुभ्यां तव धन्वने ॥
 परि ते धन्वनो हेतिरस्मान्वृणक्तु विश्वतः । अथो य इषुधिस्तवारे
 अस्मन्नि धैहि तम् ॥१॥

नमो हिरण्यबाहवे सेनान्यै दिशां च पतये नमो
 नमो वृक्षेभ्यो हरिकेशेभ्यः पशूनाम्पतये नमो
 नमः सस्मिञ्जराय त्विषीमते पथीनाम्पतये नमो
 नमो बभ्रुशाय विव्याधिनेऽन्नानाम्पतये नमो
 नमो हरिकेशायोपवीतिने पुष्टानाम्पतये नमो
 नमो भवस्य हेत्यै जगताम्पतये नमो
 नमो रुद्रायातताविने क्षेत्राणाम्पतये नमो

नमः॑ सू॒तायाह॑न्त्याय॒ वना॑नाम्प॒तये॒ नमो॑
 नमो॑ रोहि॒ताय॒ स्थ॒प॒तये॒ वृ॒क्षाणा॑म्प॒तये॒ नमो॑
 नमो॑ म॒न्त्रिणै॑ वा॒णिजा॒य क॒क्षाणा॑म्प॒तये॒ नमो॑
 नमो॑ भुव॒न्तये॑ वा॒रिव॒स्कृता॑यौष॒धीना॑म्प॒तये॒ नमो॑
 नम॑ उ॒च्चैर्घो॑षायाक्र॒न्दय॑ते प॒त्तीना॑म्प॒तये॒ नमो॑
 नमः॑ कृ॒त्स्न॒वीता॒य धाव॑ते॒ सत्त्वा॑नाम्प॒तये॒ नमः॑ ॥२॥

नमः॑ स॒हमा॑नाय नि॒व्याधि॑न॒ आव्या॑धिनी॒नाम्प॒तये॒ नमो॑ नमः॑
 ककु॒भाय॑ निष॒ङ्गिणै॑ स्ते॒नाना॑म्प॒तये॒ नमो॑
 नमो॑ निष॒ङ्गिणै॑ इषु॒धिम॑ते॒ तस्करा॑णा॒म्प॒तये॒ नमो॑
 नमो॑ व॒ञ्चते॑ परि॒वञ्च॑ते स्ता॒यूना॑म्प॒तये॒ नमो॑
 नमो॑ नि॒चेर॑वे॒ परि॒च॒राया॑र॒णया॑ना॒म्प॒तये॒ नमो॑
 नमः॑ सृ॒कावि॑भ्यो जिघाँ॒सद्भ्यो॑ मु॒ष्णता॑म्प॒तये॒ नमो॑
 नमो॑ऽसि॒मद्भ्यो॑ न॒क्तं च॑र॒द्भ्यः प्र॑कृ॒न्ताना॑म्प॒तये॒ नमो॑
 नम॑ उ॒ष्णीषि॑णै॒ गिरि॑च॒राय॑ कु॒लुञ्चाना॑म्प॒तये॒ नमो॑
 नम॑ इषु॒मद्भ्यो॑ धन्वा॒विभ्य॑श्च वो॒ नमो॑
 नम॑ आ॒तन्वा॑नेभ्यः प्र॒ति॒द॒धाने॑भ्यश्च वो॒ नमो॑
 नम॑ आ॒यच्छ॑द्भ्यो वि॒सृज॑द्भ्यश्च वो॒ नमो॑
 नमो॑ऽस्य॑द्भ्यो वि॒ध्यद्भ्यश्च वो॒ नमो॑
 नम॑ आ॒सीने॑भ्यः श॒याने॑भ्यश्च वो॒ नमो॑
 नमः॑ स्व॒पद्भ्यो॑ जाग्र॑द्भ्यश्च वो॒ नमो॑
 नम॑ स्ति॒ष्ठद्भ्यो॑ धाव॑द्भ्यश्च वो॒ नमो॑
 नमः॑ स॒भाभ्यः॑ स॒भाप॑तिभ्यश्च वो॒ नमो॑
 नमो॑ अ॒श्वेभ्यो॑ऽश्व॑पतिभ्यश्च वो॒ नमः॑ ॥३॥

नम॑ आव्या॒धिनी॑भ्यो वि॒विध्य॑न्तीभ्यश्च वो॒ नमो॑

नम॒ उ॒र्ग॒णा॒भ्यस्तृ॑ह॒ती॒भ्यश्च॒ वो॒ नमो॑
 नमो॑ गृ॒त्से॒भ्यो गृ॒त्स॒प॒ति॒भ्यश्च॒ वो॒ नमो॑
 नमो॑ ब्रा॒तै॒भ्यो ब्रा॒त॒प॒ति॒भ्यश्च॒ वो॒ नमो॑
 नमो॑ गु॒णे॒भ्यो गु॒ण॒प॒ति॒भ्यश्च॒ वो॒ नमो॑
 नमो॑ वि॒रू॒पे॒भ्यो वि॒श्वरू॒पे॒भ्यश्च॒ वो॒ नमो॑
 नमो॑ म॒ह॒द्भ्यः क्षु॒ल्ल॒के॒भ्यश्च॒ वो॒ नमो॑
 नमो॑ र॒थि॒भ्योऽर॒थे॒भ्यश्च॒ वो॒ नमो॑
 नमो॑ र॒थै॒भ्यो र॒थ॒प॒ति॒भ्यश्च॒ वो॒ नमो॑
 नमः॑ से॒ना॒भ्यः से॒ना॒नि॒भ्यश्च॒ वो॒ नमो॑
 नमः॑ क्ष॒त्तृ॒भ्यः सं॒ग्र॒ही॒तृ॒भ्यश्च॒ वो॒ नमो॑
 नम॒स्तक्ष॑भ्यो र॒थ॒का॒रे॒भ्यश्च॒ वो॒ नमो॑
 नमः॑ कु॒ला॒ले॒भ्यः कु॒मा॒रि॒भ्यश्च॒ वो॒ नमो॑
 नमः॑ पु॒ञ्जि॒ष्टे॒भ्यो नि॒षा॒दे॒भ्यश्च॒ वो॒ नमो॑
 नम॑ इ॒षु॒कृ॒द्भ्यो ध॒न्व॒कृ॒द्भ्यश्च॒ वो॒ नमो॑
 नमो॑ मृ॒ग॒यु॒भ्यः श्व॒नि॒भ्यश्च॒ वो॒ नमो॑
 नमः॑ श्व॒भ्यः श्व॒प॒ति॒भ्यश्च॒ वो॒ नमः॑ ॥४॥

नमो॑ भ॒वाय॑ च रु॒द्राय॑ च
 नमः॑ श॒र्वाय॑ च प॒शु॒प॒तये॑ च
 नमो॑ नी॒ल॒ग्री॒वाय॑ च शि॒ति॒क॒ण्ठाय॑ च
 नमः॑ क॒पर्दि॑नै च व्यु॒प्त॒केशाय॑ च
 नमः॑ स॒ह॒स्रा॒क्षाय॑ च श॒त॒ध॒न्व॒ने च॑
 नमो॑ गि॒रि॒शाय॑ च शि॒पि॒वि॒ष्टाय॑ च
 नमो॑ मी॒ढु॒ष्ट॒माय॑ च॒ षे॒षु॒मते॑ च
 नमो॑ ह्र॒स्वाय॑ च वा॒म॒नाय॑ च
 नमो॑ बृ॒ह॒ते च॑ व॒र्षी॒य॒से च॑

नमो वृद्धाय च संवृध्वने च नमो अग्रियाय च प्रथमाय च
 नम आशवे चाजिराय च
 नमः शीघ्रियाय च शीभ्याय च
 नम ऊर्म्याय चावस्वन्याय च
 नमः स्रोतस्याय च द्वीप्याय च ॥५॥

नमो ज्येष्ठाय च कनिष्ठाय च
 नमः पूर्वजाय चापरजाय च
 नमो मध्यमाय चापगल्भाय च
 नमो जघन्याय च बुध्रियाय च
 नमः सोभ्याय च प्रतिसुर्याय च
 नमो याम्याय च क्षेम्याय च
 नम उर्वर्याय च खल्याय च
 नमः श्लोक्याय चावसान्याय च
 नमो वन्याय च कक्ष्याय च
 नमः श्रवाय च प्रतिश्रवाय च नम आशुषेणाय चाशुरथाय च
 नमः शूराय चावभिन्दते च
 नमो बर्मिणे च वरूथिने च
 नमो बिल्मिने च कवचिने च
 नमः श्रुताय च श्रुतसेनाय च ॥६॥

नमो दुन्दुभ्याय चाहनव्याय च
 नमो धृष्णवे च प्रमृशाय च
 नमो दूताय च प्रहिताय च
 नमो निषङ्गिणे चेषुधिमते च
 नमस्तीक्ष्णेषवे चायुधिने च

नमः स्वायु॒धाय॑ च सु॒धन्व॑ने च
 नमः सु॒त्याय॑ च प॒थ्याय॑ च
 नमः का॒ट्याय॑ च नी॒प्याय॑ च
 नमः सू॒द्याय॑ च सर॒स्याय॑ च
 नमो ना॒द्याय॑ च वैश॒न्ताय॑ च नमः कू॒प्याय॑ चाव॒ट्याय॑ च
 नमो व॒र्ष्याय॑ चाव॒र्ष्याय॑ च
 नमो मे॒घ्याय॑ च वि॒द्युत्या॑य च
 नम ई॒ध्रिया॑य चात॒प्याय॑ च
 नमो वा॒त्याय॑ च रे॒ष्मिया॑य च
 नमो वास्त॒व्याय॑ च वास्तु॒पाय॑ च ॥७॥

नमः सोमा॑य च रु॒द्राय॑ च
 नमस्ता॒म्राय॑ चारु॒णाय॑ च
 नमः श॒ङ्गाय॑ च पशु॒पत॑ये च
 नम उ॒ग्राय॑ च भी॒माय॑ च
 नमो अ॒ग्रेव॒धाय॑ च दू॒रेव॒धाय॑ च
 नमो ह॒न्त्रे च ह॒नीय॑से च
 नमो वृ॒क्षेभ्यो॑ हरि॒केशे॑भ्यो
 नमस्ता॒राय॑
 नमः श॒म्भवे॑ च मयो॒भवे॑ च
 नमः शङ्क॒राय॑ च मयस्क॒राय॑ च
 नमः शि॒वाय॑ च शि॒वत॑राय च नमस्ती॒र्थ्याय॑ च कू॒ल्याय॑ च
 नमः प्रा॒र्याय॑ चावा॒त्याय॑ च
 नमः प्र॒तर॑णाय चो॒त्तर॑णाय च
 नम आ॒ता॒र्याय॑ चाला॒ट्याय॑ च
 नमः श॒ष्याय॑ च फे॒न्याय॑ च

नमः सि॒क॒त्याय च प्र॒वा॒ह्याय च ॥८॥

नम इ॒रि॒ष्याय च प्र॒प॒थ्याय च
 नमः कि॑ँ॒शि॒लाय च क्ष॒य॒णाय च
 नमः क॒प॒र्दि॒ने च पु॒ल॒स्तये च
 नमो गो॒ष्ठ्याय च गृ॒ह्याय च
 नम॒स्त॒ल्प्याय च गे॒ह्याय च
 नमः क्रा॒ट्याय च ग॒ह्व॒रे॒ष्ठाय च
 नमो हृ॒द॒य्याय च नि॒व्रे॒ष्याय च
 नमः पाँ॒स॒व्याय च रज॒स्याय च
 नमः शु॒ष्क्याय च ह॒रि॒त्याय च
 नमो लो॒प्याय चो॒ल॒प्याय च नम ऊ॒र्व्याय च सू॒र्म्याय च
 नमः पु॒र्याय च पर्ण॑श॒द्याय च
 नमोऽप॒गु॒रमा॑णाय चा॒भिघ्न॑ते च
 नम आ॒क्खि॒द॒ते च प्र॒क्खि॒द॒ते च
 नमो वः कि॒रि॒केभ्यो दे॒वानाँ॑ हृ॒दये॑भ्यो
 नमो वि॒क्षी॒णके॑भ्यो
 नमो वि॒चि॒न्व॒त्के॑भ्यो
 नम आ॒नि॒र्ह॒तेभ्यो
 नम आ॒मी॒व॒त्के॑भ्यः ॥९॥

द्रा॒पे अ॒न्ध॒स॒स्प॒ते द॒रि॒द्र॒न्नी॒ल॒लो॒हित । ए॒षाम्पु॒रु॒षा॒णामे॒षाम्प॑शू॒ना॒म्मा
 भे॒र्मा॒रो मो ए॒षां किं च॒ना॒म॒मत् ॥

या ते रु॒द्र शि॒वा त॒नूः शि॒वा वि॒श्वा॒ह॒भे॒षजी । शि॒वा रु॒द्रस्य॑ भे॒षजी
 तया॑ नो मृ॒ड जी॒वसे ॥

इ॒माँ॑ रु॒द्राय॑ त॒वसे॑ क॒प॒र्दि॒ने क्ष॒य॒द्वी॒राय॑ प्र भ॒राम॑हे म॒तिम् । यथा॑

नः शमसदिद्वपदे चतुष्पदे विश्वम्पुष्टं ग्रामे अस्मि ननातुरम् ॥
 मृडा नो रुद्रोत नो मयस्कृधि क्षयद्वीराय नमसा विधेम ते । यच्छं
 च योश्च मनुरायजे पिता तदश्याम् तव रुद्र प्रणीतौ ॥
 मा नो महान्तमुत मा नो अर्भकम्मा न उक्षन्तमुत मा न उक्षितम् ।
 मा नो वधीः पितरम्मोत मातरम्प्रिया मा नस्तनुवौ रुद्र रीरिषः ॥
 मा नस्तोके तनये मा न आयुषि मा नो गोषु मा नो अश्वेषु रीरिषः ।
 वीरान्मा नो रुद्र भामितो वधीर्हविष्मन्तो नमसा विधेम ते ॥
 आरातै गोघ्न उत पूरुषघ्ने क्षयद्वीराय सुम्रमस्मे तै अस्तु । रक्षा च नो
 अधि च देव ब्रूहधा च नः शर्म यच्छ द्विबर्हाः ॥
 स्तुहि श्रुतं गर्तसदं युवानम्मृगं न भीममुपहृत्तुमुग्रम् । मृडा जस्त्रि
 रुद्र स्तवानो अन्यं तै अस्मन्नि वपन्तु सेनाः ॥
 परि णो रुद्रस्य हेतिर्वृणक्तु परि त्वेषस्य दुर्मतिरघायोः । अव स्थिरा
 मघवद्व्यस्तनुष्व मीढ्वस्तोकाय तनयाय मृडय ॥
 मीढुष्टम् शिवतम शिवो नः सुमना भव । परमे वृक्ष आयुधं
 निधाय कृत्तिं वसान आ चर पिना कं बिभ्रदा गहि ॥
 विकिरिद् विलोहित नमस्ते अस्तु भगवः । यास्तै सहस्रं
 हेतयोऽन्यमस्मन्नि वपन्तु ताः ॥
 सहस्राणि सहस्रधा बाहुवोस्तव हेतयः । तासामीशानो भगवः
 पराचीना मुखा कृधि ॥१०॥

सहस्राणि सहस्रो ये रुद्रा अधि भूम्याम् । तेषां सहस्रयोजनेऽव
 धन्वानि तन्मसि ॥

अस्मिन्महत्यर्णवेऽन्तरिक्षे भवा अधि ।
 नीलग्रीवाः शितिकण्ठाः शर्वा अधः क्षमाचराः ॥
 नीलग्रीवाः शितिकण्ठा दिवः रुद्रा उपश्रिताः ।
 ये वृक्षेषु सस्मिञ्जरा नीलग्रीवा विलोहिताः ।

ये भूतानामधिपतयो विशिखासः कपर्दिनः ।
 ये अन्नैषु विविध्यन्ति पात्रेषु पिबतो जनान् ।
 ये पथाम्पथिरक्षय ऐलबृदा यव्युधः ।
 ये तीर्थानि प्रचरन्ति सृकावन्तो निषङ्गिणः ।
 य एतावन्तश्च भूयाँसश्च दिशो रुद्रा वितस्थिरे । तेषाँ
 सहस्रयोजनेऽव धन्वानि तन्मसि ॥
 नमो रुद्रेभ्यो ये पृथिव्यां यैऽन्तरिक्षे ये दिवि येषामन्नं वातो
 वर्षमिषवस्तेभ्यो दश प्राचीर्दश दक्षिणा दश
 प्रतीचीर्दशोदीचीर्दशोर्ध्वास्तेभ्यो नमस्ते नो मृडयन्तु ते यं द्विष्मो
 यश्च नो द्वेष्टि तं वो जम्भे दधामि ॥११॥
 इति चतुर्थकाण्डे पञ्चमः प्रपाठकः ५

४-६

अथ चतुर्थकाण्डे षष्ठः प्रपाठकः ६
 अश्मन्नूर्जम्पर्वते शिश्रियाणां वातैर्पर्जन्ये वरुणस्य शुष्मै । अद्भ्य
 ओषधीभ्यो वनस्पतिभ्योऽधि सम्भृतां तां न इषमूर्जं धत्त मरुतः
 सँरराणाः ॥
 अश्मँस्ते क्षुद्रमुं ते शुर्गच्छतु यं द्विष्मः ॥
 समुद्रस्य त्वावाक्याग्ने परि व्ययामसि । पावको अस्मभ्यँ शिवो
 भव ॥
 हिमस्य त्वा जरायुणाग्ने परि व्ययामसि । पावको अस्मभ्यँ
 शिवो भव ॥
 उप जम्नुप वेतसेऽवत्तरं नदीष्व । अग्ने पित्तमपामसि ॥
 मण्डूकि ताभिरा गहि सेमं नो यज्ञम् । पावकवर्णँ शिवं कृधि
 ॥
 पावक आ चितयन्त्या कृपा । क्षामन्नुरुच उषसो न भानुना ॥

तूर्वन्न यामन्नेतशस्य नू रण आ यो घृणे । न ततृषाणो अजरः ॥
अग्रै पावक रोचिषा मन्द्रया देव जिह्या । आ देवान् । वक्षि
यक्षि च ॥

स नः पावक दीदिवोऽग्रै देवाँ इहावह । उप यज्ञँ हविश्च नः
॥

अपामिदं न्ययनँ समुद्रस्य निवेशनम् । अन्यं तै अस्मत्तपन्तु
हेतयः पावको अस्मभ्यँ शिवो भव ॥
नमस्ते हरसे शोचिषे नमस्ते अस्त्वर्चिषे । अन्यं तै अस्मत्तपन्तु
हेतयः पावको अस्मभ्यँ शिवो भव ॥
नृषदे वडप्सुषदे वड्वनसदे वड्वर्हिषदे वट्सुवर्विदे वट् ॥
ये देवा देवानां यज्ञिया यज्ञियानाँ संवत्सरीणमुप भागमासते ।
अहुतादौ हविषौ यज्ञे अस्मिन्स्वयं जुहुध्वम्मधुनो घृतस्य ॥
ये देवा देवेष्वधि देवत्वमायन्ये ब्रह्मणः पुरातारौ अस्य । येभ्यो
नर्ते पवते धाम किं च न ते दिवो न पृथिव्या अधि स्रुषु ॥
प्राणदा अपानदा व्यानदाश्चक्षुर्दा वर्चोदा वरिवोदाः । अन्यं तै
अस्मत्तपन्तु हेतयः पावको अस्मभ्यँ शिवो भव ॥
अग्निस्तिग्मेन शोचिषा यँसद्विध्वं न्यत्रिणम् । अग्निर्नो वँसते
रयिम् ॥
सैनानीकेन सुविदत्रौ अस्मे यष्टा देवाँ आर्यजिष्ठः स्वस्ति ।
अदब्धो गोपा उत नः परस्पा अग्रै द्युमदुत रेवदिदीहि ॥१॥

य इमा विश्वा भुवनानि जुह्वदृषिर्होता निषसादा पिता नः । स
आशिषा द्रविणमिच्छमानः परमच्छदो वर आ विवेश ॥
विश्वकर्मा मनसा यद्विहाया धाता विधाता परमोत सन्दृक् ।
तेषामिष्टानि समिषा मदन्ति यत्र सप्सर्षीन्पर एकमाहुः ॥
यो नः पिता जनिता यो विधाता यो नः सतो अभ्या सज्जान ।

यो देवानां नामधा एक एव तं सम्प्रश्नम्भुवना यन्त्यन्या ॥
 त आर्यजन्तु द्रविणं समस्मा ऋषयः पूर्वे जरितारो न भूना ।
 असूर्ता सूर्ता रजसो विमाने ये भूतानि समकृणवन्निमानि ॥
 न तं विदाथ य इदं जजानान्यद्युष्माक्रमन्तरम्भवाति । नीहारेण
 प्रावृता जल्प्या चासुतृप उक्थशासश्चरन्ति ॥
 परो दिवा पर एना पृथिव्या परो देवेभिरसुरैर्गुहा यत् । कं
 स्विद्गर्भं प्रथमं दध्र आपो यत्र देवाः समगच्छन्त विश्वे ॥
 तमिद्गर्भम्प्रथमं दध्र आपो यत्र देवाः समगच्छन्त विश्वे । अजस्य
 नाभावध्येकमर्पितं यस्मिन्निदं विश्वम्भुवनमधि श्रितम् ॥
 विश्वकर्मा ह्यजनिष्ट देव आदिद्गन्धर्वो अभवद्द्वितीयः । तृतीयः
 पिता जनिताषधीनामुपां गर्भं व्यदधात्पुरुत्रा ॥
 चक्षुषः पिता मनसा हि धीरौ घृतमैने अजनन्ननमाने । यदेदन्ता
 अददृहन्त पूर्व आदिद्यावापृथिवी अप्रथेताम् ॥
 विश्वतश्चक्षुरुत विश्वतोमुखो विश्वतोहस्त उत विश्वतस्पात् ।
 सम्बाहुभ्यां नमति सम्पतत्रैद्यावापृथिवी जनयन्देव एकः ॥
 किं स्विदासीदधिष्ठानमारम्भणं कतमत्स्वित्किमासीत् । यदी
 भूमिं जनयन्विश्वकर्मा वि द्यामौर्णोन्महिना विश्वचक्षाः ॥
 किं स्विद्वनं क उ स वृक्ष आसीद्यतो द्यावापृथिवी निष्टतक्षुः ।
 मनीषिणो मनसा पृच्छतेदु तद्यदध्यतिष्ठद्भुवनानि धारयन् ॥
 या ते धामानि परमाणि यावमा या मध्यमा विश्वकर्मनुतेमा ।
 शिक्षा सखिभ्यो हविषि स्वधावः स्वयं यजस्व तनुवं जुषाणः ॥
 वाचस्पतिं विश्वकर्माणमूतये मनोयुजं वाजं अद्या हवेम । स नो
 नेदिष्ठा हवनानि जोषते विश्वशम्भूरवसे साधुकर्मा ॥
 विश्वकर्महविषा वावृधानः स्वयं यजस्व तनुवं जुषाणः ।
 मुह्यन्त्वन्ये अभितः सपत्ना इहास्माकम्भवा सूरिरस्तु ॥
 विश्वकर्महविषा वर्धनेन त्रातारमिन्द्रमकृणोरवध्यम् । तस्मै विशः

समनमन्त पुर्वीर्यमुग्रो विहव्यौ यथासत् ॥
 समुद्राय वयुनाय सिन्धूनाम्पतये नमः । नदीनां सर्वासाम्पित्रे
 जुहुता विश्वकर्मणे विश्वाहामर्त्यं हविः ॥२॥

उदेनमुत्तरां नयाग्रे घृतेनाहुत । रायस्पोषेण सः सृज प्रजया च
 धनेन च ॥
 इन्द्रेमम्पतरां कृधि सजातानामसद्वशी । समेनं वर्चसा सृज देवेभ्यो
 भागुधा असत् ॥
 यस्य कुर्मो हविर्गृहे तमग्रे वर्धया त्वम् । तस्मै देवा अधि ब्रवन्नयं
 च ब्रह्मणस्पतिः ॥
 उदु त्वा विश्वे देवा अग्रे भरन्तु चित्तिभिः । स नो भव शिवतमः
 सुप्रतीको विभावंसुः ॥
 पञ्च दिशो दैवीर्यज्ञमवन्तु देवीरुपामतिं दुर्मतिम्बाधमानाः ।
 रायस्पोषे यज्ञपतिमाभजन्तीः ॥
 रायस्पोषे अधि यज्ञो अस्थात्समिद्धे अग्रावधि मामहानः ।
 उक्थपत्त्र ईड्यो गृभीतस्तप्तं घर्मम्परिगृह्यायजन्त ॥
 ऊर्जा यद्यज्ञमशमन्त देवा दैव्याय धर्त्रे जोष्ट्रे । देवश्रीः श्रीमणाः
 शतपयाः परिगृह्य देवा यज्ञमायन् ॥
 सूर्यरश्मिर्हरिकेशः पुरस्तात्सविता ज्योतिरुदयाः अजस्रम् । तस्य
 पूषा प्रसवं याति देवः सम्पश्यन्विश्वा भुवनानि गोपाः ॥
 देवा देवेभ्यो अध्वर्यन्तौ अस्थुर्वीतः शमित्रे शमिता यजध्वै ।
 तुरीयो यज्ञो यत्र हव्यमेति ततः पावका आशिषो नो जुषन्ताम् ॥
 विमान एष दिवो मध्य आस्त आपप्रिवात्रोदसी अन्तरिक्षम् । स
 विश्वाचीरभि चष्टे घृताचीरन्तरा पूर्वमपरं च केतुम् ॥
 उक्षा समुद्रो अरुणः सुपर्णः पूर्वस्य योनिम्पितुरा विवेश । मध्ये
 दिवो निहितः पृश्निरश्मा वि चक्रमे रजसः पात्यन्तौ ॥

इन्द्रं विश्वा अवीवृधन्त्समुद्रव्यचसं गिरः । रथीतमं रथीनां
 वाजानां सत्यतिम्पतिम् ॥
 सुम्रहूर्यज्ञो देवां आ च वक्षद्यक्षदग्निर्देवो देवां आ च वक्षत् ।
 वाजस्य मा प्रसवेनोद्ग्राभेणोदग्रभीत् । अथा सपत्नां इन्द्रो मे
 निग्राभेणाधरां अकः ॥
 उद्ग्राभं च निग्राभं च ब्रह्म देवा अवीवृधन् । अथा सपत्नानिन्द्राग्री
 मे विषूचीनान्व्यस्यताम् ॥३॥

आशुः शिशानो वृषभो न युध्मो घनाघ्नः क्षोभेणश्चर्षणीनाम् ।
 संक्रन्दनोऽनिमिष एकवीरः शतं सेना अजयत्साकमिन्द्रः ॥
 संक्रन्दनेनानिमिषेण जिष्णुना युत्कारेण दुश्च्यवनेन धृष्णुना ।
 तदिन्द्रेण जयत् तत्सहध्वं युधौ नर इषुहस्तेन वृष्णा ॥
 स इषुहस्तैः स निषङ्गिभिर्वशी संस्त्रष्टा स युध इन्द्रो गुणेन ।
 संसृष्टजित्सोमपा बाहुशर्ध्यूर्ध्वधन्वा प्रतिहिताभिरस्ता ॥
 बृहस्पते परि दीया रथेन रक्षोहामित्रां अपबाधमानः ।
 प्रभञ्जन्त्सेनाः प्रमृणो युधा जयन्तस्माकमेध्यविता रथानाम् ॥
 गोत्रभिदं गोविदं वज्रबाहुं जयन्तमज्म प्रमृणन्तमोजसा । इमं
 संजाता अनु वीरयध्वमिन्द्रं सखायोऽनु स रभध्वम् ॥
 बलविज्ञायः स्थविरः प्रवीरः सहस्वान्वाजी सहमान उग्रः ।
 अभिवीरो अभिसत्वा सहोजा जैत्रमिन्द्र रथमा तिष्ठ गोवित् ॥
 अभि गोत्राणि सहसा गाहमानोऽदायो वीरः शतमन्युरिन्द्रः ।
 दुश्च्यवनः पृतनाषाड्युध्योऽस्माकं सेना अवतु प्र युत्सु ॥
 इन्द्र आसां नेता बृहस्पतिर्दक्षिणा यज्ञः पुर एतु सोमः ।
 देवसेनानामभिभञ्जतीनां जयन्तीनाम्मरुतौ यन्त्वग्रै ॥
 इन्द्रस्य वृष्णो वरुणस्य राज्ञ आदित्यानाम्मरुतां शर्ध उग्रम् ।
 महामनसाम्भुवनच्यवानां घोषो देवानां जयतामुदस्थात् ॥

अस्माकमिन्द्रः समृतेषु ध्वजेष्वस्माकं या इषवस्ता जयन्तु ।३। ।
 अस्माकं वीरा उत्तरे भवन्त्वस्मानु देवा अवता हवेषु ॥
 उद्धर्षय मघवन्नायुधान्युत्सत्वनाम्मामकानाम्महांसि ।
 उद्ध्वहन्वाजिनां वार्जिनान्युद्रथानां जयतामेतु घोषः ॥
 उप प्रेत जयता नरः स्थिरा वः सन्तु बाहवः । इन्द्रो वः शर्म
 यच्छत्वनाधृष्या यथासथ ॥
 अवसृष्टा परा पतु शरव्ये ब्रह्मसंशिता । गच्छामित्रान्प्र विश मैषां
 कं चनोच्छिषः ॥
 मर्माणि ते वर्मभिश्छादयामि सोमस्त्वा राजामृतैनाभिऽवस्ताम् ।
 उरोर्वरीयो वरिवस्ते अस्तु जयन्तु त्वामनु मदन्तु देवाः ॥
 यत्र बाणाः सम्पतन्ति कुमारं विशिखा इव । इन्द्रो नस्तत्र वृत्रहा
 विश्वाहा शर्म यच्छतु ॥४॥

प्राचीमनु प्रदिशम्प्रेहि विद्वानग्नेरग्ने पुरोअग्निर्भवेह । विश्वा आशा
 दीद्यानो वि भाह्यूजं नो धेहि द्विपदे चतुष्पदे ॥
 क्रमध्वमग्निना नाकमुख्यं हस्तैषु बिभ्रतः । दिवः पृष्ठं सुवर्गत्वा
 मिश्रा देवेभिराध्वम् ॥
 पृथिव्या अहमुदन्तरिक्षमारुहमन्तरिक्षादिवमारुहम् । दिवो नाकस्य
 पृष्ठात्सुवर्ज्योतिरगामहम् ॥
 सुवर्यन्तो नापैक्षन्त आ द्यां रोहन्ति रोदसी । यज्ञं ये विश्वतौधारं
 सुविद्वांसो वितेनिरे ॥
 अग्ने प्रेहि प्रथमो देवयतां चक्षुर्देवानामुत मर्त्यानाम् । इयक्षमाणा
 भृगुभिः सजोषाः सुवर्यन्तु यजमानाः स्वस्ति ॥
 नक्तोषासा समनसा विरूपे धापयैते शिशुमेकं समीची । द्यावा
 क्षामा रुक्मो अन्तर्वि भाति देवा अग्निं धरियन्द्रविणोदाः ॥
 अग्ने सहस्राक्ष शतमूर्धञ्छतं ते प्राणाः सहस्रमपानाः । त्वं

साहस्रस्य राय ईशिषे तस्मै ते विधेम वाजाय स्वाहा ॥
 सुपर्णोऽसि गुरुत्मान्पृथिव्याः सीद पृष्ठे पृथिव्याः सीद
 भासान्तरिक्षमा पृण ज्योतिषा दिवमुत्तभान तेजसा दिश उह्वं ह ॥
 आजुह्वानः सुप्रतीकः पुरस्तादग्रे स्वां योनिमा सीद साध्या ।
 अस्मिन्सुधस्थे अध्युत्तरस्मिन्विश्वे देवा यजमानश्च सीदत ॥
 प्रेद्धौ अग्रे दीदिहि पुरो नोऽजस्रया सूर्या यविष्ठ । त्वाँ शश्वन्तु
 उप यन्ति वाजाः ॥
 विधेम ते परमे जन्मन्नग्रे विधेम स्तोमैरवरे सुधस्थे ।
 यस्माद्योनेरुदारिथा यजे तम्प्र त्वे हवीँषि जुहुरे समिद्धे ॥
 ताँ सवितुर्वरेण्यस्य चित्रामाहं वृणे सुमतिं विश्वजन्याम् ।
 यामस्य कण्वो अदुहृत्प्रपीनाँ सहस्रधारां पर्यसा महीं गाम् ॥
 सप्त ते अग्रे समिधः सप्त जिह्वाः सप्तर्यः सप्त धाम प्रियाणि । सप्त
 होत्राः सप्तधा त्वा यजन्ति सप्त योनीरा पृणस्वा घृतेन ॥
 ईदृङ्चान्यादृङ् चैतादृङ् च प्रतिदृङ् च मितश्च समितश्च सभराः ।
 शुक्रज्योतिश्च चित्रज्योतिश्च सत्यज्योतिश्च ज्योतिष्माँश्च
 सत्यश्चर्तपाश्चात्यँहाः ॥ ऋतजिच्च सत्यजिच्च सेनजिच्च
 सुषेणश्चान्त्यमित्रश्च दूरेअमित्रश्च गुणः ।
 ऋतश्च सत्यश्च ध्रुवश्च ध्रुणश्च धर्ता च विधर्ता च विधारयः ।
 ईदृक्षास एतादृक्षास ऊ षु णः सदृक्षासः प्रतिसदृक्षास एतन ।
 मितासश्च समितासश्च न ऊतये सभरसो मरुतो यज्ञे अस्मि
 न्निन्द्रं दैवीर्विशौ मरुतोऽनुवर्त्मानो यथेन्द्रं दैवीर्विशौ
 मरुतोऽनुवर्त्मान एवमिमं यजमानं दैवीश्च विशो मानुषीश्चानुवर्त्मानो
 भवन्तु ॥५॥

जीमूतस्येव भवति प्रतीकं यद्वर्मी याति समदामुपस्थे ।
 अनाविद्धया तनुवा जय त्वँ स त्वा वर्मणो महिमा पिपर्तु ॥

धन्व॑ना गा धन्व॑नाजिं जये॑म धन्व॑ना ती॒व्राः सु॒मदो॑ जये॑म । धनुः
 शत्रो॑रप॒कामं॑ कृ॒णोति॑ धन्व॑ना सर्वाः प्र॒दिशो॑ जये॑म ॥
 व॒क्ष्यन्ती॑ वे॒दा ग॑नी॒गन्ति॑ कर्ण॑मि॒प्रय॑ꣳ सखा॑यम्परिष॒स्वजा॑ना ।
 योषै॑व शि॒ङ्गे वि॒तता॑धि धन्व॑न्ज्या इ॒यꣳ स॒मने॑ पार॒यन्ती ॥
 ते आ॒चर॑न्ती स॒मने॑व योषा॑ मा॒तेव॑ पु॒त्रम्बि॑भृतामुपस्थे । अप
 शत्रू॑न्विध्यताꣳ संवि॒दाने॑ आ॒र्त्नी इ॒मे वि॑ष्फुरन्ती॑ अ॒मित्रा॑न् ॥
 ब॒ह्वीना॑म्पिता ब॒हुर॑स्य पु॒त्रश्चि॒श्वा कृ॒णोति॑ स॒मनाव॑गत्य । इ॒षुधिः
 सङ्काः॑ प॒र्तना॑श्च सर्वाः पृ॒ष्ठे नि॒नद्धो॑ जय॒ति प्र॑सूतः ॥
 रथे॑ तिष्ठ॒न्नय॑ति वा॒जिनः॑ पु॒रो यत्र॑यत्र का॒मय॑ते सुषा॒रथिः ।
 अ॒भीशू॑नाम्महि॒मानं॑ पनाय॒तु मनः॑ प॒श्चादनु॑ यच्छन्ति र॒श्मयः॑ ॥
 ती॒व्रान्घोषा॑न्कृणवते वृष॑पा॒णयोऽश्वा॑ रथै॒भिः सह॑ वा॒जय॑न्तः ।
 अ॒वक्रा॑मन्तः प्र॒पदै॑र॒मित्रा॑न्दि॒शन्ति॑ शत्रू॑ꣳर॒नप॑व्ययन्तः ॥
 र॒थवा॑हनꣳ ह॒विर॑स्य॒ नाम॑ यत्रा॒युधं॑ नि॒हित॑मस्य॒ वर्म॑ । तत्रा॑ र॒थमु॑प
 श॒ग्मꣳ स॑दे॒म वि॒श्वाहा॑ व॒यꣳ सु॑म॒नस्य॑मा॒नाः ॥
 स्वा॒दुष॑ꣳस॒दः पि॒तरौ॑ व॒योधाः॑ कृ॒च्छ्रे॒श्रितः॑ श॒क्तीव॑न्तो ग॒भीराः॑ ।
 चि॒त्रसै॑ना इ॒षुब॑ला अ॒मृधाः॑ स॒तोवी॑रा उ॒रवो॑ वा॒तसा॑हाः ॥
 ब्राह्म॑णासः पि॒तरः॑ सो॒म्यासः॑ शि॒वे नो॒ द्यावा॑पृथि॒वी अ॒नेह॑सा ।
 पू॒षा नः॑ पा॒तु दु॒रिता॑दृ॒तावृ॑धो र॒क्षा मा॑कि॒र्नो अ॒घश॑ꣳस ई॒शत॑ ॥
 सु॒पर्णं॑ व॒स्ते मृ॒गो अ॒स्या द॑न्तो गो॒भिः स॒न्नद्धा॑ प॒तति॑ प्र॒सूता॑ । यत्रा॑
 नरः॑ सं च॒ वि च॒ द्रव॑न्ति तत्रा॒स्मभ्य॑मिष॒वः शर्म॑ यꣳसन् ॥
 ऋ॒जीते॑ परि॒ वृ॒ङ्गिध॑ नोऽश्मा॑ भवतु नस्त॒नूः । सोमो॑ अधि॒ ब्रवी॑तु
 नोऽदि॑तिः शर्म॑ यच्छतु ॥
 आ ज॑ङ्घन्ति सान्वै॒षां ज॒घना॑ꣳ उप॑ जिघ्रते । अ॒श्वाज॑नि
 प्रचै॑त॒सोऽश्वा॑न्त॒सुमत्सु॑ चोदय ॥
 अ॒हिरि॑व भो॒गैः पर्ये॑ति ब्रा॒ह्मं ज्या॑या हे॒तिर्म्परि॑बा॒धमा॑नः । ह॒स्तघ्नो॑
 वि॒श्वा व॒युना॑नि वि॒द्वान्पुमा॑न्पुमाꣳस॒म्परि॑ पा॒तु वि॒श्वतः॑ ॥

वनस्पते वीड्वङ्गो हि भूया अस्मत्सखा प्रतरणः सुवीरः । गोभिः
 सन्नद्धो असि वीडयस्वास्थाता तै जयतु जेत्वानि ॥
 दिवः पृथिव्याः पर्योरिज उद्धृतं वनस्पतिभ्यः पर्याभृतं सहः ।
 अपामोज्मानम्परि गोभिरावृतमिन्द्रस्य वज्रं हविषा रथं यज ॥
 इन्द्रस्य वज्रो मरुतामनीकमित्रस्य गर्भो वरुणस्य नाभिः । सेमां नो
 हव्यदातिं जुषाणो देव रथ प्रति हव्या गृभाय ॥
 उपे श्वासय पृथिवीमुत द्याम्पुरुत्रा तै मनुतां विष्टितं जगत् । स
 दुन्दुभे सजूरिन्द्रेण देवैर्दूरादवीयो अपे सेधु शत्रून् ॥
 आ क्रन्दय बलमोजौ न आ धा निष्टनिहि दुरिता बाधमानः । अपे
 प्रोथ दुन्दुभे दुच्छुनां इत इन्द्रस्य मुष्टिरसि वीडयस्व ॥
 आमूरज प्रत्यावर्तयेऽमाः कैतुमहुन्दुभिर्वावदीति । समश्वपर्णाश्चरन्ति
 नो नरो ऽस्माकमिन्द्र रथिनो जयन्तु ॥६॥

यदक्रन्दः प्रथमं जायमान उद्यन्त्समुद्रादुत वा पुरीषात् । श्येनस्य
 पक्षा हरिणस्य बाहू उपस्तुत्यम्महि जातं तै अर्वन् ॥
 यमेन दत्तं त्रित एनमायुनगिन्द्र एणम्प्रथमो अध्यतिष्ठत् । गन्धर्वो
 अस्य रशनामगृष्णात्सूरादश्वं वसवो निरतष्ट ॥
 असि यमो अस्यादित्यो अर्वन्नसि त्रितो गुह्येन वृतेन । असि सोमेन
 समया विपृक्त आहुस्ते त्रीणि दिवि बन्धनानि ॥
 त्रीणि त आहुर्दिवि बन्धनानि त्रीण्यप्सु त्रीण्यन्तः समुद्रे । उतेव मे
 वरुणश्छन्त्स्यर्वन्यत्रा त आहुः परमं जनित्रम् ॥
 इमा तै वाजिन्नवमार्जनानीमा शफानां सनितुर्निधाना । अत्रा ते
 भद्रा रशना अपश्यमृतस्य या अभिरक्षन्ति गोपाः ॥
 आत्मानं ते मनसारादजानामवो दिवा पतयन्तम्पतङ्गम् । शिरो
 अपश्यम्पृथिभिः सुगेभिरेणुभिर्जेहमानम्पतत्रि ॥
 अत्रा ते रूपमुत्तममपश्यं जिगीषमाणमिष आ पदे गोः । यदा ते

म॒तो॒ अनु॒ भो॒ग॒मा॒नु॒डा॒दि॒द्ग॒सि॒ष्ठ॒ ओष॑धीरजीगः ॥
 अनु॑ त्वा॒ रथो॑ अनु॒ म॒र्यो॑ अ॒र्व॒न्न॒नु॒ गा॒वो॒ऽनु॒ भ॒गः॑ क॒नीना॑म् । अनु॒
 ब्रा॒ता॒सु॒स्त॒व॒ सु॒ख्य॒मी॒यु॒रनु॑ दे॒वा म॑मिरे वी॒र्यं॑ ते ॥
 हि॒र॒ण्य॒शृ॒ङ्गो॒ऽयो॑ अस्य॒ पा॒दा म॑नौज॒वा अ॒व॒र॒ इन्द्र॑ आसीत् । दे॒वा
 इ॒द॒स्य॒ ह॒वि॒र॒द्य॑मा॒य॒न्यो अ॒र्व॒न्त॒म्प्र॒थ॒मो अ॒ध्य॒ति॒ष्ठत् ॥
 इ॒र्मा॒न्ता॒सुः॒ सि॒लि॒क॒म॒ध्य॒मा॒सुः॒ स॒ँ शू॒र॒णा॒सो दि॒व्या॒सो अ॒त्याः॑ ।
 ह॒ँसा॑ इ॒व श्रे॒णि॒शो य॑तन्ते॒ यदा॑क्षिषु॒र्दिव्य॑म॒ज्म॒म॒श्वाः॑ ॥
 तव॑ शरी॒र॒म्प॒त॒यि॒ष्ण॒व॒र्व॒न्त॒व॒ चि॒त्तं॑ वा॒त इ॒व ध्र॒जि॑मान् । तव॑
 शृ॒ङ्गा॒णि वि॒ष्टि॑ता पु॒रु॒त्रा॒र॒ण्ये॒षु ज॑र्भुराणा चरन्ति ॥
 उ॒प प्रा॒गा॒च्छ॒स॒नं वा॒ज्य॒वा दे॒व॒द्री॒चा म॑न॒सा दी॒ध्या॒नः॑ । अ॒जः पु॒रो
 नी॒य॒ते ना॒भि॒र॒स्यानु॑ प॒श्चात्क॒व॒यो य॑न्ति रे॒भाः॑ ॥
 उ॒प प्रा॒गा॒त्प॒र॒मं य॒त्स॒ध॒स्थ॒म॒वाँ अ॒च्छा॑ पि॒तर॑म्मा॒तरं॑ च । अ॒द्या
 दे॒वाञ्जु॑ष्ट॒त॒मो हि॒ गु॒म्या अ॒थाशा॑स्ते दा॒शु॒षे वा॒र्या॑णि ॥७॥

मा नो॑ मि॒त्रो व॑रु॒णो अ॒र्य॒मा॒यु॒रिन्द्र॑ ऋ॒भु॒क्षा म॒रुतः॑ प॒रि॒ ख्यन् ।
 यद्वा॒जिनो॑ दे॒व॒जा॒त॒स्य॒ स॒प्तैः प्र॑व॒क्ष्यामो॑ वि॒दथे॑ वी॒र्या॑णि ॥
 यन्नि॒र्णि॒जा रे॒क्णा॒सा प्रा॒वृ॒त॒स्य॒ रा॒तिं गृ॑भी॒ता॒म्मु॒ख॒तो न॑र्यन्ति ।
 सु॒प्रा॒ङ्जो मे॒म्य॒द्वि॒श्व॒रूप॑ इन्द्रा॒पू॒ष्णोः प्रि॒य॒म॒प्येति॑ पा॒थः॑ ॥
 ए॒ष च्छा॒गः पु॒रो अ॒श्वेन॑ वा॒जि॒ना पू॒ष्णो भा॒गो नी॑यते वि॒श्वदै॑व्यः ।
 अ॒भि॒प्रि॒यं य॒त्पु॒रो॒डा॒श॒म॒र्व॒ता त्व॑ष्टे॒दे॒न॒ँ सौ॒श्र॒व॒साय॑ जि॒न्वति॑ ॥
 यद्ध॒वि॒ष्य॒मृ॒तु॒शो दे॒व॒या॒नं त्रि॑र्मा॒नु॒षाः प॑र्य॒श्वं न॑र्यन्ति । अ॒त्रा पू॒ष्णः
 प्र॑थ॒मो भा॒ग ए॒ति य॒ज्ञं दे॒वेभ्यः॑ प्र॒ति॒वे॒द॒य॒न्न॒जः॑ ॥
 हो॒ता॒ध्व॒र्यु॒रा॒व॒या अ॒ग्नि॒मि॒न्धो ग्रा॑व॒ग्रा॒भ उ॒त श॑ँ॒स्ता सु॒वि॒प्रः॑ । तेन॑
 य॒ज्ञेन॑ स्वरं॒कृ॒तेन॑ स्वि॒ष्टेन॑ व॒क्षणा॑ आ पृ॒ण॒ध्वम् ॥
 यू॒प॒व॒स्का उ॒त ये॒ यू॒प॒वा॒हाश्च॑षालं॒ ये अ॑श्व॒यू॒पाय॑ तक्षति । ये चा॒र्व॒ते
 प॑च॒न॒ँ स॒म्भ॒र॒न्त्यु॒तो तेषा॑म॒भि॒गू॒र्ति॒र्न इ॒न्वतु॑ ॥

उप प्रागात्सुमन्मैऽधायि मन्म देवानामाशा उप वीतपृष्ठः । अन्वेनं
विप्रा ऋषयो मदन्ति देवानाम्पुष्टे चकृमा सुबन्धुम् ॥
यद्वाजिनो दामं सुदानमर्वतो या शीर्षणया रशना रजुरस्य । यद्वा
घास्य प्रभृतमास्यै तृणं सर्वा ता ते अपि देवेष्वस्तु ॥
यदश्वस्य क्रविषो मक्षिकाश यद्वा स्वरौ स्वधितौ रिप्तमस्ति ।
यद्धस्तयोः शमितुर्यन्नखेषु सर्वा ता ते अपि देवेष्वस्तु ॥
यदूर्वध्यमुदरस्यापवाति य आमस्य क्रविषो गन्धो अस्ति । सुकृता
तच्छमितारः कृणवन्तु मेधं शृतपाकम्पचन्तु ॥
यत्ते गात्रादग्निना पच्यमानादभि शूलं निहतस्यावधावति । मा
तद्भूम्यामा श्रिषन्मा तृणेषु देवेभ्यस्तदुशङ्घो रातमस्तु ॥८॥

ये वाजिनम्परिपश्यन्ति पक्वं य ईमाहुः सुरभिर्निहरेति । ये चार्वतो
मांसभिर्क्षामुपासत उतो तेषामभिर्गूर्तिर्न इन्वतु ॥
यन्नीक्षणम्मांसपचन्या उखाया या पात्राणि यूष्ण आसेचनानि ।
ऊष्मण्यापिधाना चरूणामङ्गाः सूनाः परि भूषन्त्यश्वम् ॥
निक्रमणं निषदनं विवर्तनं यच्च पड्बीशमर्वतः । यच्च पपौ यच्च
घासिं जघास सर्वा ता ते अपि देवेष्वस्तु ॥
मा त्वाग्निध्वनयिद्धमगन्धिर्मोखा भ्राजन्त्यभि विक्त जघ्निः । इष्टं
वीतमभिर्गूर्तं वर्षट्कृतं तं देवासः प्रति गृभ्णन्त्यश्वम् ॥
यदश्वाय वास उपस्तृणन्त्यधीवासं या हिरण्यान्यस्मै ।
सुदानमर्वन्तम्पड्बीशम्प्रिया देवेष्वा यामयन्ति ॥
यत्ते सादे महसा शूकृतस्य पार्णिषा वा कशया वा तुतोद ।
सुचेव ता हविषो अध्वरेषु सर्वा ता ते ब्रह्मणा सूदयामि ॥
चतुस्त्रिंशद्वाजिनो देवबन्धोर्वङ्क्रीरश्वस्य स्वधितिः समैति ।
अच्छिद्वा गात्रा वयुना कृणोत परुष्परुनुघुष्या वि शस्त ॥
एकस्त्वष्टुरश्वस्या विशस्ता द्वा युन्तारा भवतस्तथर्तुः । या ते

गात्राणामृतुथा कृणोमि ताता पिण्डानाम्प्र जुहोम्यग्नौ ॥
 मा त्वा तपत्प्रिय आत्मापियन्तुम्मा स्वधितिस्तनुव आ तिष्ठिपत्ते ।
 मा ते गृधुरविशस्तातिहाय छिद्रा गात्रायसिना मिथू कः ॥
 न वा उवेतन्मियसे न रिष्यसि देवाँ इदैषि पृथिभिः सुगेभिः ।
 हरी ते युञ्जा पृषती अभूतामुपास्थाद्वाजी धुरि रासंभस्य ॥
 सुगव्यं नो वाजी स्वश्वियम्पुंसः पुत्राँ उत विश्वापुषँ रयिम् ।
 अनागास्त्वं नो अदितिः कृणोतु क्षत्रं नो अश्वौ वनताँ हविष्मान्
 ॥६॥

इति चतुर्थकाण्डे षष्ठः प्रपाठकः ॥६॥

अथ चतुर्थकाण्डे सप्तमः प्रपाठकः ७

अग्नाविष्णू सजोषसेमा वर्धन्तु वां गिरः । द्युमैर्वाजैभिरा गतम् ॥
 वाजश्च मे प्रसवश्च मे प्रयतिश्च मे प्रसितिश्च मे धीतिश्च मे क्रतुश्च मे
 स्वरश्च मे श्लोकश्च मे श्रावश्च मे श्रुतिश्च मे ज्योतिश्च मे सुवश्च मे
 प्राणश्च मेऽपानश्च मे व्यानश्च मेऽसुश्च मे चित्तं च म आधीतं च मे
 वाक्च मे मनश्च मे चक्षुश्च मे श्रोत्रं च मे दक्षश्च मे बलं च म ओजश्च
 मे सहश्च म आयुश्च मे जरा च म आत्मा च मे तनूश्च मे शर्म च मे
 वर्म च मेऽङ्गानि च मेऽस्थानि च मे परूँषि च मे शरीराणि च मे
 ॥१॥

ज्यैष्ठ्यं च म आधिपत्यं च मे मन्युश्च मे भामश्च मेऽमश्च मेऽम्भश्च मे
 जेमा च मे महिमा च मे वरिमा च मे प्रथिमा च मे वर्ष्मा च मे
 द्राघुया च मे वृद्धं च मे वृद्धिश्च मे सत्यं च मे श्रद्धा च मे जगच्च मे
 धनं च मे वशश्च मे त्विषिश्च मे क्रीडा च मे मोदश्च मे जातं च मे
 जनिष्यमाणं च मे सूक्तं च मे सुकृतं च मे वित्तं च मे वेद्यं च मे
 भूतं च मे भविष्यच्च मे सुगं च मे सुपथं च म ऋद्धं च म ऋद्धिश्च

मे क्लृप्तं च मे क्लृप्तिश्च मे मृतिश्च मे सुमृतिश्च मे ।२।

शं च मे मयश्च मे प्रियं च मेऽनुकामश्च मे कामश्च मे सौमनसश्च मे
भद्रं च मे श्रेयश्च मे वस्यश्च मे यशश्च मे भगश्च मे द्रविणं च मे यन्ता
च मे धर्ता च मे क्षेमश्च मे धृतिश्च मे विश्वं च मे महश्च मे संविद्धं मे
ज्ञात्रं च मे सूश्च मे प्रसूश्च मे सीरं च मे लयश्च मे ऋतं च मेऽमृतं च
मेऽयुद्धमं च मेऽनामयश्च मे जीवातुश्च मे दीर्घायुत्वं च मेऽनमित्रं च
मेऽभयं च मे सुगं च मे शयनं च मे सूषा च मे सुदिनं च मे ॥३॥

ऊर्क् च मे सूनृता च मे पयश्च मे रसश्च मे घृतं च मे मधु च मे
सग्धिश्च मे शर्पीतिश्च मे कृषिश्च मे वृष्टिश्च मे जैत्रं च मे औद्भिद्यं च
मे रयिश्च मे रायश्च मे पुष्टं च मे पुष्टिश्च मे विभु च मे प्रभु च मे बहु
च मे भूयश्च मे पूर्णं च मे पूर्णतरं च मेऽक्षितिश्च मे कूर्यवाश्च मेऽन्नं च
मेऽक्षुश्च मे व्रीहयश्च मे यवाश्च मे माषाश्च मे तिलाश्च मे मुद्गाश्च मे
खल्वाश्च मे गोधूमाश्च मे मसुराश्च मे प्रियङ्गवश्च मेऽणवश्च मे
श्यामाकाश्च मे नीवाराश्च मे ॥४॥

अश्मा च मे मृत्तिका च मे गिरयश्च मे पर्वताश्च मे सिकताश्च मे
वनस्पतयश्च मे हिरण्यं च मेऽयश्च मे सीसं च मे त्रपुश्च मे श्यामं च
मे लोहं च मेऽग्निश्च मे आपश्च मे वीरुधश्च मे ओषधयश्च मे कृष्टपच्यं
च मेऽकृष्टपच्यं च मे ग्राम्याश्च मे पशव आरण्याश्च यज्ञेन कल्पन्तां
वित्तं च मे वित्तिश्च मे भूतं च मे भूतिश्च मे वसु च मे वसुतिश्च मे
कर्म च मे शक्तिश्च मेऽर्थश्च मे एमश्च मे इतिश्च मे गतिश्च मे ॥५॥

अग्निश्च मे इन्द्रश्च मे
सोमश्च मे इन्द्रश्च मे

स॒वि॒ता च॑ म॒ इन्द्र॑श्च मे
 सर॑स्वती च म॒ इन्द्र॑श्च मे
 पू॒षा च॑ म॒ इन्द्र॑श्च मे
 बृ॒ह॒स्पति॑श्च म॒ इन्द्र॑श्च मे
 मि॒त्रश्च॑ म॒ इन्द्र॑श्च मे
 वरु॑णश्च म॒ इन्द्र॑श्च मे
 त्व॒ष्टा च॑ म॒ इन्द्र॑श्च मे
 धा॒ता च॑ म॒ इन्द्र॑श्च मे
 वि॒ष्णुश्च॑ म॒ इन्द्र॑श्च मेऽश्वि॒नौ च॑ म॒ इन्द्र॑श्च मे
 म॒रुत॑श्च म॒ इन्द्र॑श्च मे
 वि॒श्वे च॑ मे दे॒वा इन्द्र॑श्च मे
 पृ॒थि॒वी च॑ म॒ इन्द्र॑श्च मेऽन्तरि॑क्षं च म॒ इन्द्र॑श्च मे
 द्यौश्च॑ म॒ इन्द्र॑श्च मे
 दि॒शश्च॑ म॒ इन्द्र॑श्च मे
 मूर्धा॑ च॑ म॒ इन्द्र॑श्च मे
 प्र॒जाप॑तिश्च म॒ इन्द्र॑श्च मे ॥६॥

अ॒॒शुश्च॑ मे र॒श्मिश्च॑ मेऽदा॑भ्यश्च मेऽधि॑पतिश्च म उ॒पा॒शुश्च॑
 मेऽन्तर्या॑मश्च म ऐन्द्र॑वाय॒वश्च॑ मे मै॒त्रावरु॑णश्च म आ॒श्विन॑श्च मे
 प्र॒तिप्र॑स्था॒नश्च॑ मे शु॒क्रश्च॑ मे म॒न्थी च॑ म आ॒ग्रय॑णश्च मे वै॒श्वदे॒वश्च॑ मे
 ध्रु॒वश्च॑ मे वै॒श्वान॑रश्च म ऋ॒तुग्र॑हाश्च मेऽति॒ग्राह्या॑श्च म ऐन्द्रा॑ग्रश्च मे
 वै॒श्वदे॒वश्च॑ मे मरु॒त्वती॑याश्च मे मा॒हेन्द्र॑श्च म आ॒दि॒त्यश्च॑ मे सा॒वि॒त्रश्च॑ मे
 सा॒रस्व॑तश्च मे पौ॒ष्णश्च॑ मे पा॒त्नीव॑तश्च मे हा॒रि॒योज॑नश्च मे ॥७॥

इ॒ध्मश्च॑ मे ब॒र्हिश्च॑ मे वे॒दिश्च॑ मे धि॒ष्णि॒याश्च॑ मे स्रु॒चश्च॑ मे च॒म॒साश्च॑ मे
 ग्रा॒वा॒णश्च॑ मे स्वर॑वश्च म उ॒पर॑वाश्च मेऽधि॒षव॑णे च मे द्रो॒णक॑ल्शश्च

मे वा॒य॒व्या॒नि च मे पू॒त॒भृ॒च्च म आ॒ध॒व॒नी॒यश्च म आ॒ग्नी॒ध्रं च मे
ह॒वि॒र्धा॒नं च मे गृ॒हाश्च मे स॒दश्च मे पु॒रो॒डा॒शाश्च मे प॒च॒ताश्च
मेऽव॒भृ॒थश्च मे स्व॒गा॒का॒रश्च मे ॥८॥

अ॒ग्निश्च मे घ॒र्मश्च मेऽर्कश्च मे सू॒र्यश्च मे प्रा॒णश्च मेऽश्व॒मे॒धश्च मे पृ॒थि॒वी
च मेऽदि॒तिश्च मे दि॒तिश्च मे द्यौश्च मे श॒क्व॒री॒र॒ङ्गु॒ल॒यो दि॒शश्च मे य॒ज्ञेन
क॒ल्प॒न्ता॒मृ॒क्च मे सा॒म च मे स्तो॒मश्च मे य॒जुश्च मे दी॒क्षा च मे त॒पश्च
म ऋ॒तुश्च मे व॒तं च मेऽहो॒रा॒त्रयो॒र्वृ॒ष्ट्या बृ॒ह॒द्र॒थ॒न्त॒रे च मे य॒ज्ञेन
क॒ल्पे॒ताम् ॥९॥

ग॒र्भाश्च मे वृ॒त्साश्च मे
त्र्य॒वि॒श्च मे त्र्य॒वी च मे
दि॒त्य॒वा॒ट्च मे दि॒त्यौ॒ही च मे
प॒ञ्चा॒वि॒श्च मे प॒ञ्चा॒वी च मे
त्रि॒वृ॒त्सश्च मे त्रि॒वृ॒त्सा च मे
तु॒र्य॒वा॒ट्च मे तु॒र्यौ॒ही च मे
प॒ष्ट॒वा॒च्च मे प॒ष्टौ॒ही च म
उ॒क्षा च मे वृ॒शा च म
ऋ॒ष॒भश्च मे वे॒ह॒च्च मेऽन॒ड्वा॒च्च मे धे॒नुश्च म
आ॒यु॒र्य॒ज्ञेन क॒ल्प॒तां
प्रा॒णो य॒ज्ञेन क॒ल्प॒ताम॒पानो य॒ज्ञेन क॒ल्प॒तां
व्या॒नो य॒ज्ञेन क॒ल्प॒तां
च॒क्षु॒र्य॒ज्ञेन क॒ल्प॒तां
श्रो॒त्रं य॒ज्ञेन क॒ल्प॒तां
म॒नो य॒ज्ञेन क॒ल्प॒तां
वा॒ग्य॒ज्ञेन क॒ल्प॒तामा॒त्मा य॒ज्ञेन क॒ल्प॒तां

य॒ज्ञो य॒ज्ञेन॑ कल्पताम् ॥१०॥

एका॑ च मे तिस्रश्च॑ मे पञ्च॑ च मे सप्त॑ च मे नव॑ च म॒ एका॑दश च मे
 त्रयो॑दश च मे पञ्चदश॑ च मे सप्तदश॑ च मे नवदश॑ च म॒
 एक॑विंशतिश्च मे त्रयो॑विंशतिश्च मे पञ्च॑विंशतिश्च मे
 सप्त॑विंशतिश्च मे नव॑विंशतिश्च म॒ एक॑त्रिंशच्च मे त्रय॑स्त्रिंशच्च
 मे
 चत॑स्रश्च मेऽष्टौ॑ च मे द्वाद॑श च मे षोड॑श च मे विं॑शतिश्च मे
 चतु॑र्विंशतिश्च मेऽष्टा॑विंशतिश्च मे द्वात्रि॑ंशच्च मे षट्त्रि॑ंशच्च मे
 चत्वारि॑ंशच्च मे चतु॑श्चत्वारिंशच्च मेऽष्टा॑चत्वारिंशच्च मे
 वाज॑श्च प्रस॒वश्चा॑पिजश्च॒ क्रतु॑श्च सु॒र्वश्च॑ मूर्धा॒ च॒
 व्य॒श्नि॒यश्चान्त्या॑य॒नश्चान्त्य॑श्च भौ॒व॒नश्च॑ भु॒व॒नश्चाधि॑पतिश्च ॥११॥

वाजो॑ नः सप्त॑ प्रदि॒शश्चत॑स्रो वा परा॒वतः॑ । वाजो॑ नो
 विश्वै॑र्दे॒वैर्धन॑सातावि॒हाव॑तु ॥
 विश्वे॑ अ॒द्य म॒रुतो॑ विश्वे॑ ऊ॒ती विश्वे॑ भवन्त्व॒ग्नयः॑ समि॒द्धाः । विश्वे॑
 नो दे॒वा अव॑सागमन्तु विश्व॑मस्तु द्रवि॑णं वाजो॑ अ॒स्मे ॥
 वाज॑स्य प्रस॒वं दे॒वा रथै॑र्याता हि॒र॒ण्यथैः॑ । अ॒ग्निरिन्द्रो॑
 बृ॒हस्पति॑र्म॒रुतः॑ सोम॑पीतये ॥
 वाजै॑वाजेऽवत वाजिनो॑ नो धने॑षु वि॒प्रा अ॒मृता ऋ॑तज्ञाः । अस्य॑
 मध्वः॑ पिबत मा॒दय॑ध्वं तृ॒प्ता या॑त प॒थिभि॑र्दे॒व्यानैः॑ ॥
 वाजः॑ पु॒रस्ता॑दुत म॒ध्यतो॑ नो वाजो॑ दे॒वा ऋ॑तुभिः कल्पयाति ।
 वाज॑स्य हि प्र॒स॒वो नन्न॑मीति विश्वा॒ आशा॑ वाज॑पतिर्भवेयम् ॥
 पयः॑ पृथि॒व्याम्य॑ ओष॒धीषु॑ पयो॑ दि॒व्यन्तरि॑द्धे पयो॑ धाम् ।
 पय॑स्वतीः प्र॒दिशः॑ सन्तु म॒ह्यम् ॥
 सम्मा॑ सृजामि पय॑सा घृ॒तेन॑ सम्मा॑ सृजाम्य॒प ओष॑धीभिः । सोऽहं॑

वाजं सनेयमग्रे ॥

नक्तोषासा समनसा विरूपे धापयैते शिशुमेकं समीची । द्यावा
क्षामा रुक्मो अन्तर्वि भाति देवा अग्निं धरियन्द्रविणोदाः ॥
समुद्रोऽसि नभस्वानार्द्रदानुः शम्भूर्मयोभूरभि मा वाहि स्वाहा
मारुतोऽसि मरुतां गणः शम्भूर्मयोभूरभि मा वाहि स्वाहावस्युरसि
दुर्वस्वाञ्छम्भूर्मयोभूरभि मा वाहि स्वाहा ॥१२॥

अग्निं युनज्मि शर्वसा घृतेन दिव्यं सुपर्णं वयसा बृहन्तम् । तेन
वयम्पतेम ब्रध्नस्य विष्टपं सुवो रुहाणा अधि नार्क उत्तमे ॥
इमौ तै पक्षावजरौ पतत्रिणो याभ्यां रक्षांस्यपहंस्यग्रे ।
ताभ्याम्पतेम सुकृतां लोके यत्रर्षयः प्रथमजा ये पुराणाः ॥
चिदसि समुद्रयो निरिन्दुर्दक्षः श्येन ऋतावा । हिरण्यपक्षः शकुनो
भुरण्युर्महान्तस्सधस्थे ध्रुवः आ निषत्तः ॥
नमस्ते अस्तु मा मा हिंसीर्विश्वस्य मूर्धन्नधि तिष्ठसि श्रितः ।
समुद्रे ते हृदयमन्तरायुर्द्यावापृथिवी भुवनेष्वर्पिते ॥
उदनो दत्तोदधिभिन्त दिवः पर्जन्यादन्तरिक्षात्पृथिव्यास्ततो नो
वृष्ट्यावत । दिवो मूर्धासि पृथिव्या नाभिरूर्गपामोषधीनाम् ।
विश्वायुः शर्म सप्रथा नमस्पथे ॥
येनर्षयस्तपसा सत्रमासतेन्धाना अग्निं सुवराभरन्तः । तस्मिन्नहं
नि दधे नार्कं अग्निमेतं यमाहुर्मनवः स्तीर्णबर्हिषम् ॥
तम्पत्नीभिरनु गच्छेम देवाः पुत्रैर्भ्रातृभिरुत वा हिरण्यैः । नार्कं
गृह्णानाः सुकृतस्य लोके तृतीयं पृष्ठे अधि रोचने दिवः ॥
आ वाचो मध्यमरुहद्भुरण्युरयमग्निः सत्पतिश्चेकितानः । पृष्ठे
पृथिव्या निहितो दविद्युतदधस्पदं कृणुते ये पृतन्यवः ॥
अयमग्निर्वीरतमो वयोधाः संहस्त्रियौ दीप्यतामप्रयुच्छन् ।
विभ्राजमानः सरिरस्य मध्य उप प्र यात दिव्यानि धाम ॥

सम्प्र च्यवध्वमनु सम्प्र याताग्रे पथो देवयानान्कृणुध्वम् ।
 अस्मिन्सधस्थे अध्येतरस्मिन्विश्वे देवा यजमानश्च सीदत ॥
 येना सहस्रं वहसि येनाग्रे सर्ववेदसम् । तेनेमं यज्ञं नो वह
 देवयानो य उत्तमः ॥

उद्ध्व्यस्वाग्ने प्रति जागृह्येनमिष्टापूर्ते सꣳ सृजेथामयं च । पुनः
 कृणवꣳस्त्वा पितरं युवानमन्वातोꣳसीत्वयि तन्तुमेतम् ॥
 अयं ते योनिर्ऋत्वियो यतो जातो अरोचथाः । तं जानन्नग्र आ
 रोहाथा नो वर्धया रुयिम् ॥१३॥

ममाग्रे वर्चो विहवेष्वस्तु वयं त्वेन्धानास्तनुवम्पुषेम । मह्यं
 नमन्ताम्रदिशश्चतस्त्रस्त्वयाध्यक्षेण पृतना जयेम ॥
 मम देवा विहवे सन्तु सर्व इन्द्रावन्तो मरुतो विष्णुरग्निः ।
 ममान्तरिक्षमुरु गोपमस्तु मह्यं वातः पवतां कामे अस्मिन् ॥
 मयि देवा द्रविणमा यजन्ताम्मय्याशीरस्तु मयि देवहूतिः । दैव्या
 होतारा वनिषन्तु पूर्वैरिष्टाः स्याम तनुवा सुवीराः ॥
 मह्यं यजन्तु मम यानि हव्याकूतिः सत्या मनसो मे अस्तु । एनो
 मा नि गां कतमच्चनाहं विश्वे देवासो अधि वोचता मे ॥
 देवीः षडुर्वीरुरु णः कृणोत विश्वे देवास इह वीरयध्वम् । मा
 हास्महि प्रजया मा तनूभिर्मा रंधाम द्विषते सौम राजन् ॥
 अग्निर्मन्युमप्रतिनुदन्पुरस्ताददब्धो गोपाः परि पाहि नस्त्वम् । प्रत्यञ्चो
 यन्तु निगुतः पुनर्स्तेऽमैषां चित्तम्प्रबुधा वि नैशत् ॥
 धाता धातृणाम्भुवनस्य यस्पतिर्देवꣳ सवितारमभिमातिषाहम् । इमं
 यज्ञमश्विनोभा बृहस्पतिर्देवाः पान्तु यजमानं न्यर्थात् ॥
 उरुव्यचा नो महिषः शर्म यꣳसदस्मिन्हवे पुरुहूतः पुरुक्षु । स नः
 प्रजायै हर्यश्च मृदयेन्द्र मा नो रीरिषो मा परा दाः ॥
 ये नः सपत्ना अप ते भवन्त्विन्द्राग्निभ्यामव बाधामहे तान् । वसवो

रुद्रा अ॒दि॒त्या उ॒परि॒स्पृश॑म्मो॒ग्रं चे॒त्ता॒रम॒धिरा॒जम॑क्रन् ॥
 अ॒र्वाञ्च॒मिन्द्र॑मु॒मुतो॑ हवामहे यो गो॒जिद्ध॑न॒जिद॑श्च॒जिद्यः । इ॒मं नो॑ य॒ज्ञं
 वि॒ह॒वे जु॑षस्वा॒स्य कु॑र्मो ह॒रिवो॑ मे॒दिनं॑ त्वा ॥१४॥

अ॒ग्नेर्म॑न्वे प्रथ॒मस्य॑ प्रचै॒तसो॑ यम्पाञ्च॒जन्य॑म्ब॒हवः॑ स॒मिन्ध॑ते ।
 वि॒श्वस्यां॑ वि॒शि प्र॑वि॒विशि॒वाँ॑ संमीमहे स नो॑ मुञ्च॒त्वँ॑ह॒सः ॥
 यस्ये॒दम्प्रा॒णन्नि॒मिष॑द्यदे॒र्जति॑ यस्य॒ जा॒तं ज॒न॒मा॒नं च॒ के॒वल॑म् ।
 स्तौ॒म्यग्निं॑ ना॒थितो॑ जो॒हवी॑मि॒ स नो॑ मुञ्च॒त्वँ॑ह॒सः ॥
 इन्द्र॑स्य म॒न्ये प्रथ॑मस्य॒ प्रचै॒तसो॑ वृ॒त्रघ्नः॑ स्तो॒मा उप॑ मा॒मुपा॑गुः । यो
 दा॒शुषः॑ सु॒कृतो॑ हव॒मुप॑ गन्ता॒ स नो॑ मुञ्च॒त्वँ॑ह॒सः ॥
 यः सं॒ग्रामं॑ न॒यति॑ सं व॒शी यु॒धे यः पु॒ष्टानि॑ सँ॒सृज॑ति त्र॒याणि॑ ।
 स्तौ॒मीन्द्रं॑ ना॒थितो॑ जो॒हवी॑मि॒ स नो॑ मुञ्च॒त्वँ॑ह॒सः ॥
 म॒न्वे वा॑मि॒त्रावरु॑णा॒ तस्य॑ वि॒त्तँ॑ स॒त्यौज॑सा दृ॒हणा॑ यं नु॒देथे॑ ।
 या रा॒जा॒नँ॑ स॒रथं॑ या॒थ उ॒ग्रा ता॑ नो॑ मुञ्च॒त॒मा॒ग॒सः ॥
 यो वाँ॑ रथं ऋ॒जुर॑श्मिः स॒त्यध॑र्मा॒ मिथु॑श्चर॒न्तमु॑प॒याति॑ दू॒षय॑न् ।
 स्तौ॒मि मि॒त्रावरु॑णा॒ नाथि॑तो जो॒हवी॑मि॒ तौ नो॑ मुञ्च॒त॒मा॒ग॒सः ॥
 वा॒योः सं॒वि॒तुर्वि॒दथा॑नि म॒न्महे॑ यावा॒त्मन्व॑द्विभृ॒तो यौ च॒ रक्ष॑तः ।
 यौ वि॒श्वस्य॑ परि॒भू ब॑भूवतु॒स्तौ नो॑ मुञ्च॒त॒मा॒ग॒सः ॥
 उप॑ श्रे॒ष्ठा न आ॒शिषो॑ दे॒वयो॒र्धमे॑ अ॒स्थिर॑न् । स्तौ॒मि वा॒युँ॑
 सं॒वि॒तारं॑ ना॒थितो॑ जो॒हवी॑मि॒ तौ नो॑ मुञ्च॒त॒मा॒ग॒सः ॥
 र॒थी॒त॒मौ र॒थी॒नाम॑ह ऊ॒तये॑ शु॒भं ग॑मि॒ष्ठौ सु॒यमे॑भि॒रश्वैः॑ । ययो॑र्वा
 दे॒वौ दे॒वेष्व॑नि॒शित॑मो॒ज॒स्तौ नो॑ मुञ्च॒त॒मा॒ग॒सः ॥
 यद॒या॒तं व॒ह॒तुँ॑ सू॒र्याया॑स्त्रि॒च॒क्रेण॑ सँ॒सद॑मि॒च्छमा॑नौ । स्तौ॒मि
 दे॒वाव॑शि॒नौ ना॒थितो॑ जो॒हवी॑मि॒ तौ नो॑ मुञ्च॒त॒मा॒ग॒सः ॥
 म॒रुता॑म्म॒न्वे अ॒धि नो॑ ब्रुवन्तु प्रे॒मां वा॒चं वि॒श्वाम॑वन्तु वि॒श्वे ।
 आ॒शून्हु॑वे सु॒यमा॑नू॒तये॑ ते नो॑ मुञ्च॒न्त्वे॒न॒सः ॥

तिग्ममायुधं वीडितं सहस्वद्विव्यं शर्धः पृतनासु जिष्णु ।
 स्तौमि देवान्मरुतौ नाथितो जौहवीमि ते नो मुञ्चन्त्वेनसः ॥
 देवानाम्मन्वे अधि नो ब्रुवन्तु प्रेमां वाचं विश्वामवन्तु विश्वे ।
 आशून्हुवे सुयमानूतये ते नो मुञ्चन्त्वेनसः ॥
 यदिदम्माभिश्चोचति पौरुषेयेण दैव्येन । स्तौमि विश्वान्देवान्नाथितो
 जौहवीमि ते नो मुञ्चन्त्वेनसः ॥
 अनु नोऽद्यानुमति रन्विदनुमते त्वं
 वैश्वानरो न ऊत्या
 पृष्टो दिवि
 ये अप्रथेताममितेभिरोजौभिर्ये प्रतिष्ठे अभवतां वसूनाम् । स्तौमि
 द्यावापृथिवी नाथितो जौहवीमि ते नो मुञ्चतमंहसः ॥
 उर्वी रोदसी वरिवः कृणोतं क्षेत्रस्य पत्नी अधि नो ब्रूयातम् ।
 स्तौमि द्यावापृथिवी नाथितो जौहवीमि ते नो मुञ्चतमंहसः ॥
 यत्तै वयम्पुरुषत्रा यविष्ठाविद्वांसश्चकृमा कञ्चुनागः । कृधी
 स्वस्मा अदितेरनागा व्येनांसि शिश्रथो विष्वगग्रे ॥
 यथा ह तद्वसवो गौर्यं चित्पदि षिताममुञ्चता यजत्राः । एवा
 त्वमस्मत्प्र मुञ्चा व्यंहः प्रातार्यग्रे प्रतरां न आयुः ॥१५॥

इति चतुर्थकारण्डे सप्तमः प्रपाठकः ७

इति चतुर्थं कारण्डं सम्पूर्णम् ४

पञ्चमं काण्डम्

अथ प्रथमः प्रपाठकः १

सावित्राणि जुहोति
 प्रसूत्यै
 चतुर्गृहीतेन जुहोति
 चतुष्पादः पशवः
 पशूनेवाव रुन्धे
 चतस्रो दिशौ
 दिक्ष्वैव प्रति तिष्ठति
 छन्दाँसि देवेभ्योऽपाक्रामन्न वोऽभागानि हव्यं वक्ष्याम इति
 तेभ्य एतच्चतुर्गृहीतमधारयन्पुरोऽनुवाक्यायै याज्यायै देवतायै
 वषट्काराय
 यच्चतुर्गृहीतं जुहोति छन्दाँस्येव तत्प्रीणाति
 तान्यस्य प्रीतानि देवेभ्यो हव्यं वहन्ति
 यं कामयैत पापीयान्त्स्यादित्येकैकं तस्य जुहुयादाहुतीभिरेवैनमप
 गृह्णाति पापीयान्भवति यं कामयैत
 वसीयान्त्स्यादिति सर्वाणि तस्यानुद्भूत्य जुहुयादाहुत्यैवैनमभि
 क्रमयति वसीयान्भवत्यथो यज्ञस्यैवैषाभिक्रान्ति-
 रेति वा एष यज्ञमुखादृद्ध्या योऽग्नेर्देवताया एत्यष्टावेतानि
 सावित्राणि भवन्त्यष्टाक्षरा गायत्री
 गायत्रौऽग्निस्तेनैव यज्ञमुखादृद्ध्या अग्नेर्देवतायै नैत्यष्टौ सावित्राणि
 भवन्त्याहुतिर्नवमी
 त्रिवृतमेव यज्ञमुखे वि यातयति
 यदि कामयैत छन्दाँसि यज्ञयशसेनार्पयेयमित्यृचमन्तमां
 कुर्याच्छन्दाँस्येव यज्ञयशसेनार्पयति
 यदि कामयैत

यजमानं यज्ञयशसेनार्पयेयमिति यजुरन्तमं कुर्याद्यजमानमेव
 यज्ञयशसेनार्पयत्यृचा स्तोमं समर्धयेत्याहु समृद्धयै
 चतुर्भिरभिमा दत्ते
 चत्वारि च्छन्दांसि च्छन्दोभिरेव
 देवस्य त्वा सवितुः प्रसव इत्याहु
 प्रसूत्या अग्निर्देवेभ्यो निलायत
 स वेणुम्प्राविशत्स एतामूतिमनु समचरद्यद्वेणोः
 सुषिरं सुषिराभिर्भवति सयोनित्वाय
 स यत्रयत्रावसुत्तत्कृष्णमभवत्कल्माषी भवति रूपसमृद्ध्या
 उभयतः क्षणूभवतीतश्चामुतश्चार्कस्यावरुद्धयै
 व्याममात्री भवत्येतावद्वै पुरुषे वीर्यं
 वीर्यसम्मितापरिमिता भवत्यपरिमितस्यावरुद्धयै
 यो वनस्पतीनाम्फलग्रहिः स एषां वीर्यावान्फलग्रहिर्वेणुर्वेणुवी
 भवति वीर्यस्यावरुद्धयै ॥१॥

व्यृद्धं वा एतद्यज्ञस्य यदयजुष्केण क्रियत
 इमामगृह्णात्रशनामृतस्येत्यश्वाभिधानीमा दत्ते
 यजुष्कृत्यै यज्ञस्य समृद्धयै
 प्रतूर्तं वाजिन्ना द्रुवेत्यश्वमभि दधाति
 रूपमेवास्यैतन्महिमानं व्याचष्टे
 युञ्जाथां रासभं युवमिति गर्दभमसत्येव गर्दभम्प्रति ष्ठापयति
 तस्मादश्वाद्गर्दभोऽसत्तरो
 योगैयोगे तवस्तरमित्याहु योगैयोग एवैनं युङ्क्ते
 वाजैवाजे हवामह इत्याहान्नं वै वाजोऽन्नमेवाव रुन्धे
 सखाय इन्द्रमूतय इत्याहेन्द्रियमेवाव रुन्धेऽग्निर्देवेभ्यो निलायत
 तम्प्रजापतिरन्वविन्दत्प्राजापत्योऽश्वोऽश्वेन सम्भरत्यनुवित्यै

पापवस्यसं वा एतत्क्रियते यच्छ्रेयसा च पापीयसा च समानं कर्म
कुर्वन्ति

पापीयान्द्व्यश्वाद्गर्भोऽश्वम्पूर्वं नयन्ति पापवस्यसस्य व्यावृत्त्यै
तस्माच्छ्रेयांसं पापीयान्पश्चादन्वेति

बहुर्वै भवतो भ्रातृव्यो

भवतीव खलु वा एष योऽग्निं चिनुते

वज्रयश्वः

प्रतूर्वन्नेह्यवक्रामन्नशस्तीरित्याह

वज्रैणैव पाप्मानम्भ्रातृव्यमव क्रामति

रुद्रस्य गाणपत्यादित्याह

रौद्रा वै पशवो रुद्रादेव पशून्निर्याच्यात्मने कर्म कुरुते

पूष्णा सयुजा सहेत्याह

पूषा वा अध्वनां सन्नेता

समष्ट्यै

पुरीषायतनो वा एष यदग्निरङ्गिरसो वा एतमग्रे देवतानां

समभरन्पृथिव्याः सधस्थादग्निम्पुरीष्यमङ्गिरस्वदच्छेहीत्याह

सायतनमेवैनं देवताभिः सम्भरत्यग्निम्पुरीष्यमङ्गिरस्वदच्छैम्

इत्याह

येन सङ्गच्छते वाजमेवास्य वृद्धे

प्रजापतये प्रतिप्रोच्याग्निः सम्भृत्य इत्याहुरियं वै प्रजापतिस्तस्या

एतच्छ्रोत्रं यद्वल्मीकोऽग्निम्पुरीष्यमङ्गिरस्वद्वरिष्याम् इति

वल्मीकवपामुप तिष्ठते

साक्षादेव प्रजापतये प्रतिप्रोच्याग्निं

सम्भरत्यग्निम्पुरीष्यमङ्गिरस्वद्वराम् इत्याह

येन सङ्गच्छते वाजमेवास्य

वृद्धेऽन्वग्निरुषसामग्रमख्यदित्याहानुख्यात्या आगत्य वाज्यध्वन

आक्रम्य वाजिन्पृथिवीमित्याहेच्छत्येवैनम्पूर्वया विन्दत्युत्तरया
 द्वाभ्यामा क्रमयति
 प्रतिष्ठित्या अनुरूपाभ्यां तस्मादनुरूपाः पशवः प्र जायन्ते द्यौस्ते
 पृष्ठम्पृथिवी सुधस्थमित्याहेभ्यो वा एतं लोकेभ्यः प्रजापतिः
 समैरयद्रूपमेवास्यैतन्महिमानं व्याचष्टे
 वृज्री वा एष यदश्वौ
 दद्भिरन्यतौदद्भ्यो भूयाँल्लोमभिरुभयादद्भ्यो
 यं द्विष्यात्तमधस्पदं ध्यायेद्वज्रैर्गैवैनं स्तृणुते ॥२॥

उत्क्रामोदक्रमीदिति द्वाभ्यामुत्क्रमयति
 प्रतिष्ठित्या
 अनुरूपाभ्यां
 तस्मादनुरूपाः पशवः प्र जायन्ते
 उप उप सृजति
 यत्र वा आप उपगच्छन्ति तदोषधयः प्रति तिष्ठन्त्योषधीः
 प्रतितिष्ठन्तीः पशवोऽनु प्रति तिष्ठन्ति
 पशून्यज्ञो
 यज्ञं यजमानो यजमानम्प्रजास्तस्मादप उप सृजति
 प्रतिष्ठित्यै
 यदध्वर्युरेनग्नावाहुतिं जुहुयादन्धोऽध्वर्युः स्याद्रक्षांसि यज्ञं
 हन्युर्हिरण्यमुपास्य जुहोत्यग्निवत्येव जुहोति
 नान्धोऽध्वर्युर्भवति न यज्ञं रक्षांसि घ्नन्ति
 जिघर्म्यग्निम्मनसा घृतेनेत्याह
 मनसा हि पुरुषो यज्ञमभिगच्छति
 प्रतिक्ष्यन्तम्भुवनानि विश्वेत्याह
 सर्वं ह्येष प्रत्यङ्गति

पृथुं ति॒श्चा वय॑सा बृ॒हन्त॑मित्या॒हाल्पो ह्यैष जा॒तो म॒हान्भ॑वति
 व्यचि॑ष्ठमन्नं॑ रभ॒सं वि॒दान॑मित्या॒हान्नमे॑वास्मै स्वद॑यति
 सर्व॑मस्मै स्वद॑ते य एवं वेदा॒ त्वा जिघ॑र्मि वच॑सा घृ॒तेने॑त्याहु
 तस्मा॒द्यत्पुरु॑षो मन॑साभिगच्छ॑ति तद्वा॒चा व॑दत्य॒ रक्ष॑सेत्याहु
 रक्ष॑सामप॑हत्यै
 मर्त्य॑श्रीः स्पृ॒हय॑द्वर्णो
 अ॒ग्निरि॒त्याहा॑पचि॒तिमे॒वास्मि॑न्दधा॒त्य प॑चि॒तिमा॑न्भवति॒ य एवं वेद॑
 मन॑सा त्वै ता॒माप्तु॑मर्हति॒ याम॑ध्व॒र्युर॑न॒ग्रावा॑हुतिं जु॒होति॑
 मन॑स्वतीभ्यां जु॒होत्या॑हु॒त्योरा॑प्त्यै
 द्वाभ्यां
 प्र॒तिष्ठि॑त्यै
 यज्ञ॑मुखेय॒ज्ञमुखे॑ वै क्रि॒यमा॑णे य॒ज्ञं रक्षा॑ंसि जिघा॑ंसन्त्येतर्हि
 खलु॑ वा ए॒तद्य॑ज्ञ॒मुखं य॒र्ह्येन॑दाहुतिर॒श्नुते॑ परि॒ लिख॑ति
 रक्ष॑सामप॑हत्यै
 तिसृ॑भिः परि॒ लिख॑ति
 त्रि॒वृद्धा अ॒ग्निर्या॑वाने॒वाग्नि॑स्तस्मा॒द्रक्षा॑ंस्यप॑ हन्ति गाय॒त्रिया॑ परि॒
 लिख॑ति
 तेजो॑ वै गा॒यत्री
 तेज॑सै॒वैन॒म्परि॑ गृह्णाति
 त्रि॒ष्टुभा॑ परि॒ लिख॑तीन्द्रि॒यं वै त्रि॒ष्टुगिन्द्रि॒येणै॒वैन॒म्परि॑ गृह्णात्य॒ नुष्टुभा॑
 परि॒ लिख॑त्यनु॒ष्टुप्स॒र्वाणि॑ च्छन्दा॑ंसि परि॒भूः पर्या॑प्त्यै
 मध्य॑तोऽनु॒ष्टुभा॑
 वाग्वा॑ अ॒नुष्टु॑प्स॒मान्मध्य॑तो वा॒चा व॑दामो
 गाय॒त्रिया॑ प्रथ॒मया॑ परि॒ लिख॑त्यथानु॒ष्टुभा॑थ त्रि॒ष्टुभा॑
 तेजो॑ वै गा॒यत्री य॒ज्ञोऽनु॒ष्टुगिन्द्रि॒यं त्रि॒ष्टुमे॑जसा चै॒वेन्द्रि॒येण॑ चोभ॒यतो॑
 य॒ज्ञम्परि॑ गृह्णाति ॥३॥

देवस्य त्वा सवितुः प्रसव इति खनति प्रसूत्या अथौ धूममेवैतेन
 जनयति
 ज्योतिष्मन्तं त्वाग्ने सुप्रतीकमित्याह ज्योतिरेवैतेन जनयति
 सोऽग्निर्जातः प्रजाः शुचार्पयत्तं देवा
 अर्धर्चेनाशमयञ्छिवम्प्रजाभ्योऽहिँसन्तमित्याह प्रजाभ्य एवैनँ
 शमयति
 द्वाभ्यां खनति प्रतिष्ठित्या अपाम्पृष्ठमसीति पुष्करपर्णमा हरत्यपां वा
 एतत्पृष्ठं यत्पुष्करपर्णँ रूपेणैवैनंदा हरति
 पुष्करपर्णेन सम्भरति योनिर्वा अग्नेः पुष्करपर्णँ सयौनिमेवाग्निँ
 सम्भरति
 कृष्णाजिनेन सम्भरति यज्ञो वै कृष्णाजिनं यज्ञेनैव यज्ञँ सम्भरति
 यद्ग्राम्याणाम्पशूनां चर्मणा
 सम्भरेद्ग्राम्यान्पशूञ्छुचार्पयेत्कृष्णाजिनेन सम्भरत्यारण्यानेव
 पशून्शुचार्पयति
 तस्मात्सिमावत्पशूनाम्प्रजायमानानामारण्याः पशवः कनीयाँसः
 शुचा ह्यृता लोमतः सम्भरत्यतो ह्यस्य मेध्यं
 कृष्णाजिनं च पुष्करपर्णं च सँ स्तृणातीयं वै कृष्णाजिनमसौ
 पुष्करपर्णमाभ्यामेवैनमुभयतः परि गृह्णात्यग्निर्देवेभ्यो निलायत
 तमथर्वान्वपश्यदथर्वा त्वा प्रथमो निरमन्थदग्र इत्याह य
 एवैनमन्वपश्यत्तेनैवैनँ सम्भरति
 त्वामग्ने पुष्करादधीत्याह पुष्करपर्णे ह्यैनमुपश्रितमविन्दुत्तमु त्वा
 दध्यङ्ङिषिरित्याह दध्यङ्ङवा आथर्वणस्तेजस्व्यासीत्तेज
 एवास्मिन्दधाति
 तमु त्वा पाथ्यो वृषेत्याह पूर्वमेवोदितमुत्तरिणाभि गृणाति चतसृभिः
 सम्भरति चत्वारि च्छन्दाँसि च्छन्दोभिरेव
 गायत्रीभिर्ब्राह्मणस्य गायत्रो हि ब्राह्मणस्त्रिष्टुग्भी राजन्यस्य त्रैष्टुभो हि

राज॒न्यो

यं क॒राम॑यै॒त व॑सी॒यान्त॑स्या॒दित्यु॑भयी॒भिस्त॑स्य॒ सम्भ॑रि॒त्तेज॑श्चै॒वास्मा॑
इन्द्रि॒यं च॑ सु॒मीची॑ दधा॒त्य ष्टा॒भिः सम्भ॑रत्य॒ष्टाक्ष॑रा गाय॒त्री
गाय॑त्रीऽग्नि॒र्यावा॑ने॒वाग्नि॑स्त॒सं सम्भ॑रति
सीद॑ हो॒तरि॑त्या॒ह दे॒वता॑ ए॒वास्मै॑ स॒सं सा॑दयति
नि हो॒तेति॑ मनु॒ष्यान्त॑स॒सं सीद॑स्वेति॒ वया॑सि
जनि॑ष्वा हि जे॒न्यो अ॒ग्ने अ॒ह्नामि॑त्या॒ह दे॒वमनु॑ष्याने॒वास्मै॑ स॒संस॑न्नान्प्र
ज॒नय॑ति ॥४॥

क्रूर॑मि॒व वा अ॑स्या ए॒तत्क॑रोति॒ यत्ख॑न॒त्यप॑ उप॒ सृज॑त्यापो वै
शान्ताः

शान्ता॑भिरे॒वास्यै॑ शुचि॒सं श॑मयति
सं तै वा॒युर्मा॑तरि॒श्वा दधा॑त्वित्या॒ह
प्रा॒णो वै वा॒युः
प्रा॒णेनै॒वास्यै॑ प्रा॒णसं॑ द॒धाति॒
सं तै वा॒युरि॑त्या॒ह
तस्मा॑द्वा॒युप्र॑च्युता दि॒वो वृ॑ष्टिरी॒ते
तस्मै॑ च दे॒वि व॑ष॒डस्तु॑ तुभ्य॒मित्या॑ह
षड्वा ऋ॒तव॑ ऋ॒तुष्वे॒व वृ॑ष्टिं दधाति
तस्मा॑त्स॒र्वानृ॑तून्व॒र्षति॒
यद्व॑ष॒ट्कुर्या॑द्या॒तया॑मास्य वष॒ट्का॒रः स्या॑द्यन्न व॑ष॒ट्कुर्या॑द्रक्षा॒सि
य॒ज्ञसं॑ ह॒न्युर्व॑डित्या॒ह
प॒रोऽक्ष॑मे॒व व॑ष॒ट्करो॑ति
नास्य॑ या॒तया॑मा वष॒ट्का॒रो भव॑ति न य॒ज्ञसं॑ रक्षा॒सि घ्न॑न्ति
सुजा॑तो ज्योति॒षा स॒हेत्य॑नु॒ष्टुभो॑प न ह्य॒त्यनु॑ष्टुप्स॒र्वाणि॑ च्छन्दा॒सि
खलु॑ वा अ॒ग्नेः प्रि॒या त॒नूः

प्रिययैवैनं तनुवा परि दधाति
 वेदुको वासो भवति य एवं वेद वारुणो वा अग्निरुपेनद्ध उदु तिष्ठ
 स्वध्वरोर्ध्व ऊ षु ण ऊतय इति सावित्रीभ्यामुत्तिष्ठति
 सवितृप्रसूत एवास्योर्ध्वा वरुणमेनिमुत्सृजति
 द्वाभ्यां
 प्रतिष्ठित्यै
 स जातो गर्भो असि रोदस्योरित्याहेमे वै रोदसी
 तयोरेष गर्भो यदग्निस्तस्मादेवमाहा ग्रे चारुर्विभृत ओषधीष्वित्याह
 यदा ह्येतं विभरन्त्यथ चारुतरो भवति
 प्र मातृभ्यो अधि कनिक्रदद्वा इत्याहौषधयो वा अस्य मातरस्ताभ्य
 एवैनम्प्र च्यावयति
 स्थिरो भव वीड्वङ्ग इति गर्दभ आ सादयति सं नह्यत्येवैनमेतया
 स्थेमे
 गर्दभेन सम्भरति
 तस्माद्गर्दभः पशूनाम्भारभारितमो
 गर्दभेन सम्भरति
 तस्माद्गर्दभोऽप्यनालेशेऽत्यन्यान्पशून्मैद्यत्यन्नं ह्येनेनार्कं सम्भरन्ति
 गर्दभेन सम्भरति
 तस्माद्गर्दभो द्विरेताः सन्कनिष्ठम्पशूनाम्प्र जायतेऽग्निर्ह्यस्य योनिं
 निर्दहति
 प्रजासु वा एष एतर्ह्यारूढः स ईश्वरः प्रजाः शुचा प्रदहः
 शिवो भव प्रजाभ्य इत्याह
 प्रजाभ्य एवैनं शमयति
 मानुषीभ्यस्त्वमङ्गिर इत्याह
 मानुव्यो हि प्रजा
 मा द्यावापृथिवी अभि शूशुचो मान्तरिक्षम्मा वनस्पतीनित्याहैभ्य

ए॒वैनं॑ लो॒केभ्यः॑ श॒मय॑ति
 प्रै॒तु वा॒जी क॒र्निक्र॑द॒दित्या॑ह
 वा॒जी ह्यैष
 ना॒नद॒द्रास॑भः प॒त्वेत्या॑ह रा॒सभ॑ इति
 ह्यै॒तमृष॑योऽव॒दन्भर॑न्न॒ग्निम्पू॒रीष्य॑मि॒त्याहा॒ग्निं ह्यैष॑ भ॒रति॑
 मा पा॒द्यायु॑षः पु॒रेत्या॑हायु॒रेवास्मि॑न्दधाति
 तस्मा॑द्ग॒र्दभः॑ स॒र्वमायु॑रेति
 तस्मा॑द्ग॒र्दभे॑ पु॒रायु॑षः प्र॒मीते॑ वि॒भ्यति॑
 वृषा॑ग्निं वृष॑ण॒म्भर॑न्नित्या॑ह
 वृषा॑ ह्यैष
 वृषा॑ग्नि॒र॒पां गर्भ॑ं॒ समु॑द्रिय॒मित्या॑हा॒पां ह्यैष॑ गर्भो॒ यद॒ग्नि॒र॒ग्न आ॑
 या॒हि वी॒तय॑ इति॒ वा इ॒मौ लो॒कौ व्यै॑ता॒म॒ग्न आ॑ या॒हि वी॒तय॑ इति
 यदा॑हा॒नयो॑र्लो॒कयो॑र्वी॒त्यै
 प्रच्यु॑तो॒ वा ए॒ष आ॒यत॑ना॒दगतः॑ प्र॒तिष्ठा॑ं
 स ए॒तर्ह्यध्व॑र्युं च॒ यज॑मानं च॒ ध्या॒यत्यृ॑तं॒ स॒त्यमि॒त्याहे॒यं वा
 ऋ॒तम॒सौ स॒त्यम॒नयो॑रे॒वैन॒म्प्रति॑ ष्ठा॒पय॑ति॒ ना॒र्तिमा॑च्छत्यध्व॒र्युर्न
 यज॑मानो
 वरु॑णो॒ वा ए॒ष यज॑मानम॒भ्यैति॑ यद॒ग्निरु॑प॒नद्ध
 ओष॑धयः॒ प्रति॑ गृ॒हीता॒ग्निमे॒तमि॒त्याह
 शान्त्यै
 व्यस्य॑न्विश्वा॒ अम॑ती॒राती॒रित्या॑ह
 रक्ष॑सामप॒ हत्यै
 नि॒षीद॑न्नो॒ अप॑ दु॒र्मति॑ं॒ ह॒न॒दित्या॑ह
 प्र॒तिष्ठि॑त्या
 ओष॑धयः॒ प्रति॑ मो॒दध्व॑मे॒नमि॒त्याहौष॑धयो॒ वा अ॒ग्नेर्भा॑ग॒धेयं॑
 ताभि॑रे॒वैन॑ं॒ सम॑र्धयति

पुष्पावतीः सुपिप्पला इत्याहु
 तस्मादोषधयः फलं गृह्णन्त्ययं वो गर्भं ऋत्विग्यः प्रबुधं
 सधस्थमासददित्याहु
 याभ्य एवैनम्प्रच्यावयति तास्वेवैनम्प्रति ष्ठापयति
 द्वाभ्यामुपावहरति
 प्रतिष्ठित्यै ॥५॥

वारुणो वा अग्निरुपेनद्धो
 वि पाजसेति वि स्रंसयति
 सवितृप्रसूत एवास्य विषूचीं वरुणमेनिं वि सृजत्यप उप
 सृजत्यापो वै शान्ताः
 शान्ताभिरेवास्य शुचं शमयति
 तिसृभिरुप सृजति
 त्रिवृद्वा अग्निर्यावानेवाग्निस्तस्य शुचं शमयति
 मित्रः ससृज्य पृथिवीमित्याहु
 मित्रो वै शिवो देवानां
 तेनैवैनं स सृजति शान्त्यै
 यद्ग्राम्याणाम्पात्राणां कपालैः ससृजेद्ग्राम्याणि पात्राणि
 शुचार्पयेदर्मकपालैः स सृजत्येतानि वा अनुपजीवनीयानि तान्येव
 शुचार्पयति
 शर्कराभिः स सृजति धृत्या
 अथौ शन्त्वाया जलोमैः स सृजत्येषा वा अग्नेः प्रिया तनूर्यदजा
 प्रिययैवैनं तनुवा स सृजत्यथो तेजसा
 कृष्णाजिनस्य लोमभिः स सृजति
 यज्ञो वै कृष्णाजिनं यज्ञेनैव यज्ञं स सृजति
 रुद्राः सम्भृत्य पृथिवीमित्याहुता वा एतं देवता अग्ने

समभरन्ताभिरेवैनं॑ सम्भरति मुखस्य शिरोऽसीत्याह
 यज्ञो वै मुखस्तस्यैतच्छिरो यदुखा तस्मादेवमाह
 यज्ञस्य पदे स्थ इत्याह यज्ञस्य ह्येते पदे अथो प्रतिष्ठित्यै
 प्रान्याभिर्यच्छत्यन्वन्त्यैर्मन्त्रयते मिथुनत्वाय
 त्र्युद्धिं करोति त्रय इमे लोका एषां लोकानामाप्तये
 छन्दोभिः करोति
 वीर्यं वै छन्दांसि
 वीर्यैरेवैनां करोति
 यजुषा बिलं करोति
 व्यावृत्त्या
 इयतीं करोति
 प्रजापतिना यज्ञमुखेन सम्मितां
 द्विस्तनां करोति
 द्यावापृथिव्योर्दोहाय
 चतुःस्तनां करोति
 पशूनां दोहायाष्टास्तनां करोति
 छन्दसां दोहाय
 नवाश्रिमभिचरतः कुर्यात्त्रिवृतमेव वज्रं॑ सम्भृत्य भ्रातृव्याय प्र हरति
 स्तृत्यै
 कृत्वाय सा महीमुखामिति नि दधाति
 देवतास्वेवैनाम्प्रति॑ ष्ठापयति ॥६॥

सप्तभिर्धूपयति
 सप्त वै शीर्षण्याः प्राणाः
 शिर एतद्यज्ञस्य यदुखा
 शीर्षन्नेव यज्ञस्य प्राणान्दधाति

तस्मात्सप्त शीर्षन्प्राणा अश्वशकेन धूपयति
 प्राजापत्यो वा अश्वः
 सयोनित्वाया दितिस्त्वेत्याहेयं वा अदितिरदित्यैवादित्यां
 खनत्यस्या अक्रूरङ्गाराय
 न हि स्वः स्वँ हिनस्ति
 देवानां त्वा पत्नीरित्याह
 देवानां वा एताम्पत्योऽग्रेऽकुर्वन्ताभिरेवैनां दधाति
 धिषणास्त्वेत्याह
 विद्या वै धिषणा
 विद्याभिरेवैनामभीन्द्रे
 ग्रास्त्वेत्याह
 छन्दाँसि वै ग्राश्छन्दोभिरेवैनाँ श्रपयति
 वरूत्रयस्त्वेत्याह
 होत्रा वै वरूत्रयो
 होत्राभिरेवैनाम्पचति
 जनयस्त्वेत्याह
 देवानां वै पत्नी र्जनयस्ताभिरेवैनाम्पचति
 षड्भिः पचति
 षड्वा ऋतव ऋतुभिरेवैनाम्पचति
 द्विः पचन्त्वित्याह
 तस्माद्द्विः संवत्सरस्य सस्यम्पच्यते
 वारुणयुखाभीद्धा
 मैत्रियोपैति
 शान्त्यै
 देवस्त्वा सवितोद्वपत्वित्याह
 सवितृप्रसूत एवैनाम्ब्रह्मणा देवताभिरुद्वपत्य पद्यमाना पृथिव्याशा

दि॒श आ॒ पृ॒णे॒त्याह॒ तस्मा॑द॒ग्निः सर्वा॑ दि॒शोऽनु॒ वि भ्रा॑त्यु॒ तिष्ठ॑
 बृ॒हती॑ भ॒वो॒र्ध्वा तिष्ठ॑ ध्रु॒वा त्वमि॑त्याह॒ प्रति॑ष्ठित्या
 असु॒र्यम्पात्र॑मना॒च्छृणु॑मा॒ च्छृण॑न्ति दे॒व॒त्राक॑ रज॒क्षीरे॑णा॒ च्छृण॑न्ति
 पर॒मं वा ए॒तत्प॑यो॒ यद॑ज॒क्षीरं॑
 पर॒मे॒शैवैना॒म्पय॑सा॒च्छृण॑न्ति
 यजु॑षा
 व्यावृ॑त्त्यै
 छन्दो॑भिरा॒ च्छृण॑न्ति
 छन्दो॑भिर्वा ए॒षा क्रि॑यते
 छन्दो॑भिरे॒व छन्दा॑ँस्या॒ च्छृण॑न्ति ॥७॥

एक॑विँशत्या॒ माषैः॑ पु॒रुष॑शी॒र्षम॑च्छै॒त्यमे॒ध्या वै मा॑षा
 अमे॒ध्यम्पु॑रुष॒शीर्ष॑ममे॒ध्यैरे॒वास्यामे॒ध्यं नि॒रव॑दाय॒ मेध्यं॑
 कृ॒त्वाह॑र॒त्ये क॑विँशति॒र्भव॑न्त्येक॒विँशो॑ वै पु॒रुषः॑
 पु॒रुष॑स्याप्त॒यै व्यृ॑द्धं वा ए॒तत्प्रा॒णैर॑मे॒ध्यं यत्पु॑रुष॒शीर्षं॑
 सप्त॑धा वि॒तृ॒णां व॒ल्मीक॑व॒पाम्प्र॑ति नि द॑धाति
 सप्त॑ वै शी॒र्ष॒ण्याः प्रा॒णाः प्रा॒णैरे॒वै न॒त्सम॑र्धयति
 मे॒ध्य॒त्वाय॑ याव॑न्तो॒ वै मृ॒त्युब॑न्धव॒स्तेषां॑ य॒म आ॑धि॒पत्य॑म्परी॒याय॑
 यम॑गा॒थाभिः॑ परि॒ गाय॑ति
 य॒मादे॒वैन॑द्वृ॒ङ्गे ति॒सृभिः॑ परि॒ गाय॑ति
 त्रय॑ इ॒मे लो॒का ए॒भ्य ए॒वैन॑ल्लो॒केभ्यो॑ वृ॒ङ्गे
 तस्मा॑द्गाय॑ते न दे॒यं गा॒था हि तद्वृ॒ङ्गेऽग्नि॑भ्यः पु॒शूना॑ ल॒भते॑ का॒मा वा॑
 अ॒ग्नयः॑
 का॒माने॒वाव॑ रु॒द्धे
 यत्पु॒शूना॑ल॒भेतान॑वरु॒द्धा अस्य॑ पु॒शवः॑
 स्यु॒र्यत्पर्य॑ग्निकृ॒तानु॑त्सृ॒जेद्य॑ज्ञवे॒शसं॑ कु॒र्याद्य॑त्सँस्था॒पये॑द्या॒तया॑मानि

शी॒र्षाणि॑ स्यु॒र्यत्प॒शूना॒लभ॑ते तेनै॒व प॒शून॑व रु॒द्धे
 यत्प॒र्यग्नि॑कृतानुत्सृ॒जति॑ शी॒ष्णा॒मया॑तयामत्वाय
 प्राजाप॒त्येन॒ स॑ स्थापयति य॒ज्ञो वै प्र॒जाप॑तिर्य॒ज्ञ ए॒व य॒ज्ञम्प्र॑ति
 ष्ठापयति
 प्र॒जाप॑तिः प्र॒जा अ॑सृजत
 स रि॑रि॒चानो॑ऽमन्यत
 स ए॒ता आ॒प्रीर॑पश्य॒ताभि॒र्वै स मु॑ख॒त आ॒त्मान॑माप्रीणीत
 यदे॒ता आ॒प्रियो॑ भव॒न्ति
 य॒ज्ञो वै प्र॒जाप॑तिर्य॒ज्ञमे॒वैताभि॑र्मुख॒त आ॒ प्री॑णा॒त्य प॑रि॒मित॑च्छन्दसो
 भव॒न्त्यप॑रि॒मितः प्र॒जाप॑तिः
 प्र॒जाप॑ते॒राप्त॑या
 ऊ॒नाति॑रि॒क्ता मि॑थु॒नाः
 प्र॒जात्यै
 लो॒म॒शं वै ना॒मैत॑च्छन्दः प्र॒जाप॑तेः
 प॒शवो॑ लो॒म॒शाः
 प॒शूने॒वाव॑ रु॒द्धे
 सर्वा॑णि वा ए॒ता रू॒पाणि॑
 सर्वा॑णि रू॒पाण्य॒ग्नौ चि॒त्यै क्रि॒यन्ते
 तस्मा॑दे॒ता अ॒ग्नेश्चित्य॑स्य भव॒न्त्ये क॑वि॒शति॑ सामि॒धेनी॑रन्वा॒ह
 रु॒ग्वा ए॑कवि॒शो रु॒चमे॒व ग॑च्छ॒त्यथो॑ प्रति॒ष्ठामे॒व प्र॑ति॒ष्ठा
 ह्ये॒कवि॒शश्च॑तुर्वि॒शति॑मन्वा॒ह
 च॑तुर्वि॒शति॑र॒र्धमा॑साः सं॒वत्स॑रः
 सं॒वत्स॑रोऽग्निर्वै॒श्वान॑रः
 सा॒क्षादे॒व वै॒श्वान॑रमव॑ रु॒द्धे
 प॒रा॒चीर॑न्वा॒ह
 प॒रा॒डि॒व हि सु॑व॒र्गो लो॒कः

समास्त्वाग्र ऋतवौ वर्धयन्त्वित्याहु
 समाभिरेवाग्निं वर्धयत्यृतुभिः संवत्सरं
 विश्वा आ भाहि प्रदिशः पृथिव्या इत्याहु
 तस्मादग्निः सर्वा दिशोऽनु वि भाति
 प्रत्यौहतामश्विना मृत्युमस्मादित्याहु
 मृत्युमेवास्मादप नुदत्यु द्वयं तमसस्परीत्याहु
 पाप्मा वै तमः
 पाप्मानमेवास्मादप हन्त्य गन्म ज्योतिरुत्तममित्याहुसौ वा
 आदित्यो ज्योतिरुत्तममादित्यस्यैव सायुज्यं गच्छति
 न संवत्सरस्तिष्ठति नास्य श्रीस्तिष्ठति यस्यैताः क्रियन्ते
 ज्योतिष्मतीमुत्तमामन्वाहु
 ज्योतिरेवास्मा उपरिष्ठाद्धाति
 सुवर्गस्य लोकस्यानुरव्यात्यै ॥८॥

षड्भिर्दीक्षयति
 षड्वा ऋतव ऋतुभिरेवैनं दीक्षयति
 सप्तभिर्दीक्षयति
 सप्त च्छन्दांसि
 च्छन्दोभिरेवैनं दीक्षयति
 विश्वे देवस्य नेतुरित्यनुष्टुभोत्तमया जुहोति
 वाग्वा अनुष्टुप्समात्प्राणानां वागुत्तमै कस्मादक्षरादनाप्तम्प्रथमम्पदं
 तस्माद्यद्वाचोऽनाप्तं तन्मनुष्या उप जीवन्ति
 पूर्णया जुहोति
 पूर्ण इव हि प्रजापतिः प्रजापतेरापत्यै
 न्यूनया जुहोति
 न्यूनाद्धि प्रजापतिः प्रजा असृजत

प्र॒जानाँ॑ सृष्ट॒यै
 यद॒र्चिषि॑ प्रवृ॒ञ्ज्याद्भू॒तम॑व॒ रुन्धी॑त
 यद॒ङ्ग॒रिषु॑ भवि॒ष्यद॒ङ्ग॒रिषु॑ प्र वृ॒णक्ति॑
 भवि॒ष्यदे॒वाव॑ रुन्द्धे
 भवि॒ष्यद्धि॑ भूयो॑ भू॒तात्
 द्वाभ्या॒म्प्र वृ॒णक्ति॑
 द्वि॒पाद्यज॑मानः
 प्रति॑ष्ठित्यै
 ब्रह्म॑णा वा ए॒षा यजु॑षा स॒म्भृता॑ यदु॒खा
 सा यद्भि॒द्येता॒र्तिमा॑र्च्छेद्यज॑मानो ह॒न्येता॑स्य य॒ज्ञो
 मि॒त्रेता॑मु॒खां त॒पेत्या॑ह
 ब्रह्म॑ वै मि॒त्रो
 ब्रह्म॑न्ने॒वैना॒म्प्रति॑ ष्ठापयति
 ना॒र्तिमा॑र्च्छति यज॑मानो नास्य॑ य॒ज्ञो ह॒न्यते॑
 यदि॑ भिद्ये॒त तैरे॒व क॒पालैः॑ सँसृ॒जेत्सै॒व ततः॑ प्रायश्चित्ति॒र्यो ग॒तश्रीः॑
 स्यान्म॑थित्वा तस्या॑व॒ दध्या॑द्भूतो वा ए॒ष
 स स्वां॑ दे॒वता॑मु॒पैति॑ यो भू॒तिकामः॑ स्याद्य उ॒खायै॑ स॒म्भवे॑त्स ए॒व
 तस्य॑ स्याद॒तो ह्येष॑ स॒म्भव॑त्येष॒ वै स्व॑य॒म्भूर्नाम॑ भव॑त्ये॒व यं का॑मये॒त
 भ्रातृ॑व्यमस्मै॒ जनये॑य॒मित्य॒न्यत॑स्तस्या॒हत्या॑व॒ दध्या॑त्सा॒क्षादे॒वास्मै॑
 भ्रातृ॑व्यं॒ जनय॑त्य॒म्बरी॑षा॒दन्न॑काम॒स्याव॑ दध्याद॒म्बरी॑षे वा
 अ॒न्नमि॑श्रयते
 स॒योन्ये॒वान्न॑म॒व रु॑द्धे
 मु॒ञ्जान॑व॒ दधा॒त्यूग॑र्वै मु॒ञ्जा ऊ॒र्जमे॒वास्मा॑ अपि॑ दधात्य॒ग्निर्दे॒वेभ्यो॑
 नि॒लाय॑त
 स क्रु॒मुक॑म्प्रावि॒शत्क्रु॒मुक॑म॒व दधा॑ति
 यदे॒वास्य॑ तत्र॒ न्य॑क्तं तदे॒वाव॑ रुन्द्धे

आज्येन॒ सं यौत्येतद्वा॒ अग्नेः॒ प्रियं॒ धाम॒ यदाज्यं॑
 प्रियेणै॒वैनं॑ धाम्ना॒ समर्धय॑त्यथो तेजसा॒ वैकङ्कती॒मा दधाति॒ भा
 एवाव॑ रुद्धे शमीमयी॒मा दधाति॒ शान्त्यै॑
 सीद॒ त्वम्मा॒तुरस्या॒ उपस्थ॒ इति॒ तिसृभिर्जा॒तमुप॑ तिष्ठते
 त्रय॑ इमे लो॒का एष्वै॒व लो॒केष्वा॒विदं॑ गच्छत्यथो प्रा॒णाने॒वात्मन्ध॑त्ते
 ॥६॥

न ह॑ स्म॒ वै पु॒राग्रि॒रपर॑शुवृ॒क्कणं॑ दहति
 तदस्मै॑ प्रयो॒ग ए॒वर्षि॑रस्वदय॒द्यदग्ने॑ या॒नि का॒नि चेति॑ स॒मिध॒मा
 दधा॑त्यपरशुवृ॒क्कणमे॒वास्मै॑ स्वदयति
 सर्व॑मस्मै स्वदते॒ य ए॒वं वेदौ॑ दु॒म्बरी॒मा दधा॑त्यूर्वा उ॒दुम्बर॑
 ऊ॒र्जमे॒वास्मा॒ अपि॑ दधाति
 प्र॒जाप॑तिर॒ग्निर्म॑सृजत
 तं॑ सृष्टं॑ रक्षां॑स्यजिघां॑स॒न्तस॒ एतद्रा॑क्षो॒घ्नम॑पश्य॒त्तेन॒ वै स
 रक्षां॑स्यपा॒हत॒
 यद्रा॑क्षो॒घ्नम्भ॑वत्य॒ग्नेरे॒व तेन॑ जा॒ताद्रक्षां॑स्यप॒ ह॒न्त्या॒श्व॒त्थी॒मा
 दधा॑त्यश्व॒त्थो वै व॒न॒स्पती॑नां॑ स॒पत्न॑सा॒हो वि॒जित्यै॑
 वैकङ्कती॒मा दधाति॒
 भा ए॒वाव॑ रुद्धे
 शमीमयी॒मा दधाति॒
 शान्त्यै॑
 स॑ंशित॒म्मे ब्र॒ह्मोदै॑षाम्बा॒हू अति॑र॒मित्यु॑त्त॒मे औ॒दुम्बरी॑ वाचयति
 ब्रह्म॑णै॒व क्ष॒त्रं स॑ं श्यति क्ष॒त्रेण॒ ब्रह्म॑
 तस्मा॑द्ब्राह्म॒णो रा॒ज॒न्यवा॒नत्य॒न्यम्ब्रा॑ह्म॒णं तस्मा॑द्रा॒ज॒न्यो
 ब्राह्म॑णवा॒नत्य॒न्यं रा॒ज॒न्यं
 मृत्यु॑र्वा ए॒ष यद॑ग्रि॒रमृतं॑ हिर॒ण्यं॑

रुक्ममन्तरम्प्रति मुञ्चतेऽमृतमेव मृत्योरन्तर्धत्त
 एकविंशतिनिर्बाधो भवत्येकविंशतिर्वै देवल्लोका द्वादश मासाः
 पञ्चर्तवस्त्रय इमे लोका असावादित्य एकविंश एतावन्तो वै
 देवल्लोकास्तेभ्य एव भ्रातृव्यमन्तरैति
 निर्बाधैर्वै देवा असुरान्निर्बाधैऽकुर्वन्त
 तन्निर्बाधानां निर्बाधत्वं
 निर्बाधी भवति
 भ्रातृव्यानेव निर्बाधे कुरुते
 सावित्रिया प्रति मुञ्चते
 प्रसूत्यै
 नक्तोषासेत्युत्तरयाहोरात्राभ्यामेवैनमुद्यच्छते
 देवा अग्निं धारयन्द्रविणोदा इत्याह
 प्राणा वै देवा द्रविणोदा अहोरात्राभ्यामेवैनमुद्यत्य
 प्राणैर्दाधारा सीनः प्रति मुञ्चते
 तस्मादासीनाः प्रजाः प्र जायन्ते
 कृष्णाजिनमुत्तरं तेजो वै हिरण्यम्ब्रह्म कृष्णाजिनं तेजसा
 चैवैनम्ब्रह्मणा चोभयतः परि गृह्णाति
 षडुद्यामं शिष्यं भवति
 षड्वा ऋतव ऋतुभिरेवैनमुद्यच्छते
 यद्द्वादशोद्यामं संवत्सरेणैव
 मौञ्जम्भवत्यूगर्वै मुञ्जा ऊर्जैवैनं समर्धयति
 सुपर्णोऽसि गुरुत्मानित्यवैक्षते
 रूपमेवास्यैतन्महिमानं व्याचष्टे
 दिवं गच्छ सुवः प्रतेत्याह
 सुवर्गमेवैनं लोकं गमयति ॥१०॥

समिद्धो अञ्जन्कृदरम्मतीनां घृतमग्ने मधुमत्पिन्वमानः । वाजी
 वहन्वाजिनं जातवेदो देवानां वक्षि प्रियमा सुधस्थम् ॥
 घृतेनाञ्जन्त्सम्पथो देवयानान्प्रजानन्वाज्यप्येतु देवान् । अनु त्वा
 सप्ते प्रदिशः सचन्ताँ स्वधामस्मै यजमानाय धेहि ॥
 ईड्यश्वासि वन्द्यश्च वाजिन्नाशुश्वासि मेध्यश्च सप्ते । अग्निष्ठा
 देवैर्वसुभिः सजोषाः प्रीतं वह्निं वहतु जातवेदाः ॥
 स्तीर्णं बर्हिः सुष्टरीमा जुषाणोरु पृथु प्रथमानमृथिव्याम् ।
 देवेभिर्युक्तमर्दितिः सजोषाः स्योनं कृण्वाना सुविते दधातु ॥
 एता उ वः सुभगा विश्वरूपा वि पक्षौभिः श्रयमाणा उदातैः ।
 ऋष्वाः सतीः कवषः शुम्भमाना द्वारो देवीः सुप्रायणा भवन्तु ॥
 अन्तरा मित्रावरुणा चरन्ती मुखं यज्ञानामभि संविदाने । उषासा
 वाँ सुहिरण्ये सुशिल्पे ऋतस्य योनाविह सादयामि ॥
 प्रथमा वाँ सरथिना सुवर्णा देवौ पश्यन्तौ भुवनानि विश्वा ।
 अपिप्रयं चोदना वाम्मिमाना होतारु ज्योतिः प्रदिशा दिशन्ता ॥
 आदित्यैर्नो भारती वष्टु यज्ञँ सरस्वती सह रुद्रैर्न आवीत् ।
 इडोपहूता वसुभिः सजोषा यज्ञं नो देवीरमृतैषु धत्त ॥
 त्वष्टा वीरं देवकामं जजान त्वष्टुरवा जायत आशुरश्वः त्वष्टेदं
 विश्वम्भुवनं जजान ब्रह्मः कर्तारमिह यक्षि होतः ॥
 अश्वौ घृतेन त्मन्या समक्त उप देवाँ ऋतुशः पार्थ एतु ।
 वनस्पतिर्देवलोकम्प्रजानन्नग्निना हव्या स्वदितानि वक्षत् ॥
 प्रजापतेस्तपसा वावृधानः सद्यो जातो दधिषे यज्ञमग्ने ।
 स्वाहाकृतेन हविषा पुरोगा याहि साध्या हविरदन्तु देवाः ॥११॥

इति पञ्चमकाण्डे प्रथमः प्रपाठकः १

अथ पञ्चमकाण्डे द्वितीयः प्रपाठकः २

विष्णुमुखा वै

दे॒वाश्छन्दो॑भिरि॒माँल्लो॒कान॑न॒पज॒य्यम॒भ्यज॒यन्य॒द्विष्णु॒क्रमा॑न्क्रमते
 वि॒ष्णुरे॒व भू॒त्वा यज॑मान॒श्छन्दो॑भिरि॒माँल्लो॒कान॑न॒पज॒य्यम॒भि ज॑यति
 वि॒ष्णोः क्रमो॑ऽस्यभिमातिहेत्याह
 गा॒य॒त्री वै पृ॒थि॒वी
 त्रै॒ष्टु॒भम॑न्तरिक्षं
 जा॒ग॒ती द्यौरा॑नुष्टुभीर्दि॒शश्छन्दो॑भिरे॒वेमाँल्लो॒कान्य॑थापूर्वम॒भि ज॑यति
 प्र॒जाप॑तिर॒ग्निम॑सृजत
 सोऽस्मात्सृष्टः परा॑ङ्गै॒त्तमे॒तयान्वै॒दक्र॑न्ददिति
 तया॒ वै सोऽग्नेः॒ प्रियं॑ धामावा॒रुन्ध्र
 यदे॒ताम॒न्वाहा॒ग्नेरे॒वैतया॑ प्रियं धामाव॒ रुन्ध्र ई॒श्वरो॒ वा ए॒ष
 परा॑ङ्गप्र॒दघो॒ यो वि॑ष्णु॒क्रमा॑न्क्रमते
 चत॒सृभि॒रा वर्त॑ते
 च॒त्वारि॒ च्छन्दाँ॑सि
 च्छन्दाँ॑सि खलु॒ वा अ॒ग्नेः प्रि॒या त॒नूः
 प्रि॒यामे॒वास्य॑ त॒नुर्व॑म॒भि प॒र्याव॑र्तते
 दक्षि॒णा प॒र्याव॑र्तते
 स्वमे॒व वी॒र्य॑मनु॒ प॒र्याव॑र्तते
 तस्मा॒द्दक्षि॑णोऽर्ध आ॒त्मनो॑ वी॒र्याव॑त्तरोऽथो आ॒दित्य॑स्यै॒वावृ॑तमनु॒
 प॒र्याव॑र्तते
 शु॒नः शे॒प॒माजी॑गतिं वरु॒णोऽगृ॑ह्णात्स ए॒ताम्वा॑रु॒णीम॑पश्य॒त्तया॒ वै स
 आ॒त्मानं॑ वरु॒णपा॑शादमुञ्चद्वरु॒णो वा ए॒तं गृ॑ह्णाति य उ॒खाम्प्र॑तिमुञ्चत
 उदु॑त्तमं वरु॒णपा॑शम॒स्मदित्या॑हा॒त्मानमे॒वैतया॑ वरु॒णपा॑शान्मुञ्च॒त्या
 त्वाहा॑र्षमि॒त्याहा॒ह्येन॑ ह॒रति
 ध्रु॒वस्ति॑ष्ठावि॒चाच॑लिरि॒त्याह
 प्र॒तिष्ठि॑त्यै
 वि॒शस्त्वा॒ सर्वा॑ वाञ्छन्ति॒वत्या॑ह

वि॒शै॒वैन॑ꣳ सम॑र्धयत्य॒स्मिन्नाष्ट्र॑मधि॒ श्रये॑त्याह
 रा॒ष्ट्रमे॒वास्मि॑न्ध्रुवम॒क॒र्यं क॒ामये॑त
 रा॒ष्ट्रꣳ स्या॑दिति॒ तम्मन॑सा॒ ध्याये॑द्वाष्ट्रमे॒व भव॑त्यग्रे॒ बृह॑न्नुषसा॒मूर्ध्वो
 अ॒स्था॒दित्या॒हाग्र॑मे॒वैन॑ꣳ स॒माना॑नां करोति
 निर्ज॑ग्मि॒वान्त॑म॒सु इत्या॑ह
 तम॑ ए॒वास्मा॒दप॑ ह॒न्ति
 ज्योति॑षागा॒दित्या॑ह
 ज्योति॑रे॒वास्मि॑न्दधाति
 च॒त॒सृभिः॑ सादयति
 च॒त्वारि॑ च्छन्दाँ॑सि
 च्छन्दाँ॑भिरे॒वा ति॑च्छन्दसोत्त॒मया॑
 वर्ष्म॑ वा ए॒ष च्छन्दाँ॑सां॒ यदति॑च्छन्दा
 वर्ष्मै॑वैन॑ꣳ स॒माना॑नां करोति
 स॒द्वती॑ भवति
 स॒त्त्वमे॒वैन॑ गमयति
 वा॒त्स॒प्रेणो॑प॒ तिष्ठ॑त
 ए॒तेन॑ वै व॒त्स॒प्रीर्भा॑लन्द॒नोऽग्रेः॑ प्रि॒यं धा॑मावा॒रुन्द्वा॒ग्रेरे॒वैतेन॑ प्रि॒यं
 धा॑माव॒ रुन्द्ध॑
 ए॒काद॒श॒र्ध्वव॑त्येक॒धैव॑ यज॒माने॑ वी॒र्यं॑ दधाति
 स्तोमै॑न॒ वै दे॒वा अ॒स्मिँल्लो॒क आ॑र्ध्रुव॒ञ्छन्दाँ॑भि॒रमु॑ष्मिन्स्तोम॒स्येव॑
 खलु॑ वा ए॒तद्रूपं॑ यद्वा॒त्स॒प्रं
 यद्वा॒त्स॒प्रेणो॑प॒तिष्ठ॑त इ॒ममे॒व तेन॑ लो॒कम॒भि ज॑यति
 यद्वि॑ष्णुक्र॒मान्क्रम॑तेऽमु॒मे॒व तैर्लो॑कम॒भि ज॑यति
 पूर्वे॑द्युः प्र॒क्राम॑त्युत्तरे॒द्युरु॑प॒ तिष्ठ॑ते
 तस्मा॑द्योगेऽन्यासा॒म्प्रजा॑ना॒म्मनः॑ क्षेमेऽन्यासां॒
 तस्मा॑द्यायाव॒रः क्षे॒म्यस्यै॑शे

तस्माद्यायावुरः क्षेम्यमध्यवस्यति
 मुष्टी करोति
 वाचं यच्छति
 यज्ञस्य धृत्यै ॥१॥

अन्नपतेऽन्नस्य नो देहीत्याहाग्निर्वा अन्नपतिः
 स एवास्मा अन्नम्प्रयच्छत्य नमीवस्य शुष्मिण इत्याहायुद्धमस्येति
 वावैतदाह
 प्र प्रदातारं तारिष ऊर्जं नो धेहि द्विपदे चतुष्पद
 इत्याहाशिषमेवैतामा शास्तु
 उदु त्वा विश्वे देवा इत्याह
 प्राणा वै विश्वे देवाः प्राणैरेवैनमुद्यच्छतेऽग्ने भरन्तु चित्तिभिरित्याह
 यस्मा एवैनं चित्तायोद्यच्छते तेनैवैनं समर्धयति
 चतसृभिरा सादयति
 चत्वारि च्छन्दांसि च्छन्दोभिरेवातिच्छन्दसोत्तमया
 वर्ष्म वा एषा छन्दसां यदतिच्छन्दा
 वर्ष्मैवैनं समानानां करोति
 सद्धती भवति
 सत्त्वमेवैनं गमयति
 प्रेदग्ने ज्योतिष्मान्याहीत्याह ज्योतिरेवास्मिन्दधाति तनुवा वा एष
 हिनस्ति यं हिनस्ति
 मा हिंसीस्तनुवा प्रजा इत्याह
 प्रजाभ्य एवैनं शमयति
 रक्षांसि वा एतद्यज्ञं सचन्ते यदन उत्सर्जत्यक्रन्ददित्यन्वाह
 रक्षसामपहत्या
 अनसा वहन्त्यपचितिमेवास्मिन्दधाति

तस्मादनुस्वी च रथी चातिथीनामपचिततमौ अपचितिमान्भवति य
एवं वेदं

सुमिधाग्निं दुवस्यतेति घृतानुषिक्तामवसिते सुमिधमा दधाति
यथातिथय आगताय सर्पिष्वदातिथ्यं क्रियते तादृगेव त द्वायत्रिया
ब्राह्मणस्य गायत्रो हि ब्राह्मणस्त्रिष्टुभा राजन्यस्य त्रैष्टुभो हि
राजन्योऽप्सु भस्म प्र वैशयत्यप्सु यौनिर्वा अग्निः

स्वामेवैनं योनिं गमयति

तिसृभिः प्र वैशयति

त्रिवृद्धा ।४। अग्निर्यावानेवाग्निस्तम्प्रतिष्ठां गमयति

परा वा एषोऽग्निं वपति योऽप्सु भस्म प्रवेशयति

ज्योतिष्मतीभ्यामव दधाति

ज्योतिरेवास्मिन्दधाति

द्वाभ्याम्प्रतिष्ठित्यै

परा वा एष प्रजाम्पशून्वपति योऽप्सु भस्म प्रवेशयति

पुनरूर्जा सह रय्येति पुनरुदैति

प्रजामेव पशूनात्मन्धत्ते

पुनस्त्वादित्या रुद्रा वसवः समिन्धतामित्याहैता वा एतं देवता अग्रे
समैन्धत

ताभिरेवैनं समिन्द्रे

बोधा स बोधीत्युप तिष्ठते

बोधयत्येवैनं

तस्मात्सुप्त्वा प्रजाः प्र बुध्यन्ते

यथास्थानमुप तिष्ठते

तस्माद्यथास्थानम्पशवः पुनरेत्योप तिष्ठन्ते ॥२॥

यावती वै पृथिवी तस्यै यम आधिपत्यम्परीयाय

यो वै यमं देवयजनमस्या अनिर्याच्याग्निं चिनुते यमायैनुं स
 चिनुतेऽपेतेत्यध्यवसाययति
 यममेव देवयजनमस्यै निर्याच्यात्मनेऽग्निं चिनुत
 इष्वग्रेण वा अस्या अनामृतमिच्छन्तो नाविन्दन्ते देवा
 एतद्यजुरपश्यन्नपेतेति
 यदेतेनाध्यवसाययत्यनामृत एवाग्निं चिनुत
 उद्धन्ति
 यदेवास्या अमेध्यं तदप हन्त्यपोऽवोक्षति
 शान्त्यै
 सिकता नि वपत्येतद्वा अग्रेवैश्वानुरस्य रूपं
 रूपेणैव वैश्वानुरमव रुद्ध
 ऊषान्नि वपति
 पुष्टिर्वा एषा प्रजननं यदूषाः
 पुष्ट्यामेव प्रजननेऽग्निं चिनुतेऽथो संज्ञानं यव
 संज्ञानं ह्येतत्पशूनां यदूषा
 द्यावापृथिवी सहास्तां
 ते वियती अब्रूतामस्त्वेव नौ सह यज्ञियमिति
 यदमुष्या यज्ञियमासीत्तदस्यामदधात् ऊषा अभवन्त्यदस्या
 यज्ञियमासीत्तदमुष्यामदधात्तददश्चन्द्रमसि कृष्णमूषान्निवपन्नदो
 ध्यायेद्द्यावापृथिव्योरेव यज्ञियेऽग्निं चिनुतेऽयं सो अग्निरिति विश्वा
 मित्रस्य सूक्तम्भवत्येतेन वै विश्वामित्रोऽग्नेः प्रियं
 धामावारुद्धाग्नेरेवैतेन प्रियं धामाव रुद्धे
 छन्दोभिर्वै देवाः सुवर्गं लोकमायञ्चतस्त्रः प्राचीरुप दधाति
 चत्वारि चन्दांसि
 छन्दोभिरेव तद्यजमानः सुवर्गं लोकमेति
 तेषां सुवर्गं लोकं यतां दिशः समव्लीयन्त

ते द्वे पुरस्तात्समीची उपादधत द्वे पश्चात्समीची
 ताभिर्वै ते दिशोऽदृह्यद्वे पुरस्तात्समीची उपदधाति द्वे
 पश्चात्समीची
 दिशां विधृत्या
 अथौ पशवो वै छन्दांसि
 पशूनेवास्मै समीचौ दधात्यष्टावुप दधात्यष्टाक्षरा गायत्री
 गायत्रौऽग्निर्यावानेवाग्निस्तं चिनुतेऽष्टावुप दधात्यष्टाक्षरा
 गायत्री सुवर्गं लोकमञ्जसा वेद
 सुवर्गस्य लोकस्य प्रजात्यै
 त्रयोदश लोकम्पृणा उप दधात्येकविंशतिः सम्पद्यन्ते
 प्रतिष्ठा वा एकविंशः प्रतिष्ठा गार्हपत्य
 एकविंशस्यैव प्रतिष्ठां गार्हपत्यमनु प्रति तिष्ठति
 प्रत्यग्निं चिक्व्यानस्तिष्ठति य एवं वेद
 पञ्चचितीकं चिन्वीत प्रथमं चिन्वानः
 पाङ्क्तौ यज्ञः
 पाङ्क्ताः पशवौ
 यज्ञमेव पशूनव रुद्धे
 त्रिचितीकं चिन्वीत द्वितीयं चिन्वानस्त्रय इमे लोका
 एष्वैव लोकेषु ।६।प्रति तिष्ठन्त्येकचितीकं चिन्वीत तृतीयं
 चिन्वान
 एकधा वै सुवर्गो लोक
 एकवृतैव सुवर्गं लोकमेति
 पुरीषेणाभ्यूहति
 तस्मान्मासेनास्थिच्छन्नं
 न दुश्चर्मा भवति य एवं वेद
 पञ्च चित्तयो भवन्ति

पञ्चभिः पुरीषैरभ्यूहति
 दश सम्पद्यन्ते
 दशाक्षरा विराडन्नं विराड्विराज्येवान्नाद्ये प्रति तिष्ठति ॥३॥

वि वा एतौ द्विषाते यश्च पुराग्रिर्यश्चोखायाँ
 समितुमिति चतसृभिः सं नि वपति
 चत्वारि च्छन्दाँसि
 च्छन्दाँसि खलु वा अग्नेः प्रिया तनूः
 प्रिययैवैनौ तनुवा सँ शास्ति
 समितुमित्याहु
 तस्माद्ब्रह्मणा क्षत्रँ समैति
 यत्सं न्युष्यं वि हरति
 तस्माद्ब्रह्मणा क्षत्रं व्यैत्यृ तुभिर्वा एतं दीक्षयन्ति
 स ऋतुभिरेव विमुच्यो
 मातेव पुत्रम्पृथिवी पुरीष्यमित्याहुर्तुभिरेवैनं दीक्षयित्वर्तुभिर्वि मुञ्चति
 वैश्वानुर्या शिष्यमा दत्ते
 स्वदयत्येवैनं नैर्ऋतीः कृष्णास्तिस्त्रस्तुषपक्वा भवन्ति
 निर्ऋत्यै वा एतद्भागधेयं यत्तुषा निर्ऋत्यै रूपं कृष्णँ
 रूपेणैव निर्ऋतिं निरवदयत
 इमां दिशं यन्त्येषा वै निर्ऋत्यै दिक्स्वायामेव दिशि निर्ऋतिं
 निरवदयते
 स्वकृत इरिण उप दधाति प्रदरे वैतद्वै निर्ऋत्या आयतनँ स्व
 एवायतने निर्ऋतिं निरवदयते
 शिष्यमभ्युप दधाति
 नैर्ऋतो वै पाशः
 साक्षादेवैनं निर्ऋतिपाशान्मुञ्चति

ति॒स्र उ॒प द॒धाति
 त्रे॒धावि॒हितो वै पु॒रुषो
 यावा॑ने॒व पु॒रुष॑स्तस्मा॒न्निर्ऋ॑ति॒मव॑ यज॒ते
 परा॑ची॒रुप॑ द॒धाति
 परा॑ची॒मेवास्मा॒न्निर्ऋ॑ति॒म्प्र शु॒द॒तेऽप्र॑ती॒क्ष॒मा य॑न्ति
 निर्ऋ॑त्या अ॒न्तर्हि॑त्यै
 मार्ज॑यित्वो॒प तिष्ठ॑न्ते
 मे॒ध्य॒त्वाय॑
 गा॒र्ह॒प॒त्य॒मु॒प तिष्ठ॑न्ते
 निर्ऋ॑ति॒लोक॑ ए॒व च॑रित्वा पू॒ता दै॒वलो॒कमु॒पाव॑र्तन्त
 ए॒क॒यो॒प तिष्ठ॑न्त
 ए॒क॒धै॒व यज॑माने वी॒र्यं॑ द॒धति॑ नि॒वेश॑नः स॒ङ्ग॑म॒नो व॑सू॒नामि॒त्याह॑
 प्र॒जा वै पु॒शवो॑ व॒सु
 प्र॒जयै॒वैन॑म्प॒शुभिः॑ स॒म॒र्ध॑यन्ति ॥४॥

पु॒रुष॑मा॒त्रेण॑ वि मि॒मीते
 य॒ज्ञेन॑ वै पु॒रुषः॑ स॒मि॒तो
 य॒ज्ञप॒रुषै॒वैनं॑ वि मि॒मीते
 यावा॑न्पु॒रुष ऊ॒र्ध्वबा॑हु॒स्तावा॑न्भवत्ये॒ताव॑द्वै पु॒रुषे॑ वी॒र्यं
 वी॒र्ये॒णै॒वैनं॑ वि मि॒मीते
 प॒क्षी भ॑वति
 न ह्य॑प॒क्षः प॑ति॒तुम॑र्हत्य र॒त्विना॑ प॒क्षौ द्रा॒घीयाँ॑सौ
 भव॑त॒स्तस्मा॑त्प॒क्षप्र॑वयाँ॒सि वयाँ॑सि
 व्याम॑मा॒त्रौ प॒क्षौ च॑ पु॒च्छं च॑ भवत्ये॒ताव॑द्वै पु॒रुषे॑ वी॒र्यं वी॒र्यस॑मि॒तो
 वे॒णुना॑ वि मि॒मीत
 आ॒ग्ने॒यो वै वे॒णुः

सयो॒नित्वा॒य
 यजु॑षा यु॒नक्ति॑
 यजु॑षा कृष॒ति
 व्यावृ॑त्त्यै
 षड्ग॒वेन॑ कृष॒ति
 षड्वा ऋ॒तव॑
 ऋ॒तुभिरे॒वैनं॑ कृष॒ति
 यद्द्वाद॑शग॒वेन॑ संवत्स॒रेणै॒वेयं॑ वा
 अ॒ग्नेर॑ति॒दाहा॑द॒बिभे॑त्सै॒तदि॑द्विगु॒णम॑पश्यत्कृष्टं चाकृष्टं च
 ततो॒ वा इ॒मां ना॒त्यद॑हृद्यत्कृष्टं चाकृष्टं च भव॑त्य॒स्या अ॒न॒ति॒दाहा॑य
 द्विगु॒णं त्वा अ॒ग्निमु॑द्यन्तुम॒र्हती॒त्याहु॑र्यत्कृष्टं चाकृष्टं च भव॑त्य॒ग्नेरु॑द्य॒त्या
 ए॒ताव॑न्तो॒ वै प॒शवो॑ द्वि॒पाद॑श्च चतु॑ष्पादश्च
 तान्य॒त्प्राच॑ उत्सृ॒जेद्बु॒द्राया॑पि दध्या॒द्यद॑क्षि॒णा पि॒तृभ्यो॑ नि
 धु॒वेद्य॑त्प्र॒तीचो॑ र॒क्षसि॑ ह॒न्युरु॑दी॒च उत्सृ॑जत्येषा वै दे॒वमनु॑ष्याणां
 शा॒न्ता दि॒क्तामे॒वैनान॑नूत्सृ॒जत्यथो॑ खल्वि॒मां दि॒शमु॑त्सृ॒जत्यसौ॑ वा
 आ॒दि॒त्यः प्रा॒णः
 प्रा॒णमे॒वैनान॑नूत्सृ॒जति
 दक्षि॒णा प॒र्याव॑र्तन्ते
 स्वमे॒व वी॒र्य॑मनु॒ प॒र्याव॑र्तन्ते
 तस्मा॒द्वक्षि॑णोऽर्ध आ॒त्मनो॑ वी॒र्या॑वत्त॒रोऽथो॑ आ॒दि॒त्यस्यै॒वावृ॑तमनु॒
 प॒र्याव॑र्तन्ते
 तस्मा॒त्परा॑ञ्चः प॒शवो॑ वि तिष्ठन्ते प्र॒त्यञ्च॑ आ वर्तन्ते
 ति॒स्रस्ति॑स्रः सी॒ताः कृष॑ति
 त्रि॒वृ॒तमे॒व य॒ज्ञमु॒खे वि या॑तय॒त्यो ष॑धीर्वपति
 ब्र॒ह्म॒णा न्न॒मव॑ रु॒द्धेऽर्के॑ऽर्कश्ची॒यते
 चतु॑र्द॒शभि॑र्वपति

सु॒प्त ग्रा॒म्या ओ॒षध॑यः सु॒प्ता॒र॒ण॒या
 उ॒भयी॑षा॒मव॑रुद्ध॒या
 अ॒न्नस्या॑न्नस्य व॒प॒त्यन्न॑स्यान्नस्याव॑रुद्ध॒यै
 कृ॒ष्टे व॑पति
 कृ॒ष्टे ह्यो॒षध॑यः प्र॒ति॒तिष्ठ॑न्त्य नु॒सी॒तं व॑पति
 प्र॒जा॒त्यै
 द्वा॒द॒श॒सु सी॒ता॒सु व॑पति
 द्वा॒द॒श॒ मा॒साः सं॑वत्स॒रः
 सं॑वत्स॒रेणै॒वास्मा॑ अ॒न्न॒म्प॒च॒ति
 यद॑ग्नि॒चि॒दन॑वरुद्धस्या॒शनी॒याद॑वरुद्धे॒न व्य॑ध्येत
 ये व॒न॒स्पती॑नाम्फ॒लग्र॑ह॒य॒स्तानि॒ध्मेऽपि॑ प्रो॒क्षे॒दन॑वरुद्धस्याव॑रुद्ध॒यै
 दि॒ग्भ्यो लो॒ष्टान्त॑स॒मस्य॑ति
 दि॒शामे॒व वी॒र्य॑मव॒रुध्य॑ दि॒शां वी॒र्ये॑ऽग्निं चि॒नुते॑
 यं द्वि॒ष्ट्याद्य॑त्र स स्यात्तस्यै दि॒शो लो॒ष्ट॒मा हरे॑दि॒षमूर्ज॑म॒ह॒मित॑ आ द॒द
 इती॑षमे॒वोर्जं॑ तस्यै दि॒शोऽव॑ रु॒द्धे
 क्षो॒धु॒को भ॑वति यस्तस्यां दि॒शि भ॑वत्यु॒त्तर॑वे॒दिमु॑प॒ वप॑त्युत्तरवे॒द्याꣳ
 ह्यग्नि॑श्ची॒यते॑ऽथौ प॒शवो॑ वा उ॒त्तर॑वे॒दिः
 प॒शूने॒वाव॑ रु॒द्धेऽथौ॑ यज्ञप॒रुषोऽन॑न्तरित्यै ॥५॥

अ॒ग्ने त॒व श्र॑वो व॒य इति॑ सि॒क॒ता नि॑ व॒पत्ये॒तद्वा अ॒ग्नेवै॑श्वा॒न॒रस्य॑
 सु॒क्तꣳ
 सु॒क्तेनै॒व वै॑श्वा॒न॒रम॑व॒ रुद्धे॑
 ष॒ड्भि॒र्नि व॑पति
 ष॒ड्वा ऋ॑तवः सं॑वत्स॒रः
 सं॑वत्स॒रोऽग्नि॑वै॒श्वा॒न॒रः
 सा॒क्षादे॒व वै॑श्वा॒न॒रम॑व॒ रुद्धे॑

समुद्रं वै नामैतच्छन्दः
 समुद्रमनु प्रजाः प्र जायन्ते
 यदेतेन सिकता नि वपति
 प्रजानाम्प्रजननायेन्द्रो वृत्राय वज्रम्प्राहरत्स त्रेधा
 व्यभवत्स्फ्यस्तृतीयं रथस्तृतीयं यूपस्तृतीयं
 येऽन्तः शरा अशीर्यन्त ताः शर्करा अभवन्
 तच्छर्कराणां शर्करत्वं
 वज्रो वै शर्कराः
 पशुरग्निर्यच्छर्कराभिरग्निम्परिमिनोति वज्रैर्गैवास्मै पशून्परि गृह्णाति
 तस्माद्वज्रेण पशवः परिगृहीतास्तस्मात्स्थेयानस्थेयसो नोप हरते
 त्रिसप्ताभिः पशुकामस्य परि मिनुयात्
 सप्त वै शीर्षण्याः प्राणाः
 प्राणाः पशवः
 प्राणैरेवास्मै पशून्व रुद्धे
 त्रिणवाभिर्भ्रातृव्यवतस्त्रिवृतमेव वज्रं सम्भृत्य भ्रातृव्याय प्र हरति
 स्तृत्या
 अपरिमिताभिः परि मिनुयादपरिमितस्यावरुद्ध्यै
 यं कामयैतापशुः स्यादित्यपरिमित्य तस्य शर्कराः सिकता
 व्यूहेदपरिगृहीत एवास्य विषूचीनं रेतः परा सिञ्चत्यपशुरेव भवति
 यं कामयैत
 पशुमान्तस्यादिति परिमित्य तस्य शर्कराः सिकता व्यूहेत्परिगृहीत
 एवास्मै समीचीनं रेतः सिञ्चति
 पशुमानेव भवति
 सौम्या व्यूहति
 सोमो वै रेतोधा
 रेत एव तद्धाति

गायत्रिया ब्राह्मणस्य गायत्रो हि ब्राह्मणस्त्रिष्टुभा राजन्यस्य त्रैष्टुभो हि राजन्यः

शम्युम्बार्हस्पत्यम्मेधो नोपानमत्सोऽग्निम्प्राविशत्सोऽग्नेः कृष्णौ रूपं कृत्वोदायतु

सोऽश्वम्प्राविशत्सोऽश्वस्यावान्तरशफोऽभवद्यदश्वमाक्रमयति य एव मेधोऽश्वम्प्राविशत्तमेवाव रुद्धे

प्रजापतिनाग्निश्चैतव्य इत्याहुः

प्राजापत्योऽश्वो

यदश्वमाक्रमयति प्रजापतिनैवाग्निं चिनुते

पुष्करपर्णमुप दधाति

योनिर्वा अग्नेः पुष्करपर्णं

सयौनिमेवाग्निं चिनुतेऽपाम्पृष्ठमसीत्युप दधात्युपां वा एतत्पृष्ठं

यत्पुष्करपर्णं रूपेणैवैनदुप दधाति ॥६॥

ब्रह्म जज्ञानमिति रुक्ममुप दधाति

ब्रह्ममुखा वै प्रजापतिः प्रजा असृजत

ब्रह्ममुखा एव तत्प्रजा यजमानः सृजते

ब्रह्म जज्ञानमित्याहुः

तस्माद्ब्राह्मणो मुख्यो

मुख्यो भवति य एवं वेद

ब्रह्मवादिनो वदन्ति

न पृथिव्यां नातरिक्षे न दिव्यग्निश्चैतव्य इति

यत्पृथिव्यां चिन्वीत पृथिवीं शुचार्पयेन्नौषधयो न वनस्पतयः प्र

जायेरन्यदन्तरिक्षे चिन्वीतान्तरिक्षं शुचार्पयेन्न वयांसि प्र

जायेरन्यद्वि दिव्यं शुचार्पयेन्न पर्जन्यो वर्षेद्रुक्ममुप

दधात्यमृतं वै हिरण्यममृत एवाग्निं चिनुते प्रजात्यै

हिर॒ण्म॒य॒म्पुरु॑ष॒मुप॑ दधाति
 यज॒मान॒लोक॑स्य॒ विधृ॑त्यै
 यदिष्ट॑काया॒ आतृ॑ण॒णम॒नूप॑द॒ध्यात्प॑शूनां च॒ यज॑मानस्य च प्रा॒णमपि॑
 द॒ध्याद॑क्षिणतः प्राञ्च॒मुप॑ दधाति
 दा॒धारं॑ यज॒मान॒लोकं॑
 न प॑शूनां च॒ यज॑मानस्य च प्रा॒णमपि॑ दधा॒त्यथो॑ खल्विष्ट॑काया॒
 आतृ॑ण॒णम॒नूप॑ दधाति
 प्रा॒णाना॑मुत्सृष्ट॑चै
 द्र॒प्सश्च॑स्क॒न्देत्य॑भि मृ॒शति॑
 होत्रा॑स्वे॒वैन॒म्प्रति॑ ष्ठापयति
 स्रुचा॑वुप॑ दधा॒त्या ज्य॑स्य पूर्णां का॒र्ष्य॒र्यम॒यीं द॒ध्नः
 पूर्णा॑मौदु॒म्बरी॑ मि॒यं वै का॒र्ष्य॒र्यम॒य्य॒सावौदु॑म्बरी॒मे ए॒वोप॑ धत्ते
 तू॒ष्णीमु॑प॑ दधाति॒ न ही॑मे यजुषा॒प्तुम॑र्हति
 दक्षि॑णां का॒र्ष्य॒र्यम॒यीमु॑त्तरा॒मौदु॑म्बरीं
 तस्मा॑द॒स्या अ॒सावु॑त्तरा॒ज्यस्य॑ पूर्णां का॒र्ष्य॒र्यम॒यीं
 वज्रो॑ वा आ॒ज्यं वज्रः॑ का॒र्ष्य॒र्यो
 वज्रै॑णै॒व यज्ञ॑स्य॒ दक्षि॑णतो रक्षाँ॒स्यप॑ हन्ति
 द॒ध्नः पूर्णा॑मौदु॒म्बरीं
 प॒शवो॑ वै दध्यूर्गु॒दुम्बरः॑
 प॒शुष्वे॒वोर्जं॑ दधाति
 पूर्णे॑ उप॑ दधाति
 पूर्णे॑ ए॒वैन॑म॒मुष्मिँल्लो॒क उप॑ तिष्ठेते
 वि॒राज्य॑ग्निश्चै॒तव्य॑ इत्याहुः
 स्रु॒ग्वै वि॒राड॑यत्स्रुचा॑वुप॑ दधाति वि॒राज्ये॒वाग्निं॑ चिनुते
 यज्ञ॑मु॒खेय॑ज्ञमु॒खे वै क्रि॒यमा॑णे य॒ज्ञँ रक्षाँ॑सि जिघाँ॒सन्ति
 यज्ञ॑मुखँ रु॒क्मो

यद्रुक्मं व्याघारयति यज्ञमुखादेव रक्षाँस्यप हन्ति
 पञ्चभिर्व्याघारयति
 पाङ्क्तौ यज्ञो
 यावानेव यज्ञस्तस्माद्रक्षाँस्यप हन्त्य दक्षया व्याघारयति
 तस्मादक्षया पशवोऽङ्गानि प्र हरन्ति प्रतिष्ठित्यै ॥७॥

स्वयमातृणामुप दधातीयं वै स्वयमातृणामेवोप धत्तेऽश्वमुप
 घ्रापयति
 प्राणमेवास्यं दधात्यथौ प्राजापत्यो वा अश्वः
 प्रजापतिनैवाग्निं चिनुते
 प्रथमेष्टकोपधीयमाना पशूनां च यजमानस्य च प्राणमपि दधाति
 स्वयमातृणा भवति
 प्राणानामुत्सृष्ट्या अथौ सुवर्गस्य लोकस्यानुख्यात्या
 अग्नावग्निश्चैतव्य इत्याहुरेष वा अग्निर्वैश्वानरो यद्ब्राह्मणस्तस्मै
 प्रथमामिष्टकां यजुष्कृताम्प्र यच्छेत्ताम्ब्राह्मणश्चोपदध्यातामग्नावेव
 तदग्निं चिनुत
 ईश्वरो वा एष आर्तिमार्तोऽर्वोऽविद्वानिष्टकामुपदधाति
 त्रीन्वरान्दद्यात्त्रयो वै प्राणाः
 प्राणानाँ स्तृत्यै
 द्वावेव देयौ
 द्वौ हि प्राणावेक एव देय
 एको हि प्राणः
 पशुर्वा एष यदग्निर्न खलु वै पशुव आयवसे रमन्ते
 दूर्वेष्टकामुप दधाति पशूनां धृत्यै
 द्वाभ्याम्प्रतिष्ठित्यै
 काण्डात्काण्डात्प्ररोहन्तीत्याह

काण्डेनकाण्डेन ह्येषा प्रतितिष्ठत्ये वा नो दूर्वे प्र तनु सहस्रेण
 शतेन चेत्याह
 साहस्रः प्रजापतिः
 प्रजापतेराप्तचै
 देवलक्ष्मं वै त्र्यालिखिता
 तामुत्तरलक्ष्माणं देवा उपादधृताधरलक्ष्माणमसुरा
 यं कामयैत
 वसीयान्त्स्यादित्युत्तरलक्ष्माणं तस्योप दध्याद्वसीयानेव भवति
 यं कामयैत
 पापीयान्त्स्यादित्यधरलक्ष्माणं तस्योप दध्यादसुरयोनिमेवैनमनु परा
 भावयति
 पापीयान्भवति
 त्र्यालिखिता भवतीमे वै लोकारूपालिखितैभ्य एव लोकेभ्यो
 भ्रातृव्यमन्तरेत्यङ्गिरसः सुवर्गं लोकं यतः पुरोडाशः कूर्मो भूत्वानु
 प्रासर्पत्यत्कूर्ममुपदधाति यथा क्षेत्रविदञ्जसा नयत्येवमेवैनं कूर्मः
 सुवर्गं लोकमञ्जसा नयति
 मेधो वा एष पशूनां यत्कूर्मो
 यत्कूर्ममुपदधाति स्वमेव मेधम्पश्यन्तः पशव उप तिष्ठन्ते
 श्मशानं वा एतत्क्रियते यन्मृतानाम्पशूनां शीर्षाण्युपधीयन्ते
 यज्जीवन्तं कूर्ममुपदधाति तेनाश्मशानचिद्वास्तव्यौ वा एष यत्कूर्मो
 मधु वाता ऋतायत इति दध्ना मधुमिश्रेणाभ्यनक्ति
 स्वदयत्येवैनं
 ग्राम्यं वा एतदन्नं यद्दध्याण्यममधु
 यद्दध्ना मधुमिश्रेणाभ्यनक्त्युभयस्यावरुद्धयै
 मही द्यौः पृथिवी च न इत्याहाभ्यामेवैनमुभयतः परि गृह्णाति
 प्राञ्चमुप दधाति सुवर्गस्य लोकस्य समष्ट्यै पुरस्तात्प्रत्यञ्चमुप

दधाति

तस्मात्पुरस्तात्प्रत्यञ्चः पशवो मेधमुप तिष्ठन्ते
 यो वा अपनाभिमग्निं चिनुते यजमानस्य नाभिमनु प्र विंशति
 स एनमीश्वरो हिंसितोरूलूखलमुप दधात्येषा वा अग्नेर्नाभिः
 सनाभिमिवाग्निं चिनुते हिंसाया
 औदुम्बरम्भवत्यूर्वा उदुम्बर
 ऊर्जमेवाव रुद्धे
 मध्यत उप दधाति
 मध्यत एवास्मा ऊर्ज दधाति
 तस्मान्मध्यत ऊर्जा भुञ्जत
 इयद्भवति
 प्रजापतिना यज्ञमुखेन सम्मितमव हन्त्यन्नमेवाक वैष्णव्यर्चोप
 दधाति
 विष्णुवै यज्ञो
 वैष्णवा वनस्पतयो
 यज्ञ एव यज्ञम्प्रति स्थापयति ॥८॥

एषां वा एतल्लोकानां ज्योतिः सम्भृतं यदुखा
 यदुखामुपदधात्यैभ्य एव लोकेभ्यो ज्योतिरव रुद्धे
 मध्यत उप दधाति
 मध्यत एवास्मै ज्योतिर्दधाति
 तस्मान्मध्यतो ज्योतिरुपास्महे
 सिकताभिः पूरयत्येतद्वा अग्नेर्वैश्वानरस्य रूपं
 रूपेणैव वैश्वानरमव रुद्धे
 यं कामयैत
 क्षोधुकः स्यादित्यूनां तस्योप दध्यात्क्षोधुक एव भवति

यं क॒राम॒ये॒तानु॑पदस्य॒दन्न॑मद्यादिति॒ पूर्णा॑ तस्योप
 दध्या॒दनु॑पदस्यदे॒वान्न॑मत्ति
 स॒हस्रं॑ वै प्र॒ति पु॑रुषः प॒शूनां॑ यच्छति स॒हस्र॑म॒न्ये प॒शवो॑
 म॒ध्ये पु॑रुषशी॒र्षमु॑प दधाति
 सवी॒र्य॒त्वायो॑ खा॒याम॑पि दधाति
 प्र॒तिष्ठा॑मे॒वैन॑द्गमयति
 व्यृ॒द्धं वा ए॒तत्प्रा॒णैर॑मे॒ध्यं यत्पु॑रुषशी॒र्षम॑मृतं खलु॒ वै प्रा॒णा अ॒मृत॑ꣳ
 हि॒र॒ण्यं
 प्रा॒णेषु॑ हि॒र॒ण्यश॑ल्कान्प्रत्य॑स्यति
 प्र॒तिष्ठा॑मे॒वैन॑द्गमयित्वा प्रा॒णैः स॑म॒र्धय॑ति
 द॒ध्ना म॑धुमि॒श्रेण॑ पू॒रय॑ति
 म॒ध॒व्योऽसा॑नीति
 शृ॒तात॑ङ्क॒चैन॑ मे॒ध्य॒त्वाय॑
 ग्रा॒म्यं वा ए॒तद॑न्नं यद्द॒ध्या॒र॒ण्यम॑मधु
 यद्द॒ध्ना म॑धुमि॒श्रेण॑ पू॒रय॑त्यु॒भय॑स्याव॒रुद्ध॑चै
 प॒शुशी॒र्षाण्यु॑प दधाति
 प॒शवो॑ वै प॒शुशी॒र्षाणि॑
 प॒शूने॒वाव॑ रु॒द्धे
 यं क॒राम॒ये॒ताप॑शुः स्या॒दिति॑ वि॒षू॒चीना॑नि तस्योप दध्या॒द्विषू॑च
 ए॒वास्मा॑त्प॒शून्द॑धात्यप॒शुरे॒व भ॑वति
 यं क॒राम॒ये॒त
 प॒शुमा॑न्स्या॒दिति॑ स॒मी॒चीना॑नि तस्योप दध्यात्स॒मीच॑ ए॒वास्मै॑
 प॒शून्द॑धाति
 प॒शुमा॑ने॒व भ॑वति
 पु॒रस्ता॑त्प्र॒ती॒चीन॑म॒श्चस्यो॑प दधाति प॒श्चात्प्रा॒चीन॑मृष॒भस्या॑प॒शवो॑ वा
 अ॒न्ये गो॑अ॒श्वेभ्यः॑ प॒शवो॑

गोअश्वानेवास्मै समीचो दधात्ये तावन्तो वै पशवो द्विपादश्च
 चतुष्पादश्च
 तान्वा एतदग्नौ प्र दधाति यत्पशुशीर्षाण्युपदधात्यमुमारण्यमनु ते
 दिशामीत्याह
 ग्राम्येभ्य एव पशुभ्य आरण्यान्पशूञ्छुचमनूत्सृजति
 तस्मात्समावत्पशूनाम्प्रजायमानानामारण्याः पशवः कनीयाँसः
 शुचा ह्यृताः
 सर्पशीर्षमुप दधाति
 यैव सर्पे त्विषिस्तामेवाव रुद्धे यत्समीचीनम्पशुशीर्षैरुप
 दध्याद्ग्राम्यान्पशून्दँशुकाः स्युर्यद्विषूचीनमारण्यान्यजुरेव वदेदव
 तां त्विषिँ रुद्धे या सर्पे
 न ग्राम्यान्पशून्हिनस्ति नारण्या नथो खलूपधेयमेव
 यदुपदधाति तेन तां त्विषिमव रुद्धे या सर्पे
 यद्यजुर्वदति तेन शान्तम् ॥६॥

पशुर्वा एष यदग्निर्योनिः खलु वा एषा पशोर्वि क्रियते
 यत्प्राचीनमैष्टकाद्यजुः क्रियते
 रेतोऽपस्या
 अपस्या उप दधाति
 योनावेव रेतो दधाति
 पञ्चोप दधाति
 पाङ्गाः पशवः
 पशूनेवास्मै प्र जनयति
 पञ्च दक्षिणतो
 वज्रो वा अपस्या
 वज्रैरेव यज्ञस्य दक्षिणतो रक्षाँस्यप हन्ति

पञ्च पश्चात्प्राचीरुप दधाति
 पश्चाद्वै प्राचीनं॑ रेतो धीयते
 पश्चादेवास्मै प्राचीनं॑ रेतो दधाति
 पञ्च पुरस्तात्प्रतीचीरुप दधाति पञ्च पश्चात्प्राचीस्तस्मात्प्राचीनं॑ रेतो
 धीयते प्रतीचीः प्रजा जायन्ते
 पञ्चोत्तरतश्छन्दस्याः
 पशवो वै छन्दस्याः
 पशून्नेव प्रजातान्त्स्वमायतनमभि पर्यूहत
 इयं वा अग्नेरतिदाहादबिभेत्सैता अपस्या अपश्यत्ता उपाधत्त
 ततो वा इमां नात्यदहृद्यदपस्या उपदधात्यस्या अनतिदाहायो वाच
 हेयमददित्स ब्रह्मणान्नं यस्यैता उपधीयान्तै य उ चैना एवं वेददिति
 प्राणभृत् उप दधाति
 रेतस्येव प्राणान्दधाति
 तस्माद्वदन्प्राणन्पश्यञ्छृणवन्पशुर्जायतेऽयम्पुरो भुव इति पुरस्तादुप
 दधाति
 प्राणमेवैताभिर्दाधारायं दक्षिणा विश्वकर्मेति दक्षिणतो
 मन एवैताभिर्दाधारायम्पश्चाद्विश्वव्यचा इति
 पश्चाच्चक्षुरेवैताभिर्दाधारेदमुत्तरात्सुवरित्युत्तरतः
 श्रोत्रमेवैताभिर्दाधारेयमुपरि मतिरित्युपरिष्ठाद्वाचमेवैताभिर्दाधार
 दशदशोप दधाति सवीर्यत्वाया क्षणयोप दधाति
 तस्मादक्षण्या पशवोऽङ्गानि प्र हरन्ति
 प्रतिष्ठित्यै
 याः प्राचीस्ताभिर्वसिष्ठ आध्नोद्या दक्षिणा ताभिर्भरद्वाजो
 याः प्रतीचीस्ताभिर्विश्वामित्रो
 या उदीचीस्ताभिर्जमदग्निर्या ऊर्ध्वास्ताभिर्विश्वकर्मा
 य एवमेतासामृद्धिं वेदध्नोत्येव

य आ॒सामे॒वम्ब॒न्धुतां॑ वे॒द ब॒न्धुमा॑न्भवति
 य आ॒सामे॒वं क्लृ॑प्तं वे॒द कल्प॑तेऽस्मै
 य आ॒सामे॒वमा॒यत॑नं वे॒दाय॑तनवान्भवति
 य आ॒सामे॒वम्प्र॑तिष्ठां वे॒द प्रत्ये॑व तिष्ठति
 प्रा॒णभृ॑तं उ॒पधा॑य सं॒यत॑ उ॒प द॑धाति
 प्रा॒णाने॒वास्मि॑न्धित्वा सं॒यद्भिः॑ सं यच्छति
 तत्सं॒यतां॑ सं॒यत्त्वम॑थो प्रा॒ण ए॒वापा॑नं दधाति
 तस्मा॑त्प्रा॒णापा॑नौ सं चर॑तो
 विषू॑चीरुपं दधाति
 तस्मा॑द्विष्व॑ञ्चौ प्रा॒णापा॑नौ
 यद्वा अ॒ग्नेरसं॑यतमसु॒वर्ग्यम॑स्य तत्सु॒वर्ग्योऽग्निर्य॑त्सं॒यत॑ उ॒प द॑धाति
 समे॒वैनं॑ यच्छति सु॒वर्ग्यमे॒वाक॑रु॒यवि॑र्वयः कृ॒तमया॑ना॒मित्या॑ह
 वयो॑भिरे॒वाया॑नव रु॒द्धेऽयै॑र्वयां॑सि
 सु॒र्वतो॑ वा॒युम॑तीर्भवन्ति
 तस्मा॑दयं॑ सु॒र्वतः॑ पवते ॥१०॥

गा॒यत्री त्रि॒ष्टुब्ज॑ग॒त्यनु॒ष्टुप्प॒ङ्क्या॑ सह । बृ॒हत्यु॑ष्णिहा क॒कुत्सू॑चीभिः
 शि॒म्यन्तु॑ त्वा ॥
 द्वि॒पदा॑ या चतु॑ष्पदा त्रि॒पदा॑ या च षट्प॑दा । सच्छ॑न्दा या च
 विच्छ॑न्दाः सू॒चीभिः॑ शि॒म्यन्तु॑ त्वा ॥
 म॒हाना॑म्नी रे॒वत॑यो विश्वा आ॒शाः प्र॒सूव॑रीः । मे॒घ्या वि॒द्युतो॑ वाचः
 सू॒चीभिः॑ शि॒म्यन्तु॑ त्वा ॥
 र॒ज॒ता हरि॑णीः सी॒सा यु॒जौ यु॒ज्यन्ते॑ कर्मभिः । अ॒श्वस्य॑
 वा॒जिन॑स्त्व॒चि सू॒चीभिः॑ शि॒म्यन्तु॑ त्वा ॥
 ना॒रीस्ते॑ प॒त्नयो॑ लोम॒ वि चि॑न्वन्तु मनी॒षया॑ । दे॒वाना॑म्प॒त्नीर्दि॑शः
 सू॒चीभिः॑ शि॒म्यन्तु॑ त्वा ॥

कुविदङ्गं यवमन्तो यवं चिद्यथा दान्त्यनुपूर्वं वियूय । इहेहैषां
कृणुत भोजनानि ये बर्हिषो नमोवृक्तिं न जग्मुः ॥११॥

कस्त्वा छयति कस्त्वा वि शास्ति कस्ते गात्राणि शिम्यति । क उ
ते शमिता कविः ॥

ऋतवस्त ऋतुधा परुः शमितारो वि शासतु । संवत्सरस्य धारयसा
शिमीभिः शिम्यन्तु त्वा ॥

दैव्या अध्वर्यवस्त्वा छयन्तु वि च शासतु । गात्राणि पर्वशस्ते
शिमाः कृणवन्तु शिम्यन्तः ॥

अर्धमासाः परूँषि ते मासाश्छयन्तु शिम्यन्तः । अहोरात्राणि
मरुतो विलिष्टँ सूदयन्तु ते ॥

पृथिवी तेऽन्तरिक्षेण वायुश्छिद्रम्भिषज्यतु । द्यौस्ते नक्षत्रैः सह रूपं
कृणोतु साधुया ॥

शं ते परैभ्यो गात्रैभ्यः शमस्त्वरेभ्यः । शमस्थभ्यो मज्जभ्यः शमु
ते तनुवै भुवत् ॥१२॥

इति पञ्चमकाण्डे द्वितीयः प्रपाठकः २

अथ पञ्चमकाण्डे तृतीयः प्रपाठकः ३

उत्सन्नयज्ञो वा एष यदग्निः

किं वाहैतस्य क्रियते किं वा न

यद्वै यज्ञस्य क्रियमाणस्यान्तर्यन्ति पूरयति वा अस्य तदाश्विनीरुप

दधात्यश्विनौ वै देवानाम्भिषजौ

ताभ्यामेवास्मै भेषजं करोति

पञ्चोप दधाति

पाङ्क्तौ यज्ञो

यावानेव यज्ञस्तस्मै भेषजं करोत्यृतव्या उप दधात्यृतूनां क्लृप्तये

पञ्चोपं दधाति
 पञ्च वा ऋतवो
 यावन्त एवर्तवस्तान्कल्पयति
 समानप्रभृतयो भवन्ति समानोर्दकास्तस्मात्समाना ऋतव
 एकैः पदेन व्यावर्तन्ते
 तस्मादृतवो व्यावर्तन्ते
 प्राणभृत उपं दधात्यृतुष्वेव प्राणान्दधाति
 तस्मात्समानाः सन्ते ऋतवो न जीर्यन्त्यथो प्र जनयत्येवैनां नेष वै
 वायुर्यत्प्राणो
 यदृतव्या उपधाय प्राणभृत उपदधाति तस्मात्सर्वानृतूननु वायुरा
 वरीवर्ति
 वृष्टिसनीरुपं दधाति
 वृष्टिमेवाव रुद्धे यदैकधोपदध्यादेकमृतुं वर्षेदनुपरिहारं सादयति
 तस्मात्सर्वानृतून्वर्षति
 यत्प्राणभृत उपधाय वृष्टिसनीरुपदधाति तस्माद्वायुप्रच्युता दिवो
 वृष्टिरीते
 पशवो वै वयस्या
 नानामनसः खलु वै पशवो नानाव्रतास्तैऽप एवाभि समनसो यं
 कामयैतापशुः स्यादिति वयस्यास्तस्योपधायपस्या उप
 दध्यादसंज्ञानमेवास्मै पशुभिः करोत्यपशुरेव भवति
 यं कामयैत
 पशुमान्तस्यादित्यपस्यास्तस्योपधाय वयस्या उप
 दध्यात्संज्ञानमेवास्मै पशुभिः करोति
 पशुमानेव भवति
 चतस्रः पुरस्तादुपं दधाति
 तस्माच्चत्वारि चक्षुषो रूपाणि द्वे शुक्ले द्वे कृष्णे मूर्धन्वतीर्भवन्ति

तस्मात्पुरस्तान्मूर्धा
 पञ्च दक्षिणायामुप श्रोण्यामुप दधाति पञ्चोत्तरस्यां
 तस्मात्पश्चाद्वर्षीयान्पुरस्तात्प्रवणः पशुर्बस्तो वय इति दक्षिणेऽसि
 उप दधाति वृष्णिर्वय इत्युत्तरे
 ऽसिवावेव प्रति दधाति
 व्याघ्रो वय इति दक्षिणे पक्ष उप दधाति सिंहो वय इत्युत्तरे
 पक्षयोरिव वीर्यं दधाति
 पुरुषो वय इति मध्ये तस्मात्पुरुषः पशूनामधिपतिः ॥१॥

इन्द्राग्नी अव्यथमानामिति स्वयमातृणामुप दधातीन्द्राग्निभ्यां वा
 इमौ लोकौ विधृतावनयोर्लोकयोर्विधृत्या
 अधृतेव वा एषा यन्मध्यमा चित्तिरन्तरिक्षमिव वा एषेन्द्राग्नी
 इत्याहेन्द्राग्नी वै देवानामोजोभृतावोजसैवैनामन्तरिक्षे चिनुते
 धृत्यै
 स्वयमातृणामुप दधात्यन्तरिक्षं वै स्वयमातृणान्तरिक्षमेवोप
 धृत्तेऽश्वमुप घ्रापयति
 प्राणमेवास्यां दधात्यथौ प्राजापत्यो वा अश्वः
 प्रजापतिनैवाग्निं चिनुते
 स्वयमातृणा भवति
 प्राणानामुत्सृष्ट्या
 अथौ सुवर्गस्य लोकस्यानुरुख्यात्यै
 देवानां वै सुवर्गं लोकं यतां दिशः समवलीयन्त
 त एता दिश्या अपश्यन्ता उपादधत्
 ताभिर्वै ते दिशोऽदृह्यदिश्या उपदधाति
 दिशां विधृत्यै
 दश प्राणभृतः पुरस्तादुप दधाति

न॒व॒ वै पु॒रु॒षे प्रा॒णा नाभि॑र्द॒श॒मी
 प्रा॒णाने॒व पु॒रस्ता॑द्ध॒त्ते
 तस्मा॑त्पु॒रस्ता॑त्प्रा॒णा
 ज्योति॑ष्मतीमु॒त्त॒मामु॑प॒ दधा॑ति
 तस्मा॑त्प्रा॒णानां॑ वाग्ज्योति॑रु॒त्त॒मा
 दशो॑प॒ दधा॑ति
 दशा॑क्षरा वि॒राड्वि॒राट्छन्दा॑सां ज्योति॑र्ज्योति॑रे॒व पु॒रस्ता॑द्ध॒त्ते
 तस्मा॑त्पु॒रस्ता॑ज्ज्योति॑रु॒पास्महे॑
 छन्दा॑ँसि प॒शुष्व॒ाजि॑म॒युस्ता॑न्बृ॒हत्यु॑द॒जय॑त्तस्मा॒द्बार्ह॑ताः प॒शव॑
 उच्य॑न्ते
 मा च्छ॑न्द इति॑ दक्षि॒णत॑ उप॒ दधा॑ति तस्मा॑द्दक्षि॒णावृ॑तो मा॒साः
 पृथि॑वी छन्द॒ इति॑ प॒श्चात्प्र॑तिष्ठित्या
 अ॒ग्निर्दे॒वतेत्यु॑त्तर॒त ओजो॑ वा अ॒ग्निरोज॑ ए॒वोत्त॑र॒तो ध॑त्ते
 तस्मा॑दुत्तरतोऽभि॒प्रया॑यी ज॒यति॑
 षट्त्रि॑ँशत्सं प॑द्यन्ते
 षट्त्रि॑ँशदक्षरा बृ॒हती
 बा॒र्हताः प॒शवो॑
 बृ॒हत्यैवा॑स्मै प॒शून॑व॒ रुद्धे॑
 बृ॒हती छन्दा॑साँ स्वारा॑ज्य॒म्परी॑याय
 यस्यै॒ता उ॑प॒धी॒यन्ते गच्छ॑ति स्वारा॑ज्यँ
 स॒प्त वा॒ल्खिल्याः पु॒रस्ता॑दुप॒ दधा॑ति स॒प्त प॒श्चात्स॒प्त वै शी॑र्ष॒ण्याः
 प्रा॒णा द्वा॒ववा॑ञ्चौ प्रा॒णानाँ॑ स॒वीर्य॑त्वाय
 मूर्धा॑सि राडिति॑ पु॒रस्ता॑दुप॒ दधा॑ति यन्त्री राडिति॑ प॒श्चात्प्रा॒णाने॒वास्मै॑
 स॒मीचौ॑ दधाति ॥२॥

दे॒वा वै यद्य॒ज्ञेऽकु॑र्वत॒ तदसु॑रा अकुर्वत॒

ते दे॒वा ए॒ता अ॒क्ष॒ण॒यास्तो॒मीया॑ अप॒श्य॒न्ता अ॒न्यथा॑ नू॒च्यान्य॒थोपा॑दधत
 तद॒सुरा॑ नान्ववा॒यन्त॒तौ दे॒वा अ॒भ॒व॒न्परा॑सुरा
 यद॒क्ष॒ण॒यास्तो॒मीया॑ अ॒न्यथा॑ नू॒च्यान्य॒थोपा॑दधाति॒ भ्रातृ॑व्याभिभूत्यै
 भव॑त्यात्म॒ना परा॑स्य॒ भ्रातृ॑व्यो भवत्या शु॒स्त्रिवृ॑दिति॒ पुर॒स्तादु॒प
 दधा॑ति

यज्ञ॒मुखं॑ वै त्रि॒वृ॒द्यज्ञ॒मुखमे॒व पुर॒स्ताद्वि॒ या॑तयति
 व्यो॒म सप्त॑द॒श इति॑ दक्षि॒णतो॑ऽन्नं वै व्यो॒मान्नं॑ सप्त॑द॒शोऽन्नमे॒व
 दक्षि॑णतो ध॒त्ते

तस्मा॒दक्षि॑णे॒नान्न॑मद्यते

ध॒रुण॑ एक॒विंश॑ इति॒ प॒श्चात्प्र॑ति॒ष्ठा वा ए॒कविं॑शः

प्रति॑ष्ठित्यै

भान्तः॑ प॒ञ्चद॒श इत्यु॑त्तर॒त

ओजो॑ वै भान्त

ओजः॑ प॒ञ्चद॒श

ओज॑ ए॒वोत्तर॑तो ध॒त्ते

तस्मा॒दुत्तर॑तोऽभिप्रया॒यी ज॑यति

प्रतू॒र्तिर॑ष्टाद॒श इति॑ पुर॒स्तादु॒प दधा॑ति

द्वौ त्रि॒वृ॒ता॒वभि॑पूर्व॒ येज्ञ॒मुखे॑ वि या॑तयत्य॒ भिव॑र्तः स॒विंश॑ इति॒

दक्षि॑णतोऽन्नं वा अ॒भिव॑र्तोऽन्नं॑ स॒विंशोऽन्नमे॒व दक्षि॑णतो ध॒त्ते

तस्मा॒दक्षि॑णे॒नान्न॑मद्यते

वर्चो॑ द्वा॒विंश॑ इति॒ प॒श्चाद्य॑द्विं॒शति॑र्द्धे तेन॒ वि॒राजो॑

यद्वे॒ प्रति॑ष्ठा तेन

वि॒राजो॑रि॒वाभि॑पूर्व॒मन्ना॑द्ये प्रति॑ तिष्ठति

तपो॑ नव॒दश॑ इत्यु॑त्तर॒तस्तस्मा॑त्स॒व्यो ह॑स्त॒योस्त॒पस्वि॑तरो

योनि॑श्चतुर्विं॒श इति॑ पुर॒स्तादु॒प दधा॑ति

चतुर्विं॒शत्य॑क्षरा गाय॒त्री

गा॒य॒त्री य॒ज्ञमु॒खं
 य॒ज्ञमु॒खमे॒व पु॒रस्ता॒द्वि या॑तयति
 गर्भाः पञ्चविं॑श इति दक्षिणतोऽन्नं वै गर्भा
 अन्न॑म्पञ्चविं॑शोन्नमे॒व दक्षिण॑तो धत्ते
 तस्मा॒दक्षि॑णेनान्नमद्यत
 ओज॑स्त्रिणव इति पश्चादिमे वै लो॒कास्त्रि॑णव
 ए॒ष्वे॒व लो॒केषु॑ प्रति तिष्ठति
 सम्भर॑णस्त्रयोविं॑श इत्युत्तरतस्तस्मात्स॒व्यो हस्त॑योः सम्भार्य॑तरः
 क्रतु॑रेकत्रिं॑श इति पु॒रस्ता॒दुप॑ दधाति
 वाग्वै क्रतु॑र्यज्ञमुखं वाग्य॒ज्ञमु॒खमे॒व पु॒रस्ता॒द्वि या॑तयति
 ब्र॒ध्नस्य॑ विष्टपं चतु॑स्त्रिं॑श इति दक्षिणतोऽसौ वा आ॑दित्यो ब्र॒ध्नस्य॑
 विष्ट॑पं
 ब्रह्म॑वर्चसमे॒व दक्षिण॑तो धत्ते
 तस्मा॒दक्षि॑णोऽर्धो ब्रह्म॑वर्चसितरः
 प्रति॑ष्ठा त्रयस्त्रिं॑श इति पश्चात्प्रतिष्ठित्यै
 नाकः षट्त्रिं॑श इत्युत्तरतः
 सु॒व॒र्गो वै लो॒को नाकः
 सु॒व॒र्गस्य॑ लो॒कस्य॑ समष्ट्यै ॥३॥

अ॒ग्नेर्भा॒गोऽसी॑ति पु॒रस्ता॒दुप॑ दधाति
 य॒ज्ञमु॒खं वा अ॒ग्निर्य॒ज्ञमु॒खं दी॒क्षा
 य॒ज्ञमु॒खम्ब्र॑ह्म
 य॒ज्ञमु॒खं त्रि॒वृ॒द्य॒ज्ञमु॒खमे॒व पु॒रस्ता॒द्वि या॑तयति
 नृ॒चक्ष॑साम्भा॒गोऽसी॑ति दक्षिणतः
 शु॒श्रु॒वाँसो॒ वै नृ॒चक्ष॑सोऽन्नं धा॒ता
 जा॒तायै॒वास्मा॒ अन्न॑मपि दधाति

तस्माज्जातोऽन्नमत्ति
 जनित्रं॑ स्पृतं॑ सप्तदशः स्तोम इत्याहान्नं वै जनित्रमन्नं॑
 सप्तदशोऽन्नमेव दक्षिणतो धत्ते
 तस्मादक्षिणेनान्नमद्यते
 मित्रस्य भागोऽसीति पश्चात्प्राणो वै मित्रोऽपानो वरुणः
 प्राणापानावेवास्मिन्दधाति
 दिवो वृष्टिर्वाताः स्पृता ऐकविंशः स्तोम इत्याह
 प्रतिष्ठा वा ऐकविंशः
 प्रतिष्ठित्या
 इन्द्रस्य भागोऽसीत्युत्तरत
 ओजो वा इन्द्र
 ओजो विष्णुरोजः क्षत्रमोजः पञ्चदश ओज एवोत्तरतो धत्ते
 तस्मादुत्तरतोऽभिप्रयायी जयति
 वसूनाम्भागोऽसीति पुरस्तादुप दधाति
 यज्ञमुखं वै वसवो
 यज्ञमुखं रुद्रा
 यज्ञमुखं चतुर्विंशो
 यज्ञमुखमेव पुरस्ताद्वि यातयत्या दित्यानाम्भागोऽसीति दक्षिणतोऽन्नं
 वा आदित्या
 अन्नम्पुरुतोऽन्नं गर्भा
 अन्नम्पञ्चविंशोऽन्नमेव दक्षिणतो धत्ते
 तस्मादक्षिणेनान्नमद्यतेऽदित्यै भागोऽसीति पश्चात्प्रतिष्ठा वा अदितिः
 प्रतिष्ठा पूषा
 प्रतिष्ठा त्रिणवः
 प्रतिष्ठित्यै
 देवस्य सवितुर्भागोऽसीत्युत्तरतो

ब्रह्म वै देवः सविता
 ब्रह्म बृहस्पतिर्ब्रह्म चतुष्टोमो
 ब्रह्मवर्चसमेवोत्तरतो धत्ते
 तस्मादुत्तरोऽर्धो ब्रह्मवर्चसितरः
 सावित्रवती भवति
 प्रसूत्यै
 तस्माद्ब्राह्मणानामुदीची सनिः प्रसूता
 धृत्रश्चतुष्टोम इति पुरस्तादुप दधाति
 यज्ञमुखं वै धृत्रो यज्ञमुखं चतुष्टोमो
 यज्ञमुखमेव पुरस्ताद्वि यातयति
 यावोनाम्भागोऽसीति
 दक्षिणतो
 मासा वै यावा अर्धमासा अयावास्तस्मादक्षिणावृतो मासा
 अन्नं वै यावा
 अन्नम्प्रजा
 अन्नमेव दक्षिणतो धत्ते
 तस्मादक्षिणेनान्नमद्यत
 ऋभूणाम्भागोऽसीति पश्चात्प्रतिष्ठित्यै
 विवर्तोऽष्टाचत्वारिंश इत्युत्तरतोऽनयोर्लोकयोः सवीर्यत्वाय
 तस्मादिमौ लोकौ समावर्द्धीर्यौ यस्य मुख्यवतीः पुरस्तादुपधीयन्ते
 मुख्य एव भवत्यास्य मुख्यो जायते
 यस्यान्नवतीर्दक्षिणतोऽत्यन्नमास्यान्नादो जायते
 यस्य प्रतिष्ठावतीः पश्चात्प्रत्येव तिष्ठति
 यस्यौजस्वतीरुत्तरत औजस्व्यैव भवत्यास्यौजस्वी जायतेऽर्को वा
 एष यदग्निस्तस्यैतदेव स्तोत्रमेतच्छस्त्रं
 यदेषा विधा विधीयतेऽर्क एव तदुर्क्यमनु वि

धी॒य॒तेऽत्य॒न्न॒मास्या॑न्नादो जा॒य॒ते यस्यै॒षा वि॒धा वि॒धी॒य॒ते य उ॑
 चैनामे॒वं वेद॑
 सृष्टी॒रुप॑ दधाति
 यथासृष्टमे॒वाव॑ रुद्धे
 न वा इ॒दं दि॒वा न नक्त॑मासीदव्यावृ॒त्तं
 ते दे॒वा ए॒ता व्यु॑ष्टीरपश्यन्ता उपा॑दधत्
 ततो॒ वा इ॒दं व्यौ॑च्छद्यस्यै॒ता उप॑धी॒य॒न्ते व्यै॒वास्मा॑ उच्छ॒त्यथो॒ तम॑
 ए॒वाप॑ हते ॥४॥

अग्रै॑ जा॒च॒तान्प्र॑ शु॒दा नः॑ स॒प॒त्नानि॑ति॒ पुर॑स्ता॒दुप॑ दधाति
 जा॒ताने॒व भ्रातृ॑व्यान्प्र॑ शु॒दते॑
 सह॑सा जा॒तानि॑ति॒ प॒श्चाज्ज॑निष्यमा॒णाने॒व प्र॑ति॒ नुद॑ते
 चतु॑श्चत्वारि॒ंशः॑ स्तोम॒ इति॑ दक्षि॒णतो॑
 ब्र॒ह्मव॑र्च॒सं वै च॑तुश्चत्वारि॒ंशो
 ब्र॒ह्मव॑र्च॒समे॒व द॑क्षि॒णतो॑ ध॒त्ते
 तस्मा॑द॒क्षि॒णोऽर्धो॑ ब्र॒ह्मव॑र्च॒सित॑रः
 षोड॒श स्तोम॑ इत्यु॒त्तर॑त
 ओजो॒ वै षोड॒श
 ओज॑ ए॒वोत्तर॑तो ध॒त्ते
 तस्मा॑दु॒त्तर॑तोऽभि॒प्रया॑यी ज॒यति॑
 वज्रो॒ वै च॑तुश्चत्वारि॒ंशो वज्रः॑ षोड॒शो
 यदे॒ते इष्ट॑के उ॒प॒दधा॑ति जा॒ताँश्चै॒व ज॑निष्यमा॒णाँश्च॑ भ्रातृ॑व्यान्प्र॑णुद्य
 वज्र॑मनु॒ प्र ह॑रति
 स्तृ॒त्यै
 पुरी॑षवती॒म्मध्य॑ उप॑ दधाति
 पुरी॑षं॒ वै म॑ध्यमा॒त्मनः॑

सात्मानमेवाग्निं चिनुते
 सात्मानमुष्मिँल्लोके भवति य एवं वेदै ता वा असपत्ना नामेष्टका
 यस्यैता उपधीयन्ते नास्य सपत्नौ भवति
 पशुर्वा एष यदग्निर्विराज उत्तमायां चित्यामुप दधाति
 विराजमेवोत्तमाम्पशुषु दधाति
 तस्मात्पशुमानुत्तमां वाचं वदति
 दशदशोप दधाति सवीर्यत्वाया द्दण्योप दधाति
 तस्माद्दण्यया पशवोऽङ्गानि प्र हरन्ति प्रतिष्ठित्यै
 यानि वै छन्दाँसि सुवर्ग्याण्यासन्तैर्देवाः सुवर्गं
 लोकमायन्तेनर्षयोऽश्राम्यन्ते तपोऽतप्यन्त
 तानि तपसापश्यन्तेभ्य एता इष्टका निरमिमतेवश्छन्दो वरिवश्छन्द
 इति

ता उपादधत
 ताभिर्वै ते सुवर्गं लोकमायन्यदेता इष्टका उपदधाति
 यान्येव छन्दाँसि सुवर्ग्याणि तैरेव यजमानः सुवर्गं लोकमेति
 यज्ञेन वै प्रजापतिः प्रजा असृजत
 ताः स्तोमभागैरेवासृजत
 यत्स्तोमभागा उपदधाति प्रजा एव तद्यजमानः सृजते
 बृहस्पतिर्वा एतद्यज्ञस्य तेजः समभरद्यत्स्तोमभागा
 यत्स्तोमभागा उपदधाति सतेजसमेवाग्निं चिनुते
 बृहस्पतिर्वा एतां यज्ञस्य प्रतिष्ठामपश्यद्यत्स्तोमभागा
 यत्स्तोमभागा उपदधाति यज्ञस्य प्रतिष्ठित्यै
 सप्तसप्तोप दधाति सवीर्यत्वाय
 तिस्रो मध्ये प्रतिष्ठित्यै ॥५॥

रश्मिरित्येवादित्यमसृजत

प्रेतिरिति धर्ममन्वितिरिति दिवं॑
 सन्धिरित्यन्तरिक्षं
 प्रतिधिरिति पृथिवीं
 विष्टम्भ इति वृष्टिं
 प्रवेत्यहरनुवेति रात्रिमुशिगिति वसून्प्रकेत इति
 रुद्रान्सुदीतिरित्यादित्यानोज इति पितृ॑
 स्तन्तुरिति प्रजाः
 पृतनाषाडिति पशून्नेवदित्योषधी रभिजिदसि युक्तग्रावेन्द्राय त्वेन्द्रं
 जिन्वेत्येव दक्षिणतो वज्रम्पर्योहदभिजित्यै
 ताः प्रजा अपप्राणा असृजत
 तास्वधिपतिरसीत्येव प्राणमदधाद्यन्तेत्यपान॑
 स॑सर्प इति चक्षुर्वयोधा इति श्रोत्रं
 ताः प्रजाः प्राणतीरपानतीः पश्यन्तीः शृण्वतीर्न मिथुनी अभवन्तासु
 त्रिवृदसीत्येव मिथुनमदधात्ताः प्रजा मिथुनी भवन्तीर्न प्राजायन्त
 ताः स॑रोहोऽसि नीरोहोऽसीत्येव प्राजनयत्ताः प्रजाः प्रजाता न
 प्रत्यतिष्ठन्ता वसुकोऽसि वेषश्चिरसि वस्यष्टिरसीत्येवैषु लोकेषु
 प्रत्यस्थापयद्यदाह
 वसुकोऽसि वेषश्चिरसि वस्यष्टिरसीति प्रजा एव प्रजाता एषु लोकेषु
 प्रति स्थापयति
 सात्मान्तरिक्षं॑ रोहति
 सप्राणोऽमुष्मिँल्लोके प्रति तिष्ठत्यव्यर्धुकः प्राणापानाभ्याम्भवति य
 एवं वेद ॥६॥

नाकसद्भिर्वै देवाः सुवर्गं लोकमायन्तन्नाकसदां नाकसत्त्वं
 यन्नाकसद उदधाति नाकसद्भिरेव तद्यजमानः सुवर्गं लोकमेति
 सुवर्गो वै लोको नाको

यस्यैता उपधीयन्ते नास्मा अकम्भवति
 यजमानायतनं वै नाकसदो
 यन्नाकसदं उपदधात्यायतनमेव तद्यजमानः कुरुते
 पृष्ठानां वा एतत्तेजः सम्भृतं यन्नाकसदो
 यन्नाकसदं उपदधाति पृष्ठानामेव तेजोऽव रुद्धे
 पञ्चचोडा उप दधात्यप्सरसं एवैनमेता भूता अमुष्मिल्लोक उप
 शेरेऽथो तनूपानीरिवैता यजमानस्य
 यं द्विष्यात्तमुपदधेद्व्यायेदेताभ्य एवैनं देवताभ्य आ वृश्चति
 ताजगार्तिमाच्छत्यु त्तरा नाकसद् उप दधाति
 यथा जायामानीय गृहेषु निषादयति तादृगेव
 तत्पश्चात्प्राचीमुत्तमामुप दधाति तस्मात्पश्चात्प्राची पत्रयन्वास्ते
 स्वयमातृणां च विकर्णी चौत्तमे उप दधाति
 प्राणो वै स्वयमातृणायुर्विकर्णी
 प्राणं चैवायुश्च प्राणानामुत्तमौ धत्ते
 तस्मात्प्राणश्चायुश्च प्राणानामुत्तमौ
 नान्यामुत्तरामिष्टकामुप दध्याद्यदन्यामुत्तरामिष्टकामुपदध्यात्पशूनां च
 यजमानस्य च प्राणं चायुश्चापि दध्यात्तस्मान्नान्योत्तरेष्टकोपधेया
 स्वयमातृणामुप दधात्यसौ वै स्वयमातृणामूमेवोप धत्तेऽश्चमुप
 घ्रापयति प्राणमेवास्यां दधात्यथो प्राजापत्यो वा अश्वः
 प्रजापतिनैवाग्निं चिनुते
 स्वयमातृणा भवति प्राणानामुत्सृष्ट्या अथो सुवर्गस्य
 लोकस्यानुरूयात्या
 एषा वै देवानां विक्रान्तिर्यद्विकर्णी
 यद्विकर्णीमुपदधाति देवानामेव विक्रान्तिमनु वि क्रमत उत्तरत उप
 दधाति तस्मादुत्तरत उपचारोऽग्निं वायुमती भवति
 समिद्धयै ॥७॥

छन्दाँस्युप दधाति
 पशवो वै छन्दाँसि
 पशूनेवाव रुद्धे
 छन्दाँसि वै देवानां वामम्पशवो
 वाममेव पशूनव रुद्ध एताँह वै यज्ञसेनश्चैत्रियायणश्चितिं विदां
 चकार
 तया वै स पशूनवारुद्ध
 यदेतामुपदधाति पशूनेवाव रुद्धे
 गायत्रीः पुरस्तादुप दधाति
 तेजो वै गायत्री
 तेज एव मुखतो धत्ते
 मूर्धन्वतीर्भवन्ति
 मूर्धानमेवैनँ समानानां करोति
 त्रिष्टुभ उप दधातीन्द्रियं वै त्रिष्टुगिन्द्रियमेव मध्यतो धत्ते
 जगतीरुप दधाति
 जागता वै पशवः
 पशूनेवाव रुद्धेऽनुष्टुभ उप दधाति
 प्राणा वा अनुष्टुप्प्राणानामुत्सृष्ट्यै
 बृहतीरुष्णिहाः पङ्कीरक्षरपङ्कीरिति विषुरूपाणि छन्दाँस्युप दधाति
 विषुरूपा वै पशवः
 पशवश्छन्दाँसि विषुरूपानेव पशूनव रुद्धे
 विषुरूपमस्य गृहे दृश्यते यस्यैता उपधीयन्ते य उ चैना एवं
 वेदा तिच्छन्दसमुप दधात्यतिच्छन्दा वै सर्वाणि छन्दाँसि
 सर्वेभिरेवैनं छन्दोभिश्चिनुते
 वर्ष वा एषा छन्दसां यदतिच्छन्दा
 यदतिच्छन्दसमुपदधाति वर्षमेवैनँ समानानां करोति

द्विपदा उप दधाति
 द्विपाद्यर्जमानः
 प्रतिष्ठित्यै ॥८॥

सर्वाभ्यो वै देवताभ्योऽग्निश्चीयते
 यत्सयुजो नोपदध्याद्देवता अस्याग्निं वृञ्जीरन्यत्सयुजं
 उपदधात्यात्मनैवैनं सयुजं चिनुते नाग्निना व्यृध्यतेऽथो यथा
 पुरुषः स्नावभिः सन्तत एवमेवैताभिर्ग्निः सन्ततोऽग्निना वै देवाः
 सुवर्गं लोकमायन्ता अमूः कृत्तिका अभवन्त्यस्यैता उपधीयन्ते
 सुवर्गमेव लोकमेति गच्छति प्रकाशं चित्रमेव भवति
 मण्डलेष्टका उप दधातीमे वै लोका मण्डलेष्टका
 इमे खलु वै लोका दैवपुरा
 दैवपुरा एव प्र विशति नार्तिमाच्छत्यग्निं चिक्यानो
 विश्वज्योतिष उप दधातीमानेवैताभिर्लोकाञ्ज्योतिष्मतः कुरुतेऽथो
 प्राणानेवैता यर्जमानस्य दाधत्येता वै देवताः सुवर्ग्यास्ता
 एवान्वारभ्य सुवर्गं लोकमेति ॥९॥

वृष्टिसनीरुप दधाति
 वृष्टिमेवाव रुद्धे
 यदैकधोपदध्यादेकमृतुं वर्षेदनुपरिहारं सादयति
 तस्मात्सर्वानृतून्वर्षति
 पुरोवातसर्निरसीत्याहैतद्वै वृष्ट्यै रूपं
 रूपेणैव वृष्टिमव रुद्धे
 संयानीभिर्वै देवा इमाँल्लोकान्त्समयुस्तत्संयानीनां संयानित्वं
 यत्संयानीरुपदधाति यथाप्सु नावा संयात्येवमेवैताभिर्यर्जमान
 इमाँल्लोकान्त्सं याति

प्लवो वा एषोऽग्नेर्यत्संयानीर्यत्संयानीरुपदधाति प्लवमेवैतमग्रय
 उप दधात्यु त यस्यैतासूपहितास्वापोऽग्निं हरन्त्यहंत
 एवास्याग्निं रादित्येष्टका उप दधात्यादित्या वा एतम्भूत्यै प्रति
 नुदन्ते योऽलम्भूत्यै सन्भूतिं न प्राप्नोत्यादित्या एवैनम्भूतिं
 गमयन्त्यसौ वा एतस्यादित्यो रुचमा दत्ते योऽग्निं चित्वा न रोचते
 यदादित्येष्टका उपदधात्युसावेवास्मिन्नादित्यो रुचं दधाति
 यथासौ देवानां रोचत एवमेवैष मनुष्याणां रोचते
 घृतेष्टका उप दधात्येतद्वा अग्नेः प्रियं धाम यद्धृतं
 प्रियेणैवैनं धाम्ना समर्धयत्यथो तेजसाऽनुपरिहारं
 सादयत्यपरिवर्गमेवास्मिन्तेजो दधाति
 प्रजापतिरग्निमचिनुत
 स यशसा व्यार्ध्यत
 स एता यशोदा अपश्यन्ता उपाधत्त
 ताभिर्वै स यश आत्मन्नधत्त
 यद्यशोदा उपदधाति यश एव ताभिर्यजमान आत्मन्धत्ते
 पञ्चोप दधाति
 पाङ्क्तुः पुरुषो
 यावानेव पुरुषस्तस्मिन्यशो दधाति ॥१०॥

देवासुराः संयत्ता आसन्कनीयांसो देवा आसन्भूयांसोऽसुरास्ते
 देवा एता इष्टका अपश्यन्ता उपाधत्त
 भूयस्कृदसीत्येव
 भूयांसोऽभवन्वन्स्पतिभिरोषधीभिर्वरिवस्कृदसीतीमामजयन्प्राच्य
 सीति प्राचीं दिशमजयन्नुर्ध्वासीत्यमूमजयन्नन्तरिक्षसदस्यन्तरिक्षे
 सीदेत्यन्तरिक्षमजयन्ततो देवा अभवन्परासुरा यस्यैता उपधीयन्ते
 भूयानेव भवत्यभीमाँल्लोकाञ्जयति

भवत्यात्मना परास्य भ्रातृव्यो भवत्यप्सुषदसि
 श्येनसदसीत्याहितद्वा अग्ने रूपं
 रूपेणैवाग्निमव रुद्धे
 पृथिव्यास्त्वा द्रविणे सादयामीत्याहिमानेवैताभिर्लोकान्द्रविणावतः
 कुरुत आयुष्या उप दधात्यायुरेवास्मिन्दधात्यग्ने यत्ते परं
 हन्नामेत्याहितद्वा अग्नेः प्रियं धाम
 प्रियमेवास्य धामोपाप्नोति
 तावेहि स रभावहा इत्याह
 व्यैवैनैनु परि धत्ते
 पाञ्चजन्येष्वप्यैध्यग्र इत्याहिष वा अग्निः पाञ्चजन्यो यः
 पञ्चचितीकस्तस्मादेवमाह तृव्या उप दधात्येतद्वा ऋतूनाम्प्रियं धाम
 यदृतृव्या
 ऋतूनामेव प्रियं धामाव रुद्धे
 सुमेक इत्याह
 संवत्सरो वै सुमेकः
 संवत्सरस्यैव प्रियं धामोपाप्नोति ॥११॥

प्रजापतेरक्षयश्चयत्तत्परापत्तदश्चोऽभवद्यदश्चयत्तदश्चस्याश्चत्वं
 तद्देवा अश्वमेधेनैव प्रत्यदधुरेष वै प्रजापतिं सर्वं करोति
 योऽश्वमेधेन यजते
 सर्व एव भवति
 सर्वस्य वा एषा प्रायश्चित्तिः सर्वस्य भेषजं
 सर्वं वा एतेन पाप्मानं देवा अतरन्नपि वा एतेन
 ब्रह्महत्यामतरन्त्सर्वम्पाप्मानं तरति तरति ब्रह्महत्यां योऽश्वमेधेन
 यजते य उ चैनमेवं वेदो त्तरं वै
 तत्प्रजापतेरक्षयश्चयत्तस्मादश्चस्योत्तरतोऽव द्यन्ति

दक्षिणतोऽन्येषाम्पशूनाम्वैतसः कटो भवत्यप्सुयौनिर्वा अश्वोऽप्सुजो
वैतसः

स्व एवैनं योनौ प्रति स्थापयति

चतुष्टोमः स्तोमो भवति

सुरङ्ग वा अश्वस्य सक्थ्यावृहत्तद्देवाश्चतुष्टोमेनैव प्रत्यदधुर्यच्चतुष्टोम
स्तोमो भवत्यश्वस्य सर्वत्वाय ॥१२॥

इति पञ्चमकारण्डे तृतीयः प्रपाठकः ३

अथ पञ्चमकारण्डे चतुर्थः प्रपाठकः ४

देवासुराः संयत्ता आसन्ते न व्यजयन्त

स एता इन्द्रस्तनूरपश्यन्ता उपाधत्त

ताभिर्वै स तनुवमिन्द्रियं वीर्यमात्मन्नधत्त

ततो देवा अभवन्परासुरा

यदिन्द्रतनूरुपदधाति तनुवमेव ताभिरिन्द्रियं वीर्यं यजमान

आत्मन्धत्तेऽथो सेन्द्रमेवाग्निं सतनुं चिनुते

भवत्यात्मना परास्य भ्रातृव्यो भवति

यज्ञो देवेभ्योऽपाक्रामत्तमवुरुधं नाशक्नुवन्त एता यज्ञतनूरपश्यन्ता

उपाधत्त

ताभिर्वै ते यज्ञमवारुन्धत्त

यद्यज्ञतनूरुपदधाति यज्ञमेव ताभिर्यजमानोऽव रुद्धे

त्रयस्त्रिंशत्मुप दधाति

त्रयस्त्रिंशद्वै देवता

देवता एवाव रुद्धेऽथो सात्मानमेवाग्निं सतनुं चिनुते

सात्मा मुष्मिल्लोके भवति य एवं वेद

ज्योतिष्मतीरुप दधाति

ज्योतिरेवास्मिन्दधात्येताभिर्वा अग्निश्चितो ज्वलति

ताभिरेवैनं॑ समिन्द्र
 उभयोरस्मै लोकयोज्योतिर्भवति
 नक्षत्रेष्टका उप दधात्येतानि वै दिवो ज्योतीं॑षि
 तान्येवाव रुद्धे
 सुकृतां वा एतानि ज्योतीं॑षि यन्नक्षत्राणि
 तान्येवाप्रोत्यथो अनूकाशमेवैतानि ज्योतीं॑षि कुरुते सुवर्गस्य
 लोकस्यानुरव्यात्यै
 यत्संस्पृष्टा उपदध्याद्वृष्ट्यै लोकमपि दध्यादवर्षुकः पर्जन्यः
 स्यादसंस्पृष्टा उप दधाति वृष्ट्या एव लोकं करोति वर्षुकः
 पर्जन्यो भवति
 पुरस्तादन्याः प्रतीचीरुप दधाति पश्चादन्याः प्राचीस्तस्मात्प्राचीनानि
 च प्रतीचीनानि च नक्षत्राण्या वर्तन्ते ॥१॥

ऋतव्या उप दधात्यृतूनां क्लृप्त्यै
 द्वन्द्वमुप दधाति
 तस्माद्द्वन्द्वमृतवोऽधृतेव वा एषा यन्मध्यमा चित्तिरन्तरिक्षमिव वा
 एषा
 द्वन्द्वमन्यासु चितीषूप दधाति चतस्रो मध्ये धृत्या
 अन्तःश्लेषणं वा एताश्चितीनां यदृतव्या
 यदृतव्या उपदधाति चितीनां विधृत्या
 अवकामनूप दधात्येषा वा अग्रेर्योनिः
 सयौनिमेवाग्निं चिनुत
 उवाच ह विश्वामित्रोऽददित्स ब्रह्मणान्नं यस्यैता उपधीयान्तै य उ
 चैना एवं वेददिति
 संवत्सरो वा एतम्प्रतिष्ठायै नुदते योऽग्निं चित्वा न प्रतितिष्ठति
 पञ्च पूर्वाश्चितयो भवन्त्यथषष्ठीं चितिं चिनुते

षड्वा ऋतवः संवत्सर
 ऋतुष्वेव संवत्सरे प्रति तिष्ठत्येता वा अधिपत्नीनामिष्टका
 यस्यैता उपधीयन्तेऽधिपतिरेव समानानाम्भवति
 यं द्विष्यात्तमुपदधद्वायेदेताभ्य एवैनं देवताभ्य आ वृश्चति
 ताजगार्तिमार्च्छत्यङ्गिरसः सुवर्गं लोकं यन्तो या यज्ञस्य
 निष्कृतिरासीत्तामृषिभ्यः प्रत्यौहन्तद्विरणयमभवद्यद्विरणयशल्लैः
 प्रोक्षति यज्ञस्य निष्कृत्या
 अथौ भेषजमेवास्मै करोत्यथौ रूपेणैवैनं^५ समर्धयत्यथो
 हिरण्यज्योतिषैव सुवर्गं लोकमेति
 साहस्रवता प्रोक्षति
 साहस्रः प्रजापतिः
 प्रजापतेराप्त्या
 इमा मे अग्न इष्टका धेनवः सन्त्वित्याह
 धेनूरेवैनाः कुरुते
 ता एनं कामदुघा अमुत्रामुष्मिल्लोक उप तिष्ठन्ते ॥२॥

रुद्रो वा एष यदग्निः
 स एतर्हि जातो यर्हि सर्वश्चितः
 स यथा वत्सो जातः स्तनम्प्रेप्सत्येवं वा एष एतर्हि भागधेयम्प्रेप्सति
 तस्मै यदाहुतिं न जुहुयादध्वर्युं च यजमानं च ध्यायेच्छतरुद्रीयं
 जुहोति
 भागधेयेनैवैनं^५ शमयति
 नार्तिमार्च्छत्यध्वर्युर्न यजमानो
 यद्ग्राम्याणाम्पशूनां पयसा
 जुहुयाद्ग्राम्यान्पशूञ्छुचार्पयेद्यदारणयानामारणयाञ्जर्तिलयवाग्वा वा
 जुहुयाद्गवीधुकयवाग्वा वा

न ग्राम्यान्पशून्हिनस्ति नारण्या नथो खल्वाहुरनाहुतिर्वै जर्तिलाश्च
 गवीधुकाश्चेत्यजक्षीरेण जुहोत्याग्नेयी वा एषा यदजाहुत्यैव जुहोति
 न ग्राम्यान्पशून्हिनस्ति नारण्या नङ्गिरसः सुवर्गं लोकं यन्तोऽजायां
 घर्मम्प्रासिञ्चन्त्सा शोचन्ती पर्णम्पराजिहीत
 सोऽर्कोऽभवत्तदुर्कस्यार्कत्वमर्कपर्णेन जुहोति
 सयोनित्वायो दृष्टिष्ठजुहोत्येषा वै रुद्रस्य दिक्स्वायामेव दिशि
 रुद्रं निरवदयते
 चरमायामिष्टकायां जुहोत्यन्त एव रुद्रं निरवदयते
 त्रेधाविभक्तं जुहोति
 त्रयं इमे लोका
 इमानेव लोकान्त्समावद्वीर्यान्करोती यत्यग्रे जुहोत्यथेयत्यथेयति
 त्रयं इमे लोका
 एभ्य एवैनं लोकेभ्यः शमयति
 तिस्र उत्तरा आहुतीर्जुहोति
 षट्सम्पद्यन्ते
 षड्वा ऋतव
 ऋतुभिरेवैनं शमयति
 यदनुपरिक्रामं जुहुयादन्तरवचारिणं रुद्रं कुर्यादथो खल्वाहुः
 कस्यां वाहं दिशि रुद्रः कस्यां वेत्यनुपरिक्राममेव
 होतव्यमपरिवर्गमेवैनं शमयत्येता वै देवताः सुवर्ग्या या
 उत्तमास्ता यजमानं वाचयति
 ताभिरेवैनं सुवर्गं लोकं गमयति
 यं द्विष्यात्तस्य सञ्चरे पशूनां न्यस्येद्यः प्रथमः पशुरभितिष्ठति स
 आर्तिमाच्छति ॥३॥

अश्मन्नूर्जमिति परि षिञ्चति

म॒र्जय॑त्ये॒वैन॒मथो॑ त॒र्पय॑त्ये॒व
 स ए॑नं तृ॒प्तोऽक्षु॑ध्यन्नशौच॒न्मुष्मिँ॑ल्लो॒क उप॑ तिष्ठते
 तृ॒प्यति॑ प्र॒जया॑ प॒शुभिर्य॑ एवं वेद
 तां न॒ इष॑मूर्जं धत्त मरुतः सँर॒राणा॑ इत्या॒हान्नं॑ वा
 ऊ॒र्गन्न॑म्मरुतोऽन्नमे॒वाव॑ रु॒द्धेऽश्मँ॑स्ते क्षु॒दमुं॑ ते शु॒गृच्छ॑तु यं द्विष्म
 इत्या॒ह
 यमे॒व द्वेष्टि॑ तमस्य क्षु॒धा च॑ शु॒चा चा॑र्पयति
 त्रिः प॑रिषिञ्चन्पर्येति
 त्रिवृ॒द्धा अ॒ग्निर्या॑वाने॒वाग्नि॑स्तस्य शुचँ॑ शमयति
 त्रिः पु॒नः प॑र्येति
 षट्स॑म्पद्यन्ते
 षड्वा ऋ॒तव॑
 ऋ॒तुभिरे॒वास्य॑ शुचँ॑ शमयत्य॒पां वा॑ ए॒तत्पु॑ष्पं यद्वै॒तसौ॑ऽपाँ
 शरोऽ॒र्वका॑
 वे॒तस॑शा॒खया॑ चा॒र्वका॑भिश्च॒ वि क॑र्षत्यापो वै शा॒न्ताः
 शा॒न्ताभिरे॒वास्य॑ शुचँ॑ शमयति
 यो वा अ॒ग्निं चि॒तम्प्र॑थमः प॒शुर॑ध्रि॒क्राम॑तीश्वरो वै तँ शु॒चा प्र॑दहौ
 म॒ण्डूकै॑न॒ वि क॑र्षत्येष वै प॒शूना॑म॒नुप॑जीवनीयो
 न वा ए॒ष ग्रा॒म्येषु॑ प॒शुषु॑ हि॒तो ना॒र॒ण्येषु॑
 तमे॒व शु॒चा॑र्पयत्य॒ष्टाभि॑र्वि क॑र्षत्य॒ष्टाक्ष॑रा गाय॒त्री
 गा॒य॒त्रौऽग्नि॑र्या॒वाने॒वाग्नि॑र्तस्य शुचँ॑ शमयति
 पा॒व॒क॒र्वती॑भि॒रन्नं॑ वै पा॒व॒कोऽन्नै॑वा॒स्य शुचँ॑ शमयति
 मृ॒त्युर्वा ए॒ष यद॑ग्निर्ब्रह्म॒ण ए॒तद्रूपं॑ यत्कृ॒ष्णाजि॑नं
 का॒ष्णी उ॒पान॑हा॒वुप॑ मुञ्चते
 ब्रह्म॑णै॒व
 मृ॒त्योर्न॒तर्ध॑त्तेऽन्तर्मृ॒त्योर्ध॑त्तेऽन्त॒रन्नाद्या॑दित्या॒हुर॒न्यामु॑पमुञ्चतेऽन्यां

नान्तरे॒व मृत्योर्धत्ते॑ऽवा॒न्नाद्यं॑ रु॒द्धे
 नम॑स्ते॒ हर॑से शोचिष॒ इत्या॑ह
 नम॑स्कृत्य हि वसी॒याँ समु॑पचरन्त्य॒ न्यं ते॑ अ॒स्मत्त॑पन्तु हेतय॒ इत्या॑ह
 यमे॒व द्वेष्टि॑ तम॑स्य शु॒चार॑पयति
 पाव॑को अ॒स्मभ्य॑ँ शि॒वो भ॒वेत्या॒हान्नं॑ वै पा॒वकोऽन्न॑मे॒वाव॑ रु॒द्धे
 द्वाभ्या॑मधि॒ क्राम॑ति॒ प्रति॑ष्ठित्या
 अप॑स्य॒वतीभ्या॑ँ शान्त्यै ॥४॥

नृष॑दे॒ वडि॑ति॒ व्याघा॑रयति
 पु॒ङ्गचा॑हुत्या यज्ञ॒मुख॑मा र॑भतेऽद्ग॒ण्या व्याघा॑रयति
 तस्मा॑दद्ग॒ण्या पु॒शवोऽङ्गा॑नि प्र ह॑रन्ति॒ प्रति॑ष्ठित्यै
 यद्व॑षट्कुर्याद्या॒तया॑मास्य वषट्का॒रः स्या॒द्यन्न॑ व॒षट्कुर्याद्रक्षा॑ँसि
 य॒ज्ञँ ह॑न्युर्वडित्या॑ह पु॒रोऽक्ष॑मे॒व वष॑ट् करोति
 नास्य॑ या॒तया॑मा वषट्का॒रो भव॑ति॒ न य॒ज्ञँ रक्षा॑ँसि घ्नन्ति
 हु॒तादो॑ वा अ॒न्ये दे॒वा अ॒हुता॑दोऽन्ये
 तान॑ग्नि॒चिदे॒वोभया॑न्प्रीणाति
 ये दे॒वा दे॒वाना॑मिति॒ दध्ना॑ म॒धुमि॑श्रेणावो॒क्षति॑
 हु॒ताद॑श्चै॒व दे॒वान॑हु॒ताद॑श्च॒ यज॑मानः प्रीणाति
 ते यज॑मानम्प्रीणन्ति
 द॒ध्नैव॑ हु॒तादः॑ प्रीणाति॒ मधु॑षाहु॒तादौ॑
 ग्रा॒म्यं वा ए॒तदन्नं॑ यद्दध्या॒रय॑म्मधु
 यद्दध्ना॑ म॒धुमि॑श्रेणावो॒क्षत्यु॒भय॑स्याव॒रुद्ध॑यै
 गु॒मुष्टि॑नावो॒क्षति॑
 प्राजा॑प॒त्यो वै गु॒मुष्टिः॑ संयो॒नित्वा॑य
 द्वाभ्या॑म॒प्रति॑ष्ठित्या
 अनु॑प॒रिचा॑र॒मवो॒क्षत्य॑प॒रिव॑र्गमे॒वैनान्प्री॑णाति

वि वा ए॒ष प्रा॒णैः प्र॒जया॑ प॒शुभिर्ऋ॑ध्यते योऽग्निं चि॒न्वन्न॑धि॒क्राम॑ति
 प्रा॒णदा॑ अ॒पान॑दा इत्या॒ह
 प्रा॒णाने॑वा॒त्मन्ध॑त्ते
 व॒र्चो॒दा व॑रि॒वो॒दा इत्या॑ह
 प्र॒जा वै व॑र्चः प॒शवो॑ वरि॒वः
 प्र॒जामे॒व प॒शूना॑त्मन्ध॑त्त
 इन्द्रो॑ वृ॒त्रम॑हन्तं वृ॒त्रो ह॒तः षोड॑शभि॒र्भोगै॑र॒सिना॑त्स
 ए॒ताम॒ग्रये॑ऽनी॒कव॑त॒ आहु॑तिमपश्य॒त्ताम॑ जुहो॒त्तस्या॑ग्नि॒रनी॑कवा॒न्तस्वे॑न
 भाग॑धेये॒न प्री॑तः षोड॑श॒धा वृ॒त्रस्य॑ भो॒गान॑प्य॒दह॑द्वैश्व॒कर्म॑णे॒न पा॒प्मनो॑
 निर्मु॑च्यत॒
 यद॒ग्रये॑ऽनी॒कव॑त॒ आहु॑तिं जुहो॒त्यग्नि॑रे॒वास्या॑नी॒कवा॑न्तस्वे॒न भाग॑धेये॒न
 प्री॑तः पा॒प्मान॑मपि॒ दह॑ति
 वैश्व॑दर्म॒णेन॑ पा॒प्मनो॑ निर्मु॑च्यते
 यं का॒मये॑त
 चि॒रम्पा॒प्मनो॑ निर्मु॑च्ये॒तेत्येकै॑कं तस्य जुह॒याच्चि॒रमे॒व पा॒प्मनो॑
 निर्मु॑च्यते
 यं का॒मये॑त
 ता॒जक्पा॒प्मनो॑ निर्मु॑च्ये॒तेति॑ सर्वा॒णि तस्या॑नु॒द्भुत्य॑ जुह॒यात्ता॒जगे॒व
 पा॒प्मनो॑ निर्मु॑च्य॒तेऽथो॑ खलु॒ नानै॒व सू॒क्ताभ्यां॑ जुहोति
 नानै॒व सू॒क्तयोर्वी॒र्यं दधा॑त्यथो॒ प्रति॑ष्ठित्यै ॥५॥

उ॒दे॒नमु॑त्तरां न॒येति॑ स॒मिधु॑ आ द॒धाति॑
 यथा॑ ज॒नं य॑ते॒ऽव॒सं क॑रोति॒ तादृ॑गे॒व त
 त्ति॒स्त्र आ द॑धाति
 त्रि॒वृद्वा अ॒ग्निर्या॑वा॒नेवा॒ग्निस्त॑स्मै भा॒गधे॑यं क॒रोत्यो॑ दु॒म्बरी॑र्भव॒न्त्यू॒र्गवा॑
 उ॒दु॒म्ब॒र

ऊ॒र्जमे॒वास्मा॒ अपि॑ दधा॒त्यु दु॒ त्वा विश्वे॑ दे॒वा इत्या॑ह
 प्रा॒णा वै विश्वे॑ दे॒वाः
 प्रा॒णैरे॒वैन॒मुद्य॑च्छ॒तेऽग्ने॑ भ॒रन्तु॑ चि॒त्तिभि॑रित्या॑ह
 यस्मा॑ ए॒वैनं॑ चि॒त्तायो॑द्यच्छ॒ते तेनै॒वैन॑ꣳ स॒मर्ध॑यति
 पञ्च॑ दि॒शो दै॒वीर्य॑ज॒मव॑न्तु दे॒वीरित्या॑ह
 दि॒शो ह्येषो॑ऽनु॒ प्रच्य॑व॒तेऽपाम॑तिं दु॒र्म॒तिम्बा॑ध॒माना॒ इत्या॑ह
 रक्ष॑साम॒प॒ह॒त्यै
 रा॒यस्पोषे॑ यु॒ज्ञप॑तिमा॒भज॑न्तीरित्या॑ह
 प॒शवो॑ वै रा॒यस्पोषः॑ प॒शूने॒वाव॑ रु॒द्धे
 षड्भि॑र्हर॒ति
 षड्वा॑ ऋ॒तव॑
 ऋ॒तुभि॑रे॒वैन॑ꣳ हर॒ति
 द्वे प॑रि॒गृह्य॑वती भव॒तो रक्ष॑साम॒प॒ह॒त्यै
 सूर्य॑रश्मि॒र्हरि॑केशः पु॒रस्ता॑दित्या॑ह
 प्रसू॑त्यै
 ततः॑ पा॒व॒का आ॒शिषौ॑ नो जुष॒न्तामि॒त्याहा॑न्नं वै पा॒व॒कोऽन्न॑मे॒वाव॑
 रु॒द्धे
 दे॒वासुराः॑ संय॑त्ता आस॒न्ते दे॒वा ए॒तद॑प्रति॒रथ॑मपश्य॒न्तेन॑ वै तै
 प्र॒त्यसुरा॑नजय॒न्तद॑प्रति॒रथ॑स्याप्रति॒रथ॒त्वं
 यद॑प्रति॒रथं॑ द्वि॒तीयो॑ हो॒तान्वाहा॑प्र॒त्यैव॑ तेन॒ यज॑मानो
 भ्रातृ॑व्याञ्जय॒त्यथो॑ अ॒न॒भिजि॑तमे॒वाभि॑ जयति
 द॒श॒र्च॒म्भ॒वति॑
 द॒शाक्ष॑रा वि॒राड्वि॒राजे॒मौ लो॒कौ वि॒धृता॑व॒नयो॑र्लो॒कयो॑र्वि॒धृत्या॑
 अथो॑ द॒शाक्ष॑रा वि॒राडन्नं॑ वि॒राड्वि॒राज्ये॒वान्नाद्ये॑ प्रति॒ तिष्ठ॑त्य॒सदिव॑
 वा अ॒न्तरि॑क्षम॒न्तरि॑क्षमि॒वाग्नी॑ध्र॒माग्नी॑ध्रेऽश्मा॒नं नि द॑धाति
 स॒त्त्वाय॑

द्वाभ्यां
 प्रतिष्ठित्यै
 विमान एष दिवो मध्यं आस्तु इत्याहु
 व्यैवैतया मिमीते
 मध्यं दिवो निहितः पृश्निरश्मेत्याहान्नं वै पृश्न्यन्नमेवाव रुद्धे
 चतसृभिरा पुच्छादेति
 चत्वारि च्छन्दांसि च्छन्दोभिरेवेन्द्रं विश्वा अवीवृधन्नित्याहु
 वृद्धिमेवोपावर्तते
 वाजानां सत्यंतिम्पतिमित्याहान्नं वै वाजोऽन्नमेवाव रुद्धे
 सुम्रहूर्यज्ञो देवा आ च वक्षदित्याहु
 प्रजा वै पशवः सुम्रम्प्रजामेव पशूनात्मन्धत्ते
 यक्षदग्निर्देवो देवा आ च वक्षदित्याहु
 स्वगाकृत्यै
 वाजस्य मा प्रसवेनोद्ग्राभेणोद्ग्रभीदित्याहासौ वा आदित्य
 उद्यन्तुद्ग्राभ एष निम्रोचन्निग्राभो
 ब्रह्मणैवात्मानमुद्गृह्णाति ब्रह्मणा भ्रातृव्यं नि गृह्णाति ॥६॥

प्राचीमनुं प्रदिशम्प्रेहि विद्वानित्याहु
 देवलोकमेवैतयोपावर्तते
 क्रमध्वमग्निना नाकमित्याहेमानेवैतया लोकान्क्रमते
 पृथिव्या अहमुदन्तरिक्षमारुहमित्याहेमानेवैतया लोकान्त्समारोहति
 सुवर्यन्तो नापैक्षन्त इत्याहु
 सुवर्गमेवैतया लोकमत्यग्ने प्रेहि प्रथमो
 देवयतामित्याहोभयैष्वेवैतया देवमनुष्येषु चक्षुर्दधाति
 पञ्चभिरधि क्रामति
 पाङ्क्तौ यज्ञो

यावानेव यज्ञस्तेन सह सुवर्गं लोकमेति
नक्तोषासेति पुरोऽनुवाक्यामन्वाह

प्रत्या

अग्ने सहस्राक्षेत्याह

साहस्रः प्रजापतिः

प्रजापतेराप्तये

तस्मै ते विधेम वाजाय स्वाहेत्याहान्नं वै वाजोऽन्नमेवाव रुद्धे दुधः

पूर्णमौदुम्बरीं स्वयमातृगणायां जुहोत्यूर्ग्वै दध्यूर्गुदुम्बरोऽसौ

स्वयमातृगणामुष्यामेवोर्जं दधाति

तस्मादमुतोऽर्वाचीमूर्जमुप जीवाम स्तिसृभिः सादयति

त्रिवृद्धा अग्निर्यावानेवाग्निस्तम्प्रतिष्ठां गमयति

प्रेद्धौ अग्ने दीदिहि पुरो न इत्यौदुम्बरीमा दधात्येषा वै सूर्मी

कर्णकावत्येतया ह स्म वै देवा असुराणां शततर्हांस्तृहन्ति

यदेतया समिधमादधाति वज्रमेवैतच्छतघ्नीं यजमानो भ्रातृव्याय प्र

हरति स्तृत्या

अच्छम्बट्कारं

विधेम ते परमे जन्मन्नग्र इति वैकङ्कतीमा दधाति

भा एवाव रुद्धे

तां सवितुर्वरेण्यस्य चित्रामिति शमीमयीं शान्त्या

अग्निर्वा ह वा अग्निचितं दुहेऽग्निचिद्वाग्निं दुहे

तां सवितुर्वरेण्यस्य चित्रामित्याहैष वा अग्नेर्दोहस्तमस्य कण्वं

एव श्रायसोऽवेत्तेन ह स्मैनु स दुहे

यदेतया समिधमादधात्यग्निचिदेव तदग्निं दुहे

सप्त ते अग्ने समिधः सप्त जिह्वा इत्याह

सप्तैवास्य साप्तानि प्रीणाति

पूर्णया जुहोति

पूर्णं इव हि प्रजापतिः
 प्रजापतेराप्त्यै न्यूनया जुहोति
 न्यूनान्द्धि प्रजापतिः प्रजा असृजत
 प्रजानां सृष्ट्या
 अग्निर्देवेभ्यो निलायत
 स दिशोऽनु प्राविशञ्जुह्वन्मनसा दिशो ध्यायेद्दिग्भ्य एवैनमव रुद्धे
 दध्ना पुरस्तोजुहोत्याज्येनोपरिष्ठात्तेजश्चैवास्मा इन्द्रियं च समीचीं
 दधाति
 द्वादशकपालो वैश्वानरो भवति
 द्वादश मासाः संवत्सरः
 संवत्सरोऽग्निर्वैश्वानुरः
 साक्षादेव वैश्वानरमव रुद्धे
 यत्प्रयाजानूयाजान्कुर्याद्विकस्तिः सा यज्ञस्य
 दर्विहोमं करोति यज्ञस्य प्रतिष्ठित्यै
 राष्ट्रं वै वैश्वानरो विण्मरुतो
 वैश्वानरं हुत्वा मारुताञ्जुहोति
 राष्ट्र एव विशमनु बध्नात्युच्चैर्वैश्वानरस्या श्रावयत्युपांशु
 मारुताञ्जुहोति
 तस्माद्राष्ट्रं विशमतिं वदति
 मारुता भवन्ति
 मरुतो वै देवानां विशो
 देवविशेनैवास्मै मनुष्यविशमव रुद्धे
 सप्त भवन्ति
 सप्तगणा वै मरुतो
 गणश एव विशमव रुद्धे
 गणेन गणमनुद्रुत्य जुहोति

विशमेवास्मा अनुवर्त्मानं करोति ॥७॥

वसो॒र्धारां जुहोति॑
 वसो॒र्मे धारा॑स॒दिति॑ वा ए॒षा हू॑यते
 घृ॒तस्य॑ वा ए॒नमे॑षा धारा॒मुष्मिँल्लो॑के पि॒न्वमा॒नोप॑ तिष्ठतु
 आ॒ज्येन॑ जुहोति॑
 तेजो॑ वा आ॒ज्यं तेजो॑ वसो॒र्धारा॑
 तेज॑सै॒वास्मै तेजो॑ऽव रु॒द्धेऽथो॑ का॒मा वै वसो॒र्धारा॑
 का॒माने॒वाव रु॒द्धे
 यं का॒मये॑त
 प्रा॒णान॑स्या॒न्नाद्यं॑ वि च्छि॑न्द्यामि॒ति वि॒ग्राहं॑ तस्य
 जुहु॑यात्प्रा॒णाने॒वास्या॒न्नाद्यं॑ वि च्छि॑न॒त्ति
 यं का॒मये॑त
 प्रा॒णान॑स्या॒न्नाद्यं॑ सं त॑नुयामि॒ति संत॑तां तस्य
 जुहु॑यात्प्रा॒णाने॒वास्या॒न्नाद्यं॑ सं त॑नोति
 द्वा॒द॒श द्वा॒द॒शानि॑ जुहोति॑ द्वा॒द॒श मा॒साः संव॑त्सरः
 संव॑त्स॒रेणै॒वास्मा॑ अ॒न्नम॑व रु॒द्धेऽन्नं॑ च॒ मेऽक्षु॑च्च म॒ इत्या॑हैतद्वा अ॒न्नस्य॑
 रू॒पं
 रू॒पेणै॒वान्न॑म॒व रु॒द्धेऽग्नि॑श्च म॒ आप॑श्च म॒ इत्या॑हैषा वा अ॒न्नस्य॑ यो॒निः
 स॒यो॒न्ये॒वान्न॑म॒व रु॒द्धेऽर्धे॑न्द्राणि जुहोति॑
 दे॒वता॑ ए॒वाव रु॒द्धे
 यत्स॑र्वे॒षाम॒र्धमिन्द्रः॑ प्र॒ति तस्मा॑दिन्द्रो दे॒वता॑नाम्भूयिष्ठ॒भाक्त॑म्
 इ॒न्द्रमु॑त्तरमाहेन्द्रि॒यमे॒वास्मि॑न्नुप॒रिष्ठा॑दधाति
 य॒ज्ञायु॑धानि जुहोति॑
 य॒ज्ञो वै य॒ज्ञायु॑धानि
 य॒ज्ञमे॒वाव रु॒द्धेऽथो॑ ए॒तद्वै य॒ज्ञस्य॑ रू॒पं

रूपेणैव यज्ञमव रुद्धेऽवभृथश्च मे स्वगाकारश्च म इत्याह
 स्वगाकृत्या
 अग्निश्च मे घर्मश्च म इत्याहैतद्वै ब्रह्मवर्चसस्य रूपं
 रूपेणैव ब्रह्मवर्चसमव रुद्ध ऋक्च मे साम च म इत्याहैतद्वै
 छन्दसां रूपं
 रूपेणैव च्छन्दांस्यव रुद्धे
 गर्भाश्च मे वत्साश्च म इत्याहैतद्वै पशूनां रूपं
 रूपेणैव पशूनव रुद्धे
 कल्पाञ्जुहोत्यक्लृप्तस्य क्लृप्त्यै
 युग्मदयुजे जुहोति
 मिथुनत्वायो त्तरावती भवतोऽभिक्रान्त्या
 एका च मे तिस्रश्च म इत्याह
 देवच्छन्दसं वा एका च तिस्रश्च मनुष्यच्छन्दसं चतस्रश्चाष्टौ च
 देवच्छन्दसं चैव मनुष्यच्छन्दसं चाव रुद्ध
 आ त्रयस्त्रिंशतो जुहोति
 त्रयस्त्रिंशद्वै देवता
 देवता एवाव रुद्ध
 आष्टाचत्वारिंशतो जुहोत्यष्टाचत्वारिंशदक्षरा जगती
 जागताः पशवो
 जगत्यैवास्मै पशूनव रुद्धे
 वाजश्च प्रसवश्चेति द्वादशं जुहोति
 द्वादश मासाः संवत्सरः
 संवत्सर एव प्रति तिष्ठति ॥८॥

अग्निर्देवेभ्योऽपाक्रामद्भागधेयमिच्छमानस्तं देवा अब्रुवन्नुप न आ
 वर्तस्व हव्यं नो वहेति

सौऽब्रवीद्वरं वृणै मह्यमेव वाजप्रसवीयं जुहवन्निति
 तस्मादग्ने वाजप्रसवीयं जुहति
 यद्वाजप्रसवीयं जुहोत्यग्निमेव तद्वाग्धेयेन समर्धयत्यथो अभिषेक
 एवास्य स
 चतुर्दशभिर्जुहोति
 सप्त ग्राम्या ओषधयः सप्तारण्या उभयीषामवरुद्ध्या
 अन्नस्यान्नस्य जुहोत्यन्नस्यान्नस्यावरुद्ध्या
 औदुम्बरेण सुवेण जुहोत्यूर्वा उदुम्बर ऊर्गन्नमूर्जेवास्मा ऊर्जमन्नमव
 रुद्धेऽग्निर्वै देवानामभिषिक्तोऽग्निचिन्मनुष्याणां
 तस्मादग्निचिद्वर्षति न धावे दवरुद्धं ह्यस्यान्नमन्नमिव खलु वै वर्ष
 यद्वावेदन्नाद्याद्वावेदुपावर्तेतान्नाद्यमेवाभि उपावर्तते
 नक्तोषासेति कृष्णायै श्वेतवत्सायै पर्यसा जुहोत्यह्नेवास्मै रात्रिं प्र
 दापयति रात्रियाहरहोरात्रे एवास्मै प्रत्ते काममन्नाद्यं दुहाते
 राष्ट्रभृतौ जुहोति
 राष्ट्रमेवाव रुद्धे
 षड्भिर्जुहोति
 षड्वा ऋतव
 ऋतुष्वेव प्रति तिष्ठति
 भुवनस्य पतु इति रथमुखे पञ्चाहुतीर्जुहोति
 वज्रो वै रथो
 वज्रैश्चैव दिशोऽभि जयत्यग्निचितं ह वा अमुष्मिल्लोके वातोऽभि
 पवते
 वातनामानि जुहोत्यभ्येवैनममुष्मिल्लोके वातः पवते
 त्रीणि जुहोति
 त्रय इमे लोका
 एभ्य एव लोकेभ्यो वातमव रुद्धे

समुद्रोऽसि नभस्वानित्याहैतद्वै वातस्य रूपं
 रूपैरेव वातमव रुद्धे
 ऽञ्जलिना जुहोति
 न ह्यैतेषामन्यथाहुतिरवकल्पते ॥६॥

सुवर्गाय वै लोकाय देवस्थो युज्यते यत्राकूताय मनुष्यस्थ एष खलु
 वै देवस्थो यदग्निं रग्निं युनज्मि शर्वसा घृतेनेत्याह युनक्त्येवैनं स
 ऐनं युक्तः सुवर्गं लोकमभि वहति
 यत्सर्वाभिः पञ्चभिर्युञ्ज्याद्युक्तोऽस्याग्निः प्रच्युतः स्यादप्रतिष्ठिता
 आहुतयः स्युरप्रतिष्ठिताः स्तोमा अप्रतिष्ठितान्युक्थानि तिसृभिः
 प्रातःसवनैऽभि मृशति त्रिवृद्धा अग्निर्यावानेवाग्निस्तं युनक्ति
 यथानसि युक्त आधीयते एवमेव तत्प्रत्याहुतयस्तिष्ठन्ति प्रति स्तोमाः
 प्रत्युक्थानि
 यज्ञायज्ञिर्यस्य स्तोत्रे द्वाभ्यामभि मृशत्येतावान्वै यज्ञो
 यावानग्निष्टोमो भूमा त्वा अस्यात ऊर्ध्वः क्रियते यावानेव
 यज्ञस्तमंततौऽन्वारौहति द्वाभ्यामप्रतिष्ठित्या एकयाप्रस्तुतम्भवत्यथाभि
 मृशत्युपैनमुत्तरो यज्ञो नमत्यथो संतत्यै
 प्र वा एषोऽस्माँल्लोकाञ्चयवते योऽग्निं चिनुते न वा एतस्यानिष्टक
 आहुतिरव कल्पते यां वा एषोऽनिष्टक आहुतिं जुहोति
 स्रवति वै सा तां स्रवन्तीं यज्ञोऽनु परा भवति यज्ञं यजमानो
 यत्पुनश्चितिं चिनुत आहुतीनामप्रतिष्ठित्यै प्रत्याहुतयस्तिष्ठन्ति न यज्ञः
 पराभवति न यजमानोऽष्टावुप दधात्यष्टाक्षरा गायत्री गायत्रेणैवैनं
 छन्दसा चिनुते यदेकादश त्रैष्टुभेन यद्द्वादश जागतेन छन्दोभिरेवैनं
 चिनुते
 नपात्को वै नामैषोऽग्निर्यत्पुनश्चितिर्य एवं विद्वान्पुनश्चितिं चिनुत आ
 तृतीयात्पुरुषादन्नमन्ति

यथा वै पुनराधेय एवम्पुनश्चितिर्योऽग्र्याधेयेन नर्धोति स
 पुनराधेयमा धत्ते योऽग्रिं चित्वा नर्धोति स पुनश्चितिं चिनुते
 यत्पुनश्चितिं चिनुत ऋद्ध्या
 अथो खल्वाहुर्न चैतव्येति रुद्रो वा एष यदग्रिर्यथा व्याघ्रः
 सुप्तम्बोधयति तादृगेव त दथो खल्वाहुश्चेतव्येति यथा
 वसीयाः सम्भागुधेयेन बोधयति तादृगेव त न्मनुरग्रिमचिनुत तेन
 नार्धोत्स एताम्पुनश्चितिर्मपश्यत्तामचिनुत तथा वै स
 आर्धोद्यत्पुनश्चितिं चिनुत ऋद्धयै ॥१०॥

छन्दश्चितं चिन्वीत पशुकामः पशवो वै छन्दाःसि पशुमानेव भवति
 श्येनचितं चिन्वीत सुवर्गकामः श्येनो वै वयसाम्पतिष्ठः श्येन एव
 भूत्वा सुवर्गं लोकम्पतति
 कङ्कचितं चिन्वीत यः कामयेत शीर्षणवानमुष्मिल्लोके स्यामिति
 शीर्षणवानेवामुष्मिल्लोके भवत्यलजचितं चिन्वीत
 चतुःसीतम्प्रतिष्ठाकामश्चतस्रो दिशो दिद्वैव प्रति तिष्ठति
 प्रउगचितं चिन्वीत भ्रातृव्यवान्प्रैव भ्रातृव्यानुदत
 उभयतः प्रउगं चिन्वीत यः कामयेत प्रजातान्भ्रातृव्यानुदेय
 प्रतिजनिष्यमाणानिति प्रैव जातान्भ्रातृव्यानुदते प्रति
 जनिष्यमाणान्नथचक्रचितं चिन्वीत भ्रातृव्यवान्वज्रो वै रथो वज्रमेव
 भ्रातृव्येभ्यः प्र हरति
 द्रोणचितं चिन्वीतान्नकामो द्रोणे वा अन्नम्वियते सयोन्येवान्नमव
 रुद्धे
 समूह्यं चिन्वीत पशुकामः पशुमानेव भवति परिचाय्यं चिन्वीत
 ग्रामकामो ग्राम्येव भवति
 श्मशानचितं चिन्वीत यः कामयेत पितृलोकं ऋधुयामिति
 पितृलोक एवर्धोति

विश्वा॒मित्र॑ज॒मद॒ग्री व॑सि॒ष्ठेना॑स्प॒र्धेता॑ँ स ए॒ता ज॒मद॑ग्निर्वि॒ह॒व्या
अप॑श्य॒ता उपा॑धत्ता॒ ताभि॑र्वै स वसि॒ष्ठस्ये॑न्द्रि॒यं वी॒र्य॑मवृ॒ङ्क्त॒ यद्वि॑ह॒व्या
उप॑दधा॒तीन्द्रि॑यमे॒व ताभि॑र्वी॒र्यं यज॑मानो॒ भ्रातृ॑व्यस्य वृ॒ङ्क्ते
होतु॑र्धि॒ष्णि॒यु उप॑ दधाति यज॒माना॑य॒तनं॑ वै होता॒ स्व ए॒वास्मा
आ॒यत॑न इन्द्रि॒यं वी॒र्य॑मव॑ रु॒द्धे
द्वाद॑शोप॑ दधाति॒ द्वाद॑शाक्षरा॒ जग॑ती॒ जाग॑ताः प॒शवो॑ जग॒त्यैवा॑स्मै
प॒शूनव॑ रु॒द्धेऽष्टा॑व॒ष्टाव॒न्येषु॑ धि॒ष्णि॒येषूप॑ दधात्य॒ष्टाश॑फाः प॒शवः
प॒शूने॒वाव॑ रु॒द्धे
ष॒रमा॑र्जा॒लीये॑ षड्वा ऋ॒तव॑ ऋ॒तवः॑ खलु॒ वै दे॒वाः पि॒तरं॑ ऋ॒तूने॒व
दे॒वान्पि॒तृन्प्री॑णाति ॥११॥

प॒र्वस्व॒ वाज॑सातय॒ इत्य॑नु॒ष्टुक्प्र॑तिप॒द्भव॑ति ति॒स्रौऽनु॑ष्टुभ॒श्चत॑स्रो
गाय॒त्रियो॑
यत्ति॒स्रौऽनु॑ष्टुभ॒स्तस्मा॑द॒श्वस्त्रि॑भि॒स्तिष्ठ॑ँ॒स्तिष्ठ॑ति
यच्च॑त॒स्रो गाय॒त्रिय॒स्तस्मा॑त्स॒र्वाँश्च॑तु॒रः प॒दः प्र॑ति॒दध॑त्य॒लाय॑ते
प॒र॒मा वा ए॒षा छन्द॑सां॒ यद॑नु॒ष्टुक्प॑र॒मश्च॑तुष्टो॒मः स्तो॑मा॒नां
प॒र॒मस्त्रि॑रा॒त्रो य॒ज्ञानां॑
प॒र॒मोऽश्वः॑ प॒शूनां॑
प॒र॒मे॒णैवै॒नुम्प॑र॒मतां॑ गमयत्ये॒कवि॑ँ॒शम॑र्ह॒र्भव॑ति यस्मि॒न्नश्च॑
आ॒ल॒भ्यते॑
द्वाद॑श॒ मासाः॑ प॒ञ्चत॑व॒स्त्रय॑ इ॒मे लो॒का अ॒सावा॑दि॒त्य ए॒कवि॑ँ॒श ए॒ष
प्र॒जाप॑तिः
प्राजा॑प॒त्योऽश्व॒स्तमे॒व सा॒क्षाद॑धोति
शक्व॑रयः पृ॒ष्ठम्भ॑वन्त्य॒न्यद॑न्य॒च्छन्दो॑ऽन्ये॒न्ये वा ए॒ते प॒शव॑ आ
ल॑भ्यन्त उ॒तेव॑ ग्रा॒म्या उ॒तेवा॑र॒ण्या
यच्छ॑क्व॒रयः॑ पृ॒ष्ठम्भ॑वन्त्य॒श्वस्य॑ स॒र्वत्वा॑य

पार्थुरश्मम्ब्रह्मसामम्भवति
 रश्मिना वा अश्वो यत ईश्वरो वा अश्वोऽयतोऽप्रतिष्ठितः पराम्परावतं
 गन्तोऽर्थत्पार्थुरश्मम्ब्रह्मसामम्भवत्यश्वस्य यत्यै धृत्यै
 संकृत्यच्छावाकसामम्भवत्युत्सन्नयज्ञो वा एष यदश्वमेधः
 कस्तद्वेदेत्याहुयदि सर्वो वा क्रियते न वा सर्व इति
 संकृत्यच्छावाकसामम्भवत्यश्वस्य सर्वत्वाय पर्याप्त्या अनन्तरायाय
 सर्वस्तोमोऽतिरात्र उत्तममहर्भवति सर्वस्याप्त्यै सर्वस्य जित्यै
 सर्वमेव तेनाप्नोति सर्वं जयति ॥१२॥

इति पञ्चमकारण्डे चतुर्थः प्रपाठकः ४

अथ पञ्चमकारण्डे पञ्चमः प्रपाठकः ५

यदेकैः सँस्थापयति यज्ञस्य संतत्या अविच्छेदायैन्द्राः पशवो ये
 मुष्करा यदैन्द्राः सन्तोऽग्निभ्य आ लभ्यन्ते देवताभ्यः समदं
 दधात्याग्नेयीस्त्रिष्टुभौ याज्यानुवाक्याः कुर्याद्यदाग्नेयीस्तेनाग्नेया
 यत्त्रिष्टुभस्तेनैन्द्राः समृद्धयै न देवताभ्यः समदं दधाति
 वायुर्वै नियुत्वते तूपरमा लभते तेजोऽग्नेर्वायुस्तेजस एष आ लभ्यते
 तस्माद्यद्रियं इवायुर्वाति तद्रियं इङ्गिर्दहति स्वमेव तत्तेजोऽन्वेति
 यन्न नियुत्वते स्यादुन्माद्येद्यजमानो नियुत्वते भवति
 यजमानस्यानुन्मादाय
 वायुमती श्वेतवती याज्यानुवाक्ये भवतः सतेजस्त्वाय
 हिरण्यगर्भः समवर्तताग्र इत्याघारमा घारयति
 प्रजापतिर्वै हिरण्यगर्भः प्रजापतेरनुरूपत्वाय
 सर्वाणि वा एष रूपाणि पशूनाम्प्रत्या लभ्यते
 यच्छर्मश्रुणस्तत्पुरुषाणाँ रूपं
 यत्तूपरस्तदश्वाणां यदन्यतोदन्तद्गवां यदव्या इव श्फास्तदवीनां
 यदजस्तदजानां वायुर्वै पशूनाम्प्रियं धाम्

यद्वायव्यो भवत्येतमेवैनमभि संजानानाः पशव उप तिष्ठन्ते
 वायव्यः कार्याः प्राजापत्याः इत्याहुर्यद्वायव्यं
 कुर्यात्प्राजापतेरियाद्यत्प्राजापत्यं कुर्याद्वायोरियाद्यद्वायव्यः पशुर्भवति
 तेन वायोनैति यत्प्राजापत्यः पुरोडाशो भवति तेन प्राजापतेनैति
 यद्द्वादशकपालस्तेन वैश्वानुरान्नैत्या ग्रावैष्णवमेकादशकपालं
 निर्वपति दीक्षिष्यमाणोऽग्निः सर्वा देवता विष्णुर्यज्ञो देवताश्चैव यज्ञं
 चा रभतेऽग्निरवमो देवतानां विष्णुः परमो
 यदाग्रावैष्णवमेकादशकपालं निर्वपति देवता एवोभयतः परिगृह्य
 यजमानोऽव रुद्धे पुरोडाशेन वै देवा अमुष्मिल्लोक
 आर्ध्रुवञ्चरुणास्मिन्यः कामयेतामुष्मिल्लोक ऋध्रुयामिति स पुरोडाशं
 कुर्वीतामुष्मिन्नेव लोक ऋध्रोति
 यदष्टाकपालस्तेनाग्नेयो यत्त्रिकपालस्तेन वैष्णवः
 समृद्धये यः कामयेतास्मिल्लोक ऋध्रुयामिति स चरुं कुर्वीताग्नेर्घृतं
 विष्णोस्तण्डुलास्तस्माञ्चरुः कार्योस्मिन्नेव लोक ऋध्रोत्या दित्यो
 भवतीयं वा अदितिरस्यामेव प्रति तिष्ठत्यथो अस्यामेवाधि यज्ञं
 तनुते यो वै संवत्सरमुख्यमभृत्वाग्निं चिनुते यथा सामि
 गर्भोऽवपद्यते तादृगेव तदार्तिमाच्छेद्वैश्वानुरं
 द्वादशकपालम्पुरस्तान्निर्वपेत्संवत्सरो वा अग्निरैश्वानुरो यथा
 संवत्सरमाप्त्वा ।६। काल आगते विजायत एवमेव
 संवत्सरमाप्त्वा काल आगतेऽग्निं चिनुते
 नार्तिमाच्छेत्तेषा वा अग्नेः प्रिया तनूर्यद्वैश्वानुरः
 प्रियामेवास्य तनुवमव रुद्धे त्रीण्येतानि हवींषि भवन्ति त्रय इमे
 लोका एषां लोकानां रोहाय ॥१॥

प्राजापतिः प्राजाः सृष्ट्वा प्रेणानु प्राविशत्ताभ्यः पुनः सम्भवितुं
 नाशक्नोत्सोऽब्रवीदध्रुवदित्स यो मेऽतः पुनः संचिनवदिति

तं देवाः समचिन्वन्ततो वै त आर्धुवन्यत्समचिन्वन्तच्चित्यस्य
 चित्यत्वं य एवं विद्वानग्निं चिनुत ऋध्नोत्येव कस्मै कमग्निश्चीयत
 इत्याहुरग्निवानसानिति वा अग्निश्चीयतेऽग्निवानेव भवति
 कस्मै कमग्निश्चीयत इत्याहुर्देवा मा वेदन्निति वा अग्निश्चीयते विदुरेन
 देवाः कस्मै कमग्निश्चीयत इत्याहुर्गृह्यसानिति वा अग्निश्चीयते गृह्येव
 भवति कस्मै कमग्निश्चीयत इत्याहुः पशुमानसानिति वा अग्निश्चीयते
 पशुमानेव भवति कस्मै कमग्निश्चीयत इत्याहुः सप्त मा पुरुषा उप
 जीवानिति वा अग्निश्चीयते त्रयः प्राञ्चस्त्रयः प्रत्यञ्च आत्मा सप्तम
 एतावन्त एवैनमुमुष्मिल्लोक उप जीवन्ति
 प्रजापतिरग्निर्मचिकीषत तम्पृथिव्यब्रवीन्न मय्यग्निं चेष्यसेति मा
 धक्षयति सा त्वातिदह्यमाना वि धविष्ये स पापीयान्भविष्यसीति
 सौऽब्रवीत्तथा वा अहं करिष्यामि यथा त्वा नातिधक्षयतीति स
 इमामभ्यमृशत्प्रजापतिस्त्वा सादयतु तया देवतयाङ्गिरस्वद्ध्रुवा
 सीदेतीमामेवेष्टकां कृत्वोपाधत्तानुतिदाहाय यत्प्रत्यग्निं चिन्वीत
 तदभि मृशेत्प्रजापतिस्त्वा सादयतु तया देवतयाङ्गिरस्वद्ध्रुवा
 सीदेतीमामेवेष्टकां कृत्वोप धत्तेऽनेतिदाहाय प्रजापतिरकामयत
 प्र जायेयेति स एतमुख्यमपश्यत् संवत्सरमभिभस्ततो वै स
 प्राजायत तस्मात्संवत्सरम्भार्यः प्रैव जायते
 तं वसवोऽब्रुवन् त्वमजनिष्ठा वयम्प्र जायामहा इति
 तं वसुभ्यः प्रायच्छत् त्रीण्यहान्यबिभरुस्तेन त्रीणि च शतान्यसृजन्त
 त्रयस्त्रिंशत् च
 तस्मात्सहम्भार्यः प्रैव जायते
 तानुद्रा अब्रुवन् यूयमजनिद्वं वयम्प्र जायामहा इति
 तं रुद्रेभ्यः प्रायच्छन्तं षडहान्यबिभरुस्तेन त्रीणि च
 शतान्यसृजन्त त्रयस्त्रिंशत् च
 तस्मात्षडहम्भार्यः प्रैव जायते तानादित्या अब्रुवन् यूयमजनिद्वं

व॒यं प्र जा॒याम॒हा इति॑ तमा॒दित्ये॒भ्यः प्राय॑च्छ॒न्तं
 द्वाद॒शाहा॒न्यबिभ॑रु॒स्तेन॑ त्रीणि॑ च श॒तान्य॑सृजन्त॒ त्रय॑स्त्रिंश॒तं च॑
 तस्मा॑द्द्वाद॒शाह॒म्भार्यः॑ प्रैव जा॒यते॑ तेन॒ वै ते स॒हस्र॑मसृजन्तो॒खां
 स॒हस्र॑त॒र्मी य ए॒वमुख्य॑ साह॒स्रं वेद॑ प्र स॒हस्र॑म्प॒शूना॑प्नोति ॥२॥

यजु॑षा वा ए॒षा क्रि॑यते॒ यजु॑षा पच्यते॒ यजु॑षा वि मु॒च्यते॒ यदु॒खा सा
 वा ए॒षैतर्हि॑ या॒तया॑म्री सा न पुनः॑ प्र॒युज्ये॒त्याहुर॑ग्रे॒ यु॒द्धवा हि॑ ये तव॑
 यु॒द्धवा हि॑ दे॒वहू॑त॒मा इत्यु॒खायां जु॑होति॒ तेनै॒वैना॒म्पुनः॑ प्र यु॒ङ्क्ते
 तेना॑या॒तया॑म्री

यो वा अ॒ग्निं यो॒गु आ॑गते॒ युन॑क्ति॒ यु॒ङ्क्ते यु॒ञ्जाने॒ष्वग्रे॑ यु॒द्धवा हि॑ ये तव॑
 यु॒द्धवा हि॑ दे॒वहू॑त॒मा इत्या॑हैष वा अ॒ग्रेयो॑ग॒स्तेनै॒वैनं॑ युन॑क्ति॒ यु॒ङ्क्ते
 ये॒ञ्जाने॑षु

ब्र॒ह्मवा॒दिनो॑ वदन्ति॒ न्य॒ङ्ङु॒ग्निश्चै॒तव्या॑ उ॒त्ताना॑ इति॒
 व॒यसां॑ वा ए॒ष प्र॑तिम॒या ची॑यते॒ यद॒ग्निर्य॑न्नच॒ञ्चं चि॒नुया॑त्पृ॒ष्ठित
 ए॒नमा॑हु॒तय॑ अ॒च्छेयु॑र्यदु॒त्तानं॑ न प॒तितुं॑ शक्नु॒यादसु॑व॒ग्योऽस्य॑
 स्यत्प्रा॒चीन॑मु॒त्तानं॑ पु॒रुष॑शी॒र्षमु॑प॒ दधा॑ति॒ मुख॑त ए॒वैन॑माहु॒तय॑
 अ॒च्छन्ति॑ नो॒त्तानं॑ चि॒नुते सु॑व॒ग्योऽस्य॑ भवति॒ सौर्या॑ जु॒होति॒
 चक्षु॑रेवास्मिन्प्रति॒ दधा॑ति॒ द्विर्जु॑होति॒ द्वे हि॑ चक्षु॑षी॒ समान्या॑ जु॒होति॒
 समानं॑ हि चक्षुः॒ समृ॑द्धयै दे॒वासुराः॑ संय॑त्ता आस॒न्ते वा॒मं वसु॑ सं
 न्य॑दधत॒ तद्दे॒वा वा॑म॒भृता॑वृ॒ज्जत॑ तद्वा॑म॒भृतौ॑ वा॒मभृ॑त्त्वं
 यद्वा॑म॒भृत॑मु॒प॒दधा॑ति॒ वा॒ममे॒व तया॑ वसु॒ यज॑मानो॒ भ्रातृ॑व्यस्य वृ॒ङ्क्ते
 हि॒र॒ण्यमू॒र्ध्नी भव॑ति॒ ज्योति॑र्वै॒ हि॒र॒ण्यं ज्योति॑र्वा॒मं ज्योति॑षै॒वास्य॑
 ज्योति॑र्वा॒मं वृ॒ङ्क्ते द्वि॒यजु॑र्भवति॒ प्रति॑ष्ठित्यै ॥३॥

आ॒पो वरु॑णस्य॒ पत्न॑य आस॒न्ता अ॒ग्निर॑भ्य॒ध्याय॑त्ताः॒ सम॑भव॒त्तस्य॑ रे॒तः
 परा॑प॒तत्तदि॒यम॑भव॒द्यदि॒द्वतीय॑म्प॒राप॑त॒त्तद॒साव॑भव॒दियं॑ वै वि॒राड॒सौ

स्वराड्यद्विराजावुपदधातीमे एवोप धत्ते यद्वा असौ रेतः सिञ्चति
तदस्याम्प्रति तिष्ठति तत्प्र जायते ता ओषधयो वीरुधौ भवन्ति ता
अग्निरिति य एवं वेद प्रैव जायतेऽन्नादो भवति यो रेतस्वी
स्यात्प्रथमायां तस्य चित्यामुभे उप दध्यादिमे एवास्मै समीची रेतः
सिञ्चतो यः सिक्तरैताः स्यात्प्रथमायां तस्य चित्यामन्यामुप
दध्यादुत्तमायामन्यां रेत एवास्य सिक्तमाभ्यामुभयतः परि गृह्णाति
संवत्सरं न कञ्चन प्रत्यवरोहेन हीमे कं च न प्रत्यवरोहतस्तदेनयोर्वृतं
यो वा अपशीर्षाणमुग्निं चिनुतेऽपशीर्षामुष्मिल्लोके भवति यः
सशीर्षाणं चिनुते सशीर्षामुष्मिल्लोके भवति चित्तिं जुहोमि मनसा
घृतेन यथा देवा इहागमन्वीतिहोत्रा ऋतावृधः समुद्रस्य वयुनस्य
पत्नञ्जुहोमि विश्वकर्मणे विश्वाहामर्त्यं हवि रिति
स्वयमातृणामुपधाय जुहोत्येतद्वा अग्नेः शिरः सशीर्षाणमेवाग्निं
चिनुते सशीर्षामुष्मिल्लोके भवति य एवं वेद
सुवर्गाय वा एष लोकाय चीयते यदग्निस्तस्य यदयथापूर्वं
क्रियतेऽसुवर्ग्यमस्य तत्सुवर्ग्योऽग्निश्चितिमुपधायाभि मृशे च्छि
त्तिमचित्तिं चिनवद्वि विद्वान्पृष्ठेव वीता वृजिना च मर्तान्नाये च नः
स्वपत्याय देव दितिं च रास्वादितिमुरुष्येति यथापूर्वमेवैनानामुप धत्ते
प्राञ्चमेनं चिनुते सुवर्ग्योऽस्य भवति ॥४॥

विश्वकर्मा दिशाम्पतिः स नः पशून्पातु सौऽस्मान्पातु तस्मै नमः
प्रजापती रुद्रो वरुणोऽग्निर्दिशाम्पतिः स नः पशून्पातु सौऽस्मान्पातु
तस्मै नम एता वै देवता एतेषाम्पशूनामधिपतयस्ताभ्यो वा एष आ
वृश्चयते यः पशुशीर्षायुपदधाति हिरण्येष्टका उप दधात्येताभ्य
एव देवताभ्यो नमस्करोति ब्रह्मवादिनो वदन्त्यग्नौ ग्राम्यान्पशून्
दधाति शुचारणयानर्पयति किं तत् उच्छिष्यतीति
यद्विरण्येष्टका उपदधात्यमृतं वै हिरण्यममृतैनेव ग्राम्येभ्यः पशुभ्यो

भेषजं करोति नैनान्हिनस्ति प्राणो वै प्रथमा स्वयमातृरणा व्यानो
 द्वितीयापानस्तृतीयानु प्राणयात्प्रथमाः स्वयमातृरणामुपधाय
 प्राणेनैव प्राणः समर्धयति व्यन्यादिद्वितीयामुपधाय व्यानेनैव
 व्यानः समर्धयत्यपान्यात्तृतीयामुपधायापानेनैवापानः
 समर्धयत्यथो प्राणैरेवैनुः समिन्द्रे

भूर्भुवः सुवृरिति स्वयमातृरणा उप दधातीमे वै लोकाः
 स्वयमातृरणा

एताभिः खलु वै व्याहृतीभिः प्रजापतिः प्राजायत
 यदेताभिव्याहृतीभिः स्वयमातृरणा उपदधातीमानेव लोकानुपधायैषु
 लोकेष्वधि प्र जायते प्राणाय व्यानाया पानाय वाचे त्वा चक्षुषे
 त्वा तथा देवतयाङ्गिरस्वद्ध्रुवा सीदाग्निना वै देवाः सुवर्गं
 लोकमजिगाः सन्तेनु पतितुं नाशक्नुवन्त एताश्चतस्रः स्वयमातृरणा
 अपश्यन्ता दिक्षूपदधत तेन सर्वतश्चक्षुषा सुवर्गं लोकमायन्यच्चतस्रः
 स्वयमातृरणा दिक्षूपदधाति सर्वतश्चक्षुषैव तदग्निना यजमानः सुवर्गं
 लोकमेति ॥५॥

अग्र आ याहि वीतय इत्याहाहृतैवैनमग्निं दूतं वृणीमह इत्याह
 हुत्वैवैनं वृणीतेऽग्निनाग्निः समिध्यत इत्याह समिन्द्र
 एवैनमग्निरवृत्राणि जङ्घनदित्याह समिन्द्र एवास्मिन्निन्द्रियं दधात्यग्नेः
 स्तोमम्मनामह इत्याह मनुत एवैनं मेतानि वा अह्नाः
 रूपाण्यन्वहमेवैनं चिनुतेऽवाह्नाः रूपाणि रुद्धे ब्रह्मवादिनो वदन्ति
 कस्मात्सत्याद्यातयाम्नीरन्या इष्टका अयातयाम्नी लोकम्पृणेत्यैन्द्राग्नी
 हि बार्हस्पत्येति ब्रूयादिन्द्राग्नी च हि
 देवानाम्बृहस्पतिश्चायातयामानोऽनुचरवती
 भवत्यजामित्वायानुष्टुभानु चरत्यात्मा वै लोकम्पृणा
 प्राणोऽनुष्टुप्समात्प्राणः सर्वाण्यङ्गान्यनु चरति

ता अस्य सूददोहसु ।२। इत्याहु
 तस्मात्परुषिपरुषि रसः सोमं श्रीणन्ति पृश्नय इत्याहान्नं वै
 पृश्नयन्नमेवाव रुद्धेऽर्को वा अग्निरक्रोऽन्नमन्नमेवाव रुद्धे
 जन्मन्देवानां विशस्त्रिष्वा रौचने दिव इत्याहेमानेवासमै
 लोकाञ्ज्योतिष्मतः करोति यो वा इष्टकानाम्प्रतिष्ठां वेद प्रत्येव
 तिष्ठति
 तथा देवतयाङ्गिरस्वद्ध्रुवा सीदेत्याहेषा वा इष्टकानाम्प्रतिष्ठा य एवं
 वेद प्रत्येव तिष्ठति ॥६॥

सुवर्गाय वा एष लोकार्य चीयते यदग्निर्वज्रं एकादशिनी
 यदग्रावैकादशिनीमिनुयाद्वज्रैर्गैर्न सुवर्गाल्लोकादन्तर्दध्याद्यन्न
 मिनुयात्स्वरुभिः पृश्नव्यर्धयेदेकयूपमिमिनोति नैनं वज्रैर्ग
 सुवर्गाल्लोकादन्तर्दधाति न स्वरुभिः पृश्नव्यर्धयति वि वा एष
 इन्द्रियेण वीर्येण ध्रियते योऽग्निं चिन्वन्नधि क्रामत्यैन्द्रियर्चा
 क्रमणम्प्रतीष्टकामुप दध्यान्नेन्द्रियेण वीर्येण व्यृध्यते
 रुद्रो वा एष यदग्निस्तस्य तिस्रः शरव्याः प्रतीची तिरश्चयनूची
 ताभ्यो वा एष आ वृश्चयते योऽग्निं चिनुतैऽग्निं चित्वा
 तिसृधन्वमयाचितम्ब्राह्मणाय दद्यात्ताभ्य एव नमस्करोत्यतिथो
 ताभ्य एवात्मानं निष्क्रीणीते यत्तै रुद्र पुरो ।२। धनुस्तद्वातो अनु वातु
 ते तस्मै ते रुद्र संवत्सरेण नमस्करोमि यत्तै रुद्र दक्षिणा धनुस्तद्वातो
 अनु वातु ते
 तस्मै ते रुद्र परिवत्सरेण नमस्करोमि
 यत्तै रुद्र पश्चाद्धनुस्तद्वातो अनु वातु ते
 तस्मै ते रुद्रेदावत्सरेण नमस्करोमि
 यत्तै रुद्रोत्तराद्धनुस्तद्वातो अनु वातु ते तस्मै ते रुद्रेदुवत्सरेण
 नमस्करोमि यत्तै रुद्रोपरि धनुस्तद्वातो अनु वातु ते तस्मै ते रुद्र

वत्सुरेण नमस्करोमि रुद्रो वा एष यदग्निः स यथा व्याघ्रः
 क्रुद्धस्तिष्ठत्येवं वा एष एतर्हि
 संचितमेतैरुप तिष्ठते नमस्कारैरेवैनं शमयति यैऽग्रयः
 पुरीष्याः प्रविष्टाः पृथिवीमनु ।
 तेषां त्वमस्युत्तमः प्र णौ जीवार्तवे सुव ॥
 आपं त्वाग्ने मनसापं त्वाग्ने तपसापं त्वाग्ने दीक्षयापं त्वाग्ने
 उपसद्भि रापं त्वाग्ने सुत्ययापं त्वाग्ने दक्षिणाभिरापं
 त्वाग्नेऽवभृथेना पं त्वाग्ने वशयापं त्वाग्ने स्वगाकारेणे त्याहैषा वा
 अग्नेराप्तिस्त्यैवैनमाप्नोति ॥७॥

गायत्रेण पुरस्तादुप तिष्ठते प्राणमेवास्मिन्दधाति
 बृहद्रथं तुराभ्याम्पक्षावोज एवास्मिन्दधात्युत्तुस्थायज्ञायज्ञियेन
 पुच्छमृतुष्वेव प्रति तिष्ठति पृष्ठैरुप तिष्ठते तेजो वै पृष्ठानि तेज
 एवास्मिन्दधाति प्रजापतिरग्निमसृजत सौऽस्मात्सृष्टः पराङ्मत्तं
 वारवन्तीयेनावारयत तद्वारवन्तीयस्य वारवन्तीयत्वं श्यैतेन श्येती
 अकुरुत तच्छ्यैतस्य श्यैतत्वं यद्वारवन्तीयेनोपतिष्ठते वारयत एवैनं
 श्यैतेन श्येती कुरुते प्रजापतेर्हृदयेनापि पक्ष्मप्रत्युप तिष्ठते
 प्रेमाणमेवास्य गच्छति प्राच्या त्वा दिशा सादयामि गायत्रेण
 च्छन्दसाग्निना देवतयाग्नेः शीष्णाग्नेः शिर उप दधामि दक्षिणया त्वा
 दिशा सादयामि त्रैष्टुभेन च्छन्दसेन्द्रेण देवतयाग्नेः पक्षेणाग्नेः पक्षमुप
 दधामि प्रतीच्या त्वा दिशा सादयामि जागतेन च्छन्दसा सवित्रा
 देवतयाग्नेः पुच्छेनाग्नेः पुच्छमुप दधाम्यु दीच्या त्वा दिशा
 सादयाम्यानुष्टुभेन च्छन्दसा मित्रावरुणाभ्यां देवतयाग्नेः पक्षेणाग्नेः
 पक्षमुप दधाम्यूर्ध्वया त्वा दिशा सादयामि पाङ्केन च्छन्दसा
 बृहस्पतिना देवतयाग्नेः पृष्ठेनाग्नेः पृष्ठमुप दधामि यो वा
 अपात्मानमग्निं चिनुतेऽपात्मानमुष्मिल्लोके भवति यः सात्मानं चिनुते

सात्मा॒मुष्मिँ॑ल्लो॒के भव॑त्या॒त्मेष्ट॒का उप॑ दधात्येष वा अ॒ग्रेरा॒त्मा
सात्मा॑नमे॒वाग्निं चि॑नुते सात्मा॒मुष्मिँ॑ल्लो॒के भव॑ति य एवं वेद ॥८॥

अ॒ग्रं उद॑धे या त इ॒ष्यु॒वा ना॒म॒ तया॑ नो मृ॒ड॒ तस्या॑स्ते नम॒स्तस्या॑स्त
उप॑ जीव॒न्तो भू॒यास्मा॑ ग्रे दु॒ध ग॒ह्य किं॑ शिल वन्य या त इ॒ष्यु॒वा
ना॒म॒ तया॑ नो मृ॒ड॒ तस्या॑स्ते नम॒स्तस्या॑स्त उप॑ जीव॒न्तो भू॒यास्म॒ पञ्च
वा ए॒तेऽग्र॑यो यच्चि॒तय॑ उद॒धिरे॒व ना॒म॒ प्रथ॑मो दु॒धो द्वि॒तीयो
ग॒ह्यस्तृ॒तीयः किं॑ शिलश्चतु॒र्थो वन्यः॑ पञ्चम॒स्तेभ्यो॑ यदाहु॒तीर्न
जुहु॒याद॑ध्व॒र्यु च॒ यज॑मानं च॒ प्र द॑हेयुर्यदे॒ता आ॒हुती॑र्जुहोति
भा॒ग॒धेये॑नै॒वैना॑ञ्छमयति ना॒र्तिमा॑र्च्छत्यध्व॒र्युर्न यज॑मानो वाङ्म
आ॒सन्न॒सोः प्रा॒णोऽक्ष॑योश्चक्षुः॒ कर्ण॑योः
श्रो॒त्र॒म्बाहु॑वोर्बल॒मूरु॑वोरो॒जोऽरि॑ष्टा वि॒श्वान्य॑ङ्गानि त॒नूः त॒नुवा॑ मे स॒ह
नम॑स्ते अस्तु मा मा हिं॑सी॒रप॑ वा ए॒तस्मा॑त्प्रा॒णाः क्रा॑मन्ति योऽग्निं
चि॒न्वन्न॑धि॒क्राम॑ति वाङ्म आ॒सन्न॒सोः प्रा॒ण इत्या॑ह प्रा॒णाने॒वात्म॑न्ध॒ते
यो रु॒द्रो अ॒ग्नौ यो अ॒प्सु य ओष॑धीषु यो रु॒द्रो वि॒श्वा भुव॑नावि॒वेश
तस्मै॑ रु॒द्राय॑ नमो अ॒स्त्वा ह॑तिभा॒गा वा अ॒न्ये रु॒द्रा ह॒विर्भा॑गा अ॒न्ये
श॑तरु॒द्रीयं॑ ह॒त्वा गा॑वीधुकं च॒रुमे॑तेन॒ यजु॑षा च॒रमा॑यामिष्ट॒कायां
नि द॑ध्याद्वा॒ग॒धेये॑नै॒वैनं॑ शमयति तस्य॒ त्वै श॑तरु॒द्रीयं॑
हु॒तमि॒त्याहु॑र्यस्यै॒तद॒ग्नौ क्रि॒यत॑ इति वस॑वस्त्वा रु॒द्रैः पु॒रस्ता॑त्पान्तु
पि॒तर॑स्त्वा य॒मरा॑जानः पि॒तृभि॑र्दक्षि॒णतः॑ पा॒न्त्वा दि॒त्यास्त्वा
वि॒श्वैर्दे॒वैः पु॒श्चात्पा॑न्तु द्यु॒तान॑स्त्वा मा॒रुतो॑ म॒रुद्भि॑रुत्त॒रतः॑ पा॒तु
दे॒वास्त्वेन्द्र॑ज्ये॒ष्ठा वरु॑णरा॒जानो॑ऽधस्ता॒द्योपरि॑ष्ठाच्च पा॒न्तु न वा ए॒तेन॑
पू॒तो न मे॒ध्यो न प्रो॑क्षितो यदे॒नम॑तः प्रा॒चीन॑म्प्रोक्षति यत्सं॑चित॒माज्ये॑न
प्रो॑क्षति तेन पू॒तस्तेन॑ मे॒ध्यस्तेन॑ प्रोक्षितः ॥९॥

स॒मीची॒ नामा॑सि प्रा॒ची दि॒क्तस्या॑स्तेऽ॒ग्निरधि॑पतिर॒सितो॑ रक्षिता

यश्चाधिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च
 नो द्वेष्टि तं वां जम्भे दधाम्यो जस्विनी नामासि दक्षिणा
 दिक्तस्यास्तु इन्द्रोऽधिपतिः पृदाकुः प्राची नामासि प्रतीची
 दिक्तस्यास्ते सोमोऽधिपतिः स्वजोऽवस्थावा नामास्युदीची
 दिक्तस्यास्ते वरुणोऽधिपतिस्तिरश्चराजि रधिपत्नी नामासि बृहती
 दिक्तस्यास्ते बृहस्पतिरधिपतिः श्वित्रो वशिनी नामासीयं
 दिक्तस्यास्ते यमोऽधिपतिः कल्माषग्रीवो रक्षिता यश्चाधिपतिर्यश्च
 गोप्ता ताभ्यां नमस्तौ नो मृडयतां
 ते यं द्विष्मो यश्च नो द्वेष्टि तं वां जम्भे दधाम्ये ता वै देवता अग्निं
 चितं रक्षन्ति ताभ्यो यदाहुतीर्न जुहुयादध्वर्युं च यजमानं च
 ध्यायेयुर्यदेता आहुतीर्जुहोति भागधेयेनैवैनाञ्छमयति
 नार्तिमाच्छत्यध्वर्युर्न यजमानो
 हेतयो नाम स्थ तेषां वः पुरो गृहा अग्निर्व इषवः सलिलो निलिम्पा
 नाम स्थ तेषां वो दक्षिणा गृहाः
 पितरौ व इषवः सर्गरो वज्रिणो नाम स्थ तेषां वः पश्चाद्गृहाः स्वप्नो
 व इषवो गह्वरोऽवस्थावानो नाम स्थ
 तेषां व उत्तराद्गृहा आपौ व इषवः समुद्रोऽधिपतयो नाम स्थ तेषां व
 उपरि गृहा वर्ष व इषवोऽवस्वान्क्रव्या नाम स्थ पार्थिवास्तेषां व
 इह गृहा अन्नं व इषवोऽनिमिषो वातनामं तेभ्यो वो नमस्ते नो
 मृडयत
 ते यं द्विष्मो यश्च नो द्वेष्टि तं वो जम्भे दधामि
 हुतादो वा अन्ये देवा अहुतादोऽन्ये तानग्निचिदेवोभयान्प्रीणाति दध्ना
 मेधुमिश्रेणैता आहुतीर्जुहोति भागधेयेनैवैनान्प्रीणात्यथो
 खल्वाहुरिष्टका वै देवा अहुताद् इत्यनुपरिक्रामं
 जुहोत्यपरिवर्गमेवैनान्प्रीणाती मं स्तनमूर्जस्वन्तं
 धयापाम्प्रप्यातमग्रे सरिरस्य मध्ये ।

उत्सं जुषस्व मधुमन्तमूर्व समुद्रियं सदनमा विशस्व ॥
 यो वा अग्निमप्रयुज्य न विमुञ्चति यथाश्वौ युक्तोऽविमुच्यमानः
 क्षुध्यन्पराभवंत्येवमस्याग्निः परा भवति
 तम्पराभवंतं यजमानोऽनु परा भवति सोऽग्निं चित्वा लूक्षो ।६।
 भवतीमं स्तनमूर्जस्वन्तं धयापामित्याज्यस्य पूर्णां स्तुचं जुहोत्येष
 वा अग्नेर्विमोको विमुच्यैवास्मा अन्नमपि दधाति तस्मादाहुर्यश्चैवं
 वेद यश्च न सुधार्यं ह वै वाजी सुहितो दधातीत्यग्निर्वाव वाजी
 तमेव तत्प्रीणाति स एनम्प्रीतः प्रीणाति वसीयान्भवति ॥१०॥

इन्द्राय राज्ञे सूकरो वरुणाय राज्ञे कृष्णो यमाय राज्ञे ऋश्यं ऋषभाय
 राज्ञे गवयः शार्दूलाय राज्ञे गौरः पुरुषराजाय मर्कटः क्षिप्रश्येनस्य
 वर्तिका नीलङ्गोः क्रिमिः
 सोमस्य राज्ञः कुलुङ्गः सिन्धोः शिशुमारो हिमवतो हस्ती ॥११॥

मयुः प्राजापत्य ऊलो हलीक्ष्णो वृषदंशस्ते धातुः
 सरस्वत्यै शारिः श्येता पुरुषवाक्सरस्वते शुकः श्येतः
 पुरुषवा गारयौऽजो नकुलः शका ते पौष्णा वाचे क्रौञ्चः ॥१२॥

अपां नज्रै जुषो नाक्रो मकरः कुलीकयस्तेऽकूपारस्य वाचे पैङ्गराजो
 भगाय कुषीतक आती वाहसो दर्विदा ते वायव्या दिग्भ्यश्चक्रवाकः
 ॥१३॥

बलायाजगर आखुः सृजया शयणडक्स्ते मैत्रा मृत्यवेऽसितो मन्यवे
 स्वजः कुम्भीनसः पुष्करसादो लोहिताहिस्ते त्वाष्ट्राः प्रतिश्रुत्कायै
 वाहसः ॥१४॥

पुरुषमृगश्चन्द्रमसे गोधा कालका दारवाघाटस्ते वनस्पती नामेशयहे
कृष्णो रात्रियै पिकः द्विवङ्का नीलशीर्ष्णी तैर्यम्णे धातुः कत्कटः
॥१५॥

सौरी बलाक श्यो मयूरः श्येनस्ते गन्धर्वाणां वसूनां कपिञ्जलो
रुद्राणां तित्तिरी रोहित्कुण्डृणाचीं गोलत्तिका ता
अप्सरसा मरण्याय सृमरः ॥१६॥

पृषतो वैश्वदेवः पित्वो न्यङ्कुः कशस्तेऽनुमत्या अन्यवापोऽर्धमासानां
मासां कश्यपः क्वयिः कुटरुर्दात्यौहस्ते सिनीवात्यै बृहस्पतये
शित्पुटः ॥१७॥

शका भौमी पान्नः कशो मान्थीलवस्ते पितृणा मृतूनां जहका
संवत्सराय लोपा कपोत उलूकः शशस्ते नैर्ऋताः
कृकवाकुः सावित्रः ॥१८॥

रुरू रौद्रः कृकलासः शकुनिः पिप्पका ते शरव्यायै
हरिणो मारुतो ब्रह्मणे शार्ग स्तरक्षुः कृष्णः श्वा चतुरक्षो गर्दभस्त
इतरजनानां मग्नये धूङ्गणा ॥१९॥

अलज आन्तरिक्ष उद्रो मद्गुः प्लवस्तैऽपा मदित्यै
हंससाचि रिन्द्रायै कीर्शा गृध्रः शितिकक्षी वार्ध्राणस्ते दिव्या
द्यावापृथिव्या श्वावित् ॥२०॥

सुपर्णः पार्जन्यो हंसो वृको वृषदंशस्त ऐन्द्रा
अपामुद्रौऽर्यम्णे लोपाशः सिंहो नकुलो व्याघ्रस्ते महेन्द्राय कामाय

परस्वान् ॥२१॥

आग्नेयः कृष्णग्रीवः सारस्वती मेषी बभ्रुः सौम्यः पौष्णः श्यामः
शितिपृष्ठो बार्हस्पत्यः शिल्पो वैश्वदेव ऐन्द्रोऽरुणो मारुतः कल्माष
ऐन्द्राग्रः संहितोऽधोरांमः सावित्रो वारुणः पेतृः ॥२२॥

अश्वस्तूपरो गौमृगस्ते प्राजापत्या आग्नेयौ कृष्णग्रीवौ त्वाष्ट्रौ
लौमशसुक्थौ शितिपृष्ठौ बार्हस्पत्यौ धात्रे पृषोदरः सौर्यो बलक्षः
पेतृः ॥२३॥

अग्नयेऽनीकवते रोहिताञ्जिरनुड्वा नधोरांमौ सावित्रौ
पौष्णौ रजतनाभी वैश्वदेवौ पिशङ्गौ तूपरौ मारुतः कल्माष आग्नेयः
कृष्णोऽजः सारस्वती मेषी वारुणः कृष्ण एकशितिपात्पेतृः ॥२४॥
इति पञ्चमकाण्डे पञ्चमः प्रपाठकः ५

अथ पञ्चमकाण्डे षष्ठः प्रपाठकः ५

हिरण्यवर्णाः शुचयः पावका यासु जातः कश्यपो यास्विन्द्रः ।
अग्निं गर्भं दधिरे विरूपास्ता न आपः शंस्योना भवन्तु ॥
यासां राजा वरुणो याति मध्ये सत्यानृते अवपश्यञ्जनानाम् ।
मधुश्चुतः शुचयो याः पावकास्ता न आपः शंस्योना भवन्तु ॥
यासां देवा दिवि कृण्वन्ति भक्षं या अन्तरिक्षे बहुधा भवन्ति ।
याः पृथिवीमपर्यसोऽन्दन्ति शुक्रास्ता न आपः शंस्योना भवन्तु ॥
शिवेन मा चक्षुषा पश्यतापः शिवया तनुवोऽप स्पृशत त्वचम्मे ।
सर्वां अग्नींरप्सुषदौ हुवे वो मयि वर्चो बलमोजो नि धत्त ॥
यददः सम्प्रयतीरहावनदता हुते । तस्मादा नद्यौ नाम स्थ ता वो
नामानि सिन्धवः ॥

यत्प्रेषिता वरुणेन ताः शीभं समवल्गत ।
 तदाप्रोदिन्द्रो वो यतीस्तस्मादापो अनु स्थन ॥
 अपकामं स्यन्दमाना अवीवरत वो हिकम् । इन्द्रो वः
 शक्तिभिर्देवीस्तस्माद्वार्षाम वो हितम् ॥
 एको देवो अप्यतिष्ठत्स्यन्दमाना यथावृशम् । उदानिषुर्महीरिति
 तस्मादुदकमुच्यते ॥
 आपो भद्रा घृतमिदाप आसुरग्रीषोमौ बिभ्रत्यापु इत्ताः । तीव्रो रसो
 मधुपृचामरंगम आ मा प्राणेन सह वर्चसा गन् ॥
 आदित्यश्याम्युत वा शृणोम्या मा घोषो गच्छति वाङ्मन आसाम् ।
 मन्ये भेजानो अमृतस्य तर्हि हिरण्यवर्णा अतृपं यदा वः ॥
 आपो हि ष्ठा मयोभुवस्ता न ऊर्जे दधातन । महे रणाय चक्षसे ॥
 यो वः शिवतमो रसस्तस्य भाजयतेह नः । उशतीरिव मातरः ॥
 तस्मा अरं गमाम वो यस्य क्षयाय जिन्वथ । आपो जनयथा च नः
 ॥

दिवि श्रयस्वान्तरिक्षे यतस्व पृथिव्या सम्भव ब्रह्मवर्चसमसि
 ब्रह्मवर्चसाय त्वा ॥१॥

अपां ग्रहान्गृह्णात्येतद्वाव राजसूयं यदेते ग्रहाः सवोऽग्निर्वरुणसवो
 राजसूयमग्निसवश्चित्यस्ताभ्यामेव सूयतेऽथो उभावेव लोकावभि
 जयति यश्च राजसूयेनेजानस्य यश्चाग्निचित आपो भवन्त्यापो वा
 अग्नेर्भ्रातृव्या यदपोऽग्नेरधस्तादुपदधाति भ्रातृव्याभिभूत्यै
 भवत्यात्मना परास्य भ्रातृव्यो भवत्यमृतं वा
 आपस्तस्मादद्भिरवतान्तमभि षिञ्चन्ति
 नार्तिमार्च्छति सर्वमार्युरिति यस्यैता उपधीयन्ते य उ चैना एवं
 वेदा न्नं वा आपः पशव आपोऽन्नम्पशवोऽन्नादः पशुमान्भवति
 यस्यैता उपदीयन्ते य उ चैना एवं वेद

द्वादश भवन्ति द्वादश मासाः संवत्सरः संवत्सरेणैवास्मा अन्नमव
 रुद्धे पात्राणि भवन्ति
 पात्रे वा अन्नमद्यते सयोन्येवान्नमव रुद्ध आ
 द्वादशात्पुरुषादन्नमृत्यथो पात्रान्न च्छिद्यते यस्यैता उपधीयन्ते य उ
 चैना एवं वेद कुम्भाश्च कुम्भीश्च मिथुनानि भवन्ति
 मिथुनस्य प्रजात्यै प्र प्रजया पशुभिर्मिथुनैर्जायते यस्यैता उपधीयन्ते
 य उ ॥३॥ चैना एवं वेद शुग्वा अग्निः
 सौध्वर्यु यजमानम्प्रजाः शुचार्पयति
 यदप उपदधाति शुचमेवास्य शमयति
 नार्तिमार्च्छत्यध्वर्युर्न यजमानः शाम्यन्ति प्रजा यत्रैता उपधीयन्तेऽपां
 वा एतानि हृदयानि यदेता आपो
 यदेता अप उपदधाति दिव्याभिरैवेनाः सꣳ सृजति वर्षुकः पर्जन्यो
 ॥४॥ भवति यो वा एतासामायतनं क्लृप्तं वेदायतनवान्भवति
 कल्पतेऽस्मा अनुसीतमुप दधात्येतद्वा आसामायतनमेषा क्लृप्तं य
 एवं वेदायतनवान्भवति कल्पतेऽस्मै द्वंद्वमन्या उप दधाति चतस्रो
 मध्ये धृत्या
 अन्नं वा इष्टका एतत्खलु वै साक्षादन्नं यदेष चरुर्यदेतं चरुमुपदधाति
 साक्षादे ॥५॥ वास्मा अन्नमव रुद्धे मध्यत उप दधाति मध्यत
 एवास्मा अन्नं दधाति तस्मान्मध्यतोऽन्नमद्यते बार्हस्पत्यो भवति ब्रह्म
 वै देवानाम्बृहस्पति
 ब्रह्मणैवास्मा अन्नमव रुद्धे ब्रह्मवर्चसमसि ब्रह्मवर्चसाय त्वेत्याह
 तेजस्वी ब्रह्मवर्चसी भवति यस्यैष उपधीयते य उ चैनमेवं वेद
 ॥२॥

भूतेष्टका उप दधात्यत्रात्र वै मृत्युर्जायते यत्रयत्रैव मृत्युर्जायते तत्
 एवैनमव यजतै तस्मादग्निचित्सर्वमार्युरेति सर्वे ह्यस्य

मृत्यवोऽवेष्टास्तस्मादग्निचिन्नाभिचरित्वै प्रत्यगेनमभिचारः स्तृणुते
सूयते वा एष योऽग्निं चिनुते देवसुवामेतानि हवीँषि
भवत्येतावन्तो वै देवानाँ सुवास्त एवास्मै सुवान्प्र यच्छन्ति त
एनँ सुवन्ते
सुवोऽग्निर्वरुणसुवो राजसूर्यम्ब्रह्मसुवश्चित्यो देवस्य त्वा सवितुः
प्रसुव इत्याह सवितृप्रसूत एवैनम्ब्रह्मणा देवताभिरुभि
षिञ्चत्यन्नस्यान्नस्याभि षिञ्चत्यन्नस्यान्नस्यावरुद्ध्यै पुरस्तात्प्रत्यञ्चमभि
षिञ्चति पुरस्ताद्धि प्रतीचीनुमन्नमद्यते शीर्षतोऽभि षिञ्चति शीर्षतो
ह्यन्नमद्यत आ मुखादन्ववस्त्रावयति मुखत एवास्मा अन्नाद्यं
दधात्यग्नेस्त्वा साम्राज्येनाभि षिञ्चामीत्याहैष वा अग्नेः
सुवस्तेनैवैनमभि षिञ्चति बृहस्पतेस्त्वा साम्राज्येनाभि षिञ्चामीत्याह
ब्रह्म वै देवानाम्बृहस्पतिर्ब्रह्मणैवैनमभि षिञ्चतीन्द्रस्य त्वा
साम्राज्येनाभि षिञ्चामीत्याहेन्द्रियमेवास्मिन्नुपरिष्ठादधात्येतद्वै
राजसूर्यस्य रूपं य एवं विद्वानग्निं चिनुत उभावेव लोकावभि
जयति यश्च राजसूर्येनेजानस्य यश्चाग्निचित इन्द्रस्य सुषुवाणस्य
दशधेन्द्रियं वीर्यम्परापतत्तद्देवाः सौत्रामण्या समभरन्सूयते वा एष
योऽग्निं चिनुतेऽग्निं चित्वा सौत्रामण्या यजेतेन्द्रियमेव वीर्यँ
सम्भृत्यात्मन्धत्ते ॥३॥

सजूरब्दोऽयावभिः सजरूषा अरुणीभिः सजूः सूर्य एतंशेन
सजोषावश्विना दँसौभिः सजूरग्निर्वैश्वानर इडाभिर्घृतेन स्वाहा
संवत्सरो वा अब्दो मासा अयावा उषा अरुणीः सूर्य एतंश इमे
अश्विना संवत्सरोऽग्निर्वैश्वानरः पशव इडा पशवो घृतँ
संवत्सरम्पशवोऽनु प्र जायन्ते
संवत्सरेणैवास्मै पशून्प्र जनयति दर्भस्तम्बे जुहोति
यद्वा अस्या अमृतं यद्वीर्यं तद्दर्भास्तस्मिञ्जुहोति

प्रैव जायतेऽन्नादो भवति यस्यैवं जुह्वत्येता वै देवता अग्नेः
 पुरस्ताद्वागास्ता एव प्रीणात्यथो चक्षुरेवाग्नेः पुरस्तात्प्रति
 दधात्य नन्धो भवति य एवं वेदा पो वा इदमग्रे सलिलमासीत्स
 प्रजापतिः पुष्करपर्णे वातौ भूतोऽलेलायत्सः प्रतिष्ठां नाविन्दतु स
 एतदुपां कुलायमपश्यत्तस्मिन्नग्निमचिनुत तदियमभवत्ततो वै स
 प्रत्यतिष्ठ द्याम्पुरस्तादुपादधात्तच्छिरौऽभवत्सा प्राची दिग्यां दक्षिणत
 उपादधात्स दक्षिणः पक्षौऽभवत्सा दक्षिणा
 दिग्याम्पश्चादुपादधात्तत्पुच्छमभवत्सा प्रतीची दिग्यामुत्तरत
 उपादधात्स उत्तरः पक्षौऽभवत्सोदीची
 दिग्यामुपरिष्ठादुपादधात्तत्पृष्ठमभवत्सोर्ध्वा दि गियम्वा अग्निः
 पञ्चैष्टकस्तस्माद्यदस्यां खनेन्त्यभीष्टकां तृन्दन्त्यभि शर्करां सर्वा वा
 इयं वयौभ्यो नक्तं दृशे दीप्यते तस्मादिमां वयांसि नक्तं नाध्यासते
 य एवं विद्वानग्निं चिनुते प्रत्येव तिष्ठत्यभि दिशौ जयत्याग्नेयो वै
 ब्राह्मणस्तस्माद्ब्राह्मणाय सर्वासु दिक्ष्वर्धुकं स्वामेव
 तद्दिशमन्वेत्यपां वा अग्निः कुलायं तस्मादापोऽग्निं हारुकाः
 स्वामेव तद्योनिम्प्र विशन्ति ॥४॥

संवत्सरमुख्यम्भृत्वा द्वितीयं संवत्सर आग्नेयमष्टार्कपालं
 निर्वपेद्वैन्द्रमेकादशकपालं वैश्वदेवं द्वादशकपालम्बार्हस्पत्यं चरुं
 वैष्णवं त्रिकपालं तृतीयं संवत्सरेऽभिजिता यजेत यदष्टार्कपालो
 भवत्यष्टाक्षरा गायत्र्याग्नेयं गायत्रम्प्रातःसवनं प्रातःसवनमेव तेन
 दाधार गायत्रीं छन्दो
 यदेकादशकपालो भवत्येकादशाक्षरा त्रिष्टुगैन्द्रं त्रैष्टुभम्माध्यंदिनं
 सवनं माध्यंदिनमेव सवनं तेन दाधार त्रिष्टुभं छन्दो
 यद्द्वादशकपालो भवति द्वादशाक्षरा जगती वैश्वदेवं जागृतं
 तृतीयसवनं तृतीयसवनमेव तेन दाधार जगतीं छन्दो

यद्ब्रह्मस्पृत्यश्चरुर्भवति ब्रह्म वै देवानाम्बृहस्पतिर्ब्रह्मैव तेन दाधार
यद्वैष्णवस्त्रिकपालो भवति यज्ञो वै विष्णुर्यज्ञमेव तेन दाधार
यत्तृतीयै संवत्सुरैऽभिजिता यजतेऽभिजित्यै
यत्संवत्सरमुख्यम्बिभर्तीममेव तेन लोकं स्पृणोति यदिद्वितीयै
संवत्सुरैऽग्निं चिनुतेऽन्तरिक्षमेव तेन स्पृणोति यत्तृतीयै संवत्सुरे
यजतेऽमुमेव तेन लोकं स्पृणोत्ये तं वै परं आदणारः कृद्धीवां
औशिजो वीतहव्यः श्रायसस्त्रसदस्युः पौरुकुत्स्यः प्रजाकामा
अचिन्वत ततो वै ते सहस्रं सहस्रम्पुत्रानविन्दन्त प्रथते प्रजया
पशुभिस्ताम्मात्रामाप्नोति यां तेऽगच्छन्त्य एवं विद्वानेतमग्निं चिनुते
॥५॥

प्रजापतिरग्निमचिनुत स क्षुरपविर्भूत्वातिष्ठत्तं देवा बिभ्यतो नोपायन्ते
छन्दोभिरात्मानं छादयित्वोपायन्तच्छन्दसां छन्दस्त्वं ब्रह्म वै
छन्दांसि ब्रह्मण एतद्रूपं यत्कृष्णाजिनं काष्णीं उपानहावुप मुञ्चते
हन्दोभिरेवात्मानं छादयित्वाग्निमुप चरत्यात्मनोऽहिंसायै
देवनिधिर्वा एष नि धीयते यदग्निरन्ये वा वै निधिमगुप्तं विन्दन्ति न
वा प्रति प्र जानात्युखामा क्रामत्यात्मानमेवाधिपां कुरुते गुप्तया
अथो खल्वाहुर्नाक्रम्येति नैर्ऋत्युखा यदाक्रामेन्निर्ऋत्या आत्मानमपि
दध्यात्तस्मान्नाक्रम्या पुरुषशीर्षमुप दधाति गुप्तया अथो यथा
ब्रूयादेतन्मै गोपायेति तादृगेव तत्प्रजापतिर्वा अथर्वाग्निरेव
दध्यङ्गडाथर्वणस्तस्येष्टका अस्थान्येतं ह वाव तदृषिर्भ्यनूवाचेन्द्रो
दधीचो अस्थभिरिति यदिष्टकाभिरग्निं चिनोति सात्मानमेवाग्निं
चिनुते सात्मानमुष्मिल्लोके भवति य एवं वेद शरीरं वा
एतदग्नेर्यद्वित्य आत्मा वैश्वानरो यच्चिते वैश्वानरं जुहोति शरीरमेव
संस्कृत्याभ्यारोहति शरीरं वा एतद्यजमानः संस्कुरुते यदग्निं
चिनुते यच्चिते वैश्वानरं जुहोति शरीरमेव संस्कृत्यात्मनाभ्यारोहति

तस्मात्तस्य नाव द्यन्ति जीवन्नेव देवानप्येति वैश्वानुर्यर्चा पुरीषमुप
 दधातीयं वा अग्निर्वैश्वानुरस्तस्यैषा चितिर्यत्पुरीषमग्निमेव वैश्वानुरं
 चिनुत एषा वा अग्नेः प्रिया तनूर्यद्वैश्वानुरः
 प्रियामेवास्य तनुवमव रुद्धे ॥६॥

अग्नेर्वै दीक्षया देवा विराजमाप्नुवन्तिस्त्रो रात्रीर्दीक्षितः स्यात्त्रिपदा
 विराड्विराजमाप्नोति षड्रात्रीर्दीक्षितः स्यात्षड्वा ऋतवः संवत्सुरः
 संवत्सुरो विराड्विराजमाप्नोति दश रात्रीर्दीक्षितः स्याद्दशाक्षरा
 विराड्विराजमाप्नोति द्वादश रात्रीर्दीक्षितः स्याद्द्वादश मासाः
 संवत्सुरः संवत्सुरो विराड्विराजमाप्नोति त्रयोदश रात्रीर्दीक्षितः
 स्यात्त्रयोदश मासाः संवत्सुरः संवत्सुरो विराड्विराजमानोति
 पञ्चदश रात्रीर्दीक्षितः स्यात्पञ्चदश वा अर्धमासस्य रात्रयोऽर्धमासशः
 संवत्सुर आप्यते संवत्सुरो विराड्विराजमाप्नोति
 सप्तदश रात्रीर्दीक्षितः स्याद्द्वादश मासाः पञ्चर्तवः स संवत्सुरः
 संवत्सुरो विराड्विराजमाप्नोति चतुर्विंशतिं रात्रीर्दीक्षितः
 स्याच्चतुर्विंशतिरर्धमासाः संवत्सुरः
 संवत्सुरो विराड्विराजमाप्नोति त्रिंशत् रात्रीर्दीक्षितः
 स्यात्त्रिंशदक्षरा विराड्विराजमाप्नोति मासं दीक्षितः स्याद्यो मासः
 स संवत्सुरः संवत्सुरो विराड्विराजमाप्नोति चतुरौ मासो दीक्षितः
 स्याच्चतुरोवा एतम्मासो वसवोऽबिभरुस्ते पृथिवीमार्जयन्गायत्रीं
 छन्दोऽष्टौ रुद्रास्तैऽन्तरिक्षमार्जयन्गायत्रीं छन्दोऽष्टौ
 रुद्रास्तैऽन्तरिक्षमार्जयन्निष्टुभं छन्दो द्वादशादित्यास्ते
 दिवमार्जयन्जगतीं छन्दस्ततो वै ते व्यावृत्तमगच्छच्छ्रैष्ठ्यं देवानां
 तस्माद्द्वादश मासो भूत्वाग्निं चिन्वीत द्वादश मासाः संवत्सुरः
 संवत्सुरोऽग्निश्चित्यस्तस्याहोरात्राणीष्टका आप्तेष्टकमेनं चिनुतेऽथौ
 व्यावृत्तमेव गच्छति श्रैष्ठ्यं समानानाम् ॥७॥

सुवर्गाय वा एष लोकार्य चीयते यदग्निस्तं
 यन्नान्वारोहैत्सुवर्गाल्लोकाद्यजमानो हीयेत पृथिवीमाक्रमिषम्प्राणो
 मा मा हासीदन्तरिक्षमाक्रमिषम्प्रजा मा मा हासीदिवमाक्रमिषः
 सुवरगन्मेत्याहैष वा अग्नेरन्वारोहस्तेनैवैनमन्वारोहति सुवर्गस्य
 लोकस्य समष्ट्यै यत्पक्षसम्मिताम्मिनुयात्कनीयाः सं
 यज्ञक्रतुमुपैयात्पापीयस्यस्यात्मनः प्रजा स्याद्वेदिसम्मिताम्मिनोति
 ज्यायाः समेव यज्ञक्रतुमुपैति नास्यात्मनः पापीयसी प्रजा भवति
 साहस्रं चिन्वीत प्रथमं चिन्वानः सहस्रसम्मितो वा अयं लोक
 इममेव लोकमभि जयति द्विषाहस्रं चिन्वीत द्वितीयं चिन्वानो
 द्विषाहस्रं वा अन्तरिक्षमन्तरिक्षमेवाभि जयति
 त्रिषाहस्रं चिन्वीत तृतीयं चिन्वानः त्रिषाहस्रो वा असौ
 लोकौऽमुमेव लोकमभि जयति जानुदघ्नं चिन्वीत प्रथमं चिन्वानो
 गायत्रियैवेमं लोकमभ्यारोहति नाभिदघ्नं चिन्वीत द्वितीयं
 चिन्वानस्त्रिष्टुभैवान्तरिक्षमभ्यारोहति ग्रीवदघ्नं चिन्वीत तृतीयं
 चिन्वानो
 जगत्यैवामुं लोकमभ्यारोहति नाग्निं चित्वा रामामुपैयादयोनौ रेतौ
 धास्यामीति न द्वितीयं चित्वान्यस्य स्त्रियमुपैयान्न तृतीयं चित्वा कां
 चनोपैयाद्रेतो वा एतन्नि धत्ते यदग्निं चिनुते यदुपैयाद्रेतसा
 व्यृध्येताथो खल्वाहुरप्रजस्यं तद्यन्नोपैयादिति
 यद्रेतःसिचावुपदधाति ते एव यजमानस्य रेतौ
 बिभृतस्तस्मादुपैयाद्रेतसोऽस्कन्दाय त्रीणि वाव रेतोऽसि पिता पुत्रः
 पौत्रो यद्वे रेतःसिचावुपदध्याद्रेतोऽस्य विच्छिन्द्यात्तिस्त्र उप दधाति
 रेतसः संतत्या
 इयं वाव प्रथमा रेतःसिग्वाग्वा इयं तस्मात्पश्यन्तीमाम्पश्यन्ति
 वाचं वदन्तीमन्तरिक्षं द्वितीया प्राणो वा अन्तरिक्षं
 तस्मान्नान्तरिक्षम्पश्यन्ति न प्राणमसौ तृतीया चक्षुर्वा असौ

तस्मात्पश्यन्त्यमूमपश्यन्ति चक्षु र्यजुषेमां चामूचोप दधाति मनसा
 मध्यमामेषां लोकानां क्लृप्त्याअथो प्राणानां मिष्टो यज्ञो
 भृगुभिराशीर्दा वसुभि स्तस्य त इष्टस्य वीतस्य द्रविणेह
 भक्षीये त्याह स्तुतशस्त्रे एवैतेन दुहे पिता मातरिश्वाच्छिद्रा पदा धा
 अच्छिद्रा उशिर्जः पदानु तक्षुः सोमो विश्वविन्नेता
 नैषद्बृहस्पतिरुक्थामदानि शंसिषदित्याहैतद्वा अग्रेरुक्थं तेनैवैनमनु
 शंसति ॥८॥

सूयते वा एषोऽग्नीनां य उखायांभ्रियते यदधः सादयेद्गर्भाः
 प्रपादुकाः स्युरथो यथा सवात्प्रत्यवरोहति तादृगेव तदासुन्दी
 सादयति गर्भाणां धृत्या अप्रपादायाथो सवमेवैनं करोति गर्भो वा
 एष यदुख्यो योनिः शिष्यं
 यच्छिष्यादुखां निरूहेद्योनेर्गर्भं निर्हणयात्षडुद्यामं शिष्यंभवति
 षोढाविहितो वै पुरुष आत्मा च शिरश्च
 चत्वार्यङ्गान्यात्मन्नेवैनम्बिभर्ति प्रजापतिर्वा एष यदग्निस्तस्योखा
 चोलूखलं च स्तनौ तार्वस्य प्रजा उप जीवन्ति यदुखां चोलूखलं
 चोपदधाति ताभ्यामेव यजमानोऽमुष्मिल्लोकेऽग्निं दुहे संवत्सरो वा
 एष यदग्निस्तस्य त्रेधाविहिता इष्टकाः प्राजापत्या
 वैष्णवीवैश्वकर्मणीरहोरात्राण्येवास्य प्राजापत्या यदुख्यम्बिभर्ति
 प्राजापत्या एव तदुप धत्ते यत्समिध आदधाति वैष्णवा वै
 वनस्पतयो वैष्णवीरेव तदुप धत्ते यदिष्टकाभिरग्निं चिनोतीयं वै
 विश्वकर्मा वैश्वकर्मणीरेव तदुप धत्ते तस्मादाहस्त्रिवृदग्निरिति तं वा
 एतं यजमान एव चिन्वीत
 यदस्यान्यश्चिनुयाद्यत्तं दक्षिणाभिर्न राधयेदग्निमस्य वृञ्जीत
 योऽस्याग्निं चिनुयात्तं दक्षिणाभी राधयेदग्निमेव तत्स्पृणोति ॥९॥

प्रजापतिरग्निर्मचिनुतर्तुभिः संवत्सरं वसन्तेनैवास्य पूर्वार्धमचिनुत
 ग्रीष्मेण दक्षिणम्पक्षं वर्षाभिः पुच्छं शरदोत्तरम्पक्षं हैमन्तेन मध्यं
 ब्रह्मणा वा अस्य तत्पूर्वार्धमचिनुत क्षत्रेण दक्षिणम्पक्षं पशुभिः पुच्छं
 विशोत्तरम्पक्षमाशया मध्यं य एवं विद्वानग्निं चिनुत ऋतुभिरिवैनं
 चिनुतेऽथो एतदेव सर्वमव रुद्धे शृणवन्त्येनमग्निं चिक्यान्मत्यन्नं
 रोचत इयं वाव प्रथमा चित्तिरोषधयो वनस्पतयः पुरीषमन्तरिक्षं
 द्वितीया वयांसि पुरीषमसौ तृतीया नक्षत्राणि पुरीषं यज्ञश्चतुर्थी
 दक्षिणा पुरीषं यजमानः पञ्चमी प्रजा पुरीषं यत्त्रिचितीकं चिन्वीत
 यज्ञं दक्षिणामात्मानम्प्रजामन्तरीयात्तस्मात्पञ्चचितीकश्चेतुर्व्य एतदेव
 सर्वं स्पृणोति यत्तिस्त्रश्चितयः त्रिवृद्धयग्निर्यद्द्वे द्विपाद्यजमानः
 प्रतिष्ठित्यै

पञ्च चितयो भवन्ति पाङ्क्तुः पुरुष आत्मानमेव स्पृणोति
 पञ्च चितयो भवन्ति पञ्चभिः पुरीषैरभ्यूहति दश सम्पद्यन्ते दशाक्षरो
 वै पुरुषो यावानेव पुरुषस्तं स्पृणोत्यथो दशाक्षरा विराडन्नं
 विराड्विराज्येवान्नाद्ये प्रति तिष्ठति
 संवत्सरो वै षष्ठी चित्तिर्ऋतवः पुरीषं षट्चितयो भवन्ति
 षट्पुरीषाणि द्वादश सम्पद्यन्ते द्वादश मासाः संवत्सरः संवत्सर एव
 प्रति तिष्ठति ॥१०॥

रोहितो धूम्ररौहितः कर्कन्धुरोहितस्ते प्राजापत्या बभ्रुररुणबभ्रुः
 शुक्बभ्रुस्ते रौद्राः श्येतः श्येताक्षः श्येतग्रीवस्ते पितृदेवत्या स्तिस्त्रः
 कृष्णा वशा वारुण्य स्तिस्त्रः श्वेता वशाः सौर्यो मैत्राबार्हस्पत्या
 धूम्रललामास्तूपराः ॥११॥

पृश्निस्तिरश्चीनपृश्निरूर्ध्वपृश्निस्ते मारुताः फल्गूलोहितोर्णी बलक्षी
 ताः सारस्वत्यः पृषती स्थूलपृषती क्षुद्रपृषती ता वैश्वदेव्य स्तिस्त्रः

श्या॒मा व॒शाः पौ॒ष्णिय॑ स्ति॒स्रो रोहि॑णीर्व॒शा मै॒त्रिय॑ ऐ॒न्द्राबा॑र्हस्प॒त्या
अ॒रुण॑ल॒लामा॑स्तूप॒राः ॥१२॥

शि॒तिबा॒हुर॒न्यतः॑ शि॒तिबा॒हुः स॒म॒न्तशि॑तिबा॒हुस्त॑ ऐ॒न्द्रवा॒य॒वाः
शि॒तिर॒न्ध्रोऽन्य॑तः शि॒तिर॒न्ध्रः स॒म॒न्तशि॑तिर॒न्ध्रस्ते॑ मै॒त्रावरु॑णाः
शु॒द्धवा॑लः स॒र्वशु॑द्धवा॒लो म॒णिवा॑ल॒स्त आ॑श्वि॒ना स्ति॒स्रः शि॒ल्पा
व॒शा वै॒श्वदे॒व्य स्ति॒स्रः श्ये॑नीः प॒रमे॒ष्ठिनै॑ सोमापौ॒ष्णाः
श्या॒मल॑ल॒लामा॑स्तूप॒राः ॥१३॥

उ॒न्नत॑ ऋ॒षभो॑ वा॒म॒नस्त॑ ऐ॒न्द्रावरु॑णाः शि॒तिक॑कुच्छि॒तिपृ॑ष्ठः
शि॒तिभ॑स॒त्त ऐ॒न्द्राबा॑र्हस्प॒त्याः शि॒तिपा॑च्छि॒त्योष्ठः॑ शि॒तिभ्रु॑स्त
ऐ॒न्द्रावै॑ष्ण॒वा स्ति॒स्रः सि॒ध्मा व॒शा वै॒श्वक॑र्म॒ण्य स्ति॒स्रो धा॒त्रे
पृ॒षोद॑रा ऐ॒न्द्रापौ॑ष्णाः श्ये॑त॒ललामा॑स्तूप॒राः ॥१४॥

क॒र्णास्त्र॑यो॒ या॒माः सौ॒म्यास्त्र॑यः श्वि॒तिङ्गा अ॒ग्नये॑ यवि॒ष्ठाय॑ त्रयो
नकु॒ला
स्ति॒स्रो रोहि॑णीरु॒यव्य॑स्ता वसू॒नां ति॒स्रौऽरु॑णा दि॒त्यौह्य॑स्ता रु॒द्राणां
सोमै॒न्द्रा ब॒भ्रुल॑ल॒लामा॑स्तूप॒राः ॥१५॥

शु॒ण्ठास्त्र॑यो॒ वैष्ण॑वा अ॒धीलो॑ध॒कर्णा॑स्त्र॒यो वि॑ष्ण॒व उ॒रुक्र॑मा॒य
लप्सु॑दि॒नस्त्र॑यो॒ विष्ण॑व उ॒रुगा॑या॒य पञ्चा॑वी॒स्ति॒स्र आ॑दि॒त्यानां
त्रि॒व॒त्सास्ति॒स्रोऽङ्गि॑रसा॒ मै॒न्द्रावै॑ष्ण॒वा गौ॑रल॒लामा॑स्तूप॒राः ॥१६॥

इ॒न्द्राय॑ रा॒ज्ञे त्र॑यः शि॒तिपृ॑ष्ठा इ॒न्द्राया॑धि॒राजा॑य॒ त्रयः॑ शि॒तिक॑कु॒द
इ॒न्द्राय॑ स्व॒राज्ञे॑ त्रयः शि॒तिभ॑स॒द स्ति॒स्रस्तु॑र्यौह्यः सा॒ध्यानां॑ ति॒स्रः
प॒ष्ठौह्यो॑ वि॒श्वेषां॑ दे॒वानां॑ मा॒ग्नेन्द्राः॑ कृ॒ष्णल॑ल॒लामा॑स्तूप॒राः ॥१७॥

अदित्यै त्रयो रोहितैता इन्द्रायै त्रयः कृष्णैताः कुहै
 त्रयोऽरुणैता तिस्रो धेनवो राकायै त्रयोऽनुड्वार्हः सिनीवाल्या
 आग्नावैष्णवा रोहितललामास्तूपराः ॥१८॥

सौम्यास्त्रयः पिशङ्गाः सोमाय राज्ञे त्रयः सारङ्गाः
 पार्जन्या नभोरूपास्तिस्रोऽजा मल्हा इन्द्रायै तिस्रो मेष्य आदित्या
 द्यावापृथिव्या मालङ्गास्तूपराः ॥१९॥

वारुणास्त्रयः कृष्णललामा वरुणाय राज्ञे त्रयो रोहितललामा
 वरुणाय रिशादसे त्रयोऽरुणललामाः
 शिल्पास्त्रयो वैश्वदेवा स्त्रयः पृश्नयः सर्वदेवत्या
 ऐन्द्रासूराः श्येतललामास्तूपराः ॥२०॥

सोमाय स्वरारज्ञेऽनोवाहावनुड्वार्हा
 विन्द्राग्निभ्यामोजोदाभ्यामुष्टारा विन्द्राग्निभ्याम्बलदाभ्यां
 सीरवाहाववी द्वे धेनू भौमी दिग्भ्यो वडंबे द्वे धेनू भौमी वैराजी
 पुरुषी द्वे धेनू भौमी
 वायवं आरोहणवाहावनुड्वार्हौ वारुणी कृष्णे वशे अराड्यौ
 दिव्यावृषभौ परिमरौ ॥२१॥

एकादश प्रातर्गव्याः पशव आ लभ्यन्ते छगलः कल्माषः
 किकिदीविर्विदीगयस्ते त्वाष्ट्राः सौरीर्नव श्वेता वशा अनूबन्ध्या
 भवन्त्या ग्रेय ऐन्द्राग्र आश्विनस्ते विशालयूप आ लभ्यन्ते ॥२२॥

पिशङ्गास्त्रयो वासन्ताः सारङ्गास्त्रयो ग्रेष्माः

पृषन्तस्त्रयो वार्षिकाः पृश्नयस्त्रयः शारदाः पृश्निस्वथास्त्रयो
हैमन्तिका अवलिप्तास्त्रयः शैशिराः संवत्सराय निर्वक्षसः ॥२३॥

इति पञ्चमकारण्डे षष्ठः प्रपाठकः ६

अथ पञ्चमकारण्डे सप्तमः प्रपाठकः ७

यो वा अयथादेवतमग्निं चिनुत आ देवताभ्यो वृश्चयते
पापीयान्भवति यो यथादेवतं न देवताभ्य आ वृश्चयते
वसीयान्भवत्याग्नेय्या गायत्रिया प्रथमां चितिमभि मृशेत्रिष्टुभा
द्वितीयां जगत्या तृतीयामनुष्टुभा चतुर्थीम्पङ्क्त्या पञ्चमीं
यथादेवतमेवाग्निं चिनुते न देवताभ्य आ वृश्चयते
वसीयान्भवती डायै वा एषा विभक्तिः पशव इडा पशुभिरेनं चिनुते
यो वै प्रजापतये प्रतिप्रोच्याग्निं चिनोति
नार्तिमार्च्छत्यश्वावभितस्तिष्ठेतां कृष्ण उत्तरतः श्वेतो
दक्षिणस्तावालभ्येष्टका उप दध्यादेतद्वै प्रजापते रूपं प्राजापत्योऽश्वः
साक्षादेव प्रजापतये प्रतिप्रोच्याग्निं चिनोति नार्तिमार्च्छत्ये तद्वा
अह्नौ रूपं यच्छ्वेतोऽश्वो रात्रियै कृष्ण एतदह्नौ रूपं यदिष्टका रात्रियै
पुरीषमिष्टका उपधास्यञ्छ्वेतमश्वमभि
मृशेत्पुरीषमुपधास्यन्कृष्णमहोरात्राभ्यामेवैनं चिनुते
हिरण्यपात्रम्मधोः पूर्णं ददाति मध्व्योऽसानीति
सौर्या चित्रवत्यावेक्षते चित्रमेव भवति मध्यंदिनेऽश्वमव घ्रापयत्यसौ
वा आदित्य इन्द्र एष प्रजापतिः
प्राजापत्योऽश्वस्तमेव साक्षादृध्नोति ॥१॥

त्वामग्ने वृषभं चेकितानम्पुनर्युवानं जनयन्नुपागाम् । अस्थूरि णो
गार्हपत्यानि सन्तु तिग्मेन नो ब्रह्मणा सँ शिशाधि ॥
पशवो वा एते यदिष्टकाश्चित्यांचित्यामृषभमुप दधाति

मिथुनमेवास्य तद्यज्ञे करोति प्रजननाय तस्माद्युथेयूथ ऋषभः ॥
 संवत्सरस्य प्रतिमां यां त्वा रात्र्युपासते । प्रजां सुवीरां कृत्वा
 विश्वमायुर्व्यश्नवत् ॥
 प्राजापत्यामेतामुप दधातीयं वावैषैकाष्टका यदेवैकाष्टकायामन्नं
 क्रियते तदेवैतयाव रुद्ध एषा वै प्रजापतेः कामदुघा तयैव
 यजमानोऽमुष्मिल्लोकैऽग्निं दुहे
 येन देवा ज्योतिषोर्ध्वा उदायन्येनादित्या वसवो येन रुद्राः ।
 येनाङ्गिरसो महिमानमानुशुस्तेनैतु यजमानः स्वस्ति ॥
 सुवर्गाय वा एष लोकाय । रचीयते यदग्निर्येन देवा ज्योतिषोर्ध्वा
 उदायन्नित्युख्यं समिच्छ इष्टका एवैता उप धत्ते वानस्पत्याः
 सुवर्गस्य लोकस्य समष्ट्यै
 शतायुधाय शतवीर्याय शतोतयेऽभिमातिषाहे । शतं यो नः शरदो
 अजीतानिन्द्रो नेषदति दुरिडतानि विश्वा ॥
 ये चत्वारः पथयो देवयाना अन्तरा द्यावापृथिवी व्रियन्ति । तेषां
 यो अज्यानिमजीतिमावहात्तस्मै नो देवाः परि दत्तेह सर्वे ॥
 ग्रीष्मो हैमन्त उत नो वसन्तः शरद्वर्षाः सुवितं नो अस्तु ।
 तेषामृतूनां शतशारदानां निवात एषामभये स्याम ॥
 इदुवत्सराय परिवत्सराय संवत्सराय कृणुता बृहन्नमः । तेषां वयं
 सुमतौ यज्ञियानां ज्योगजीता अहताः स्याम ॥
 भद्रान्नः श्रेयः समनैष्ट देवास्त्वयावसेन समशीमहि त्वा । स नो
 मयोभूः पितो आ विशस्व शं तोकाय तनुवै स्योनः ॥
 अज्यानीरेता उप दधात्येता वै देवता अपराजितास्ता एव प्र विशति
 नैव जीयते ब्रह्मवादिनो वदन्ति यदर्धमासा मासा ऋतवः संवत्सर
 ओषधीः पचन्त्यथ कस्मादन्याभ्यो देवताभ्य आग्रयणं निरूप्यत
 इत्येता हि तद्देवता उदजयन्यदृतुभ्यो निर्वपेद्देवताभ्यः समदं
 दध्यादाग्रयणं निरूप्येता आहुतीर्जुहोत्यर्धमासानेव

मासा॑नृ॒तून्त्सं॑वत्स॒रम्प्री॑णाति॒ न दे॒वता॑भ्यः॒ सम॑दं दधाति भ॒द्रान्नः॑
श्रेयः॒ सम॑नैष्ट दे॒वा इत्या॑ह हु॒ताद्या॑य॒ यज॑मान॒स्याप॑राभावाय ॥ २॥

इन्द्र॑स्य॒ वज्रौ॑ऽसि॒ वार्त्र॑घ्नस्त॒नूपा नः॑ प्रतिस्पृ॒शः । यो नः॑
पुर॑स्ता॒ दक्षि॑णतः॒ पश्चा॑ दु॒त्तर॑तो॒ऽघायु॑र॒भिदा॑सत्ये॒तं
सो॑ऽश्मा॒नमृ॑च्छतु ॥

दे॒वा॒सुराः॑ संय॑त्ता आ॒सन्ते॑ऽसुरा दि॒ग्भ्य आ॒बाध॑न्तु
ता॒न्दे॒वा इ॒ष्वा च॒ वज्रै॑ण॒ चापा॑नुदन्त॒ यद्व॒ज्रिणी॑रु॒पद॑धा॒तीष्वा॑ चै॒व
तद्व॒ज्रैण॑ च॒ यज॑मानो॒ भ्रातृ॑व्या॒नप॑ नुदते
दि॒क्षूप॑ दधाति दे॒वपुरा॑ ए॒वैता॑स्त॒नूपानीः॑ पर्य॒हृते॑ऽग्रा॒विष्णू॑
स॒जोष॑से॒मा वर्ध॑न्तु वां गिरः॑ । द्यु॒म्रैर्वा॑जै॒भिरा॑ ग॒तम् ॥
ब्र॒ह्मवा॒दिनो॑ वदन्ति॒ यन्न॑ दे॒वता॑यै॒ जुह्व॑त्यथ॒ किं दे॒वत्या॑
वसो॑धरि॒त्यग्नि॑र्वसु॒स्तस्यै॑षा धा॒रा
विष्णु॑र्वसु॒स्तस्यै॑षा धा॒राग्रा॑वैष्ण॒व्यर्चा॑ वसो॒धारां॑ जुहोति
भा॒ग॒धेये॑नै॒वैनौ॑ सम॑र्धय॒त्यथो॑ ए॒तामे॒वाहु॑तिमा॒यत॑नवतीं करोति
यत्का॑म ए॒नां जुहो॑ति॒ तदे॒वाव॑ रु॒द्धे रु॒द्रो वा॑ ए॒ष यद॑ग्नि॒स्तस्यै॑ते
त॒नुवौ॑ घो॒रान्या॑ शि॒वान्या॑ यच्छ॑त॒रुद्री॑यं जुहोति॒ यैवा॑स्य॒ घोरा॑
त॒नूस्तां॑ तेन॒ शम॑यति
यद्वसो॒धारां॑ जुहोति॒ यैवा॑स्य॒ शिवा॑ त॒नूस्तां॑ तेन॒ प्रीणा॑ति
यो वै वसो॒धारा॑यै॒ प्रति॑ष्ठां वेद॒ प्रत्ये॒व तिष्ठ॑ति॒ यदा॑ज्यमु॒च्छिष्ये॑त॒
तस्मि॑न्ब्रह्मो॒दन॑मप॒चेत्त॑म्ब्राह्म॒णाश्च॒त्वारः॑ प्रा॒शनी॑युरेष॒ वा अ॒ग्निर्वै॑श्वान॒रो
यद॑ब्राह्म॒ण
ए॒षा खलु॑ वा अ॒ग्नेः प्रि॒या त॒नूर्य॑द्वैश्वान॒रः प्रि॒याया॑मे॒वैनां॑ त॒नुवा॑म्रति
ष्ठाप॑यति॒ चत॑स्रो धे॒नूर्दद्या॑त्ताभि॒रेव॑ यज॑मानो॒ऽमुष्मि॑ल्लोके॒ऽग्निं दु॑हे
॥ ३॥

चित्तिं जुहोमि मनसा घृतेनेत्याहादाभ्या वै नामैषाहुतिर्वैश्वकर्मणी
नैनं चिक्यान्भ्रातृव्यो दभ्नोत्यथौ देवता एवाव रुद्धेऽग्रे तमद्येति
पङ्क्या जुहोति पङ्क्याहुत्या यज्ञमुखमा रभते सप्त तै अग्रे समिधः
सप्त जिह्वा इत्याहु होत्रा एवाव
रुद्धेऽग्निर्देवेभ्योऽपाक्रामद्भागधेयमिच्छमानस्तस्मा
एतद्भागधेयम्प्रायच्छन्नेतद्वा अग्रेरग्निहोत्रमेतर्हि खलु वा एष जातो
यर्हि सर्वश्चितो जातायैवास्मा अन्नमपि दधाति स एनम्प्रीतः प्रीणाति
वसीयान्भवति ब्रह्मवादिनो वदन्ति यदेष गार्हपत्यश्चीयतेऽथ
क्वास्याहवनीय इत्थिसावादित्य इति ब्रूयादेतस्मिन्हि सर्वाभ्यो
देवताभ्यो जुहति । २। य एवं विद्वानग्निं चिनुते साक्षादेव देवता
अध्नोत्य ग्रै यशस्विन्यशसेममर्पयेन्द्रावतीमर्पेचितीमिहा वह ।
अयम्मूर्धा परमेष्ठी सुवर्चाः समानानामुत्तमश्लोको अस्तु ॥
भद्रम्पश्यन्त उप सेदुरग्रे तपो दीक्षामृषयः सुवर्विदः । ततः
क्षत्रम्बलमोजश्च जातं अदस्मै देवा अभि सं नमन्तु ॥
धाता विधाता परमोत सदृक्प्रजापतिः परमेष्ठी विराजा ।
स्तोमाश्छन्दांसि निविदो म आहुरेतस्मै राष्ट्रमभि सं नमाम ॥
अभ्यावर्तध्वमुप मेत साकमयं शास्ताधिपतिर्वो अस्तु । अस्य
विज्ञानमनु स रभध्वमिमम्पश्चादनु जीवाथ सर्वे ॥ राष्ट्रभृत एता
उप दधात्येषा वा अग्रेश्चिती राष्ट्रभृध्तयैवास्मिन्नाष्ट्रं दधाति राष्ट्रमेव
भवति
नास्माद्राष्ट्रम्भ्रंशते ॥ ४॥

यथा वै पुत्रो जातो म्रियत एवं वा एष म्रियते यस्याग्निरुख्य
उद्धारयति यन्निर्मन्थ्यं कुर्याद्वि छिन्द्याद्भ्रातृव्यमस्मै जनयेत्स एव
पुनः पुरीध्यः स्वादेवैनं योनैर्जनयति
नास्मै भ्रातृव्यं जनयति तमो वा एतं गृह्णाति यस्याग्निरुख्य उद्धारयति

मृत्युस्तमः कृष्णं वासः कृष्णा धेनुर्दक्षिणा तमसैव तमो मृत्युमप
 हते हिरण्यं ददाति
 ज्योतिर्वै हिरण्यं ज्योतिषैव तमोऽप हतेऽथो तेजो वै हिरण्यं तेज
 एवात्मन्धत्ते सुवर्न घर्मः स्वाहा सुवर्नार्कः स्वाहा सुवर्न शुक्रः
 स्वाहा सुवर्न ज्योतिः स्वाहा
 सुवर्न सूर्यः स्वाहाको वा एष यद्गिरसावादित्योऽश्वमेधो यदेता
 आहुतीर्जुहोत्यर्काश्वमेधयोरेव ज्योतींषि सं दधात्येष ह त्वा
 अर्काश्वमेधी यस्यैतद्गौ क्रियत
 आपो वा इदमग्रे सलिलमासीत्स एताम्प्रजापतिः प्रथमां
 चितिमपश्यत्तामुपाधत्त तदियमभवत्तं विश्वकर्माब्रवीदुप त्वायानीति
 नेह लोकौऽस्तीत्यब्रवीत्स एतां द्वितीयां चितिमपश्यत्तामुपाधत्त
 तदन्तरिक्षमभवत्स यज्ञः प्रजापतिम्ब्रवीदुप त्वायानीति नेह
 लोकौऽस्तीत्यब्रवीत्स विश्वकर्माणमब्रवीदुप त्वायानीति केन
 मोपैष्यसीति
 दिश्याभिरित्यब्रवीत्तं दिश्याभिरुपैत्ता उपाधत्त
 ता दिशोऽभवत्स परमेष्ठी प्रजापतिमब्रवीदुप त्वायानीति नेह
 लोकौऽस्तीत्यब्रवीत्स विश्वकर्माणं च यज्ञं चाब्रवीदुप वामायानीति
 नेह लोकौऽस्तीत्यब्रूतां स एतां तृतीयां चितिमपश्यत्तामुपाधत्त
 तदसावभवत्स आदित्यः प्रजापतिमब्रवीदुप त्वायानीति नेह
 लोकौऽस्तीत्यब्रवीत्स विश्वकर्माणं च यज्ञं चाब्रवीदुप वामायानीति
 नेह लोकौऽस्तीत्यब्रूतां स परमेष्ठिनमब्रवीदुप त्वायानीति केन
 मोपैष्यसीति
 लोकम्पृणयेत्यब्रवीत्तं लोकम्पृणयोपैत्तस्मादयातयाम्नी
 लोकम्पृणाऽयातयामा ह्यसावादित्य
 स्तानृषयोऽब्रुवन्नुप व आयामेति केन न उपैष्यथेति
 भूमेत्यब्रुवन्तान्द्वाभ्यां चितीभ्यामुपायन्त्स पञ्चचितीकः समपद्यत य

एवं विद्वानग्निं चिनुते भूयानेव भवत्यभीमाँल्लोकाञ्जयति विदुरेन
देवा अथो एतासामेव देव तानाँ सायुज्यं गच्छति ॥५॥

वयो वा

अग्निर्यदग्निचित्पक्षिणोऽशनीयात्तमेवाग्निमद्यादार्तिमाच्छेत्संवत्सरं व्रतं
चरेत्संवत्सरं हि व्रतं नाति

पशुर्वा एष यदग्निर्हिनस्ति खलु वै तम्पशुर्य
एनम्पुरस्तात्प्रत्यञ्चमुपचरति तस्मात्पश्चात्प्राडुपचर्य
आत्मनोऽहिँसायै तेजोऽसि तेजो मे यच्छ पृथिवीं यच्छ पृथिव्यै
मा पाहि ज्योतिरसि ज्योतिर्मे यच्छान्तरिक्षं यच्छान्तरिक्षान्मा पाहि
सुवरसि सुवर्मे यच्छ दिवं यच्छ दिवो मा पाही त्याहैताभिर्वा इमे
लोका विधृता यदेता उपदधात्येषां लोकानां विधृत्यै स्वयमातृगणा
उपधाय हिरण्येष्टका उप दधातीमे वै लोकाः स्वयमातृगणा
ज्योतिर्हिरण्यं यत्स्वयमातृगणा उपधाय हिरण्येष्टका
उपदधातीमानेवैताभिर्लोकाञ्जयोतिष्मतः कुरुतेऽथो एताभिरेवास्मा
इमे लोकाः प्र भान्ति

यास्तै अग्ने सूर्ये रुचं उद्यतो दिवमातृन्वन्ति रश्मिभिः । ताभिः
सर्वाभी रुचे जनाय नस्कृधि ॥

या वो देवाः सूर्ये रुचो गोष्वश्वेषु या रुचः । इन्द्राग्नी ताभिः
सर्वाभी रुचं नो धत्त बृहस्पते ॥

रुचं नो धेहि ब्राह्मणेषु रुचं राजसु नस्कृधि । रुचं विश्वेषु शूद्रेषु
मयि धेहि रुचा रुचम् ॥

द्वेधा वा अग्निं चिक्व्यानस्य यश इन्द्रियं गच्छत्यग्निं वा चितमीजानं
वा यदेता आहुतीर्जुहोत्यात्मन्नेव यश इन्द्रियं धत्त ईश्वरो वा एष
आर्तिमार्तोऽग्निं चिन्वन्नधिक्रामति तत्त्वां यामि ब्रह्मणा वन्दमान
इति वारुण्यर्चा जुहुयाच्छान्तिरिवैषाग्नेर्गुप्तिरात्मनो हविष्कृतो वा एष

योऽग्निं चिनुते यथा वै हविः स्कन्दत्येवं वा एष स्कन्दति योऽग्निं
 चित्वा स्त्रियमुपैति मैत्रावरुणयामिक्षया यजेत
 मैत्रावरुणतामेवोपैत्यात्मनोऽस्कन्दाय
 यो वा अग्निर्मृतुस्थां वेदुर्तुर्तुस्मै कल्पमान एति प्रत्येव तिष्ठति
 संवत्सरो वा अग्निर्तुस्थास्तस्य वसन्तः शिरौ ग्रीष्मो दक्षिणः पक्षो
 वर्षाः पुच्छं शरदुत्तरः पक्षो हैमन्तो मध्यम्पूर्वपक्षाश्चितयोऽपरपक्षाः
 पुरीषमहोरात्राणीष्टका एष वा अग्निर्तुस्था य एवं वेदुर्तुर्तुस्मै
 कल्पमान एति प्रत्येव तिष्ठति प्रजापतिर्वा एतं ज्यैष्ठ्यकामो न्यधत्
 ततो वै स ज्यैष्ठ्यमगच्छद्य एवं विद्वानग्निं चिनुते ज्यैष्ठ्यमेव
 गच्छति ॥६॥

यदाकूतात्सुमसुस्रोद्धूदो वा मनसो वा सम्भृतं चक्षुषो वा । तमनु
 प्रेहि सुकृतस्य लोकं यत्रर्षयः प्रथमजा ये पुराणाः ॥
 एतं सधस्थ परि ते ददामि यमावहाच्छेवधिं जातवेदाः ।
 अन्वागन्ता यज्ञपतिर्वो अत्र तं स्म जानीत परमे व्योमन् ॥
 जानीतादेनम्परमे व्योमन्देवाः सधस्था विद रूपमस्य ।
 यदागच्छात्पथिभिर्देवयानैरिष्टापूर्ते कृणुतादाविरस्मै ॥
 सम्प्र च्यवध्वमनु सम्प्र याताग्ने पथो देवयानान्कृणुध्वम् ।
 अस्मिन्सधस्थे अध्युत्तरस्मिन्विश्वे देवा यजमानश्च सीदत ॥
 प्रस्तरेण परिधिना स्रुचा वेद्या च बर्हिषा । ऋचेमं यज्ञं नो वह
 सुवर्देवेषु गन्तवे ॥
 यदिष्टम्यत्परादानं यदुत्तं या च दक्षिणा । तदग्निर्वैश्वकर्मणः
 सुवर्देवेषु नो दधत् ॥
 येना सहस्रं वहसि येनाग्ने सर्ववेदसम् । तेनेमं यज्ञं नो वह
 सुवर्देवेषु गन्तवे ॥
 येनाग्ने दक्षिणा युक्ता यज्ञं वहन्त्यृत्विजः । तेनेमं यज्ञं नो वह

सुवर्दे॒वेषु॒ गन्त॑वे ॥

येना॒ग्ने सु॒कृतः॑ प॒था म॒धो॒र्धारा॑ व्या॒न॒शुः । तेने॒मं य॒ज्ञं नो॑ वह॒

सुवर्दे॒वेषु॒ गन्त॑वे ॥

यत्र॒ धारा॒ अन॑पेता॒ मधो॑र्धृतस्य च॒ याः । तद॒ग्निर्वै॑श्वक॒र्मणः॑ सुवर्दे॒वेषु॒
नो दधत् ॥७॥

यास्ते॑ अ॒ग्ने स॒मिधो॒ यानि॒ धाम॒ या जि॒ह्वा जा॑तवेदो यो अ॒र्चिः । ये
ते॑ अ॒ग्ने मे॒डयो॒ य इ॒न्द्रव॒स्तेभि॑रा॒त्मानं॑ चिनुहि प्र॒जान॑न् ॥

उ॒त्स॒न्नय॑ज्ञो वा ए॒ष यद॒ग्निः किं॑ वा॒हैत॑स्य॒ क्रिय॑ते किं वा॒ न यद्वा
अ॒ध्व॒र्युर॒ग्नेश्चि॒न्वन्न॑न्तरे॒त्यात्म॑नो॒ वै तद॑न्तरे॒ति या॑स्ते॑ अ॒ग्ने स॒मिधो॒ यानि॒
।१। धा॒मेत्या॑हैषा वा अ॒ग्नेः स्व॑यंचि॒तिर॒ग्निरे॒व तद॒ग्निं चि॑नोति
ना॒ध्व॒र्युरा॑त्मनोऽन्तरे॒ति

चत॑स्र आशाः प्र च॑रन्त्व॒ग्नय॑ इ॒मं नो॑ य॒ज्ञं न॑यतु प्र॒जान॑न् ।

घृ॒तम्पि॒न्वन्न॑जरं सु॒वीर॒म्ब्रह्म॑ स॒मिद्ध॑व॒त्याहु॑तीनाम् ॥

सुव॑र्गाय वा ए॒ष लो॒कायोप॑ धीयते यत्कू॒र्मश्च॑त॑स्र आशाः प्र
च॑रन्त्व॒ग्नय॑ इत्याह ।२। दि॒श ए॒वैते॑न प्र जा॑नाती॒मं नो॑ य॒ज्ञं न॑यतु
प्र॒जान॑न्नित्याह सुव॑र्गस्य लो॒कस्या॑भिनी॒त्यै ब्र॑ह्म
स॒मिद्ध॑व॒त्याहु॑तीना॒मित्या॑ह ब्रह्म॑णा॒ वै दे॒वाः सु॑व॒र्गं
लो॒कमा॑य॒न्यद्ब्र॑ह्मणव॒त्योप॑दधाति ब्रह्म॑णै॒व तद्य॑ज॒मानः॑ सुव॑र्गं
लो॒कमे॑ति प्र॒जाप॑ति॒र्वा ए॒ष यद॒ग्निस्त॑स्य प्र॒जाः प॒शव॑श्छन्दाँ॒सि
रू॒पं स॒र्वान्वा॑र्णानिष्ट॒कानां॑ कुर्याद्रू॒पेणै॒व प्र॒जाम्पु॑शूञ्छन्दाँ॒स्यव॑
रु॒द्धेऽथो॑ प्र॒जाभ्य॑ ए॒वैन॑म्पु॒शुभ्य॑श्छन्दाँ॒भ्योऽव॑रुद्धय चिनुते ॥८॥

मयि॑ गृ॒ह्णाम्य॑ग्ने अ॒ग्निं रा॒यस्पोषा॑य सुप्र॒जास्त्वाय॑ सु॒वीर्या॑य । मयि॑
प्र॒जाम्मयि॑ व॒र्चो द॑धा॒म्यरि॑ष्टाः स्याम त॒नुवा॑ सु॒वीराः ॥ यो नो॑
अ॒ग्निः पि॑तरो ह॒त्स्वन्त॑रम॒र्त्यो म॒र्त्याँ आ॒वि॒वेश॑ । तमा॒त्मन्प॑रि

गृह्णीमहे वयम्मा सो अस्माँ अवाहाय परा गात् ॥
 यदध्वर्युरात्मन्नग्निमगृहीत्वाग्निं चिनुयाद्यौऽस्य स्वोऽग्निस्तमपि
 यजमानाय चिनुयादग्निं खलु वै पशवो ऽनूप तिष्ठन्तेऽपक्रामुका
 अस्मात्पशवः स्युर्मयि गृह्णाम्यग्रे अग्निमित्याहात्मन्नेव स्वमग्निं
 दाधार नास्मात्पशवोऽप क्रामन्ति ब्रह्मवादिनो वदन्ति
 यन्मृच्चापश्चाग्रेरनाद्यमथ कस्मान्मृदा चाद्भिश्चाग्निश्चीयत इति यदद्भिः
 संयौत्यापो वै सर्वा देवता देवताभिरेवैनँ सँ सृजति यन्मृदा
 चिनोतीयं वा अग्निर्वैश्वानरोऽग्निनैव तदग्निं चिनोति
 ब्रह्मवादिनो वदन्ति यन्मृदा चाद्भिश्चाग्निश्चीयतेथ कस्मादग्निरुच्यत
 इति यच्छन्दोभिश्चिनोत्यग्रयो वै छन्दाँसि तस्मादग्निरुच्यतेऽथो
 इयं वा अग्निर्वैश्वानरो यन्मृदा चिनोति तस्मादग्निरुच्यते हिरण्येष्टका
 उप दधाति ज्योतिर्वै हिरण्यं ज्योतिरेवास्मिन्दधात्यथो तेजो वै
 हिरण्यं तेज एवात्मन्धत्ते यो वा अग्निँ सर्वतोमुखं चिनुते सर्वासु
 प्रजास्वन्नमत्ति सर्वा दिशोऽभि जयति गायत्रीम्पुरस्तादुप दधाति
 त्रिष्टुभं दक्षिणतो जगतीम्पश्चादनुष्टुभमुत्तरतः पङ्क्तिम्मध्य एष वा
 अग्निः सर्वतोमुखस्तं य एवं विद्वाँश्चिनुते सर्वासु प्रजास्वन्नमत्ति
 सर्वा दिशोऽभि जयत्यथो दिश्यैव दिशम्प्र वयति तस्माद्विशि
 दिक्प्रोता ॥६॥

प्रजापतिरग्निमसृजत सौऽस्मात्सृष्टः प्राङ्प्राद्वत्तस्मा
 अश्वम्प्रत्यास्यत्स दक्षिणावर्तत तस्मै वृष्णिम्प्रत्यास्यत्स
 प्रत्यङ्ङावर्तत तस्मा ऋषभम्प्रत्यास्यत्स उदङ्ङावर्तत तस्मै
 ब्रह्मम्प्रत्यास्यत्स ऊर्ध्वोऽद्रवत्तस्मै
 पुरुषम्प्रत्यास्यद्यत्पशुशीर्षार्युपदधाति सर्वत एवैनमवरुध्य चिनुत
 एता वै प्राणभृतश्चक्षुष्मतीरिष्टका यत्पशुशीर्षाणि
 यत्पशुशीर्षार्युपदधाति ताभिरेव यजमानोऽमुष्मिल्लोके प्राणित्यथो

ताभिरे॒वास्मा॑ इ॒मे लो॒काः प्र भा॑न्ति मृ॒दाभिलि॑प्योप॑ दधाति
मे॒ध्य॒त्वाय॑ प॒शुर्वा ए॒ष यद॒ग्निरन्न॑म्प॒शव॑ ए॒ष खलु॑ वा
अ॒ग्निर्यत्प॑शु॒शीर्षा॑णि
यं क॒ामयै॑त क॒नीयोऽस्यान्न॑ꣳ स्या॒दिति॑ सं॒तरां तस्य॑ पशु॒शीर्षा॑ण्युप॑
द॒ध्यात्क॒नीय॑ ए॒वास्यान्न॑म्भवति
यं क॒ामयै॑त स॒माव॑द॒स्यान्न॑ꣳ स्या॒दिति॑ म॒ध्य॒तस्तस्यो॑प॑
द॒ध्यात्स॒माव॑दे॒वास्यान्न॑म्भवति॒ यं क॒ामयै॑त भू॒योऽस्यान्न॑ꣳ
स्या॒दित्यन्तै॑षु तस्य॑ व्यु॒दूह्यो॑प॑ द॒ध्यादन्त॑ ए॒वास्मा॑ अन्न॒मव॑ रुन्द्धे
भू॒योऽस्यान्न॑म्भवति ॥१०॥

स्ते॒गान्दꣳष्ट्रा॑भ्यां म॒ण्डूका॒ञ्जम्भ्यै॑भि॒ राद॑कां खा॒देनो॑ र्जꣳ
सꣳसू॒देना॑ र॒ण्यं जा॒म्बीले॑न॒
मृद॑म्ब॒स्वैभिः॑ शर्करा॒भिरव॑का॒ मव॑काभिः शर्करा॒ मुत्सा॑देन॒
जिह्वा॑ म॒वक्र॑न्देन॒ तालु॑ꣳ
सर॑स्वतीं जिह्वा॒ग्रेण॑ ॥११॥

वाज॑ꣳ हनू॒भ्या म॒प आ॒स्ये॒ना दि॒त्यां छ॒मश्रु॑भि॒ रुप॒याम॑म॒धरे॑णोष्ठेन॒
सदु॑त्तरे॒णा न्ति॑रे॒णानू॑का॒शं प्र॑का॒शेन॒ बाह्य॑ꣳ स्तन॒यितुं॑ निर्बा॒धेन॑
सूर्या॑ग्नी चक्षु॒भ्या वि॒द्युतौ॑ क॒नान॑काभ्या म॒शनि॑म्स्ति॒ष्क्रेण॑
बल॑म्भ॒जभिः॑ ॥१२॥

कूर्मा॑ञ्छ॒फै र॒च्छला॑भिः क॒पिञ्ज॑ला॒ न्त्साम॑ कु॒ष्ठिका॑भि॒ र्ज॒वं
जङ्घा॑भि॒ रग॑दं जानु॒भ्या वी॒र्यं॑ कु॒हाभ्यां॑ भ॒यम्प्र॑चा॒लाभ्यां॑
गुहो॑प॒क्षाभ्या॑ म॒श्विना॒वꣳसा॑भ्या॒ मदिति॑ꣳ शी॒ष्णा नि॒र्ऋति॑
निर्जा॑ल्मकेन शी॒ष्णा ॥१३॥

योक्त्रं गृध्राभि र्युगमानतेन चित्तम्मन्याभिः संक्रोशान्प्राणैः प्रकाशेन
त्वचं पराकाशेनान्तरां मशकान्केशै रिन्द्रं स्वपसा वहैन
बृहस्पतिं शकुनिसादेन रथमुष्णिहाभिः ॥१४॥

मित्रावरुणौ श्रोणीभ्या मिन्द्राग्री शिखण्डाभ्या मिन्द्राबृहस्पती
ऊरुभ्या मिन्द्राविष्णू अष्टीवद्धां सवितारम्पुच्छैन
गन्धर्वाज्छेपैना प्सरसौ मुषवाभ्यां पर्वमानम्पायुना
पवित्रम्पोत्राभ्या माक्रमणं स्थूराभ्यां प्रतिक्रमणं कुष्ठाभ्याम् ॥१५॥

इन्द्रस्य क्रोडो दित्यै पाजस्यं दिशां जुत्रवौ
जीमूतान्हृदयौपशाभ्या मन्तरिक्षम्पुरितता नभ
उदर्येणेन्द्राणीम्लीहा वल्मीकान्क्लोम्ना गिरीन्प्लाशिभिः
समुद्रमुदरेण
वैश्वानरम्भस्मना ॥ १६ ॥

पूष्णो वनिष्ठु रन्धाहेस्स्थूरगुदा
सर्पान्गुदाभि ऋतूनृषीभि दिवम्पृष्ठेन वसूनाम्प्रथमा कीकसा
रुद्राणां द्वितीयादित्यानां तृतीयाङ्गिरसां चतुर्थी साध्यानाम्पञ्चमी
विश्वेषां देवानां षष्ठी ॥१७॥

ओजौ ग्रीवाभि निर्ऋतिमस्थभि रिन्द्रं स्वपसा वहैन
रुद्रस्य विचलः स्कन्धोऽहोरात्रयोर्द्वितीयोऽर्धमासानां तृतीयो मासां
चतुर्थ ऋतूनाम्पञ्चमः संवत्सरस्य षष्ठः ॥१८॥

आनन्दं नन्दथुना कामम्प्रत्यासाभ्यां भयं शितीमभ्यां
प्रशिषम्प्रशासाभ्यां सूर्याचन्द्रमसौ वृक्याभ्यां श्यामशबलौ

म॒तस्त्रा॒भ्यां व्यु॑ष्टि॒रू॒पेण॒ नि॒मृ॒क्ति॒मरू॑पेण ॥१६॥

अ॒ह॒मा॒से॒न रा॒त्रि॒म्पी॒वसा॒पो यू॒षेण॑ घृ॒त॒र॒सै॒न श्यां॑ व॒स॒या
दू॒षी॒काभि॑र्ह॒ादु॒नि म॒श्रु॒भिः पृ॒ष्वां दि॒व॒रू॒पेण॑
नक्ष॑त्राणि॒ प्र॒ति॒रू॒पेण॑ पृ॒थि॒वीं च॒र्म॒णा छ॒वीं छ॒व्यौ पा॒कृ॒ताय॑
स्वाहा॑ल॒ब्धाय॑ स्वाहा॑ हु॒ताय॑ स्वाहा॑ ॥२०॥

अ॒ग्नेः प॑क्ष॒तिः सर॑स्व॒त्यै नि॒प॑क्ष॒तिः सोम॑स्य तृ॒तीया॒पां
च॒तु॒र्थ्यो ष॑धीना॒म्पञ्च॒मी सं॒वत्स॑रस्य॒ ष॒ष्ठी म॒रुता॑ स॒प्त॒मी
बृ॒ह॒स्प॒तैर॑ष्ट॒मी मि॒त्रस्य॑ न॒व॒मी व॒रु॒णस्य॑ द॒श॒मी न्द्र॑स्यै॒काद॒शी
वि॒श्वैषां॑ दे॒वानां॑ द्वा॒द॒शी द्या॒वापृ॑थि॒व्योः पार्श्वं॑ य॒मस्य॑ पा॒टूरः ॥२१॥

वा॒योः प॑क्ष॒तिः सर॑स्व॒तो नि॒प॑क्ष॒तिश्च॒न्द्रम॑सस्तृ॒तीया॒
नक्ष॑त्राणां च॒तु॒र्थी स॒वितुः॑ प॒ञ्च॒मी रु॒द्रस्य॑ ष॒ष्ठी स॒र्पाणां॑
स॒प्त॒म्य॒र्य॒म्णोऽष्ट॒मी त्व॑ष्टु॒र्न॒व॒मी धा॒तुर्द॑श॒मी न्द्रा॑रा॒या
ए॒काद॑श्य॒दित्यै॑ द्वा॒द॒शी द्या॒वापृ॑थि॒व्योः पार्श्वं॑ य॒म्यै पा॒टूरः ॥२२॥

प॒न्था॒मनू॑वृ॒ग्भ्यां॑ संत॑ति॒रू॒स्त्राव॑न्या॒भ्यां॑ शु॒कान्पि॒त्तेन॑ ह॒रि॒माणं॑
य॒क्ना ह॒ली॒क्षणा॒न्याप॑वा॒तेन॑ कू॒श्माञ्छ॑क॒भिः
श॒व॒र्तानू॑व॒ध्येन॑ शु॒नो वि॒श॒स॒नेन॑ स॒र्पा ल्लो॑हित॒ग॒न्धेन॑ व॒यांसि॑
प॒क्व॒ग॒न्धेन॑ पि॒पी॒लि॒काः प्र॒शा॒देन॑ ॥२३॥

क्र॒मैर॒त्य॒क्र॒मीद्वा॒जी वि॒श्वैर्दे॒वैर्य॒ज्ञियैः॑ संवि॒दानः॑ ।
स नो॑ न॒य सु॒कृ॒तस्य॑ लो॒कं तस्य॑ ते व॒यस्व॒धया॑ म॒देम॑ ॥२४॥

द्यौ॒स्तै पृ॒ष्ठं पृ॑थि॒वी स॒ध॒स्थमा॒त्मान्त॑रि॒क्षं॑ स॒मु॒द्रो यो॒निः

सूर्यस्ते चक्षुर्वार्तः प्राणश्चन्द्रमाः श्रोत्रं मासाश्चार्धमासाश्च
पर्वण्यृतवौङ्गानि संवत्सरो महिमा ॥२५॥

अग्निः पशुरासीत्तेनायजन्त स एतं लोकमजयद्यस्मिन्नग्निः स तै
लोकस्तं जैष्यस्यथाव जिघ्र वायुः पशुरासीत्तेनायजन्त स एतं
लोकमजयद्यस्मिन्वायुः स तै लोकस्तस्मात्त्वान्तरेष्यामि यदि
नावजिघ्रस्यादित्यः पशुरासीत्तेनायजन्त स एतं
लोकमजयद्यस्मिन्नादित्यः स तै लोकस्तं जैष्यसि यद्यवजिघ्रसि
॥२६॥

इति पञ्चमकारण्डे सप्तमः प्रपाठकः ७

इति पञ्चमं कारण्डं सम्पूर्णम् ५

षष्ठं काराडम्

अथ षष्ठकाराडे प्रथमः प्रपाठकः १

प्राचीनवँशं करोति देवमनुष्या दिशो व्यभजन्तु प्राचीं देवा
 दक्षिणा पितरः प्रतीचीं मनुष्या उदीचीं रुद्रा यत्प्राचीनवँशं
 करोति देवलोकमेव तद्यजमान उपावर्तते परि श्रयत्यन्तर्हितो हि
 देवलोको मनुष्यलोका न्नास्माल्लोकात्स्वेतव्यमिवेत्याहुः को हि
 तद्वेद यद्यमुष्मिंल्लोकेऽस्ति वा न वेति
 दिक्ष्वतीकाशान्करोत्युभयौर्लोकयोरभिजित्यै
 केशश्मश्रु वपते नखानि नि कृन्तते मृता वा एषा त्वर्गमेध्या
 यत्केशश्मश्रु मृतामेव त्वर्चममेध्यामपहृत्य यज्ञियौ भूत्वा
 मेधमुपैत्यङ्गिरसः सुवर्गं लोकं यन्तोऽप्सु दीक्षातपसी
 प्रावेशयन्नप्सु स्नाति साक्षादेव दीक्षातपसी अर्चं रुन्धे तीर्थे स्नाति
 तीर्थे हि ते तां प्रावेशयन्तीर्थे स्नाति तीर्थमेव समानानां भवत्यपो
 ऽश्नात्यन्तरत एव मेध्यो भवति वाससा दीक्षयति सौम्यं वै क्षौमं
 देवतया सोममेष देवतामुपैति यो दीक्षते सोमस्य तनूरसि तनुवं मे
 पाहीत्याहु स्वामेव देवतामुपैत्यथो आशिषमेवैतामा
 शास्तेऽग्नेस्तूषाधानं वायोर्वातपानं पितृणां नीविरोषधीनां प्रघातः
 आदित्यानां प्राचीनतानो विश्वेषां
 देवानामोतुर्नक्षत्राणामतीकाशास्तद्वा एतत्सर्वदेवत्यं यद्वासो
 यद्वाससा दीक्षयति सर्वाभिरेवैनं देवताभिर्दीक्षयति बृहिःप्राणो वै
 मनुष्यस्तस्याशनं प्राणोऽश्नाति सप्राण एव दीक्षत आशितो भवति
 यावानेवास्य प्राणस्तेन सह मेधमुपैति घृतं देवानां मस्तु पितृणां
 निष्पक्वं मनुष्याणां तद्वा एतत्सर्वदेवत्यं यन्नवनीतं यन्नवनीतेनाभ्यङ्गे
 सर्वा एव देवताः प्रीणाति प्रच्युतो वा एषोऽस्माल्लोकादगतो
 देवलोकं यो दीक्षितोऽन्तरेव नवनीतं तस्मान्नवनीतेनाभ्यङ्गेऽनुलोमं
 यजुषा व्यावृत्त्या इन्द्रो वृत्रमहन्तस्य कनीनिका

पराऽपतुत्तदाञ्जनमभवद्यदाङ्गे चक्षुरेव भ्रातृव्यस्य वृङ्गे दक्षिणं
 पूर्वमाऽङ्गे सव्यं हि पूर्वं मनुष्या आज्ञते न नि धावते नीव हि
 मनुष्या धावन्ते पञ्च कृत्व आऽङ्गे पञ्चाक्षरा पङ्क्तिः पाङ्क्तौ यज्ञो
 यज्ञमेवाव रुन्धे परिमितमाऽङ्गेऽपरिमितं हि मनुष्या आज्ञते
 सतूलयाऽऽङ्गेऽपतूलया हि मनुष्या आज्ञते व्यावृत्त्यै यदपतूलयाञ्जीत
 वज्र इव स्यात्सतूलयाङ्गे मित्रत्वायेन्द्रो वृत्रमहन्त्सोऽरुपौऽरुभ्यमियत
 तासां यन्मेध्यं यज्ञियं सदैवमासीत्तदपोदक्रामते दुर्भा अभवन्त्यदुर्भ
 पुञ्जीलैः पवयति या एव मेध्या यज्ञियाः सदैवा आपस्ताभिरेवैनं
 पवयति द्वाभ्यां पवयत्यहोरात्राभ्यामेवैनं पवयति त्रिभिः पवयति
 त्रयं इमे लोका एभिरेवैनं लोकैः पवयति पञ्चभिः । ७। पवयति
 पञ्चाक्षरा पङ्क्तिः पाङ्क्तौ यज्ञो यज्ञायैवैनं पवयति षड्भिः पवयति
 षड्वा ऋतव ऋतुभिरेवैनं पवयति सप्तभिः पवयति सप्त च्छन्दांसि
 च्छन्दोभिरेवैनं पवयति नवभिः पवयति नव वै पुरुषे प्राणाः
 सप्राणमेवैनं पवयत्येकविंशत्या पवयति दश हस्त्या अङ्गुलयो
 दश पद्या आत्मैकविंशो यावानेव पुरुषस्तमपरिवर्गं पवयति
 चित्पतिस्त्वा पुनात्वित्याह मनो वै चित्पतिर्मनसैवैनं पवयति
 वाक्पतिस्त्वा पुनात्वित्याह वाचैवैनं पवयति देवस्त्वा सविता
 पुनात्वित्याह सवितृप्रसूत एवैनं पवयति तस्य ते पवित्रपते पवित्रेण
 यस्मै कं पुने तच्छकेयमित्याहाशिषमेवैतामा शास्ते ॥ १॥

यावन्तो वै देवा यज्ञायापुनत त एवाभवन्त्य एवं विद्वान्यज्ञाय पुनीते
 भवत्येव ब्रहिः पवयित्वान्तः प्र पादयति मनुष्यलोक एवैनं
 पवयित्वा पूतं देवलोकं प्र शयत्य दीक्षित एकयाहुत्येत्याहुः स्रुवेण
 चतस्रो जुहोति दीक्षितत्वाय स्रुचा पञ्चमीं पञ्चाक्षरा पङ्क्तिः पाङ्क्तौ
 यज्ञो यज्ञमेवाव रुद्ध आकूत्यै प्रयुजेऽग्नये । १। स्वाहेत्याहाकूत्या हि
 पुरुषो यज्ञमभि प्रयुङ्क्ते यजेयेति मेधायै मनसेऽग्नये स्वाहेत्याह मेधया

हि मनसा पुरुषो यज्ञमभिगच्छति सरस्वत्यै पूष्णोऽग्नये स्वाहेत्याहु
 वाग्वै सरस्वती पृथिवी पूषा वाचैव पृथिव्या यज्ञं प्र युङ्क्ता आपौ
 देवीर्बृहतीर्विश्वशम्भुव इत्याहु या वै वर्ष्यास्ता आपौ
 देवीर्बृहतीर्विश्वशम्भुवो यदेतद्यजुर्न ब्रूयाद्विव्या आपोऽशान्ता इमं
 लोकमा गच्छेयु आपौ देवीर्बृहतीर्विश्वशम्भुव इत्याहास्मा एवैनां
 लोकार्यं शमयति

तस्माच्छान्ता इमं लोकमा गच्छन्ति द्यावापृथिवी इत्याहु
 द्यावापृथिव्योर्हि यज्ञ उर्वन्तरिक्षमित्याहान्तरिक्षे हि यज्ञो
 बृहस्पतिर्नो हविषा वृधात्वित्याहु ब्रह्म वै देवानां
 बृहस्पतिर्ब्रह्मणैवास्मै यज्ञमव रुन्दे यद्ब्रूयाद्विधेरिति
 यज्ञस्थाणुमृच्छेद्ब्रूधात्वित्याहु यज्ञस्थाणुमेव परि वृणक्ति
 प्रजापतिर्यज्ञमसृजत सौऽस्मात्सृष्टः पराङ्गैस्स प्र यजुरव्लीनात्प्र साम्
 तमृगुदयच्छद्यदृगुदयच्छत्तदौद्गहणस्यौद्गहणत्वमृचा जुहोति
 यज्ञस्योद्यत्या अनुष्टुप्छन्दसामुदयच्छदित्याहुस्तस्मादनुष्टुभा जुहोति
 यज्ञस्योद्यत्यै द्वादश

वात्सबन्धान्युदयच्छन्नित्याहुस्तस्माद्द्वादशभिर्वात्सबन्धविदो
 दीक्षयन्ति सा वा एषर्गानुष्टुग्वाग्नानुष्टुग्यदेतयर्चा दीक्षयति वाचैवैनं
 सर्वया दीक्षयति विश्वे देवस्य नेतुरित्याहु सावित्र्यैतेन मर्तो वृणीत
 सख्यमित्याहु पितृदेवत्यैतेन विश्वे राय इषुध्यसीत्याहु वैश्वदेव्यैतेन
 द्युम्नं वृणीत पुष्यस इत्याहु पौष्यैतेन सा वा एषर्क्सर्वदेवत्या
 यदेतयर्चा दीक्षयति सर्वाभिरेवैनं देवताभिर्दीक्षयति सप्ताक्षरं प्रथमं
 पदमष्टाक्षराणि त्रीणि यानि त्रीणि तान्यष्टावुपयन्ति यानि चत्वारि
 तान्यष्टौ यदष्टाक्षरा तेन गायत्री यदेकादशाक्षरा तेन
 त्रिष्टुग्यद्द्वादशाक्षरा तेन जगती सा वा एषर्क्सर्वाणि छन्दांसि
 यदेतयर्चा दीक्षयति सर्वेभिरेवैनं छन्दोभिर्दीक्षयति सप्ताक्षरं प्रथमं
 पदं सप्तपदा शक्वरी पशवः शक्वरी पशूनेवाव रुन्ध

एकस्मादक्षरादनाप्तं प्रथमं पदं तस्माद्यद्वाचोऽनाप्तं तन्मनुष्या उप
जीवन्ति पूर्णया जुहोति पूर्ण इव हि प्रजापतिः प्रजापतेराप्त्यै न्यूनया
जुहोति न्यूनाद्धि प्रजापतिः प्रजा असृजत प्रजानां सृष्ट्यै ॥२॥

ऋक्सामे वै देवेभ्यो यज्ञायातिष्ठमाने कृष्णो रूपं
कृत्वापक्रम्यातिष्ठतां तैऽमन्यन्त यं वा इमे उपावत्स्यतः स इदं
भविष्यतीति ते उपामन्त्रयन्त ते अहोरात्रयोर्महिमानमपनिधाय
देवानुपावर्तेतामेष वा ऋचो वर्णो यच्छुक्लं कृष्णाजिनस्यैष साम्नो
यत्कृष्ण मृक्सामयोः शिल्पे स्थ इत्याहक्सामे एवाव रुद्ध एष वा
अहो वर्णो यच्छुक्लं कृष्णाजिनस्यैष रात्रिया यत्कृष्णं यदेवैनयोस्तत्र
न्यक्तं तदेवाव रुद्धे कृष्णाजिनेन दीषयति ब्रह्मणो वा एतद्रूपं
यत्कृष्णाजिनं ब्रह्मणैवैनं दीक्षयति मां धियं शिक्तमाणस्य
देवेत्याह यथायजुरेवैत द्रभो वा एष यदीक्षित उल्बं वासः प्रोर्णते
तस्मा द्रभाः प्रावृता जायन्ते न पुरा सोमस्य क्रयादपोरर्वीत यत्पुरा
सोमस्य क्रयादपोरर्वीत गर्भाः प्रजानां परापातुकाः स्युः क्रीते
सोमेऽपोर्णते जायत एव तदथो यथा वसीयांसं प्रत्यपोर्णते
तादृगेव त दङ्गिरसः सुवर्गं लोकं यन्त ऊर्जं व्यभजन्त ततो
यदत्यशिष्यत ते शरा अभवन्नूर्ग्व शरा यच्छर्मयी मेखला
भवत्यूर्जमेवाव रुद्धे रुद्धे मध्यतः सं नह्यति मध्यत एवास्मा ऊर्जं
दधाति तस्मान्मध्यत ऊर्जा भुञ्जत ऊर्ध्वं वै पुरुषस्य नाभ्यै
मेध्यमवाचीनममेध्यं यन्मध्यतः संनह्यति मेध्यं चैवास्यामेध्यं च
व्यावर्तयतीन्द्रो वृत्राय वज्रं प्राहरत्स त्रेधा व्यभवत्स्फ्यस्तृतीयं
रथस्तृतीयं यूपस्तृतीयं यैऽन्तःशरा अशीर्यन्त ते शरा
अभवन्तच्छराणां शरत्वं वज्रो वै शराः क्षुत्खलु वै मनुष्यस्य
भ्रातृव्यो यच्छर्मयी मेखला भवति वज्रैरेव साक्षात्क्षुधं भ्रातृव्यं
मध्यतोऽपि हते त्रिवृद्धवति त्रिवृद्धे प्राणस्त्रिवृतमेव प्राणं मध्यतो

यजमाने दधाति पृथ्वी भवति रज्जूनां व्यावृत्तै मेखलया यजमानं
 दीक्षयति योक्त्रैण पत्नीं मिथुनत्वाय यज्ञो दक्षिणामभ्यध्यायत्तां
 समभवत्तदिन्द्रोऽचायत्सौ ऽमन्यत यो वा इतो जनिष्यते स इदं
 भविष्यतीति तां प्राविशत्तस्या इन्द्र एवाजायत सौऽमन्यत यो वै
 मदितोऽपरो जनिष्यते स इदं भविष्यतीति तस्या अनुमृश्य
 योनिमाच्छिनत्सा सूतवशाभवत्तत्सूतवशायै जन्म तां हस्ते
 न्यवेष्टयत ताम्मृगेषु न्यदधात्सा कृष्णविषाणाभवदिन्द्रस्य योनिरसि
 मा मां हिंसीरिति कृष्णविषाणाम्प्र यच्छति सयौनिमेव यज्ञं
 करोति सयौनिं दक्षिणां सयौनिमिन्द्रं सयोनित्वाय कृष्यै त्वा
 सुसस्याया इत्याह तस्मादकृष्टपृच्या ओषधयः पच्यन्ते
 सुपिप्पलाभ्यस्त्वौषधीभ्य इत्याह तस्मादोषधयः फलं गृह्णन्ति
 यद्धस्तैन ॥७॥ कण्डूयेत पामनम्भावुकाः प्रजाः स्युर्यत्स्मयेत
 नगम्भावुकाः कृष्णविषाणया कण्डूयतेऽपिगृह्य स्मयते प्रजानां
 गोपीथाय न पुरा दक्षिणाभ्यो नेतौः कृष्णविषाणामव चृतेद्यत्पुरा
 दक्षिणाभ्यो नेतौः कृष्णविषाणामवचृतेद्योनिः प्रजानाम्परापातुका
 स्यान्नीतासु दक्षिणासु चात्वाले कृष्णविषाणां प्रास्यति योनिर्वै
 यज्ञस्य चात्वालं योनिः कृष्णविषाणा योनावेव योनिं दधाति
 यज्ञस्य सयोनित्वाय ॥३॥

वाग्वै देवेभ्योऽपाक्रामद्यज्ञायातिष्ठमाना सा वनस्पतीन्प्राविशत्सैषा
 वाग्वनस्पतिषु वदति या दुन्दुभौ या तूणवे या वीणायां
 यद्दीक्षितदण्डं प्रयच्छति वार्चमेवाव रुद्ध औदुम्बरो भवत्यूर्वा
 उदुम्बर ऊर्जमेवाव रुद्धे मुखेन सम्मितो भवति मुखत एवास्मा
 ऊर्जं दधाति तस्मान्मुखत ऊर्जा भुञ्जते क्रीते सोमै मैत्रावरुणाय दण्डं
 प्र यच्छति मैत्रावरुणो हि पुरस्तादृत्विग्भ्यो वाचं विभजति
 तामृत्विजो यजमाने प्रति ष्ठापयन्ति स्वाहा यज्ञं मनसेत्याह मनसा

हि पुरुषो यज्ञमभिगच्छति स्वाहा द्यावापृथिवीभ्यामित्याह
 द्यावापृथिव्योर्हि यज्ञः स्वाहोरोरन्तरिक्षादित्याहान्तरिक्षे हि यज्ञः
 स्वाहा यज्ञं वातादारभ इत्याहायं वाव यः पवते स यज्ञस्तमेव
 साक्षादा रभते मुष्टी करोति वाचं यच्छति यज्ञस्य धृत्या
 अदीक्षिष्टायं ब्रह्मिण इति त्रिरुपांश्चाह देवेभ्य एवैनं प्राह
 त्रिरुच्चैरुभयैभ्य एवैनं देवमनुष्येभ्यः प्राह न पुरा नक्षत्रेभ्यो वाचं वि
 सृजेद्यत्पुरा नक्षत्रेभ्यो वाचं विसृजेद्यज्ञं विच्छिन्द्यादुदितेषु नक्षत्रेषु
 व्रतं कृणुतेति वाचं वि सृजति यज्ञव्रतो वै दीक्षितो यज्ञमेवाभि
 वाचं वि सृजति यदि विसृजेद्वैष्णवीमृचमनु ब्रूयाद्यज्ञो वै
 विष्णुर्यज्ञेनैव यज्ञं सं तनोति दैवीं धियं मनामह इत्याह यज्ञमेव
 तन्म्रदयति सुपारा नौ असद्वश इत्याह व्युष्टिमेवाव रुद्धे
 ब्रह्मवादिनो वदन्ति होतव्यं दीक्षितस्य गृहाइ इ न होतव्याइमिति
 हविर्वै दीक्षितो यजुहुयाद्यजमानस्यावदाय जुहुयाद्यन्न
 जुहुयाद्यज्ञपरुरन्तरियाद्ये देवा मनोजाता मनोयुज इत्याह प्राणा वै
 देवा मनोजाता मनोयुजस्तेष्वेव परोऽक्षं जुहोति तन्नेव हुतं
 नेवाहुतं स्वपन्तं वै दीक्षितं रक्षांसि जिघांसन्त्यग्निः खलु वै
 रक्षोहाग्ने त्वं सु जागृहि वयं सु मन्दिषीमहीत्याहाग्निमेवाधिपां
 कृत्वा स्वपिति रक्षसामपहत्या अव्रत्यमिव वा एष करोति यो
 दीक्षितः स्वपिति त्वमग्ने व्रतपा असीत्याहाग्निर्वै देवानां व्रतपतिः
 स एवैनं व्रतमा लम्भयति देव आ मर्त्येष्वेत्याह देवो ह्येष सन्मर्त्येषु
 त्वं यज्ञेष्वीड्य इत्याहैतं हि यज्ञेष्वीड्यतेऽपु वै दीक्षितात्सुषुपुषु
 इन्द्रियं देवताः क्रामन्ति विश्वे देवा अभि
 मामाऽर्ववृत्रन्नित्याहेन्द्रियेणैवैनं देवताभिः सं नयति यदेतद्यजुर्न
 ब्रूयाद्यावत् एव पशून्भि दीक्षेत तावन्तोऽस्य पशवः स्यु
 रास्वेयत्सोमा भूयो भरेत्याहापरिमितानेव पशून्व रुद्धे चन्द्रमसि
 मम् भोगाय भवेत्याह यथादेवतमेवैनाः प्रति गृह्णाति वायवै त्वा

वरुणाय त्वेति यदेवमेता नानुदिशेदयथादेवतं दक्षिणा गमयेदा
 देवताभ्यो वृश्चयेत् यदेवमेता अनुदिशति यथादेवतमेव दक्षिणा
 गमयति न देवताभ्य आ वृश्चयेत् देवीरापो अपां नपादित्याहु यद्वो
 मेध्यं यज्ञियं सदैवं तद्वो माव क्रमिषमिति वावैतदाहा च्छिन्नं
 तन्तुं पृथिव्या अनु गेषमित्याहु सेतुमेव कृत्वात्यैति ॥४॥

देवा वै देवयजनमध्यवसाय दिशो न
 प्राजानन्तैरन्योन्यमुपाधावन्त्वया प्र जानाम त्वयेति तेऽदित्यां
 समधियन्त त्वया प्र जानामेति साऽब्रवीद्वरं वृणो मत्प्रायणा एव वो
 यज्ञा मर्दुदयना असन्निति तस्मादादित्यः प्रायणीयो यज्ञानामादित्य
 उदयनीयः पञ्च देवता यजति पञ्च दिशो दिशां प्रज्ञात्या अथो
 पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धे पथ्यां
 स्वस्तिमयजन्प्राचीमेव तया दिशं प्राजानन्नग्निना दक्षिणा सोमैन
 प्रतीचीं सवित्रोदीचीमदित्योर्ध्वा पथ्यां स्वस्तिं यजति प्राचीमेव
 तया दिशं प्रजानाति पथ्यां स्वस्तिमिष्ट्वाग्नीषोमौ यजति चक्षुषी
 वा एते यज्ञस्य यदग्नीषोमौ ताभ्यामेवानु पश्यत्यग्नीषोमाविष्ट्वा
 सवितारं यजति सवितृप्रसूत एवानु पश्यति सवितारमिष्ट्वादिति
 यजतीयं वा अदितिरस्यामेव प्रतिष्ठायानु पश्यत्यदितिमिष्ट्वा
 मारुतीमृचमन्वाह मरुतो वै देवानां विशो देवविशं खलु वै
 कल्पमानं मनुष्यविशमनु कल्पते यन्मारुतीमृचमन्वाह विशां
 क्लृप्त्यै ब्रह्मवादिनो वदन्ति प्रयाजवदननूयाजं प्रायणीयं
 कार्यमनूयाजवदप्रयाजमुदयनीयमितीमे वै प्रयाजा अमी अनूयाजाः
 सैव सा यज्ञस्य सन्तति स्तत्तथा न कार्यमात्मा वै प्रयाजाः
 प्रजानूयाजा
 यत्प्रयाजानन्तरियादात्मानमन्तरियाद्यदनूयाजानन्तरियात्प्रजामन्तरिय
 ाद्यतः खलु वै यज्ञस्य विततस्य न क्रियते तदनु यज्ञः परा भवति

य॒ज्ञं प॑रा॒भवं॑न्तं यज॑मा॒नो ऽनु॒ प॑रा॒ भव॑ति
 प्रया॒जव॑दे॒वानूया॒जव॑त्प्राय॒णीयं॑ का॒र्यं प्रया॒जव॑दनूया॒जव॑दुदय॒नीयं॑
 नात्मान॑मन्त॒रेति॑ न प्र॒जां न य॒ज्ञः प॑रा॒भव॑ति न यज॑मानः प्राय॒णीय॑स्य
 निष्का॒स उ॑दय॒नीय॑म॒भि निर्व॑पति सैव सा य॒ज्ञस्य॑ सन्त॑ति र्याः
 प्राय॒णीय॑स्य या॒ज्या य॑त्ता उ॑दय॒नीय॑स्य या॒ज्याः कुर्या॑त्परा॒ङ्मुं
 लो॒कमा रौ॑हे॒त्प्रमा॑यु॒कः स्या॒द्याः प्राय॒णीय॑स्य पुरो॑ऽनुवा॒क्यास्ता
 उ॑दय॒नीय॑स्य या॒ज्याः करो॑त्य॒स्मिन्ने॒व लो॒के प्र॑ति तिष्ठति ॥५॥

क॒द्रूश्च॒ वै सु॑प॒र्णी चा॑त्मरूपयो॒रस्प॑र्धेता॒ँ सा क॒द्रूः
 सु॑प॒र्णीम॑जय॒त्साब्र॑वी॒तृती॑यस्यामि॒तो दि॒वि सोम॑स्त॒मा ह॑र॒ तेना॒त्मानं॑
 निष्क्री॑णी॒ष्वेति॑ यं वै क॒द्रूसौ सु॑प॒र्णी छन्दा॑ँसि सौप॑र्णेयाः
 साब्र॑वीद॒स्मै वै पि॒तरौ पु॒त्रान्बि॑भृतस्तृतीयस्यामि॒तो दि॒वि सोम॑स्त॒मा
 ह॑र॒ तेना॒त्मानं॑ निष्क्री॑णी॒ष्वेति॑ मा क॒द्रूरे॒वोच॑दिति
 जग॑त्युद॒पत॑च्चतु॒र्दशा॑क्षरा स॒ती साप्रा॑प्य न्यव॑र्तत॒ तस्यै॒ द्वे अ॒क्षरै॑
 अमी॑येता॒ँ सा प॒शुभि॑श्च दी॒क्षया॒ चाग॑च्छ॒त्तस्मा॒ज्जग॑ती छन्द॑सां
 पश॑व्यत॒मा तस्मा॑त्पशुमन्तं दी॒क्षोप॑ नमति त्रि॒ष्टुगु॑द॒पत॑त्त्रयो॒दशा॑क्षरा
 स॒ती साप्रा॑प्य न्यव॑र्तत॒ तस्यै॒ द्वे अ॒क्षरै॑ अमी॑येता॒ँ सा दक्षि॑णाभिश्च
 तप॑सा॒ चाग॑च्छ॒त्तस्मा॒त्रिष्टु॑भौ लो॒के मा॒ध्यन्दि॑ने॒ सर्व॑ने॒ दक्षि॑णा
 नीय॑न्त ए॒तत्ख॑लु वाव तप॑ इत्या॒हुर्यः॒ स्वं द॑दातीति
 गाय॑त्र्युद॒पत॑च्चतु॒र्क्षरा॑ स॒त्यज॑या॒ ज्योति॑षा॒ तम॑स्या अ॒जाभ्य॑रुन्ध
 तद॒जाया॑ अ॒ज॒त्वँ सा सोमं॑ चा॒हर॑च्च॒त्वारि॑ चा॒क्षरा॑णि सा॒ष्टाक्ष॑रा
 सम॑पद्यत ब्रह्मवा॒दिनौ॑ वदन्ति ।३। कस्मा॑त्स॒त्याद्वा॒य॒त्री क॑नि॒ष्टा
 छन्द॑साँ स॒ती य॑ज्ञमु॒खं प॑रीया॒येति॑ यदे॒वादः
 सोम॑मा॒हर॑त्तस्मा॒द्यज्ञ॑मु॒खं प॑र्यै॒त्तस्मा॑त्तेज॒स्विनी॑त॒मा प॒द्भ्यां द्वे॑ सर्व॑ने
 स॒मगृ॑ह्णान्मुखे॒नैकं॑ यन्मुखे॒न स॒मगृ॑ह्णात्तद॒धय॑त्तस्मा॒द्द्वे सर्व॑ने
 शु॒क्रव॑ती प्रातःस॒वनं च॒ मा॒ध्यन्दि॑नं च॒ तस्मा॑त्तृतीयस॒वन

ऋजीषमभि षुण्वन्ति धीतमिव हि मन्यन्त आशिरमव नयति
 सशुक्रत्वायाथो सं भरत्येवैनत्तं सोममाह्रियमाणं गन्धर्वो
 विश्वावसुः पर्यमुष्णात्स तिस्रो रात्रीः परिमुषितोऽवसत्तस्मात्तिस्रो
 रात्रीः क्रीतः सोमो वसति ते देवा अब्रुवन्स्त्रीकामा वै गन्धर्वाः
 स्त्रिया निष्क्रीणामेति ते वाचं स्त्रियमेकहायनीं कृत्वा तया
 निरक्रीणन्त्सा रोहिद्रूपं कृत्वा गन्धर्वेभ्योऽपक्रम्यातिष्ठत्तद्रोहितो
 जन्म ते देवा अब्रुवन्नप युष्मदक्रमीन्नास्मानुपावर्तते वि ह्वयामहा
 इति ब्रह्म गन्धर्वा अवदन्नगायन्देवाः सा देवान्गायत उपावर्तत
 तस्माद्गायन्तं स्त्रियः कामयन्ते कामुका एनं स्त्रियो भवन्ति य
 एवं वेदाथो य एवं विद्वानपि जन्येषु भवन्ति तेभ्य एव ददत्युत
 यद्वहुतयाः भवन्त्येकहायन्या क्रीणाति वाचैवैनं सर्वया क्रीणाति
 तस्मादेकहायना मनुष्या वाचं
 वदन्त्य कूटयाकर्णयाकाणयाश्लोण्यासप्तशफया क्रीणाति
 सर्वयैवैनं क्रीणाति यष्टवेतया क्रीणीयादुश्चर्मा यजमानः
 स्याद्यत्कृष्णयानुस्तरणी स्यात्प्रमारुको यजमानः स्याद्यदिद्वरूपया
 वार्त्रघ्नी स्यात्स वान्यं जिनीयात्तं वान्यो जिनीयादरुण्या पिङ्गाद्या
 क्रीणात्येतद्वै सोमस्य रूपं स्वयैवैनं देवतया क्रीणाति ॥६॥

तद्धिरण्यमभवत्तस्मादद्भ्यो हिरण्यंपुनन्ति ब्रह्मवादिनो वदन्ति
 कस्मात्सत्यादनुस्थिकेन प्रजाः प्रवीर्यन्तेऽस्थन्वतीर्जायन्त इति
 यद्धिरण्यं घृतैऽवधाय जुहोति तस्मादनुस्थिकेन प्रजाः प्र
 वीर्यन्तेऽस्थन्वतीर्जायन्त एतद्वा अग्नेः प्रियं धाम यद्धृतं तेजो
 हिरण्यमियं तै शुक्र तनूरिदं वर्च इत्याहु सतैजसमेवैनं सतनुं
 करोत्यथो सं भरत्येवैनं यदबद्धमवदध्याद्गर्भाः प्रजानां परापातुकाः
 स्युर्बद्धमव दधाति गर्भाणां धृत्यै निष्टुर्क्यम्बधाति प्रजानां प्रजननाय
 वाग्वा एषा यत्सौमक्रयणी जूरसीत्याहु यद्धि मनसा जवते तद्वाचा

वदति धृता मनसेत्याह मनसा हि वाग्धृता जुष्टा विष्णव इत्याह
 यज्ञो वै विष्णुर्यज्ञायैवैनां जुष्टां करोति तस्यास्ते सत्यसंवसः प्रसव
 इत्याह सवितृप्रसूतामेव वाचमव रुद्धे कारुडैकारुडे वै क्रियमाणे
 यज्ञं रक्षांसि जिघांसन्त्येष खलु वा अरक्षोहतः पन्था योऽग्नेश्च
 सूर्यस्य च सूर्यस्य चक्षुरारुहमग्नेरक्षः कनीनिकामित्याह य
 एवारक्षोहतः पन्थास्तं समारोहति वाग्वा एषा यत्सौमक्रयणी
 चिदसि मनासीत्याह शास्त्येवैनामेतत्तस्माच्छिष्टाः प्रजा जायन्ते
 चिदसीत्याह यद्धि मनसा चेतयते तद्वाचा वदति मनासीत्याह
 यद्धि मनसाभिगच्छति तत्करोति धीरसीत्याह यद्धि मनसा ध्यायति
 तद्वाचा वदति दक्षिणासीत्याह दक्षिणा ह्येषा यज्ञियासीत्याह
 यज्ञियामेवैनां करोति क्षत्रियासीत्याह क्षत्रिया ह्येषा
 दितिरस्युभयतः शीर्ष्णीत्याह यदेवादित्यः प्रायणीयो यज्ञानामादित्य
 उदयनीयस्तस्मादेवमाह यदबद्धा स्यादयता
 स्याद्यत्पदिबद्धानुस्तरणी स्यात्प्रमारुको यजमानः
 स्यात्यत्कर्णगृहीता वार्त्रघ्नी स्यात्स वान्यं जिनीयात्तं वान्यो
 जिनीयान्मित्रस्त्वा पदि बध्नात्वित्याह मित्रो वै शिवो देवानां
 तेनैवैनां पदि बध्नाति पूषाध्वनः पात्वित्याहेयं वै पूषेमामेवास्या
 अधिपामकः समष्ट्या इन्द्रायाध्यक्षायेत्याहेन्द्रमेवास्या अध्यक्षं
 करोत्यनु त्वा माता मन्यतामनु पितेत्याहानुमतयैवैनया क्रीणाति सा
 दैवि देवमच्छेहीत्याह देवी ह्येषा देवः सोम इन्द्राय
 सोममित्याहेन्द्राय हि सोम आह्रियते यदेतद्यजुर्न ब्रूयात्पराच्येव
 सौमक्रयणीयाद्बुद्रस्त्वा वर्तयत्वित्याह रुद्रो वै क्रूरो देवानां
 तमेवास्यै परस्तादधात्यावृत्तै क्रूरमिव वा एतत्करोति यद्बुद्रस्य
 कीर्तयति मित्रस्य पथेत्याह शान्त्यै वाचा वा एष वि क्रीणीते यः
 सौमक्रयणया
 स्वस्ति सोमसखा पुनरेहि सह रय्येत्याह वाचैव विक्रीय

पुनरात्मन्वाचं धृत्ते ऽनुपदासुकास्य वाग्भवति य एवं वेद ॥७॥

षट्पदान्यनु निष्क्रामति षडहं वाङ्नाति वदत्युत संवत्सरस्यायने
यावत्येव वाक्तामव रुद्धे सप्तमे पदे जुहोति सप्तपदा शक्वरी
पशवः शक्वरी पशूनेवाव रुद्धे सप्त ग्राम्याः पशवः सप्ताश्वयः
सप्त च्छन्दांस्युभयस्यावरुद्धयै वस्व्यसि रुद्रासीत्याह रूपमेवास्या
एतन्महिमानं व्याचष्टे बृहस्पतिस्त्वा सुमे रश्वत्वित्याह ब्रह्म वै
देवानां बृहस्पतिर्ब्रह्मणैवास्मै पशूनव रुद्धे रुद्रो वसुभिरा
चिक्रेत्वित्याहावृत्त्यै पृथिव्यास्त्वा मूर्धन्ना जिघर्मि देवयजन् इत्याह
पृथिव्या ह्येष मूर्धा यदैवयजन्मिडायाः पद इत्याहेडायै ह्येतत्पदं
यत्सौमक्रयण्यै घृतवति स्वाहेत्याह यदेवास्यै पदाद्धृतमपीडयत्
तस्मादेवमाह यदध्वर्युरेनग्रावाहुतिं जुहुयादध्वोऽध्वर्युः
स्याद्रक्षांसि यज्ञं हन्युर्हिरण्यमुपास्य जुहोत्यग्निवत्येव जुहोति
नान्धोऽध्वर्युर्भवति न यज्ञं रक्षांसि घ्नन्ति कारडैकारडे वै
क्रियमाणे यज्ञं रक्षांसि जिघांसन्ति परिलिखितं रक्षः
परिलिखिता अरातय इत्याह रक्षसामपहत्या ।३। इदमहं रक्षसो
ग्रीवा अपि कृन्तामि योऽस्मान्द्वेष्टि यं च वयं द्विष्म इत्याह
द्वौ वाव पुरुषौ यं चैव द्वेष्टि यश्चैनं द्वेष्टि तयोरिवानन्तरायं ग्रीवाः
कृन्तति पशवो वै सौमक्रयण्यै पदं यावत्तमूतं सं वपति
पशूनेवाव रुद्धेऽस्मे राय इति सं वपत्यात्मानमेवाध्वर्युः पशुभ्यो
नान्तरैति त्वे राय इति यजमानाय प्र यच्छति यजमान एव रयिं
दधाति तोते राय इति पत्न्या अर्धो वा एष आत्मनो यत्पत्नी यथा
गृहेषु नि धृत्ते तादृगेव तत्त्वष्टीमती ते सपेयेत्याह त्वष्टा वै पशूनां
मिथुनानां रूपकद्रूपमेव पशुषु दधात्यस्मै वै लोकाय गार्हपत्य
आ धीयतेऽमुष्मा आहवनीयो यद्गार्हपत्य उपवपैदस्मिँल्लोके
पशुमान्तस्याद्यदाहवनीये ऽमुष्मिँल्लोके पशुमान्तस्यादुभयोरुप

वपत्युभयोरिवैनं लोकयोः पशुमन्तं करोति ॥८॥

ब्रह्मवादिनो वदन्ति विचित्यः सोमा३ न विचित्या३ इति सोमो वा
ओषधीनां राजा तस्मिन्यदापन्नं ग्रसितमेवास्य
तद्यद्विचिनुयाद्यथास्याद्ग्रसितं निष्विदति तादृगेव तद्यन्न
विचिनुयाद्यथाक्षत्रापन्नं विधावति तादृगेव तत्क्षोधुकोऽध्वर्युः
स्यात्क्षोधुको यजमानः सोमविक्रयिन्सोमं शोधयेत्येव
ब्रूयाद्यदीतरं ।१।

यदीतरमुभयैनेव सोमविक्रयिणमर्पयति तस्मात्सोमविक्रयी
क्षोधुकोऽरुणो ह स्माहौपवेशिः सोमक्रयण एवाहं तृतीयसवनमव
रुन्ध इति पशूनां चर्मन्मिमीते पशूनेवाव रुद्धे पशवो हि तृतीयं
सवनं यं कामयैतापशुः स्यादित्यृक्षतस्तस्य मिमीतर्क्षं वा
अपशव्यमपशुरेव भवति यं कामयैत पशुमान्तस्यादिति लोमतस्तस्य
मिमीतैतद्वै पशूनां रूपं रूपेणैवास्मै पशूनव रुद्धे पशुमानेव
भवत्यपामन्तं क्रीणाति सरसमेवैनं क्रीणात्यमात्योऽसीत्याहामैवैनं
कुरुते शुक्रस्ते ग्रह इत्याह शुक्रो ह्यस्य ग्रहोऽनुसाच्छ याति
महिमानमेवास्यच्छ यात्यनुसाच्छ याति तस्मादनोवाह्यं समे
जीवनं यत्र खलु वा एतं शीष्णा हरन्ति
तस्माच्छीर्षहार्यं गिरौ जीवनं मभि त्यं देव
संवितारमित्यतिच्छन्दसर्चा मिमीतेऽतिच्छन्दा वै सर्वाणि छन्दांसि
सर्वेभिरेवैनं छन्दोभिर्मिमीते वर्षं वा एषा छन्दसां यदतिच्छन्दा
यदतिच्छन्दसर्चा मिमीते वर्षमेवैनं समानानां
करोत्येकैकयोत्सर्गं मिमीतेऽयातयाम्नियायातयाम्नियैवैनं मिमीते
तस्मान्नानावीर्या अङ्गुलयः सर्वास्वङ्गुष्ठमुप नि गृह्णाति
तस्मात्समावद्ध्योऽन्याभिर्ङ्गुलिभिस्तस्मात्सर्वा अनु सं चरति

यत्सह सर्वाभिर्मिमीत सँशिलंष्टा अङ्गुलयो जायेरन्नेकैकयोत्सर्गं
मिमीते तस्माद्विभक्ता जायन्ते पञ्च कृत्वो यजुषा मिमीते पञ्चाक्षरा
पङ्क्तिः पाङ्क्तौ यज्ञो यज्ञमेवाव रुन्धे पञ्च कृत्वस्तूष्णीं ।५।

दश सं पद्यन्ते दशाक्षरा विराडन्नं विराड्विराजैवान्नाद्यमव रुन्धे
यद्यजुषा मिमीते भूतमेवाव रुन्धे यत्तूष्णीं भविष्य द्यद्वै तावानेव
सोमः स्याद्यावन्तं मिमीते यजमानस्यैव स्यान्नापि सदस्यानां
प्रजाभ्यस्त्वेत्युप समूहति सदस्यानेवान्वाभजति वाससोप नह्यति
सर्वदेवत्यं वै वासः सर्वाभिरेवैनं देवताभिः समर्धयति पशवो वै
सोमः प्राणाय त्वेत्युप नह्यति प्राणमेव पशुषु दधाति व्यानाय
त्वेत्यनु शृन्थति व्यानमेव पशुषु दधाति तस्मात्स्वपन्तं प्राणा न
जहति ॥६॥

यत्कुलया ते शफेन ते क्रीणानीति पणेतगौअर्घ्वँ सोमं
कुर्यादगौअर्घ्वं यजमानमगौअर्घ्वमध्वर्युं गोस्तु महिमानं नाव तिरद्ववा
ते क्रीणानीत्येव ब्रूयादोअर्घ्वमेव सोमं करोति गोअर्घ्वं यजमानं
गोअर्घ्वमध्वर्युं न गोर्महिमानमव तिरत्य जया क्रीणाति सतपसमेवैनं
क्रीणाति हिरण्येन क्रीणाति सशुक्रमेवैनं क्रीणाति धेन्वा क्रीणाति
साशिरमेवैनं क्रीणात्यृषभेण क्रीणाति सेन्द्रमेवैनं क्रीणात्यनुडुहा
क्रीणाति वह्निर्वा अनड्वान्वहिनैव वह्नि यज्ञस्य क्रीणाति
मिथुनाभ्यां क्रीणाति मिथुनस्यावरुद्ध्यै वाससा क्रीणाति सर्वदेवत्यं
वै वासः सर्वाभ्य एवैनं देवताभ्यः क्रीणाति दश सं पद्यन्ते
दशाक्षरा विराडन्नं विराड्विराजैवान्नाद्यमव रुन्धे तपसस्तनूरसि
प्रजापतेर्वर्ण इत्याह पशुभ्य एव तदध्वर्युर्नि हुत आत्मनोऽनावस्काय
गच्छति श्रियं प्र पशूनाप्नोति य एवं वेद शुक्रं तै शुक्रेण
क्रीणामीत्याह यथायजुरेवैत देवा वै येन हिरण्येन

सोममक्रीणन्तर्दभीषहा पुनराददत् को हि तेजसा वि क्रेष्यत् इति
 येन हिरण्येन सोमं क्रीणीयात्तर्दभीषहा पुनरा ददीत् तेज
 एवात्मन्धत्तेऽस्मे ज्योतिः सोमविक्रयिणि तम् इत्याह ज्योतिरेव
 यजमाने दधाति तमसा सोमविक्रयिणमर्पयति
 यदनुपग्रथ्य हन्यादन्दशूकास्ताँ समाँ सर्पाः स्युरिदमहँ सर्पाणां
 दन्दशूकानां ग्रीवा उपे ग्रथ्नामीत्याहादन्दशूकास्ताँ समाँ सर्पा
 भवन्ति तमसा सोमविक्रयिणं विध्यति स्वान् भ्राजेत्याहैते वा
 अमुष्मिल्लोके सोममरक्षन्तेभ्योऽधि सोममाहरन्यदेतेभ्यः
 सोमक्रयणान्नानुदिशेदक्रीतोऽस्य सोमः स्यान्नास्यैतेऽमुष्मिल्लोके
 सोमँ रक्षेयुर्यदेतेभ्यः सोमक्रयणाननुदिशति क्रीतोऽस्य सोमो
 भवत्येतेऽस्यामुष्मिल्लोके सोमँ रक्षन्ति ॥१०॥

वारुणो वै क्रीतः सोम उपेनद्धो मित्रो न एहि सुमित्रधा इत्याह
 शान्त्या इन्द्रस्योरुमा विश दक्षिणमित्याह देवा वै यँ
 सोममक्रीणन्तमिन्द्रस्योरौ दक्षिण आसादयन्नेष खलु वा एतर्हीन्द्रो यो
 यजते तस्मादेवमाहो दायुषा स्वायुषेत्याह देवता
 एवान्वारभ्योत्तिष्ठत्युर्वन्तरिक्षमन्विहीत्याहान्तरिक्षदेवत्योर्ह्येतर्हि
 सोमोऽदित्याः सदोऽस्यदित्याः सद आ सीदेत्याह यथायजुरेवैतद्वि
 वा ऐनमेतदर्धयति यद्वारुणँ सन्तम्मैत्रं करोति वारुण्यर्चा सादयति
 स्वयैवैनं देवतया समर्धयति वाससा पर्यानहति सर्वदेवत्यं वै
 वासः सर्वाभिरेवैनं देवताभिः समर्धयत्यथो रक्षसामपहत्यै वनेषु
 व्यन्तरिक्षं ततानेत्याह वनेषु हि व्यन्तरिक्षं ततान् वाजमर्वत्स्वित्याह
 वाजँ ह्यर्वत्सु पयो अघ्नियास्वित्याह पयो ह्यघ्नियासु हत्सु
 क्रतुमित्याह हत्सु हि क्रतुं वरुणो विद्वर्गिमित्याह वरुणो हि
 विद्वर्गिं दिवि सूर्यमित्याह दिवि हि सूर्यँ सोममद्रावित्याह
 ग्रावाणो वा अद्रयस्तेषु वा एष सोमं दधाति यो यजते

तस्मादेवमाहो दु त्यं जातवेदसमिति सौर्यर्चा
 कृष्णाजिनम्प्रत्यानह्यति रक्षसामपहत्या उस्त्रावेतं धूर्षाहवित्याह
 यथायजुरेवैतत्प्र च्यवस्व भुवस्पत इत्याह भूतानाँ ह्येष
 पतिर्विश्वान्यभि धामानीत्याह विश्वानि ह्यैरुषोऽभि धामानि प्रच्यवते
 मा त्वा परिपरी विददित्याह यदेवादः सोममाह्नियमाणं गन्धर्वो
 विश्वावसुः पर्यमुष्णात्तस्मादेवमाहापरिमोषाय यजमानस्य
 स्वस्त्ययन्यसीत्याह यजमानस्यैवेष यज्ञस्यान्वारम्भोऽनवच्छित्यै
 वरुणो वा एष यजमानमभ्यैति यत्क्रीतः सोम उपनद्धो नमो मित्रस्य
 वरुणस्य चक्षस इत्याह शान्त्या आ सोमं वहन्त्यग्निना प्रति तिष्ठते
 तौ सम्भवन्तौ यजमानमभि सम्भवतः पुरा खलु वावैष
 मेधायात्मानमारभ्य चरति यो दीक्षितो यदग्रीषोमीयम्पशुमालभते
 आत्मनिष्क्रयण एवास्य स तस्मात्तस्य नाशयं पुरुषनिष्क्रयण इव
 ह्यथो खल्वाहुरग्रीषोमाभ्यां वा इन्द्रो वृत्रमहन्निति
 यदग्रीषोमीयम्पशुमालभते वार्त्रघ्न एवास्य स तस्माद्वाशयं वारुण्यर्चा
 परि चरति
 स्वयैवैनं देवतया परि चरति ॥११॥

इति षष्ठकाण्डे प्रथमः प्रपाठकः १

अथ षष्ठकाण्डे द्वितीयः प्रपाठकः २

यदुभौ विमुच्यातिथ्यं गृह्णीयाद्यज्ञं वि च्छिन्द्याद्यदुभावविमुच्य
 यथानागतायातिथ्यं क्रियते तादृगेव
 तद्विमुक्तोऽन्योऽनुङ्वान्भवत्यविमुक्तोऽन्योऽथातिथ्यं गृह्णाति यज्ञस्य
 संतत्यै पत्न्यन्वारभते पत्नी हि पारीणह्यस्येशे पत्न्यैवानुमतं निर्वपति
 यद्वै पत्नी यज्ञस्य करोति मिथुनं तदथो पत्न्या एवैष
 यज्ञस्यान्वारम्भोऽनवच्छित्यै यावद्भिवै राजानुचरैरागच्छति सर्वेभ्यो
 वै तेभ्य आतिथ्यं क्रियते छन्दाँसि खलु वै सोमस्य

राज्ञोऽनुचरायग्रेरातिथ्यमसि विष्णावे त्वेत्याह गायत्रिया एवैतेन
 करोति सोमस्यातिथ्यमसि विष्णावे त्वेत्याह त्रिष्टुभ एवैतेन
 करोत्यतिथेरातिथ्यमसि विष्णावे त्वेत्याह जगत्या ।२। एवैतेन
 करोत्यग्रये त्वा रायस्पोषदाने विष्णावे त्वेत्याहानुष्टुभ एवैतेन
 करोति श्येनाय त्वा सोमभृते विष्णावे त्वेत्याह गायत्रिया एवैतेन
 करोति पञ्च कृत्वौ गृह्णाति पञ्चाक्षरा पङ्क्तिः पाङ्क्तौ यज्ञो यज्ञमेवाव
 रुद्धे ब्रह्मवादिनो वदन्ति कस्मात्सत्याद्गायत्रिया उभयत
 आतिथ्यस्य क्रियत इति यदेवादः सोममाहरत्तस्माद्गायत्रिया उभयत
 आतिथ्यस्य क्रियते पुरस्ताच्चोपरिष्ठाच्च शिरो वा एतद्यज्ञस्य
 यदातिथ्यं नवकपालः पुरोडाशो भवति तस्मान्नवधा शिरो विष्यूतं
 नवकपालः पुरोडाशो भवति ते त्रयस्त्रिकपालास्त्रिवृता स्तोमैः
 सम्मितास्तेजस्त्रिवृत्तेज एव यज्ञस्य शीर्षन्दधाति नवकपालः
 पुरोडाशो भवति ते त्रयस्त्रिकपालास्त्रिवृता प्राणेन सम्मितास्त्रिवृद्वै
 ।४। प्राणस्त्रिवृतमेव प्राणमभिपूर्वं यज्ञस्य शीर्षन्दधाति प्रजापतेर्वा
 एतानि पद्माणि यदश्ववाला ऐक्ष्वी तिरश्ची यदाश्ववालः प्रस्तरो
 भवत्यैक्ष्वी तिरश्ची प्रजापतेरेव तच्चक्षुः सम्भरति देवा वै या
 आहुतीरजुहवुस्ता असुरा निष्कार्वमादन्ते देवाः
 कार्ष्ण्यमपश्यन्कर्मण्यो वै कर्मैनेन कुर्वीतेति ते
 कार्ष्ण्यमयान्परिधीनकुर्वत तैर्वै ते रक्षाँस्यपाघ्नत यत्कार्ष्ण्यमयाः
 परिधयो भवन्ति रक्षसामपहत्यै सँ स्पर्शयति
 रक्षसामनन्ववचाराय न पुरस्तात्परि दधात्यादित्यो
 ह्येवोद्यन्पुरस्ताद्रक्षाँस्यपहन्त्यूर्ध्वे समिधावा दधात्युपरिष्ठादेव
 रक्षाँस्यपहन्ति यजुषान्यां तूष्णीमन्यामिथुनत्वाय द्वे आ दधाति
 द्विपाद्यजमानः प्रतिष्ठित्यै
 ब्रह्मवादिनो वदन्त्यग्निश्च वा एतौ सोमश्च कथा सोमायातिथ्यं
 क्रियते नाग्रय इति यद्ग्रावग्निमथित्वा प्रहरति तेनैवाग्रय आतिथ्यं

क्रियतेऽथो खल्वाहुरग्निः सर्वा देवता इति
 यद्धविरासाद्याग्निम्मन्थति हव्यायैवासन्नाय सर्वा देवता जनयति
 ॥१॥

देवासुराः संयत्ता आसन्ते देवा मिथो विप्रिया आसन्तैरुन्योऽन्यस्मै
 ज्यैष्ठ्यायातिष्ठमानाः पञ्चधा व्यक्रामन्नग्निर्वसुभिः सोमो रुद्रैरिन्द्रो
 मरुद्भिर्वरुण आदित्यैर्बृहस्पतिर्विश्वैर्देवैस्तैऽमन्यन्तासुरेभ्यो वा
 इदम्भ्रातृव्येभ्यो रध्यामो यन्मिथो विप्रियाः स्मो या न इमाः
 प्रियास्तनुवस्ताः समवद्यामहे ताभ्यः स निर्वृच्छाद्यो ।१। नः
 प्रथमोऽन्योऽन्यस्मै दुह्यादिति तस्माद्यः सतानूनप्त्रिणाम्प्रथमो दुह्यति
 स आर्तिमाच्छति यत्तानूनप्त्रं समवद्यति भ्रातृव्याभिभूत्यै
 भवत्यात्मना परास्य भ्रातृव्यो भवति पञ्च कृत्वोऽव द्यति पञ्चधा हि
 ते तत्समवाद्यन्ताथो पञ्चाक्षरा पुङ्क्तिः पाङ्क्तौ यज्ञो यज्ञमेवाव रुद्ध
 आपतये त्वा गृह्णामीत्याह प्राणो वा आपतिः
 प्राणमेव प्रीणाति परिपतय इत्याह मनो वै परिपतिर्मन एव प्रीणाति
 तनूनप्त्र इत्याह तनुवो हि ते ताः समवाद्यन्त शाक्वरायेत्याह शक्त्यै
 हि ते ताः समवाद्यन्त
 शक्मन्नोजिष्टायेत्याहौजिष्टं हि ते तदात्मनः
 समवाद्यन्ता नाधृष्टमस्यनाधृष्यमित्याहानाधृष्टं ह्येतदनाधृष्यं
 देवानामोज इत्याह देवानां ह्येतदोजोऽभिशस्तिपा
 अनभिशस्तेन्यमित्याहाभिशस्तिपा ह्येतदनभिशस्तेन्य मनु मे दीक्षां
 दीक्षापतिर्मन्यतामित्याह यथायजुरेवैतद्धृतं वै देवा वज्रं कृत्वा
 सोममघ्नन्तिकमिव खलु वा अस्यैतच्चरन्ति यत्तानूनप्त्रेण
 प्रचरन्त्यं शुरं शुस्ते देव सोमाप्यायतामित्याह यदेवास्यापुवायते
 यन्मीयते तदेवास्यैतेनाप्या ययत्या तुभ्यमिन्द्रः प्यायतामा
 त्वमिन्द्राय प्यायस्वेत्याहोभावेवेन्द्रं च सोमं चाप्याययत्या प्यायय

सखीन्स॒न्या मे॒धयेत्या॑ह॒र्त्विजो॑ वा अस्य सखाय॒स्ताने॒वाप्याय॑यति
 स्व॒स्ति तै देव सोम सु॒त्याम॑शी॒येत्या॑हाशि॒र्षमे॒वैता॑मा शा॒स्ते प्र वा
 ए॒तैऽस्मा॑ल्लो॒काच्च॑वन्ते ये सोम॑माप्याय॒यन्त्यन्तरि॑क्षदे॒वत्यो॑ हि
 सोम॑ आप्यायित॒ एष्टा॑ रायः प्रेषे भगा॒येत्या॑ह द्यावा॑पृथि॒वीभ्या॑मेव
 न॑मस्कृ॒त्यास्मिँ॑ल्लो॒के प्रति॑ तिष्ठन्ति दे॒वासुराः॑ संय॑त्ता आस॒न्ते दे॒वा
 बिभ्य॑तोऽग्नि॒म्प्रावि॑शन्तस्मा॒दाहुर॑ग्निः सर्वा॑ दे॒वता॑ इति॒ तैऽग्नि॑मेव
 वरू॑थं कृ॒त्वासुरा॑न॒भ्यभव॑न्नग्नि॒मिव॑ खलु॒ वा ए॒ष प्र वि॑शति
 योऽवा॑न्तरदी॒क्षामु॑पैति॒ भ्रातृ॑व्याभिभू॒त्यै
 भव॑त्या॒त्मना॒ परा॑स्य॒ भ्रातृ॑व्यो भवत्या॒ त्मान॑मे॒व दी॒क्षया॑ पाति
 प्र॒जाम॑वान्तरदी॒क्षया॑ सं॒तराम्मे॑खला॒ꣳ सु॒मार्य॑च्छते प्र॒जा
 ह्या॑त्मनोऽन्तर॑तरा त॒प्तव॑तो भवति॒ मद॑न्तीभि॒र्मार्ज॑यते॒ निह्य॑ग्निः शी॒तेन॑
 वा॒रय॑ति॒ समि॑द्धयै॒ या तै अ॒ग्ने रु॒द्रिया॑ त॒नूरि॑त्या॒ह स्व॒यैवै॑न॒द्दे॒वत॑या
 व्रत॑यति
 स॒योनि॒त्वाय॑ शान्त्यै ॥२॥

तेषा॒मसुरा॑णां ति॒स्रः पु॒र आ॑सन्नय॒स्मय्य॑व॒मार्थ॑ रज॒ताथ॑ हरि॒णी ता
 दे॒वा जे॒तुं ना॑श॒क्नुव॑न्ता उ॒पस॑दै॒वाजि॑गीषन्तस्मा॒दाहुर्य॑श्चै॒वं वेद॑ यश्च
 नो॒पस॑दा॒ वै म॑हापु॒रं ज॑यन्तीति॒ त इषु॑ꣳ स॒मस्कृ॑र्वता॒ग्निम॑नीक॒ꣳ
 सोम॑ꣳ श॒ल्यं वि॑ष्णुं तेज॑नं॒ तैऽब्रु॑वन्क इ॒माम॑सिष्य॒तीति॑ ।१। रु॒द्र
 इत्य॑ब्रुवन्नु॒द्रो वै क्रू॑रः सौऽस्य॒त्विति॑ सौऽब्र॒वीद्व॑रं वृ॒णा अ॒हमे॑व
 प॑शूनामधि॒पति॑रसा॒नीति॑ तस्मा॒द्बु॒द्रः प॑शूनामधि॒पति॑स्ताꣳ
 रु॒द्रोऽवा॑सृज॒त्स ति॒स्रः पु॒रौ भि॒त्त्वै॒भ्यो लो॒केभ्यो॑ऽसुरा॒न्प्राणु॑दत
 यदु॑पसद॒ उप॑स॒द्यन्ते॑ भ्रातृ॒व्यप॑राणु॒त्यै
 नान्या॑माहु॒तिम्पु॑रस्ता॒ज्जुह॑या॒द्यद॑न्यामाहु॒तिम्पु॑रस्ता॒ज्जुह॑या॒दन्य॑न्मुखं
 कुर्या॑त्स्रु॒वेणा॑घा॒रमा॑ घा॒रय॑ति य॒ज्ञस्य॑ प्र॒ज्ञत्यै॑परा॒डति॑क्रम्य जुहोति
 परा॑च ए॒वैभ्यो॑ लो॒केभ्यो॑ यज॑मानो भ्रातृ॒व्यान्प्र॑ णु॒दते॑

पुनरत्याक्रम्योपसदं जुहोति
 प्रणुद्यैवैभ्यो लोकेभ्यो भ्रातृव्याञ्जित्वा भ्रातृव्यलोकमुभ्यारौहति देवा
 वै याः प्रातरुपसदं उपासीदन्नहस्ताभिरसुरान्प्राणुदन्त याः सायं
 रात्रियै ताभिर्यत्सायम्प्रातरुपसदं उपसद्यन्तैऽहोरात्राभ्यामेव
 तद्यजमानो भ्रातृव्यान्प्राणुदते याः प्रातर्याज्याः स्युस्ताः
 सायम्पुरोऽनुवाक्याः कुर्यादयातयामत्वाय तिस्र उपसद उपैति त्रय
 इमे लोका इमानेव लोकान्प्रीणाति षट्सम्पद्यन्ते षड्वा ऋतव ऋ
 तूनेव प्रीणाति द्वादशाहीने सोम उपैति द्वादश मासाः संवत्सरः
 संवत्सरमेव प्रीणाति चतुर्विंशतिः सं पद्यन्ते
 चतुर्विंशतिरर्धमासा अर्धमासानेव
 प्रीणात्या राग्रामवान्तरदीक्षामुपैयाद्यः कामयैतास्मिन्मै लोकेऽर्धकं
 स्यादित्येकमग्रेऽथ द्वावथ त्रीनथ चतुर एषा वा
 आराग्रावान्तरदीक्षास्मिन्नेवास्मै लोकेऽर्धकम्भवति
 पुरोवरीयसीमवान्तरदीक्षामुपैयाद्यः कामयैतामुष्मिन्मे लोकेऽर्धकं
 स्यादिति चतुरोऽग्रेऽथ त्रीनथ द्वावथैकमेषा वै
 पुरोवरीयस्यवान्तरदीक्षामुष्मिन्नेवास्मै लोकेऽर्धकम्भवति ॥३॥

सुवर्गं वा एते लोकं यन्ति य उपसदं उपयन्ति तेषां य उन्नयते
 हीयत एव स नोदनेषीति सूनीयमिव
 यो वै स्वार्थेतां यतां श्रान्तो हीयत उत स निष्ठाय स ह वसति
 तस्मात्सकृदुनीय नापरमुन्नयेत दधोन्नयेतैतद्वै पशूनां रूपं रूपेणैव
 पशूनव रुद्धे यज्ञो देवेभ्यो निलायत विष्णू रूपं कृत्वा स
 पृथिवीम्प्राविशत्तं देवा हस्तान्त्सरभ्यैच्छन्तमिन्द्र
 उपर्युपर्यत्यक्रामत्सोऽब्रवीत्को मायमुपर्युपर्यत्यक्रमीदित्यहं दुर्गे
 हन्तेत्यथ कस्त्वमित्यहं दुर्गादाहर्तेति सोऽब्रवीदुर्गे वै हन्तावोचथा
 वराहोऽयं वाममोषः ।२। सप्तानां गिरीणाम्परस्ताद्वित्तं

वेद्यमसुराणाम्बिभर्ति तं जहि यदि दुर्गे हन्तासीति स
 दर्भपुञ्जीलमुद्धृष्टं सप्त गिरीभित्त्वा तमहन्त्सौऽब्रवीदुर्गाद्वा
 आहर्तावोचथा एतमा हरेति तमेभ्यो यज्ञ एव यज्ञमाहर्द्यत्तद्वित्तं
 वेद्यमसुराणामविन्दन्तु तदेकं वेद्यै वेदित्व मसुराणां वा इयमग्रं
 आसीद्यावदासीनः परापश्यति तार्वहेवानां ते देवा अब्रुवन्नस्त्वेव
 नोऽस्यामपीति किर्यद्वो दास्याम इति यावदियं सलावृकी त्रिः
 परिक्रामति तार्वन्नो दत्तेति स इन्द्रः सलावृकी रूपं कृत्वेमां त्रिः
 सर्वतः पर्यक्रमत्तदिमामविन्दन्तु यदिमामविन्दन्तु तद्वेद्यै वेदित्वं
 ।४। सा वा इयं सर्वैव वेदिरियति शक्यामीति त्वा अब्रुमायं
 यजन्ते त्रिंशत्पदानि पश्चात्तिरश्चीं भवति षट्त्रिंशत्प्राची
 चतुर्विंशतिः पुरस्तात्तिरश्चीं दशदश सम्पद्यन्ते दशाक्षरा विरादन्नं
 विराद्विराजैवान्नाद्यमव रुद्ध उद्धन्ति यदेवास्या अमेध्यं तदप
 हन्त्युद्धन्ति तस्मादोषधयः परा भवन्ति बर्हिः स्तृणाति
 तस्मादोषधयः पुनरा भवन्त्युत्तरम्बर्हिष उत्तरबर्हिः स्तृणाति
 प्रजा वै बर्हिर्यजमान उत्तरबर्हिर्यजमानमेवायजमानादुत्तरं करोति
 तस्माद्यजमानोऽयजमानादुत्तरः ॥४॥

यद्वा अनीशानो भारमादत्ते वि वै स लिशते
 यद्द्वादश साहस्योपसदः स्युस्तिस्त्रोऽहीनस्य यज्ञस्य विलौम
 क्रियेत तिस्र एव साहस्योपसदो द्वादशाहीनस्य यज्ञस्य
 सवीर्यत्वायाथो सलौम क्रियते
 वत्सस्यैकः स्तनो भागी हि सोऽथैकं स्तनं व्रतमुपैत्यथ द्वावथ
 त्रीनथ चतुर एतद्वै क्षुरपवि नाम व्रतं येन प्र जातान्भ्रातृव्यानुदते प्रति
 जनिष्यमाणानथो कनीयसैव भूय उपैति चतुरोऽग्रे
 स्तनान्व्रतमुपैत्यथ त्रीनथ द्वावथैकमेतद्वै सुजघनं नाम व्रतं तपस्यं
 सुवर्ग्यमथो प्रैव जायते प्रजया पशुभि र्यवागू राजन्यस्य व्रतं क्रूरेव

वै यवागूः क्रूर इव राजन्यो वज्रस्य रूपं समृद्ध्या आमिक्षा
 वैश्यस्य पाकयज्ञस्य रूपम्पुष्ट्यै पयो ब्राह्मणस्य तेजो वै
 ब्राह्मणस्तेजः पयस्तेजसैव तेजः पय आत्मन्धत्तेऽथो पयसा वै गर्भा
 वर्धन्ते गर्भ इव खलु वा एष यदीक्षितो यदस्य पयो
 व्रतम्भर्वत्यात्मानमेव तद्वर्धयति त्रिव्रतो वै मनुरासीदिद्व्रता असुरा
 एकव्रता देवाः प्रातर्मध्यंदिने सायं तन्मनोर्व्रतमासीत्पाकयज्ञस्य
 रूपम्पुष्ट्यै प्रातश्च सायं चासुराणां निर्मध्यं क्षुधो रूपं ततस्ते
 पराभवन्मध्यंदिने मध्यरात्रे देवानां ततस्तेऽभवन्त्सुवर्गं
 लोकमायुन्यदस्य मध्यंदिने मध्यरात्रे व्रतम्भवति मध्यतो वा अन्नैव
 भुञ्जते मध्यत एव तदूर्जं धत्ते भ्रातृव्याभिभूत्यै भर्वत्यात्मना परास्य
 भ्रातृव्यो भवति गर्भो वा एष यदीक्षितो योनिर्दीक्षितविमितं
 यदीक्षितो दीक्षितविमितात्प्रवसेद्यथा योनेर्गर्भः स्कन्दति तादृगेव
 तन्न प्रवस्तव्यमात्मनो गोपीथायैष वै व्याघ्रः कुलगोपो
 यदग्निस्तस्माद्यदीक्षितः प्रवसेत्स एनमीश्वरोऽनूत्थाय हन्तोर्न
 प्रवस्तव्यमात्मनो गुप्त्यै दक्षिणतः शय एतद्वै यजमानस्यायतनं
 स्व एवायतने शयेऽग्निर्मभ्यावृत्य शये देवता एव यज्ञर्मभ्यावृत्य
 शये ॥५॥

पुरोहविषि देवयजने याजयेद्यं कामयेतोपैनमुत्तरो यज्ञो नमेदभि
 सुवर्गं लोकं जये दित्येतद्वै पुरोहविर्देवयजनं यस्य होता
 प्रातरनुवाकमनुब्रुवन्नग्निमप आदित्यमभि विपश्यत्युपैनमुत्तरो यज्ञो
 नमत्यभि सुवर्गं लोकं जयत्याप्ते देवयजने याजयेद्भ्रातृव्यवन्तं
 पन्थां वाधिस्पर्शयेत्कर्तुं वा यावन्नानसे यातवै न रथायैतद्वा आप्तं
 देवयजनमाप्नोत्येव भ्रातृव्यं नैनम्भ्रातृव्यमाप्नोत्ये कौन्नते देवयजने
 याजयेत्पशुकाममेकौन्नताद्वै देवयजनादङ्गिरसः पशूनसृजन्तान्तरा
 सदोहविधानि उन्नतं स्यादेतद्वा एकौन्नतं देवयजनं पशुमानेव

भवति त्र्युन्नते देवयजने याजयेत्सुवर्गकामं त्र्युन्नताद्वै
 देवयजनादङ्गिरसः सुवर्गं लोकमा यन्नन्तराहवनीयं च हविर्धानं
 चोन्नतं स्यादन्तरा हविर्धानं च सदश्चान्तरा सदश्च गार्हपत्यं चैतद्वै
 त्र्युन्नतं देवयजनं सुवर्गमेव लोकमेति प्रतिष्ठिते देवयजने
 याजयेत्प्रतिष्ठाकामं मेतद्वै प्रतिष्ठितं देवयजनं यत्सर्वतः समं प्रत्येव
 तिष्ठति यत्रान्याग्रन्या ओषधयो व्यतिषक्ताः
 स्युस्तद्याजयेत्पशुकामं मेतद्वै पशूनां रूपं रूपेणैवास्मै पशूनव
 रुद्धे पशुमानेव भवति निर्ऋतिगृहीते देवयजने याजयेद्यं कामयेत्
 निर्ऋत्यास्य यज्ञं ग्राहयेद्यमित्ये तद्वै निर्ऋतिगृहीतं देवयजनं
 यत्सदृश्यै सत्या ऋक्षं निर्ऋत्यैवास्य यज्ञं ग्राहयति व्यावृत्ते
 देवयजने याजयेद्वावृत्कामं यम्पात्रे वा तल्पे वा
 मीमांसेरन्प्राचीनमाहवनीयात्प्रवृणं स्यात्प्रतीचीनं गार्हपत्यादेतद्वै
 व्यावृत्तं देवयजनं वि पाप्मना भ्रातृव्येणा वर्तते नैनम्पात्रे न तल्पे
 मीमांसन्ते कार्ये देवयजने याजयेद्भूतिकामं कार्यो वै पुरुषो
 भवत्येव ॥६॥

तेभ्य उत्तरवेदिः सिंही रूपं कृत्वोभयानन्तरापुक्रम्यातिष्ठते देवा
 अमन्यन्त यतरान्वा इयमुपावत्स्यति त इदम्भविष्यन्तीति
 तामुपामन्त्रयन्त साब्रवीद्वरं वृणै सर्वान्मया कामान्व्यश्नवथ पूर्वा तु
 माग्नेराहुतिरश्नवता इति तस्मादुत्तरवेदिम्पूर्वामग्नेर्व्याधारयन्ति
 वारैवृतं ह्यस्यै शर्म्यया परि मिमीते ।१। मात्रैवास्यै साथौ
 युक्तेनैव युक्तमव रुद्धे वित्तायनी मेऽसीत्याह वित्ता
 ह्येनानावत्तिक्तायनी मे ऽसीत्याह तित्कान्ह्येनानावदवतान्मा
 नाथितमित्याह
 नाथितान्ह्येनानावदवतान्मा व्यथितमित्याह
 व्यथितान्ह्येनानावद्विदेर्गिर्नभो नामाग्ने अङ्गिर इति त्रिहंरति य एवैषु

लोकेष्वग्रयस्तानेवाव रुन्दे तूष्णीं चतुर्थं हृत्यनिरुक्तमेवाव रुन्दे
 सि महिषीरसीत्याह सिंहीर्ह्येषा रूपं
 कृत्वोभयानन्तरापक्रम्यातिष्ठ दुरु प्रथस्वोरु ते यज्ञपतिः
 प्रथतामित्याह यजमानमेव प्रजया पशुभिः प्रथयति
 ध्रुवासीति संहन्ति धृत्यै देवेभ्यः शुन्धस्व देवेभ्यः शुम्भस्वेत्यव
 चोक्षति प्र च किरति शुद्धया इन्द्रघोषस्त्वा वसुभिः
 पुरस्तात्पात्वित्याह दिग्भ्य एवैनम्प्रोक्षति
 देवाश्चेदुत्तरवेदिर्पाववर्तीहैव वि जयामहा इत्यसुरा वज्रमुद्यत्य
 देवानभ्यायन्त तानिन्द्रघोषो वसुभिः पुरस्तादपानुदत् मनोजवाः
 पितृभिर्दक्षिणतः प्रचेता रुद्रैः पश्चाद्विश्वकर्मादित्यैरुत्तरतो
 यदेवमुत्तरवेदिम्प्रोक्षति दिग्भ्य एव तद्यजमानो भ्रातृव्यान्प्रणुदत्
 इन्द्रो यतीन्त्सालावृकेभ्यः प्रायच्छत्तान्दक्षिणत उत्तरवेद्या
 आदन्यत्प्रोक्षणीनामुच्छिष्येत् तद्दक्षिणत उत्तरवेद्यै नि नयेद्यदेव तत्र
 क्रूरं तत्तेन शमयति
 यं द्विष्यात्तं ध्यायेच्छुचैवैनमर्पयति ॥७॥

सोत्तरवेदिर्ब्रवीत्सर्वान्मया कामान्व्यशनवथेति
 ते देवा अकामयन्तासुरान्भ्रातृव्यान्भि भवेमेति
 तैजुहवुः सिंहीरसि सपत्नसाही स्वाहेति
 तेऽसुरान्भ्रातृव्यान्भ्यभवन्तेऽसुरान्भ्रातृव्यान्भिभूयाकामयन्त प्रजां
 विन्देमहीति तैजुहवुः सिंहीरसि सुप्रजावनिः स्वाहेति ते
 प्रजामविन्दन्त
 ते प्रजां वित्त्वाकामयन्त पशून्विन्देमहीति तैजुहवुः सिंहीरसि
 रायस्पोषवनिः स्वाहेति ते पशून्विन्दन्त ते पशून्वित्त्वाकामयन्त
 प्रतिष्ठां विन्देमहीति
 तैजुहवुः सिंहीरस्यादित्यवनिः स्वाहेति

त इमाम्प्रतिष्ठामविन्दन्त त इमाम्प्रतिष्ठां वित्त्वाकामयन्त देवता
 आशिष उपैयामेति तैऽजुहवुः सिंहीरस्या वह देवान्देवयुते
 यजमानाय स्वाहेति ते देवता आशिष उपायन्पञ्च कृत्वो
 व्याधारयति पञ्चाक्षरा पुङ्क्तिः पाङ्क्तौ यज्ञो यज्ञमेवाव रुद्धेऽक्षया
 व्याधारयति तस्मादक्षया पशवोऽङ्गानि प्र हरन्ति प्रतिष्ठित्यै
 भूतेभ्यस्त्वेति स्तुचमुद्गृह्णाति य एव देवा भूतास्तेषां तद्भागधेयं
 तानेव तेन प्रीणाति
 पौतुद्रवान्परिधीन्परि दधात्येषां लोकानां विधृत्या अग्नेस्त्रयो
 ज्यायांसो भ्रातर आसन्ते देवेभ्यो हव्यं वहन्तः प्रामीयान्त
 सौऽग्निरभिभेदित्थं वाव स्य आर्तिमारिष्यतीति स निलायत स यां
 वनस्पतिष्ववसत्ताम्पूतुद्रौ यामोषधीषु तां सुगन्धितेजने याम्पशुषु
 ताम्पेत्वस्यान्तरा शृङ्गे तं देवताः प्रैषमच्छन्तमन्वविन्दन्तमब्रुवन्नुप न
 आ वर्तस्व हव्यं नो वहेति सौऽब्रवीद्वरं वृणौ यदेव गृहीतस्याहुतस्य
 बहिःपरिधि स्कन्दात्तन्मे भ्रातृणाम्भागधेयमसदिति
 तस्माद्यद्गृहीतस्याहुतस्य बहिःपरिधि स्कन्दति तेषां तद्भागधेयं
 तानेव तेन प्रीणाति सौऽमन्यतास्थन्वन्तौ मे पूर्वे भ्रातरः
 प्रामेषतास्थानि शातया इति स यान्यस्थान्यशातयत
 तत्पूतुद्रब्रभवद्यन्मांसमुपमृतं तद्गुल्गुलु
 यदेतान्संभारान्संभरत्यग्निमेव तत्संभरत्यग्नेः
 पुरीषमसीत्याहाग्नेर्ह्येतत्पुरीषं यत्संभारा अथो खल्वाहरेते वावैनं ते
 भ्रातरः परि शेरे यत्पौतुद्रवाः परिधय इति ॥८॥

बद्धमव स्यति वरुणपाशादेवैनं मुञ्चति
 प्र शैनेक्ति मेध्यै एवैनं करोति सावित्रियर्चा हुत्वा हविर्धाने प्र
 वर्तयति सवितृप्रसूत एवैने प्र वर्तयति वरुणो वा एष दुर्वागुभयतो
 बद्धो यदक्षः स यदुत्सर्जेद्यजमानस्य गृहानभ्युत्सर्जेत्सुवाग्दैव

दुर्याँ आ वदेत्याह गृहा वै दुर्याः शान्त्यै
 पत्युपानक्ति पत्नी हि सर्वस्य मित्रं मित्रत्वाय यद्वै पत्नी यज्ञस्य
 करोति मिथुनं तदथो पत्न्या एवैष यज्ञस्यान्वारम्भोनवच्छित्यै
 वर्त्मना वा अन्वित्य यज्ञँ रक्षाँसि जिघाँसन्ति
 वैष्णवीभ्यामृग्भ्यां वर्त्मनोर्जुहोति यज्ञो वै विष्णुर्यज्ञादेव रक्षाँस्यप
 हन्ति यदध्वर्युरनग्रावाहुतिं जुहुयादन्धोऽध्वर्युः स्याद्रक्षाँसि यज्ञँ
 हन्युर्हिरण्यमुपास्य जुहोत्यग्निवत्येव जुहोति नान्धोऽध्वर्युर्भवति न
 यज्ञँ रक्षाँसि घ्नन्ति प्राची प्रेतमध्वरं कल्पयन्ती इत्याह
 सुवर्गमेवैनै लोकं गमयत्यत्र रमेथां वर्षन्पृथिव्या इत्याह वर्षं
 ह्येतत्पृथिव्या यद्वैवयर्जनँ शिरो वा एतद्यज्ञस्य यद्वैविधानं दिवो
 वा विष्णवुत वा पृथिव्या इत्याशीर्षदयर्चा दक्षिणस्य हविर्धानस्य
 मेथीं नि हन्ति शीर्षत एव यज्ञस्य यजमान आशिषोऽव रुद्धे दण्डो
 वा औपरस्तृतीयस्य हविर्धानस्य वषट्कारेणाक्षमच्छिन्नद्यत्तृतीयं
 छदिर्हविर्धानयोरुदाह्रियतै तृतीयस्य हविर्धानस्यावरुद्ध्यै शिरो वा
 एतद्यज्ञस्य यद्वैविधानं विष्णो रराटमसि विष्णोः पृष्ठमुसीत्याह
 तस्मादेतावद्धा शिरो विष्यूतं विष्णोः स्यूरसि विष्णोर्ध्रुवमुसीत्याह
 वैष्णवँ हि देवतया हविर्धानं यम्प्रथमं ग्रन्थिं ग्रन्थीयात्यत्तं न
 विस्त्रँसयेदमेहेनाध्वर्युः प्र मीयेत तस्मात्स विस्त्रस्यः ॥६॥

देवस्य त्वा सवितुः प्रसव इत्यभ्रिमा दत्ते प्रसूत्या
 अश्विनोर्बाहुभ्यामित्याहाश्विनौ हि देवानामध्वर्यू आस्तां पूष्णो
 हस्ताभ्यामित्याह यत्यै वज्र इव वा एषा यदभ्रिरभ्रिरसि
 नारिरसीत्याह शान्त्यै कारडेकारडे वै क्रियमाणे यज्ञँ रक्षाँसि
 जिघाँसन्ति
 परिलिखितँ रक्षः परिलिखिता अरातय इत्याह रक्षसामपहत्या
 इदमहँ रक्षसो ग्रीवा अपि कृन्तामि योऽस्मान्द्वेष्टि यं च वयं द्विष्म

इत्याह द्वौ वाव पुरुषौ यं चैव द्वेष्टि यश्चैनं द्वेष्टि तयोरिवानन्तरायं
 ग्रीवाः कृन्तति दिवे त्वान्तरिक्षाय त्वा पृथिव्यै त्वेत्याहैभ्य एवैनां
 लोकेभ्यः प्रोक्षति पुरस्तादुर्वाचीम्प्रोक्षति
 तस्मात्पुरस्तादुर्वाचीम्मनुष्या ऊर्जमुप जीवन्ति
 क्रूरमिव वा एतत्करोति यत्खनत्यपोऽव नयति शान्त्यै यवमतीरव
 नयत्यूर्गवै यव ऊर्गुदुम्बर ऊर्जैवोर्जं समर्धयति यजमानेन
 सम्मितौदुम्बरी भवति यावानेव यजमानस्तावतीमेवास्मिन्नूर्जं
 दधाति पितृणां सदनमसीति बर्हिरव स्तृणाति पितृदेवत्यं
 ह्येतद्यन्निखातं यद्बर्हिरनवस्तीर्य मिनुयात्पितृदेवत्या निखाता
 स्याद्बर्हिरवस्तीर्य मिनोत्यस्यामेवैनां मिनोत्यथो स्वारुहमेवैनां
 करोत्यु द्विं स्तभानान्तरिक्षम्पृणेत्याहैषां लोकानां विधृत्यै
 द्युतानस्त्वा मारुतो मिनोत्वित्याह द्युतानो ह स्म वै मारुतो
 देवानामौदुम्बरीम्मिनोति तेनैवैनाम्मिनोति ब्रह्मवनिं त्वा
 क्षत्रवनिमित्याह यथायजुरेवै तद्धूतेन द्यावापृथिवी आ
 पृणेत्यामित्यौदुम्बर्या जुहोति द्यावापृथिवी एव
 रसेनानक्त्या न्तमन्ववस्त्रावयत्यान्तमेव यजमानं
 तेजसानक्त्यै न्द्रमसीति च्छदिरधि नि दधात्यैन्द्रं हि देवतया सदो
 विश्वजनस्य च्छायेत्याह विश्वजनस्य ह्येषा च्छाया यत्सदो नवच्छदि
 तेजस्कामस्य मिनुयात्त्रिवृता स्तोमैः सम्मितं तेजस्त्रिवृत्तैजस्यैव
 भवत्येकादशच्छदीन्द्रियकामस्यैकादशाक्षरा त्रिष्टुगिन्द्रियं
 त्रिष्टुगिन्द्रियाव्यैव भवति पञ्चदशच्छदि भ्रातृव्यवतः पञ्चदशो वज्रो
 भ्रातृव्याभिभूत्यै सप्तदशच्छदि प्रजाकामस्य सप्तदशः प्रजापतिः
 प्रजापतेराप्त्या एकविंशतिच्छदि प्रतिष्ठाकामस्यैकविंशः
 स्तोमानाम्प्रतिष्ठा प्रतिष्ठित्या उदरं वै सद ऊर्गुदुम्बरो मध्यत
 औदुम्बरीम्मिनोति मध्यत एव प्रजानामूर्जं दधाति तस्मान्मध्यत
 ऊर्जा भुञ्जते यजमानलोके वै दक्षिणानि च्छदींषि भ्रातृव्यलोक

उत्तराणि दक्षिणान्युत्तराणि करोति यजमानमेवायजमानादुत्तरं
 करोति तस्माद्यजमानोऽयजमानादुत्तरोऽन्तर्वर्तान्करोति व्यावृत्त्यै
 तस्मादरण्यम्प्रजा उप जीवन्ति
 परि त्वा गिर्वर्णो गिर इत्याह यथायजुरेवैत दिन्द्रस्य स्यूरसीन्द्रस्य
 ध्रुवमसीत्याहैन्द्रं हि देवतया सदो यम्प्रथमं ग्रन्थिं
 ग्रन्थीयाद्यत्तं न विस्त्रंसयेदमैहेनाध्वर्युः प्र मीयेत तस्मात्स
 विस्त्रस्यः ॥१०॥

शिरो वा एतद्यज्ञस्य यद्धविधानम्प्राणा उपरवा हविर्धाने खायन्ते
 तस्माच्छीर्षन्प्राणा अधस्तात्खायन्ते
 तस्मादधस्ताच्छीर्षः प्राणा रक्षोहणौ वलगहनौ
 वैष्णवान्खनामीत्याह वैष्णवा हि देवतयोपरवा असुरा वै निर्यन्तौ
 देवानाम्प्राणेषु वलगान्नयस्वनन्तान्बाहुमात्रेऽन्वविन्दन्तस्माद्बाहुमात्राः
 खायन्त इदमहं तं वलगमुद्वपामि यं नः समानो यमसमानो
 निचखानेत्याह द्वौ वाव पुरुषौ यश्चैव समानो यश्चासमानो यमेवास्मै
 तौ वलगं निखनन्तस्तमेवोद्वपति सं तृणन्ति तस्मात्संतृणणा अन्तरतः
 प्राणा न सम्भिनन्ति
 तस्मादसम्भिन्नाः प्राणा अपोऽव नयति तस्मादाद्रा अन्तरतः प्राणा
 यवमतीरव नयत्यूगवैयवः प्राणा उपरवाः प्राणेष्वेवोर्जं दधाति
 बर्हिरव स्तृणाति तस्माल्लोमशा अन्तरतः प्राणा आज्येन
 व्याधारयति तेजो वा आज्यं प्राणा उपरवाः प्राणेष्वेव तेजो दधाति
 हनू वा एते यज्ञस्य यदधिषवणे न सं तृणन्त्यध्वसंतृणणे हि हनू अथो
 खलु दीर्घसोमे संतृद्ये धृत्यै शिरो वा एतद्यज्ञस्य यद्धविधानं ।३।
 प्राणा उपरवा हनू अधिषवणे जिह्वा चर्म ग्रावाणो दन्ता
 मुखमाहवनीयो नासिकोत्तरवेदिरुदरं सदो यदा खलु वै जिह्वया
 दत्स्वधि खादत्यथ मुखं गच्छति यदा मुखं गच्छत्यथोदरं गच्छति

तस्माद्धविधानि चर्मन्नधि ग्रावभिरभिषुत्याहवनीये हुत्वा प्रत्यञ्चः
 पुरेत्य सदसि भक्षयन्ति यो वै विराजौ यज्ञमुखे दोहं वेद दुह
 एवैनामियं वै विराट् तस्यै त्वक्चर्मोऽधोऽधिषवणे स्तना उपरवा
 ग्रावाणो वत्सा ऋत्विजौ दुहन्ति सोमः पयो य एवं वेद दुह
 एवैनाम् ॥११॥

इति षष्ठकारण्डे द्वितीयः प्रपाठकः २

अथ षष्ठकारण्डे तृतीयः प्रपाठकः ३

चात्वालाद्धिष्ण्यानुप वपति योनिर्वै यज्ञस्य चात्वालं यज्ञस्य
 सयोनित्वार्य देवा वै यज्ञम्पराजयन्त
 तमाग्नीध्रात्पुनरपाजयन्नेतद्वै यज्ञस्यापराजितं यदाग्नीध्रं
 यदाग्नीध्राद्धिष्ण्यान्विहरति यदेव यज्ञस्यापराजितं तत
 एवैनम्पुनस्तनुते पराजित्यैव खलु वा एते यन्ति ये बहिष्पवमानं
 सर्पन्ति बहिष्पवमाने स्तुत आहाग्नीदग्नीन्वि हर बर्हिः स्तृणाहि
 पुरोडाशां अलं कुर्विति
 यज्ञमेवापजित्य पुनस्तन्वाना यन्त्यङ्गिरिद्वे सर्वने वि हरति
 शलाकाभिस्तृतीयं सशुक्रत्वायाथो सम्भरत्येवैनं द्विष्ण्या वा
 अमुष्मिल्लोके सोममरक्षन्तेभ्योऽधि
 सोममाहरन्तमन्वायन्तम्पर्यविशन्त्य एवं वेद विन्दते परिवेष्टारं ते
 सौमपीथेन व्यार्ध्यन्त ते देवेषु सौमपीथमैच्छन्त तान्देवा अब्रुवन्देद्वे
 नामनी कुरुध्वमथ प्र वाप्स्यथ न वेत्यग्रयो वा अथ
 धिष्ण्यास्तस्मादिद्वनामा ब्राह्मणोऽर्धुकस्तेषां ये नेदिष्ठम्पर्यविशन्ते
 सौमपीथम्प्राप्नुवन्नाहवनीय आग्नीधीर्यो होत्रीर्यो मार्जालीयस्तस्मात्तेषु
 जुह्वत्यतिहाय वर्षट्करोति
 वि ह्येते सौमपीथेनार्ध्यन्त देवा वै याः प्राचीराहुतीरजुहवुर्ये
 पुरस्तादसुरा आसन्तां स्ताभिः प्राणुदन्त याः प्रतीचीर्ये पश्चादसुरा

आस॒न्ताँ॑ स्ता॒भिर॒पा॒नुद॒न्त
 प्राची॑र॒न्या आ॒हु॒तयो॑ हू॒यन्ते॑ प्र॒त्यङासी॑नो धि॒ष्णि॒यान्व्याघा॑रयति
 प॒श्चाच्चै॒व पु॒रस्ता॑च्च य॒ज॒मानो॑ भ्रातृ॒व्यान्प्र॑ शु॒दते॑
 तस्मा॒त्प्राचीः॑ प्र॒जाः प्र॒ वी॒यन्ते॑ प्र॒तीची॑र्जायन्ते प्रा॒णा वा ए॒ते
 यद्धि॒ष्णि॒या यद॑ध्व॒र्युः प्र॒त्यङधि॒ष्णि॒यान॒तिसर्पे॑त्प्रा॒णान्त॑सं
 कर्षे॑त्प्र॒मायु॑कः स्या॒न्नाभि॒र्वा ए॒षा यु॒ज्ञस्य॑ यद्धो॒तोर्ध्वः॑ खलु॒ वै नाभ्यै॑
 प्रा॒णोऽवा॑ङ॒पानो॑ यद॑ध्व॒र्युः प्र॒त्यङ॒होता॑रम॒तिसर्पे॑द॒पाने॑ प्रा॒णं
 द॑ध्यात्प्र॒मायु॑कः स्या॒न्नाध्व॒र्युरु॑प॒ गाये॒द्वाग्वी॒र्यो वा
 अ॒ध्व॒र्युर्यद॑ध्व॒र्युरु॑प॒गाये॒दुद्गा॒त्रे वाच॑ँ॒ सम्प्र॑ यच्छेदु॒पदा॑सु॒कास्य॑
 वाक्स्या॑ द्ब्रह्म॒वादि॒नो वद॑न्ति
 नास॑ँ॒ स्थि॒ते सोमे॑ऽध्व॒र्युः प्र॒त्यङ्क॒सदोऽती॑यादथ॒ क॒था दा॑क्षि॒णानि॑
 होतु॑मेति॒ यामो॑ हि स॒ तेषां॑ कस्मा॒ अहं॑ दे॒वा यामं॑ वा॒यामं॑ वा॒नु
 ज्ञास्य॑न्तीत्यु॒त्तरे॑णा॒ग्नीध्र॑म्परीत्य॒ जुहो॑ति दा॒क्षि॒णानि॑ न प्रा॒णान्त॑सं
 कर्ष॑ति न्य॒न्ये धि॒ष्णि॒या उ॒प्यन्ते॑ नान्ये॒ यान्नि॒वप॑ति॒ तेन॑ तान्प्री॒णाति॑
 यान्न॑ नि॒वप॑ति॒ यद॑नुदि॒शति॑ तेन॒ तान् ॥१॥

सु॒व॒र्गाय॑ वा ए॒तानि॑ लो॒काय॑ हू॒यन्ते॑ यद्वैस॒र्जनानि॑
 द्वाभ्यां॑ गा॒र्हप॑त्ये जुहोति॒ द्वि॒पाद्य॑ज॒मानः॑ प्र॒तिष्ठि॑त्या आ॒ग्नीध्रे॑
 जुहो॑त्यन्त॒रिक्ष॑ ए॒वा क्र॑मत आ॒हव॑नीये जुहोति
 सु॒व॒र्गमे॒वैनं॑ लो॒कं ग॑मयति दे॒वान्वै सु॑व॒र्गं लो॒कं य॒तो
 रक्षाँ॑स्यजिघाँ॑सन्ते सोमे॒न॒ राज्ञा॑ रक्षाँ॑स्यप॒हत्या॑प्तुमा॒त्मानं॑ कृ॒त्वा
 सु॒व॒र्गं लो॒कमा॑य॒न् रक्ष॑साम॒नुप॑लाभा॒यातः॑ सोमो॑ भव॒त्यथ॑ ।१।
 वैस॒र्जनानि॑ जुहोति॒ रक्ष॑साम॒पहत्यै॑ त्वँ॑ सोम॒ तनू॑कृ॒द्भ्य इत्या॑ह
 तनू॑कृ॒द्भ्यैष॑ द्वेषो॒भ्योऽन्य॑कृ॒तेभ्य॑ इत्या॑हान्यकृ॒तानि॑ हि रक्षाँ॑स्यु॒रु
 य॒न्तासि॑ वरू॒थमि॒त्याहो॑रु शंस्कृ॒धीति॑ वावैतदा॑ह जुषा॒णो
 अ॒मुरा॑ज्यस्य वे॒त्वित्या॑हा॒प्तुमे॒व य॑ज॒मानं॑ कृ॒त्वा सु॑व॒र्गं लो॒कं ग॑मयति

रक्षसामनुपलाभाया सोमं ददत आ ग्राव्ण आ वायव्यान्या
 द्रोणकलशमुत्पत्नीमा नयन्त्यन्वनांसि प्र वर्तयन्ति यावदेवास्यास्ति
 तेन सह सुवर्गं लोकमैति नयवत्यर्चाग्रीध्रे जुहोति सुवर्गस्य
 लोकस्याभिनीत्यै ग्राव्णौ वायव्यानि द्रोणकलशमाग्रीध्र उप
 वासयति वि ह्येनं तैर्गृह्णते यत्सहोपवासयैदपुवायेत सौम्यर्चा प्र
 पादयति स्वयैवैनं देवतया प्र पादयत्य दित्याः सदोऽस्यदित्याः
 सद आ सीदेत्याह यथायजुरेवैत द्यजमानो वा एतस्य पुरा गोप्ता
 भवत्येष वो देव सवितः सोम इत्याह सवितृप्रसूत एवैनं देवताभ्यः
 सम्प्र यच्छत्ये तत्त्वँ सोम देवो देवानुपागा इत्याह
 देवो ह्येष सन्देवानुपैतीदमहम्मनुष्यौ मनुष्यानित्याह मनुष्योऽह्येष
 सन्मनुष्यानुपैति यदेतद्यजुर्न ब्रूयादप्रजा अपशुर्यजमानः स्यात्सह
 प्रजया सह रायस्पोषेणेत्याह प्रजयैव पशुभिः सहेमं लोकमुपावर्तते
 नमो देवेभ्य इत्याह नमस्कारो हि देवानाँ स्वधा पितृभ्य इत्याह
 स्वधाकारो हि पितृणा मिदमहं निर्वरुणस्य पाशादित्याह
 वरुणपाशादेव निर्मुच्यतेऽग्रे व्रतपत आत्मनः पूर्वा तनूरादेयेत्याहुः
 को हि तद्वेद यद्वसीयान्त्सस्वे वशे भूते पुनर्वा ददाति न वेति
 ग्रावाणो वै सोमस्य राज्ञो मलिम्लुसेना
 य एवं विद्वान्ग्राव्ण आग्रीध्र उपवासयति नैनम्मलिम्लुसेना विन्दति
 ॥२॥

वैष्णव्यर्चा हुत्वा यूपमच्छैति वैष्णवो वै देवतया यूपः स्वयैवैनं
 देवतयाच्छैत्य त्यन्यानगां नान्यानुपागामित्याहाति ह्यन्यानेति
 नान्यानुपैत्यर्वाक्त्वा परैरविदम्परोवरैरित्याहार्वागध्येनम्परैर्विन्दति
 परोवरैस्तं त्वा जुषे ।१। वैष्णवं देवयज्याया इत्याह देवयज्यायै
 ह्येनं जुषते
 देवस्त्वा सविता मध्वानुक्त्वित्याह तेजसैवैनमनुक्त्योषधे

त्रायस्वैन॑ स्व॒धिते॒ मै॒न॑ हि॒ सी॒रित्या॑ह वज्रो॒ वै स्व॒धितिः॑ शान्त्यै
 स्व॒धिते॒र्वृक्षस्य॑ बिभ्य॒तः प्रथ॑मे॒न श॒कले॑न स॒ह तेजः॑ परा॒ पत॑ति यः
 प्रथ॑मः श॒कलः॑ परा॒पते॑त्तमप्या॒ हरे॒त्स ते॑जसमे॒वैन॑मा॒हरती॑ मे॒ वै
 लो॒का यू॒पात्प्र॑यतो बिभ्य॒ति दि॒वम॒ग्रेण॑ मा॒ लेखी॑रन्तरि॒क्षम्ध्ये॑न॒ मा
 हि॒ सी॒रित्या॑हैभ्य ए॒वैनं॑ लो॒केभ्यः॑ शमय॒ति वन॑स्पते श॒तव॑ल्शो वि
 रोहे॒त्याव॑श्च॒ने जु॒होति॑ तस्मा॒दाव॑श्च॒नादू॒क्षाणा॑म्भूयाँ॑स॒ उत्तिष्ठ॑न्ति
 स॒हस्र॑वल्शा वि व॒यँ रु॒हेमे॒त्याहा॑शिषमे॒वैता॒मा शा॒स्तेऽन॑क्षसङ्गं
 वृ॒श्चे द्य॑दक्षस॒ङ्गं वृ॒श्चे द॑ध॒र्षं य॒जमान॑स्य प्र॒मायु॑कँ स्या॒ द्यं
 का॒मये॒ताप्र॑तिष्ठितः स्या॒दित्या॑रोहं तस्मै॒ वृ॒श्चेद॑ेष वै
 वन॒स्पती॑नामप्रतिष्ठितो॒ प्रतिष्ठित॑ ए॒व भ॑वति
 यं का॒मये॒ताप॒शुः स्या॒दित्य॑पूर्णं तस्मै॒ शुष्का॑ग्रं वृ॒श्चेद॑ेष वै
 वन॒स्पती॑नामपश॒व्योऽप॒शुरे॒व भ॑वति यं का॒मये॒त प॒शुमा॑न्त्स्या॒दिति॑
 बहु॒पूर्णं तस्मै॑ बहु॒शाखं॑ वृ॒श्चेद॑ेष वै वन॒स्पती॑नामपश॒व्यः प॒शुमा॑ने॒व
 भ॑वति प्रतिष्ठितं वृ॒श्चेत्प्र॑तिष्ठाका॒मस्यै॑ष वै वन॒स्पती॑नामप्रतिष्ठितो यः
 स॒मे भूम्यै॑ स्वा॒द्योने॑ रू॒ढः प्र॒त्यैव॑ तिष्ठति यः प्र॒त्यङ्मु॑प॒नत॑स्तं
 वृ॒श्चेत्स॒ हि मे॒धम॑भ्युप॒नतः॑ पञ्चा॒रविं॑ तस्मै॒ वृ॒श्चेद्यं॑ का॒मये॒तोपै॑नमु॒त्तरो
 य॒ज्ञो न॑मेदिति पञ्चा॒क्षरा॑ प॒ङ्क्तिः पाङ्क्तौ॑ य॒ज्ञ उ॒पै॑नमु॒त्तरो य॒ज्ञो न॑मति
 षड॑रविमप्रतिष्ठाका॒मस्य॑ षड्वा ऋ॒तव॑ ऋ॒तुष्वे॒व प्र॑ति तिष्ठति
 स॒प्तार॑विमप्रतिष्ठाका॒मस्य॑ स॒प्तप॑दा श॒क्वरी॑ प॒शवः॑ श॒क्वरी॑ प॒शूने॒वाव॑
 रु॒द्धे न॒वारविं॑ तेज॒स्काम॑स्य त्रि॒वृता॑ स्तोमे॒न स॒मि॒तं
 तेज॑स्त्रि॒वित्तै॒जस्व्यै॒व भ॑वत्येका॒दशा॒रवि॑मिन्द्रि॒यका॑मस्यैका॒दशा॒क्षरा॑
 त्रि॒ष्टुगिन्द्रि॒यं त्रि॒ष्टुगिन्द्रि॒याव्यै॒व भ॑वति पञ्च॒दशा॒रवि॑मभ्रातृव्यवतः
 पञ्च॒दशो॑ वज्रो भ्रातृव्याभिभूत्यै स॒प्तद॑शा॒रवि॑मप्रजाका॒मस्य॑ सप्त॒दशः॑
 प्र॒जाप॑तिः प्र॒जाप॑तेरा॒प्त्या एक॑विँ॒शत्य॑रविमप्रतिष्ठाका॒मस्यै॑कविँ॒शः
 स्तो॒मा॒नाम॑प्रतिष्ठा प्रतिष्ठित्या अ॒ष्टाश्रि॑र्भवत्य॒ष्टाक्ष॑रा गाय॒त्री तेजो॑
 गाय॒त्री गाय॒त्री य॒ज्ञमु॑खं तेज॒सैव॑ गाय॒त्रिया॑ य॒ज्ञमु॑खे॒न स॒मि॒तः ॥३॥

पृथिव्यै त्वान्तरिक्षाय त्वा दिवे त्वेत्याहैभ्य एवैनं लोकेभ्यः प्रोक्षति
 पराञ्चम्प्रोक्षति पराङिव हि सुवर्गो लोकः क्रूरमिव वा एतत्करोति
 यत्स्वनत्यपोर्व नयति शान्त्यै यवमतीरव नयत्यूगर्वै यवो यजमानेन
 यूपः सम्मितो यावानेव यजमानस्तावतीमेवास्मिन्नूर्जं दधाति
 पितृणां सदनमसीति बहिरव स्तृणाति पितृदेवत्यां२५
 ह्येतद्यन्निखातं यद्बहिरनवस्तीर्य मिनुयात्पितृदेवत्यो निखातः
 स्याद्बहिरवस्तीर्य मिनोत्यस्यामेवैनम्मिनोति यूपशकलमवास्यति
 सतैजसमेवैनम्मिनोति

देवस्त्वा सविता मध्वानुक्त्वत्याह तेजसैवैनमनक्ति
 सुपिप्पलाभ्यस्त्वौषधीभ्य इति चषालम्प्रति मुञ्चति तस्माच्छीर्षत
 ओषधयः फलं गृह्णन्त्य नक्ति तेजो वा आज्यं यजमानेनाग्निष्ठाश्रिः
 सम्मिता यदग्निष्ठामश्रिमनक्ति यजमानमेव
 तेजसानक्त्यान्तमनक्त्यान्तमेव यजमानं तेजसानक्ति सर्वतः परि
 मृशत्यपरिवर्गमेवास्मिन्तेजो दधात्यु दिवः२६
 स्तभानान्तरिक्षम्पृणेत्याहैषां लोकानां विधृत्यै वैष्णव्यर्चा कल्पयति
 वैष्णवो वै देवर्तया यूपः स्वयैवैनं देवर्तया कल्पयति द्वाभ्यां
 कल्पयति द्विपाद्यजमानः प्रतिष्ठित्यै यं कामयैत तेजसैनं
 देवताभिरिन्द्रियेण व्यर्धयेयमित्यग्निष्ठां तस्याश्रिमाहवनीयादित्थं
 वेत्थं वाति नावयेत्तेजसैवैनं देवताभिरिन्द्रियेण व्यर्धयति यं
 कामयैत तेजसैनं देवताभिरिन्द्रियेण समर्धयेयमित्यग्निष्ठां
 तस्याश्रिमाहवनीयेन सम्मिनुयात्तेजसैवैनं देवताभिरिन्द्रियेण
 समर्धयति

ब्रह्मवनिं त्वा क्षत्रवनिमित्याह यथायजुरेवैतत्परि व्ययत्यूगर्वै रशना
 यजमानेन यूपः सम्मितो यजमानमेवोर्जा समर्धयति नाभिदघ्ने परि
 व्ययति नाभिदघ्न एवास्मा ऊर्जं दधाति तस्मान्नाभिदघ्न ऊर्जा भुञ्जते
 यं कामयैतोर्जनं व्यर्धयेयमित्यूर्ध्वा वा तस्यावाचीं वावोहेदूर्जैवैनं

व्यर्धयति यदि कामयेत वर्षुकः पर्जन्यः
 स्यादित्यवाचीमवोहेद्वष्टिमेव नि यच्छति यदि कामयेतावर्षुकः
 स्यादित्यूध्वामुदूहेद्वष्टिमेवोद्यच्छति पितृणां निखातम्मनुष्याणामूध्वं
 निखातादा रशनाया ओषधीनां रशना विश्वेषां देवानामूध्वं
 रशनाया आ चषालादिन्द्रस्य चषालं साधानामतिरिक्तं स वा
 एष सर्वदेवत्यौ यद्वूपो यद्वूपम्मिनोति सर्वा एव देवताः प्रीणाति
 यज्ञेन वै देवाः सुवर्गं लोकमायन्तैऽमन्यन्त मनुष्या
 नोऽन्वाभविष्यन्तीति ते यूपेन योपयित्वा सुवर्गं लोकमायन्तमृषयो
 यूपेनैवानु प्राजानन्तद्वूपस्य यूपत्वं यद्वूपम्मिनोति सुवर्गस्य लोकस्य
 प्रजात्यै पुरस्तान्मिनोति पुरस्ताद्धि यज्ञस्य प्रजायतेऽप्रजातं हि
 तद्यदतिपन्न आहुरिदं कार्यमासीदिति साध्या वै देवा
 यज्ञमत्यमन्यन्त तान्यज्ञो
 नास्पृशत्तान्यद्यज्ञस्यातिरिक्तमासीत्तदस्पृशदतिरिक्तं वा एतद्यज्ञस्य
 यदग्नावग्निमथित्वा प्रहरत्यतिरिक्तमेतद्वूपस्य यदूध्वं चषालात्तेषां
 तद्भागधेयं तानेव तेन प्रीणाति देवा वै सः स्थिते सोमे प्र
 स्तुचोर्हरन् यूपं तैऽमन्यन्त यज्ञवेशसं वा इदं कुर्म इति ते प्रस्तरं
 स्तुचां निष्क्रयणमपश्यन्स्वरुं यूपस्य सः स्थिते सोमे प्र प्रस्तरं
 हरति जुहोति स्वरुमयज्ञवेशसाय ॥४॥

साध्या वै देवा अस्मिँल्लोक आसन्नान्यत्किं च न मिषत्तैऽग्निमेवाग्नये
 मेधायालभन्त न ह्यन्यदालम्भ्यमविन्दन्ततो वा इमाः प्रजाः
 प्राजायन्त
 यदग्नावग्निमथित्वा प्रहरति प्रजानाम्प्रजननाय
 रुद्रो वा एष यदग्निर्यजमानः पशुर्यत्पशुमालभ्याग्निमन्थेद्बुद्राय
 यजमानमपि दध्यात्प्रमायुकः स्या दथो खल्वाहुरग्निः सर्वा देवता
 हविरेतद्यत्पशुरिति यत्पशुमालभ्याग्निमन्थति हव्यायैवासन्नाय

सर्वा देवता जनयत्यु पाकृत्यैव मन्थ्यस्तन्नेवालब्धं
 नेवानालब्धं मुग्नेर्जनित्रमसीत्याहामेर्ह्येतज्जनित्रं वृषणौ स्थ इत्याह
 वृषणौ ह्येता वुर्वश्यस्यायुरसीत्याह मिथुनत्वाय घृतेनाक्ते वृषणं
 दधाथामित्याह वृषणं ह्येते दधाते ये अग्निं गायत्रं छन्दोऽनु प्र
 जायस्वेत्याह
 छन्दोभिरेवैनमुग्रं जनयत्यु ग्रये मन्थ्यमानायानु ब्रूहीत्याह
 सावित्रीमृचमन्वाह सवितृप्रसूत एवैनंमन्थति जातायानु ब्रूहि
 प्रहियमाणायानु ब्रूहीत्याह कारडंकारड एवैनं क्रियमाणे समर्धयति
 गायत्रीः सर्वा अन्वाह गायत्रच्छन्दा वा अग्निः स्वेनैवैनं छन्दसा
 समर्धयत्युग्निः पुरा भवत्युग्निर्मथित्वा प्र हरति तौ सम्भवन्तौ
 यजमानमभि सम्भेवतो भवतं नः समनसावित्याह शान्त्यै प्रहृत्य
 जुहोति जातायैवास्मा अन्नमपि दधात्याज्येन जुहोत्येतद्वा अग्नेः प्रियं
 धाम यदाज्यं प्रियेणैवैनं धाम्ना समर्धयत्यथो तेजसा ॥५॥

इषे त्वेति बर्हिरा दत्त इच्छत इव ह्येष यो यजत उपवीरसीत्याहोप
 ह्येनानाकरोत्यु पौ देवान्दैवीर्विशः प्रागुरित्याह दैवीर्ह्येता विशः
 सतीर्देवानुपयन्ति वह्नीरुशिज इत्याहर्त्विजो वै वह्नय
 उशिजस्तस्मादेवमाह बृहस्पते धारया वसूनीत्याह ब्रह्म वै
 देवानाम्बृहस्पतिर्ब्रह्मणैवास्मै पशूनव रुद्धे हव्या तै स्वदन्तामित्याह
 स्वदयत्येवैनान्देवं त्वष्टर्वसु रशवेत्याह त्वष्टा वै पशूनामिथुनानां
 रूपकद्रूपमेव पशुषु दधाति रेवती रमध्वमित्याह पशवो वै रेवतीः
 पशूनेवास्मै रमयति देवस्य त्वा सवितुः प्रसव इति रशनामा दत्ते
 प्रसूत्या अश्विनोर्बाहुभ्यामित्याहाश्विनौ हि देवानामध्वर्यू
 आस्ताम्पूष्णो हस्ताभ्यामित्याह यत्या ऋतस्य त्वा देवहविः पाशेना
 रभ इत्याह सत्यं वा ऋतं सत्येनैवैनमृतेना रभतेऽक्षण्या परि हरति
 वध्यं हि प्रत्यञ्चमप्रतिमुञ्चन्ति व्यावृत्त्यै

धर्षा मानुषानिति नि युनक्ति धृत्या
 अद्ध्यस्त्वौषधीभ्यः प्रोक्षामीत्याहाद्ध्यो ह्यौष ओषधीभ्यः सुम्भवति
 यत्पशु रपाम्पेरुरसीत्याह्यैष ह्यपाम्पाता यो मेधायारभ्यतै
 स्वात्तं चित्सदैवꣳ हव्यमापौ देवीः स्वदतैनुमित्याह
 स्वदयत्येवैनं मुपरिष्ठात्प्रोक्षत्युपरिष्ठादेवैनन्मेध्यं करोति
 पाययत्यन्तरत एवैनन्मेध्यं करोत्यधस्तादुपौक्षति सर्वत एवैनन्मेध्यं
 करोति ॥६॥

अग्निना वै होत्रा देवा असुरानभ्यभवन्नग्नयै समिध्यमानायानु
 ब्रूहीत्याह भ्रातृव्याभिभूत्यै सप्तदश सामिधेनीरन्वाह सप्तदशः
 प्रजापतिः प्रजापतेराप्तयै सप्तदशान्वाह द्वादश मासाः पञ्चर्तवः स
 संवत्सरः संवत्सरम्प्रजा अनु प्र जायन्ते प्रजानाम्प्रजननाय देवा वै
 सामिधेनीरनूच्य यज्ञं नान्वपश्यन्त्स
 प्रजापतिस्तूष्णीमाधारमाऽधारयत्ततो वै देवा
 यज्ञमन्वपश्यन्त्यतूष्णीमाधारमाधारयति यज्ञस्यानुख्यात्या असुरेषु वै
 यज्ञ आसीत्तं देवास्तूष्णीꣳ होमेनावृञ्जत यतूष्णीमाधारमाधारयति
 भ्रातृव्यस्यैव तद्यज्ञं वृद्धे परिधीन्सम्माष्टि पुनात्येवैनान्त्रिस्त्रिः
 सम्माष्टि त्र्यावृद्धि यज्ञोऽथो रक्षसामपहत्यै द्वादश सम्पद्यन्ते द्वादश
 मासाः संवत्सरः संवत्सरमेव प्रीणात्यथो संवत्सरमेवास्मा उप
 दधाति सुवर्गस्य लोकस्य समष्ट्यै शिरो वा एतद्यज्ञस्य
 यदाधारोऽग्निः सर्वा देवता यदाधारमाधारयति शीर्षत एव यज्ञस्य
 यजमानः सर्वा देवता अर्वा रुद्धे शिरो वा एतद्यज्ञस्य यदाधार
 आत्मा पशुराधारमाधार्य पशुꣳसमनक्त्यात्मन्नेव यज्ञस्य शिरः प्रति
 दधाति सं तै प्राणो वायुना गच्छतामित्याह वायुदेवत्यौ वै प्राणो
 वायावेवास्य प्राणं जुहोति सं यजत्रैरङ्गानि सं यज्ञपतिराशिषेत्याह
 यज्ञपतिमेवास्याशिषं गमयति विश्वरूपो वै त्वाष्ट्र

उपरिष्ठात्पशुभ्यवमीत्तस्मादुपरिष्ठात्पशोर्नाव द्यन्ति
यदुपरिष्ठात्पशुं समनक्ति मेध्यमेवैनं करोत्यृत्विजौ वृणीते
छन्दाँस्येव वृणीते सप्त वृणीते सप्त ग्राम्याः पशवः सप्तरायाः सप्त
छन्दाँस्युभयस्यावरुद्ध्या एकादश प्रयजान्यजति दश वै पशोः
प्राणा आत्मैकादशो यावानेव पशुस्तम्प यजति वृषामेकः परि शय
आत्मैवात्मानम्परि शये वज्रो वै स्वधितिर्वज्रो यूपशकलो घृतं खलु
वै देवा वज्रं कृत्वा सोममघ्नन्मृतेनाक्तौ पशुं त्रायेथामित्याह
वज्रैणैवैनं वशं कृत्वा लभते ॥७॥

पर्याग्नि करोति सर्वहुतमेवैनं करोत्यस्कन्दायास्कन्नं हि तद्यद्धुतस्य
स्कन्दति त्रिः पर्याग्नि करोति त्र्यावृद्धि यज्ञोऽथो रक्षसामपहत्यै
ब्रह्मवादिनो वदन्त्यन्वारभ्यः पशून्वान्वारभ्या इति मृत्यवे वा एष
नीयते यत्पशुस्तम्यदन्वारभेत प्रमारुको यजमानः स्यादथो
खल्वाहः सुवर्गाय वा एष लोकार्य नीयते यत्पशुरिति यन्वान्वारभेत
सुवर्गाल्लोकाद्यजमानो हीयेत वपाश्रपणीभ्यामन्वारभते
तन्नेवान्वारब्धं नेवानन्वारब्धमुप प्रेष्य होतर्हव्या देवेभ्य
इत्याहेषितं हि कर्म क्रियते रेवतीर्यज्ञपतिं प्रियुधा विशतेत्याह
यथायजुरेवैतदग्निना पुरस्तादेति रक्षसामपहत्यै पृथिव्याः संपृचः
पाहीति बहिरुपास्यत्यस्कन्दायास्कन्नं हि तद्यद्बहिरिषि स्कन्दत्यथो
बहिरिषदमेवैनं करोति

पराडा वर्ततेऽध्वर्युः पशोः संज्ञप्यमानात्पशुभ्य एव तन्नि हृत
आत्मनोनावस्काय गच्छति श्रियम्पशूनाप्रोति य एवं वेद
पश्चाल्लोका वा एषा प्राच्युदानीयते यत्पत्नी नमस्त
आतानेत्याहादित्यस्य वै रश्मयः आतानास्तेभ्य एव
नमस्करोत्यनुवा प्रेहीत्याह भ्रातृव्यो वा अर्वा भ्रातृव्यापनुत्यै
घृतस्य कुल्यामनु सह प्रजया सह रायस्पोषेणेत्याहाशिषमेवैतामा

शास्तु आपो देवीः शुद्धायुव इत्याह यथायजुरेवैतत् ॥८॥

पुशोर्वा आलब्धस्य प्राणाञ्छुगृच्छति वाक्तु आ प्यायताम्प्राणस्तु आ
प्यायतामित्याह प्राणेभ्य एवास्य शुचं शमयति सा प्राणेभ्योऽधि
पृथिवीं शुक्प्र विशति

शमहो यामिति नि नयत्यहोरात्राभ्यामेव पृथिव्यै शुचं
शमयत्यो षधे त्रायस्वैनं स्वधिते मेनं हिंसीरित्याह वज्रो वै
स्वधितिः शान्त्यै

पार्श्वत आ च्छयति मध्यतो हि मनुष्या आच्छयन्ति तिरश्चीनुमा
च्छयत्यनूचीनुं हि मनुष्या आच्छयन्ति व्यावृत्त्यै
रक्षसाम्भागौऽसीति स्थविमतो बहिरक्त्वापास्यत्यस्त्रैव रक्षांसि
निरवदयत इदमहं रक्षोऽधमं तमौ नयामि योऽस्मान्द्वेष्टि यं च वयं
द्विष्म इत्याह द्वौ वाव पुरुषौ यं चैव द्वेष्टि यश्चैनं द्वेष्टि तावुभावधमं
तमौ नयती षे त्वेति वपामुत्विदतीच्छत इव ह्येष यो यजते
यदुपतृन्धाद्द्रौऽस्य पशून्धातुकः स्याद्यन्नोपतृन्धादयता
स्यादन्ययौपतृणत्यन्यया न धृत्यै घृतेन द्यावापृथिवी
प्रोणर्वाथामित्याह द्यावापृथिवी एव रसेनानक्त्य च्छिन्नो रायः
सुवीर इत्याह यथायजुरेवैतत्क्रूरमिव वा एतत्करोति
यद्वपामुत्विदत्युर्वन्तरिक्षमन्विहीत्याह शान्त्यै प्र वा
एषोऽस्माल्लोकाच्चयवते यः पशुम्मृत्यवै नीयमानमन्वारभते
वपाश्रपणी पुनरन्वारभतेऽस्मिन्नेव लोके प्रति तिष्ठत्यग्निना
पुरस्तादेति रक्षसामपहत्या अथो देवता एव हव्येनान्वेति
नान्तममङ्गारमति हरेद्यदन्तममङ्गारमतिहरेद्देवता अति मन्येत वायो
वीहिं स्तोकानामित्याह तस्माद्विभक्ताः स्तोका अव पद्यन्तेऽग्रं वा
एतत्पशूनां यद्वपाग्रमोषधीनाम्बहिरग्रेणैवाग्रं समर्धयत्यथो
ओषधीष्वेव पशून्प्रति ष्ठापयति स्वाहाकृतीभ्यः प्रेष्येत्याह ।५।

यज्ञस्य समिष्ट्यै प्राणापानौ वा एतौ पशूनां यत्पृषदाज्यमात्मा वपा
पृषदाज्यमभिघार्य वपामभि घारयत्यात्मन्नेव पशूनाम्प्राणापानौ
दधाति स्वाहोर्ध्वनभसम्मरुतं गच्छतमित्याहोर्ध्वनभा ह स्म वै
मारुतो देवानां वपाश्रपणी प्र हरति तेनैवैने प्र हरति विषूची प्र
हरति तस्माद्विष्वञ्चौ प्राणापानौ ॥६॥

पशुमालभ्य पुरोडाशं निर्वपति समैधमेवैनमा लभते
वपया प्रचर्य पुरोडाशेन प्र चरत्यूर्ग्वै पुरोडाश ऊर्जमेव
पशूनाम्मध्यतो दधात्यथो पशोरेव च्छिद्रमपि दधाति
पृषदाज्यस्योपहत्य त्रिः पृच्छति श्रुतं हवीः शमितुरिति त्रिषत्या
हि देवा योऽश्रुतं श्रुतमाह स एनेसा प्राणापानौ वा एतौ पशूनां
यत्पृषदाज्यम्पशोः खलु वा आलब्धस्य हृदयमात्माभि समैति
यत्पृषदाज्येन हृदयमभिघारयत्यात्मन्नेव पशूनाम्प्राणापानौ दधाति
पशुना वै देवाः सुवर्गं लोकमायन्तैऽमन्यन्त
मनुष्या नोऽन्वाभविष्यन्तीति तस्य शिरश्छित्त्वा मेधम्प्राक्षारयन्त्स
प्रक्षौऽभवत्तत्प्रक्षस्य प्रक्षत्वं यत्प्लक्षशाखोत्तरबर्हिर्भवति समैधस्यैव
पशोरव द्यति पशुं वै ह्रियमाणं रक्षांस्यनु सचन्तेऽन्तरा यूपं
चाहवनीयं च हरति रक्षसामपहत्यै पशोर्वा आलब्धस्य मनोप
क्रामति मनोतायै हविषोऽवदीयमानस्यानु ब्रूहीत्याह मन एवास्याव
रुद्ध एकादशावदानान्यव द्यति दश वै पशोः प्राणा आत्मैकादशो
यावानेव पशुस्तस्याव द्यति हृदयस्याग्रेऽव द्यत्यथ जिह्वाया अथ
वक्षसो यद्वै हृदयेनाभि गच्छति तज्जिह्वाया वदति यज्जिह्वाया वदति
तदुरसोऽधि निर्वदत्येतद्वै पशोर्यथापूर्वं यस्यैवमवदाय
यथाकाममुत्तरेषामवद्यति यथापूर्वमेवास्य पशोरवत्तम्भवति मध्यतो
गुदस्याव द्यति मध्यतो हि प्राण उत्तमस्याव द्यत्युत्तमो हि प्राणो
यदीतरं यदीतरमुभयमेवाजामि जायमानो वै ब्राह्मणस्त्रिभिर्ऋणवा

जायते ब्रह्मचर्येण ऋषिभ्यो यज्ञेन देवेभ्यः प्रजया पितृभ्य एष वा
 अनृणो यः पुत्री यज्वा ब्रह्मचारिवासी तदवदानैरेवाव दयते
 तदवदानानामवदानत्वं देवासुराः संयत्ता आसन्ते देवा
 अग्निमब्रुवन्त्वया वीरेणासुरानभि भवामेति सौऽब्रवीद्वरं वृणै
 पशोरुद्धारमुद्धरा इति स एतमुद्धारमुदहरत दोः पूर्वार्धस्य
 गुदमध्यतः श्रोणिं जघनार्धस्य ततो देवा अभवन्परासुरा
 यत्यङ्गाणां समवद्यति भ्रातृव्याभिभूत्यै भवत्यात्मना परास्य
 भ्रातृव्यो भवत्य द्वायाव द्यति तस्मादद्वाया पशवोऽङ्गानि प्र
 हरन्ति प्रतिष्ठित्यै ॥१०॥

मेदसा स्तुचौ प्रोर्णोति मेदोरूपा वै पशवो रूपमेव पशुषु दधाति
 यूषन्नवधाय प्रोर्णोति रसो वा एष पशूनां यद्य रसमेव पशुषु दधाति
 पार्श्वेन वसाहोमम्प्र यौति मध्यं वा एतत्पशूनां यत्पार्श्वं रस एष
 पशूनां यद्वसा यत्पार्श्वेन वसाहोमम्प्रयौति मध्यत एव पशूनां रसं
 दधाति घन्ति वा एतत्पशुं यत्संज्ञपयन्त्यैन्द्रः खलु वै देवतया प्राण
 ऐन्द्रोऽपान ऐन्द्रः प्राणो अङ्गेऽङ्गे नि दैध्यदित्याह प्राणापानावेव
 पशुषु दधाति देव त्वष्टृभूरि ते स संमेत्वित्याह त्वाष्ट्रा हि देवतया
 पशवो विषुरूपा यत्सलक्षमाणो भवथेत्याह विषुरूपा ह्येते सन्तः
 सलक्षमाण एतर्हि भवन्ति देवत्रा यन्तमवसे सखायोऽनु त्वा माता
 पितरो मदन्त्वित्याहानुमतमेवैनम्मात्रा पित्रा सुवर्गं लोकं
 गमयत्यर्धर्चे वसाहोमं जुहोत्यसौ वा अर्धर्च इयमर्धर्च इमे एव
 रसेनानक्ति दिशौ जुहोति दिश एव रसेनानक्त्यथो दिग्भ्य एवोर्जं
 रसमव रुद्धे प्राणापानौ वा एतौ पशूनां यत्पृषदाज्यं वानस्पत्याः
 खलु वै देवतया पशवो यत्पृषदाज्यस्योपहत्याह
 वनस्पतयेऽनु ब्रूहि वनस्पतये प्रेष्येति प्राणापानावेव पशुषु
 दधात्यन्यस्यान्यस्य समवत्तं समवद्यति तस्मान्नानारूपाः पशवो

यूष्णोप सिञ्चति रसो वा एष पशूनां यद्यू रसमेव पशुषु
 दधाती डामुप हयते पशवो वा इडा पशूनेवोप हयते चतुरुप हयते
 ।४। चतुष्पादो हि पशवो यं कामयैतापशुः स्यादित्यमेदस्कं तस्मा
 आ दध्यान्मेदौरूपा वै पशवो रूपेणैवैनम्पशुभ्यो निर्भजत्यपशुरेव
 भवति यं कामयैत पशुमान्तस्यादिति मेदस्वत्तस्मा आ
 दध्यान्मेदौरूपा वै पशवो रूपेणैवास्मै पशूनव रुद्धे पशुमानेव
 भवति प्रजापतिर्यज्ञमसृजत स आज्यं पुरस्तादसृजत पशुर्मध्यतः
 पृषदाज्यमपश्चात्तस्मादाज्येन प्रयाजा इज्यन्ते पशुना मध्यतः
 पृषदाज्येनानूयाजास्तस्मादेतन्मिश्रमिव पश्चात्सृष्टं
 ह्येकादशानूयाजान्यजति दश वै पशोः प्राणा आत्मैकादशो
 यावानेव पशुस्तमनु यजति घन्ति वा एतत्पशुं यत्संज्ञयन्ति
 प्राणापानौ खलु वा एतौ पशूनां यत्पृषदाज्यं
 यत्पृषदाज्येनानूयाजान्यजति प्राणापानावेव पशुषु दधाति ॥११॥

इति षष्ठकारण्डे तृतीयः प्रपाठकः ३

अथ षष्ठकारण्डे चतुर्थः प्रपाठकः ४

यज्ञेन वै प्रजापतिः प्रजा असृजत ता उपयङ्भिरेवासृजत यदुपयज
 उपयजति प्रजा एव तद्यजमानः सृजते
 जघनार्धादव द्यति जघनार्धाद्धि प्रजाः प्रजायन्ते स्थविमतोऽव द्यति
 स्थविमतो हि प्रजाः प्रजायन्तेऽसम्भिन्दन्नव द्यति प्राणानामसम्भेदाय
 न पर्यावर्तयति
 यत्पर्यावर्तयैदुदावर्तः प्रजा ग्राहकः स्यात्समुद्रं गच्छ स्वाहेत्याह रेत
 एव तदधात्यन्तरिक्षं गच्छ स्वाहेत्याहान्तरिक्षेणैवास्मै प्रजाः प्र
 जनयत्यन्तरिक्षं ह्यनु प्रजाः प्रजायन्ते देव संवितारं गच्छ
 स्वाहेत्याह
 सवितृप्रसूत एवास्मै प्रजाः प्र जनयत्यहोरात्रे गच्छ

स्वाहेत्याहाहोरात्राभ्यामेवास्मै प्रजाः प्र जनयत्यहोरात्रे ह्यनु प्रजाः
 प्रजायन्ते मित्रावरुणौ गच्छ स्वाहेत्याह
 प्रजास्वेव प्रजातासु प्राणापानौ दधाति सोमं गच्छ स्वाहेत्याह
 सौम्या हि देवतया प्रजा यज्ञं गच्छ स्वाहेत्याह प्रजा एव यज्ञियाः
 करोति चन्दाँसि गच्छ स्वाहेत्याह पशवो वै चन्दाँसि
 पशूनेवारु रुद्धे द्यावापृथिवी गच्छ स्वाहेत्याह प्रजा एव प्रजाता
 द्यावापृथिवीभ्यामुभयतः परि गृह्णाति नभो दिव्यं गच्छ स्वाहेत्याह
 प्रजाभ्य एव प्रजाताभ्यो वृष्टिं नि यच्छत्यग्निं वैश्वानरं गच्छ
 स्वाहेत्याह प्रजा एव प्रजाता अस्याम्प्रति ष्ठापयति प्राणानां वा
 एषोऽव द्यति योऽव द्यति गुदस्य मनो मे हार्दि यच्छेत्याह प्राणानेव
 यथास्थानमुप ह्वयते पशोर्वा आलब्धस्य हृदयं शुगच्छति सा
 हृदयशूलमुभि समैति यत्पृथिव्यां हृदयशूलमुद्वासयैत्पृथिवीं
 शुचाप्येद्यदप्स्वपः शुचाप्येच्छुष्कस्य चार्द्रस्य च
 संधावुद्वासयत्युभयस्य शान्त्यै यं द्विष्यात्तं ध्यायेच्छुचैवैनमर्पयति
 ॥१॥

देवा वै यज्ञमाग्नीध्रे व्यभजन्त ततो यदत्यशिष्यत तदब्रुवन्वसंतु नु
 न इदमिति तद्वसतीवरीणां वसतीवरित्वं तस्मिन्प्रातर्न
 समं शक्नुवन्तदप्सु प्रावेशयन्ता वसतीवरीरभवन्वसतीवरीर्गृह्णाति
 यज्ञो वै वसतीवरीर्यज्ञमेवारभ्य गृहीत्वोप वसति
 यस्यागृहीता अभि निम्रोचेदनारब्धोऽस्य यज्ञः स्याद्यज्ञं वि
 च्छिन्द्या ज्ज्योतिष्या वा गृहीयाद्धिरण्यं वावधाय सशुक्राणामेव
 गृह्णाति यो वा ब्राह्मणो बहुयाजी तस्य कुम्भ्यानां गृहीयात्स हि
 गृहीतवसतीवरीको वसतीवरीर्गृह्णाति पशवो वै वसतीवरीः
 पशूनेवारभ्य गृहीत्वोप वसति यदन्वीपं तिष्ठन्गृहीयान्निर्मागुका
 अस्मात्पशवः स्युः प्रतीपं तिष्ठन्गृह्णाति

प्रतिरुध्यैवास्मै पशून्गृह्णातीन्द्रो वृत्रमहन्त्सोऽपोऽभ्यग्मियत् तासां
यन्मेध्यं यज्ञियं सदैवमासीत्तदत्यमुच्यत् ता वहन्तीरभवन्वहन्तीनां
गृह्णाति

या एव मेध्या यज्ञियाः सदैवा आपस्तासामेव गृह्णाति नान्तमा
वहन्तीरतीयाद्यदन्तमा वहन्तीरतीयाद्यज्ञमति मन्येत न स्थावराणां
गृह्णीयाद्वरुणगृहीता वै स्थावरा यत्स्थावराणां गृह्णीयाद्वरुणेनास्य
यज्ञं ग्राहयेद्यद्वै दिवा भवत्युपो रात्रिः प्र विशति तस्मात्ताम्रा आपो
दिवा ददृश्रे यन्नक्तम्भवत्युपोऽहः प्र विशति तस्माच्चन्द्रा आपो नक्तं
ददृश्रे छायायै चातपतश्च संधौ गृह्णात्यहोरात्रयौरेवास्मै वर्णं गृह्णाति
हविष्मतीरिमा आप इत्याह हविष्कृतानामेव गृह्णाति हविष्मां
अस्तु सूर्य इत्याह सशुक्राणामेव गृह्णात्यनुष्टुभा गृह्णाति वाग्वा
अनुष्टुग्वाचैवैनाः सर्वया गृह्णाति चतुष्पदयर्चा गृह्णाति त्रिः सादयति
सप्त सम्पद्यन्ते सप्तपदा शक्वरी पशवः शक्वरी पशूनेवाव रुद्धेऽस्मै
वै लोकाय गार्हपत्य आ धीयतेऽमुष्मा आहवनीयो यद्गार्हपत्य
उपसादयेदस्मिंल्लोके पशुमान्तस्याद्यदाहवनीयेऽमुष्मिंल्लोके
पशुमान्तस्यादुभयोरुप सादयत्युभयौरेवैनं लोकयोः पशुमन्तं करोति
सर्वतः परि हरति रक्षसामपहत्या इन्द्राग्नियोर्भागधेयीः स्थेत्याह
यथायजुरेवैत दाग्रीध्र उप वासयत्येतद्वै यज्ञस्यापराजितं यदाग्रीध्रं
यदेव यज्ञस्यापराजितं तदेवैना उप वासयति यतः खलु वै यज्ञस्य
विततस्य न क्रियते तदनु यज्ञं रक्षांस्यव चरन्ति यद्वहन्तीनां
गृह्णाति क्रियमाणमेव तद्यज्ञस्य शये रक्षसामनन्ववचाराय न ह्येता
ईलयन्त्या तृतीयसवनात्परि शेरे यज्ञस्य संतत्यै ॥२॥

ब्रह्मवादिनो वदन्ति स त्वा अध्वर्युः स्याद्यः
सोममुपावहरन्त्सर्वाभ्यो देवताभ्य उपावहरेदिति हृदे त्वेत्याह
मनुष्येभ्य एवैतेन करोति मनसे त्वेत्याह पितृभ्य एवैतेन करोति

दिवे त्वा सूर्याय त्वेत्याह देवेभ्य एवैतेन करोत्येतावतीर्वै
 देवतास्ताभ्य एवैनँ सर्वाभ्य उपावहरति पुरा वाचः प्रवदितोः
 प्रातरनुवाकमुपाकरोति यावत्येव वाक्तामव
 रुद्धेऽपोऽग्रेऽभिव्याहरति यज्ञो वा आपो यज्ञमेवाभि वाचं वि
 सृजति सर्वाणि च्छन्दाँस्यन्वाह पशवो वै छन्दाँसि पशूनेवाव
 रुद्धे गायत्रिया तेजस्कामस्य परि दध्यात्त्रिष्टुभैन्द्रियकामस्य जगत्या
 पशुकामस्यानुष्टुभा प्रतिष्ठाकामस्य पङ्क्त्या यज्ञकामस्य
 विराजान्नकामस्य शृणोत्वग्निः समिधा हवं म इत्याह सवितृप्रसूत
 एव देवताभ्यो निवेद्यापोऽच्छैत्य प इष्य होतुरित्याहेषितँ हि कर्म
 क्रियते मैत्रावरुणस्य चमसाध्वर्यवा द्रुवेत्याह मित्रावरुणौ वा अपां
 नेतारौ ताभ्यामेवैना अच्छैति देवीरापो अपां नपादित्याहाहुत्यैवैना
 निष्क्रीय गृह्णात्यथौ हविष्कृतानामेवाभिघृतानां गृह्णाति
 ।३। कार्षीरसीत्याह शर्मलमेवासामप प्लावयति समुद्रस्य वोक्षित्या
 उन्नय इत्याह तस्मादद्यमानाः पीयमाना आपो न क्षीयन्ते
 योनिर्वै यज्ञस्य चात्वालं यज्ञो वसतीवरीर्होतृचमसं च
 मैत्रावरुणचमसं च सँस्पश्य वसतीवरीर्व्यानयति यज्ञस्य
 सयोनित्वायाथो स्वादेवैना योनेः प्र जनयत्यध्वर्योऽवेरपा३
 इत्याहोतेमनन्नमुरुतेमाः पश्येति वावैतदाह
 यद्यग्निष्टोमो जुहोति यद्युक्थ्यः परिधौ नि माष्टि यद्यतिरात्रो
 यजुर्वदन्त्र पद्यते यज्ञक्रतूनां व्यावृत्तै ॥३॥

देवस्य त्वा सवितुः प्रसव इति ग्रावाणमा दत्ते प्रसूत्या
 अश्विनोर्बाहुभ्यामित्याहाश्विनौ हि देवानामध्वर्यू आस्तां पूष्णो
 हस्ताभ्यामित्याह यत्यै पशवो वै सोमो व्यान उपाँशुसर्वनो
 यदुपाँशुसर्वनमभि मिमीते व्यानमेव पशुषु दधातीन्द्राय त्वेन्द्राय
 त्वेति मिमीत इन्द्राय हि सोम आहियते पञ्च कृत्वो यजुषा मिमीते

पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धे पञ्च कृत्वस्तृष्णीं दश
सम्पद्यन्ते दशाक्षरा विराडन्नं विराड्विराजैवान्नाद्यमव रुद्धे श्वात्राः
स्थं वृत्रतुर इत्याहैष वा अपाँ सौमपीथो य एवं वेद
नाप्स्वार्तिमाच्छति यत्तै सोम दिवि ज्योतिरित्याहैभ्य एवैनं
लोकेभ्यः सम्भरति सोमो वै राजा दिशोऽभ्यध्यायत्स दिशोऽनु
प्राविशत्प्रागपागुदगधरागित्याह दिग्भ्य एवैनँ सम्भरत्यथो दिशं
एवास्मा अवं रुद्धेऽम्ब नि ष्वरेत्याह कामुका एनँ स्त्रियौ भवन्ति
य एवं वेद यत्तै सोमादाभ्यं नाम जागृवीत्याहैष वै सोमस्य
सोमपीथो य एवं वेद न सोम्यामार्तिमाच्छति घन्ति वा एतत्सोमं
यदभिषुगवन्त्यँ शूनपं गृह्णाति
त्रायत एवैनं प्राणा वा अँशवः पशवः सोमोऽँशून्पुनरपि सृजति
प्राणानेव पशुषु दधाति द्वौद्वावपि सृजति तस्माद्द्वौद्वा प्राणाः ॥४॥

प्राणो वा एष यदुपाँशुर्यदुपाँश्वग्रा ग्रहा गृह्यन्ते प्राणमेवानु प्र
यन्त्य रुणो ह स्माहौपवेशिः प्रातःसवन एवाहं यज्ञँ सँ
स्थापयामि तेन ततः सँस्थितेन चरामीत्यष्टौ कृतोऽग्रेऽभि
षुणोत्यष्टाक्षरा गायत्री गायत्रम्प्रातःसवनं प्रातःसवनमेव
तेनाप्रोत्येकादश कृत्वौ द्वितीयमेकादशाक्षरा त्रिष्टुजैष्टुभ्रम्माध्यंदिनँ
सवनं माध्यंदिनमेव सवनं तेनाप्रोति द्वादश कृत्वस्तृतीयं
द्वादशाक्षरा जगती जागतं तृतीयसवनं तृतीयसवनमेव
तेनाप्रोत्येताँ ह वाव स यज्ञस्य
सँस्थितिमुवाचास्कन्दायास्कन्नँ हि तद्यद्यज्ञस्य सँस्थितस्य
स्कन्दत्यथो खल्वाहर्गायत्री वाव प्रातःसवने नातिवाद
इत्यनतिवादुक एनम्भ्रातृव्यो भवति य एवं वेद तस्माद्दृष्टावष्टौ
कृत्वौऽभिषुत्यं ब्रह्मवादिनौ वदन्ति पवित्रवन्तोऽन्ये ग्रहा गृह्यन्ते
किम्पवित्र उपाँशुरिति वाक्पवित्र इति ब्रूयाद्वाचस्पतये पवस्व

वाजि॒न्नित्या॑ह वा॒चैवैन॑म्पवयति वृ॒ष्णो अ॒शुभ्या॑मित्या॒ह वृ॒ष्णो
 ह्ये॒ताव॑शू यौ सोम॑स्य॒ गर्भ॑स्ति॒पूत॑ इत्या॒ह गर्भ॑स्ति॒ना ह्ये॒नम्प॑वयति
 दे॒वो दे॒वाना॑म्पवि॒त्रम॑सीत्या॒ह दे॒वो ह्यै॒षः स॒न्दे॒वाना॑म्पवि॒त्रं
 ये॒षांभ्रा॑गोऽसि॒ तेभ्य॑स्त्वेत्या॒ह ये॒षां ह्यै॒ष भ्रा॑गस्तेभ्य॑ ए॒नं गृ॒ह्णाति॑
 स्वा॑कृ॒तोऽसी॑त्या॒ह प्रा॒णमे॒व स्व॑म॒कृत॑ मधु॑मती॒र्न इ॒षस्कृ॑धीत्या॒ह
 सर्व॑मे॒वास्मा॑ इ॒दं स्व॑दयति
 वि॒श्वेभ्य॑स्त्वेन्द्रि॒येभ्यो॑ दि॒व्येभ्यः॑ पा॒र्थि॒वेभ्य॑ इत्या॒होभ्यै॑ष्वे॒व
 दे॒वमनु॑ष्येषु प्रा॒णान्द॑धाति॒ मन॑स्त्वा॒ष्ट्वित्या॑ह॒ मन॑ ए॒वाश्नु॑त
 उ॒र्वन्त॑रि॒क्षम॑न्विहीत्या॒हान्तरि॑क्षदे॒वत्यो॑ हि प्रा॒णः स्वा॒हा त्वा सु॑भवः
 सू॒र्याये॑त्या॒ह प्रा॒णा वै स्व॑भवसो दे॒वास्तेष्वे॒व प॒रोऽक्षं॑ जुहोति
 दे॒वेभ्य॑स्त्वा मरी॒चिपे॑भ्य॒ इत्या॑हा॒दित्य॑स्य॒ वै र॒श्मयो॑ दे॒वा
 मरी॒चिपा॑स्तेषां तद्भा॒ग॒धेयं॑ ताने॒व तेन॑ प्रीणाति॒ यदि॑ का॒मये॑त॒ वर्षु॑कः
 पर्ज॑न्यः स्या॒दिति॑ नी॒चा ह॑स्तै॒न नि मृ॑ज्या॒द्वृष्टि॑मे॒व नि य॑च्छति॒ यदि॑
 का॒मये॑ता॒वर्षु॑कः स्या॒दित्यु॑त्ताने॒न नि मृ॑ज्या॒द्वृष्टि॑मे॒वोद्य॑च्छति
 यद्य॑भि॒चरै॑द॒मुं ज॒ह्यथ॑ त्वा हो॒ष्यामी॑ति ब्रू॒यादा॑हुतिमे॒वैन॑म्प्रे॒प्सन्ह॑न्ति
 यदि॑ दू॒रे स्या॑दा तमि॒तोस्ति॑ष्ठेत्प्रा॒णमे॒वास्या॑नु॒गत्य॑ हन्ति
 यद्य॑भि॒चरै॑द॒मुष्य॑ ।६। त्वा प्रा॒णे सा॑दया॒मीति॑ सा॒दये॑दस॒न्नो वै प्रा॒णः
 प्रा॒णमे॒वास्य॑ सा॒दय॑ति षड्भि॒र॒शुभिः॑ पवयति षड्वा ऋ॒तव॑
 ऋ॒तुभि॑रे॒वैन॑म्पवयति॒ त्रिः प॑वयति॒ त्रय॑ इ॒मे लो॒का ए॒भिरे॒वैनं॑ लो॒कैः
 प॑वयति ब्रह्म॒वादि॑नो॒ वद॑न्ति॒ कस्मा॑त्सत्या॒त्रयः॑ प॒शूनां॑ ह॒स्ता॒दाना॑
 इति॑ यत्त्रि॒रुपा॑शु॒ हस्तै॑न वि॒गृह्णा॑ति॒ तस्मा॑त्त्रयः॑ प॒शूनां॑
 ह॒स्ता॒दानाः॑ पु॒रुषो॑ ह॒स्ती म॒र्कटः॑ ॥५॥

दे॒वा वै यद्य॑ज्ञेऽकुर्व॒त तद॑सु॒रा अकुर्व॑त
 ते दे॒वा उ॑पा॒शौ य॒ज्ञं स॒ंस्थाप्य॑मप॒श्यन्त॑मु॒पाशौ॑
 स॒म॒स्थाप॑यन्तेऽसु॒रा वज्र॑मु॒द्यत्य॑ दे॒वान॒भ्याय॑न्त॒ ते दे॒वा बि॑भ्य॒त

इन्द्रमुपाधावन्तानिन्द्रोऽन्तर्यामिणान्तरधत्त
 तदन्तर्यामस्यान्तर्यामत्वं यदन्तर्यामो गृह्यते भ्रातृव्यानेव
 तद्यजमानोऽन्तर्धत्तेऽन्तस्ते । ११ । दधामि द्यावापृथिवी
 अन्तर्धत्तर्क्षमित्याहैभिरेव लोकैर्यजमानो भ्रातृव्यान्तर्धत्ते ते देवा
 अमन्यन्तेन्द्रो वा इदमभूद्यद्वयं स्म इति तैऽब्रुवन्मघवन्ननु न आ
 भजेति सजोषा देवैरवरैः परैश्चेत्यब्रवीद्ये चैव देवाः परे य चावरे
 तानुभयानुन्वाभजत्सजोषा देवैरवरैः परैश्चेत्याह ये चैव देवाः परे ये
 चावरे तानुभयानुन्वाभजत्यन्तर्यामे मघवन्मादयस्वेत्याह यज्ञादेव
 यजमानं नान्तरैत्युपयामगृहीतोऽसीत्याहापानस्य धृत्यै
 यदुभारवपवित्रौ गृह्येयाताम्प्राणमपानोऽनु नृच्छेत्प्रमायुकः
 स्यात्पवित्रवानन्तर्यामो गृह्यते प्राणापानयोर्विधृत्यै प्राणापानौ वा
 एतौ यदुपांश्चन्तर्यामौ व्यान उपांश्शुसर्वनो यं कामयेत
 प्रमायुकः स्यादित्यसंस्पृष्टौ तस्य सादयेद्व्यानेनैवास्य प्राणापानौ
 विच्छिनत्ति ताजक्य मीयते
 यं कामयेत सर्वमायुरियादिति संस्पृष्टौ तस्य सादयेद्व्यानेनैवास्य
 प्राणापानौ संतनोति
 सर्वमायुरिति ॥ ६ ॥

वाग्वा एषा यदैन्द्रवायवो यदैन्द्रवायवाग्वा ग्रहा गृह्यन्ते वाचमेवानु
 प्रयन्ति वायुं देवा अब्रुवन्त्सोमं राजानं हनामेति सोऽब्रवीद्वरं
 वृणै मदग्रा एव वो ग्रहा गृह्यान्ता इति तस्मादैन्द्रवायवाग्वा ग्रहा
 गृह्यन्ते तमघ्नन्त्सोऽपूयत्तं देवा नोपाधृष्णुवन्ते वायुमब्रुवन्निमं नः
 स्वदयेति सोऽब्रवीद्वरं वृणै मदेवत्यान्येव वः पात्राण्युच्यान्ता इति
 तस्मान्नानादेवत्यानि सन्ति वायुव्यान्युच्यन्ते
 तमैभ्यो वायुरेवास्वदयत्तस्माद्यत्पूरयति तत्प्रवाते विषजन्ति वायुर्हि
 तस्य पवयिता स्वदयिता तस्य विग्रहणं नाविन्दुन्सादितिरब्रवीद्वरं

वृणा अथ मया वि गृहीध्वम्मद्देवत्या एव वः सोमाः सन्ना
 असन्नियुपयामगृहीतोऽसीत्याहादितिदेवत्यास्तेन यानि हि
 दारुमयाणि पात्राण्यस्यैतानि योनेः सम्भूतानि
 यानि मृन्मयानि साक्षात्तान्यस्यै तस्मादेवमाहु
 वाग्वै पराच्यव्याकृतावदत्ते देवा इन्द्रमब्रुवन्निमां नो वाचं
 व्याकुर्विति सौऽब्रवीद्वरं वृणै मह्यं चैवैष वायवै च सह गृह्याता
 इति तस्मादैन्द्रवायवः सह गृह्यते तामिन्द्रो मध्यतोऽवक्रम्य
 व्याकरोत्तस्मादियं व्याकृता वागुद्यते तस्मात्सकृदिन्द्राय मध्यतो
 गृह्यते द्विर्वायवे
 द्वौ हि स वराववृणीत ॥७॥

मित्रं देवा अब्रुवन्त्सोमं राजानं हनामेति सौऽब्रवीन्नाहं सर्वस्य
 वा अहम्मित्रमस्मीति तमब्रुवन्हनामैवेति सौऽब्रवीद्वरं वृणै पर्यसैव
 मे सोमं श्रीणन्निति तस्मान्मैत्रावरुणम्पर्यसा श्रीणन्ति
 तस्मात्पशवोऽपाक्रामन्मित्रः सन्क्रूरमकुरिति क्रूरमिव खलु वा एषः
 करोति यः सोमैनु यजते तस्मात्पशवोऽप क्रामन्ति
 यन्मैत्रावरुणम्पर्यसा श्रीणाति पशुभिरेव तन्मित्रं समर्धयति
 पशुभिर्यजमानं पुरा खलु वावैवम्मित्रोऽवेदप मत्क्रूरं चक्रुषः पशवः
 क्रमिष्यन्तीति तस्मादेवमवृणीत वरुणं देवा अब्रुवन्त्वयांशभुवा
 सोमं राजानं हनामेति सौऽब्रवीद्वरं वृणै मह्यं चैवैष मित्राय च
 सह गृह्याता इति तस्मान्मैत्रावरुणः सह गृह्यते तस्माद्राज्ञा
 राजानमंशभुवां घ्नन्ति वैश्येन वैश्यं शूद्रेण शूद्रं न वा इदं दिवा
 न नक्तमासीदव्यावृत्तं ते देवा मित्रावरुणावब्रुवन्निदं नो वि
 वासयतमिति तावब्रूतां वरं वृणावहा एक एवावत्पूर्वो ग्रहो गृह्याता
 इति तस्मादैन्द्रवायवः पूर्वो मैत्रावरुणाद्गृह्यते प्राणापानौ ह्येतौ
 यदुपांश्चन्तर्यामौ मित्रोऽहरजनयद्वरुणो रात्रिं ततो वा इदं

व्यौच्छद्यन्मैत्रावरुणो गृह्यते व्युष्ट्यै ॥८॥

यज्ञस्य शिरोऽच्छद्यत ते देवा अश्विनावब्रुवन्भिषजौ वै स्थ इदं
यज्ञस्य शिरः प्रति धत्तमिति तारवब्रूतां वरं वृणावहै ग्रह एव
नावत्रापि गृह्यतामिति ताभ्यामेतमाश्विनमगृह्णन्ततो वै तौ यज्ञस्य
शिरः प्रत्यधतां यदाश्विनो गृह्यते यज्ञस्य निष्कृत्यै तौ देवा
अब्रुवन्नपूतौ वा इमौ मनुष्यचरौ ।१। भिषजाविति तस्माद्ब्राह्मणेन
भेषजं न कार्यमपूतो ह्यैरुषोऽमेध्यो यो भिषक्तौ बहिषवमानेन
पवयित्वा ताभ्यामेतमाश्विनमगृह्णन्तस्माद्बहिषवमाने स्तुत आश्विनो
गृह्यते तस्मादेवं विदुषा बहिषवमान उप्सद्यः पवित्रं वै
बहिषवमान आत्मानमेव पवयते तयोस्त्रेधा भेषज्यं वि न्यदधुरग्नौ
तृतीयमप्सु तृतीयं ब्राह्मणे तृतीयं तस्मादुदपात्रमुपनिधाय ब्राह्मणं
दक्षिणतो निषाद्य भेषजं कुर्याद्यावदेव भेषजं तेन करोति
समर्धुकमस्य कृतम्भवति ब्रह्मवादिनो वदन्ति कस्मात्सत्यादेकपात्रा
द्विदेवत्या गृह्यन्ते द्विपात्रा हूयन्ते इति यदेकपात्रा गृह्यन्ते
तस्मादेकोऽन्तरतः प्राणो द्विपात्रा हूयन्ते तस्माद्द्वौ द्वौ बहिष्ठात्प्राणाः
प्राणा वा एते यदिद्विदेवत्याः पशव इडा यदिडाम्पूर्वा द्विदेवत्येभ्य
उपह्वयेत पशुभिः प्राणानन्तर्दधीत प्रमायुकः
स्यादिद्विदेवत्यान्भक्षयित्वेडामुप ह्वयते
प्राणानेवात्मन्धित्वा पशूनुप ह्वयते वाग्वा ऐन्द्रवायवश्चक्षुर्मैत्रावरुणः
श्रोत्रमाश्विनः पुरस्तादैन्द्रवायवम्भक्षयति तस्मात्पुरस्ताद्वाचा वदति
पुरस्तान्मैत्रावरुणं तस्मात्पुरस्ताच्चक्षुषा पश्यति सर्वतः
परिहारमाश्विनं तस्मात्सर्वतः श्रोत्रेण शृणोति प्राणा वा एते
यदिद्विदेवत्या ।४। अरिक्तानि पात्राणि सादयति तस्मादरिक्ता
अन्तरतः प्राणा यतः खलु वै यज्ञस्य विततस्य न क्रियते तदनु
यज्ञं रक्षांस्यव चरन्ति यदरिक्तानि पात्राणि सादयति

क्रियमाणमेव तद्यज्ञस्य शये रक्षसामनन्ववचाराय दक्षिणस्य
हविर्धानस्योत्तरस्यां वर्तन्याँ सादयति वाच्यैव वाचं दधात्या
तृतीयसवनात्परि शेरे यज्ञस्य संतत्यै ॥६॥

बृहस्पतिर्देवानाम्पुरोहित आसीच्छण्डामर्कावसुराणां
ब्रह्मणवन्तो देवा आसन्ब्रह्मणवन्तोऽसुरास्तैरुन्योऽन्यं
नाशक्नुवन्नभिर्भवितुं ते देवाः शण्डामर्कावुषामन्त्रयन्त तावब्रूतां वरं
वृणावहै ग्रहावेव नावत्रापि गृह्येतमिति ताभ्यामेतौ
शुक्रामन्थिनावगृह्णन्तौ देवा अभवन्परासुरा यस्यैवं विदुषः
शुक्रामन्थिनौ गृह्येते भवत्यात्मना परास्य भ्रातृव्यो भवति तौ देवा
अपनुद्यात्मन इन्द्रायाजुहवुरपनुतौ शण्डामर्कौ सहामुनेति ब्रूयाद्यं
द्विष्याद्यमेव द्वेष्टि तेनैनौ सहाप नुदते स प्रथमः
संकृतिर्विश्वकर्मेत्येवैनावात्मन इन्द्रायाजुहवुरिन्द्रो ह्येतानि रूपाणि
करिर्क्रदचर दसौ वा आदित्यः शुक्रश्चन्द्रमो मन्थ्यपिगृह्य प्राञ्चौ
निष्क्रामतस्तस्मात्प्राञ्चौ यन्तौ न पश्यन्ति प्रत्यञ्चावावृत्य
जुहुतस्मात्प्रत्यञ्चौ यन्तौ पश्यन्ति चक्षुषी वा एते यज्ञस्य
यच्छुक्रामन्थिनौ नासिकोत्तरवेदिर्भितः परिक्रम्य
जुहुतस्तस्मादभितो नासिकां चक्षुषी तस्मान्नासिकया चक्षुषी विधृते
सर्वतः परि क्रामतो रक्षसामपहत्यै देवा वै याः प्राचीराहुतीरजुहवुर्ये
पुरस्तादसुरा आसन्ताँस्ताभिः प्राणुदन्त याः प्रतीचीर्ये पश्चादसुरा
आसन्ताँस्ताभिरपानुदन्त प्राचीरन्या आहुतयो हूयन्ते प्रत्यञ्चौ
शुक्रामन्थिनौ पश्चाच्चैव पुरस्ताच्च यजमानो भ्रातृव्यान्प्र णुदते
तस्मात्पराचीः प्रजाः प्र वीयन्ते प्रतीचीर्जायन्ते
शुक्रामन्थिनौ वा अनु प्रजाः प्र जायन्तेऽत्त्रीश्चाद्याश्च
सुवीराः प्रजाः प्रजनयन्परीहि शुक्रः शुक्रशौचिषा सुप्रजाः प्रजाः
प्रजनयन्परीहि मन्थी मन्थिशौचिषेत्याहिता वै सुवीरा या अत्त्रीरेताः

सुप्रजा या आद्या य एवं वेदात्यस्य प्रजा जायते नाद्या
 प्रजापतेरक्षयश्चयुत्तत्परापतुत्तद्विकङ्कतम्प्राविशत्तद्विकङ्कते नारमत
 तद्यवम्प्राविशत्तद्यवेऽरमत तद्यवस्य ।५।यवत्वं
 यद्वैकङ्कतम्मन्थिपात्रम्भवति सक्तुभिः श्रीणाति प्रजापतेरेव तच्चक्षुः
 सम्भरति ब्रह्मवादिनो वदन्ति कस्मात्सत्यान्मन्थिपात्रं सदो
 नाश्नुत इत्यार्तपात्रं हीति ब्रूयाद्यदश्नुवीतान्धोऽध्वर्युः
 स्यादार्तिमाच्छेत्तस्मान्नाश्नुते ॥१०॥

देवा वै यद्यज्ञेऽकुर्वत तदसुरा अकुर्वत ते देवा
 आग्रयणाग्रान्ग्रहानपश्यन्तान्गृह्णत ततो वै तेऽग्रम्पर्यायुन्यस्यैवं
 विदुष आग्रयणाग्रा ग्रहा गृह्यन्तेऽग्रमेव समानानाम्पर्येति
 रुग्णवत्यर्चा भ्रातृव्यवतो गृहीयाद्भ्रातृव्यस्यैव रुक्त्वाग्रं
 समानानाम्पर्येति ये देवा दिव्येकादश स्थेत्याहैतावतीर्वै
 देवतास्ताभ्य एवैनं सर्वाभ्यो गृह्णात्ये ष ते योनिर्विश्वेभ्यस्त्वा
 देवेभ्य इत्याह वैश्वदेवो ह्येष देवतया वाग्वै
 देवेभ्योऽपाक्रामद्यज्ञायातिष्ठमाना ते देवा वाच्यपक्रान्तायां तूष्णीं
 ग्रहान्गृह्णत सामन्यत वागन्तर्यन्ति वै मेति
 साग्रयणम्प्रत्यागच्छत्तदाग्रयणस्याग्रयणत्वं तस्मादाग्रयणे वाग्वि
 सृज्यते

यत्तूष्णीम्पूर्वे ग्रहा गृह्यन्ते यथा त्सारीयति म आख इयति नाप
 रात्स्यामीत्युपावसृजत्येवमेव तदध्वर्युराग्रयणं गृहीत्वा यज्ञमारभ्य
 वाचं वि सृजते त्रिहिं करोत्युद्गातृनेव तद्वृणीते प्रजापतिर्वा एष
 यदाग्रयणो यदाग्रयणं गृहीत्वा हिं करोति प्रजापतिरेव तत्प्रजा अभि
 जिघ्रति तस्माद्भुत्सं जातं गौरभि जिघ्रत्यात्मा वा एष यज्ञस्य
 यदाग्रयणः सर्वनेसवनेऽभि गृह्णात्यात्मन्नेव यज्ञं सं तनोत्युपरिष्ठादा
 नयति रेत एव तदधात्यधस्तादुप गृह्णाति प्र जनयत्येव
 तद्ब्रह्मवादिनो वदन्ति कस्मात्सत्याद्वायत्री कनिष्ठा च्छन्दसां

सुती सर्वाणि सर्वनानि वहतीत्येष वै गायत्रियै वत्सो
यदाग्रयणस्तमेव तदभिनिवतुं सर्वाणि सर्वनानि वहति
तस्माद्वत्समुपाकृतं गौरभि नि वर्तते ॥११॥

इति षष्ठकारण्डे चतुर्थः प्रपाठकः ४

अथ षष्ठकारण्डे पञ्चमः प्रपाठकः ५

इन्द्रो वृत्राय वज्रमुदयच्छत्स वृत्रो वज्रादुद्यतादबिभेत्सोऽब्रवीन्मा मे
प्र हारस्ति वा इदम्मयि वीर्यं तत्ते प्र दास्यामीति तस्मा
उक्थ्यम्प्रायच्छत्तस्मै द्वितीयमुदयच्छत्सोऽब्रवीत्मा मे प्र हारस्ति वा
इदं मयि वीर्यं तत्ते प्र दास्यामीति ।१। तस्मा उक्थ्यमेव
प्रायच्छत्तस्मै तृतीयमुदयच्छत्तं विष्णुरन्वतिष्ठत जुहीति सोऽब्रवीन्मा
मे प्र हारस्ति वा इदम्मयि वीर्यं तत्ते प्र दास्यामीति
तस्मा उक्थ्यमेव प्रायच्छत्तं निर्मायम्भूतमहन्यज्ञो हि तस्य
मायासीद्यदुक्थ्यो गृह्यत इन्द्रियमेव तद्वीर्यं यजमानो भ्रातृव्यस्य वृङ्क्ते
इन्द्राय त्वा बृहद्वते वयस्वत इत्याहेन्द्राय हि स तम्प्रायच्छत्तस्मै त्वा
विष्णावे त्वेत्याह यदेव विष्णुरन्वतिष्ठत जुहीति
तस्माद्विष्णुमन्वाभजति त्रिर्निर्गृह्णाति त्रिर्हि स तं तस्मै प्रायच्छदे ष
ते योनिः पुनर्हविरसीत्याह पुनःपुनर्ह्यस्मान्निर्गृह्णाति
चक्षुर्वा एतद्यज्ञस्य यदुक्थ्यस्तस्मादुक्थ्यं हुतं सोमा अन्वायन्ति
तस्मादात्मा चक्षुरन्वेति तस्मादेकं यन्तम्ब्रह्मवोऽनु यन्ति तस्मादेकौ
बहूनाम्भद्रो भवति तस्मादेकौ ब्रह्मीर्जाया विन्दते यदि
कामयैताध्वर्युरात्मानं यज्ञयशसेनार्पयेयमित्यन्तराहवनीयं च
हविर्धानं च तिष्ठन्नव नयेदात्मानमेव यज्ञयशसेनार्पयति यदि
कामयैत यजमानं यज्ञयशसेनार्पयेयमित्यन्तरा सदोहविर्धाने
तिष्ठन्नव नयेद्यजमानमेव यज्ञयशसेनार्पयति यदि कामयैत
सदस्यान्यज्ञयशसेनार्पयेयमिति सद आलभ्याव नयेत्सदस्यानेव

यज्ञयशसेनार्पयति ॥१॥

आयुर्वा एतद्यज्ञस्य यद्ध्रुव उत्तमो ग्रहाणां गृह्यते तस्मादायुः
 प्राणानामुत्तमं मूर्धानं दिवो अरतिमृथिव्या इत्याह मूर्धानमेवैनं
 समानानां करोति वैश्वानरमृताय जातमग्निमित्याह वैश्वानरं हि
 देवतयायु रुभयतौवैश्वानरो गृह्यते तस्मादुभयतः प्राणा
 अधस्ताच्चोपरिष्ठाच्चा धिनोऽन्ये ग्रहा गृह्यन्तेऽर्धी
 ध्रुवस्तस्माद्ध्र्यवाङ्प्राणोऽन्येषाम्प्राणाना मुपौष्टेऽन्ये ग्रहाः
 साद्यन्तेऽनुपोष्टे ध्रुवस्तस्मादस्थनान्याः प्रजाः प्रतितिष्ठन्ति
 मांसेनान्या असुरा वा उत्तरतः पृथिवीम्पर्याचिकीर्षन्तां देवा
 ध्रुवेणादृहन्तद्ध्रुवस्य ध्रुवत्वं यद्ध्रुव उत्तरतः साद्यते धृत्या
 आयुर्वा एतद्यज्ञस्य यद्ध्रुव आत्मा होता यद्धौतृचमसे
 ध्रुवमव नयत्यात्मन्नेव यज्ञस्यायुर्दधाति पुरस्ता दुक्थस्यावनीय
 इत्याहुः पुरस्ताद्ध्यायुषो भुङ्क्ते मध्यतोऽवनीय इत्याहुर्मध्यमेन
 ह्यायुषो भुङ्क्ते उत्तरार्धेऽवनीय इत्याहुरुत्तमेन ह्यायुषो भुङ्क्ते
 वैश्वदेव्यामृचि शस्यमानायामव नयति वैश्वदेव्यो वै प्रजाः
 प्रजास्वेवायुर्दधाति ॥२॥

यज्ञेन वै देवाः सुवर्गं लोकमायन्तैऽमन्यन्त मनुष्या
 नोऽन्वाभविष्यन्तीति ते संवत्सरेण योपयित्वा सुवर्गं
 लोकमायन्तमृषय ऋतुग्रहैरेवानु प्राजानन्यदृतुग्रहा गृह्यन्ते सुवर्गस्य
 लोकस्य प्रज्ञात्यै द्वादश गृह्यन्ते
 द्वादश मासाः संवत्सरः संवत्सरस्य प्रज्ञात्यै
 सह प्रथमौ गृह्येते सहोत्तमौ तस्माद्द्वौद्वावृतू
 उभयतौमुखमृतुपात्रम्भवति
 को हि तद्वेद यत ऋतूनाम्मुखं मृतुना प्रेष्येति षट्कृत्वा आह षड्वा

ऋतव ऋतूनेव प्रीणात्यृतुभिरिति चतुश्चतुष्पद एव पशून्प्रीणाति द्विः
 पुनर्ऋतुनाह द्विपद एव प्रीणात्यृतुना प्रेष्येति षट्कृत्वं
 आहर्तुभिरिति चतुस्तस्माच्चतुष्पादः पशव ऋतूनुप जीवन्ति द्विः
 ।२। पुनर्ऋतुनाह तस्मादिद्विपादश्चतुष्पदः पशूनुप जीवन्त्यृतुना
 प्रेष्येति षट्कृत्वं आहर्तुभिरिति चतुर्द्विः पुनर्ऋतुनाहक्रमेणमेव
 तत्सेतुं यजमानः कुरुते सुवर्गस्य लोकस्य समष्ट्यै
 नान्योऽन्यमनु प्र पद्येत यदन्योऽन्यमनु प्र पद्येतर्तुऋतुमनु प्र पद्येतर्तवो
 मोहुकाः स्युः प्रसिद्धमेवाध्वर्युर्दक्षिणेन प्र पद्यते
 प्रसिद्धम्प्रतिप्रस्थातोत्तरेण तस्मादादित्यः षण्मासो दक्षिणेनैति
 षडुत्तरेणो पयामगृहीतोऽसि सुँसर्पोऽस्यँहस्पत्याय त्वेत्याहास्ति
 त्रयोदशो मास इत्याहुस्तमेव तत्प्रीणाति ॥३॥

सुवर्गाय वा एते लोकाय गृह्यन्ते यदृतुग्रहा ज्योतिरिन्द्राग्नी
 यदैन्द्राग्रमृतुपात्रेण गृह्णाति ज्योतिरेवास्मा उपरिष्ठादधाति सुवर्गस्य
 लोकस्यानुरव्यात्या ओजोभृतौ वा एतौ देवानां यदिन्द्राग्नी यदैन्द्राग्रो
 गृह्यत ओज एवाव रुद्धे वैश्वदेवँ शुक्रपात्रेण गृह्णाति
 वैश्वदेव्यौ वै प्रजा असावादित्यः शुक्रो यद्वैश्वदेवँ शुक्रपात्रेण
 गृह्णाति तस्मादसावादित्यः ।१। सर्वाः प्रजाः प्रत्यङ्मुदैति
 तस्मात्सर्व एव मन्यते माम्प्रत्युदगादिति वैश्वदेवँ शुक्रपात्रेण
 गृह्णाति वैश्वदेव्यौ वै प्रजास्तेजः शुक्रो यद्वैश्वदेवँ शुक्रपात्रेण
 गृह्णाति प्रजास्वेव तेजौ दधाति ॥४॥

इन्द्रो मरुद्भिः सांविद्येन माध्यन्दिने सवने वृत्रमहन्यन्माध्यन्दिने
 सवने मरुत्वतीया गृह्यन्ते वार्त्रघ्ना एव ते यजमानस्य गृह्यन्ते तस्य
 वृत्रं जघ्नुष ऋतवोऽमुह्यन्त्स ऋतुपात्रेण मरुत्वतीयानगृह्णात्ततो वै स
 ऋतून्प्राजानाद्यदृतुपात्रेण मरुत्वतीया गृह्यन्त ऋतूनाम्प्रज्ञात्यै वज्रं वा

ए॒तं य॒ज॒मा॒नो भ्रा॒तृ॒व्या॒य प्र ह॑रति॒ यन्म॑रु॒त्व॒ती॒या उ॒दे॒व प्र॑थ॒मे॒न
 यच्छ॑ति॒ प्र ह॑रति॒ द्वि॒ती॒ये॒न स्तृ॑णुते॒ तृ॒ती॒ये॒ना यु॑धं॒ वा ए॒तद्य॑ज॒मा॒नः
 स॑स्कु॒रुते॒ यन्म॑रु॒त्व॒ती॒या ध॒नु॒रे॒व प्रे॑थ॒मो ज्या॑ द्वि॒तीय॑ इ॒षु॒स्तृ॒ती॒यः
 प्रत्ये॒व प्र॑थ॒मे॒न ध॑त्ते॒ वि सृ॑जति॒ द्वि॒ती॒ये॒न वि॒ध्यति॑ तृ॒ती॒ये॒नेन्द्रो॑
 वृ॒त्रं॑ ह॒त्वा परा॑म्परा॒वर्त॑मगच्छ॒दपा॑राध॒मिति॑ म॒न्य॒मा॒नः
 स ह॑रि॒तोऽभ॑वत्स ए॒ता॒न्म॑रु॒त्व॒ती॒या॒ना॒त्म॒स्पर्श॑णान॒पश्य॑त्तान॒गृ॒ही॒त
 प्रा॒णमे॒व प्र॑थ॒मे॒ना॒स्पृ॑णुता॒पानं॑ द्वि॒ती॒ये॒ना॒त्मानं॑ तृ॒ती॒ये॒ना॒त्म॒स्पर्श॑णा॒ वा
 ए॒ते य॒ज॒मा॒नस्य॑ गृ॒ह्यन्ते॒ यन्म॑रु॒त्व॒ती॒याः प्रा॒णमे॒व प्र॑थ॒मे॒न स्पर्श॑णुतेऽ॒पानं॑
 द्वि॒ती॒ये॒ना॒त्मानं॑ तृ॒ती॒ये॒नेन्द्रो॑ वृ॒त्रम॑हन्तं दे॒वा अ॑ब्रुवन्म॒हान्वा
 अ॒यम॑भूद्यो वृ॒त्रम॑व॒धी॒दिति॑ तन्महेन्द्रस्य॒ महेन्द्र॑त्व॒ स
 ए॒तन्महेन्द्र॑मु॒द्धार॑मु॒द॒हर॑त्वृ॒त्रं॑ ह॒न्यासु॑ दे॒वता॑स्वधि
 यन्महेन्द्रो गृ॒ह्यत॑ उ॒द्धार॑मे॒व तं य॒ज॒मा॒न उ॒द्धर॑तेऽन्यासु॑ प्र॒जास्वधि॑
 शु॒क्रपा॒त्रेण॑ गृ॒ह्णाति॑ य॒ज॒मा॒नदे॒व॒त्यो वै महेन्द्र॑स्तेजः शु॒क्रो
 यन्माहेन्द्र॑ शु॒क्रपा॒त्रेण॑ गृ॒ह्णाति॑ य॒ज॒मा॒न ए॒व तेजो॑ दधाति ॥५॥

अ॒दि॒तिः पु॒त्रका॑मा सा॒ध्ये॒भ्यो दे॒वे॒भ्यो ब्र॒ह्मो॒दन॑मप॒च॒त्तस्या॑
 उ॒च्छे॑षणमददुस्तप्राश्नात्सा रे॒तोऽध॑त्त
 तस्यै च॒त्वार॑ आ॒दित्या॑ अजायन्त॒ सा
 द्वि॒तीय॑मप॒च॒त्साम॑न्यतो॒च्छे॑षणान्म इ॒मैऽज्ञ॑त॒ यदग्रे॑ प्राशिष्यामी॒तो मे॑
 वसी॑या॒सो ज॑निष्यन्त॒ इति॑ साग्रे प्राश्नात्सा रे॒तोऽध॑त्त
 तस्यै व्यृ॒द्धमा॑ण॒डम॑जायत॒ सा॒दि॒त्ये॒भ्य ए॒व तृ॒तीय॑मप॒च॒द्धो॒गाय॑ म
 इ॒दं॑ श्रान्तम॒स्त्विति॑ तैऽब्रुवन्वरं वृ॒णाम॑है योऽतो जाया॒ता
 अ॒स्माक॑ स ए॒कोऽस॑द्योऽस्य प्र॒जाया॑मृ॒ध्या॒ता अ॒स्माक॑म्भो॒गाय॑
 भ॒वा॒दिति॑
 ततो॒ वि॒व॒स्वाना॑दि॒त्योऽजा॑यत॒
 तस्य॒ वा इ॒यम्प॒जा यन्म॑नुष्यास्तास्वेक ए॒वर्द्धो॑ यो यजते॒ स

देवाना॒म्भोगाय॑ भवति दे॒वा वै य॒ज्ञाद्बु॒द्रम॒न्तरा॑य॒न्त्स
 आ॒दि॒त्यान्वा॒क्रम॑त॒ ते द्वि॒दे॒व॒त्यान्प्रा॑प॒द्यन्त॑ तान्न॒ प्रति
 प्राय॑च्छन्तस्मा॒दपि॑ व॒ध्यम्प्रा॑प॒न्नं न॒ प्रति प्र॑ यच्छन्ति
 तस्मा॑दि॒द्वदे॒व॒त्यैभ्य॑ आ॒दि॒त्यो निर्गृ॑ह्यते यदु॒च्छे॒षणा॑दजायन्त॒
 तस्मा॑दु॒च्छे॒षणा॑द्गृह्यते तिसृ॒भिर्ऋ॒ग्भिर्गृ॑हाति मा॒ता पि॒ता पु॒त्रस्त॑दे॒व
 तन्मि॑थुनमुल्बं॒ गर्भो॑ ज॒रायु॑ तदे॒व तन्मि॑थुनं प॒शवो॑ वा ए॒ते यदा॑दि॒त्य
 ऊ॒र्गधि॑ दु॒ध्ना म॑ध्यतः श्री॒णात्यूर्ज॑मे॒व प॑शूना॒म्मध्य॑तो द॑धाति
 शृ॒तात॒ङ्क्येन॑ मे॒ध्य॒त्वाय॑ तस्मा॑दा॒मा प॒क्वं दु॑हे प॒शवो॑ वा ए॒ते
 यदा॑दि॒त्यः प॑रि॒श्रित्य॑ गृ॒हाति॑ प्रति॒रुध्यै॒वास्मै॑ प॒शून्गृ॑हाति प॒शवो॑ वा
 ए॒ते यदा॑दि॒त्य ए॒ष रु॒द्रो यद॑ग्निः
 प॑रि॒श्रित्य॑ गृ॒हाति॑ रु॒द्रादे॒व प॒शून्त॑र्द॒धात्येष॑ वै वि॒वस्वा॒नादि॒त्यो
 यदु॑पा॒ंशु॒सर्व॑नः स ए॒तमे॒व सोम॑पी॒थम्प॑रि॒ शय॑ आ
 तृ॒तीय॑स॒र्वना॒द्वि॒वस्व॑ आ॒दि॒त्यैष॑ तै सोम॑पी॒थ इ॒त्याह॑
 वि॒वस्व॑न्तमे॒वादि॒त्यं सोम॑पी॒थेन॑ स॒मर्ध॑यति या दि॒व्या वृ॑ष्टि॒स्तया॑
 त्वा श्री॒णामी॑ति वृ॒ष्टि॒काम॑स्य श्री॒णीया॒द्वृष्टि॑मे॒वाव॑ रु॒द्धे यदि॑ ता॒जक॑
 स्क॒न्देद्व॑र्षु॒कः प॒र्जन्यः॑ स्या॒द्यदि॑ चि॒रम॑व॒र्षुको॑ न सा॒दय॑त्यस॒न्नाद्धि॑
 प्र॒जाः प्र॒जाय॑न्ते नानु॒ वष॑ट्करोति यद॑नु॒वष॑ट्कुर्याद्बु॒द्रम॒प्रजा॑
 अ॒न्वव॑सृजे॒न्न हु॒त्वान्वी॑क्षेत् यद॑न्वी॒क्षेत् चक्षु॑रस्य प्र॒मायु॑कं
 स्या॒त्तस्मान्ना॒न्वीक्ष्यः॑ ॥६॥

अ॒न्तर्या॑म॒पात्रे॑ण सा॒वि॒त्रमा॑ग्र॒य॒णाद्गृ॑हाति प्र॒जाप॑ति॒र्वा ए॒ष यदा॑ग्र॒य॒णः
 प्र॒जाना॑म्प्र॒जन॑नाय॒ न सा॒दय॑त्यस॒न्नाद्धि॑ प्र॒जाः प्र॒जाय॑न्ते नानु॒
 वष॑ट्करोति यद॑नु॒वष॑ट्कुर्याद्बु॒द्रम॒प्रजा॑ अ॒न्वव॑सृजे॒ देष॑ वै गा॒य॒त्रो
 दे॒वानां॑ यत्स॒वि॒तैष॑ गा॒य॒त्रियै॑ लो॒के गृ॑ह्यते यदा॑ग्र॒य॒णो
 यद॑न्तर्याम॒पात्रे॑ण सा॒वि॒त्रमा॑ग्र॒य॒णाद्गृ॑हाति स्वा॒दे॒वैनं॑ योने॒र्निर्गृ॑हाति
 वि॒श्वे ।१। दे॒वास्तृ॒तीयं॑ स॒र्वनं॑ नो॒दय॑च्छन्ते

सवितारम्प्रातःसवनभागं सन्तं तृतीयसवनमभि पर्यणयन्ततो वै ते
तृतीयं सर्वनमुदयच्छन्यतृतीयसवने सवित्रो गृह्यते तृतीयस्य
सर्वनस्योद्यत्यै सवितृपात्रेण वैश्वदेवं कलशाद्गृह्णाति वैश्वदेव्यो वै
प्रजा वैश्वदेवः कलशः

सविता प्रसवानामीशे यत्सवितृपात्रेण वैश्वदेवं कलशाद्गृह्णाति
सवितृप्रसूत एवास्मै प्रजाः प्र जनयति सोमे सोममभि गृह्णाति रेत
एव तद्धधाति

सुशर्मासि सुप्रतिष्ठान इत्याह सोमे हि सोममभिगृह्णाति प्रतिष्ठित्या
एतस्मिन्वा अपि ग्रहे मनुष्येभ्यो देवेभ्यः पितृभ्यः क्रियते सुशर्मासि
सुप्रतिष्ठान इत्याह मनुष्येभ्य एवैतेन करोति बृहदित्याह देवेभ्य
एवैतेन करोति

नम इत्याह पितृभ्य एवैतेन करोत्येतावतीर्वै देवतास्ताभ्य एवैनं
सर्वाभ्यो गृह्णात्येष ते योनिर्विश्वेभ्यस्त्वा देवेभ्य इत्याह वैश्वदेवो
ह्येषः ॥७॥

प्राणो वा एष यदुपांशुर्यदुपांशुपात्रेण प्रथमश्चोत्तमश्च ग्रहौ गृह्येते
प्राणमेवानु प्रयन्ति प्राणमनूद्यन्ति प्रजापतिर्वा एष यदाग्रयणः प्राण
उपांशुः पत्नीः प्रजाः प्र जनयन्ति यदुपांशुपात्रेण
पात्नीवतमाग्रयणाद्गृह्णाति प्रजानाम्प्रजननाय तस्मात्प्राणम्प्रजा अनु
प्र जायन्ते

देवा वा इतइतः पत्नीः सुवर्गं लोकमजिगांसन्ते सुवर्गं लोकं न
प्राजानन्त एतम्पात्नीवतमपश्यन्तमगृह्णत ततो वै ते सुवर्गं
लोकम्प्राजानन्यत्पात्नीवतो गृह्यते सुवर्गस्य लोकस्य प्रज्ञात्यै स
सोमो नातिष्ठत स्त्रीभ्यो गृह्यमाणस्तं घृतं वज्रं कृत्वाघ्नन्तं
निरिन्द्रियम्भूतमगृह्णन्तस्मात्स्त्रियो निरिन्द्रिया अदायादीरपि
पापात्पुंस उपस्तितरं वदन्ति यद्धृतेन पात्नीवतं श्रीणाति

वज्रैरैवैनं वशे कृत्वा गृह्णात्युपयामगृहीतोऽसीत्याहेयं वा
 उपयामस्तस्मादिमाम्प्रजा अनु प्र जायन्ते बृहस्पतिसुतस्य त इत्याह
 ब्रह्म वै देवानाम्बृहस्पतिर्ब्रह्मणैवास्मै प्रजाः प्र जनयतीन्द्रो इत्याह
 रेतो वा इन्द्रो रेत एव तदधातीन्द्रियाव इत्याह प्रजा वा इन्द्रियं
 प्रजा एवास्मै प्र जनयत्यग्रा इत्याहाग्निर्वै रेतोधाः पत्नीव इत्याह
 मिथुनत्वार्यं सजूर्देवेन त्वष्टा सोममिबेत्याह त्वष्टा वै
 पशूनामिमिथुनानां रूपकृद्रूपमेव पशुषु दधाति देवा वै
 त्वष्टारमजिघांसन्तस् पत्नीः प्रापद्यत तं न प्रति प्रायच्छन्तस्मादपि
 वध्यम्प्रपन्नं न प्रति प्र यच्छन्ति तस्मात्पात्नीवृते त्वष्टेऽपि गृह्यते
 न सादयत्यसन्नाद्धि प्रजाः प्रजायन्ते नानु वर्षट्करोति
 यदनुवषट्कुर्याद्बुधम्प्रजा
 अन्ववसृजेद्यन्नानुवषट्कुर्यादशान्तमग्नीत्सोमम्भक्षयेदुपांश्चनु
 वर्षट्करोति न रुद्रम्प्रजा अन्ववसृजति
 शान्तमग्नीत्सोमम्भक्षयत्यग्निनेष्टुरुपस्थमा सीद नेष्टः
 पत्नीमुदानयेत्याहाग्निदेव नेष्टरि रेतो दधाति नेष्टा पत्निया मुद्रात्रा सं
 ख्यपियति प्रजापतिर्वा एष यदुद्राता प्रजानाम्प्रजननायाप उप प्र
 वर्तयति रेत एव तत्सिञ्चत्यूरुणोप प्र वर्तयत्यूरुणा हि रेतः सिच्यते
 नग्रंक्रियोरुमुप प्र वर्तयति
 यदा हि नग्र ऊरुर्भवत्यथ मिथुनी भवतोऽथ रेतः सिच्यतेऽथ प्रजाः
 प्र जायन्ते ॥८॥

इन्द्रो वृत्रमहन्तस्य शीर्षकपालमुदौब्जत्स
 द्रोणकलशोऽभवत्तस्मात्सोमः समस्रवत्स हारियोजनोऽभवत्तं
 व्यचिकित्सज्जुहवानी३ मा हौषा३मिति सौऽमन्यत
 यद्धोष्याम्यामं हौष्यामि यन्न होष्यामि यज्ञवेशसं करिष्यामीति
 तमधियत होतुं सौऽग्निरब्रवीन्न मय्यामं हौष्यसीति तं

धानाभिरश्रीणात्तं शृतम्भूतमजुहोद्यद्धानाभिर्हारियोजनं श्रीणाति
 शृतत्वाय शृतमेवैनम्भूतं जुहोति ब्रह्मीभिः
 श्रीणात्येतावतीरेवास्यामुष्मिल्लोके कामदुघा भवन्त्यथो
 खल्वाहरेता वा इन्द्रस्य पृश्नयः कामदुघा यद्धारियोजनीरिति
 तस्माद्ब्रह्मीभिः श्रीणीया दृक्सामे वा इन्द्रस्य हरी सोमपानौ तयोः
 परिधय आधानं यदप्रहृत्य परिधीञ्जुहुयादन्तराधानाभ्यां घासम्प्र
 यच्छेत्प्रहृत्य परिधीञ्जुहोति निराधानाभ्यामेव घासम्प्र यच्छत्युन्नेता
 जुहोति यातयामेव ह्येतर्ह्यध्वर्युः स्वगाकृतो यदध्वर्युर्जुहुयाद्यथा
 विमुक्तम्पुनर्युनक्ति तादृगेव तच्छीर्षन्नधि निधाय जुहोति शीर्षतो
 हि स समर्भव द्विक्रम्य जुहोति विक्रम्य हीन्द्रौ वृत्रमहन्त्समृद्धयै
 पशवो वै हारियोजनीर्यत्सम्भिन्द्यादल्पा एनम्पशवौ भुञ्जन्त उप
 तिष्ठेरन्यन्न सम्भिन्द्याद्बृहव एनम्पशवोऽभुञ्जन्त उप तिष्ठेरन्मनसा
 सम्बाधत उभयं करोति बृहव एवैनम्पशवौ भुञ्जन्त उप तिष्ठन्त
 उन्नेतर्युपहवमिच्छन्ते य एव तत्र सोमपीथस्तमेवाव रुन्धत
 उत्तरवेद्यां नि वपति पशवो वा उत्तरवेदिः पशवौ हारियोजनीः
 पशुष्वेव पशून्प्रतिष्ठापयन्ति ॥६॥

ग्रहान्वा अनु प्रजाः पशवः प्र जायन्त उपांश्चन्तर्यामावजावयः
 शुक्रामन्थिनौ पुरुषा ऋतुग्रहानेकशफा आदित्यग्रहं गाव
 आदित्यग्रहो भूयिष्ठाभिर्ऋग्भिर्गृह्यते तस्माद्गावः पशूनाम्भूयिष्ठा
 यत्त्रिरुपांशू हस्तैर्न विगृह्णाति तस्माद्द्वौ त्रीन्जा
 जनयत्यथावयो भूयसीः
 पिता वा एष यदाग्रयणः पुत्रः कलशो यदाग्रयण
 उपदस्यैत्कलशाद्ब्रह्मीयाद्यथा पिता पुत्रं क्षित उपधावति तादृगेव
 तद्यत्कलश उपदस्यैदाग्रयणाद्ब्रह्मीयाद्यथा पुत्रः पितरं क्षित
 उपधावति तादृगेव तदात्मा वा एष यज्ञस्य यदाग्रयणो यद्ग्रहो

वा क॒लशौ वो॒प॒दस्यै॑दाग्र॒य॒णाद्गृ॒हीयादा॑त्म॒न ए॒वाधि॑ य॒ज्ञं
 निष्क॑रोत्य॒ वि॒ज्ञातो॒ वा ए॒ष गृ॑ह्यते यदाग्र॒य॒णः स्था॒ल्या गृ॑ह्णाति
 वा॒य॒व्येन॑ जुहोति॒ तस्मा॑द्गर्भे॒णावि॑ज्ञातेन ब्रह्म॒हाव॑भृथमव॑ यन्ति॒ परा॑
 स्था॒लीरस्य॑न्त्युद्वा॒य॒व्यानि॑ हरन्ति
 तस्मा॑त्त्रि॒त्रयं॑ जा॒ताम्परा॑स्यन्त्युत्पु॒माँँस॑ हरन्ति
 यत्पु॑रोरुच॒माह॒ यथा॑ वस्य॑स आ॒हर॑ति ता॒दृगे॒व तद्ग्र॑हं गृह्णाति॒ यथा॑
 वस्य॑स आ॒हृत्य॑ प्रा॒हं ता॒दृगे॒व तद्य॑त्सा॒दय॑ति यथा॒ वस्य॑स
 उप॒नि॒धाया॑प॒क्राम॑ति ता॒दृगे॒व तद्य॑द्वै य॒ज्ञस्य॑ सा॒म्रा यजु॑षा क्रि॒यते॑
 शि॒थिलं॑ तद्य॒दृचा॒ तद्दृ॑ढं पु॒रस्ता॑दुप॒यामा॑ यजु॑षा गृह्यन्त
 उ॒परि॑ष्टादुप॒यामा॑ ऋ॒चा य॒ज्ञस्य॑ धृ॒त्यै ॥१०॥

प्रा॒न्यानि॒ पात्रा॑णि यु॒ज्यन्ते॒ नान्या॑नि॒ यानि॑ परा॒चीना॑नि
 प्रयु॑ज्यन्तेऽमु॒मे॒व तैर्लो॑क॒म॒भि ज॑यति॒ परा॑डि॒व ह्य॑सौ लो॒को यानि॑
 पुनः॑ प्रयु॑ज्यन्ते इ॒ममे॒व तैर्लो॑क॒म॒भि ज॑यति॒ पुनः॑ पुनरि॒व ह्य॑यं लो॒कः
 प्रा॒न्यानि॒ पात्रा॑णि यु॒ज्यन्ते॒ नान्या॑नि॒ यानि॑ परा॒चीना॑नि प्रयु॑ज्यन्ते
 तान्य॑न्वोष॑धयः॒ परा॑ भवन्ति॒ यानि॑ पुनः॑ प्रयु॑ज्यन्ते॒ तान्य॑न्वोष॑धयः
 पुन॑रा भवन्ति॒ प्रा॒न्यानि॒ पात्रा॑णि यु॒ज्यन्ते॒ नान्या॑नि
 यानि॑ परा॒चीना॑नि प्रयु॑ज्यन्ते॒ तान्य॑न्वा॒र॒णयाः॑ प॒शवो॑ऽर॒ण्यम॑प॒ यन्ति॑
 यानि॑ पुनः॑ प्रयु॑ज्यन्ते॒ तान्य॑नु॒ ग्राम्याः॑ प॒शवो॑ ग्राम॑मुपाव॒यन्ति॑ यो वै
 ग्रहा॑णां नि॒दानं॑ वेद॒ नि॒दानं॑वा॒न्भव॑त्याज्य॒मित्यु॑क्थं तद्वै ग्रहा॑णां
 नि॒दानं॑ यदु॒पाँँशु॑ शँँस॑ति॒ तदु॒पाँँश्वन्तर्या॑मयो॒र्यदु॑च्चैस्तदि॒तरेषां॑
 ग्रहा॑णामे॒तद्वै ग्रहा॑णां नि॒दानं॑ य ए॒वं वेद॑ नि॒दानं॑वा॒न्भव॑ति॒ यो वै
 ग्रहा॑णाम्मिथु॒नं वेद॑ प्र प्र॒जया॑ प॒शुभिर्मि॑थुनैर्जा॒यते॑
 स्था॒लीभि॑र॒न्ये ग्रहा॑ गृह्यन्ते॒ वा॒य॒व्यैर॒न्य ए॒तद्वै ग्रहा॑णाम्मिथु॒नं य ए॒वं
 वेद॑ प्र प्र॒जया॑ प॒शुभिर्मि॑थुनैर्जा॒यत॑ इन्द्र॒स्त्वष्टुः॑ सोम॑मभीष॒हापि॑ब॒त्स
 विष्व॑ङ् इ॒व्यार्च्छ॑त्स आ॒त्मन्ना॑रम॒णं ना॑विन्द॒त्स

ए॒तान॑नु॒स॒व॒न॒म्पु॒रो॒डा॒शा॒न॒प॒श्य॒ता॒न्निर॑व॒प॒तै॒र्वै स॒ आ॒त्म॒न्ना॒र॒म॒ण॒म॒कुरु॑त
 तस्मा॑दनु॒स॒व॒न॒म्पु॒रो॒डा॒शा॒ निरु॑प्यन्ते
 तस्मा॑दनु॒स॒व॒न॒म्पु॒रो॒डा॒शा॒ना॒म्प्रा॒श॒नी॒या॒दा॒त्म॒न्ने॒वा॒र॒म॒ण॒ं कुरु॑ते नै॒न्
 सोमो॑ऽति॒ प॒व॒ते ब्र॒ह्म॒वा॒दि॒नो व॒द॒न्ति न॒र्चा न॒ यजु॑षा प॒ङ्क्ति॒राप्य॑तेऽथ
 किं य॒ज्ञस्य॑ पाङ्क॒त्वमि॑ति धा॒नाः क॑र॒म्भः प॑रि॒वा॒पः पु॒रो॒डा॒शः प॒य॒स्या
 तेन॑ प॒ङ्क्ति॒राप्य॑ते तद्य॒ज्ञस्य॑ पाङ्क॒त्वम् ॥११॥

इति षष्ठकाण्डे पञ्चमः प्रपाठकः ५

अथ षष्ठकाण्डे षष्ठः प्रपाठकः ६

सु॒व॒र्गाय॑ वा ए॒तानि॑ लो॒काय॑ हूयन्ते यद्वा॑क्षि॒णानि॒ द्वा॒भ्यां गा॑र्हपत्ये
 जु॒होति॑ द्वि॒पाद्य॑ज॒मानः॒ प्रति॑ष्ठित्या आ॒ग्नी॒ध्रे जु॒होत्य॑न्तरि॒क्ष ए॒वा
 क्र॒म॒ते स॒दोऽभ्यै॑ति सु॒व॒र्गमे॒वैनं॑ लो॒कं ग॑मयति सौ॒री॒भ्यामृ॑भ्यां
 गा॑र्हपत्ये जु॒होत्य॑मु॒मे॒वैनं॑ लो॒कं स॒मा॒रो॒हय॑ति न॒य॒वत्य॑र्चा॒ग्नी॒ध्रे
 जु॒होति॑
 सु॒व॒र्गस्य॑ लो॒कस्या॒भिनी॑त्यै दि॒वं गच्छ॑ सु॒वः प॒तेति॑ हि॒र॒ण्यं
 हु॒त्वो॒द्गृह्णा॑ति
 सु॒व॒र्गमे॒वैनं॑ लो॒कं ग॑मयति रू॒पेण॑ वो रू॒पम॒भ्यैमी॑त्याह रू॒पेण॑
 ह्या॒सां रू॒पम॒भ्यैति॑ यद्वि॒र॒ण्येन॑ तुथो वो वि॒श्ववे॑दा वि
 भ॑ज॒त्वित्या॑ह तुथो ह॑ स्म॒ वै वि॒श्ववे॑दा दे॒वानां॑ दक्षि॒णा वि भ॑जति
 तेनै॒वैना॑ वि भ॑जत्ये॒ तत्तै अ॒ग्ने रा॒ध ए॑ति सोम॑च्यु॒तमि॑त्याह
 सोम॑च्यु॒तं ह्य॑स्य रा॒ध ए॑ति तन्मि॒त्रस्य॑ प॒था न॒येत्या॑ह शान्त्या
 ऋ॒तस्य॑ प॒था प्रे॒तं च॒न्द्रद॑क्षि॒णा इत्या॑ह स॒त्यं वा ऋ॒तं स॒त्येनै॒वैना॑
 ऋ॒तेन॑ वि भ॑जति य॒ज्ञस्य॑ प॒था सु॒वि॒ता न॒य॒न्ती॒रित्या॑ह य॒ज्ञस्य॑ ह्यै॒ताः
 प॒था य॒न्ति यद्वा॑क्षि॒णा ब्रा॒ह्म॒णम॒द्य रा॑ध्यास॒मृषि॑मा॒र्षेय॑मित्या॒हैष वै
 ब्रा॒ह्म॒ण ऋ॒षिरा॑र्षे॒यो यः शु॑श्रु॒वान्तस्मा॑दे॒वमा॑ह वि सु॒वः प॒श्य
 व्य॑न्तरि॒क्षमि॑त्याह सु॒व॒र्गमे॒वैनं॑ लो॒कं ग॑मयति यत॑स्व स॒द॒स्यै॒रित्या॑ह

मित्र॒त्वाया॒ स्मद्वा॒त्रा दे॒व॒त्रा गच्छ॑तु॒ मधु॑मतीः प्र दा॒ता॒र॒मा
वि॒श॒तेत्या॑ह व॒यमि॒ह प्र॑दा॒ता॒रः स्मोऽस्मान॑मु॒त्र मधु॑मती॒रा वि॒श॒तेति॑
वावै॑तदा॒ह हि॒र॒ण्यं द॑दाति॒ ज्योति॑र्वै हि॒र॒ण्यं ज्योति॑रेव पु॒रस्ता॑द्धत्ते
सुव॒र्गस्य॑ ल॒कस्यानु॑ख्यात्या अ॒ग्नीधे॑ ददात्य॒ग्निमु॑खाने॒वतू॑न्प्रीणाति
ब्र॒ह्मणे॑ ददाति॒ प्रसू॑त्यै होत्रे॑ ददात्या॒त्मा वा ए॒ष य॒ज्ञस्य॑
यद्धो॑ता॒त्मानमे॒व य॒ज्ञस्य॑ दक्षि॑णाभिः॒ सम॑र्धयति ॥१॥

स॒मिष्ट॑य॒जूँषि॑ जुहोति॒ य॒ज्ञस्य॑ स॒मिष्ट॑यै॒ यद्वै य॒ज्ञस्य॑ क्रूरं॒ यद्वि॑लिष्टं
यद॒त्येति॑ यन्ना॒त्येति॑ यद॒तिक॑रोति॒ यन्नापि॑ क॒रोति॑ तदे॒व तैः प्री॑णाति॒
न॒व जुहो॑ति॒ न॒व वै पुरु॑षे प्रा॒णाः पुरु॑षेण॒ य॒ज्ञः स॒मि॒तो या॒वाने॒व
य॒ज्ञस्त॒म्प्रीणा॑ति॒ षड॑ग्मि॒याणि॑ जुहोति॒ षड्वा॑ ऋ॒त॒व ऋ॒तूने॒व प्री॑णाति॒
त्री॒णि य॒जूँषि॑ त्रय॑ इ॒मे लो॒का इ॒माने॒व लो॒कान्प्री॑णाति॒ य॒ज्ञं य॒ज्ञं
गच्छ॑ य॒ज्ञप॑तिं ग॒च्छेत्या॑ह॒ य॒ज्ञप॑तिमे॒वैनं॑ गमयति॒ स्वाम्यो॑निं
ग॒च्छेत्या॑ह॒ स्वामे॒वैनं॑ यो॒निं गम॑यत्ये॒ष तै॑ य॒ज्ञो य॒ज्ञप॑ते
स॒हसू॑क्तवाकः सु॒वीर॒ इत्या॑ह॒ यज॑माम ए॒व वी॒र्यं द॑धाति॒ वासि॑ष्ठो ह
सा॒त्यह॑व्यो दे॒वभा॒गम्प्र॑च्छ॒ यत्सृ॑ञ्ज्यान्ब॒हुया॒जिनोऽयी॑यजो॒ य॒ज्ञे
य॒ज्ञम्प्र॑त्य॒तिष्ठि॑पा॒३ य॒ज्ञप॑ता॒३वि॑ति॒ स हो॑वाच॒ य॒ज्ञप॑ता॒वि॒ति स॒त्याद्वै
सृ॑ञ्ज्याः॒ परा॑ बभूवुरि॒ति हो॑वाच॒ य॒ज्ञे वा॒व य॒ज्ञः प्र॑ति॒ष्ठाप्य॑
आसी॑द्यज॒मान॒स्याप॑राभा॒वाये॑ति॒ दे॒वा गा॑तुविदो गा॒तुं वि॒त्त्वा
गा॒तुमि॑तेत्या॒ह य॒ज्ञ ए॒व य॒ज्ञम्प्र॑ति॒ ष्ठाप॑यति॒ यज॑मान॒स्याप॑राभा॒वाय
॥२॥

अ॒व॒भृथ॑य॒जूँषि॑ जुहोति॒ यदे॒वावा॑ची॒नमे॑कहा॒यना॑दे॒नः क॑रोति॒ तदे॒व
तैर॑व॒ यज॑तेऽपोऽव॒भृथ॑मवैत्य॒प्सु वै वरु॑णः सा॒क्षादे॒व वरु॑णम॒व
यज॑ते॒ वर्त्म॑ना॒ वा अ॒न्वित्य॑ य॒जूँ रक्षाँ॑सि जिघाँ॑सन्ति॒ साम्ना॑
प्र॒स्तो॒तान्व॑वैति॒

साम॒ वै र॑क्षो॒हा र॑क्ष॒साम॑प॒हत्यै॑ त्रि॒र्नि॒धन॑मु॒पैति॑ त्रय॑ इ॒मे लो॒का ए॒भ्य
 ए॒व लो॒केभ्यो॑ र॒क्षाँ॑स्य॒प ह॑न्ति
 पु॒रुषः॑पु॒रुषो॑ नि॒धन॑मु॒पैति॑ पु॒रुषः॑पु॒रुषो॑ हि र॑क्ष॒स्वी र॑क्ष॒साम॑प॒हत्या
 उ॒रुँ॑ हि रा॒जा वरु॑णश्च॒कारे॒त्याह॑ प्र॒तिष्ठि॑त्यै श॒तं तै॑ रा॒जन्भि॒षजः॑
 स॒हस्र॑मि॒त्याह॑ भे॒षज॑मे॒वास्मै॑ करो॒त्यभि॑ष्ठि॒तो वरु॑णस्य॒ पाश॑ इ॒त्याह॑
 वरु॑ण॒पाश॑मे॒वाभि॑ तिष्ठति ब॒र्हिर्भ॑भि जु॒हो॒त्याहु॑तीना॒म्प्रति॑ष्ठि॒त्या अथो॑
 अ॒ग्नि॒वत्ये॒व जु॒हो॒त्य प॑ब॒र्हिषः॑ प्र॒याजा॑न्य॒जति॑ प्र॒जा वै ब॒र्हिः प्र॒जा
 ए॒व वरु॑ण॒पाशा॑न्मु॒ञ्च॒त्या ज्य॑भा॒गौ य॑जति य॒ज्ञस्यै॒व चक्षु॑षी॒ नान्तरै॑ति॒
 वरु॑णं॒ यज॑ति
 वरु॑ण॒पाशा॑दे॒वैन॑म्मु॒ञ्च॒त्य ग्री॒वरु॑णौ॒ यज॑ति सा॒क्षादे॒वैनं॑
 वरु॑ण॒पाशा॑न्मु॒ञ्च॒त्य प॑ब॒र्हिषा॑व॒नूया॒जौ य॑जति प्र॒जा वै ब॒र्हिः प्र॒जा
 ए॒व वरु॑ण॒पाशा॑न्मु॒ञ्च॒ति च॒तुरः॑ प्र॒याजा॑न्य॒जति॑ द्वा॒वनू॒याजौ
 षट्स॑म्प॒द्यन्ते॑ षड्वा ऋ॒तव॑ ऋ॒तुष्वे॒व प्र॒ति तिष्ठ॑त्य॒वभृ॑थ
 नि॒चङ्कु॑णे॒त्याह॑ यथो॒दित॑मे॒व वरु॑ण॒मव॑ यज॒ते स॒मुद्रे॑ ते
 हृ॒दय॑म॒प्स्वन्त॑रि॒त्याह॑ स॒मुद्रे॒ह्यन्त॑र्वरु॒णः
 सं त्वा॑ वि॒शन्त्वो॑ष॒धीरु॑ता॒प इ॒त्याहा॒द्भिरे॒वैन॑मोष॒धीभिः॑ स॒म्यञ्चं
 द॒धाति॑ दे॒वीरा॑प ए॒ष वो॒ गर्भ॑ इ॒त्याह॑
 यथा॑य॒जुरे॒वैत॑त्प॒शवो॑ वै सो॒मो
 यद्भि॑न्दूना॒म्भुक्ष॑ये॒त्पशु॑मा॒न्स्या॒द्वरु॑ण॒स्त्वेनं॑ गृ॒ह्णीया॑द्यन्न भ॒क्षये॑द॒पशुः॑
 स्या॒न्नैनं॑ वरु॒णो गृ॒ह्णीया॑दु॒पस्पृ॑श्यमे॒व प॑शु॒मान्भ॑वति नैनं॑ वरु॒णो
 गृ॒ह्णाति॑ प्र॒तियु॑तो वरु॒णस्य॑ पा॒श इ॒त्याह॑ वरु॑ण॒पाशा॑दे॒व
 निर्मु॑च्य॒तेऽप्र॑ती॒क्षमा॑ य॒न्ति वरु॑ण॒स्यान्त॑र्हि॒त्या
 ए॒धोऽस्ये॑धि॒षीम॑ही॒त्याह॑ स॒मिधे॒वाग्निं॑ न॒मस्य॑न्त॒ उपा॑यन्ति॒ तेजो॑ऽसि
 ते॒जो म॑यि धे॒हीत्या॑ह॒ तेज॑ ए॒वात्म॑न्ध॒त्ते ॥३॥

स्फ्ये॒न वे॒दिमु॒द्धन्ति॑ रथा॒क्षेण॑ वि मि॒मीते॒ यूप॑मि॒नोति॑ त्रि॒वृ॒तमे॒व

वज्रं॑ सम्भृत्य॒ भ्रातृ॑व्याय॒ प्र ह॑रति॒ स्तृत्यै॑
 यद॑न्तर्वे॒दि मि॑नुयाद्दे॒वलोक॑म॒भि ज॑येद्यद्वै॒हिर्वे॑दि॒ मनु॑ष्यलोकं
 वैद्य॑न्तस्य॒ संधौ॑ मि॒नोत्यु॒भयो॑र्लोकयो॒रभिजि॑त्या
 उप॑रस॒मिता॒मिनु॑यात्पितृलोककामस्य
 रश॑नस॒मिता॒मनु॑ष्यलोककामस्य च॒षाल॑स॒मिता॒मिन्द्रि॑यकामस्य
 सर्वा॑न्त्स॒मान्प्र॑तिष्ठाकामस्य॒ ये त्रयो॑
 मध्य॑मास्तान्त्स॒मान्प॒शुकाम॑स्यै॒ तान्वा॑ अ॒नु प॒शव॑ उप॒ तिष्ठ॑न्ते
 पशु॑माने॒व भ॑वति॒ व्यति॑षजे॒दित॑रान्प्रजये॒वैन॑म्प॒शुभिर्व्यति॑षजति॒ यं
 का॒मये॑त प्र॒मायु॑कः स्या॒दिति॑ गर्त॒मितं॑ तस्य॒ मिनु॑यादुत्तरा॒र्ध्यं
 वर्षि॑ष्ठमथ॒ हसी॑या॑समे॒षा वै गर्त॑मिद्यस्यै॒वमि॑नोति॒ ताज॑क्प्र मी॒यते
 दक्षि॑णा॒र्ध्यं वर्षि॑ष्ठमि॒नुयात्सुव॑र्गकामस्याथ॒ हसी॑या॑समा॒क्रम॑णमे॒व
 तत्से॑तुं यज॑मानः कुरुते सुव॒र्गस्य॑ लोकस्य॒ सम॑ष्ट्यै ॥२॥
 यदे॑कस्मि॒न्यूपे॑ द्वे र॒शने॑ प॒रिव्य॑रति॒ तस्मा॑दे॒को द्वे जा॑ये वि॒न्दते
 यन्नै॑का॑ र॒शनां॑ द्वयो॒र्यूपयोः॑ प॒रिव्य॑रति॒ तस्मान्नै॑का॒ द्वौ पती॑ वि॒न्दते
 यं का॒मये॑त॒ सूर्य॑स्य जा॒येते॒त्युप॑ान्ते तस्य॒ व्यति॑षजे॒त्सूर्यै॑वास्य॒ जाय॑ते
 यं का॒मये॑त॒ पुमा॑नस्य जा॒येते॒त्यान्तं॑ तस्य॒ प्र वैष्ट॑येत्पुमा॒नेवा॑स्य
 जाय॑तेऽसुरा॒ वै दे॒वान्दक्षि॑णत॒ उप॑ानय॒न्तान्दे॒वा उप॑श॒येनै॒वापा॑नुदन्त
 तदु॑पश॒यस्यो॑पश॒यत्वं॑ यद्दक्षि॑णत॒ उप॑श॒य उप॑श॒ये भ्रातृ॑व्यापनुत्यै
 सर्वे॑ वा अन्ये यूपाः पशु॒मन्तोऽथो॑पश॒य ए॒वाप॑शुस्तस्य॒ यज॑मानः
 प॒शुर्यन्न॑ निर्दि॒शेदा॒र्तिमा॑र्च्छेद्यज॑मानोऽसौ तै प॒शुरिति॑ निर्दि॒शेद्यं
 द्वि॒ष्याद्य॑मे॒व ॥४॥ द्वेष्टि॑ तम॒स्मै प॒शुं निर्दि॑शति॒ यदि॑ न द्वि॒ष्यादा॑खुस्तै
 प॒शुरिति॑ ब्रूया॒न्न ग्रा॒म्यान्प॒शून्हि॑नस्ति॒ नार॑ण॒यान्प्रजा॑पतिः प्र॒जा
 असृ॑जत॒ सौऽन्नाद्यै॑न॒ व्या॑र्ध्यत॒ स ए॒तामै॑काद॒शिनी॑मपश्य॒त्तया॑ वै
 सौऽन्नाद्य॑मवा॒रुन्द्ध॑ यद्दश॒ यूपा॑ भव॒न्ति द॑शाक्षरा वि॒राडन्नं॑
 वि॒राड्वि॒राजै॑वान्नाद्य॒मव॑ रुन्द्धे॒ य ए॑काद॒शः स्तन॑ ए॒वास्यै॑ स दु॒ह
 ए॒वैन॑नां तेन॒ वज्रो॑ वा ए॒षा सम्मी॑यते॒ यदै॑काद॒शिनी॑ से॒श्वरा॑

पुरस्तात्प्रत्यञ्चं यज्ञं सम्मर्दितोर्यत्पात्नीवतम्मिनोति यज्ञस्य
प्रत्युत्तब्ध्यै सयत्वाय ॥४॥

प्रजापतिः प्रजा असृजत स रिरिचानोऽमन्यत स
एतामैकादशिनीमपश्यत्तया वै स आयुरिन्द्रियं वीर्यमात्मन्नधत्त प्रजा
इव खलु वा एष सृजते यो यजते स एतर्हि रिरिचान इव
यदेषैकादशिनी भवत्यायुरेव तयैन्द्रियं वीर्यं यजमान आत्मन्धत्ते
प्रेवाग्नेयेन वापयति मिथुनं सारस्वत्या करोति रेतः सौम्येन
दधाति प्र जनयति पौष्णेन बार्हस्पत्यो भवति ब्रह्म वै
देवानाम्बृहस्पतिर्ब्रह्मणैवास्मै प्रजाः प्र जनयति वैश्वदेवो भवति
वैश्वदेव्यो वै प्रजाः प्रजा एवास्मै प्र जनयतीन्द्रियमेवैन्द्रेणाव रुद्धे
विशममारुतेनौजो बलमैन्द्राग्नेन प्रसवाय सावित्रो निर्वरुणत्वाय
वारुणो मध्यत ऐन्द्रमा लभते मध्यत एवेन्द्रियं यजमाने दधाति
पुरस्तादैन्द्रस्य वैश्वदेवमा लभते वैश्वदेवं वा अन्नमन्नमेव पुरस्ताद्धत्ते
तस्मात्पुरस्तादन्नमद्यत ऐन्द्रमालभ्य मारुतमा लभते विड्वै मरुतो
विशमेवास्मा अनु बध्नाति यदि कामयैत योऽवगतः सोऽप रुध्यतां
योऽपरुद्धः सोऽव गच्छत्वित्यैन्द्रस्य लोके वारुणमा लभेत वारुणस्य
लोक ऐन्द्रं य एवावगतः सोऽप रुध्यते योऽपरुद्धः सोऽव गच्छति
यदि कामयैत प्रजा मुह्येयुरिति पशून्यतिषजेत्प्रजा एव मोहयति
यदभिवाहतोऽपां वारुणमालभेत प्रजा वरुणो गृहीयादक्षिणत
उदञ्चमा लभतेऽपवाहतोऽपाम्प्रजानामवरुणग्राहाय ॥५॥

इन्द्रः पत्न्या मनुमयाजयत्ताम्पर्यग्निकृतामुदसृजत्तया
मनुराध्नोद्यत्पर्यग्निकृतम्पात्नीवतमुत्सृजति यामेव
मनुर्ऋद्धिमाध्नोत्तामेव यजमान ऋध्नोति यज्ञस्य वा अप्रतिष्ठिताद्यज्ञः
परो भवति यज्ञम्पराभवन्तं यजमानोऽनु परो भवति यदाज्येन

पात्नीव॒तः सँस्था॒पय॑ति य॒ज्ञस्य॒ प्रति॑ष्ठित्यै य॒ज्ञम्प्रति॑तिष्ठन्तं
 यज॑मानोऽनु॒ प्रति॑ तिष्ठती॒ष्टं व॒पया॒ भव॑त्यनिष्टं व॒शयार्थं॑ पात्नीव॒तेन॒
 प्र च॑रति ती॒र्थ ए॒व प्र च॑रत्यथौ ए॒तर्ह्ये॒वास्य॒ याम॑ स्त्वाष्ट्रो भ॑वति
 त्वष्ट्रा॒ वै रे॒तसः॑ सि॒क्तस्य॑ रू॒पाणि॑ वि॒ करो॑ति॒ तमे॒व वृ॑षाण॒म्पत्नी॑ष्वपि
 सृ॒जति॒ सौऽस्मै॑ रू॒पाणि॑ वि॒ करो॑ति ॥६॥

घ्नन्ति॒ वा ए॒तत्सो॒मं यद॑भिषु॒ण्वन्ति॒ यत्सौ॒म्यो भव॑न्ति॒ यथा॑
 मृ॒ताया॑नु॒स्तर॑णीं॒ घ्नन्ति॒ तादृ॑गे॒व त द्यदु॑त्तरार्धे॒ वा म॑ध्यै॒ वा
 जुहु॑याद्दे॒वता॑भ्यः॒ सम॑दं द॒ध्याद॑क्षिणार्धे॒ जुहो॑त्येषा॒ वै पि॑तृणां
 दिक्स्वा॒यामे॒व दि॒शि पि॑तृ॒न्निर॑व॒दय॑त उ॒द्गातृ॑भ्यो॒ हर॑न्ति॒ साम॑दे॒वत्यो॑
 वै सौ॒म्यो यदे॒व सा॒म्रश्छ॑म्बट्कुर्वन्ति॒ तस्यै॒व स शा॑न्ति॒ रवे॑क्षन्ते
 प॒वित्रं॒ वै सौ॒म्य आ॒त्मान॑मे॒व प॑वयन्ते॒ य आ॒त्मानं॒ न
 प॑रि॒पश्ये॑दि॒तासुः॑ स्याद॒भिद॑दिं कृ॒त्वावे॑क्षेत्
 तस्मि॒न्ह्या॒त्मान॑म्प॒रिप॑श्यत्यथौ॒ आ॒त्मान॑मे॒व प॑वयते॒ यो गु॒तम॑नाः
 स्यात्सोऽवे॑क्षेत्॒ यन्मे॒ मनः॑ प॒रागतं॑ यद्वा मे॒ अप॑रागतम् । रा॒ज्ञा
 सोमै॑न॒ तद्व॒यम॒स्मासु॑ धा॒रयाम॒सीति॑ मन॒ ए॒वात्म॑न्दा॒धार॒ न गु॒तम॑ना
 भ॒वत्य॒प॒ वै तृ॑तीयस॒वने॒ य॒ज्ञः
 क्रा॒मती॒जाना॑दनी॒जान॑म॒भ्याग्नावै॑ष्ण॒व्यर्चा॑ घृ॒तस्य॑ यज॒त्यग्निः॑ सर्वा
 दे॒वता॒ विष्णु॑र्य॒ज्ञो दे॒वता॑श्चै॒व य॒ज्ञं च॑ दा॒धारो॒ पाँशु॑ य॒जति॑
 मिथु॑न॒त्वाय॑ ब्र॒ह्मवा॒दिनो॑ वदन्ति॒ मि॒त्रो य॒ज्ञस्य॒ स्वि॑ष्टं यु॒वते॒ वरु॑णो
 दुरि॑ष्टं क्व॒ तर्हि॑ य॒ज्ञः क्व॑ यज॑मानो भव॒तीति॑ यन्मै॒त्रावरु॑णीं
 व॒शामा॒लभ॑ते मि॒त्रेणै॒व य॒ज्ञस्य॒ स्वि॑ष्टं श॒मय॑ति॒ वरु॑णेन॒ दुरि॑ष्टं
 ना॒र्तिमा॑च्छति॒ यज॑मानो॒ यथा॒ वै लाङ्ग॑लेनो॒र्वरा॑म्प्र॒भिन्द॑न्त्ये॒वमृ॑क्सामे
 य॒ज्ञम्प्र॒ भि॑न्तो॒ यन्मै॒त्रावरु॑णीं व॒शामा॒लभ॑ते॒ यज्ञायै॒व प्र॑भि॒न्नाय॑
 म॒त्यम॒न्ववा॑स्यति॒ शान्त्यै॑ या॒तया॑मानि॒ वा ए॒तस्य॒ च्छन्दाँ॑सि॒ य
 ई॒जान॑श्छन्द॒सामे॑ष र॒सो यद्व॒शा यन्मै॒त्रावरु॑णीं व॒शामा॒लभ॑ते

छन्दाँस्येव पुनरा प्रीणात्ययातयामत्वायाथो छन्दःस्वेव रसं दधाति
॥७॥

देवा वा इन्द्रियं वीर्यं व्यभजन्त ततो यदत्यशिष्यत तदतिग्राह्या
अभवन्तदतिग्राह्याणामतिग्राह्यत्वं यदतिग्राह्या गृह्यन्त इन्द्रियमेव
तद्वीर्यं यजमान आत्मन्धत्ते तेज आग्नेयेनैन्द्रियमैन्द्रेण ब्रह्मवर्चसं
सौर्येणो पुस्तम्भनं वा एतद्यज्ञस्य यदतिग्राह्याश्चक्रे पृष्ठानि यत्पृष्ठे
न गृहीयात्प्राञ्चं यज्ञम्पृष्ठानि सः शृणीयु र्यदुक्थ्यै गृहीयात्प्रत्यञ्चं
यज्ञमतिग्राह्याः सः शृणीयु विश्वजिति सर्वपृष्ठे ग्रहीतव्या यज्ञस्य
सवीर्यत्वाय प्रजापतिर्देवेभ्यो यज्ञान्व्यादिशत्स प्रियास्तनूरप न्यधत्त
तदतिग्राह्या अभवन्वितनुस्तस्य यज्ञ इत्याहुर्यस्यातिग्राह्या न गृह्यन्त
इत्यप्यग्निष्टोमे ग्रहीतव्या यज्ञस्य सतनुत्वाय
देवता वै सर्वाः सदृशीरासन्ता न व्यावृत्तमगच्छन्ते देवा एत
एतान्ग्रहानपश्यन्तानगृह्यताग्नेयमग्निरेन्द्रमिन्द्रः सौर्यं सूर्यस्ततो वै
तैऽन्याभिर्देवताभिव्यावृत्तमगच्छन्त्यस्यैवं विदुष एते ग्रहा गृह्यन्ते
व्यावृत्तमेव पाप्मना भ्रातृव्येण गच्छती मे लोका ज्योतिष्मन्तः
सुमावद्वीर्याः कार्या इत्याहुराग्नेयेनास्मिँल्लोके ज्योतिर्धत्त
ऐन्द्रेणान्तरिक्ष इन्द्रवायू हि सयुजौ सौर्येणामुष्मिँल्लोके ज्योतिर्धत्ते
ज्योतिष्मन्तोऽस्मा इमे लोका भवन्ति सुमावद्वीर्यानिनान्कुरुत एतान्वै
ग्रहान्बम्बाविश्ववयसाववित्तां ताभ्यामिमे लोकाः पराञ्चश्चार्वाञ्चश्च
प्राभुर्यस्यैवं विदुष एते ग्रहा गृह्यन्ते प्रास्मा इमे लोकाः
पराञ्चश्चार्वाञ्चश्च भान्ति ॥८॥

देवा वै यद्यज्ञेऽकुर्वत तदसुरा अकुर्वत ते देवा अदाभ्ये छन्दाँसि
सर्वनानि समस्थापयन्ततो देवा अभवन्परासुरा यस्यैवं
विदुषोऽदाभ्यो गृह्यते भवत्यात्मना परास्य भ्रातृव्यो भवति यद्वै देवा

असुरानदाभ्येनादभुवन्तददाभ्यस्यादाभ्यत्वं य एवं वेद दभ्नोत्येव
 भ्रातृव्यं नैनम्भ्रातृव्यो दभ्नोत्येषा वै प्रजापतेरतिमोक्षिणी नाम
 तनूर्यददाभ्य उपनद्धस्य गृह्णात्यतिमुक्त्या
 अतिप्राप्मानम्भ्रातृव्यमुच्यते य एवं वेद घ्नन्ति वा एतत्सोमं
 यदभिषुण्वन्ति सोमं हन्यमाने यज्ञो हन्यते यज्ञे यजमानो
 ब्रह्मवादिनो वदन्ति किं तद्यज्ञे यजमानः कुरुते येन जीवन्त्सुवर्गं
 लोकमेतीति जीवग्रहो वा एष यददाभ्योऽनभिषुतस्य गृह्णाति
 जीवन्तमेवैनं सुवर्गं लोकं गमयति वि वा एतद्यज्ञं छिन्दन्ति
 यददाभ्ये सःस्थापयन्त्युःशूनपि सृजति यज्ञस्य संतत्यै ॥६॥

देवा वै प्रबाहुग्रहानगृह्णत स एतम्प्रजापतिरुःशुमपश्यत्तमगृहीत
 तेन वै स अधिर्घोद्यस्यैवं विदुषोऽःशुर्गृह्यत ऋध्नोत्येव सकृदभिषुतस्य
 गृह्णाति सकृद्धि स तेनाधो मनसा गृह्णाति मन इव हि प्रजापतिः
 प्रजापतेराप्त्या औदुम्बरेण गृह्णात्यूर्वा उदुम्बर ऊर्जमेवाव रुद्धे
 चतुःस्रक्ति भवति दिद्वेव प्रति तिष्ठति यो वा अःशोरायतनं
 वेदायतनवान्भवति वामदेव्यमिति साम तद्वा अस्यायतनम्मनसा
 गायमानो गृह्णात्यायतनवानेव भवति यदध्वर्युरःशुं
 गृह्णन्नार्धयेदुभाभ्यां नर्ध्वेताध्वर्यवे च यजमानाय च
 यदध्वर्ययेदुभाभ्यामृध्येतानवानं गृह्णाति सैवास्यर्द्धि हिरण्यमभि
 व्यनित्यमृतं वै हिरण्यमायुः प्राण आयुषैवामृतमभि धिनोति
 शतमानम्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठति
 ॥१०॥

प्रजापतिर्देवेभ्यो यज्ञान्व्यादिशत्स रिरिचानोऽमन्यत
 स यज्ञानां षोडशेन्द्रियं वीर्यमात्मानमभि
 समक्खिदत्तत्षोडश्यभवन्न वै षोडशी नाम यज्ञोऽस्ति

यद्वाव षौडशं स्तोत्रं षौडशं शस्त्रं तेन षौडशी
 तत्षोडशिनः षौडशित्वं यत्षौडशी गृह्यते इन्द्रियमेव तद्वीर्यं यजमान
 आत्मन्धत्ते देवेभ्यो वै सुवर्गो लोको न प्राभवत्त एतं
 षौडशिनमपश्यन्तमगृह्णतु ततो वै तेभ्यः सुवर्गो लोकः
 प्राभवद्यत्षोडशी गृह्यते सुवर्गस्य लोकस्याभिजित्या इन्द्रो वै
 देवानामानुजावर आसीत्स प्रजापतिमुपाधावत्तस्मा एतं
 षौडशिनम्प्रायच्छत्तमगृह्णीतु ततो वै सोऽग्रं देवतानाम्पर्यैद्यस्यैव
 विदुषः षौडशी गृह्यतेऽग्रमेव समानानाम्पर्यैति प्रातःसवने गृह्णाति
 वज्रो वै षौडशी वज्रः प्रातःसवनं स्वादेवैनं योनेर्नि गृह्णाति
 सवनेसवनेऽभि गृह्णाति सर्वनात्सवनादेवैनम्प्र जनयति तृतीयसवने
 पशुकामस्य गृह्णीयाद्वज्रो वै षौडशी पशवस्तृतीयसवनं वज्रैरैवास्मै
 तृतीयसवनात्पशूनव रुद्धे नोक्थ्यै गृह्णीयात्प्रजा वै पशव उक्थानि
 यदुक्थ्यै गृह्णीयात्प्रजाम्पशूनस्य निर्दहे दतिरात्रे पशुकामस्य
 गृह्णीयाद्वज्रो वै षौडशी वज्रैरैवास्मै पशूनवरुध्य
 रात्रियोपरिष्ठाच्छमयत्यप्यग्निष्टोमे राजन्यस्य गृह्णीयाद्व्यावृत्कामो
 हि राजन्यो यजते साह एवास्मै वज्रं गृह्णाति स एनं वज्रो भूत्या
 इद्धे निर्वा दहत्येकविंशं स्तोत्रमभवति प्रतिष्ठित्यै हरिवच्छस्यतु
 इन्द्रस्य प्रियं धामोपाप्नोति कनीयांसि वै देवेषु
 च्छन्दांस्यासञ्जयायांस्यसुरेषु ते देवाः कनीयसा च्छन्दसा
 ज्यायश्छन्दोऽभि व्यशंसन्ततो वै तेऽसुराणां लोकमवृञ्जत
 यत्कनीयसा च्छन्दसा ज्यायश्छन्दोऽभि विशंसति भ्रातृव्यस्यैव
 तल्लोकं वृद्धे षडक्षराण्यति रेचयन्ति षड्वा ऋतव ऋतूनेव प्रीणाति
 चत्वारि पूर्वाण्यव कल्पयन्ति चतुष्पद एव पशूनव रुद्धे द्वे उत्तरे
 द्विपद एवाव रुद्धे ऽनुष्टुभमभि सम्पादयन्ति वाग्वा
 अनुष्टुप्स्मात्प्राणानां वागुत्तमा समयाविषिते सूर्ये षौडशिनः
 स्तोत्रमुपाकरोत्येतस्मिन्वै लोक इन्द्रो वृत्रमहन्त्साक्षादेव

वज्र॒म्भ्रातृ॑व्याय॒ प्र ह॑रत्य॒ रुण॑पि॒शङ्गोऽश्वो॑ दक्षि॒णैत॑द्वै वज्र॑स्य रू॒पं
समृ॑द्धयै ॥११॥

इति षष्ठकारण्डे षष्ठः प्रपाठकः ६

इति षष्ठं कारण्डं सम्पूर्णम् ६

अथ सप्तमं काण्डम्

अथ सप्तमकाण्डे प्रथमः प्रपाठकः १

प्रजननं ज्योतिरग्निर्देवतानां ज्योतिर्विराट्छन्दसां ज्योतिर्विराड्वाचौऽग्नौ
 सं तिष्ठते विराजमभि सम्पद्यते तस्मात्तज्ज्योतिरुच्यते द्वौ स्तोमौ
 प्रातःसवनं वहतो यथा प्राणश्चापानश्च द्वौ माध्यन्दिनं सवनं यथा चक्षुश्च
 श्रोत्रं च द्वौ तृतीयसवनं यथा वाक्च प्रतिष्ठा च पुरुषसम्मितो वा एष
 यज्ञोऽस्थूरि र्यं कामं कामयते तमेतेनाभ्यश्नुते सर्वं
 ह्यस्थूरिणाभ्यश्नुतेऽग्निष्टोमेन वै प्रजापतिः प्रजा असृजत ता अग्निष्टोमेनैव
 पर्यगृह्णात्तासाम्परिगृहीतानामश्वतरोऽत्यप्रवत तस्यानुहाय रेत आदत्त
 तद्गर्भे न्यमार्दतस्माद्गर्भो द्विरेता अथौ आहुर्वडबायां न्यमार्दिति
 तस्माद्गर्भो द्विरेता अथौ आहुरोषधीषु न्यमार्दिति तस्मादोषधयोऽनभ्यक्ता
 रेभन्त्यथौ आहुः प्रजासु न्यमार्दिति तस्माद्यमौ जायेते तस्मादश्वतरो न प्र
 जायत आत्तरेता हि तस्माद्बर्हिष्यनवक्लृप्तः सर्ववेदसे वा सहस्रे
 वारवक्लृप्तोऽति ह्यप्रवत य एवं विद्वानग्निष्टोमेन यजते प्राजाताः प्रजा
 जनयति परि प्रजाता गृह्णाति तस्मादाहुर्ज्येष्ठयज्ञ इति प्रजापतिर्वाव ज्येष्ठः
 स ह्येतेनाग्रेऽयजत प्रजापतिरकामयत प्र जायेयेति स मुखतस्त्रिवृतं
 निरमिमीत तमग्निर्देवतान्वसृज्यत गायत्री छन्दो रथंतरं सामं ब्राह्मणो
 मनुष्याणामजः पशूनां तस्मात्ते मुख्या मुखतो ह्यसृज्यन्तो रसो
 ब्राह्म्याम्पञ्चदशं निरमिमीत तमिन्द्रो देवतान्वसृज्यत त्रिष्टुप्छन्दो
 बृहत्सामं राजन्यो मनुष्याणामविः पशूनां तस्मात्ते वीर्यावन्तो
 वीर्याद्ध्यसृज्यन्त मध्यतः सप्तदशं निरमिमीत तं विश्वे देवा देवता
 अन्वसृज्यन्त जगती छन्दो वैरूपं सामं वैश्यो मनुष्याणां गावः पशूनां
 तस्मात्त आद्या अन्नधानाद्ध्यसृज्यन्त तस्माद्भूयांसोऽन्येभ्यो भूयिष्ठा हि
 देवता अन्वसृज्यन्त पुत्त एकविंशं निरमिमीत तमनुष्टुप्छन्दोऽन्वसृज्यत
 वैराजं सामं शूद्रो मनुष्याणामश्वः पशूनां तस्मात्तौ भूतसंक्रामिणवश्च
 शूद्रश्च तस्माच्छूद्रो यज्ञेऽनवक्लृप्तो न हि देवता अन्वसृज्यत
 तस्मात्पादावुप जीवतः पुत्तो ह्यसृज्येतां प्राणा वै त्रिवृदर्धमासाः पञ्चदशः
 प्रजापतिः सप्तदशस्त्रय इमे लोका असावादित्य एकविंश एतस्मिन्वा

एते श्रिता एतस्मिन्प्रतिष्ठिता य एवंवेदैतस्मिन्नेव श्रयत एतस्मिन्प्रति
तिष्ठति ॥१॥

प्रातःसुवने वै गायत्रेण च्छन्दसा त्रिवृते स्तोमाय ज्योतिर्दधदेति त्रिवृता
ब्रह्मवर्चसेन पञ्चदशाय ज्योतिर्दधदेति पञ्चदशेनौजसा वीर्येण सप्तदशाय
ज्योतिर्दधदेति सप्तदशेन प्राजापत्येन प्रजननेनैकविंशाय ज्योतिर्दधदेति
स्तोम एव तत्स्तोमाय ज्योतिर्दधदेत्यथो स्तोम एव स्तोममभि प्रणयति
यार्वन्तो वै स्तोमास्तावन्तः कामास्तावन्तो लोकास्तावन्ति
ज्योतींष्ये तावन्त एव स्तोमानेतावन्तः कामानेतावन्तो लोकानेतावन्ति
ज्योतींष्ये रुद्धे ॥२॥

ब्रह्मवादिनो वदन्ति स त्वै यजेत योऽग्निष्टोमेन यजमानोऽथ सर्वस्तोमेन
यजेतेति यस्य त्रिवृत्तमन्तर्यन्ति प्राणांस्तस्यान्तर्यन्ति प्राणेषु मेऽप्यसदिति
खलु वै यज्ञेन यजमानो यजते यस्य पञ्चदशमन्तर्यन्ति वीर्यं तस्यान्तर्यन्ति
वीर्यं मेऽप्यसदिति खलु वै यज्ञेन यजमानो यजते यस्य सप्तदशमन्तर्यन्ति
प्राजां तस्यान्तर्यन्ति प्रजायाम्मेऽप्यसदिति खलु वै यज्ञेन यजमानो यजते
यस्यैकविंशमन्तर्यन्ति प्रतिष्ठां तस्यान्तर्यन्ति प्रतिष्ठायाम्मेऽप्यसदिति
खलु वै यज्ञेन यजमानो यजते यस्य त्रिणवमन्तर्यन्त्यृतूँश्च तस्य
नक्षत्रियां च विराजमन्तर्यन्त्यृतुषु मेऽप्यसन्नक्षत्रियायां च विराजीति ।
खलु वै यज्ञेन यजमानो यजते यस्य त्रयस्त्रिंशमन्तर्यन्ति
देवतास्तस्यान्तर्यन्ति देवतासु मेऽप्यसदिति खलु वै यज्ञेन यजमानो
यजते यो वै स्तोमानामवमम्परमतां गच्छन्तं वेदं परमतामेव गच्छति
त्रिवृद्वै स्तोमानामवमस्त्रिवृत्परमो य एवं वेदं परमतामेव गच्छति ॥३॥
अङ्गिरसो वै सत्प्रमासत ते सुवर्गं लोकमायन्तेषां हविष्मांश्च
हविष्कृच्चाहीयेतां तावकामयेतां सुवर्गं लोकमियावेति तावेतं
द्विरात्रमपश्यतां तमाहरतां तेनायजेतां ततो वै तौऽसुवर्गं लोकमैतां य एवं
विद्वान्द्विरात्रेण यजते सुवर्गमेव लोकमैति
तावैताम्पूर्वेणाहागच्छतामुत्तरेणाभिप्लवः पूर्वमहर्भवति गतिरुत्तरं

ज्योतिष्टोमोऽग्निष्टोमः पूर्वमहर्भवति तेजस्तेनाव रुद्धे सर्वस्तोमोऽतिरात्र
उत्तरं सर्वस्याप्त्यै सर्वस्यावरुद्ध्यै गायत्रिम्पूर्वेहन्त्साम भवति तेजो वै
गायत्री गायत्री ब्रह्मवर्चसं तेज एव ब्रह्मवर्चसमात्मन्धत्ते त्रैष्टुभमुत्तरं ओजो
वै वीर्यं त्रिष्टु गोज एव वीर्यमात्मन्धत्ते रथंतरम्पूर्वेऽहन्त्साम भवतीयं वै
रथंतरमस्यामेव प्रति तिष्ठति बृहदुत्तरेऽसौ वै बृहदमुष्यामेव प्रति तिष्ठति
तदाहुः क्व जगती चानुष्टुप्चेति वैखानसम्पूर्वेऽहन्त्साम भवति तेन जगत्यै
नैति षोडशुत्तरे तेनानुष्टुभोऽथाहुर्यत्समानैऽर्धमासे स्यातामन्यतरस्याहो
वीर्यमनु पद्येतेत्यमावास्यायाम्पूर्वमहर्भवत्युत्तरस्मिन्नुत्तरं
नानैवार्धमासयोर्भवतो नानावीर्ये भवतो हविष्मन्निधनम्पूर्वमहर्भवति
हविष्कृन्निधनमुत्तरं प्रतिष्ठित्यै ॥४॥

आपो वा इदमग्रे सलिलमासीत्तस्मिन्प्रजापतिर्वायुर्भूत्वाचरत्स
इमामपश्यत्तां वराहो भूत्वाहरत्तां विश्वकर्मा भूत्वा व्यमार्त्साप्रथत् सा
पृथिव्यभवत्तत्पृथिव्यै पृथिवित्वं तस्यामश्राम्यत्प्रजापतिः स देवानसृजत्
वसून्नुद्रानादित्यान्ते देवाः प्रजापतिमब्रुवन्प्र जायामहा इति
सौऽब्रवीद्यथाहं युष्माँस्तपसासृद्ध्येवं तपसि प्रजननमिच्छध्वमिति
तेभ्योऽग्निमायतनम्प्रायच्छदेतेनायतनेन श्राम्यतेति तैऽग्निनायतनेनाश्राम्यन्ते
संवत्सर एकां गामसृजन्त तां वसुभ्यो रुद्रेभ्य आदित्येभ्यः प्रायच्छन्नेताँ
रक्षध्वमिति तां वसवो रुद्रा आदित्या अरक्षन्त सा वसुभ्यो रुद्रेभ्य
आदित्येभ्यः प्राजायत् त्रीणि च शतानि त्रयस्त्रिंशत् चार्थं सैव
सहस्रतम्यभवत्ते देवाः प्रजापतिमब्रुवन्सहस्रैर्ण नो याजयेति
सौऽग्निष्टोमेन वसूनयाजयत्त इमं लोकमजयन्तच्चाददुः स उक्थ्येन
रुद्रानयाजयन्तैऽन्तरिक्षमजयन्तच्चाददुः सौऽतिरात्रेणादित्यानयाजयत्तैऽमुं
लोकमजयन्तच्चाददुः स्तदन्तरिक्षं व्यवैर्यत् तस्माद्रुद्रा घातुका अनायतना
हि तस्मादाहुः शिथिलं वै मध्यममहस्त्रिरात्रस्य वि हि तद्वैर्यतेति
त्रैष्टुभममध्यमस्याह आज्यम्भवति संयानानि सूक्तानि शंसति
षोडशिनँ शंसत्यहो धृत्या अशिथिलम्भावाय तस्मात्त्रिरात्रस्याग्निष्टोम
एव प्रथममहः स्यादथोक्थ्योऽथातिरात्र एषां लोकानां विधृत्यै त्रीणित्रीणि

शतान्यनूचीनाहमव्यवच्छिन्नानि ददात्येषां लोकानामनु संतत्यै दशतं न
 विच्छिन्द्याद्विराजं नेद्विच्छिनदानीत्यथ या सहस्रतम्यासीत्तस्यामिन्द्रश्च
 विष्णुश्च व्यायच्छेताँ स इन्द्रोऽमन्यतानया वा इदं विष्णुः सहस्रं वदर्यत
 इति तस्यामकल्पेतां द्विभाग इन्द्रस्तृतीये विष्णुस्तद्वा एषाभ्यनूच्यत उभा
 जिग्यथुरिति तां वा एतामच्छावाक ।५। एव शँसृत्यथ या सहस्रतमी
 सा होत्रे देयेति होतारं वा अभ्यतिरिच्यते यदतिरिच्यते
 होतानामस्यापयिताथाहुरुन्नेत्रे देयेत्यतिरिक्ता वा एषा सहस्रस्यातिरिक्त
 उन्नेतर्त्विजा मथाहुः सर्वेभ्यः सदस्येभ्यो देयेत्यथाहुरुदाकृत्या सा वशं
 चरेदित्यथाहर्ब्रह्मणै चाग्नीधे च देयेति ।६। द्विभागम्ब्रह्मणे तृतीयमग्नीध
 ऐन्द्रो वै ब्रह्मा वैष्णवोऽग्नीधथैव तावकल्पेतामित्यथाहुर्या कल्याणी
 बहुरूपा सा देयेत्यथाहुर्या द्विरूपोभयतएनी सा देयेति सहस्रस्य
 परिगृहीत्यै तद्वा एतत्सहस्रस्यार्यनँ सहस्रँ स्तोत्रीयाः सहस्रं दक्षिणाः
 सहस्रसम्मितः सुवर्गो लोकः सुवर्गस्य लोकस्याभिजित्यै ॥५॥

सोमो वै सहस्रमविन्दत्तमिन्द्रोऽन्वविन्दत्तौ यमो न्यागच्छतावब्रवीदस्तु
 मेऽत्रापीत्यस्तु ही३ इत्यब्रूताँ स यम एकस्यां वीर्यम्पर्यपश्यदियं वा
 अस्य सहस्रस्य वीर्यम्बिभर्तीति तावब्रवीदियम्ममास्त्वेतद्युवयोरिति
 तावब्रूताँ सर्वे वा एतदेतस्यां वीर्यं परि पश्यामोऽँ शमा हरामहा इति
 तस्यामँ शमाहरन्त तामप्सु प्रावेशयन्त्सोमायोदेहीति सा रोहिणी
 पिङ्गलैकहायनी रूपं कृत्वा त्रयस्त्रिँशता च त्रिभिश्च शतैः
 सहोदैत्तस्माद्रोहिण्या पिङ्गल्यैकहायन्या सोमं क्रीणीयाद्य एवं
 विद्वान्रोहिण्या पिङ्गल्यैकहायन्या सोमं क्रीणाति त्रयस्त्रिँशता चैवास्य
 त्रिभिश्च शतैः सोमः क्रीतो भवति सुक्रीतेन यजते तामप्सु
 प्रावेशयन्निन्द्रायोदेहीति
 सा रोहिणी लक्ष्मणा पष्ठौही वार्त्रघ्नी रूपं कृत्वा त्रयस्त्रिँशता च त्रिभिश्च
 शतैः सहोदैत्तस्माद्रोहिणीं लक्ष्मणाम्पष्ठौही वार्त्रघ्नीं दद्याद्य एवं
 विद्वान्रोहिणीं लक्ष्मणाम्पष्ठौही वार्त्रघ्नीं ददाति त्रयस्त्रिँशच्चैवास्य त्रीणि
 च शतानि सा दत्ता ।३। भवति तामप्सु प्रावेशयन्त्यमायोदेहीति सा

जरती मूर्खा तज्जघ्न्या रूपं कृत्वा त्रयस्त्रिंशता च त्रिभिश्च शतैः
 सहोदैत्तस्माज्जरतीम्मूर्खा तज्जघ्न्यामनुस्तरणीं कुर्वीत य एवं
 विद्वाज्जरतीम्मूर्खा तज्जघ्न्यामनुस्तरणीं कुरुते त्रयस्त्रिंशच्चैवास्य त्रीणि च
 शतानि सामुष्मिल्लोके भवति वागेव सहस्रतमी
 तस्माद्द्वरो देयः सा हि वरः सहस्रमस्य सा दत्ता भवति तस्माद्द्वरो न
 प्रतिगृह्यः सा हि वरः सहस्रमस्य प्रतिगृहीतम्भवतीयं वर इति
 ब्रूयादथान्याम्ब्रूयादियम्ममेति तथास्य
 तत्सहस्रमप्रतिगृहीतम्भवत्यु भयतएनी स्यात्तदाहुरन्यतएनी
 स्यात्सहस्रम्पुरस्तादेतमिति यैव वरः कल्याणी रूपसमृद्धा सा स्यात्सा
 हि वरः समृद्धयै तामुत्तरेणाग्नीध्रम्पर्याणीयाहवनीयस्यान्तै द्रोणकलशमव
 घ्रापये—दा जिघ्र कलशम्मह्युरुधारा पर्यस्वत्या त्वा विशन्त्वित्त्वन्दवः
 समुद्रमिव सिन्धवः सा मा सहस्र आ भज प्रजया पशुभिः सह पुनर्मा
 विशताद्रयिरिति प्रजयैवैनम्पशुभी रय्या समर्धयति
 प्रजावान्पशुमान्रयिमान्भवति य एवं वेद तया सहाग्नीध्रम्परेत्य
 पुरस्तात्प्रतीच्यां तिष्ठन्त्यां जुहुया दुभा जिग्यथुर्न परा जयेथे न परा
 जिग्ये कतरश्चनैनोरिन्द्रश्च विष्णो यदपस्पृधेथां त्रेधा सहस्रं वि
 तदैरयेथामिति त्रेधाविभक्तं वै त्रिरात्रे सहस्रं साहस्रीमेवैनानां करोति
 सहस्रस्यैवैनान्मात्रां करोति रूपाणि जुहोति रूपैरेवैनानां समर्धयति तस्या
 उपोत्थाय कर्णमा जपे दिडे रन्तेऽदिते सरस्वति प्रिये प्रेयसि महि
 विश्रुत्येतानि ते अघ्निये नामानि सुकृतम्मा देवेषु ब्रूतादिति देवेभ्य
 एवैनमा वेदयत्यन्वेन देवा बुध्यन्ते ॥६॥

सहस्रतम्या वै यजमानः सुवर्गं लोकमेति सैनं सुवर्गं लोकं गमयति
 सा मा सुवर्गं लोकं गमयेत्याह सुवर्गमेवैनं लोकं गमयति सा मा
 ज्योतिष्मन्तं लोकं गमयेत्याह ज्योतिष्मन्तमेवैनं लोकं गमयति सा मा
 सर्वान्पुण्याल्लोकान्गमयेत्याह सर्वानेवैनम्पुण्याल्लोकान्गमयति सा मा
 प्रतिष्ठां गमय प्रजया पशुभिः सह पुनर्मा विशताद्रयिरिति
 प्रजयैवैनम्पशुभी रय्याम्प्रति ष्ठापयति प्रजावान्पशुमान्रयिमान्भवति य एवं

वेद॒ ताम॒ग्री॒धै वा ब्र॒ह्म॒णै वा होत्रे॑ वो॒द्वात्रे॑ वा॒ध्व॒र्यवे॑ वा दद्यात्स॒हस्र॑मस्य
 सा द॒त्ता भ॑वति स॒हस्र॑मस्य॒ प्रति॑गृहीतम्भवति॒ यस्ताम॑वि॒द्वान्प्रति॑गृह्णाति
 ताम्प्रति॑ गृह्णीया॒देका॑सि न स॒हस्र॑मेकां त्वा भूताम्प्रति॑ गृह्णामि न
 स॒हस्र॑मेका मा भूता वि॒श मा स॒हस्र॑मित्ये॒ कामे॑वैनाम्भूताम्प्रति॑ गृह्णाति
 न स॒हस्रं॑ य एवं वेद॑ स्यो॒नासि॑ सु॒षदा॑ सु॒शेवा॑ स्यो॒ना मा वि॒श सु॒षदा॑
 मा वि॒श सु॒शेवा॑ मा वि॒शेत्या॑ह स्यो॒नैवैनं॑ सु॒षदा॑ सु॒शेवा॑ भूत्वावि॒शति॑
 नैनं॑ हिनस्ति ब्रह्मवा॒दिनो॑ वदन्ति स॒हस्रं॑ सहस्रत॒म्यन्वे॒ती३
 स॒हस्र॑त॒मी॑ सहस्रा॒मिति॑ यत्प्राची॒मुत्सृ॑जेत्स॒हस्रं॑
 सहस्रत॒म्यन्वि॑यात्तत्स॒हस्र॑मप्र॒ज्ञात्रं॑ सु॒वर्गं॑ लो॒कं न प्र
 जा॒नीयात्प्र॒तीची॑मुत्सृजति तां स॒हस्र॑मनु॒ पर्या॑वर्तते सा प्र॒जान॑ती सु॒वर्गं॑
 लो॒कमे॑ति यज॒मानम्भ्युत्सृ॑जति क्षिप्रे स॒हस्र॑म्प्र जायत उत्त॒मा नी॒यते॑
 प्रथ॒मा दे॒वाना॑च्छति ॥७॥

अ॒त्रि॒रद॒दादौ॑वाय प्र॒जाम्पु॒त्रका॑माय स रि॒रिचा॒नोऽम॑न्यत॒ निर्वी॑र्यः शिथि॒लो
 या॒तया॑मा स ए॒तं च॑तूरा॒त्रम॑पश्य॒त्तमा॑ह॒रत्ते॒नाय॑जत॒ ततो॑ वै तस्य॑ च॒त्वारौ॑
 वी॒रा आ॑जायन्त॒ सुहो॑ता सू॒द्राता॑ स्व॒ध्वर्युः॑ सुस॒भेयो॑ य एवं
 वि॒द्वाँश्च॑तूरा॒त्रेण॑ यज॑त आस्य॑ च॒त्वारौ॑ वी॒रा जा॑यन्ते सुहो॑ता सू॒द्राता॑
 स्व॒ध्वर्युः॑ सुस॒भेयो॑ ये च॑तुर्वि॒शाः प॑र्व॒माना॑ ब्रह्मवर्च॑सं तद्य उ॒द्यन्तः॑
 स्तो॒माः श्रीः॑ सा॒त्रिँश्च॑द्वादे॒वं यज॑मानं च॒त्वारि॑ वी॒र्या॑णि नोपा॒नमु॑त्तेजं
 इन्द्रि॒यम्ब्र॑ह्मवर्च॑सम॒न्नाद्यं॑ स
 ए॒ताँश्च॑तुर॒श्चतु॑ष्टोमा॒न्त्सोमा॑नपश्य॒त्ताना॑ह॒रत्तैर॑यजत॒ तेज॑ ए॒व
 प्र॑थ॒मेना॑वा॒रुन्दे॑न्द्रि॒यं द्वि॒तीयै॑न ब्रह्मवर्च॑सं तृ॒तीयै॑ना॒न्नाद्यं॑ चतुर्थे॒न य ए॒व
 वि॒द्वाँश्च॑तुर॒श्चतु॑ष्टोमा॒न्त्सोमा॑ना॒हर॑ति तैर्यज॑ते तेज॑ ए॒व प्र॑थ॒मेना॑व॒ रु॒द्ध
 इन्द्रि॒यं द्वि॒तीयै॑न ब्रह्मवर्च॑सं तृ॒तीयै॑ना॒न्नाद्यं॑ चतुर्थे॒न
 या॒मेवा॒त्रि॒र्ऋ॒द्धिमा॑ध्नो॒त्तामे॑व यज॑माना ऋ॒ध्नोति॑ ॥८॥

ज॒मद॑ग्निः पु॒ष्टिका॑मश्चतूरा॒त्रेणा॑यजत॒ स ए॒तान्पोषाँ॑ अपु॒ष्यत्त॑स्मात्प॒लितौ॑
 जा॒मद॑ग्नियौ न सं जा॒नाते॑

एतानेव पोषान्पुष्यति य एवं विद्वाँश्चतूरात्रेण यजते
 पुरोडाशिन्य उपसदौ भवन्ति पशवो वै पुरोडाशः
 पशूनेवाव रुद्धेऽन्नं वै पुरोडाशोऽन्नमेवाव रुद्धेऽन्नादः पशुमान्भवति य
 एवं विद्वाँश्चतूरात्रेण यजते ॥६॥

संवत्सरो वा इदमेक आसीत्सोऽकामयतूर्तून्सृजेयेति
 स एतम्पञ्चरात्रमपश्यत्तमाहरत्तेनायजत् ततो वै स ऋतूनसृजत् य एवं
 विद्वान्पञ्चरात्रेण यजते प्रैव जायते त ऋतवः सृष्टा न व्यावर्तन्त त
 एतम्पञ्चरात्रमपश्यन्तमाहरन्तेनायजन्त ततो वै ते व्यावर्तन्त य एवं
 विद्वान्पञ्चरात्रेण यजते वि पाप्मना भ्रातृव्येणावर्तते सार्वसेनिः
 शौचेयोऽकामयत पशुमान्त्स्यामिति स एतम्पञ्चरात्रमाहरत्तेनायजत् ततो वै
 स सहस्रम्पशूनाप्रोद्य एवं विद्वान्पञ्चरात्रेण यजते प्र सहस्रम्पशूनाप्रोति
 बभ्रः प्रावाहणिरकामयत वाचः प्रवदिता स्यामिति स
 एतम्पञ्चरात्रमाहरत्तेनायजत् ततो वै स वाचः प्रवदिताभवद्य एवं
 विद्वान्पञ्चरात्रेण यजते प्रवदितैव वाचो भवत्यथो एनं
 वाचस्पतिरित्याहु रनाप्तश्चतूरात्रोऽतिरिक्तः षड्रात्रोऽथ वा एष सम्प्रति यज्ञो
 यत्पञ्चरात्रो य एवं विद्वान्पञ्चरात्रेण यजते सम्प्रत्यैव यज्ञेन यजते पञ्चरात्रो
 भवति पञ्च वा ऋतवः संवत्सर ऋतुष्वेव संवत्सरे प्रति तिष्ठत्यथो
 पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धे त्रिवृदग्निष्टोमो भवति तेज
 एवाव रुद्धे पञ्चदशो भवतीन्द्रियमेवाव रुद्धे सप्तदशो
 भवत्यन्नाद्यस्यावरुद्ध्या अथो प्रैव तेन जायते पञ्चविंशोऽग्निष्टोमो भवति
 प्रजापतेराप्त्यै महाव्रतवानन्नाद्यस्यावरुद्ध्यै विश्वजित्सर्वपृष्ठोऽतिरात्रो
 भवति सर्वस्याभिजित्यै ॥१०॥

देवस्य त्वा सवितुः प्रसवैऽश्विनौर्बाहुभ्याम्पूष्णो हस्ताभ्यामा दंद
 इमामगृह्णन्नशनामृतस्य पूर्वं आर्युषि विदथैषु कव्या । तया देवाः
 सुतमा बभूवुर्ऋतस्य सामन्त्सरमारपन्ती ॥ अभिधा असि भुवनमसि
 यन्तासि धर्तासि सौऽग्निं वैश्वानरं सप्रथसं गच्छ स्वाहाकृतः पृथिव्यां

यन्ता राडयन्तासि यमनो धर्तासि धरुणः कृष्यै त्वा क्षेमाय त्वा रय्यै त्वा
पोषाय त्वा पृथिव्यै त्वान्तरिक्षाय त्वा दिवे त्वा सृते त्वासृते
त्वाद्भ्यस्त्वौषधीभ्यस्त्वा विश्वेभ्यस्त्वा भूतेभ्यः ॥११॥

विभूर्मात्रा प्रभूः पित्राश्चोऽसि हयोऽस्यत्योऽसि नरोऽस्यर्वासि सप्तिरसि
वाज्यसि वृषासि नृमणा असि ययुर्नामास्यादित्यानाम्पत्वान्विह्य ग्रये
स्वाहा स्वाहेन्द्राग्निभ्याँ स्वाहा प्रजापतये स्वाहा विश्वेभ्यो देवेभ्यः
स्वाहा सर्वाभ्यो देवेताभ्य इह धृतिः स्वाहे ह विधृतिः स्वाहे ह रन्तिः
स्वाहे ह रमतिः स्वाहा भूरसि भुवे त्वा भव्याय त्वा भविष्यते त्वा
विश्वेभ्यस्त्वा भूतेभ्यो देवा आशापाला एतं देवेभ्योऽश्वमेधाय प्रोक्षितं
गोपायत ॥१२॥

आर्यनाय स्वाहा प्रायणाय स्वाहो द्वावाय स्वाहो द्रुताय स्वाहा
शूक्राय स्वाहा शूकृताय स्वाहा पलायिताय स्वाहापलायिताय
स्वाहावल्गते स्वाहा परावल्गते स्वाहायते स्वाहा प्रयते स्वाहा सर्वस्मै
स्वाहा ॥१३॥

अग्रये स्वाहा सोमाय स्वाहा वायवे स्वाहापाम्मोदाय स्वाहा सवित्रे
स्वाहा सरस्वत्यै स्वाहेन्द्राय स्वाहा बृहस्पतये स्वाहा मित्राय स्वाहा
वरुणाय स्वाहा
सर्वस्मै स्वाहा ॥१४॥

पृथिव्यै स्वाहान्तरिक्षाय स्वाहा दिवे स्वाहा सूर्याय स्वाहा चन्द्रमसे
स्वाहा नक्षत्रेभ्यः स्वाहा प्राच्यै दिशे स्वाहा दक्षिणायै दिशे स्वाहा
प्रतीच्यै दिशे स्वाहो दीच्यै दिशे स्वाहो ध्वार्यै दिशे स्वाहा दिग्भ्यः
स्वाहावान्तरदिशाभ्यः स्वाहा समाभ्यः स्वाहा शरद्भ्यः स्वाहाहोरात्रेभ्यः
स्वाहाधर्मासेभ्यः स्वाहा मासेभ्यः स्वाहर्तुभ्यः स्वाहा संवत्सराय
स्वाहा सर्वस्मै स्वाहा ॥१५॥

अ॒ग्नये॑ स्वाहा॒ सोमा॑य॒ स्वाहा॑ स॒वित्रे॑ स्वाहा॒ सर॑स्वत्यै॒ स्वाहा॑ पू॒ष्णे
स्वाहा॒ बृ॒हस्प॑तये॒ स्वाहा॑पा॒म्मोदा॑य॒ स्वाहा॑ वा॒यवे॒ स्वाहा॑ मि॒त्राय॒ स्वाहा॑
वरु॑णाय॒ स्वाहा॑ सर्व॑स्मै॒ स्वाहा॑ ॥१६॥

पृ॒थिव्यै॑ स्वाहा॒न्तरि॑क्षा॒य स्वाहा॑ दि॒वे स्वाहा॑ग्नये॒ स्वाहा॑ सोमा॑य॒ स्वाहा॑
सू॒र्याय॒ स्वाहा॑ च॒न्द्रम॑से॒ स्वाहा॑ह्वे॒ स्वाहा॑ रा॒त्रियै॒ स्वाहा॑र्जवे॒ स्वाहा॑ सा॒धवे॒
स्वाहा॑
सु॒क्षित्यै॑ स्वाहा॑ क्षु॒धे स्वाहा॑शि॒तिमे॒ स्वाहा॑ रो॒गाय॒ स्वाहा॑ हि॒माय॒ स्वाहा॑
शी॒ताय॒ स्वाहा॑त॒पाय॒ स्वाहा॑र॒णाय॒ स्वाहा॑ सु॒वर्गा॑य॒ स्वाहा॑ लो॒काय॒
स्वाहा॑ सर्व॑स्मै॒ स्वाहा॑ ॥१७॥

भुवो॑ दे॒वानां॑ क॒र्मणा॑प॒स॒र्तस्य॑ प॒थ्यासि॑ वसु॑भिर्दे॒वेभिर्दे॒वत॑या गाय॒त्रेण॑ त्वा
छन्द॑सा युन॒ज्मि वस॑न्तेन त्व॒र्तुना॑ ह॒विषा॑ दीक्षयामि रु॒द्रेभिर्दे॒वेभिर्दे॒वत॑या
त्रैष्टु॑भेन त्वा छन्द॑सा युन॒ज्मि ग्री॒ष्मेण॑ त्व॒र्तुना॑ ह॒विषा॑
दीक्षयाम्या॒ दित्ये॑भिर्दे॒वेभिर्दे॒वत॑या जा॒गते॑न त्वा च्छन्द॑सा युन॒ज्मि
व॒र्षाभि॑र्त्तुना॑ ह॒विषा॑ दीक्षयामि वि॒श्वेभिर्दे॒वेभिर्दे॒वत॑यानुष्टु॒भेन॑ त्वा
छन्द॑सा युन॒ज्मि श॒रदा॑ त्व॒र्तुना॑ ह॒विषा॑ दीक्षयाम्य॒ङ्गिरो॑भिर्दे॒वेभिर्दे॒वत॑या
पाङ्के॑न त्वा छन्द॑सा युन॒ज्मि हेम॑न्तशि॒शिरा॑भ्यां त्व॒र्तुना॑ ह॒विषा॑
दीक्षयाम्याहं दीक्षाम॑रुहमृ॒तस्य॑ प॒त्नीं गाय॑त्रेण च्छन्द॑सा ब्र॒ह्मणा॑ च॒र्तं
स॒त्यैऽधा॑ꣳ स॒त्यमृ॑तैऽधाम् ॥

म॒हीमू॒ षु सु॒त्रामा॑णमि॒ह धृ॑तिः स्वाहे॒ ह वि॒धृतिः॑ स्वाहे॒ ह रन्तिः॑
स्वाहे॒ ह र॑म॒तिः स्वाहा॑ ॥१८॥

ई॒का॒राय॒ स्वाहे॑ कृ॒ताय॒ स्वाहा॑ क्रन्द॑ते स्वाहा॒वक्र॑न्दते स्वाहा॒ प्रोथ॑ते
स्वाहा॒ प्र॒प्रोथ॑ते स्वाहा॒ ग॒न्धाय॒ स्वाहा॑
घ्रा॒ताय॒ स्वाहा॑ प्रा॒णाय॒ स्वाहा॑ व्या॒नाय॒ स्वाहा॑पा॒नाय॒ स्वाहा॑
सं॒दीय॑मानाय॒ स्वाहा॑ सं॒दिता॑य॒ स्वाहा॑ वि॒चृत्य॑मानाय॒ स्वाहा॑ वि॒चृता॑य॒
स्वाहा॑ प॒लायि॑ष्यमा॒णाय॒ स्वाहा॑ प॒लायि॑ताय॒ स्वाहा॑ पर॑ꣳस्यते

स्वाहो परताय स्वाहा निवेद्यते स्वाहा निविशमानाय स्वाहा
 निविष्टाय स्वाहा निषत्स्यते स्वाहा निषीदते स्वाहा
 निषण्णाय स्वाहा सिष्यते स्वाहा सीनाय स्वाहा सिताय स्वाहा निपत्स्यते
 स्वाहा निपद्यमानाय स्वाहा निपन्नाय स्वाहा शयिष्यते स्वाहा शयानाय
 स्वाहा
 शयिताय स्वाहा सम्मीलिष्यते स्वाहा सम्मीलते स्वाहा सम्मीलिताय
 स्वाहा स्वप्स्यते स्वाहा
 स्वपते स्वाहा सुप्ताय स्वाहा प्रभोत्स्यते स्वाहा
 प्रबुध्यमानाय स्वाहा प्रबुद्धाय स्वाहा जागरिष्यते स्वाहा जाग्रते स्वाहा
 जागरिताय स्वाहा शुश्रूषमाणाय स्वाहा शृण्वते स्वाहा श्रुताय स्वाहा
 वीक्षिष्यते स्वाहा वीक्षमाणाय स्वाहा वीक्षिताय स्वाहा सँहास्यते
 स्वाहा संजिहानाय स्वाहा जिहानाय स्वाहा विवत्स्यते स्वाहा
 विवर्तमानाय स्वाहा विवृत्ताय स्वाहा त्थास्यते स्वाहा तिष्ठते
 स्वाहा तिष्ठताय स्वाहा विधविष्यते स्वाहा विधून्वानाय स्वाहा
 विधूताय स्वाहा त्क्रँस्यते स्वाहा त्क्रामते स्वाहा त्क्रान्ताय स्वाहा
 चंक्रमिष्यते स्वाहा चंक्रम्यमाणाय स्वाहा चंक्रमिताय स्वाहा
 कण्डूयिष्यते स्वाहा कण्डूयमानाय स्वाहा कण्डूयिताय स्वाहा
 निकषिष्यते स्वाहा निकर्षमाणाय स्वाहा निकषिताय स्वाहा यदत्ति
 तस्मै स्वाहा यत्पिबति तस्मै स्वाहा यन्मेहति तस्मै स्वाहा
 यच्छकृत्करोति तस्मै स्वाहा रेतसे स्वाहा प्रजाभ्यः स्वाहा प्रजननाय
 स्वाहा सर्वस्मै स्वाहा ॥१६॥

अग्रये स्वाहा वायवे स्वाहा सूर्याय स्वाहा तमस्यृतस्यृतमसि सत्यमसि
 सत्यस्य सत्यमयु तस्य पन्था असि देवानां छायामृतस्य नाम तत्सत्यं
 यत्त्वम्प्रजापतिरस्य धि यदस्मिन्वाजिनीव शुभः स्पर्धन्ते दिवः सूर्येण
 विशोऽपो वृणानः पवते कव्यन्पशुं न गोपा इर्यः परिज्मा ॥२०॥

इति सप्तमकारण्डे प्रथमः प्रपाठकः १

अथ सप्तमकाण्डे द्वितीयः प्रपाठकः २

साध्या वै देवाः सुवर्गकामा एतं षड्रात्रमपश्यन्तमाहरन्तेनायजन्त ततो
वै ते सुवर्गं लोकमायन्त्य एवं विद्वांसः षड्रात्रमासते सुवर्गमेव लोकं
यन्ति देवसुत्रं वै षड्रात्रः प्रत्यक्षं ह्येतानि पृष्ठानि य एवं विद्वांसः
षड्रात्रमासते साक्षादेव देवता अभ्यारोहन्ति षड्रात्रो भवति षड्वा ऋतवः
षाट्पृष्ठानि पृष्ठैरेवर्तूनन्वारोहन्त्युतुभिः संवत्सरं ते संवत्सर एव प्रति
तिष्ठन्ति बृहद्रथंतराभ्यां यन्तीयं वाव रथंतरमुसौ बृहदाभ्यामेव यन्त्यथौ
अनयोरैव प्रति तिष्ठन्त्येते वै यज्ञस्याञ्जुसायनी स्नुती ताभ्यामेव सुवर्गं
लोकं यन्ति त्रिवृदग्निष्टोमो भवति तेज एवाव रुन्धते पञ्चदशो
भवतीन्द्रियमेवाव रुन्धते सप्तदशो भवत्यन्नाद्यस्यावरुद्ध्या अथो प्रैव तेन
जायन्त एकविंशो भवति प्रतिष्ठित्या अथो रुचमेवात्मन्दधते त्रिणवो
भवति विजित्यै त्रयस्त्रिंशो भवति प्रतिष्ठित्यै सदोहविधानि एतेन
षड्रात्रेण यजेरन्नाश्वत्थी हविर्धानं चाग्नीध्रं च भवतस्तद्धि सुवर्ग्यं
चक्रीवती भवतः सुवर्गस्य लोकस्य समष्ट्या उलूखलबुध्नो यूपो भवति
प्रतिष्ठित्यै प्राञ्चौ यान्ति प्राडिव हि सुवर्गो लोकः सरस्वत्या यान्त्येष वै
दैवयानः पन्थास्तमेवान्वारोहन्त्या क्रोशन्तो
यान्त्यवर्तिमेवान्यस्मिन्प्रतिषज्य प्रतिष्ठां गच्छन्ति यदा दशं शतं
कुर्वन्त्यथैकमुत्थानं शतायुः पुरुषः शतेन्द्रिय आयुष्येवेन्द्रिये प्रति
तिष्ठन्ति यदा शतं सहस्रं कुर्वन्त्यथैकमुत्थानं सहस्रसम्मितो वा
असौ लोकौऽमुमेव लोकमभि जयन्ति यदैषाम्प्रमीयेत यदा वा
जीयैरन्नथैकमुत्थानं तद्धि तीर्थम् ॥१॥

कुसुरुबिन्दु औद्दालकिरकामयत

पशुमान्त्स्यामिति स एतं सप्तरात्रमाहरन्तेनायजत
तेन वै स यावन्तो ग्राम्याः पशवस्तानवारुद्ध य एवं विद्वान्सप्तरात्रेण
यजते यावन्त एव ग्राम्याः पशवस्तानेवाव रुद्धे सप्तरात्रो भवति सप्त
ग्राम्याः पशवः सप्तराण्याः सप्त च्छन्दांस्युभयस्यावरुद्ध्यै त्रिवृदग्निष्टोमो
भवति तेज एवाव रुद्धे पञ्चदशो भवतीन्द्रियमेवाव रुद्धे सप्तदशो

भवत्यन्नाद्यस्यावर्द्ध्या अथो प्रैव तेन जायत एकविंशो भवति
 प्रतिष्ठित्या अथो रुचमेवात्मन्धत्ते त्रिणवो भवति विजित्यै
 पञ्चविंशोऽग्निष्टोमो भवति प्रजापतेराप्त्यै महाव्रतवानन्नाद्यस्यावर्द्ध्या
 विश्वजित्सर्वपृष्ठोऽतिरात्रो भवति सर्वस्याभिजित्यै यत्प्रत्यक्षम्पूर्वेष्वहःसु
 पृष्ठान्युपेयुः प्रत्यक्षं विश्वजिति यथा दुग्धामुपसीदत्येवमुत्तममहः
 स्यान्नैकरात्रश्च न स्याद्बृहद्रथन्तरे पूर्वेष्वहःसूप यन्तीयं वाव रथन्तरमसौ
 बृहदाभ्यामेव न यन्त्यथो अनयोरेव प्रति तिष्ठन्ति यत्प्रत्यक्षं विश्वजिति
 पृष्ठान्युपयन्ति यथा प्रतां दुहे तादृगेव तत् ॥२॥

बृहस्पतिरकामयत ब्रह्मवर्चसी स्यामिति स
 एतमष्टरात्रमपश्यत्तमाहरत्तेनायजत् ततो वै स ब्रह्मवर्चस्यभवद्य एवं
 विद्वानष्टरात्रेण यजते ब्रह्मवर्चस्यैव भवत्यष्टरात्रो भवत्यष्टाक्षरा गायत्री
 गायत्री ब्रह्मवर्चसं गायत्रियैव ब्रह्मवर्चसमव रुद्धेऽष्टरात्रो भवति चतस्रो
 वै दिशश्चतस्रोऽवान्तरदिशा दिग्भ्य एव ब्रह्मवर्चसमव रुद्धे
 त्रिवृदग्निष्टोमो भवति तेज एवाव रुद्धे पञ्चदशो भवतीन्द्रियमेवाव रुद्धे
 सप्तदशो भवत्यन्नाद्यस्यावर्द्ध्या अथो प्रैव तेन जायत एकविंशो
 भवति प्रतिष्ठित्या अथो रुचमेवात्मन्धत्ते त्रिणवो भवति विजित्यै
 त्रयस्त्रिंशो भवति प्रतिष्ठित्यै पञ्चविंशोऽग्निष्टोमो भवति प्रजापतेराप्त्यै
 महाव्रतवानन्नाद्यस्यावर्द्ध्या विश्वजित्सर्वपृष्ठोऽतिरात्रो भवति
 सर्वस्याभिजित्यै ॥३॥

प्रजापतिः प्रजा असृजत् ताः सृष्टाः क्षुधं न्यायन्त्स एतं
 नवरात्रमपश्यत्तमाहरत्तेनायजत् ततो वै प्रजाभ्योऽकल्पत् यर्हि प्रजाः क्षुधं
 निगच्छेयुस्तर्हि नवरात्रेण यजेतेमे हि वा एतासां लोका अक्लृप्ता अथैताः
 क्षुधं नि गच्छन्तीमानेवाभ्यो लोकान्कल्पयति तान्कल्पमानान्प्रजाभ्योऽनु
 कल्पते कल्पन्तेऽस्मा इमे लोका ऊर्जम्प्रजासु दधाति त्रिरात्रेणैवेमं लोकं
 कल्पयति त्रिरात्रेणान्तरिक्षं त्रिरात्रेणामुं लोकं यथा गुणे
 गुणमन्वस्यत्येवमेव तल्लोके लोकमन्वस्यति धृत्या अशीथिलम्भावाय

ज्योतिर्गौरायुरिति ज्ञाता स्तोमा भवन्तीयं वाव ज्योतिरन्तरिक्षं
 गौरसावायुरेष्वेव लोकेषु प्रति तिष्ठन्ति
 ज्ञात्रं प्रजानां गच्छति नवरात्रो भवत्यभिपूर्वमेवास्मिन्तेजो दधाति यो
 ज्योगामयावी स्यात्स नवरात्रेण यजेत प्राणा हि वा एतस्याधृता अथैतस्य
 ज्योगामयति प्राणानेवास्मिन्दाधारोत यदीतासुर्भवति जीवत्येव ॥४॥

प्रजापतिरकामयत प्र जायेयेति स एतं दशहोतारमपश्यत्तमजुहोत्तेन
 दशरात्रमसृजत तेन दशरात्रेण प्राजायत
 दशरात्राय दीक्षिष्यमाणो दशहोतारं जुहुयादशहोत्रैव दशरात्रं सृजते तेन
 दशरात्रेण प्र जायते वैराजो वा एष यज्ञो यद्दशरात्रो य एवं
 विद्वान्दशरात्रेण यजते विराजमेव गच्छति
 प्राजापत्यो वा एष यज्ञो यद्दशरात्रो य एवं विद्वान्दशरात्रेण यजते प्रैव
 जायत इन्द्रो वै सदृङ्देवताभिरासीत्स न व्यावृत्तमगच्छत्स
 प्रजापतिमुपाधावत्तस्मा एतं दशरात्रम्प्रायच्छत्तमाहरत्तेनायजत ततो वै
 सौऽन्याभिर्देवताभिव्यावृत्तमगच्छद्य एवं विद्वान्दशरात्रेण यजते
 व्यावृत्तमेव पाप्मना भ्रातृव्येण गच्छति त्रिकुक्कुद्वा एष यज्ञो यद्दशरात्रः
 क्कुत्पञ्चदशः क्कुदैकविंशः क्कुत्त्रयस्त्रिंशो य एवं विद्वान्दशरात्रेण
 यजते त्रिकुक्कुदेव समानानाम्भवति यजमानः पञ्चदशो यजमान
 एकविंशो यजमानस्त्रयस्त्रिंशः पुर इतरा अभिचर्यमाणो दशरात्रेण
 यजेत देवपुरा एव पर्यूहते तस्य न कुतश्चनोपाव्याधो भवति
 नैनमभिचरन्तस्तृणुते देवासुराः संयत्ता आसन्ते देवा एताः देवपुरा
 अपश्यन्त्यद्दशरात्रस्ताः पर्यूहन्त तेषां न कुतश्चनोपाव्याधोऽभवत्ततो देवा
 अभवन्परासुरा यो भ्रातृव्यवान्त्स्यात्स दशरात्रेण यजेत देवपुरा एव
 पर्यूहते तस्य न कुतश्चनोपाव्याधो भवति भवत्यात्मना परास्य भ्रातृव्यो
 भवति स्तोम स्तोमस्योपस्तिर्भवति भ्रातृव्यमेवोपस्तिं कुरुते जामि वा
 एतत्कुर्वन्ति यज्ञायां स स्तोममुपेत्य कनीयांसमुपयन्ति
 यदग्निष्टोमसामान्यवस्ताच्च पुरस्ताच्च भवन्त्यजामित्वाय
 त्रिवृदग्निष्टोमोऽग्निष्टुदाग्नेयीषु भवति तेज एवाव रुद्धे पञ्चदश उक्थ्य

ऐन्द्रीष्विन्द्रियमेवाव रुद्धे त्रिवृदग्निष्टोमो वैश्वदेवीषु पुष्टिमेवाव रुद्धे
 सप्तदशौऽग्निष्टोमः प्राजापत्यासु तीव्रसोमोऽन्नाद्यस्यावरुद्ध्या अथो प्रैव
 तेन जायत एकविंश उक्थ्यः सौरीषु प्रतिष्ठित्या अथो रुचमेवात्मन्धत्ते
 सप्तदशौऽग्निष्टोमः प्राजापत्यासूपहव्य उपहवमेव गच्छति
 त्रिण्णवावग्निष्टोमावभित ऐन्द्रीषु विजित्यै त्रयस्त्रिंश उक्थ्यो वैश्वदेवीषु
 प्रतिष्ठित्यै विश्वजित्सर्वपृष्ठोऽतिरात्रो भवति सर्वस्याभिजित्यै ॥५॥

ऋतवो वै प्रजाकामाः प्रजां नाविन्दन्त तेऽकामयन्त
 प्रजां सृजेमहि प्रजामव रुन्धीमहि प्रजां विन्देमहि प्रजावन्तः स्यामेति
 त एतमेकादशरात्रमपश्यन्तमाहर्न्तेनायजन्त ततो वै ते प्रजामसृजन्त
 प्रजामवारुन्धत प्रजामविन्दन्त प्रजावन्तोऽभवन्त
 ऋतवोऽभवन्तदार्तवानामार्तवत्वमृतूनां वा एते पुत्रास्तस्मादार्तवा उच्यन्ते
 य एवं विद्वांस एकादशरात्रमासते प्रजामेव सृजन्ते प्रजामव रुन्धते
 प्रजां विन्दन्ते प्रजावन्तो भवन्ति ज्योतिरतिरात्रो भवति ज्योतिरेव
 पुरस्ताद्धते सुवर्गस्य लोकस्यानुख्यात्यै पृष्ठयः षडहो भवति षड्वा
 ऋतवः षट्पृष्ठानि पृष्ठैरेवतून्वारौहन्त्यृतुभिः संवत्सरं ते संवत्सर एव
 प्रति तिष्ठन्ति चतुर्विंशो भवति चतुर्विंशत्यक्षरा गायत्री
 गायत्रम्रह्मवर्चसं गायत्रियामेव ब्रह्मवर्चसे प्रति तिष्ठन्ति
 चतुश्चत्वारिंशो भवति चतुश्चत्वारिंशदक्षरा त्रिष्टुगि
 न्द्रियं त्रिष्टुप्त्रिष्टुभ्येवेन्द्रिये प्रति तिष्ठन्त्यष्टाचत्वारिंशो
 भवत्यष्टाचत्वारिंशदक्षरा जगती जागताः पशवो जगत्यामेव पशुषु
 प्रति तिष्ठन्त्येकादशरात्रो भवति पञ्च वा ऋतव आर्तवाः
 पञ्चर्तुष्वेवार्तवेषु संवत्सरे प्रतिष्ठाय प्रजामव रुन्धतेऽतिरात्रावभितौ भवतः
 प्रजायै परिगृहीत्यै ॥६॥

ऐन्द्रवायवाग्रान्गृहीयाद्यः कामयेत यथापूर्वम्प्रजाः कल्पेरन्निति यज्ञस्य वै
 क्लृप्तिमनु प्रजाः कल्पन्ते यज्ञस्याक्लृप्तिमनु न कल्पन्ते यथापूर्वमेव प्रजाः
 कल्पयति न ज्यायांसं कनीयानति

क्रामत्यैन्द्रवायवाग्रान्गृहीयादामयाविनः प्राणेन वा एष व्यृध्यते
 यस्यामयति प्राण ऐन्द्रवायवः प्राणेनैवैनं समर्धयति
 मैत्रावरुणाग्रान्गृहीरन्येषां दीक्षितानाम्प्रमीयैत प्राणापानाभ्यां वा एते
 व्यृध्यन्ते येषां दीक्षितानाम्प्रमीयते प्राणापानौ मित्रावरुणौ प्राणापानावेव
 मुखतः परि हरन्त आश्विनाग्रान्गृहीतानुजावरौश्विनौ वै देवानामानुजावरौ
 पृश्नेवाग्रम्पयैतामश्विनावेतस्या देवता य आनुजावरस्तावेवैनमग्रम्परि
 रणयतः शुक्राग्रान्गृहीत गतश्रीः प्रतिष्ठाकामोऽसौ वा आदित्यः शुक्र
 एषोऽन्तोऽन्तम्मनुष्यः श्रियै गत्वा नि वर्ततेऽन्तादेवान्तमा रभते न ततः
 पापीयान्भवति मन्थ्यग्रान्गृहीताभिचरन्नार्तपात्रं वा एतद्यन्मन्थिपात्रं
 मृत्युनैवैनं ग्राहयति ताजगार्तिमार्च्छत्या ग्रयणाग्रान्गृहीत यस्य पिता
 पितामहः पुण्यः स्यादथ तन्न प्राप्नुयाद्वाचा वा एष इन्द्रियेण व्यृध्यते यस्य
 पिता पितामहः पुण्यो भवत्यथ तन्न प्राप्नोत्युर इवैतद्यज्ञस्य वागिव
 यदाग्रयणो वाचैवैनमिन्द्रियेण समर्धयति न ततः
 पापीयान्भवत्युक्थ्याग्रान्गृहीताभिचर्यमाणः सर्वेषां वा
 एतत्पात्राणामिन्द्रियं यदुक्थ्यपात्रं सर्वेणैवैनमिन्द्रियेणाति प्र युङ्क्ते
 सरस्वत्यभि नो नेषि वस्य इति पुरोरुचं कुर्याद्वाग्वै सरस्वती
 वाचैवैनमति प्र युङ्क्ते मा त्वत्क्षेत्राण्यरणानि गन्मेत्याह मृत्योर्वै
 क्षेत्राण्यरणानि तेनैव मृत्योः क्षेत्राणि न गच्छति
 पूर्णान्ग्रहान्गृहीयादामयाविनः प्राणान्वा एतस्य शुगृच्छति यस्यामयति
 प्राणा ग्रहाः प्राणानेवास्य शुचो मुञ्चत्युत यदीतासुर्भवति जीवत्येव
 पूर्णान्ग्रहान्गृहीयाद्यर्हि पर्जन्यो न वर्षेत्प्राणान्वा एतर्हिप्रजानां शुगृच्छति
 यर्हि पर्जन्यो न वर्षति प्राणा ग्रहाः प्राणानेव प्रजानां शुचो मुञ्चति
 ताजकप्र वर्षति ॥७॥

गायत्रो वा ऐन्द्रवायवो गायत्रम्प्रायणीयमहस्तस्मात्प्रायणीयेऽहन्नैन्द्रवायवो
 गृह्यते स्व एवैनमायतने गृह्णाति
 त्रैष्टुभो वै शुक्रस्त्रैष्टुभं द्वितीयमहस्तस्मादिद्वितीयेऽहञ्छुक्रो गृह्यते स्व
 एवैनमायतने गृह्णाति जागतो वा आग्रयणो जागतं

तृतीयमहस्तस्मात्तृतीयेऽहन्नाग्रयणो गृह्यते
 स्व एवैनमायतने गृह्णात्ये तद्वै ।१। यज्ञमापद्यच्छन्दाँस्याप्रोति
 यदाग्रयणः श्वो गृह्यते यत्रैव यज्ञमदृशन्तत एवैनम्पुनः प्र युक्ते जगन्मुखो
 वै द्वितीयस्त्रिरात्रो जागत आग्रयणो यच्चतुर्थेऽहन्नाग्रयणो गृह्यते स्व
 एवैनमायतने गृह्णात्यथो स्वमेव च्छन्दोऽनु पर्यावर्तन्ते राथंतरो वा
 ऐन्द्रवायवो राथंतरम्पञ्चममहस्तस्मात्पञ्चमेऽहन्नैन्द्रवायवो गृह्यते स्व
 एवैनमायतने गृह्णाति बार्हतो वै शुक्रो बार्हतः
 षष्ठमहस्तस्मात्षष्ठेऽहञ्छुक्रो गृह्यते स्व एवैनमायतने गृह्णात्ये तद्वै द्वितीयं
 यज्ञमापद्यच्छन्दाँस्याप्रोति यच्छुक्रः श्वो गृह्यते यत्रैव यज्ञमदृशन्तत
 एवैनम्पुनः प्र युक्ते त्रिष्टुङ्मुखो वै तृतीयस्त्रिरात्रस्त्रैष्टुभः शुक्रो
 यत्सप्तमेऽहञ्छुक्रो गृह्यते स्व एवैनमायतने गृह्णात्यथो स्वमेव च्छन्दोऽनु
 पर्यावर्तन्ते वाग्वा आग्रयणो वागष्टममहस्तस्मादष्टमेऽहन्नाग्रयणो गृह्यते
 स्व एवैनमायतने गृह्णाति प्राणो वा ऐन्द्रवायवः प्राणो
 नवममहस्तस्मान्नवमेऽहन्नैन्द्रवायवो गृह्यते स्व एवैनमायतने गृह्णात्ये तद्वै
 तृतीयं यज्ञमापद्यच्छन्दाँस्याप्रोति यदैन्द्रवायवः श्वो गृह्यते यत्रैव
 यज्ञमदृशन्तत एवैनम्पुनः प्र युक्तेऽथो स्वमेव च्छन्दोऽनु पर्यावर्तन्ते पथो
 वा एतेऽध्यपथेन यन्ति येऽन्येनैन्द्रवायवात्प्रतिपद्यन्तेऽन्तः खलु वा एष
 यज्ञस्य यदृशममहर्दशमेऽहन्नैन्द्रवायवो गृह्यते यज्ञस्यैवान्तं
 गत्वापथात्पन्थामपि यन्त्यथो यथा वहीयसा प्रतिसारं वहन्ति तादृगेव
 त च्छन्दाँस्यन्योऽन्यस्य लोकमभ्यध्यायन्तान्येतेनैव देवा
 व्यवाहय नैन्द्रवायवस्य वा एतदायतनं यच्चतुर्थमहस्तस्मिन्नाग्रयणो
 गृह्यते तस्मादाग्रयणस्यायतने नवमेऽहन्नैन्द्रवायवो गृह्यते शुक्रस्य वा
 एतदायतनं यत्पञ्चममहस्तस्मिन्नैन्द्रवायवो गृह्यते तस्मादैन्द्रवायवस्यायतने
 सप्तमेऽहञ्छुक्रो गृह्यत आग्रयणस्य वा एतदायतनं यत्षष्ठमहस्तस्मिञ्छुक्रो
 गृह्यते तस्माच्छुक्रस्यायतनेऽष्टमेऽहन्नाग्रयणो गृह्यते छन्दाँस्येव तद्वि
 वाहयति प्र वस्यसो विवाहमाप्नोति य एवं वेदार्थो देवताभ्य एव यज्ञे
 संविदं दधाति तस्मादिदमन्योऽन्यस्मै दधाति ॥८॥

प्रजापतिरकामयत् प्र जायेयेति स एतं द्वादशरात्रमपश्यत्तमाहरत्तेनायजत्
ततो वै स प्राजायत् यः कामयेत् प्र जायेयेति स द्वादशरात्रेण यजेत् प्रैव
जायते ब्रह्मवादिनो वदन्त्यग्निष्टोमप्रायणा यज्ञा अथ कस्मादतिरात्रः पूर्वः
प्र युज्यत् इति चक्षुषी वा एते यज्ञस्य यदतिरात्रौ कनीनिके अग्निष्टोमौ
यदग्निष्टोमं पूर्वम्युञ्जीरन्बहिर्धा कनीनिके दध्युस्तस्मादतिरात्रः पूर्वः प्र
युज्यते चक्षुषी एव यज्ञे धित्वा मध्यतः कनीनिके प्रति दधति यो वै
गायत्रीं ज्योतिःपक्षां वेद ज्योतिषा भासा सुवर्गं लोकमेति यावद्भिष्टोमौ
तौ पक्षौ येऽन्तेऽष्टावुक्थ्याः स आत्मैषा वै गायत्री ज्योतिःपक्षा य एवं
वेद ज्योतिषा भासा सुवर्गं लोकमेति प्रजापतिर्वा एष द्वादशधा विहितो
यद्द्वादशरात्रो यावतिरात्रौ तौ पक्षौ येऽन्तेऽष्टावुक्थ्याः स आत्मा
प्रजापतिर्वावैष सन्त्सद्ध वै स त्रेण स्पृणोति प्राणा वै सत्प्राणानेव
स्पृणोति सर्वासां वा एते प्रजानाम्प्राणैरासते ये सत्त्वमासते तस्मात्पृच्छन्ति
किमेते सत्त्रिण इति प्रियः प्रजानामुत्थितो भवति य एवं वेद ॥६॥

न वा एषोऽन्यतो वैश्वानरः सुवर्गाय लोकाय प्राभदूर्ध्वो ह वा एष आतत
आसीत्ते देवा एतं वैश्वानरम्यौहन्सुवर्गस्य लोकस्य प्रभूत्या ऋतवो वा
एतेन प्रजापतिमयाजयन्तेष्वार्धोदधि तदृधोति ह वा ऋत्विक्षु य एवं
विद्वान्द्वादशाहेन यजते तैऽस्मिन्नैचछन्त स रसमहं वसन्ताय
प्रायचच्छ्रवणं ग्रीष्मायौषधीर्वर्षाभ्यौ ब्रीहीञ्छरदं माषतिलौ
हैमन्तशिशिराभ्यां तेनेन्द्रमृजापतिरयाजयत्ततो वा इन्द्र
इन्द्रोऽभवत्तस्मादाहुरानुजावरस्य यज्ञ इति स ह्येतेनाग्रेऽयजतै ष ह वै
कुणपमत्ति यः स त्वे प्रतिगृह्णाति पुरुषकुणपमश्चकुणपं गौर्वा अन्नं येन
पात्रेणान्मिभ्रति यत्तन्न निर्णेनिजति ततोऽधि मलं जायत् एक एव
यजेतैको हि प्रजापतिराधोद्द्वादश रात्रीर्दीक्षितः स्याद्द्वादश मासाः
संवत्सरः संवत्सरः प्रजापतिः प्रजापतिर्वावैष एष ह त्वै जायते
यस्तपसोऽधि जायते चतुर्धा वा एतास्तिस्त्रस्तिस्त्रो रात्रयो
यद्द्वादशोऽपसदो याः प्रथमा यज्ञं ताभिः सम्भरति या द्वितीया यज्ञं
ताभिरा रभते ।३। यास्तृतीयाः पात्राणि ताभिर्निर्णेनित्ते याश्चतुर्थीरपि

ताभिर्गुत्मानमन्तरतः शुन्धते यो वा अस्य पशुमत्ति माँसं सोऽति यः
 पुरोडाशम्पतिष्कं स यः परिवपम्पुरीषं स यः आज्यम्पुज्जानं स
 यः सोमं स्वेदं सोऽपि ह वा अस्य शीर्षण्या निष्पदः प्रति गृह्णाति यो
 द्वादशाहे प्रतिगृह्णाति तस्माद्द्वादशाहेन न याज्यम्पाप्मनो व्यावृत्त्यै
 ॥१०॥

एकस्मै स्वाहा द्वाभ्यां स्वाहा त्रिभ्यः स्वाहा चतुर्भ्यः स्वाहा पञ्चभ्यः
 स्वाहा षड्भ्यः स्वाहा सप्तभ्यः स्वाहाष्टाभ्यः स्वाहा नवभ्यः स्वाहा
 दशभ्यः स्वाहैकादशभ्यः स्वाहा द्वादशभ्यः स्वाहा त्रयोदशभ्यः स्वाहा
 चतुर्दशभ्यः स्वाहा पञ्चदशभ्यः स्वाहा षोडशभ्यः स्वाहा सप्तदशभ्यः
 स्वाहाष्टादशभ्यः स्वाहैकान्न विंशत्यै स्वाहा नवविंशत्यै
 स्वाहैकान्न चत्वारिंशते स्वाहा नवचत्वारिंशते स्वाहैकान्न षष्ट्यै
 स्वाहा नवषष्ट्यै स्वाहैकान्नाशीत्यै स्वाहा नवाशीत्यै स्वाहैकान्न
 शताय स्वाहा शताय स्वाहा द्वाभ्यां शताभ्यां स्वाहा सर्वस्मै स्वाहा
 ॥११॥

एकस्मै स्वाहा त्रिभ्यः स्वाहा पञ्चभ्यः स्वाहा सप्तभ्यः स्वाहा नवभ्यः
 स्वाहैकादशभ्यः स्वाहा त्रयोदशभ्यः स्वाहा पञ्चदशभ्यः स्वाहा
 सप्तदशभ्यः स्वाहैकान्न विंशत्यै स्वाहा नवविंशत्यै स्वाहैकान्न
 चत्वारिंशते स्वाहा नवचत्वारिंशते स्वाहैकान्न षष्ट्यै स्वाहा
 नवषष्ट्यै स्वाहैकान्नाशीत्यै स्वाहा नवाशीत्यै स्वाहैकान्न शताय
 स्वाहा शताय स्वाहा सर्वस्मै स्वाहा ॥१२॥

द्वाभ्यां स्वाहा चतुर्भ्यः स्वाहा षड्भ्यः स्वाहाष्टाभ्यः स्वाहा दशभ्यः
 स्वाहा द्वादशभ्यः स्वाहा चतुर्दशभ्यः स्वाहा षोडशभ्यः
 स्वाहाष्टादशभ्यः स्वाहा विंशत्यै स्वाहाष्टानवत्यै स्वाहा शताय
 स्वाहा सर्वस्मै स्वाहा ॥१३॥

त्रिभ्यः स्वाहा पञ्चभ्यः स्वाहा सप्तभ्यः स्वाहा नवभ्यः स्वाहैकादशभ्यः
 स्वाहा त्रयोदशभ्यः स्वाहा पञ्चदशभ्यः स्वाहा सप्तदशभ्यः स्वाहैकान्न
 विंशत्यै स्वाहा नवविंशत्यै स्वाहैकान्न चत्वारिंशते स्वाहा
 नवचत्वारिंशते स्वाहैकान्न षष्ठ्यै स्वाहा नवषष्ठ्यै स्वाहैकान्नाशीत्यै
 स्वाहा नवाशीत्यै स्वाहैकान्न शताय स्वाहा शताय स्वाहा सर्वस्मै
 स्वाहा ॥१४॥

चतुर्भ्यः स्वाहाष्टाभ्यः स्वाहा द्वादशभ्यः स्वाहा षोडशभ्यः स्वाहा
 विंशत्यै स्वाहा षण्णवत्यै स्वाहा शताय स्वाहा सर्वस्मै स्वाहा
 ॥१५॥

पञ्चभ्यः स्वाहा दशभ्यः स्वाहा पञ्चदशभ्यः स्वाहा विंशत्यै स्वाहा
 पञ्चनवत्यै स्वाहा शताय स्वाहा सर्वस्मै स्वाहा ॥१६॥

दशभ्यः स्वाहा विंशत्यै स्वाहा त्रिंशते स्वाहा चत्वारिंशते स्वाहा
 पञ्चाशते स्वाहा षष्ठ्यै स्वाहा सप्तत्यै स्वाहाशीत्यै स्वाहा नवत्यै स्वाहा
 शताय स्वाहा
 सर्वस्मै स्वाहा ॥१७॥

विंशत्यै स्वाहा चत्वारिंशते स्वाहा षष्ठ्यै स्वाहाशीत्यै स्वाहा
 शताय स्वाहा सर्वस्मै स्वाहा ॥१८॥

पञ्चाशते स्वाहा शताय स्वाहा द्वाभ्यां शताभ्यां स्वाहा त्रिभ्यः
 शतेभ्यः स्वाहा चतुर्भ्यः शतेभ्यः स्वाहा
 पञ्चभ्यः शतेभ्यः स्वाहा षड्भ्यः शतेभ्यः स्वाहा सप्तभ्यः शतेभ्यः
 स्वाहाष्टाभ्यः शतेभ्यः स्वाहा नवभ्यः शतेभ्यः स्वाहा सहस्राय स्वाहा
 सर्वस्मै स्वाहा ॥१९॥

शुताय स्वाहा सहस्राय स्वाहायुताय स्वाहा नियुताय स्वाहा प्रयुताय
 स्वाहाबुदाय स्वाहा न्यबुदाय स्वाहा समुद्राय स्वाहा मध्याय
 स्वाहान्ताय स्वाहा
 परार्धाय स्वाहो षसे स्वाहा व्युष्ट्यै स्वाहो देष्यते स्वाहो द्युते
 स्वाहो दिताय स्वाहा सुवर्गाय स्वाहा
 लोकाय स्वाहा सर्वस्मै स्वाहा ॥२०॥

इति सप्तमकारण्डे द्वितीयः प्रपाठकः २

अथ सप्तमकारण्डे तृतीयः प्रपाठकः ३

प्रजवं वा एतेन यन्ति यद्दशममहः पापावहीयं वा एतेन भवन्ति
 यद्दशममहुर्यो वै प्रजवं यतामपथेन प्रतिपद्यते य स्थाणुं हन्ति यो भेषं
 न्येति स हीयते स यो वै दशमेऽहन्नविवाक्य उपहन्यते स हीयते तस्मै य
 उपहताय व्याह तमेवान्वारभ्य समश्नुतेऽथ यो व्याह सः हीयते
 तस्माद्दशमेऽहन्नविवाक्य उपहताय न व्युच्य मथो खल्वाहुर्यज्ञस्य वै
 समृद्धेन देवाः सुवर्गं लोकमायन्यज्ञस्य व्युद्धेनासुरान्पराभावयन्निति
 यत्खलु वै यज्ञस्य समृद्धं तद्यजमानस्य यद्व्युद्धं तद्भातृव्यस्य स यो वै
 दशमेऽहन्नविवाक्य उपहन्यते स एवाति रेचयति ते ये बाह्या दृशीकवः
 स्युस्ते वि ब्रूयु यदि तत्र न विन्देयुरन्तः सदसाद्व्युच्यं यदि तत्र न
 विन्देयुर्गृहपतितना व्युच्यं तद्व्युच्यमेवाथ वा एतत्सर्पराज्ञिया ऋग्भिः
 स्तुवन्तीयं वै सर्पतो राज्ञी यद्वा अस्यां किं चार्चन्ति यदानृचुस्तेनेयं
 सर्पराज्ञी ते यदेव किं च वाचानृचुर्यदतोऽध्यर्चितारः
 तदुभयमाप्त्वावरुध्योत्तिष्ठामेति ताभिर्मनसा स्तुवते न वा इमामंश्चरथो
 नाश्वतरीरथः सद्यः पर्याप्तुमर्हति मनो वा इमां सद्यः पर्याप्तुमर्हति मनः
 परिभवितु मथ ब्रह्म वदन्ति परिमिता वा ऋचः परिमितानि सामानि
 परिमितानि यजूंष्यथैतस्यैवान्तो नास्ति यद्ब्रह्म तत्प्रतिगृणत आ चक्षीत
 स प्रतिगुरः ॥१॥

ब्रह्मवादिनो वदन्ति किं द्वादशाहस्य प्रथमेनाहृत्विजां यजमानो वृङ्क्ते इति

तेज इन्द्रियमिति किं द्वितीयेनेति प्राणानन्नाद्यमिति किं तृतीयेनेति
त्रीनिमाँल्लोकानिति

किं चतुर्थेनेति चतुष्पदः पशूनि किम्पञ्चमेनेति पञ्चाक्षराम्पङ्क्तिमिति
किं षष्ठेनेति षड्वतूनि किं सप्तमेनेति सप्तपदां शक्वरीमिति ।१।
किमष्टमेनेत्यष्टाक्षरां गायत्रीमिति किं नवमेनेति त्रिवृतं स्तोममिति किं
दशमेनेति दशाक्षरां विराजमिति किमेकादशेनेत्येकादशाक्षरां
त्रिष्टुभमिति
किं द्वादशेनेति द्वादशाक्षरां जगतीमित्येतावद्वा अस्ति
यावदेतद्यावदेवास्ति तदेषां वृद्धे ॥२॥

एष वा आप्तो द्वादशाहो यत्रयोदशरात्रः समानं
ह्येतदह्यत्प्रायणीयश्चोदयनीयश्च त्र्यतिरात्रो भवति त्रय इमे लोका एषां
लोकानामाप्तयै प्राणो वै प्रथमोऽतिरात्रो व्यानो द्वितीयोऽपानस्तृतीयः
प्राणापानोदानेष्वेवान्नाद्ये प्रति तिष्ठन्ति सर्वमायुर्यन्ति य एवं
विद्वांसस्त्रयोदशरात्रमासते तदाहुर्वाग्वा एषा वितता यद्द्वादशाहस्तां
विच्छिन्द्युर्मध्येऽतिरात्रं कुर्युरूपदासुका
गृहपतेर्वाक्स्यादुपरिष्ठाच्छन्दोमानाम्महावृतं कुर्वन्ति संततामेव वाचमव
रुन्धतेऽनुपदासुका गृहपतेर्वाग्भवति पशवो वै छन्दोमा अन्नम्महावृतं
यदुपरिष्ठाच्छन्दोमानाम्महावृतं कुर्वन्ति पशुषु चैवान्नाद्यै च प्रति तिष्ठन्ति
॥३॥

आदित्या अकामयन्तोभयौलोकयोर्ऋध्रुयामेति त एतं
चतुर्दशरात्रमपश्यन्तमाहरन्तेनायजन्त ततो वै त
उभयौलोकयोराध्रुवन्नस्मिंश्चामुष्मिंश्च य एवं विद्वांसश्चतुर्दशरात्रमासते
उभयोरिव लोकयोर्ऋध्रुवन्त्यस्मिंश्चामुष्मिंश्च चतुर्दशरात्रो भवति सप्त
ग्राम्या ओषधयः सप्तारण्या उभयीषामवरुद्धयै यत्पराचीनानि पृष्ठानि
भवन्त्यमुमेव तैल्लोकमभि जयन्ति यत्प्राचीनानि पृष्ठानि भवन्तीममेव
तैल्लोकमभि जयन्ति त्रयस्त्रिंशौ मध्यत स्तोमौ भवतुः साम्राज्यमेव

गच्छन्त्यधिराजौ भवतोऽधिराजा एव समानानाम्भवन्त्य तिरात्रावभितौ
भवतुः परिगृहीत्यै ॥४॥

प्रजापतिः सुवर्गं लोकमैतत् देवा अन्वायन्तानादित्याश्च पशवश्चान्वायन्ते
देवा अब्रुवन्यान्पशूनुपार्जीविष्म त इमेऽन्वाग्मन्निति तेभ्य एतं
चतुर्दशरात्रम्प्रत्यौहन्त आदित्याः पृष्ठैः सुवर्गं
लोकमारौहन्त्यहाभ्यामस्मिल्लोके पशून्प्रत्यौहन्यृष्ठैरादित्या
अमुष्मिल्लोक आर्ध्वन्त्यहाभ्यामस्मिल्लोके पशवो य एवं
विद्वाँसश्चतुर्दशरात्रमासत उभयोरिव लोकयोर्ऋध्रुवन्त्यस्मिँश्चामुष्मिँश्च
पृष्ठैरेवामुष्मिल्लोक ऋध्रुवन्ति त्र्यहाभ्यामस्मिल्लोके ज्योतिर्गौरायुरिति
त्र्यहो भवतीयं वाव ज्योतिरन्तरिक्षं गौरसावायुरिमानेव
लोकानभ्यारौहन्ति यदन्यतः पृष्ठानि स्युर्विविधं स्यान्मध्ये पृष्ठानि
भवन्ति सविवधत्वायौजो वै वीर्यम्पृष्ठान्योज एव वीर्यमध्यतो दधते
बृहद्रथंतराभ्यां यन्तीयं वाव रथंतरमसौ बृहदाभ्यामेव यन्त्यथौ अनयोरिव
प्रति तिष्ठन्त्येते वै यज्ञस्याञ्जसार्यनी स्मृती ताभ्यामेव सुवर्गं लोकं यन्ति
पराञ्चो वा एते सुवर्गं लोकमभ्यारौहन्ति ये पराचीनानि पृष्ठान्युपयन्ति
प्रत्यङ्त्र्यहो भवति प्रत्यर्वरूढ्या अथो प्रतिष्ठित्या
उभयौलोकयोर्ऋध्रुवोत्तिष्ठन्ति चतुर्दशैतास्तासां या दश दशाक्षरा
विराडन्नं विराड्विराजैवान्नाद्यमव रुन्धते याश्चतस्रश्चतस्रो दिशो दिद्वैव
प्रति तिष्ठन्त्य तिरात्रावभितौ भवतुः परिगृहीत्यै ॥५॥

इन्द्रो वै सदृङ्देवताभिरासीत्स न व्यावृत्तमगच्छत्स
प्रजापतिमुपाधावत्तस्मा एतम्पञ्चदशरात्रम्प्रायच्छत्तमाहरत्तेनायजत ततो वै
सौऽन्याभिर्देवताभिर्व्यावृत्तमगच्छद्य एवं विद्वाँसः पञ्चदशरात्रमासते
व्यावृत्तमेव पाप्मना भ्रातृव्येण गच्छन्ति ज्योतिर्गौरायुरिति त्र्यहो भवतीयं
वाव ज्योतिरन्तरिक्षं ।१। गौरसावायुरेष्वेव लोकेषु प्रति तिष्ठन्त्य सत्त्रं
वा एतद्यदच्छन्दोमं यच्छन्दोमा भवन्ति तेन सत्त्रं देवता एव पृष्ठैरव
रुन्धते पशूञ्छन्दोमैरोजो वै वीर्यं पृष्ठानि पशवश्छन्दोमा ओजस्येव वीर्यं

पशुषु प्रति तिष्ठन्ति पञ्चदशरात्रो भवति पञ्चदशो वज्रो वज्रमेव
भ्रातृव्येभ्यः प्र हरन्त्य तिरात्रावभितौ भवत इन्द्रियस्य परिगृहीत्यै ॥६॥

इन्द्रो वै शिथिल इवाप्रतिष्ठित आसीत्सोऽसुरेभ्योऽबिभेत्स
प्रजापतिमुपाधावत्तस्मा एतम्पञ्चदशरात्रं वज्रम्प्रायच्छृत्तेनासुरान्पराभाव्य
विजित्य श्रियमगच्छदग्निष्टुता पाप्मानं निर्दहत पञ्चदशरात्रेणौजो
बलमिन्द्रियं वीर्यमात्मन्नधत्त य एवं विद्वाँसः पञ्चदशरात्रमासते
भ्रातृव्यानेव पराभाव्य विजित्य श्रियं गच्छन्त्यग्निष्टुता पाप्मानं निर्दहन्ते
पञ्चदशरात्रेणौजो बलमिन्द्रियं वीर्यमात्मन्दधत्त एता एव पशव्याः पञ्चदश
वा अर्धमासस्य रात्रयोऽर्धमासशः संवत्सर आप्यते संवत्सरम्पशवोऽनु प्र
जायन्ते तस्मात्पशव्या एता एव सुवर्ग्याः पञ्चदश वा अर्धमासस्य
रात्रयोऽर्धमासशः संवत्सर आप्यते संवत्सरः सुवर्गो
लोकस्तस्मात्सुवर्ग्या ज्योतिर्गौरायुरिति त्र्यहो भवतीयं वाव
ज्योतिरन्तरिक्षं गौरसावायुरिमानेव लोकानभ्यारोहन्ति यदन्यतः पृष्ठानि
स्युर्विविधं स्यान्मध्ये पृष्ठानि भवन्ति सविवधत्वायौजो वै
वीर्यम्पृष्ठान्योज एव वीर्यमध्यतो दधते बृहद्रथंतराभ्यां यन्तीयं वाव
रथंतरमसौ बृहदाभ्यामेव यन्त्यथो अनयोरिव प्रति तिष्ठन्त्येते वै
यज्ञस्याञ्जसायनी स्रुती ताभ्यामेव सुवर्गं लोकं यन्ति पराञ्चो वा एते
सुवर्गं लोकम्भ्यारोहन्ति ये पराचीनानि पृष्ठान्युपयन्ति प्रत्यङ्त्र्यहो
भवति प्रत्यर्वरूढ्या अथो प्रतिष्ठिया उभयौर्लोकयोर्ऋद्ध्वोत्तिष्ठन्ति
पञ्चदशैतास्तासां या दश दशाक्षरा विराडन्नं विराड्विराजैवान्नाद्यमव
रुन्धते याः पञ्च पञ्च दिशो दिद्वैव प्रति तिष्ठन्त्य तिरात्रावभितौ भवत
इन्द्रियस्य वीर्यस्य प्रजायै पशूनाम्परिगृहीत्यै ॥७॥

प्रजापतिरकामयतान्नादः स्यामिति स एतं
सप्तदशरात्रमपश्यत्तमाहरत्तेनायजत् ततो वै सोऽन्नादोऽभवद्य एव
विद्वाँसः सप्तदशरात्रमासतेऽन्नादा एव भवन्ति पञ्चाहो भवति पञ्च वा
ऋतवः संवत्सर ऋतुष्वेव संवत्सरे प्रति तिष्ठन्त्यथो पञ्चाक्षरा पङ्क्तिः पाङ्क्तौ

यज्ञो यज्ञमेवाव रुन्धतेऽसत्रं वा एतद्यदच्छन्दोमं यच्छन्दोमा भवन्ति तेन
सत्रं देवता एव पृष्ठैरव रुन्धते पशूञ्छन्दोमैरोजो वै वीर्यं पृष्ठानि
पशवश्छन्दोमा ओजस्येव वीर्येपशुषु प्रति तिष्ठन्ति सप्तदशरात्रो भवति
सप्तदशः प्रजापतिः प्रजापतेराप्तया अतिरात्रावभितौ भवतोऽन्नाद्यस्य
परिगृहीत्यै ॥८॥

सा विराड्विक्रम्यातिष्ठद्ब्रह्मणा देवेष्वन्नेनासुरेषु
ते देवा अकामयन्तोभयं सं वृञ्जीमहि ब्रह्म चान्नं चेति त एता
विंशतिं रात्रीरपश्यन्ततो वै त उभयं समवृञ्जत ब्रह्म चान्नं च
ब्रह्मवर्चसिनोऽन्नादा अभवन्त्य एव विद्वांस एता आसत उभयमेव सं
वृञ्जते ब्रह्म चान्नं च ब्रह्मवर्चसिनोऽन्नादा भवन्ति द्वे वा एते विराजौ
तयोरिव नाना प्रति तिष्ठन्ति विंशो वै पुरुषो दश हस्त्या अङ्गुलयो
दश पद्या यावानेव पुरुषस्तमाप्त्वोत्तिष्ठन्ति ज्योतिर्गौरायुरिति त्र्यहा
भवन्तीयं वाव ज्योतिरन्तरिक्षं गौरसावायुरिमानेव
लोकानभ्यारौहन्त्यभिपूर्वं त्र्यहा भवन्त्यभिपूर्वमेव सुवर्गं
लोकमभ्यारौहन्ति यदन्यतः पृष्ठानि स्युर्विविधं स्यान्मध्ये पृष्ठानि
भवन्ति सविवधत्वायौजो वै वीर्यम्पृष्ठान्योज एव वीर्यमध्यतो दधते
बृहद्रथंतराभ्यां यन्तीयं वाव रथंतरमसौ बृहदाभ्यामेव यन्त्यथो अनयोरिव
प्रति तिष्ठन्त्येते वै यज्ञस्याञ्जसायनी स्मृती ताभ्यामेव सुवर्गं लोकं यन्ति
पराञ्चो वा एते सुवर्गं लोकमभ्यारौहन्ति ये पराचीनानि पृष्ठान्युपयन्ति
प्रत्यङ्त्र्यहो भवति प्रत्यवरूढ्या अथो प्रतिष्ठिया
उभयौलोकयोर्ऋद्ध्वोत्तिष्ठन्त्य तिरात्रावभितौ भवतो
ब्रह्मवर्चसस्यान्नाद्यस्य परिगृहीत्यै ॥९॥

असावादित्योऽस्मिँल्लोक आसीत्तं देवाः पृष्ठैः परिगृह्य सुवर्गं
लोकमगमयन्परैरवस्तात्पर्यगृह्णन्दिवाकीर्त्येन सुवर्गे लोके
प्रत्यस्थापयन्परैः पुरस्तात्पर्यगृह्णन्पृष्ठैरुपावारोहन्त्स वा
असावादित्योऽमुष्मिँल्लोके परैरुभयतः परिगृहीतो यत्पृष्ठानि भवन्ति

सुवर्गमेव तैर्लोकं यजमाना यन्ति परैर्वस्तात्परि गृह्णन्ति दिवाकीर्त्येन
 सुवर्गे लोके प्रति तिष्ठन्ति परैः परस्तात्परि गृह्णन्ति पृष्ठैरुपावरोहन्ति यत्परै
 परस्तान्न स्युः पराञ्चः सुवर्गाल्लोकान्निष्पद्येन्यद्वस्तान्न स्युः प्रजा
 निर्दहेयुरभितौ दिवाकीर्त्यम्परः सामानो भवन्ति सुवर्ग एवैर्नाल्लोक
 उभयतः परि गृह्णन्ति यजमाना वै दिवाकीर्त्यं संवत्सरः
 परः सामानोऽभितौ दिवाकीर्त्यम्परः सामानो भवन्ति संवत्सर एवोभयतः
 प्रति तिष्ठन्ति पृष्ठं वै दिवाकीर्त्यम्पार्श्वे परः सामानोऽभितौ
 दिवाकीर्त्यम्परः सामानो भवन्ति तस्मादभितः पृष्ठम्पार्श्वे भूयिष्ठा ग्रहा गृह्यन्ते
 भूयिष्ठं शस्यते यज्ञस्यैव तन्मध्यतो ग्रन्थिं ग्रन्थन्त्यविस्रं साय सप्त
 गृह्यन्ते सप्त वै शीर्षण्याः प्राणाः प्राणानेव यजमानेषु दधति
 यत्पराचीनानि पृष्ठानि भवन्त्यमुमेव तैर्लोकमुभ्यारोहन्ति यदिमं लोकं न
 ।३। प्रत्यवरोहैयुरुद्धा माद्यैर्यजमानाः प्र वा मीयेरन्यत्प्रतीचीनानि पृष्ठानि
 भवन्तीममेव तैर्लोकम्प्रत्यवरोहन्त्यथो अस्मिन्नेव लोके प्रति
 तिष्ठन्त्यनुन्मादायेन्द्रो वा अप्रतिष्ठित आसीत्स प्रजापतिमुपाधावत्तस्मा
 एतमैकविंशतिरात्रम्प्रायच्छत्तमाहरत्तेनायजत ततो वै स प्रत्यतिष्ठद्ये
 बहुयाजिनोऽप्रतिष्ठिताः स्युस्त एकविंशतिरात्रमासीरन्द्वादश मासाः
 पञ्चवस्त्रय इमे लोका असावादित्य एकविंश एतावन्तो वै
 दैवल्लोकास्तेष्वेव यथापूर्वम्प्रति तिष्ठन्त्य सावादित्यो न व्यरोचत स
 प्रजापतिमुपाधावत्तस्मा एतमैकविंशतिरात्रम्प्रायच्छत्तमाहरत्तेनायजत
 ततो वै सौऽरोचत य एवं विद्वांसं एकविंशतिरात्रमासंते रोचन्त
 एवैकविंशतिरात्रो भवति रुग्वा एकविंशो रुचमेव गच्छन्त्यथो
 प्रतिष्ठामेव प्रतिष्ठा ह्येकविंशोऽतिरात्रावभितौ भवतो ब्रह्मवर्चसस्य
 परिगृहीत्यै ॥१०॥

अर्वाङ्यज्ञः सं क्रामत्वमुष्मादधि मामभि । ऋषीणां यः पुरोहितः ॥
 निर्देवं निर्वीरं कृत्वा विष्कन्धं तस्मिन्हीयतां योऽस्मान्द्वेष्टि । शरीरं
 यज्ञशमलं कुसीदं तस्मिन्त्सीदतु योऽस्मान्द्वेष्टि ॥ यज्ञं यज्ञस्य यत्तेजस्तेन
 सं क्राम मामभि । ब्राह्मणानृत्विजौ देवान्यज्ञस्य तपसा ते सवाहमा हुवे

॥ इष्टेन पक्वमुप ते हुवे सवाहम् । सं ते वृञ्जे सुकृतं सम्प्रजाम्पशून्
॥

प्रेषान्त्सामिधेनीराघारावाज्यभागावाश्रुतम्प्रत्याश्रुतमा शृणामि ते ।
प्रयाजानूयाजान्तस्विष्टकृतमिडामाशिष आ वृञ्जे सुवः ॥ अग्निनेन्द्रैण
सोमैन् सरस्वत्या विष्णुना देवताभिः । याज्यानुवाक्याभ्यामुप ते हुवे
सवाहं यज्ञमा ददे ते वर्षट्कृतम् ॥ स्तुतं शस्त्रम्प्रतिगरं
ग्रहमिडामाशिष आ वृञ्जे सुवः । पत्नीसंयाजानुप ते हुवे सवाहं
समिष्टयजुरा ददे तव ॥ पशून्सुतम्पुरोडाशान्तसर्वनान्योत यज्ञम् ।
देवान्सेन्द्रानुप ते हुवे सवाहमग्निमुखान्तसोमवतो ये च विश्वे ॥११॥

भूतम्भव्यम्भविष्यद्वषट्स्वाहा नम ऋक्साम यजुर्वषट्स्वाहा नमो
गायत्री त्रिष्टुब्जगती वषट्स्वाहा नमः पृथिव्यन्तरिक्षं द्यौर्वषट्स्वाहा
नमो ग्निर्वायुः सूर्यो वषट्स्वाहा नमः प्राणो व्यानोऽपानो वषट्स्वाहा
नमोऽन्नं कृषिर्वृष्टिर्वषट्स्वाहा नमः पिता पुत्रः पौत्रो वषट्स्वाहा नमो
भूर्भुवः सुवर्वषट्स्वाहा नमः ॥१२॥

आ मे गृहा भवन्त्वा प्रजा म आ मां यज्ञो विशतु वीर्यावान् । आपो
देवीर्यज्ञिया मा विशन्तु सहस्रस्य मा भूमा मा प्र हासीत् ॥
आ मे ग्रहो भवत्वा पुरोरुक्स्तुतशस्त्रे मा विशतां समीचीं । आदित्या
रुद्रा वसवो मे सदस्याः सहस्रस्य मा भूमा मा प्र हासीत् ॥
आ माग्निष्टोमो विशतुक्थ्यश्चातिरात्रो मा विशत्वापिशर्वरः ।
तिरोअह्निया मा सुहता आ विशन्तु सहस्रस्य मा भूमा मा प्र हासीत्
॥१३॥

अग्निना तपोऽन्वभव द्वाचा ब्रह्म मणिना रूपाणीन्द्रैण देवान्वातेन
प्राणा न्तसूर्येण द्यां चन्द्रमसा नक्षत्राणि
यमेन पितृन्राज्ञा मनुष्यान्फलेन नादेया नजगरेण
सर्पान्व्याघ्रेणारयान्पशू ञ्छयेनेन पतत्रिणो वृष्णाश्वा नृषभेण गा

ब॒स्तेना॒जा वृ॒ष्णिना॒वी व्री॒हिणान्ना॒नि यवे॒नौष॒धी न्य॒ग्रोधे॒न
वन॒स्पती॒ नुदु॒म्बरे॒णोर्जं गाय॒त्रिया छन्दा॑ँसि त्रि॒वृता॒ स्तोमा॑न्ब्राह्म॒णेन॒
वाच॑म् ॥१४॥

स्वाहा॒धिमा॒धीताय॒ स्वाहा॒ स्वाहा॒धीतुं॒ मन॑से॒ स्वाहा॒ स्वाहा॒ मनः॑
प्र॒जाप॑तये॒ स्वाहा॒ काय॒ स्वाहा॒ कस्मै॒ स्वाहा॑ क॒तम॑स्मै॒ स्वाहा॑दि॒त्यै
स्वाहा॑दि॒त्यै मु॒ह्यै स्वाहा॑दि॒त्यै सु॒मृडी॒कायै॒ स्वाहा॑ सर॒स्वत्यै॒ स्वाहा॑
सर॒स्वत्यै बृ॒हत्यै॒ स्वाहा॑ सर॒स्वत्यै पा॒वका॑यै॒ स्वाहा॑ पू॒ष्णे स्वाहा॑ पू॒ष्णे
प्र॑प॒थ्याय॒ स्वाहा॑ पू॒ष्णे न॒रं॒धिषा॑य॒ स्वाहा॑ त्वष्ट्रे॒ स्वाहा॑ त्वष्ट्रे॒ तुरी॑पाय॒
स्वाहा॑
त्वष्ट्रे॒ पुरु॑रूपाय॒ स्वाहा॑ वि॒ष्णावे॒ स्वाहा॑ वि॒ष्णावे॒ निखुर्य॑पाय॒ स्वाहा॑
वि॒ष्णावे॒ निभू॑यपाय॒ स्वाहा॑ सर्व॑स्मै॒ स्वाहा॑ ॥१५॥

द॒द्भ्यः॒ स्वाहा॒ हनू॑भ्याँ॒ स्वाहा॑ ष्ठा॒भ्याँ॒ स्वाहा॑ मु॒खाय॒ स्वाहा॑
ना॒सिका॑भ्याँ॒ स्वाहा॑क्षी॒भ्याँ॒ स्वाहा॑ कर्णा॒भ्याँ॒ स्वाहा॑ प्रा॒र
इ॒क्षवो॑ऽवा॒र्येभ्यः॒ पद्म॑भ्यः॒ स्वाहा॑वा॒र इ॒क्षवः॒ प्रा॒र्येभ्यः॒ पद्म॑भ्यः॒ स्वाहा॑
शी॒र्ष्णे स्वाहा॑
भ्रू॒भ्याँ॒ स्वाहा॑ ल॒लाटा॑य॒ स्वाहा॑ मूर्ध्ने॒ स्वाहा॑ म॒स्तिष्का॑य॒ स्वाहा॑
के॒शेभ्यः॒ स्वाहा॑ व॒हाय॒ स्वाहा॑ ग्री॒वाभ्यः॒ स्वाहा॑ स्क॒न्धेभ्यः॒ स्वाहा॑
की॒र्कसा॑भ्यः॒ स्वाहा॑ पृ॒ष्ठीभ्यः॒ स्वाहा॑ पा॒जस्या॑य॒ स्वाहा॑ पा॒र्श्वाभ्याँ॒
स्वाहा॑ अ॒सा॒भ्याँ॒ स्वाहा॑ दो॒षभ्याँ॒ स्वाहा॑ बा॒हुभ्याँ॒ स्वाहा॑
जङ्घा॑भ्याँ॒ स्वाहा॑ श्रो॒णीभ्याँ॒ स्वाहा॑ रु॒भ्या॒ स्वाहा॑ष्ठी॒वद्भ्याँ॒ स्वाहा॑
जङ्घा॑भ्याँ॒ स्वाहा॑ भ॒सदे॒ स्वाहा॑ शि॒खण्डे॑भ्यः॒ स्वाहा॑ वा॒ल॒धाना॑य॒
स्वाहा॑ण्डा॒भ्याँ॒ स्वाहा॑ शे॒पाय॒ स्वाहा॑ रे॒तसे॒ स्वाहा॑ प्र॒जाभ्यः॒ स्वाहा॑
प्र॒ज॒न॒नाय॒ स्वाहा॑ प॒द्भ्यः॒ स्वाहा॑ श॒फेभ्यः॒ स्वाहा॑ लो॒मभ्यः॒ स्वाहा॑ त्व॒चे
स्वाहा॑ लो॒हि॒ताय॒ स्वाहा॑ मा॒साय॒ स्वाहा॑ स्ना॒वभ्यः॒ स्वाहा॑स्थ॒भ्यः॒
स्वाहा॑ म॒ज्जभ्यः॒ स्वाहा॑ङ्गै॒भ्यः॒ स्वाहा॑त्म॒ने स्वाहा॑ सर्व॑स्मै॒ स्वाहा॑ ॥१६॥

अञ्जयेताय स्वाहाञ्जिसक्थाय स्वाहा शितिपदे स्वाहा शितिककुदे
 स्वाहा शितिर्न्ध्राय स्वाहा शितिपृष्ठाय स्वाहा शित्यँसाय स्वाहा
 पुष्पकर्णाय स्वाहा
 शित्योष्ठाय स्वाहा शितिभ्रवे स्वाहा शितिभसदे स्वाहा श्वेतानूकाशाय
 स्वाहाञ्जये स्वाहा ललामाय स्वाहासितज्ञवे स्वाहा कृष्णैताय स्वाहा
 रोहितैताय स्वाहारुणैताय स्वाहे दृशाय स्वाहा कीदृशाय स्वाहा
 तादृशाय स्वाहा सदृशाय स्वाहा विसदृशाय स्वाहा सुसदृशाय स्वाहा
 रूपाय स्वाहा सर्वस्मै स्वाहा ॥१७॥

कृष्णाय स्वाहा श्वेताय स्वाहा पिशङ्गाय स्वाहा सारङ्गाय स्वाहारुणाय
 स्वाहा गौराय स्वाहा बभ्रवे स्वाहा नकुलाय स्वाहा रोहिताय स्वाहा
 शोणाय स्वाहा
 श्यावाय स्वाहा श्यामाय स्वाहा पाकलाय स्वाहा
 सुरूपाय स्वाहानुरूपाय स्वाहाविरूपाय स्वाहा सरूपाय स्वाहा
 प्रतिरूपाय स्वाहा शबलाय स्वाहा कमलाय स्वाहा पृश्नये स्वाहा
 पृश्निसक्थाय स्वाहा सर्वस्मै स्वाहा ॥१८॥

ओषधीभ्यः स्वाहा मूलैभ्यः स्वाहा तूलैभ्यः स्वाहा काण्डैभ्यः स्वाहा
 वल्शैभ्यः स्वाहा पुष्पैभ्यः स्वाहा
 फलैभ्यः स्वाहा गृहीतेभ्यः स्वाहागृहीतेभ्यः स्वाहावपन्नेभ्यः स्वाहा
 शयानेभ्यः स्वाहा सर्वस्मै स्वाहा ॥१९॥

वनस्पतिभ्यः स्वाहा मूलैभ्यः स्वाहा तूलैभ्यः स्वाहा स्कन्धैभ्यः स्वाहा
 शाखाभ्यः स्वाहा पर्णैभ्यः स्वाहा
 पुष्पैभ्यः स्वाहा फलैभ्यः स्वाहा गृहीतेभ्यः स्वाहागृहीतेभ्यः
 स्वाहावपन्नेभ्यः स्वाहा शयानेभ्यः स्वाहा शिष्टाय स्वाहातिशिष्टाय
 स्वाहा परिशिष्टाय स्वाहा सँशिष्टाय स्वाहो च्छिष्टाय स्वाहा रिक्ताय
 स्वाहारिक्ताय स्वाहा प्ररिक्ताय स्वाहा सँरिक्ताय स्वाहो द्रिक्ताय

स्वाहा सर्वस्मै स्वाहा ॥२०॥

इति सप्तमकारण्डे तृतीयः प्रपाठकः ३

अथ सप्तमकारण्डे चतुर्थः प्रपाठकः ४

बृहस्पतिरकामयत् श्रन्मै देवा दधीरन्गच्छैयम्पुरोधामिति स एतं
चतुर्विंशतिरात्रमपश्यत्तमाहरत्तेनायजत् ततो वै तस्मै श्रद्देवा
अर्दधृतागच्छत्पुरोधां य एवं विद्वांसंश्चतुर्विंशतिरात्रमासते श्रदैभ्यो
मनुष्या दधते गच्छन्ति पुरोधां ज्योतिर्गौरायुरिति त्र्यहा भवन्तीयं वाव
ज्योतिरन्तरिक्षं गौरसावायुरिमानेव लोकानभ्यारौहन्त्यभिपूर्वं त्र्यहा
भवन्त्यभिपूर्वमेव सुवर्गं लोकमभ्यारौहन्त्य सत्त्वं वा एतद्यदच्छन्दोमं
यच्छन्दोमा भवन्ति तेन सत्त्वं देवता एव पृष्ठैरव रुन्धते पशूच्छन्दोमैरोजो
वै वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति
बृहद्रथंतराभ्यां यन्तीयं वाव रथंतरमसौ बृहदाभ्यामेव यन्त्यथो अनयोरेव
प्रति तिष्ठन्त्येते वै यज्ञस्याञ्जसायनी स्मृती ताभ्यामेव सुवर्गं लोकं यन्ति
चतुर्विंशतिरात्रो भवति चतुर्विंशतिरर्धमासाः संवत्सरः संवत्सरः
सुवर्गो लोकः संवत्सर एव सुवर्गे लोके प्रति तिष्ठन्त्यथो
चतुर्विंशत्यक्षरा गायत्री गायत्री ब्रह्मवर्चसं गायत्रियैव ब्रह्मवर्चसमव
रुन्धतेऽतिरात्रावभितौ भवतो ब्रह्मवर्चसस्य परिगृहीत्यै ॥१॥

यथा वै मनुष्या एवं देवा अग्रं
आसन्तैऽकामयन्तावर्तिम्पाप्मानंमृत्युमपहृत्य दैवीं स्रंसदं गच्छेमेति
त एतं चतुर्विंशतिरात्रमपश्यन्तमाहरन्तेनायजन्त ततो वै
तेऽवर्तिम्पाप्मानंमृत्युमपहृत्य दैवीं स्रंसदं गच्छन्त्य एवं
विद्वांसंश्चतुर्विंशतिरात्रमासतेऽवर्तिमेव पाप्मानमपहृत्य श्रियं गच्छन्ति
श्रीर्हि मनुष्यस्य दैवी स्रंस ज्योतिरतिरात्रो भवति सुवर्गस्य
लोकस्यानुख्यात्यै पृष्ठयः षडहो भवति षड्वा ऋतवः संवत्सरस्तम्मासा
अर्धमासा ऋतवः प्रविश्य दैवीं स्रंसदं गच्छन्त्य एवं
विद्वांसंश्चतुर्विंशतिरात्रमासते संवत्सरेमेव प्रविश्य वस्यसीं स्रंसदं

गच्छन्ति त्रयस्त्रयस्त्रिंशा अवस्ताद्भवन्ति त्रयस्त्रयस्त्रिंशाः
 परस्तात्त्रयस्त्रिंशैरेवोभयवतोऽवर्तिम्प्राप्मानमपहृत्य दैवीं
 सुंसदम्मध्यतो गच्छन्ति पृष्ठानि हि दैवीं सुंसज्जामि वा
 एतत्कुर्वन्ति यत्त्रयस्त्रयस्त्रिंशा अन्वञ्चो मध्येऽनिरुक्तो भवति
 तेनाजाम्यूर्ध्वानि पृष्ठानि भवन्त्यूर्ध्वाश्छन्दोमा उभाभ्यां रूपाभ्यां
 सुवर्गं लोकं यन्त्यसत्रं वा एतद्यदच्छन्दोमं यच्छन्दोमा भवन्ति तेन
 सत्रं देवता एव पृष्ठैरव रुन्धते पशूञ्छन्दोमैरोजो वै वीर्यम्पृष्ठानि
 पशवश्छन्दोमा ओजस्येव वीर्ये पशुषु प्रति तिष्ठन्ति त्रयस्त्रयस्त्रिंशा
 अवस्ताद्भवन्ति त्रयस्त्रयस्त्रिंशाः परस्तान्मध्ये पृष्ठान्युरो वै त्रयस्त्रिंशा
 आत्मा पृष्ठान्यात्मन एव तद्यजमानाः शर्म नह्यन्तेऽनात्यै बृहद्रथंतराभ्यां
 यन्तीयं वाव रथंतरमसौ बृहदाभ्यामेव यन्त्यथो अनयोरेव प्रति तिष्ठन्त्येते
 वै यज्ञस्याञ्जुसारयनी स्नुती ताभ्यामेव सुवर्गं लोकं यन्ति पराञ्चो वा एते
 सुवर्गं लोकमभ्यारौहन्ति ये पराचीनानि पृष्ठान्युपयन्ति प्रत्यङ्घ्रिहो
 भवति प्रत्यवरूढ्या अथो प्रतिष्ठित्या उभयौलोकयोर्ऋद्ध्वोत्तिष्ठन्ति
 त्रिवृतोऽधि त्रिवृतमुप यन्ति स्तोमानां सम्पत्यै प्रभवाय ज्योतिरग्निष्टोमो
 भवत्ययं वाव स क्षयोऽस्मादेव तेन क्षयान्न यन्ति चतुर्विंशतिरात्रो
 भवति चतुर्विंशतिरर्धमासाः संवत्सरः संवत्सरः सुवर्गो लोकः
 संवत्सर एव सुवर्गे लोके प्रति तिष्ठन्त्यथो चतुर्विंशत्यक्षरा गायत्री
 गायत्री ब्रह्मवर्चसं गायत्रियैव ब्रह्मवर्चसमव रुन्धते ऽतिरात्रावभितौ
 भवतो ब्रह्मवर्चसस्य परिगृहीत्यै ॥२॥

ऋक्षा वा इयमलोमकासीत्साकामयतौषधीभिर्वनस्पतिभिः प्र जायेयेति
 सैतास्त्रिंशत् रात्रीरपश्यत्ततो वा इयमोषधीभिर्वनस्पतिभिः प्राजायत
 ये प्रजाकामाः पशुकामाः स्युस्त एता आसीरन्त्रैव जायन्ते प्रजया
 पशुभि रियं वा अन्नुध्यत्सैतां
 विराजमपश्यत्तामात्मन्धित्वान्नाद्यमवारुद्धौषधीर्वनस्पतीन्प्रजाम्पशून्तेनाव
 र्धत सा जेमानम्महिमानमगच्छद्य एवं विद्वांस एता आसते
 विराजमेवात्मन्धित्वान्नाद्यमव रुन्धते वर्धन्ते प्रजया

पशुभिर्जेमानम्महिमानं गच्छन्ति ज्योतिरतिरात्रो भवति सुवर्गस्य
 लोकस्यानुख्यात्यै पृष्ठयः षडहो भवति षड्वा ऋतवः षट्पृष्ठानि
 पृष्ठैरेवतूनन्वारौहन्त्युतुभिः संवत्सरं ते संवत्सर एव प्रति तिष्ठन्ति
 त्रयस्त्रिंशत्त्रयस्त्रिंशमुप यन्ति यज्ञस्य संतत्या अथौ प्रजापतिर्वै
 त्रयस्त्रिंशः प्रजापतिमेवारभन्ते प्रतिष्ठित्यै त्रिणवो भवति विजित्या
 एकविंशो भवति प्रतिष्ठित्या अथो रुचमेवात्मन्दधते त्रिवृदग्निष्टुब्धवति
 पाप्मानमेव तेन निर्दहन्तेऽथो तेजो वै त्रिवृत्तेज एवात्मन्दधते पञ्चदश
 इन्द्रस्तोमो भवतीन्द्रयमेवाव रुन्धते सप्तदशो भवत्यन्नाद्यस्यावरुद्ध्या
 अथो प्रैव तेन जायन्त एकविंशो भवति प्रतिष्ठित्या अथो
 रुचमेवात्मन्दधते चतुर्विंशो भवति चतुर्विंशतिरर्धमासाः संवत्सरः
 संवत्सरः सुवर्गो लोकः संवत्सर एव सुवर्गे लोके प्रति तिष्ठन्त्यथौ एष
 वै विषूवान्विषूवन्तौ भवन्ति य एवं विद्वांस एता आसते
 चतुर्विंशात्पृष्ठान्युप यन्ति संवत्सर एव प्रतिष्ठाय देवता अभ्यारौहन्ति
 त्रयस्त्रिंशत्त्रयस्त्रिंशमुप यन्ति त्रयस्त्रिंशद्वे देवता देवतास्वेव प्रति
 तिष्ठन्ति त्रिणवो भवतीमे वै लोकास्त्रिणव एष्वेव लोकेषु प्रति तिष्ठन्ति
 द्वावेकविंशौ भवतुः प्रतिष्ठित्या अथो रुचमेवात्मन्दधते ब्रह्मः
 षोडशिनो भवन्ति तस्माद्ब्रह्मः प्रजासु वृषाणो यदेते स्तोमा व्यतिषक्ता
 भवन्ति तस्मादियमोषधीभिर्वनस्पतिभिर्व्यतिषक्ता व्यतिषज्यन्ते प्रजया
 पशुभिर्य एवं विद्वांस एता आसतेऽक्लृप्ता वा एते सुवर्गं लोकं
 यन्त्युच्चावचान्हि स्तोमानुपयन्ति यदेत ऊर्ध्वाः क्लृप्ताः स्तोमा भवन्ति
 क्लृप्ता एव सुवर्गं लोकं यन्त्युभयोरिभ्यो लोकयोः कल्पते
 त्रिंशदेतास्त्रिंशदक्षरा विराडन्नं विराड्विराजैवान्नाद्यमव
 रुन्धतेऽतिरात्रावभितौ भवतोऽन्नाद्यस्य परिगृहीत्यै ॥ ३॥

प्रजापतिः सुवर्गं लोकमैतं देवा येनयेन च्छन्दसानु प्रायुञ्जत तेन नाप्नुवन्त
 एता द्वात्रिंशत् रात्रीरपश्यन्द्वात्रिंशदक्षरानुष्टुगानुष्टुभः प्रजापतिः
 स्वेनैव च्छन्दसा प्रजापतिमाप्त्वाभ्यारुह्य सुवर्गं लोकमायन्य एवं
 विद्वांस एता आसते द्वात्रिंशदेता द्वात्रिंशदक्षरानुष्टुगानुष्टुभः

प्रजापतिः स्वेनैव च्छन्दसा प्रजापतिमाप्त्वा श्रियं गच्छन्ति ।१। श्रीर्हि
 मनुष्यस्य सुवर्गो लोको द्वात्रिंशदेता
 द्वात्रिंशदक्षरानुष्टुप्वागनुष्टुप्सर्वामेव वाचमाप्नुवन्ति सर्वे वाचो वदितारौ
 भवन्ति सर्वे हि श्रियं गच्छन्ति ज्योतिर्गौरायुरिति त्र्यहा भवन्तीयं वाव
 ज्योतिरन्तरिक्षं गौरसावायुरिमानेव लोकानभ्यारौहन्त्यभिपूर्वं त्र्यहा
 भवन्त्यभिपूर्वमेव सुवर्गं लोकमभ्यारौहन्ति
 बृहद्रथंतराभ्यां यन्तीयं वाव रथंतरमसौ बृहदाभ्यामेव यन्त्यथो अनयोरिव
 प्रति तिष्ठन्त्येते वै यज्ञस्याञ्जसायनी स्नुती ताभ्यामेव सुवर्गं लोकं यन्ति
 पराञ्चो वा एते सुवर्गं लोकमभ्यारौहन्ति ये पराचरूयहानुपयन्ति
 प्रत्यङ्त्र्यहो भवति प्रत्यवरूढ्या अथो प्रतिष्ठित्या
 उभयौर्लोकयोर्ऋद्ध्वोत्तिष्ठन्ति द्वात्रिंशदेतास्तासां
 यास्त्रिंशत्त्रिंशदक्षरा विराडन्नं विराड्विराजैवान्नाद्यमव रुन्धते ये द्वे
 अहोरात्रे एव ते उभाभ्यां रूपाभ्यां सुवर्गं लोकं यन्त्य तिरात्रावभितौ
 भवतः परिगृहीत्यै ॥४॥

द्वे वाव देवसुत्रे द्वादशाहश्चैव त्रयस्त्रिंशदहश्च
 य एवं विद्वांसस्त्रयस्त्रिंशदहमासते साक्षादेव देवता अभ्यारौहन्ति
 यथा खलु वै श्रेयानभ्यारूढः कामयते तथा करोति यद्यवविध्यति
 पापीयान्भवति यदि नावविध्यति सदृश्य एवं
 विद्वांसस्त्रयस्त्रिंशदहमासते वि पाप्मना भ्रातृव्येणावर्तन्तेऽहर्भाजो वा
 एता देवा अग्र आहरन्नहरेकोऽभजताहरेकस्ताभिवै ते प्रबाहुगार्धुवन्य एवं
 विद्वांसस्त्रयस्त्रिंशदहमासते सर्व एव प्रबाहुगृध्रुवन्ति सर्वे
 ग्रामणीयम्प्राप्नुवन्ति पञ्चाहा भवन्ति पञ्च वा ऋतवः संवत्सर ऋतुष्वेव
 संवत्सरे प्रति तिष्ठन्त्यथो पञ्चाक्षरा पङ्क्तिः पाङ्क्तौ यज्ञो यज्ञमेवाव रुन्धते
 त्रीण्याश्चिनानि भवन्ति त्रय इमे लोका एष्वेव लोकेषु प्रति तिष्ठन्त्यथो
 त्रीणि वै यज्ञस्येन्द्रियाणि तान्येवाव रुन्धते
 विश्वजिद्धवत्यन्नाद्यस्यावरुद्ध्यै सर्वपृष्ठो भवति सर्वस्याभिजित्यै वाग्वै
 द्वादशाहो यत्पुरस्ताद्द्वादशाहमुपेयुरनाप्तां वाचमुपेयुरुपदासुकैषां

वाक्स्यादुपरिष्ठाद्द्वादशाहमुप यन्त्याप्तमेव वाचमुप यन्ति
तस्मादुपरिष्ठाद्वाचा वदामोऽवान्तरं वै दशरात्रेण प्रजापतिः प्रजा असृजत्
यद्दशरात्रो भवति प्रजा एव तद्यजमानाः सृजन्त एताँ ह वा उदङ्कः
शौल्बायनः सत्त्रस्यर्द्धिमुवाच यद्दशरात्रो यद्दशरात्रो भवति सत्त्रस्यरर्द्ध्या
अथो यदेव पूर्वेष्वहःसु विलौम क्रियते तस्यैवैषा शान्तिं द्व्यनीका वा
एता रात्रयो यजमाना विश्वजित्सहातिरात्रेण पूर्वाः षोडश
सहातिरात्रेणोत्तराः षोडश य एवं विद्वाँसस्त्रयस्त्रिँशदहमासतु एषां
द्व्यनीका प्रजा जायतेऽतिरात्रावभितौ भवतुः परिगृहीत्यै ॥५॥

आदित्या अकामयन्त सुवर्गं लोकमियामेति
ते सुवर्गं लोकं न प्राजानन्न सुवर्गं लोकमायन्त एताँ
षट्त्रिँशद्वात्रमपश्यन्तमाहरन्तेनायजन्त ततो वै ते सुवर्गं
लोकम्प्राजानन्तसुवर्गं लोकमायन्त एव विद्वाँसः षट्त्रिँशद्वात्रमासते
सुवर्गमेव लोकम्प्राजानन्ति सुवर्गं लोकं यन्ति ज्योतिरतिरात्रो भवति
ज्योतिरेव पुरस्ताद्धते सुवर्गस्य लोकस्यानुख्यात्यै षड्हा भवन्ति षड्वा
ऋतव ऋतुष्वेव प्रति तिष्ठन्ति चत्वारौ भवन्ति चतस्रो दिशो दिक्ष्वेव
प्रति तिष्ठन्त्य सत्त्रं वा एतद्यदच्छन्दोमं यच्छन्दोमा भवन्ति तेन सत्त्रं
देवता एव पृष्ठैरव रुन्धते पशूञ्छन्दोमैरोजो वै वीर्यम्पृष्ठानि
पशवश्छन्दोमा ओजस्येव वीर्यं पशुषु प्रति तिष्ठन्ति षट्त्रिँशद्वात्रो
भवति षट्त्रिँशदक्षरा बृहती बार्हताः पशवो बृहत्यैव पशूनव रुन्धते
बृहती छन्दसाँ स्वाराज्यमाशनुताशनुवते स्वाराज्यं य एवं विद्वाँसः
षट्त्रिँशद्वात्रमासते सुवर्गमेव लोकं यन्त्यतिरात्रावभितौ भवतुः
सुवर्गस्य लोकस्य परिगृहीत्यै ॥६॥

वसिष्ठो हतपुत्रोऽकामयत विन्देयं प्रजामभि सौदासान्भवेयमिति स
एतमेकस्मान्नपञ्चाशमपश्यन्तमाहरन्तेनायजत् ततो वै सोऽविन्दत प्रजामभि
सौदासान्भवद्य एवं विद्वाँस एकस्मान्नपञ्चाशमासते विन्दन्तै प्रजामभि
भ्रातृव्यान्भवन्ति त्रयस्त्रिवृतोऽग्निष्टोमा भवन्ति वज्रस्यैव मुखँ सँ

श्यन्ति दशं पञ्चदशा भवन्ति पञ्चदशो वज्रो ।१। वज्रमेव भ्रातृव्येभ्यः प्र
 हरन्ति षोडशिमदशममहर्भवति वज्र एव वीर्यं दधति द्वादश सप्तदशा
 भवन्त्यन्नाद्यस्यावरुद्ध्या अथो प्रैव तैर्जायन्ते पृष्ठयः षडहो भवति षड्वा
 ऋतवः षट्पृष्ठानि पृष्ठैरेवर्तूनन्वारौहन्त्यृतुभिः संवत्सरं ते संवत्सर एव
 प्रति तिष्ठन्ति द्वादशैकविंशा भवन्ति प्रतिष्ठित्या अथो रुचमेवात्मन्दधते
 ब्रह्मः षोडशिनो भवन्ति विजित्यै षडाश्विनानि भवन्ति षड्वा ऋतव
 ऋतुष्वेव प्रति तिष्ठन्त्यु नातिरिक्ता वा एता रात्रय ऊनास्तद्यदेकस्यै न
 पञ्चाशदतिरिक्तास्तद्यद्वयसीरष्टाचत्वारिंशत ऊनाश्च खलु वा
 अतिरिक्ताश्च प्रजापतिः प्राजायत ये प्रजाकामाः पशुकामाः स्युस्त एता
 आसीरन्यैव जायन्ते प्रजया पशुभिर्वैराजो वा एष यज्ञो
 यदेकस्मान्नपञ्चाशो य एवं विद्वांसं एकस्मान्नपञ्चाशमासते विराजमेव
 गच्छन्त्यन्नादा भवन्त्यतिरात्रावभितौ भवतोऽन्नाद्यस्य परिगृहीत्यै ॥७॥

संवत्सराय दीक्षिष्यमाणा एकाष्टकायां दीक्षेत्रेषा वै संवत्सरस्य पत्नी
 यदेकाष्टकैतस्यां वा एष एतां रात्रिं वसति साक्षादेव संवत्सरमारभ्य
 दीक्षन्त आर्तुं वा एते संवत्सरस्याभि दीक्षन्ते य एकाष्टकायां
 दीक्षन्तेऽन्तनामानावृतू भवतो व्यस्तं वा एते संवत्सरस्याभि दीक्षन्ते य
 एकाष्टकायां दीक्षन्तेऽन्तनामानावृतू भवतः फल्गुनीपूर्णमासे दीक्षेन्मुखं
 वा एतत्संवत्सरस्य यत्फल्गुनीपूर्णमासो मुखत एव संवत्सरमारभ्य
 दीक्षन्ते तस्यैकैव निर्या यत्साम्मेध्ये विषूवान्त्सम्पद्यते चित्रापूर्णमासे
 दीक्षेन्मुखं वा एतत्संवत्सरस्य यच्चित्रापूर्णमासो मुखत एव
 संवत्सरमारभ्य दीक्षन्ते तस्य न का च न निर्या भवति चतुरहे
 पुरस्तात्पौर्णमास्यै दीक्षेन्तेषामेकाष्टकायां क्रयः सम्पद्यते तेनैकाष्टकां न
 चम्बट्कुर्वन्ति तेषां पूर्वपक्षे सुत्या सम्पद्यते पूर्वपक्षमासा अभि
 सम्पद्यन्ते ते पूर्वपक्ष उत्तिष्ठन्ति तानुत्तिष्ठत ओषधयो
 वनस्पतयोऽनुत्तिष्ठन्ति तान्कल्याणी कीर्तिरनूत्तिष्ठत्यरात्सुरिमे यजमाना
 इति तदनु सर्वे राधुवन्ति ॥८॥

सुवर्गं वा एते लोकं यन्ति ये सत्त्रमुपयन्त्यभीन्धत एव दीक्षाभिरात्मानं
 श्रपयन्त उपसद्भिर्द्वाभ्यां लोमाव द्यन्ति द्वाभ्यां त्वचं
 द्वाभ्यामसृद्द्वाभ्याम्मांसं द्वाभ्यामस्थि द्वाभ्याम्मज्जानमात्मदक्षिणं वै
 सत्त्रमात्मानमेव दक्षिणां नीत्वा सुवर्गं लोकं यन्ति शिखामनु प्र वपन्त
 ऋद्ध्या अथो रघीयांसः सुवर्गं लोकमयामेति ॥६॥

ब्रह्मवादिनो वदन्त्यतिरात्रः परमो यज्ञक्रतूनां कस्मात्तम्प्रथममुप
 यन्तीत्येतद्वा अग्निष्टोमम्प्रथममुप यन्त्यथोक्थ्यमथ
 षोडशिनमथातिरात्रमनुपूर्वमेवैतद्यज्ञक्रतूनुपेत्य तानालभ्य परिगृह्य
 सोममेवैतत्पिबन्त आसते ज्योतिष्टोमम्प्रथममुप यन्ति ज्योतिष्टोमो वै
 स्तोमानाम्मुखं मुखत एव स्तोमान्प्र युञ्जते ते सस्तुता विराजमभि
 सम्पद्यन्ते द्वे चर्चावति रिच्येते एकया गौरतिरिक्त एकयार्यूनः सुवर्गो वै
 लोको ज्योतिरूग्विराट्सुवर्गमेव तेन लोकं यन्ति रथंतरं दिवा भवति
 रथंतरं नक्तमित्याहुर्ब्रह्मवादिनः केन तदजामीति सौभरं तृतीयसवने
 ब्रह्मसामम्बृहत्तन्मध्यतो दधति विधृत्यै तेनाजामि ॥१०॥

ज्योतिष्टोमम्प्रथममुप यन्त्यस्मिन्नेव तेन लोके प्रति तिष्ठन्ति गोष्ठोमं
 द्वितीयमुप यन्त्यन्तरिक्ष एव तेन प्रति तिष्ठन्त्यायुष्टोमं तृतीयमुप
 यन्त्यमुष्मिन्नेव तेन लोके प्रति तिष्ठन्तीयं वाव ज्योतिरन्तरिक्षं
 गौरसावायुयदेतान्स्तोमानुपयन्त्येष्वेव तल्लोकेषु सत्त्रिणः प्रतितिष्ठन्तो
 यन्ति ते सस्तुता विराजमभि सम्पद्यन्ते द्वे चर्चावति रिच्येते एकया
 गौरतिरिक्त एकयार्यूनः सुवर्गो वै लोको ज्योतिरूग्विराट्सुवर्गमेवाव
 रुन्धते ते न क्षुधार्तिमार्च्छन्त्यक्षौधुका भवन्ति क्षुत्सम्बाधा इव हि
 सत्त्रिणोऽग्निष्टोमावभितः प्रधी तावुक्थ्या मध्ये नभ्यं तत्तदेतत्परियदैवचक्रं
 यदेतेन ।२। षडहेन यन्ति देवचक्रमेव समारोहन्त्यरिष्ट्यै ते स्वस्ति
 समश्नुवते षडहेन यन्ति षड्वा ऋतव ऋतुष्वेव प्रति तिष्ठन्त्युभयतो
 ज्योतिषा यन्त्युभयत एव सुवर्गे लोके प्रतितिष्ठन्तो यन्ति
 द्वौ षडहौ भवतस्तानि द्वादशाहानि सम्पद्यन्ते द्वादशो वै पुरुषो द्वे सक्थ्यौ

द्वौ ब्राह्म आत्मा च शिरश्च चत्वार्यङ्गानि स्तनौ द्वादशौ तत्पुरुषमनु
 पर्यावर्तन्ते त्रयः षडहा भवन्ति तान्यष्टादशाहानि सम्पद्यन्ते नवान्यानि
 नवान्यानि नव वै पुरुषे प्राणास्तत्प्राणाननु पर्यावर्तन्ते चत्वारः षडहा
 भवन्ति तानि चतुर्विंशतिरहानि सं पद्यन्ते चतुर्विंशतिरर्धमासाः
 संवत्सरस्तत्संवत्सरमनु पर्यावर्तन्तेऽप्रतिष्ठितः संवत्सर इति खलु वा
 आहुर्वर्षीयान्प्रतिष्ठाया इत्येतावद्वै संवत्सरस्य ब्राह्मणं यावन्मासो
 मासिमास्येव प्रतितिष्ठन्तो यन्ति ॥११॥

मेषस्त्वा पचतैरवतु लोहितग्रीवश्छागैः शल्मलिर्वृद्ध्यां पूर्णो ब्रह्मणा
 प्लक्षो मेधेन न्यग्रोधश्चमसै रुदुम्बर ऊर्जा गायत्री
 छन्दोभि स्त्रिवृत्स्तोमैरवन्तीः स्थावन्तीस्त्वावन्तु प्रियं त्वा प्रियाणां
 वर्षिष्ठमाप्यानां निधीनां त्वा निधिपतिं हवामहे वसो मम ॥१२॥

कूप्याभ्यः स्वाहा कूल्याभ्यः स्वाहा विक्र्याभ्यः स्वाहावृट्याभ्यः
 स्वाहा खन्याभ्यः स्वाहा हद्याभ्यः स्वाहा सूद्याभ्यः स्वाहा सरस्याभ्यः
 स्वाहा वैशन्तीभ्यः स्वाहा पल्वल्याभ्यः स्वाहा वर्ष्याभ्यः
 स्वाहावर्ष्याभ्यः स्वाहा ह्यादुनीभ्यः स्वाहा पृष्वाभ्यः स्वाहा
 स्यन्दमानाभ्यः स्वाहा स्थावराभ्यः स्वाहा नादेयीभ्यः स्वाहा
 सैन्धवीभ्यः स्वाहा समुद्रियाभ्यः स्वाहा सर्वाभ्यः स्वाहा ॥१३॥

अद्भ्यः स्वाहा वहन्तीभ्यः स्वाहा परिवहन्तीभ्यः स्वाहा समन्तं वहन्तीभ्यः
 स्वाहा शीघ्रं वहन्तीभ्यः स्वाहा
 शीघ्रं वहन्तीभ्यः स्वाहो ग्रं वहन्तीभ्यः स्वाहा भीमं वहन्तीभ्यः
 स्वाहाम्भौभ्यः स्वाहा नभौभ्यः स्वाहा
 महौभ्यः स्वाहा सर्वस्मै स्वाहा ॥१४॥

यो अर्वन्तुं जिघांसति तमभ्यमीति वरुणः । पुरो मर्तः पुरः श्वा ॥
 अहं च त्वं च वृत्रहन्सम्बभूव सनिभ्य आ । अरातीवा चिदद्विवोऽनु नौ

शूर मँसतै भूद्रा इन्द्रस्य रातयः ॥
 अभि क्रत्वेन्द्र भूरधु जमन्न तै विव्यङ्गहिमानुँ रजाँसि । स्वेना हि
 वृत्रँ शर्वसा जुघन्थु न शत्रुरन्तं विविदद्युधा तै ॥१५॥

नमो राज्ञे नमो वरुणाय नमोऽश्वाय नमः प्रजापतये
 नमोऽधिपतयेऽधिपतिरस्यधिपतिम्मा कुर्वधिपतिरहम्प्रजानाम्भूयासं मां
 धैहि मयि धेह्यु पाकृताय स्वाहालब्धाय स्वाहा हुताय स्वाहा ॥१६॥

मयोभूर्वातौ अभि वातूस्त्रा ऊर्जस्वतीरोषधीरा रिशन्ताम् ।
 पीवस्वतीर्जीवधन्याः पिबन्त्ववसाय पद्वतै रुद्र मृड ॥
 याः सरूपा विरूपा एकरूपा यासामग्निरिष्ट्या नामानि वेद । या
 अङ्गिरसस्तपसेह चक्रुस्ताभ्यः पर्जन्य महि शर्म यच्छ ॥ या देवेषु
 तनुवमैरयन्त यासाँ सोमो विश्वा रूपाणि वेद । ता अस्मभ्यम्पयसा
 पिन्वमानाः प्रजावतीरिन्द्र गोष्ठे रिरीहि ॥
 प्रजापतिर्मह्यमेता रराणो विश्वैर्देवैः पितृभिः संविदानः । शिवाः सतीरुप
 नो गोष्ठमाकृस्तासां वयम्प्रजया सँ संदेम ॥
 इह धृतिः स्वाहे ह विधृतिः स्वाहे ह रन्तिः स्वाहे ह रमतिः स्वाहा
 महीमू षु सुत्रामाणम् ॥१७॥

किँ स्विदासीत्पूर्वचित्तिः किँ स्विदासीद्बृहद्वयः । किँ
 स्विदासीत्पिशङ्गिला किँ स्विदासीत्पिलिप्पिला ॥
 द्यौरासीत्पूर्वचित्तिरश्च आसीद्बृहद्वयः ।
 रात्रिरासीत्पिशङ्गिलाविरासीत्पिलिप्पिला ॥
 कः स्विदेकाकी चरति क उँ स्विजायते पुनः । किँ स्विद्धिमस्य
 भेषजं किँ स्विदावपनम्मुहत् ॥
 सूर्य एकाकी चरति चन्द्रमा जायते पुनः । अग्निर्हिमस्य
 भेषजम्भूमिरावपनम्मुहत् ॥
 पृच्छामि त्वा परमन्तम्पृथिव्याः पृच्छामि त्वा भुवनस्य नाभिम् ।

पृच्छामि त्वा वृष्णो अश्वस्य रेतः पृच्छामि वाचः परमं व्योम ॥
 वेदिमाहुः परमन्तम्पृथिव्या यज्ञमाहुर्भुवनस्य नाभिम् । सोममाहुर्वृष्णो
 अश्वस्य रेतो ब्रह्मैव वाचः परमं व्योम ॥१८॥

अम्बे अम्बाल्यम्बिके न मा नयति कश्चन । स सस्त्यश्चकः ॥
 सुभगे काम्पीलवासिनि सुवर्गे लोके सम्प्रोणर्वाथाम् ।
 आहमजानि गर्भधमा त्वमजसि गर्भधम् ।
 तौ सह चतुरः पदः सम्प्र सारयावहै ।
 वृषा वाँ रेतोधा रेतो दधातू त्सक्थ्यौर्गृदं धैह्यञ्जिमुदञ्जिम्मन्वज । य
 स्त्रीणां जीवभोजनो य आसां बिलधावनः । प्रिय स्त्रीणामपीच्यः । य
 आसां कृष्णे लक्ष्मणि सदिगृदिम्प्रावधीत् ॥
 अम्बे अम्बाल्यम्बिके न मा यभति कश्चन । ससस्त्यश्चकः ॥
 ऊर्ध्वामैनामुच्छ्रयताद्वेणुभारं गिराविव । अथास्या मध्यमेधताँ शीते
 वाते पुनन्निव ॥
 अम्बे अम्बाल्यम्बिके न मा यभति कश्चन । ससस्त्यश्चकः ॥ यद्धरिणी
 यवमत्ति न पुष्टम्पुशु मन्यते । शूद्रा यदर्यजारा न पोषाय धनायति ॥
 अम्बे अम्बाल्यम्बिके न मा यभति कश्चन । ससस्त्यश्चकः ॥
 इयं यका शकुन्तिकाहलमिति सर्पति । आहतं गृभे पसो नि जल्गुलीति
 धारिका ॥
 अम्बे अम्बाल्यम्बिके न मा यभति कश्चन । ससस्त्यश्चकः ॥
 माता च ते पिता च तेऽग्रं वृक्षस्य रोहतः । प्र सुलामीति ते पिता गृभे
 मुष्टिमतँसयत् ॥
 दधिक्राव्णौ अकारिषं जिष्णोरश्वस्य वाजिनः ।
 सुरभि नो मुखा कर्त्तृ ण आयुँषि तारिषत् ॥
 आपो हि ष्ठा मयोभुवस्ता न ऊर्जे दधातन । महे रणाय चक्षसे ॥
 यो वः शिवर्तमो रसस्तस्य भाजयतेह नः । उशतीरिव मातरः ॥
 तस्मा अरं गमाम वो यस्य क्षयाय जिन्वथ । आपो जूनयथा च नः
 ॥१९॥

भू॒र्भुवः॑ सुव॒र्वस॑वस्त्वाऽञ्जन्तु गाय॒त्रेण॑ च्छन्द॑सा रु॒द्रास्त्वाञ्जन्तु॑ त्रैष्टु॒भेन॑
 च्छन्द॑सादित्यास्त्वाञ्जन्तु जाग॑तेन च्छन्द॑सा ॥ यद्वा॒तो अ॒पो अ॒ग्नि॒दिन्द्र॑स्य
 तनु॑र्वम्प्रियाम् । एत॑ꣳ स्तौ॒तरे॒तेन॑ प॒था पुन॑रश्च॒मा वर्त॑यासि नः ॥
 लाजी॑श्छा॒चीश्न्यशौ॑ म॒माश्म॑ ।
 यु॒व्यायै॑ गु॒व्याया॑ ए॒तद्दे॒वा अ॒न्नम॑त्तै॒तदन्न॑मद्भि॒ प्रजा॑पते ॥
 यु॒ञ्जन्ति॑ ब्र॒ध्मरु॑षं चर॑न्त॒म्परि॑ त॒स्थुषः॑ । रोच॑न्ते रोच॒ना दि॒वि ॥
 यु॒ञ्जन्त्य॑स्य॒ काम्या॑ हरी॒ विप॑क्षसा॒ रथे॑ । शो॒णा धृ॒ष्णू नृ॒वाह॑सा ॥
 के॒तुं कृ॒णव॑न्न॒केत॑वे॒ पेशौ॑ म॒र्या अपे॑शसै । स॒मुष॑द्भि॒रजा॑यथाः ॥२०॥

प्रा॒णाय॑ स्वाहा॒ व्या॒नाय॑ स्वाहा॒ पा॒नाय॑ स्वाहा॒ स्राव॑भ्यः स्वाहा॒
 संता॑नेभ्यः स्वाहा॒ परि॑संतानेभ्यः स्वाहा॒ पर्व॑भ्यः स्वाहा॒ संधा॑नेभ्यः
 स्वाहा॒ शरी॑रिभ्यः स्वाहा॒
 य॒ज्ञाय॑ स्वाहा॒ दक्षि॑णाभ्यः स्वाहा॒ सुव॑र्गाय॒ स्वाहा॑
 लो॒काय॑ स्वाहा॒ सर्व॑स्मै स्वाहा ॥२१॥

सि॒ताय॑ स्वाहा॒ सि॒ताय॑ स्वाहा॒ भि॒हिता॑य॒ स्वाहा॑ न॒भिहि॑ताय॒ स्वाहा॑ यु॒क्ताय॑
 स्वाहा॒ यु॒क्ताय॑ स्वाहा॒ सु॒यु॒क्ताय॑ स्वाहा॒ द्यु॒क्ताय॑ स्वाहा॒ वि॒मु॒क्ताय॑ स्वाहा॒
 प्र॒मु॒क्ताय॑ स्वाहा॒ व॒ञ्च॒ते स्वाहा॑ परि॒व॒ञ्च॒ते स्वाहा॑ सं॒व॒ञ्च॒ते स्वाहा॑ नुव॒ञ्च॒ते
 स्वाहा॑ द्व॒ञ्च॒ते स्वाहा॑ य॒ते स्वाहा॑
 धा॒र्व॒ते स्वाहा॑ तिष्ठ॒ते स्वाहा॑ सर्व॑स्मै स्वाहा ॥२२॥

इति सप्तमकारण्डे चतुर्थः प्रपाठकः ४

अथ सप्तमकारण्डे पञ्चमः प्रपाठकः ५

गा॒वो वा॑ ए॒तत्स॒त्रमा॑सताशृ॒ङ्गाः सु॒तीः शृ॒ङ्गाणि॑ नो जायन्ता॒ इति॑ कामे॒न
 तासां॑ दश॒ मासा॑ निष॑रणा॒ आस॑न्नथ॒ शृ॒ङ्गान्य॑जायन्त॒ ता
 उद॑तिष्ठ॒न्नरा॑त्स्मेत्यथ॒ यासां॑ नाजा॑यन्त॒ ताः
 सं॒वत्स॑रमा॒प्त्वोद॑तिष्ठ॒न्नरा॑त्स्मेति॒ यासां॑ चाजा॑यन्त॒ यासां॑ च॒ न ता
 उ॒भयी॑रुद॑तिष्ठ॒न्नरा॑त्स्मेति॒ गोस॒त्रं वै सं॒वत्स॑रो य ए॒वं वि॒द्वाꣳसः॑

संवत्सरमुपयन्त्यध्रुवन्त्येव तस्मात्तूरा वार्षिकौ मासौ पत्वा चरति
 सत्वाभिजित्ॐ ह्यस्यै तस्मात्संवत्सरसदो यत्किं च गृहे क्रियते
 तदाप्तमवरुद्धमभिजितं क्रियते समुद्रं वा एते प्र प्लवन्ते ये
 संवत्सरमुपयन्ति यो वै समुद्रस्य पारं न पश्यति न वै स तत् उदैति
 संवत्सरो वै समुद्रस्तस्यैतत्पारं यदेतिरात्रौ य एवं विद्वाँसः
 संवत्सरमुपयन्त्यनार्ता एवोदृचं गच्छन्ती यं वै पूर्वोऽतिरात्रौऽसावुत्तरो
 मनः पूर्वो वागुत्तरः प्राणः पूर्वोऽपान उत्तरः प्ररोधनम्पूर्वं उदयनमुत्तरो
 ज्योतिष्ठोमो वैश्वानरोऽतिरात्रो भवति ज्योतिरेव पुरस्ताद्दधते सुवर्गस्य
 लोकस्यानुख्यात्यै चतुर्विंशः प्रायणीयो भवति चतुर्विंशतिरर्धमासाः
 संवत्सरः प्रयन्त एव संवत्सरे प्रति तिष्ठन्ति तस्य त्रीणि च शतानि षष्टिश्च
 स्तोत्रीयास्तावतीः संवत्सरस्य रात्रय उभे एव संवत्सरस्य रूपे आप्नुवन्ति
 ते सँस्थित्या अरिष्ट्या उत्तरैरहोभिश्चरन्ति षड्हा भवन्ति षड्वा ऋतवः
 संवत्सर ऋतुष्वेव संवत्सरे प्रति तिष्ठन्ति गौश्चायुश्च मध्यतः स्तोमौ भवतः
 संवत्सरस्यैव तन्मिथुनमध्यतो दधति प्रजननाय ज्योतिरभितो भवति
 विमोचनमेव तच्छन्दाँस्येव तद्विमोकं यन्त्यथो उभयतोज्योतिषैव
 षडहेन सुवर्गं लोकं यन्ति ब्रह्मवादिनो वदन्त्यासते केन यन्तीति
 देवयानेन पथेति ब्रूयाच्छन्दाँसि वै देवयानः पन्था गायत्री त्रिष्टुब्जगती
 ज्योतिर्वै गायत्री गौस्त्रिष्टुगायुर्जगती यदेते स्तोमा भवन्ति देवयानेनैव
 ।५। तत्पथा यन्ति समानँ सामं भवति देवल्लोको वै सामं देवल्लोकादेव
 न यन्त्य न्याअन्या ऋचौ भवन्ति मनुष्यलोको वा ऋचौ
 मनुष्यलोकादेवान्यमन्यं देवल्लोकमभ्यारोहन्तो यन्त्य भिवर्तो
 ब्रह्मसामभ्वति सुवर्गस्य लोकस्याभिवर्त्या अभिजिद्धवति सुवर्गस्य
 लोकस्याभिजित्यै विश्वजिद्धवति विश्वस्य जित्यै मासिमासि पृष्ठान्युप
 यन्ति मासिमास्यतिग्राह्या गृह्यन्ते मासिमास्येव वीर्यं दधति
 मासाम्प्रतिष्ठित्या उपरिष्ठान्मासाम्पृष्ठान्युप यन्ति तस्मादुपरिष्ठादोषधयः
 फलं गृह्णन्ति ॥१॥

गावो वा एतत्सत्त्वमासताशृङ्गाः सतीः शृङ्गाणि सिषासन्तीस्तासां दश

मासा निषण्णा आसन्नथ शृङ्गाण्यजायन्त ता अब्रुवन्नरात्स्मोत्तिष्ठामाव तं
 काममरुत्स्महि येन कामेन न्यषदामेति तासामु त्वा अब्रुवन्नर्धा वा
 यावतीर्वासामहा एवेमौ द्वादशौ मासौ संवत्सरं सम्पाद्योत्तिष्ठामेति
 तासां द्वादशे मासि शृङ्गाणि प्रार्वर्तन्त श्रद्धया वाश्रद्धया वा ता इमा
 यास्तूपरा उभय्यो वाव ता आर्ध्वन्याश्च
 शृङ्गाण्यसन्वन्याश्चोर्जमवारुन्धत धौति दशसु मासूत्तिष्ठन्नधौति द्वादशसु
 य एवं वेद पुदेन खलु वा एते यन्ति विन्दति खलु वै पुदेन यन्तद्वा
 एतदृद्धमयनं तस्मादेतद्दोसनि ॥२॥

प्रथमे मासि पृष्ठान्युप यन्ति मध्यम उप यन्त्युत्तम उप यन्ति तदाहुर्या वै
 त्रिरेकस्याहं उपसीदन्ति दहं वै सापराभ्यां दोहाभ्यां दुहेऽथ कुतः सा
 धौक्ष्यते यां द्वादश कृत्वा उपसीदन्तीति संवत्सरं सम्पाद्योत्तमे मासि
 सकृत्पृष्ठान्युपैयुस्तद्यजमाना यज्ञम्पूशूनवं रुन्धते समुद्रं वा
 एतैऽनवारमपारम्प प्लवन्ते ये संवत्सरमुपयन्ति
 यद्वहद्रथंतरे अन्वर्जैर्युयथा मध्ये समुद्रस्य
 प्लवमन्वर्जैर्युस्तादृक्तदनुत्सर्गम्बहद्रथंतराभ्यामित्वा प्रतिष्ठां गच्छन्ति
 सर्वेभ्यो वै कामेभ्यः संधिर्दुहे तद्यजमानाः सर्वान्कामानवं रुन्धते ॥३॥

सामान्यं ऋचौ भवन्ति मनुष्यलोको वा ऋचौ मनुष्यलोकादेव न
 यन्त्यन्यदन्यत्सामं भवति देवलोको वै सामं
 देवलोकादेवान्यमन्यम्मनुष्यलोकम्प्रत्यवरोहन्तो यन्ति जगतीमग्र उप
 यन्ति जगतीं वै छन्दांसि प्रत्यवरोहन्त्या ग्रयणं ग्रहा बृहत्पृष्ठानि
 त्रयस्त्रिंशं स्तोमास्तस्माज्जघायांसं कनीयान्प्रत्यवरोहति वैश्वकर्मणो
 गृह्यते विश्वान्येव तेन कर्माणि यजमाना अव रुन्धत आदित्यो गृह्यत इयं
 वा अदितिरस्यामेव प्रति तिष्ठन्त्यन्योऽन्यो गृह्यते मिथुनत्वाय प्रजात्या
 अवान्तरं वै दशरात्रेण प्रजापतिः प्रजा असृजत यदशरात्रो भवति प्रजा
 एव तद्यजमानाः सृजन्त एतां ह वा उदङ्कः शौल्बायनः
 सूत्रस्यर्द्धिमुवाच यदशरात्रो यदशरात्रो भवति सूत्रस्यर्द्ध्या अथो यदेव

पूर्वेष्वहःसु विलोम क्रियते तस्यैवैषा शान्तिः ॥४॥

यदि सोमौ सँसुतौ स्याताम्महति रात्रियै प्रातरनुवाकमुपाकुर्यात्पूर्वो
वाचम्पूर्वो देवताः पूर्वश्छन्दाँसि वृङ्क्ते वृषणवतीम्प्रतिपदं
कुर्यात्प्रातःसवनादेवैषामिन्द्रं वृङ्क्तेऽथो खल्वाहुः सवनमुखेसवनमुखे
कार्येति सवनमुखात्सवनमुखादेवैषामिन्द्रं वृङ्क्ते संवेशायौपवेशाय
गायत्रियास्त्रिष्टुभो जगत्या अनुष्टुभः पङ्क्त्या अभिभूत्यै स्वाहा छन्दाँसि
वै संवेश उपवेशश्छन्दोभिरेवैषां छन्दाँसि वृङ्क्ते सजनीयँ शस्यं
विहव्यँ शस्यमगस्त्यस्य कयाशुभीयँ शस्यमेतावद्वा अस्ति
यावदेतद्यावदेवास्ति तदैषां वृङ्क्ते यदि प्रातःसवने कलशो दीर्येत
वैष्णवीषु शिपिविष्टवतीषु स्तुवीरन्यद्वै यज्ञस्यातिरिच्यते विष्णुं
तच्छिपिविष्टमभ्यति रिच्यते
तद्विष्णुः शिपिविष्टोऽतिरिक्त एवातिरिक्तं दधात्यथो
अतिरिक्तेनैवातिरिक्तमाप्त्वाव रुन्धते यदि मध्यंदिने दीर्येत
वषट्कारनिधनँ सामं कुर्युर्वषट्कारो वै यज्ञस्य प्रतिष्ठा
प्रतिष्ठामेवैनद्गमयन्ति यदि तृतीयसवन एतदेव ॥५॥

षड्रहैर्मासान्त्सम्पाद्याहरुत्सृजन्ति षड्रहैर्हि
मासान्त्सम्पश्यन्त्यर्धमासैर्मासान्त्सम्पाद्याहरुत्सृजनत्यर्धमासैर्हि
मासान्त्सम्पश्यन्त्यमावायया मासान्त्सम्पाद्याहरुत्सृजन्त्यमावास्यया हि
मासान्त्सम्पश्यन्ति पौर्णमास्या मासान्त्सम्पाद्याहरुत्सृजन्ति पौर्णमास्या
हि मासान्त्सम्पश्यन्ति यो वै पूर्ण आसिञ्चति परा स सिञ्चति
यः पूर्णादुदचति प्राणमस्मिन्त्स दधाति यत्पौर्णमास्या
मासान्त्सम्पाद्याहरुत्सृजन्ति संवत्सरायैव तत्प्राणं दधति तदनु सत्त्रिणः
प्राणन्ति यदहर्नोत्सृजेयुर्यथा दृतिरुपेनद्धो विपतत्येवँ संवत्सरो वि
पतेदार्तिमार्च्छेयुर्यत्पौर्णमास्या मासान्त्सम्पाद्याहरुत्सृजन्ति संवत्सरायैव
तदुदानं दधति तदनु सत्त्रिण उदनन्ति
नार्तिमार्च्छन्ति पूर्णमासे वै देवानाँ सुतो यत्पौर्णमास्या

मासान्त्सम्पाद्याहुरुत्सृजन्ति देवानामेव तद्यज्ञेन यज्ञम्प्रत्यवरोहन्ति वि वा
 एतद्यज्ञं छिन्दन्ति यत्षडहसंतत् सन्तमथाहुरुत्सृजन्ति
 प्राजापत्यम्पशुमालभन्ते
 प्रजापतिः सर्वा देवता देवताभिरेव यज्ञं सं तन्वन्ति
 यन्ति वा एते सर्वनाद्येऽहुरुत्सृजन्ति तुरीयं खलु वा एतत्सर्वनं
 यत्सान्नाय्यं यत्सान्नाय्यम्भवति तेनैव सर्वनान्न यन्ति समुपहूय
 भक्षयन्त्येतत्सौमपीथा ह्येतर्हि यथायतनं वा एतेषां सर्वनुभाजौ देवता
 गच्छन्ति येऽहुरुत्सृजन्त्यनुसवनम्पुरोडाशान्निर्वपन्ति यथायतनादेव
 सर्वनुभाजौ देवता अर्च रुन्धतेऽष्टाकपालान्प्रातःसवन
 एकादशकपालान्माध्यंदिने सवने द्वादशकपालांस्तृतीयसवने
 छन्दांस्येवाप्त्वा अर्च रुन्धते वैश्वदेवं चरुं तृतीयसवने निर्वपन्ति वैश्वदेवं वै
 तृतीयसवनं तेनैव तृतीयसवनान्न यन्ति ॥६॥

उत्सृज्यां३ नोत्सृज्या३मिति मीमांसन्ते
 ब्रह्मवादिनस्तद्वाहुरुत्सृज्यमेवेत्येवावाप्तस्य यां च पौर्णमास्यां
 चोत्सृज्यमित्याहुरेते हि यज्ञं वहत इति ते त्वाव नोत्सृज्ये इत्याहुये
 अवान्तरं यज्ञभेजाते इति या प्रथमा व्यष्टका तस्यामुत्सृज्यमित्याहुष वै
 मासो विश्व इति नादिष्टमुत्सृजेयु यदादिष्टमुत्सृजेयुर्यादृशे पुनः
 पर्याप्लावे मध्ये षडहस्य सम्पद्येत षडहैर्मासान्त्सम्पाद्य
 यत्सप्तममहस्तस्मिन्नुत्सृज्येयु स्तदग्नये वसुमते पुरोडाशमष्टाकपालं
 निर्वपेयुरेन्द्रं दधीन्द्राय मरुत्वते पुरोडाशमेकादशकपालं वैश्वदेवं
 द्वादशकपालं मग्नेर्वै वसुमतः प्रातःसवनं यदग्नये वसुमते
 पुरोडाशमष्टाकपालं निर्वपन्ति देवतामेव तद्वाग्निनीं कुर्वन्ति
 सर्वनमष्टाभिरुप यन्ति यदैन्द्रं दधि भवतीन्द्रमेव तद्वाग्निधेयान्न
 च्यावयन्तीन्द्रस्य वै मरुत्वतो माध्यंदिनं सर्वनं यदिन्द्राय मरुत्वते
 पुरोडाशमेकादशकपालं निर्वपन्ति देवतामेव तद्वाग्निनीं कुर्वन्ति
 सर्वनमेकादशभिरुप यन्ति विश्वेषां वै देवानामृभुमतां तृतीयसवनं
 यद्वैश्वदेवं द्वादशकपालं निर्वपन्ति देवता एव तद्वाग्निनीः कुर्वन्ति सर्वनं

द्वादशभिरुप यन्ति प्राजापत्यम्पशुमा लभन्ते यज्ञो वै
 प्रजापतिर्यज्ञस्याननुसर्गाया भिवर्त इतः षणमासो ब्रह्मसामम्भवति ब्रह्म
 वा अभिवर्तो ब्रह्मणैव तत्सुवर्गं लोकमभिवर्तयन्तो यन्ति प्रतिकूलमिव
 हीतः सुवर्गो लोक इन्द्र क्रतुं न आ भर पिता पुत्रेभ्यो यथा ।
 शिञ्जा नो अस्मिन्पुरुहूत यामनि जीवा ज्योतिरशीमही त्यमुत आयुतां
 षणमासो ब्रह्मसामम्भवत्ययं वै लोको ज्योतिः प्रजा ज्योतिरिममेव
 तल्लोकम्पश्यन्तोऽभिवदन्त आ यन्ति ॥७॥

देवानां वा अन्तं जग्मुषामिन्द्रियं वीर्यमपाक्रामत्तत्क्रोशेनावारुन्धत
 तत्क्रोशस्य क्रोशत्वं यत्क्रोशेन चात्वालस्यान्तं स्तुवन्ति यज्ञस्यैवान्तं
 गुत्वेन्द्रियं वीर्यमव रुन्धते सत्त्रस्यद्ध्याहवनीयस्यान्तं
 स्तुवन्त्यग्निमेवोपद्रष्टारं कृत्वर्द्धिमुप यन्ति प्रजापतेर्हृदयेन हविर्धानेऽन्तः
 स्तुवन्ति प्रेमाणमेवास्य गच्छन्ति श्लोकेन पुरस्तात्सदसः
 स्तुवन्त्यनुश्लोकेन पश्चाद्यज्ञस्यैवान्तं गुत्वा श्लोकभाजौ भवन्ति
 नवभिरध्वर्युरुद्गायति नव वै पुरुषे प्राणाः प्राणानेव यजमानेषु दधाति
 सर्वा ऐन्द्रियौ भवन्ति प्राणेष्वेवेन्द्रियं दधत्य प्रतिहताभिरुद्गायति
 तस्मात्पुरुषः सर्वाण्यन्यानि शीर्ष्णोऽङ्गानि प्रत्यचति शिर एव न
 पञ्चदशं रथंतरम्भवतीन्द्रियमेवाव रुन्धते सप्तदशं बृहदन्नाद्यस्यावरुद्ध्या
 अथो प्रैव तेन जायन्त एकविंशम्भृद्रं द्विपदासु प्रतिष्ठित्यै पत्न्य उप
 गायन्ति मिथुनत्वाय प्रजात्यै प्रजापतिः प्रजा असृजत
 सौऽकामयतासामहं राज्यम्परीयामिति तासां राजनेनैव
 राज्यम्पर्यैत्तद्राजनस्य राजनत्वं यद्राजनम्भवति प्रजानामेव तद्यजमाना
 राज्यम्परि यन्ति पञ्चविंशम्भवति प्रजापतेराप्त्यै पञ्चभिस्तिष्ठन्तः स्तुवन्ति
 देवलोकमेवाभि जयन्ति पञ्चभिरासीना मनुष्यलोकमेवाभि जयन्ति दश
 सम्पद्यन्ते दशाक्षरा विराडन्नं विराड्विराजैवान्नाद्यमव रुन्धते पञ्चधा
 विनिषद्य स्तुवन्ति पञ्च दिशो दिद्वैव प्रति तिष्ठन्त्ये कैकयास्तुतया
 समारयन्ति दिग्भ्य एवान्नाद्यं सम्भरन्ति ताभिरुद्गातोद्गायति दिग्भ्य
 एवान्नाद्यं सम्भृत्य तेज आत्मन्दधते तस्मादेकः प्राणः

सर्वारियङ्गान्यवत्यथो यथा सुपर्ण उत्पतिष्यज्छरं उत्तमं कुरुत एवमेव
तद्यजमानाः प्रजानामुत्तमा भवन्त्या सन्दीमुद्गाता रोहति साम्राज्यमेव
गच्छन्ति प्लेङ्खं होता नाकस्यैव पृष्ठं रोहन्ति कूर्चावध्वर्युर्ब्रध्नस्यैव
विष्टपं गच्छन्त्येतावन्तो वै दैवल्लोकास्तेष्वेव यथापूर्वम्प्रति तिष्ठन्त्यथो
आक्रमणमेव तत्सेतुं यजमानाः कुर्वते सुवर्गस्य लोकस्य समष्टयै ॥८॥

अर्क्येण वै सहस्रशः प्रजापतिः प्रजा असृजत ताभ्य इलान्देनेरां
लूतामवारुद्ध यदर्क्यम्भवति प्रजा एव तद्यजमानाः सृजन्त इलान्दं
भवति प्रजाभ्य एव सृष्टाभ्य इरां लूतामव रुन्धते तस्माद्यां समां
सत्रं समृद्धं क्षोधुकास्तां समाम्प्रजा इषं ह्यासामूर्जमाददते यां
समां व्यृद्धमक्षोधुकास्तां समाम्प्रजा न ह्यासामिषमूर्जमाददत उत्क्रोदं
कुर्वते यथा बन्धान्मुमुक्षाना उत्क्रोदं कुर्वत एवमेव तद्यजमाना
देवबन्धान्मुमुक्षाना उत्क्रोदं कुर्वत इषमूर्जमात्मन्दधाना वाणः
शततन्तुर्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठन्त्या जिं
धावन्त्यनभिजितस्याभिजित्यै दुन्दुभीन्त्समाघ्नन्ति परमा वा एषा वाग्या
दुन्दुभौ परमामेव वाचमव रुन्धते भूमिदुन्दुभिमा घ्नन्ति यैवेमां वाक्प्रविष्टा
तामेवाव रुन्धतेऽथो इमामेव जयन्ति सर्वा वाचौ वदन्ति सर्वासां
वाचामवरुद्धया आर्द्रं चर्मन्व्यायच्छेते इन्द्रियस्यावरुद्धया अन्यः क्रोशति
प्रान्यः शंसति

य आक्रोशति पुनात्येवैनान्तस यः प्रशंसति पूतेष्वेवान्नाद्यं
दधात्यृषिकृतं च वा एते देवकृतं च पूर्वैर्मासैरव रुन्धते यद्भूतेच्छदां
सामानि भवन्त्युभयस्यावरुद्धयै यन्ति वा एते मिथुनाद्ये
संवत्सरमुपयन्त्यन्तर्वेदि मिथुनौ सम्भवतस्तेनैव मिथुनाघ्न यन्ति ॥९॥

चर्माव भिन्दन्ति पाप्मानमेवैषामव भिन्दन्ति माप रात्सीर्माति
व्यात्सीरित्याह सम्प्रत्येवैषाम्पाप्मानमव भिन्दन्त्युदकुम्भानधिनिधाय
दास्यौ मार्जालीयम्परि नृत्यन्ति पदो निघ्नतीरिदम्भुं गायन्त्यो मधु वै
देवानाम्परममन्नाद्यं परममेवान्नाद्यमव रुन्धते पदो नि घ्नन्ति महीयामेवैषु

दधति ॥१०॥

पृथिव्यै स्वाहान्तरिक्षाय स्वाहा दिवे स्वाहा सम्प्लोष्यते स्वाहा
 सम्प्लवमानाय स्वाहा सम्प्लुताय स्वाहा
 मेधायिष्यते स्वाहा मेधायुते स्वाहा मेघिताय स्वाहा मेधाय स्वाहा
 नीहाराय स्वाहा निहाकायै स्वाहा
 प्रासृचाय स्वाहा प्रचलाकायै स्वाहा विद्योतिष्यते स्वाहा विद्योतमानाय
 स्वाहा संविद्योतमानाय स्वाहा
 स्तनयिष्यते स्वाहा स्तनयते स्वाहो ग्रं स्तनयते स्वाहा वर्षिष्यते
 स्वाहा वर्षते स्वाहाभिवर्षते स्वाहा परिवर्षते स्वाहा संवर्षते
 स्वाहानुवर्षते स्वाहा
 शीकायिष्यते स्वाहा शीकायुते स्वाहा शीक्रिताय स्वाहा प्रोषिष्यते
 स्वाहा प्रुष्णते स्वाहा परिप्रुष्णते स्वाहो द्रुग्रीष्यते स्वाहो द्रुहते
 स्वाहो द्रुहीताय स्वाहा
 विप्लोष्यते स्वाहा विप्लवमानाय स्वाहा विप्लुताय स्वाहातप्स्यते
 स्वाहातपते स्वाहो ग्रमातपते स्वाहो गभ्यः स्वाहा यजुर्भ्यः स्वाहा
 सामभ्यः स्वाहाङ्गिरोभ्यः स्वाहा वेदैभ्यः स्वाहा गार्थाभ्यः स्वाहा
 नाराशंसिभ्यः स्वाहा रैर्भीभ्यः स्वाहा सर्वस्मै स्वाहा ॥११॥

दुत्वते स्वाहादुन्तकाय स्वाहा प्राणिने स्वाहाप्राणाय स्वाहा मुखवते
 स्वाहामुखाय स्वाहा नासिकवते स्वाहानासिकाय स्वाहाक्षरवते
 स्वाहानसिकाय स्वाहाकर्णिने स्वाहाकर्णकाय स्वाहा शीर्षरवते
 स्वाहाशीर्षकाय स्वाहा पृद्धते स्वाहाप्रादकाय स्वाहा प्राणते
 स्वाहा प्राणते स्वाहा वदते स्वाहावदते स्वाहा
 पश्यते स्वाहापश्यते स्वाहा शृणवते स्वाहाशृणवते स्वाहा मनस्विने
 स्वाहामनसे स्वाहा रेतस्विने स्वाहारितस्काय स्वाहा प्रजाभ्यः स्वाहा
 प्रजननाय स्वाहा लोमवते स्वाहालोमकाय स्वाहा त्वचे स्वाहात्वक्काय
 स्वाहा चर्मरवते स्वाहाचर्मकाय स्वाहा लोहितवते स्वाहालोहिताय

स्वाहा माँसुन्वते स्वाहामाँसकाय स्वाहा स्रावभ्यः स्वाहास्रावकाय
 स्वाहास्थुन्वते स्वाहानुस्थिकाय स्वाहा मज्जुन्वते स्वाहामज्जकाय
 स्वाहाङ्गिने स्वाहानुङ्गाय स्वाहात्मने स्वाहानात्मने स्वाहा सर्वस्मै
 स्वाहा ॥१२॥

कस्त्वा युनक्ति स त्वा युनक्तु विष्णुस्त्वा युनक्त्वस्य यज्ञस्यद्धर्यै मह्यँ
 संनत्या अमुष्मै कामायायुषे त्वा प्राणाय त्वापानाय त्वा व्यानाय त्वा
 व्युष्ट्यै त्वा रय्यै त्वा राधसे त्वा घोषाय त्वा पोषाय त्वाराद्धोषाय त्वा
 प्रच्युत्यै त्वा ॥१३॥

अग्र्यै गायत्राय त्रिवृते राथंतराय वासन्तायाष्टाकपाल इन्द्राय त्रैष्टुभाय
 पञ्चदशाय बार्हताय ग्रेष्मायैकादशकपालो विश्वेभ्यो देवेभ्यो जागतेभ्यः
 सप्तदशेभ्यो वैरूपेभ्यो वार्षिकेभ्यो द्वादशकपालो
 मित्रावरुणाभ्यामानुष्टुभाभ्यामेकविंशाभ्यां वैराजाभ्यां
 शारदाभ्याम्पयस्या बृहस्पतये पाङ्क्त्याय त्रिणवाय शाक्वराय हैमन्तिकाय
 चरुः सवित्र आतिच्छन्दसाय त्रयस्त्रिंशाय रैवताय शैशिराय
 द्वादशकपालोऽदित्यै विष्णुपत्न्यै चरुः अग्र्यै वैश्वानराय
 द्वादशकपालोऽनुमत्यै चरुः काय एककपालः ॥१४॥

यो वा अग्रावग्निः प्रहियते यश्च सोमो राजा तयोरिष आतिथ्यं
 यदग्नीषोमीयोऽथैष रुद्रो यश्चीयते यत्संचितेऽग्रावेतानि हवीँषि न
 निर्वपेदेष एव रुद्रोऽशान्त उपोत्थाय प्रजाम्पशून्यजमानस्याभि मन्येत
 यत्संचितेऽग्रावेतानि हवीँषि निर्वपति भागधेयेनैवैनँ शमयति नास्य
 रुद्रोऽशान्त उपोत्थाय प्रजाम्पशून्यभि मन्यते दश हवीँषि भवन्ति नव वै
 पुरुषे प्राणा नाभिर्दशमी प्राणानेव यजमाने दधात्यथो दशाक्षरा
 विराडन्नविराड्विराज्येवान्नाद्ये प्रति तिष्ठत्युतुभिर्वा एष छन्दोभिः
 स्तोमैः पृष्ठैश्चेतुर्व्य इत्याहुर्यदेतानि हवीँषि निर्वपत्युतुभिरेवैनँ छन्दोभिः
 स्तोमैः पृष्ठैश्चिनुते दिशः सुषुवाणेनाभिजित्या इत्याहुर्यदेतानि हवीँषि

निर्वपति दिशामभिजित्या एतया वा इन्द्रं देवा अयाजयन्तस्मादिन्द्रसुव
 एतया मनुम्मनुष्यास्तस्मान्मनुसुवो यथेन्द्रो देवानां यथा
 मनुर्मनुष्याणामेवम्भवति य एवं विद्वानेतयेष्ट्या यजते दिग्वतीः
 पुरोऽनुवाक्या भवन्ति सर्वासां दिशामभिजित्यै ॥१५॥

यः प्राणतो निमिषतो महित्वैक इद्राजा जगतो बभूव । य ईशै अस्य
 द्विपदश्चतुष्पदः कस्मै देवाय हविषा विधेम ॥
 उपयामगृहीतोऽसि प्रजापतये त्वा जुष्टं गृह्णामि तस्य ते द्यौर्महिमा
 नक्षत्राणि रूपमादित्यस्ते तेजस्तस्मै त्वा महिम्ने प्रजापतये स्वाहा ॥१६॥

य आत्मदा बलदा यस्य विश्व उपासते प्रशिषं यस्य देवाः । यस्य
 छायामृतं यस्य मृत्युः कस्मै देवाय हविषा विधेम ॥
 उपयामगृहीतोऽसि प्रजापतये त्वा जुष्टं गृह्णामि तस्य ते पृथिवी
 महिमौषधयो वनस्पतयो रूपमग्निस्ते तेजस्तस्मै त्वा महिम्ने प्रजापतये
 स्वाहा ॥१७॥

आ ब्रह्मन्ब्राह्मणो ब्रह्मवर्चसी जायता मास्मिन्नाष्ट्रे राजन्य इषव्यः शूरो
 महारथो जायतां दोग्ध्री धेनु वोढान्द्वा नाशुः सप्तिः पुरन्ध्रियोषा
 जिष्णू रथेष्ठाः सुभेयो युवास्य यजमानस्य वीरो जायतां निकामेनिकामे
 नः पर्जन्यो वर्षतु फलिन्यो न ओषधयः पच्यन्तां योगक्षेमो नः कल्पताम्
 ॥१८॥

आक्रान्वाजी पृथिवीमग्निं युजमकृत वाज्यर्वाक्रान्वाज्यन्तरिक्षं वायुं
 युजमकृत वाज्यर्वा द्यां वाज्याक्रंस्तु सूर्यं युजमकृत वाज्यर्वाग्निस्ते
 वाजिन्युङ्ङनु त्वारभे स्वस्ति मा सम्पारय वायुस्ते वाजिन्युङ्ङनु
 त्वारभे स्वस्ति मा सम्पारयादित्यस्ते वाजिन्युङ्ङनु त्वारभे स्वस्ति मा
 सम्पारय प्राणधृगसि प्राणम्मे दृह व्यानधृगसि व्यानं मे
 दृहा पानधृगस्यपानं मे दृह चक्षुरसि चक्षुर्मयि धेहि श्रोत्रमसि श्रोत्रं

मयि धेह्या युरस्यायुमयि धेहि ॥ १९ ॥

जज्ञि बीजं वर्षां पर्जन्यः पक्ता सस्यं सुप्पिला ओषधयः स्वधिचरणेयं
सूपसदनोऽग्निः स्वध्यक्षमन्तरिक्षं सुपावः पर्वमानः सूपस्थाना द्यौः
शिवमसौ तपन्यथापूर्वमहोरात्रे पञ्चदशिनोर्धमासा स्त्रिंशिनो मासाः
क्लृप्ता ऋतवः शान्तः संवत्सरः ॥ २० ॥

आग्नेयौऽष्टाकपालः सौम्यश्चरुः सावित्रौष्टाकपालः पौष्णश्चरुरौद्रश्चरुर्ग्रये
वैश्वानराय द्वादशकपालो मृगाखरे यदि
नागच्छेद्ग्रयेऽहोमुचेऽष्टाकपालः सौर्यम्पयो वायव्यं आज्यभागः ॥ २१ ॥

अग्रयेऽहोमुचेऽष्टाकपाल इन्द्रायाऽहोमुच एकादशकपालो
मित्रावरुणाभ्यामागोमुग्भ्याम्पयस्या वायोसावित्र आगोमुग्भ्यां
चरु रश्चिभ्यामागोमुग्भ्यां धाना मरुद्भ्य एनोमुग्भ्यः सप्तकपालो विश्वेभ्यो
देवेभ्य एनोमुग्भ्यो द्वादशकपालोऽनुमत्यै चरु रग्रये वैश्वानराय
द्वादशकपालो द्यावापृथिवीभ्यामहोमुग्भ्यां द्विकपालः ॥ २२ ॥

अग्रये समनमत्पृथिव्यै समनमद्यथाग्निः पृथिव्या समनमदेवम्मह्यम्भद्राः
संनतयः सं नमन्तु वायवे समनमदन्तरिक्षाय समनमद्यथा वायुरन्तरिक्षेण
सूर्याय समनम द्विवे समनमद्यथा सूर्यो दिवा चन्द्रमसे
समनम नक्षत्रेभ्यः समनमद्यथा चन्द्रमा नक्षत्रैर्वरुणाय समनम दृढः
समनमद्यथा वरुणोऽद्भिः साम्ने समनम दृचे समनमद्यथा सामर्चा ब्रह्मणे
समनमत्क्षत्राय समनमद्यथा ब्रह्म क्षत्रेण राज्ञे समनम द्विशे समनमद्यथा
राजा विशा रथाय समनम दक्षेभ्यः समनमद्यथा रथोऽश्वैः प्रजापतये
समनम ब्रूतेभ्यः समनमद्यथा प्रजापतिभूतैः समनमदेवम्मह्यम्भद्राः
संनतयः सं नमन्तु ॥ २३ ॥

ये ते पन्थानः सवितः पूर्व्यासौऽरेणवो वितता अन्तरिक्षे । तेभिर्नो अद्य

पृथिभिः सुगेभी रक्षा च नो अधि च देव ब्रूहि ॥
 नमोऽग्नये पृथिविक्षिते लोकस्पृते लोकमस्मै यजमानाय देहि नमो
 वायवेऽन्तरिक्षक्षिते लोकस्पृते लोकमस्मै यजमानाय देहि नमः सूर्याय
 दिविक्षिते लोकस्पृते लोकमस्मै यजमानाय देहि ॥२४॥

यो वा अश्वस्य मेध्यस्य शिरो वेद शीर्षणवान्मेध्यो भवत्युषा वा अश्वस्य
 मेध्यस्य शिरः सूर्यश्चक्षुर्वार्तः प्राणश्चन्द्रमाः श्रोत्रं दिशः पादा
 अवान्तरदिशाः पर्शवोऽहोरात्रे निमेषोऽर्धमासाः पर्वाणि मासाः
 संधानान्यृतवोऽङ्गानि संवत्सर आत्मा रश्मयः केशा नक्षत्राणि रूपं
 तारका अस्थानि नभो माँसान्योषधयो लोमानि वनस्पतयो वाला
 अग्निमुखं वैश्वानरो व्यातं समुद्र उदरमन्तरिक्षम्पायुर्द्यावापृथिवी आण्डौ
 ग्रावा शेषः सोमो रेतो यज्जञ्जभ्यते तद्वि द्योतते यद्विधूनुते तत्स्तनयति
 यन्मेहति तद्वर्षति वागेवास्य वा गहर्वा अश्वस्य जायमानस्य महिमा
 पुरस्ताज्जायते रात्रिरेनम्महिमा पश्चादनु जायत एतौ वै
 महिमानावश्वमभितः सम्बभूवतुर्हयो देवानवहदवसुरान्वाजी
 गन्धर्वानश्वो मनुष्यान्त्समुद्रो वा अश्वस्य योनिः समुद्रो बन्धुः ॥२५॥

इति सप्तमकाण्डे पञ्चमः प्रपाठकः ५

इति सप्तमं काण्डं सम्पूर्णम् ७

इति तैत्तिरीयसंहिता समाप्ता